


四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社



四庫全書存目叢書

集部
第七三冊

責任編輯：孫言誠 賀 偉

ISBN 7-5333-0615-5



EB52/030

四庫全書存目叢書·集部七三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 43.5 印張

1997 年 7 月第 1 版 1997 年 7 月第 1 次印刷

印數 1-100

ISBN 7 5333 0615-5

Z·60 集部定價：127800 圓

集部第七三冊目次

集部·別集類

崔東洲集二十卷續集十一卷(二)

〔明〕崔桐撰

中山大學圖書館藏明嘉靖二十九年曹金刻三十四年周希哲續刻本

東麓遺稿十卷

〔明〕汪佃撰

南京圖書館藏明刻本

青湖先生文集十四卷首一卷末一卷

〔明〕汪應軫撰

首都圖書館藏清同治十一年廣州刻本

紫峰陳先生文集十三卷首一卷

〔明〕陳琛撰

福建師範大學圖書館藏清乾隆三十三年刻五十四年增刻光緒十七年補修本

西玄詩集一卷

〔明〕馬汝驥撰

原北平圖書館藏明嘉靖刻本

一

一三六

三二九

四七七

六五四

崔東洲集二十卷續集十一

卷(二)

〔明〕崔桐撰

中山大學圖書館藏明嘉靖二十九年

曹金刻三十四年周希哲續刻本

附《四庫全書總目·東洲集二

十卷續集十卷》提要

崔東洲集卷之十三

維揚崔桐撰

序二十四篇

送少宰王兩洲北上序

兩洲王公以南圻大理卿登北曹少宰瀕行列卿群僚醴錢祖左悵莫能留也有戀戀之懷焉僉以贈言謁桐桐於兩洲嘗周旋閩省有舊好也故不憚以不腆之辭瀆諸下從事曰公其適行也哉君子之有志於天下者寧勤公以後私無昵近以迷遠公之留也益在友生功在南土公之行也益在朝廷功在天下况銓衡為治道要樞輿替彼倭是故庶績之凝存乎百工安民之績存乎知人得其人則公路日清而天工熙失其人則清序日穢而邦極蹙公之斯擢也其天下之慶矣乎公善人也桐敢以盡言告今之為世道計者必曰邊警之當懼也水利之當講也公儲之當實也均政之當脩也五聽之當慎也群囂之當防也祀事之當明也冗費之當節也斯向未為失計也而有先務焉傳曰克以不得舜為已憂舜以不得禹皋陶為已憂急先務也公曰典銓司著有藻識天下人才某也賢某也不肖天下百務某也職之為克舉

某也職之爲不任殆孰籌於胷中矣乎是所以甄能計長徇望實俾野無沉器朝無覆餗者公之能事也以平生之定筭而大有施於今日則以天下才辦天下事翊平宸衡茂贊邦謨者不在茲乎抑公嘗膺罔命則生息蕃登秩宗則神人悅宣藩政則民本實都撫治則陝洛寧總太官則供奉時督江防則海寇殄晉廷尉則民不寃是百工之司已試之績咸公所身親焉者故曰爲政在人取人以身其公之謂夫其公之謂夫僉曰子誠知言也吾輩可以別公矣

送張尚里考最北上序

東洲集卷之十三

二

尚里張君以才御史奉憲既三載制當考績天曹奏成于天子瀕行諸院僚以贈言屬予予謂名實心跡之判又矣上以實求下以名應跡以名顯心以實遠今之所謂考績者其諸異乎古也是故考績之爲別有二焉責萃而若虛功崇而弗有簡策莫達其悃幅權衡未盡其鑑銖者忠也竄端諱真示拙傍巧立邪於正倚私於公者詐也贈言之爲別亦有二焉有見而屬言因感而紆情清風慰懷白玉昭德者誼也美溢於譽調生於援影響於耳聞飛騰於口說者誕也乃尚里君之素余既得之矣日君之司教南平東

衡東藩也余時供奉詞林實閱其鄉錄矣士得薦而文大雅蔚蔚乎以爲有藻鑑焉既余代匱北雍邇稽舊勸迺知君之分教六館也傳經嚴範洋洋乎有留聲焉頃余南遷留都日接光儀稔知君之監兩關視諸倉督江防折獄弭盜砥節堅操藉藉乎有芳稱焉乃今考績之行也謂非以實而不以名在心而不在跡乎余之爲斯言也無亦見跡而緣心非徇名而廢實矣乎

明天子綜核名實黜陟幽明爵祿不吝於大忠斧鉞不免於大詐赫赫有臨殆日照而雷厲也懋嘉之典

東洲集卷之十三

三

舍若人其誰崇之雖然斯固已試之效也今天下民痛於力屈帑縮於財殫兵歎於充虛虜騎於習勝天示變而欲脩人有言而未喻要必有所以召之者尚里君能展尺疏而達九重乎傳曰至誠而不動者未之有也宣贊風美羽翊清化誠臣之心也吾於尚里有餘望焉

送感齋沈大夫考績序

余南遷留都得同年感齋沈君止惟無何感齋考鴻臚少卿三載績當北上余爲戀戀焉留都列卿羣僚咸難其行燭光祿王大夫涵峯告余以贈言請涵峯

感齋門生也其詞曰先生以名進上策仕則曹棘棘秉憲輸乎不阿既倅黃霸再守隨霍動有治跡爲諸州民所歸德既長史涇藩執道義爲輔翊天子以爲賢用薦者陟今職加四品服於今凡三年矣以先生之才之操峻登顯庸騰翥要津亦未爲浮也而若是其鉅豈所以勸德有功也哉先生不以利回不以屈阻抱直履貞愉侃侃殆裕如也斯不爲有道矣乎茲行其何以章之余曰邪正存乎人通晦遭乎遇憂樂驗乎器惟感齋之抱直履貞此所以鉅難入也使感齋而風靡波馳安知其不峻登顯庸耶抑安知感齋之滯於登庸適所以爲峻顯耶景公有馬千駟李氏富於展禽而夷齊歌首陽之薇仲尼困陳蔡之粟夫夷齊仲尼之德豈出於景公李氏之下哉通非智得晦非愚失命也然而夷齊仲尼之名亦未嘗不居於諸侯大夫之上者理也人惟以富貴爲已物也來則爲吾得去則爲吾失得之安得而不樂失之安得而不憂夫苟以爲外物也則得之吾未嘗得焉失之吾未嘗失焉何有於樂何有於憂此感齋之所以裕如也今天子信賞必罰進賢遠奸炳炳乎天監在茲也感齋名在時望績重當衡不嘉之典顧

安知其不中錫於將來乎詩曰樂只君子天子葵之又曰樂只君子福祿申之吾當載歌以爲祖進獻

送少司徒王克齋改任北曹序

王公克齋之任少司徒也夙夜懃慎展布維新

天子簡其賢尋改貳北曹列卿諸僚既修爲詞章以贈攝部事直齋居公泊曹司羣屬難克齋之別也復以別言屬於桐桐於克齋爲兩同年爰慕古久惓戀咸規之義奏章祖筵而告之曰我國家師古建官六曹分職迺首序吏戶者何大都自昔帝王所以熙化裕民之道亦曰用人理財而已矣以理財之責而

畀之惟人其艱矣哉夫所謂理財者非利夫財也將以公財也今天下之財征於秋稅於夏山之採海之煮鑪冶有額商廩有課蠶桑所出機杼所成畢有成制取之非不周也乃今百冗稱縮三陲告虛者何無乃有蠹之者乎吾嘗聞之矣功伐喜則財蠹無益作則財蠹肉食允則財蠹奪則財蠹蝕則財蠹蠹又嘗聞之矣太古之世財在山淵盛古之世財在閭閻中古之世財在公帑叔季之世財在巨滑是故羣蠹之中巨滑爲劇自庀之中邊陲爲急志在天下國家者能無爲熟念矣乎是故政和惟公事濟惟任

克齋茲行以可以得爲者甚諸已不可以得爲者論諸天子以翼翼於南者據惻於北以悚悚於始者無咎於終則所以佐成解恤阜財之休也不將繼南熏而載歌矣乎僉曰公日簞仕吉安蒞憲臬忼懽之氓未有後思既入陟光祿府問命登大常動有治迹中丞江右深仁豐澤婦孺爲知名焉國計之司殆素履之往也請授之史以翊成其願

雲山祝書圖序

予過楊君夢羽見其堂懸一圖羣山糾紛凝青列秀氣含胚渾雲煙縹渺其上下蜿蜒斐疊千態萬狀而

東洲集卷之十三

六

羣山若沉若浮若有若無若舟游瀚渤驚運八極飄飄焉盪冒豁目吾以爲得一奇觀焉回顧夢羽若有鬱鬱焉者問之曰儀老母明年壽七十矣儀以薄遊而此也歌陟岵則于役興懷望白雲則梁公愧心斯圖之懸也雲山千里咫尺在目以爲若顧誕親顏耳予感而歎曰孝哉夢羽之爲心乎觸物見理約遠爲近存無於有昭心以迹固孝子之至情乎且吾爲子頌之根溟濛中紫青宅五城家十樓麟洲爲畝王樹爲材與天地相終始者山之靈乎噓而生吸而飲曳而練綵垂而珮環朝迎星君暮馭王母散而不離斷

而常合與山相終始者雲之靈乎即是以祝母氏可以紓予懷乎曰可矣恨不能躬奉是圖爲膝下祝也願爲儀廣之予曰夫山含澤布氣德協五神有母道焉夫雲山澤通氣觸自膚寸有子道焉故其類也恒相依山靜物也其居也不易方雲動物也其出入每無常布濩流行霖雨天下果栖栖於一卷之石乎吾子其懋焉俾常而著卿雲之望變而蘇天下之暘固雲之慶也而非山之德乎夢羽曰子有以進我矣願登斯言於圖願歸以壽母且慰母心

送鄭豐湖少參廣西序

東洲集卷之十三

七

鄭豐湖以湖泉僉憲陟廣西少參東洲崔子語諸客曰豐湖茲行其克官矣乎廣藩之氓其麻矣乎客未達曰其人也望其政也達其上宜客質以故曰吾見大夫之器閤以受大夫之資雅以飭大夫之學典以淵大夫之才軼以貞安得而無望大夫筮仕東平也啓敦淳漓青衿有造兩秉文衡也川蜀留都按無遺良既召拜御史觀風河東陝洮問紆痺有聲爲諸道最僉憲楚臬紆劇讞幸其政肅如也安得而非達夫八桂之壤實比大夫產得其俗舊矣利無庸諮病無庸察綠情以修度因風以明教安得而不宜夫望

則施也信信斯從達則出也時時斯流宜則被也安
安斯久民之祿也大夫其克官也哉客以語大夫大
夫不居也以請益於東洲子東洲子曰詩有之鹿鳴
篇曰我有嘉賓德音孔昭古人之望也而其視民也
在不怵然民篇曰天子是若明命使賦古人之達也
而其立本也在翼翼崇高篇曰周邦咸喜戎有良翰
古人之宜也而其感召也在惠直斯固大夫之已試
而效焉者奚患其不令終泉泉坡周公輩以余爲
知言請叙之以翊大夫於成

送司空朴庵章公使郢北還序

東洲集卷之十三

八

夫天下士不難於有軼世之名而難於有軼世之實
夫君子豈不屑於有聞也哉獨惡夫炳炳者或病於
其實焉耳有人焉槩獲其修沉潛其負古心樸貌耻
爲周容乘夫人若不足核之跡則有餘是殆時俗子
以爲易易者而君子顧有取焉謂其可以責成效而
振世濟也朴庵司空將重 命有事於顯陵時方旱
賊降毒民鮮嘉生在官稽則急 君命在裕政則先
民隱厥責亦艱矣公至告諸藩臬百司曰吾茲行所
以欽鄰 聖孝也重保釐以式敷休德 獻天子之
初心也拂民以還謂 聖孝何吾儕將無務寬德以

左右元元矣乎於是乎節供億已進責紆靡費掩露
雖藥疫癘苟可以加於民必實力焉若慈母之於赤
子然民亦謂公爲父母也諸所疾苦咸赴訴焉無不
若其情者悉黎倚之殆欣欣就役無或攜也既又告
諸藩臬百司曰吾茲行將以報 獻先帝也沓沓從
事以遐棄爾司非 天子之心也祇若休命吾儕可
以紓是責乎於是乎升望降觀鳩材會工裒虛約有
懲懦作佚和邇風遠遑遑焉若能子之幹蠱民亦知
公之勤夫公也咸輸力焉比期歲而工克濟靡有怨
詛也入春公將過歸報 天子鎮巡諸公屬諸司而
相告曰用弗以德不可謂名德弗有功不可謂實貌
濟而言置此羸氏所以不實夫陽處父也公之名越
在海內舊矣茲有事吾土也無怙賢無專譽無選事
無惕威言不讐動必經厥辟克佐厥師克宅是不可
能也是之謂濟有用而振世濟者也惡可以泯焉而
無頌於是乎修爲詞章以歌之謂桐以愚直受知於
公俾撫厥實以叙之將以趨公之令名非徒曰惜別
爲也

送宗伯介溪嚴公使郢北上序

介翁宗伯將重 命蒞郢備物 陵寢禮昭祝成歸

報 天子惟藩惟臬圖諸君子導鴻渚之義喜公之來而惜其去也相率送別江之潯公曰古人惜別重在德言諸君子何以贈勸我藩臬圖咸退焉讓曰吾屬何能為言哉公之來也拜瞻之下嘗獲觀朝紳餞贈諸篇矣讀元匡官廡述九卿之拜祝相與矍焉告曰厥訓棘棘百職備萃使有責矣唯難乃爾哉繼讀亭庵宗伯二難之贊佐愕焉告曰厥音洋洋先公後私使有體矣唯難乃爾哉讀儼山司成王道之期矯亭宮論大用之下撫焉告曰厥義繹繹體化召順使有繫矣唯難乃爾哉至讀群彥之歌章寄情結念

東洲集卷之三

十

宣寵勗成允德音也欽焉告曰厥緒欽欽情義悉至使在輿望矣唯難乃爾哉既見公之御事也觸暑馳驅無告勞焉重冊珍翼儼若臨焉啓藏貯親誠合義焉齋肅真告慎有終焉供億遜謝憫時艱焉弗倦諮誼通民瘼焉垂察以歸安約素焉則又相與誼焉誦曰使職之克盡有是哉殆夫人所難矣而公其易之也哉夫大臣也者事君以道已爾道也者聚百美於其身已爾是故勤以集之敬以宣之誠以基之恪以守之儉以節之謙以受之廉以靖之凡以為君亦為民也猗公其有之矣斯役也式昭 鴻典式和神人

式宣度數式稱報恩使道之備也斯役也外之克範百司內之克恭朝望下之克裕群生上之克慰天子使之道其成矣吾屬何能為言哉公曰吾何修以任此惟諸君子其終愛焉於是中丞南岡朱公省吾林公代巡雪臬唐公咸賦詩唱之藩臬圖後為詞章和之桐從諸君後當執楮墨役授簡叙之咸願公之懋厥終而翊 天子以達孝也

送桐山李司諫使郢北上序

郢之役營 獻皇帝陵寢也桐山李司諫實監之逾年而功克成所以佐 天子之孝也茲役也舉重費

東洲集卷之三

十一

劇歲且弗毅夫舉重在克慎費劇在事集因之以時歎在惠綏克慎難矣而事授百工易斂也事集難矣而牒受諸侯易室也惠綏難矣而效責疲黎易矣也司諫士躬以清肅說以勸激紆以撫摩祝以節約籌作庀材程效授期靡有失墮於是乎布和遐邇協猷工司功無愆素君有多勞焉濱行撫鎮巡諸君子難其去曰吾失所麗澤藩臬圖諸君子難其去曰吾何所規式百執事氓庶難其去曰吾無所庇倚桐廬進而爵君曰桐山其行矣乎夫桐山今此之麗澤一藩之長也之規式一藩之寮也之庇倚一藩之庶也

夫諫官上之奉法以翊 天子次之守法以諍宰輔
次之公法以震百寮天下之望也桐山今此之後去
國家濶不識朝廷政事當匡翼凡幾將順凡幾天下
人才當汲引凡幾擯斥凡幾吾民利病當與凡幾當
革凡幾皆桐山所憂所責者也桐山其行矣乎歸以
一藩之憂且責者告君相亟以天下之憂且責者補
遺闕是特萬世夫 聖天子之孝也桐山以余言爲
然浩然攬轡而去

送劉養忠少參東藩序

麻城劉君養忠宦游兩都太宰白岩公司馬蔣溪公

東洲集卷之十三

七

咸器重之茲以司馬郎陟山東少參偕其友姚舜卿
輩過予質所以參藩之道余曰夫政已訓在先王矣
舜咨十有二牧曰食哉惟時桑遠能邇惇德允元而
難壬人今之司藩者非古之群牧與而舜之所咨在
安民在知人固不得爲當世君臣私也今之求安民
者在守令求知人者在監察夫守令之秩下其司監
下則制而弗專監則限而弗流監察之地亢其任暫
亢則嚴而不親暫則施而復收秩尊而責重統廣而
任久者其藩司矣乎重可以專流無所限易親之嚴
不改之施其藩司之得以庇斯民者乎古之稱地廣

者莫如青冀方今藩輔圻甸疆比勢倚不特爲股肱
而已也而東人之子已告勞矣養忠思所以掄長貳
而撫綏之矣乎雖然摘發之明欺於姦言貌之察中
於諛會斂之能淪於甚暴白之庶易於玷爬搔之愛
終於怠旦暮之功泥於遠此治效之莫古若者未謂
無所召也是故以公爲明則淑慝別以誠爲察則情
僞分以勤爲能則民譽升以義爲廉則幽顯一以仁
爲愛則久大昭以不息爲功則動無恬古之所謂民
牧所謂知人安民道不在茲乎養忠唯唯而去吾固
知 天子無東顧之憂也

東洲集卷之十三

七

送張嘉夫倅寧海序

吾鄉張嘉夫氏謁選天曹得寧海倅問政於東洲子
東洲子曰東牟爲海東輿壤文登之果成山召石有
秦皇漢武之遺跡焉功德之頌朱鴈之歌斯行可以
懷古而感慨也田橫五百人栖止之地有名山焉劉
會稽之故墟蘇子瞻之宦跡尚餘遺風焉斯行可以
諮故老而得其真也崑崙崑崙崑崙崑崙崑崙崑崙
之奇詭茲今昔之備觀可以飫賞而朝夕也嘉夫曰
仰高臨深達人之雅尚也玩物喪志下士之易汨也
謨下士也殆將有志於民責焉夫子其何以進我東

洲子曰士病夫無志於民耳苟有志焉事可樂石物可效法樂而憂憂而樂古人之志也秦之荒漢之蕩古今之戒也子懷乎古曷思所以懲於今豈第其政而弗勤民於遠勞者息而行者止非民之父母乎久矣蠢蠢者之淪於怵淪也子能振田之義踵劉之愛廣蘇之政事文章不可以淑民心而易其俗乎登山之高則仰止而興仁臨海之深則畏溺而不玩仁且慎非司民者之旨要乎嘉夫再拜而別曰命之矣吾知所以治東牟矣

送李朝儀令蓬萊序

東洲集卷之三

古

東南佳麗以江淮爲最揚之真寶江淮大都會吾嘗泛江游金陵每偕真之彥李朝儀輩登鷄鳴探雨花俯泰淮望洋大江談焦金之備南冷之勝而詠歌終日焉真之東爲吾土江至是而益廣狼峯刀嶺鶴田料角至是而益奇蓋朝儀所未歷而予嘗狀厥槩於朝儀目中矣朝儀曰嗟乎南冷而東東洲而北環吾揚者非海邪東牟海市之品森崎嶇安得披襟散髮其際一盡夫大觀矣乎今年秋朝儀謁餘天曹會余於金臺無何得蓬萊令以行予曰疇昔之言子忘之耶東牟之勝予今擅之矣雖然君子不異其心而有

異跡不異其理而有異尚疇昔之談志也志無已則繼之以嘯歌今此之過行也行有責則重之以政事文登之衆猶夫古也唯其辱於秦漢之游也至今民以爲厲階一島一石之微猶夫古也唯其榮於田之義蘇之雅也至今民以爲名勝是地之輕重存乎其人吾子知所擇焉則蓬萊之可傳者不在銀城閬苑而在吾子矣

贈沈景和司教福安序

東洲集卷之三

古

吾丙子同年沈景和雲間之良也兩弗第于春官庚辰中乙榜制當得學職士之薄是職者羣以弗欲請景和曰凡命皆官也凡官可以報天子也吾何敢擇遂拜豐城教諭居歲餘士率厥教得師氏之學雋于鄉閭者凡九人既景和以憂去服闋謁天官改教福安福安土逃且巖壑隘湫斥或謂非所以居有道者景和欣然行無難色同年之仕于朝者數十輩以景和爲賢屬余以言贈余曰幹不與角謀等不與金錫謀廬不與函謀鏢不與劍謀器也若夫可秦可粵可燕可荆可夷可夏君子之器也是故有道者志不以絀下不以伸揚道不以遠抑不以近貞節不以難違不以夷徼時謂之大器景和之所得大矣奚擇於

其地抑聞之沃土之民逸而近貨逸則淫近貨則侈淫侈之俗教易敗土之民朴以憂朴則真憂則思真思之民教斯敦景和貌古而心確學篤而行孚若與福安之士有期焉者茲行吾固知其宜若職也它日歌譽髦而登峻塗者豈曰九人而已哉先生自此升矣諸同年喜請書以佐其行

叙三世贈言錄

余同年秋卿即暢子實始尹無錫錫人頌之圖卷盈笥子實出以示余余讀之歎曰言秀而意有圯圯之遺愛矣乎曰吾父某翁昔簿孟津祥符且攝洛陽新

東洲集卷之三

七

安政矣諸邑咸有頌也予請而讀之嘆曰言舒而重有卓魯之深思矣乎曰吾大父某翁昔領鄉薦尹陽穀陽穀亦有頌也余請而讀之嘆曰言雄而理有伯禽之流化矣乎夫言生於心贈生於愛愛生於感感生於仁於是乎見上德焉見人心焉是故圯圯之於吳卓魯之於豫伯禽之於魯德在人心者也其頌之也固宜然間世得數人焉嗣是落落矣子之祖子且孫代有茂澤地有嘉聞人有懿頌非世德之可紀者乎子實曰非華之德也父之遺也抑祖之遺也吾懼斯言之久而散闕弗傳華之後莫以訓也特輯以成

帙襲以世珍何如余慨然曰弗作弗啓弗承弗流善哉吾子之繼述也夫頌及其身者無忘其身可矣而且及其先無忘其先可矣而圖貽諸後子實之子若孫披是帙而念厥祖世厥德而人有頌焉則祖德之流將天下後世也豈曰暢氏一家之慶而已哉

送黃益光奉役還建陽序

初黃君益光得貳建陽命鄉朝紳曰益光行愿以貞學勤而醇里之良也斯行殆紉矣乎予曰仕在行道戰惟其人顧自信何如耳君貳建陽六年於茲矣建陽之來仕者問之曰賢問之其民亦曰賢士或諱於

東洲集卷之三

七

薄民或比於私尚未微也今君以職事北上厥友持所謂東陽十頌集示予予讀之跡其政坦如也考其俗恬如也占其民輯如也慨然歎曰益光果賢矣哉士有鄉曲之譽而數於官守者修之弗毅也矩度於顯庸而怠弛於迴迴者識之弗弘也弗毅之修其實詭鄉人將棄之而奚望於民弗弘之識其心携典刑將繩之而奚有於頌益光束脩於少壯宦游於暮齡若倦矣而行日篤以卓犖之姿加之以問學雖峻登可也而僅階末命境亦逆矣而寒無變在官之脩符諸鄉月旦之評徵諸民確乎其自信者也不賢而能

之乎或曰孔珪見重於靈運卒貽之羞廣人獻頌於宋璟璟以近諛辭焉益光之得於鄉且民者可繼已乎予曰珪也少璟也尊少易遷尊招諛吾信益光之終以其齒建民之情以其職耳益光喜請奉斯言以行

送熊元性平刑浙省序

吾民任疲極矣毒民者爲之也毒民之政橫橫政之心侈侈心之門貨是故上好貨而財力屈橫民典而淫褻蹈巧文深而赭衣冤繁交而叔沴作毒民者之禍也今年春唯 皇敕憲式序有位右賢紉雲以

東洲集卷五十五

六

昭明德猶懼天下之獄或弗能平以重天愆爰簡刑曹之良特衡綱苛務存矜恤疑者予民以稱爲民父母之意即中熊元性與浙役焉元性過予別予喜而告之曰夫刑出禮而由入者也禮出諸天先王奉天不敢赦亦不敢易臣子命受於君理受於天守天之法以守君法奉君之德不敢奉君之意奉乎天是以天事君也今 天子責子以平恤意則仁矣子且何如哉夫刑民之命也喜刑爲害而失刑淪之隨體情爲德而徇情撓於勢片言爲斷而自斷失之辜摘伏爲明而自明流於偏唯平則任義而無隨平政之民

恩以悅惟剛則見德而難撓剛政之民一以讐惟慎則有執而不專慎政之民從以惟惟公則得情而不偏公政之民服以勸予是之行主夫恤而吾求以全何哉寬以紓其毒猛以濟其流紓毒存乎仁濟流行乎義先王之訓也天之道也

送張德卿平刑雲貴序

比歲入和愆序災沴荐臻 聖天子有憂之廼召司寇曰無乃刑之不平有以召之乎廼出廷之良平刑四國大理副張君德卿得雲貴之役焉余恐德卿難是行也告之曰天下之與民爲休戚者惟朝廷朝廷之與民爲壽夭者惟刑刑罰之易爲喜怒者唯遠方之吏遠方之民以霄漢望 朝廷以神明望 天子以雷霆視官司即有所枉以無所諱也每阻焉以自誣拂和戾順災沴由生在昔神禹弼服立師薄海之外建長惟五時若有苗已弗即工舜咨十二牧曰柔遠能邇蓋遠方治亂之機恒倚伏焉可忽也哉是故論體者先內而後外識勢者裕末以敦本天下一身也聖人以身視天下無尺寸之膚不愛焉而奚擇於遠哉夫刑以出禮入亦以明禮仲是故先王不敢赦亦不敢易聰明忠愛本已求情也明罰勅法以義

行仁也肯災肆赦以德昭威也獨以從權以近示遠也本諸已是有體有體之政物以照仁惟義是謂能執能執之政事不擾威以德是謂無害無害之政民以紆行惟近是謂無疵無疵之政勢無奸君子屢譴大獄棘棘不阿廷中稱平四美之政具矣天子不能躬勤諸遠而以生殺之柄授之于斯行也在廷之臣咸曰是德卿之能事也雲貴之民必將曰是嘗有聲法廷具有四美者也所謂望焉而不可見謚焉而無所之者當有以慰之矣而況治亂災祥之攸繫也哉抑聞之升高者必簡健步歷遠者必任良乘

東洲集卷之十三

手

天子屬子以選壤殆健步良乘大子也其行矣哉

送安萊灣任留都光祿卿序

銀臺萊灣安君擢南圻光祿卿朝大夫曰萊灣才諳卓越宿有令聞行將借重南邦可賀也諸同年曰萊灣司諫三垣代言銀臺光陟茲秩爲同榜寵可賀也鄉士夫曰留都佳麗地也且吾土鳳臺燕巷清淮星石皆壯遊故跡萊灣錦衣畫行山水生色可賀也桐曰然是可賀也顧亦夫人之常耳予嘗修先皇帝實錄有以得萊灣矣日在諫垣廷評謬糾彈建白無慮百疏延緩之役君履虎尾卒之義不爲阻亢論

馬昂豪碩落膽此皆未白於人人者予爲撫掌而歎

曰天下之是非久而後定心迹之忠邪晦而終顯有如是夫是故唯達可以觀能惟達可以觀守惟常可以觀德唯變可以觀量萊灣之才之勤遲遲有年隨牒累秩人情謂何萊灣悠悠自裕曾不以爲滯惟厥忠良宜置股肱留都之命天顏日遠莫罄啓沃萊灣欣欣有得不以爲踈是故能見於達易守見於達難德見於常易量見於變難有守則心無競無競之心可任重有量則器以宏宏大之器可道遠吾以爲可賀者良在茲乎鄉先生北屏徐司徒輩曰大夫之

東洲集卷之十三

手

言賀以公也同年之言賀以義也鄉曲之言賀以情也吾子之言賀以心也屬桐叙之以送萊灣

壽范良沙封君序

吾揚號沃土沃且衍者實應爲最應之水亭黛蘊奇環墟抱渚可以栖遲者范光爲最予嘗道茲以比舍舟眺遠縈烟蕩景若浮若沉隱隱有亭其濱者宛在莫即意有異人焉以當斯勝問之其地爲范光良沙翁有也至京師語諸翁子春卿郎時美時美曰子得吾君子之跡邪抑心邪吾君子之言曰士當麟鳳其行勿爲世羈吾病士之詭志以有徇也惟贊天下之

貴者恒自尊餘天下之有者恒自裕吾不能多營以招憂也於是乎踐真服義田食非飲馭子若孫以墳典耘耨興至則杖屨意行主賓魚鳥世故紛華非所好也天子以韶薄勞推恩如韶秩雖則冠冕服華若初服然蓋澹於物而志夫古者與予聞而賢之以爲目所謂有異人焉者果若翁也今年翁壽登八袞有六吾鄉之仕於朝者選部姚海山輩以翁有子也且賢翁謂予言以爲壽余曰良沙翁吾得其素舊矣老子曰樂莫大於無憂富莫大於知足是故樂夫樂者樂不繼無樂而營者憂之門也足大足者足以損

壽金吾劉敬夫序

有生之倫漱流枕石龍蛇其跡者是謂草莽之民其爲習也恒見素都遠關闔之流銖營寸貿者是謂市井之民其爲習也恒紛靡蓋性隨其地也吾猶及聞

國初之民矩度其修飾乃服食耻爲周容今也不然務參以閭靡縹緲若惻而飭行若姁而詭蓋守牽於其時也吾揚古稱華封東而州者惟泰爲近朴敬夫劉翁生而醇雅敦義鮮營有如其俗既秩金吾宦京師其爲操也如其泰既老而歸泰猶懼嗣子恩之遺厥操也每書以濡跡權貴爲戒鄉居篤倫恤遠振乏急隣父而不倦其天性然與今年壽七十鄉士夫仕於朝者重其操終始不渝也屬余言以賀余曰吾嘗得之物理矣橘踰淮而枳蒲柳之姿望秋先零非以其地且時使之邪若夫松栢栢邪不增榮於山整不萎秀於城廓春冬不能寒燠料繚不能盛衰故恒壽是故德人者不肆以榮華不卑以隱約志不以形累守不以習遷毀譽不足爲欣戚用舍不足爲順逆其天全其理貞故恒壽若翁者殆松栢夫行者也吾知其壽也已

叙海門縣志

海門志故附諸州亦大較也石湖吳侯以爲闕典焉告諸庶寮曰夫志猶夫史也國而弗史其何以國邑無志焉非邑也吾責也夫邑佐姜君觀慕張君俊曰莫有翼焉孰與其成責在吾屬司教朱君衣歐陽君

果率二三子而躋侯堂曰志可以風教化闕焉曷風
貴在學校僉以穎墨之職屬諸桐桐曰鄉先生尹壽
昌有遺稿矣而弗竟責在鄙人於是乎襲故有據興
見統系昭晦剔蕪綴遺列以十綱附以羣目既而嘆
曰夫志亦難矣非摘采侈馥之難也亦非索臚紛僻
之難也而秉理御氣事該體範之難也方輿羣書也
畧夷堅志也恠吾嘗學之矣弗師也辭夸義矯者誣
反經鬻筆者疵吾嘗學之矣不得而無擇也是故吾
志疆域焉善上汨矣祗望洋耳其何文之次山水焉
邦之勝也而病焉莫得而多矣次風俗焉其先民之
遺休乎廼今之莫有恒也安得而疵之次食貨焉豐
矣乎其有舊也而非矣可以觀也次建置焉凡爲變
三矣能無感乎次禮樂焉洋洋乎盛哉古之懿典也
次官守焉昭厥良而慎厥興其嚴乎亦來者之考也
次人物焉民之紀也而權衡之月旦有評矣次古蹟
焉備厥族耳次詞翰焉國之華也吾弗欲泯焉志成
而歸諸侯侯也弗有以歸僉僉也弗有以歸桐桐曰
穎墨之勤微也倡焉翼焉功也志成而僉責糾桐藉
有與焉耳侯之歎歎爾者殆曠如也

送南元貞守保寧叙

南君元貞以禮曹郎出守巴西僚友徐君子徵華以
予貳茲曹於元貞有一日之雅也僉以贈言謁予曰
古之揚益比稱饒沃所謂財賦甲天下者二土實有
焉予揚產也自頃歲紀愆常降焊數千里民力屈矣
重以司牧者多有穢德喜諛遺直疲黎嗷嗷宿隱莫
達幾何其民命之弗貽危耶抑今之益視揚何如天
時人事視揚何如是未可知也元貞是行也將何求
哉吾以爲有三善焉曰飭已以植本曰容善以盡才
曰諮賢以達情蓋已不飭則本墮其何以訓善不容
則才闕其何以勸賢不諮則情壅其何以政元貞欲
持是三物者以周旋奚事於他求哉亦取諸近焉而
已矣吾聞古昔刺史於巴者有薛逢焉惠政洽民間
巷歌之名以子孫示世感焉前修之良也子取而師
模之則蹈軌襲芳之餘豈無鳴治而嚮風者乎聞益
昌之令有何易于焉懼妨春作引舟任勞爲崔刺史
所優容亦徃事之並美者也吾子部屬之下豈無若
人乎成其美而莫之撓焉則諛者沮而直者售王澤
有不流乎梓童景鸞著書立言不就微辟上書數陳
災異疊疊不阿殆士之隱而有志於天下者與今茲
文明熙洽之世抱冲而閑蓄者殆彬彬如也子能禮遇

而落圖之則積累痼患爲巧胥豪里之所不欲章者
不指諸掌乎明守父母乎其上賢屬分數乎其中民
情宣暢乎其下保寧之政吾見其軼今而婉古也况
嗣是而澤及天下道豈有二也哉元貞以爲何如

送火文津授職歸隱序

吾揚文津火君以太學生謁選天曹然其志尚高潔
一命之榮非所好也懇疏乞授職歸隱 天子嘉之
拜光祿署丞以歸亦優典也鄉士夫叅戎張容庵輩
雅善文津群謁於東洲崔子曰士而求名三代以下
共之施而責報中材以下之士所不能免是故入貲

東洲集卷十三

三

拜郎助邊蒙寵古片名流尚屑爲之文津晦其光而
莫之揚虛其位而無所祿非人情之恒也無乃爲李
世之士所難者乎崔子曰吾嘗聞之矣有名之名有
不名之名有實之實有似實之實飭智炫美匿巧延
聲標之則赫赫括之則憤憤是之謂名之名抱朴敦
素黜有示無槩之若不足抑之則曰揚是之謂不名
之名損已益物通變達時實則利矣究竟厥歸乃不
利而利之是之謂實之實舍以尺寸規以尋丈名則
利矣究竟厥歸乃利而利之是之謂似實之實文津
寧赴忌以利人不取効以豐已寧虛秩而苟安不徇

俗以干澤然而朝堂崇之士論遘之鄉邦榮之而風
嫖節輝輝燁燁不求名而名愈章不耀實而實自見
子大夫所謂士之所難者非邪抑聞文津生平績學
自愛務義重仁厥翁某叔儻不群克以善富斯舉也
固謂不負宿養亦庭訓有自云

賀呂母太恭人七十壽序

丙午初冬五日實呂太恭人七旬設悅之辰厥子大
夫懷健將稱觴致祝於膝下徵言於余爲恭人壽用
章恭人閭閻之素也余質之曰古有廖氏者夫婦同
壽堂標世彩閭閻爭榮恭人之壽可賀者無乃有是
乎對曰否先大夫守撫郡而盡瘁于官母氏年甫三
十笄發髮居者四十年世稱偕老之慶吾母終天之
戚也予曰三王之世太和煦燠民無愁苦天拆之患
故恒壽恭人之壽其無愁苦已乎對曰否吾父仕宦
清白寤無宛積母氏自失所天也健也尚齒齒零丁
孤苦葬死撫孤布衣蔬食者餘二十年而健始成立
是愁苦莫甚於吾母也予曰金母抱元順虛軼塵茹
紫液謠白雲以延其天年恭人抑有得於是乎對曰
否母氏秉貞守樸敦孝篤慈先大夫之平恕明刑惠
澤守郡健之績學登庸官箴是飭皆母氏所相所誨

之力也吾母氏之修惟實德是務嘔吸杳幻非所好也予曰恭人之所以壽者吾既知之矣夫壽一原諸天二修諸人原諸天者氣也修諸人者理也恭人之宜夫壽者有三焉相夫誨子嗣登顯幟豐恩懋澤所在著迹皆恭人之仁也夫仁福之基也是謂一宜壽守約履善苦心勞力冰蘖是操以終其身夫約泰之漸也是謂二宜壽克辭滌滄咀淡甘薄不汰厭饗而無瀾其素夫素道之初也是謂三宜壽德以本之天以翊之天人交孚理與氣會不盡之休裕其身以貽之後昆感應之常也嗣是耄耄之壽而減子孫之熾

張於燕喜之堂

以昌可涯也哉君子謂恭人之始亨而中入于困天所以成其德也既亨而益隆其享天所以報其成也是日也芝蘭盈庭葭萼畢集冠帔我我爛彩翩翩恭人顧之慨然而笑其樂何如哉僉請授言於史以施

崔東洲集卷之十三

崔東洲集卷之十四

序十五篇

嘉靖惟揚志序

惟揚故有志矣時淹跡改非完書也鄉大夫趙具區嘗修之矣而年不及究亦未為定論焉郡守雙橋朱君謂志事為惟揚闕典亟具白於侍御象岡胡使君蓋圖以儒術飭吏事也使君曰嗟乎揚實古名郡志而弗究可但已乎廼以成績屬郡守郡守延儒萃能公聽周庀夙夜事事無何志成馳帙致桐且徵言以東洲集卷之十四

序志桐展閱冉冉撫卷而歎曰夫志豈其徒為也哉窮俯仰以備三才綜古今以陳故實公是非以定予奪志之義也志而徒為謂之曰詭弗志可也夫志豈其易為也哉必直史以宰其異同必達才以悉其記睹必契載以極其探討志而易為謂之曰陋將焉用之夫志史之流也自昔先王之經世議制也天下有圖職方氏掌焉邦國有志小史掌焉四方有志外史掌焉凡以總於朝廷關乎政教非曰資觀美為也代沿叔季志義微矣而一二守令或用情焉通方者間以為病此其述作者難乎其已任也桐讀嘉靖惟揚

志迺知今斯之舉殆兒於爲徒爲易矣乎是志也會精盡變理器昭焉存往綴新隆替具焉題正細誣聲規植焉一邦之信史也是志也蜀岡盛大卿郡之良也實宗主之掄選之庶司文學之群彥實羽翼之邇諸二十一史踵諸寶祐遺志叅諸先儒緒論撫諸鄉達秘錄闕致而慎取之孔子謂杞宋不足徵文獻不足故也今迺知斯舉之信爲足徵也是志也大而太史得之可以備懿典小而學士得之可以資博考明有司得之可以興感慨修職守爲人臣爲人子爲人婦者得之可以思盡忠思盡孝思盡節懦者可立頑

東洲集卷之四

二

者可庶今迺知斯舉之大有裨於政教也志三十六卷凡例一卷胡使君諱植豫章人朱郡守諱懷幹歸安人盛大卿諱儀江都人羣執事諱氏具登卷端不復錄

賀獨醒王翁夫婦雙壽序

人生固有涯也登年八十者朝則杖焉家則珍食焉先王之制所以重老若是者非謂其末年者實所難耶是必老而賢者也申公子亹曰無亦謂我老耄而舍我不賢而老人將舍之乃若致客千里樂其享而嘉其難者豈謂徒老而有是耶古之人豈無夫婦偕

壽者乎稽之往載泯焉不傳無乃借賢者或鮮耶豈缺之後有梁鴻龐公焉斯固借賢者也而未知其皆壽否也獨劉宋時有朱百年者壽八十有七其室孔能讓蔡會稽之魏時人以比孟光是賢而借壽矣又未知其子孫之賢否何如也江陰獨醒王翁壽八十有一其室徐今年壽八十月二日實其誕辰仲子撫宦游留都大江之南群官於留都者咸樂翁之賢而借壽也且重其有能子也微言於余以嘉其難余曰壽則借矣賢奚徵焉群士大夫曰翁信人也嘗有以自紀矣予讀其紀首曰余無善可述而多歷年齒

東洲集卷之四

三

愧人之疑予於有德也又曰命兒輩錄予之平生以求正於有道寧忍耄而弗規也余曰嗟乎此翁之所以壽也昔衛武公年九十有五矣猶箴儆於國曰自卿以下至于師長士必恭恪於朝朝夕以交戒我後人謂之獻聖翁年八十而猶望人以規安知九十而往不若武公之求交戒耶且考其紀之槩矣先人之廬之墓不敢忘親親也喪祭冠昏之必以禮好古也葬其親而不遺慮於諸兄敬長也不敢以已之長加諸宗子尊統也捨道幣歸遺金義以應也化強暴擯淫巫厚以貞也樂雲林以教其後昆遺之安也之

數德者仁所生也而翁有之此翁之所以壽也詩稱
刑于寡妻至于兄弟安知徐之賢淑非翁有以刑之
耶且子孫之自徐出者芳蘭玉樹森如焉是翁有古
人之所難而燕古人之樂也

西津序

吾揚日省趙公 國初尚 實慶大長公主 賜第
於 帝居之側第之西有水水上有橋焉公曾孫金
吾德甫徜徉其上意與津會因自號曰西津云德甫
狎文墨喜吟詠名卿碩學咸樂爲賦西津殆成帙矣

東洲集卷之十四

四

東洲崔子南遷留都德甫奉帙以序謁東洲子曰天
下之大物水爲最天下之水江海爲最子揚產也吾
揚襟南冷負瀛海輿圖大觀也子無取焉而拘拘於
津無乃昵夫細而昧其遠矣乎德甫曰鳳也聞天潢
之水狀帝臺公卅穴抱五城其源泡泡湏湏其飲熊
能其清濈濈是浮雲漢是零沆瀣是產龍蛇金碧是
作霖潤天下視江海其汎汎也是政尊帝派者稱天
潢焉夫是津也源通御溝流繞禁籞吾君得而鄰之
若與吾所自出者有天契焉我 國家故威天造之
後種種也葉微澤漣雲仍州落宮牆燼燼者十之九

矣而吾世獨存鳳每過津而思源焉思而感感而懼
懼而省省而脩詩曰無念爾祖聿修厥德又曰庶幾
夙夜以末終譽鳳實有取焉是將昭遠非曰昵細也
東洲子曰昔孔子觀東流之水語子貢以九德而尚
蘊其源吾子能思源源非有得於聖賢未發之蘊乎
思源所以思事親也思事親所以思事君也九德之
所謂善化必東者子常有之吾今乃知日省公之所
以長世也

賀熊母榮封太夫人序

大司馬北原熊公蒞尚書任既三載矣制當北上考

東洲集卷之十四

五

成績 天子謂其曹爲留都機務要樞 詔母躬親
舉重以貤封錫蔭之典誠殊寵也列卿群僚咸爲之
喜而相告曰北原公秩崇德懋功勩報隆不煩馳赴
之勤而優荷多祐其樂矣乎桐曰計公之一身榮矣
感矣非其樂也又相告曰公有偕老之妻岐嶷之孫
焉妻儷夫階孫蒙祖庇人生之快事也斯不亦可樂
矣乎桐曰恩矣感矣非其樂也又相告曰公以已之
貴推之以大夫其父夫人其母及其祖且妣焉人情
之至願也斯不亦可樂矣乎桐曰樂矣哉古之孝子
食於君而得一肉必舍焉以遺親質於主而得一果

必懷焉以遺親况得君之豐簡美器以歸之其所生其所自出焉天下之至樂孰逾於此雖然公之樂尤有天下之至難者焉古之人有三釜逮親而為樂三千鍾不逮而為樂者矣公之堂有壽母焉登年八十有七矣以耄耄之齒而又見其子之貴及遭其身之榮纓珠爛繡光彰溢目其為喜當何如元豈人世之易得者耶雖然太夫人之所喜又有大於是者焉吾聞公之先大父有順貞翁者雄才宿學敦德直行弘治初嘗被徵不起肥遯以終其身豫章之人傑也公之先君安貞翁兩職郡縣動有治迹而未究厥施也

則二翁之為人豈不聖哉海泳舒謨樹庸以光裕其先若後矣乎而君子之澤固遠邇以留之其後也北原公克績家學筆仕隸垣則棘棘不阿蒞藩參則澤民宣化登內臺則建白大政紀綱百司陟宗伯則三禮允修邦國用和典兵則遠猷碩畫南甸倚重凡公之大有所為者皆二翁之所欲為也廼今崇褒異顯不及三葉者皆二翁之所未獲也太夫人有能子焉以榮吾之所匹榮吾之所尊榮吾之所後是其為喜奚止於其身焉而已哉為人子者能大有喜於母氏則其為樂之大又當何如耶况異日之所以喜

母氏者可涯也哉石塘太宰東橋司寇輩亦為躍然喜曰是可歌也為之歌采菽有取於天子葵之福祿脆之之義也為之歌闕宮有取於魯侯燕喜令妻壽母之義也桐曰請授之史以歸其子且孫俾歌舞於榮壽之堂

送少司寇文沃焦考績序

夫氣習可以移人也哉墟沙息耗之異產瘠沃勞佚之異趨夫人之人也器裁而土不因風和而俗不侵教定而議不煩者非夫人之人也予於少司寇沃焦文公之三載考績也有深感焉沃焦公世居京師京

東湖集卷十四

十一

師實聲利駢闐地是故出見紛華盛麗而悅入聞夫子之教而樂戰二者於胷中在聖門之徒猶不免焉况夫人乎公於予為同年嘗同仕京師矣嘗與之周旋楚省矣吾見其筮仕刑曹嚴而不峻斷而不惜也叅貳藩臬大不難於繁劇細不畧於條末也既予南遷留都聞之塗之人曰文公日尹京兆總糧儲敏而平剛而澤南土之中外為肅如也恬如也廼今登佐司寇不礪不縵侃侃易易輪讞之中樂猶夫筮仕也且公之秩崇而績懋矣觀其貌竦竦焉不羨乎情聽其言退退焉不溢其行也其服飭享御取其安而無

所靡燬而無所華也其與人交篤而情愛而評以心而不以面也嗟夫若公也者得非萃勇與之真狹而褻然於氣習之外者乎孔子論事君以不欺為本所謂不欺也者非以其一誠為本矣乎故曰民可治友可信上可獲者誠身之謂也公之素定固孚諸友微諸民矣今斯之行以敷奏為實言以明試為實功下無竄端匿跡之譽上無得耳失目之非庶幾乎虞廷周室之考獻矣乎安得天下之士立心制行皆若公天下之臣事君不欺皆若公則風俗何患不正太平之業何患不立致比原熊司馬石塘開太宰東橋顧

東洲集卷之四

八

節義哀挽詩序

余讀戈氏節義哀挽詩廼知天下事亨者困之反也而困者未必不為亨成者毀之反也而毀者未必不為成顯者晦之反也而晦者未必不為顯是故困者毀者晦者時也困而亨毀而成晦而顯者理也君子不能違乎時而能主乎理可困而不可困可毀而不可毀可晦而不可晦守其常以通其變節義之謂夫

夫節者易之所謂貞貞固足以幹事義者易之所謂利物足以和義君子行此二德者而元亨成矣通庠司訓戈君銳出其仲父經母氏洪節義哀挽卷謁東洲子曰銳也生六齡而孤母氏年三十有三而嫻居一孤二女形影相弔否既劇已然而母氏之生而養死而葬銳之入而恃出而師壯而婚二妹之笄而字皆叔父之德也銳非母氏之慈仲父之恩必不能保其終始母氏非仲父之德亦不能安其死生銳圖所以報仲父也亦嘗執其喪教其子子蚤世矣而復字其孫且念母氏之卒也楚之仕者居者稱節焉聲

東洲集卷之四

九

諸詩而哀挽之既仲父之卒也楚之仕者居者稱義焉聲諸詩而哀挽之銳惴惴焉懼其聲之不繼也將徵言於天下以為死者貽不朽何如東洲子曰洪之節忘其身而無辱其特戈之義愛其兄而餘及其後非所謂亨其困成其毀者乎而一息之仁戀戀焉未立於前復謀其再數十年之節義鳴諸全楚冀之天下是司訓君所以報仲父成母懿也非所謂顯厥晦者乎東洲子曰督學湖藩每求所以節義二三子而未能也茲有取於戈氏焉豈其愛戈將以風頽俗云

賀東明汪邑侯考勛序

海門古稱沃土唯是負海而襟江也漂鹵病稼愁流
奪畝五代迄今邑治凡三徙矣警警小民歎腹以給
公輸殫橐以餒愆吏重以颶濤恣割逋且死者殆居
半計爲之令者無異其緘縮而莫支也東明汪君以
瓊崖名宿適蒞茲邑愛侯者曰侯以筮仕逢此百艱
器雖利如盤儲何侯曰否否六沴在天萬命在君分
災共患令之責也於是乎推誠布恩潔已損費輕罰
均稅抒暴展責駸駸乎蹄者興逋者歸也夫何餘壤
日腴離販橫金推剽間作人情淘淘侯乃周爰遺畧
且捍且緩猶懼斯民之竟於阡危也懇疏以改邑乞
地請愛侯者曰世俗以避事爲智克膺爲能損上益
下非所以偶時好也蓋已諸侯曰否否斯久安之計
也彼其標末之細旦夕之謀濡需者之爲也人孰仁
我毅然必爲之而志尚未果也然而環聲藉藉部使
者咸賢之登薦剡者三焉幣褒者七焉會侯以三載
秩滿例當簿勩獻天子邑之君子聞之喜且疑疑
其多有異狀枳棘之鳳將不乂栖也野人聞之疑且
恐恐父母之是遣赤子無所歸也邑庠師弟子亦抱
君子之疑而無以慰野人之恐也願質言於東洲崔
子東洲子曰吾嘗論天下之勢矣治樂土易治蒿土

難嘗論天下之才矣得偏才易得絕才難嘗論天下
之行矣求有始易求克終難東明君之政身任紛猥
而處之裕如斯不謂易其難者乎所以易其難者廉
且仁爲之也廉生明明生察察者恒失則尅仁生愛
愛生寬寬者恒失則弛察而有度寬而克威斯不謂
才之純者乎且其操逾貞而無所渝政將成而不敢
怠斯不謂行之有終者乎茲行也鈐司將甄錄之
廷宁當明揚之于以穆天綽澤大富而吾窮鄉海邦
亦將與霑餘瀝焉豈曰九里之潤而已哉輿情於是
釋然以予言欣相告且曰望夫侯之蚤被峻登也

贈山溪歐君遷太學博士序

庚子歲余承匱北雍時宮諭東郭郭子方以講學明
道爲已任同志者或趨焉既東郭司成南雍館僚各
賦詩以贈渭厓霍子爲序其圖額謂東郭爲陽明王
氏之學也至詆陽明爲盜儒又聞渭厓不滿於宋儒
陸象山之學至詆象山爲賊莽余嘗因論學而祛六
館諸生之惑曰夫學也者本以學夫道也以學道而
自異者非也聞其聲而輒以爲病道者亦非也盡求
諸言與行而已矣陽明之行吾未暇考也使其言非
邪吾當闕之果是邪固當釋之夫何庸於深詆象山

之天資超絕有見於上達而無見於下學究其歸殆入於佛氏明心見性之說非禪而何考其晚年自悔平生蹈履亦不失爲一時名儒又何庸於醜詆壬寅秋余以禮曹侍郎行服卧海廬通庠學正歐陽子數過余吊且慰焉鄉之人群告余曰歐陽子有道之士也余察其辭氣雖未嘗非古訶俗而義不詭聖即其動容雖未嘗不言不笑而禮不訾度既庶其學政介而易藝而訓潔而惠不激不澆振路興頑而動以身先多士爲之醇德焉余乃語諸鄉人曰歐學正果有道士也其爲道以行學也非以言學也無何歐子被

東洲集卷之十四

十三

命陟南國子博士庠察戈許二司訓以余嘗攝事南雍介其庠彥張生元孫生寅輩以贈言謁余曰師道之不講也久矣要之在名與實而已矣所謂名與實吾所謂言與行而已矣師果以行率人而務其實邪則六館之士所問學者益諸心所體驗者律諸身未

乎光明士尚於是乎丕變矣乎僉請叙斯言爲歐子師模坊且以告六館之師大師者

送潘相鼂江方君序

鼂江方君之教諭海門也七年而政成銓曹庶其賢晉登唐藩教授或告余曰鼂江明經術能文章多士之入黠鑄者彬彬乎擅文學焉斯陟也其婉休於梁苑之鄒枚矣乎余曰否陽乘志有諫正詞章殆其細也然樂賓大國而竟無成績非所望於方君也又曰鼂江恢度飭行恂恂雅雅動以渠度多士得所依放部使者每禮襲焉行將爲楚元之穆生矣乎曰否

東洲集卷之十四

十三

穆生取重於元而示禮於戊即其知微申白莫能尚已而未聞有所建揚非所望於方君也又曰鼂江守默齋神順和保性于今兒齒壯髮可以長年無乃爲淮南之八老矣乎曰否方君身以哲全齒以德引要其宿養非有得於靜者之貞乎還童杳幻非所以擬倫於君也君聞之借其僚敬齋楊君山泉伍君率羣弟子而來謁曰願承所以教藩者余曰子不聞藩職之有成訓乎我太祖高皇帝祖訓錄成編賜諸王令書正殿凜凜乎有敬守之戒焉成祖文皇帝大頒是編用中前憲業業乎有常守之戒焉猶懼太

久而玩而弛也置長史以總之教授以導之凡以篤親親樹藩屏衍祚長世之經德要道也龍江茲行欲以子之善善之亦求所以克守夫舊章耳吾聞申叔時教士臺之爲傳也有所謂明敬戒以道之事明父長以道之信矣子思其職而從事於斯則二祖敬守常守之典爲益篤有所謂明昭利以道之文矣以子之學而從事於斯則文足以經邦而其守章有所謂明等級以道之禮矣以子之行而從事於斯則禮足以敦化而其守定有所謂明慈愛以道之仁矣以子之靜養而從事於斯則豐仁厚澤足以壽國脉

東洲集卷之四

十四

而其守遠彼其雕蟲之末技杯酒之去就吐納之不一經烏足以盡子哉邑侯東明汪君素善君請叙斯言張諸祖筵以重其行

伍月慈節哀挽序

嘉靖乙巳春予方免服栖海廬邑庠司訓伍君尊奉其母張慈節哀挽卷謁言於予長跪致情涕懸如下嗚咽若不能辭予曰情哉是可哀也既讀其家嗣蘭生狀孤危辛苦曲悉平生予曰慈節哉是可章也既讀前岡胡太史墓志銘標微軀隱感慨抑揚予曰章哉是可傳也既讀東塘司馬諸君子之挽章鉅公羣

玉爛然盈帙予曰傳哉是可求也夫慈而后能愛愛而后能篤其夫植其孤孝其翁逮其姑節而后能守守而后能苦其心勞其躬勤其業嚴其訓慈非節不固節非慈不行慈生於仁節生於義仁義立而婦道其成矣乎是故自母氏之成婦道也鄉之稱善事老恤孤者必曰伍母稱善事夫善事困者必曰伍母是故母之生也一身之哀耳其死也親戚哀之邦之人哀之天下將來之百世而下將來之母之生也數十年之景耳其死也親戚挽之邦之人挽之天下將挽之百世而下將挽之哀之者共鳴其懿挽之者欲

東洲集卷之四

十五

慶顧母壽百歲序

通川顧母壽筭登百乙巳歲九月十日寔母氏設帨之辰子姓雲仍愉舞鼓躍請奉卮膝下爲母氏壽比黨姻姻欣相告召願登堂稱祝爲母氏壽東洲崔子於顧氏有世好焉聞之喜曰母氏之可慶豈曰壽焉而已哉吾求之古人矣昔莊姜賢也詩人爲之賦碩而所配所生無聞焉是可歌者獨莊姜也左董陶之母賢也所生亦賢也而其壽無聞焉是太史所

譔述者獨其賢也劉宋時朱百年夫婦同壽而且賢
史氏稱之是賢而偕者也壽僅逾於八袞是史氏之
所奇者夫婦之賢也非壽也顧母之壽登百歲也郡
庠之諸文學曰壽母吾鄉人瑞也且閭閻姆範可儀
可樂賢也厥配翁以尚義聞 憲宗朝詔建坊以風
俗賢也厥子磐擢桂鄉闈以文章鳴亦賢也厥孫瑄
輩業太學不墮家聲亦賢也皆母氏之相之訓也羣
告於當塗願以百歲表坊請鄉之耆宿大老重母之
願亦如之羣告於當塗請合金建坊爲閭閻寵瑄洎
族類尊祖愛母之情亦如之願合坊並表爲祖妣重
東洲集卷之四
請諸中丞克齋王公公曰瑞哉建坊其擬聞乎請諸
憲學使午山馮公巖政使雲山齊公江防使貞齋韓
公咸曰瑞哉亟檄有司以幣餼勸嗟夫母氏之可慶
果獨壽云乎哉古人之所有母氏之所有也母氏之
所有古人之所無也詩人之歌古人庠序黨里未必
咸歌也史氏之稱述古人重臣臬使未必並述也而
母氏寔兼得之是母氏之壽乃今日之百歲而百歲
之可傳又後日之莫涯也瑄輩謂余言爲可徵請書
之以華壽筵以貽來許

送楊仲芳任南銓曹主政序

嘗讀史至窮視其所不爲貧視其所不取每嘆李克
氏爲知言也讀董子制冊對至應璩賀亂賢不肯渾
渚語未嘗不拊卷而嘆曰士之所爲所取蹈於賢亂
不肯而莫之省者非無耻之心爲之孽耶故曰不耻
不若人何若人有士而至此不亦可哀也哉予門人
張子鳴鶴者以鄉貢士尹容城丙午入觀會晤於京
師予問之曰邑有人焉矣乎對曰吾邑有楊生繼盛
者於鶴爲鄉同年自鶴之蒞容城也無與於鶴之政
亦不至於鶴之室每戒其家人勿以同年故撓尹之
公居常游京師問業於少湖學士所績學潔已軼俗
雅尚吾愛之重之亦不可得而親也予聞之喜雖未
識若人而嗣日之發舒固得之蓓蕾也今年丁未仲
芳舉進士高第宴集於南宮見其貌溫如也退如也
聽其言若不能出也確乎其根理而本性也迺益信
張尹之言爲非謬也它日以語少湖公公曰吾賢若
人舊矣子亦賢之則吾免子羽之失矣六月拜南圻
吏曹驗封主事以行余告之曰士固有脩於閭巷而
叩轍於通衢慎於細故而濫觴於大節者矣是其所
爲所取未克夫羞惡之心者也所以脩之慎之者非
其情也吾察子之貌濟矣言不賤矣信諸友矣徵諸

師矣符勝已之所卜而去膠西之所請得其要矣自是而防其紛華堅爾渠燧一爾存主固以忠信知子之大有終也

送何周楚任定海序

吾鄉何君周楚以國子生謁選銓曹會厥子璿舉丁未進士高第或語周楚曰子舉進士則天寵眷承至樂也奚復仕爲君曰否天下事惟滿則驕惟驕則後惟後則逸逸以僨事聖賢之棄也以一得而違其初是滿吾子也其何以訓是歲六月授四明定海簿以行或語君曰今之仕者以鳬趨狐媚爲賢以詆戢執

東洲集卷之四

六

鞭爲禮謝閒靜而安末秩非所以自尊大也君曰否夫人之所以爲尊大者非貴其有巍巍之位而貴其有卓卓之行非貴其有赫赫之顯而貴其有明明之德也苟行卓而德明秩雖末焉夫何病於貴否則高矣顯矣殞身辱國如後世之董狐何吾唯殞我心竭我誠潔我操舉我分苟一事之報君一澤之及物亦畢吾之志也顧安知孰之爲尊大而孰之爲卑小耶亦安知卑小者之不爲尊大而尊大者之不爲卑小耶吾鄉與厥子同舉進士者凡五人李君國華王君師重李君子實輩次君言以告東洲崔子崔子曰賢

哉周楚之教子也儲哉周楚之事君也季世之弊家之所訓朝之所爭高顯而已矣周楚不以進士滿其子不以末秩怠其職是信乎不以貴爲貴而以道爲貴者也周楚其知道矣乎自是而子舉厥職焉是謂大以成其大君舉厥職焉是謂小以成其小上自公卿大夫下至師工徒史咸秉若心焉吾見師師疊疊之風作而太平可立致也周楚其知道矣乎僉請張斯言於祖以廣君之志

送楊敬齋教諭金鄉序

敬齋楊君以廣省名士貢於帝庭授吾庠司訓時余爲國子祭酒見其言訥而貌恭志恬而意古知其有君子資也既余行服林卧者三稔考其居常端修而養重黜已而樂賢崇道義以淑生徒興學田以賑匱乏益信其有君子行也是故受知於當塗季心於士類楚楚青衿彬彬乎有日新之風矣今年秋銓曹廉其賢陟東莞金鄉教諭瀕行同寅碧潭劉君山泉伍君繼繼焉不能別以爲失良友也門墻多士倦倦焉不忍別以爲失良師也群造於余以贈言謂余曰金鄉聖人之鄉也金鄉之士聖鄉之後也敬齋產於南海仕於淮海去東魯何廖邈也而其律身其率士

皆孔氏之教也。邇今入聖人之鄉，群聖鄉之士，生平所嚮慕而不可得者，一旦躬遊而目覩焉，其感悅而懋勸也，當何如？今天下之士，豈曰中國為然，雖窮區輿壤，師傳而童習者，皆孔氏之教也。况東魯之士，飲泗水而登尼山者，化機之易於鼓舞也，又何如？吾聞仕金鄉者，有劉侯源焉，嘗置學田矣，蓋先敬齋而得其心者，也不識今此之田，有嗣其美者乎？產金鄉者，信義如范巨卿、直亮如邾弘始，皆先敬齋而服聖謨者，也不識士習於今，尚無愧於前修者乎？敬夫斯行也，以分教而祭柄教之重，是勢可專而志可攄也。以

真州集卷之四

三

魏東麓陟山西憲副序

揚郡為東南要壤，凡所屬為州有三，為縣有七焉。比以大沴降，毒旱溢，荐臻吸吸，赤子痛籲，悲號者無虛歲。高郵實應興化、枕湖、廬澤，歲凶則取給魚蚌菱芡，以輸公克。虛旱久，取贖殍逋，至相半儀，真江都為車舟達衢，役繁徭劇，民獨任疲，歲凶則蓬垢餒瘠之民，多斃於篳掠牽挽之慘。泰州如臯之土，隆污相等，禾黍異性，早溢異宜，歲每無完秋，民力恒稱屈。通州泰

真州集卷之四

三

興海門襟江，負海濤激土，囑稅存責重民，實病焉。海門頃以邑改，民勤哀鴻，尚未集當塗者，有憂之掄良司諫東麓魏公，守是郡焉。公至，曰：嗟乎！吾民之病，雖則彼蒼示罰，無乃為民牧者撫綏之弗共矣乎？於是乎薄征，緩責，發帑散居，輕刑均賦，嘘煦噢咻者，若憐孤子。今年丁未，天和悔禍，穀登，民嘻痛以瘳，顛以興，縮以蠲，殫以實，問閭知有生樂者，公之賜也。天子以為賢，尋峻登西臬副使，屬下父老，群赴於察院，諸使君以借寇請，而莫能留也。時屬吏州守胡君民表、劉君柰、曹君金、邑令王君延雷、君亨、劉君燭、謝君謹，適以公事會於揚，知公之不可留也，屬吾邑劉令以贈言，謁余，蓋難其別而欲章其迹也。余曰：諸君其難於是，別乎古之善圖治者，必內治修而後外攘，舉善知變者，必疆圉靜而後中土安，政之體要也。今天下之勢，以西北為藩籬，東南為室家。天子謂我公既奏勸吾揚東南之要壤，無虞矣，故陟公於西晉，西晉之安，中土之安也；中土之安，吾揚之安也。諸君其奚難於是，別乎？余請張斯言於和，以勗公之行。

崔東洲集卷之十五

序十一篇

維揚崔桐撰

賀劉華峯荷臺獎序

夫政時有常變非處常者之難也而濟變者之為難也民有羸屈非理羸者之難也而振屈者之為難也事有始終非謀始者之難也而成其終者之為難也海門地縮邑改百務攸萃其為時也當其變江嚙賦繁版築告勞其民力也當其屈前令圖始草昧未集嗣厥事者任其終予以為吾邑之令有三難亟論諸

東洲集卷之十五

太宰石塘翁翁曰吾當為子邑掄良令焉廼得華峯劉侯實精簡也侯蒞邑無何政通人和庶績就緒撫臣月梧喻翁庶其賢馳幣地獎華辭侈褒以為屬司勸其辭曰咨醇謹而公論歸才敏達而邑事舉非溢美也寅友沈兩河劉碧潭輩欣欣以告余余曰哲哉月梧翁之知人也試考侯之令吾邑也敷政優優恩威並著斯不謂之醇矣乎夙夜憂勤動中桀獲斯不謂之謹矣乎剖決不留尤聚若宿斯不謂之敏矣乎洞鑑民隱明識治體斯不謂之達矣乎筮仕未期民譽藉藉綴離裨隙興什裕疲是故變也如常屈也如

羸終也如始斯不謂公論歸邑事舉矣乎雖然侯政之善豈曰吾邑為然侯甫至監察路使君尋檄侯視篆通州先是州吏失職黷掄其氏人情洶洶侯為均徭獄剔嘉刻衷通民德之及受代歸邑群為張彩騰歡掄休頌美者傾城壑是其餘潤旁敷蜚聲遠致又月梧翁之所未及知也雖然茲直為侯政之兆耳行將陟要華撫忠臆公歸天下之心茂舉天下之勳殆究竟之必可期者一州一邑之善足以槩侯也哉僉請叙斯言為侯賀且冀侯之大有成

壽省庵葉大夫序

東洲集卷之十五

省庵葉大夫登年六十淮海降梓寔仲夏十有八日也若子姓若鄰比若嫺若友喜而稱觴賀之東洲崔子辱在嫺友五百里外遣仲子述馳賀焉或曰六十非耄耋比壽之何居崔子曰夫所謂壽者非壽其壽也壽其所以壽也詩不云乎正是國人胡不萬年所以萬年乎人者期萬年乎正人也大夫於予為丙子丁丑兩同年時大夫少予十年愛其新新雅雅器之宏而言之默也既予職史館大夫職秋曹聯班並繼者恒朝夕愛其聽以敬而簡以情也大夫守興化子以憲學叅政閩藩愛其政善牧而法不隨也大夫陟

湖臬予調武林再以折獄適當路請兵備展沆愛其志彌堅而義不屈也大夫有宿隙於上官遂膺歸里予亦以昏劣冒薦被論明農獲脩舊好愛其冲襟逸韻脩如澹如不知寰宇間有曲直事吾取以爲師也夫宏默者其真蘊蘊其真者神自全明刑善政者其天存存其天者道日長不隨不屈者中無怒不怒其中者世味淺軼世拔流者其情暢暢其情者心常裕皆壽之徵也奚爲而不可壽問者悅再拜而言曰吾今乃知壽矣亦可以言詩矣吾所謂壽壽乎人者也夫子之謂壽壽乎理者也是知人非南山也而崇大

賀少川曹大夫膺臺獎序

其理者可以山人非川流也而不息其理者可以川人非松栢之承也而日新乎理者可以松可以栢天保詩人以山川松栢爲祝者其知道矣乎由是克之先天地而不爲少後天地而不爲老者其有道之士乎崔子曰然遂次第斯言以質諸葉大夫

少川曹大夫嘗發解中州有司錄其文以傳余得而讀之明經極理知其有深造之學焉既而登春官對大廷試政於春曹余得而親之雅姿淵負入繩履渠知其有用世之道焉無何授守通州以通爲吾產也

固守之道予曰夫守乎人者也非守於人者也猶夫令令乎人者也非令於人者也所謂守乎人者時有青守以禦防域有警守以遠振俗有滴守以禮讓習有參守以節制田有征守以藝規風有斷守以法律是故人入吾守而其政舒反是則不然吾以勢而民則侮吾以酷而民則携吾以苛而民則警吾以賄而民則諂吾以法而民則奸是故強者折辱者緘怯者適無厭者辱是謂守於人而其政弛之二者大夫知所擇乎大夫唯唯而別予亦以踈拙歸里僅暮月鄉之人群謁於予曰吾州日以訥厚聞後是而巷議

置置楚訓談矣何今茲之誠如耶日以樂土聞後是而財縮於聚粟虛於困矣何今茲之裕如嬉如耶日以不究不訟聞後是而暴夫興詭夫爭矣何今茲之竣如警如耶守吾州者日以尊且逸聞後是而政日弊聲日墮矣何今茲之守君子愛之小人歸之憲臺謝使君聞而亟褒之時譽之獨蚤而獲上之褒致耶子曰夫名生乎其政者也政行乎其道者也道原乎其學者也少川大夫吾固知其爲有學有道之士也安有得夫道而失所守者乎安有得所守而不蚤有譽者乎詩曰樂只君子邦家之基基夫邦家

者天下之守也有曰樂只君子天子葵之葵於天子者天下之譽也大夫不負所學不遺其道而緝熙厥終焉吾見所守所譽將大有望焉豈曰州郡之小試臺使之聲獲而已哉州寮某庠寮某輩聞斯言而喜請授諸史以華大夫

送劉碧潭陟國子博士序

計年視成聯師萃友以考德問業者大學之教也端本澄源秩清係重嚴譽旦夕者司成所任廳館之共也呼族類羣輟講張喙以指瑕人物臧否師長者學子之弊言也嗟乎模範乎成均者其嚴矣乎碧潭劉子領滇南鄉薦教諭海庠閱五稔學勤教成天子

五

內召爲國子博士劉子以東洲崔子嘗承乏是役也問所以師天下之道崔子曰夫道一而已矣而教有二乎哉吾愛子之教誨而不慙也一而不眩也易而不夷也且勸勗焉學半於教弗倦於成也是其師一邑者非所以師天下乎劉子請益崔子曰夫主靜則無妄無妄則異物弗潤守一則不暇不暇則勸沮用章循易則有容有容則好惡惟公多慾則志逞志逞則紛華易入可眩則偏主偏主則情詭莫覈務矣則賊物賊物則綱紀陵夷之六者君子小人之分也所

以去小人而爲君子者亦明乎義利之辨而已矣君子喻於義也是故其爲學也爲性爲心其爲業也爲國爲民其爲端也爲日爲月爲麟爲鳳天下師之則天下賴之皆義之爲也小人喻於利也是故其爲學也爲人爲名其爲業也爲身爲家其爲異也爲彗爲孛爲狐爲蜮天下師之則天下病之皆利之爲也不佞如子者其何能師哉吾子嘗卒業成均矣盡求之前後乎子者其爲教孰爲率夫義者乎取而師之以師天下也亦求予之遺釋其爲教孰爲涉於利者乎取而戒之戒之固吾師也亦所以師天下也是故

東洲集卷之五

六

古昔聖賢辨義利於稱爾稱汝之微已言未言之際有爲無爲之分其旨亦精矣子尚精於是學吾見靜者安一者貞易者公所以成已成物之道庶幾矣乎劉子曰文榮敢不奉以周旋

崔氏族譜序

吾宗自趙宋南渡迄今世居海門吾祖朴菴宗伯翁貽桐宗文一圖始八五公至桐凡十世耳吾父誠齋宗伯翁嘗手錄數簡用備湮失而未成帙族叔祖竹鶴翁始倣歐蘇譜畫圖叙世以示後昆桐奉而讀之有志於幀續而未暇也叔祖季子見禮復承考志錄

至十二世以授桐桐適以明農際廼綜遺考誤闕晦
覈迹舉劄樹風而映以成爾廼萃吾子姓而告之曰
夫譜也者普也懼宗姓之支且攜情義之弗咸而思
以普之也吾今譜吾族之子父乎某祖乎某始祖乎
某則知始相之愛吾祖吾祖之愛吾父猶吾父之愛
吾子也孝思之心能不追諸遠乎且知夫人有其父
本之由一父也人有其祖本之由一祖也知一父一
祖之由出則血脉本相通也疾痛自相關也慈愛之
心不緣是而及諸後乎斯譜也豈曰唯是邇本原昭
倫叙而勸沮實存焉吾錄夫某曰孝則悖逆者沮所
以親父子也錄夫某曰忠則尸素者沮所以義君臣
也錄夫某曰弟則廢懿親者沮所以怡兄弟也錄夫
某曰節則失身者沮所以貞夫婦也錄夫某曰好義
則鄙吝者沮所以博仁恤也錄夫某曰顯則孱懦者
沮所以作士氣也譜之爲教不亦普矣乎乃若戾是
者不錄何爲親譜也懼辱吾宗也子姓咸稽首而感
泣曰吾輩蠢蠢橫目自父之外僅知有祖耳今乃知
祖之祖孫之孫矣垂之必當爲惡之必當去矣敢不
敬承譜訓

賀太宜人曹母六袞壽序

東洲集卷之十五

七

已而孟夏念有九日實曹太母劉宜人設悅之辰適
幸適泉張子過予曰岑也不佞僇佐名邦恒惴惴焉
以讀我文僖公家聲是懼幸微庇於吾長少川曹公
川免官謗是公於岑有伯仲之義焉公之母吾母也
今年齒介六袞敢謁言於君子以爲祝何如是日余
既有祝言矣而張子固以善言必再請張子吾郡良
吏也故不厭其請而爲之言曰大夫可謂備百美以
事其親矣古之善事其親者有力養有祿養有善養
有達養養以力而不及於祿是謂不崇養以祿而不
主乎善是謂不祺養以善而不達於人人是謂不廣
東洲集卷之十五

八

大夫少失嚴恃而獨怙慈幃溫清朝夕不可謂不力
以大夫之祿奉母氏其毳可致 寵褻有待不可謂
不崇訓怠戒參以道義相成不可謂不祺庭幃之慶
黎庶既樂之條采復共之不可謂不廣君子謂大夫
之得此殆母氏之賢夙成之也嘗聞母氏之閭範矣
篤倫潔祀所以教孝也孝斯忠損慾安約所以教儉
也儉斯廉米鹽養居所以教節也節斯貞睦族宜家
所以教義也義斯公恤孤周匱所以教慈也慈斯仁
是故大夫之備美以養而內外無間者殆天所以報
劉也今夫匹夫匹婦孝純行篤者稽諸記載多獲奇

徵况賢如母氏繁祉將中錫焉報劉之日安得而不
長或曰母氏信壽矣享矣而鳴岐翁之延年也兩髦
之感能無悔耶余曰不然有壽之壽有不壽之壽譬
諸天地其功用一也而語道者必歸諸天蓋地之道
皆天也孰謂母氏之德非翁之德母氏之享非翁之
享乎詩曰至於文王其德靡悔靡悔不在年而在德
翁之謂夫邇臯子曰唯唯若夫子之言豈其壽母亦
所以壽翁

賀貞齋韓大夫歷膺薦獎序

夫容暑寒好風好雨視導帥以為嚮背者承黎之

東洲集卷之十五

九

故常也愛憎任其情隆污殊所尚事悅有難易取舍
有公昵當塗者之明蔽也高之則近亢異之則若矯
甲可而一非貌翁而中違察采者之恍愉也嗟夫今
之仕者孑然一軀叢萃厥責求其上悅下乎克免官
謗者易得也哉貞齋韓侯以才御史守吾揚也紉巧
敦樸去苛崇簡其剗劇也勸其紆痛也惠其秉憲也
仁其敷教也經其防微也周是故揚之屬士為州惟
三為縣惟七合郡元元遵軌率度歌德舞功者熙如
也邇乃積舉蜚聲遐徵上徹都臺聞之則月梧喻公
韓公涵峯王公以為賢憲臺聞之則監司路史

離政謝史江防陳史督儲楊史以為賢紳紳焉薦勸
地獎者日親其存加也同寅張少府謀諸群倅曰匪
高則同載者分危濟川則同舟者分險守之慶倅之
慶也若侯者分則朋儕義實師保吾輩其東厥美而
賀諸廼屬江都張尹達通州曹守金以賀言謁於東
洲桐桐曰吾有前聞矣民弗洽則治弗張服侯化者
合郡焉是得民也上弗知則下弗從嘉侯績者畫一
焉是獲上也近弗信則遠弗揚協恭者咸稱慶焉是
信友也侯所以得此匪調匪詭無將無迎要之本諸
一誠耳孟氏所謂至誠而不動者未之有也侯實有
之侯之歷被崇異積矣久矣而賀自今始蓋有待焉
不能僕僕舉也異日葵心天子頌德海甸填篚班
署而吏不勝書者非其究竟矣乎桐也株守林壑幘
幘餘休日望之日望之

懷隱菴序

丁未秋余明農東海朋故凋落無可與語兩河沈子
適倅吾土愛其氣冲意閒循循雅雅以為可友也兩
河子亦不憚數過吾廬得聞其瀉湖之勝焉無何出
其所藏懷隱詩章數卷謁叙言於余余愕且問曰子
方筮仕而云懷隱何耶曰欽非敢懷隱也懷先君之

東洲集卷之五

十

隱也先君故號東隱今已矣而杖履之所流湖存焉
欽嘗莊其所以懷之見夫莊若見先君也余讀其詠
夫莊者皆韻人墨客鳴幽吐華耀如鏗如壘如爛如
若吾親見其載酒往來灑翰淋漓破竹哇呼舉白而
鼓掌擊節也讀其記夫莊者曰此吾師菁山子之言
也狀景叙物森焉該潑焉躍若吾躬麻其舊槌對其
壙垠千奇萬秀左顧右盼而曠懷於形骸之外也讀
之終篇有曰莊固以資隱也而仕道亦具焉余乃喟
然喜豁然悟曰東隱翁之所謂隱兩河子之所謂懷
吾既已知之矣吾既已知之矣夫所謂隱者有跡隱

東洲集卷之五

七

有心隱所謂懷者有跡懷有心懷巢深栖密耕春稼
秋謝埃軌揚蘭柵而睥睨王侯賓主風月者隱者之
事也是謂跡隱物即我也我亦物也物我皆天也物
與我遊我與天遊動則乾靜則坤何藏何顯何有何
無何損何益何盈何虛隱者之道也是謂心隱廬其
廬則思居處樂其樂則思笑語事其事則思嗜好步
其步則思遊息物有觸焉物有思焉孝子之情也是
謂跡懷乃若人往而道存跡陳而感新憑其虛靜可
思入其徑義可思履其石介可思臨其泉潔可思飛
者為泳者魚天者草喬者木皆天也皆吾與也仁可

思是謂心懷東隱翁之隱果跡耶心耶兩河子之懷
抑跡耶心耶嘗聞之原心者考其行見始者要其終
兩河子之仕吾土也不困於苛其微也靜不僇於度
其微也義不愾於管其微也介不忤於貨其微也潔
老恬幼嬉靡有怨咨其微也仁皆隱之蓄也翁之心
也茲不謂隱資於仕者乎嗟夫菁山子之言見其始
而冀其終者也余也斯言考其終而終其始者也今
廼知翁之隱也非隱也亦仕也子之仕也非仕也亦
隱也此隱之所以為高而懷之所以為孝也

賀旋峯韓侯膺臺獎序

東洲集卷之五

七

旋峯韓侯之蒞興化也克勸攸司治迹茂著交獎於
當塗者聲藉藉也都臺胡公頃復華詞貽幣以為侯
褒將以風諸屬焉邑僚魏倅周倅費幕筆以為與有
光榮也介貢士趙子信之謁賀言於東洲桐桐曰侯
之素吾得之稔矣日予督學三楚會侯翁典教黃庫
得以道義相契托馬黃亦人物數也侯時弱冠就侍
翁訓燁燁文譽翔翥士林固嘗識其椿萱以為英物
也既侯以元魁闕抱得雋春官敕對 大廷於子有
一日之雅廼知其有用世之志焉維揚屬邑惟七興
化實為匪區積財屈民鮮阜生為之長者緩之則

政拙棘之則怨咨重以宿猾弗靖官訪隨之宰是也
也亦艱矣侯至嘆曰嗟乎民之靡定司牧者爲之也
於是乎新贊宇以振俊髦表淳鹵以立弘極律軍寬
以防陵越殛元慙以弭基次翊顏持什百廢具舉且
潤及旁邑頌德者皆畫一焉廼知侯之展布果行與
志孚者也吾嘗槩論天下之才訓諸庭而違於國非
孝子也學始修而政終斁非忠臣也易克舉而難則
闕非通才也邇能洽而遠弗懷非威德也民或譽而
上不獲非茂實也侯之所樹立奉以貽則紆以素業
徵以劇寄達以遐被格以上下君子所謂聚百順以

東洲集卷之五

三

事君親者侯實有之不賢而能之乎欲令聞之不章
也得乎是可歌也詩曰豈第君子民之攸暨有曰在
彼無惡在此無斁斯已試之成迹也吾當賦此以歌
侯之有假書曰元首明哉股肱良哉庶事康哉斯非
大業之可待者乎吾尚歌此以佐侯之令終

贈少川曹大夫入覲序

少川曹大夫將以明年庚戌入覲上計於天子
今年已酉冬戒行伊邇庠產黃生樞江生一山周生
載朱生淵輩謁贈言於予予曰古者以九載試績弗
績於六載三載者有待焉蓋聖人懋成天下之功而

不急於取報也古者以九德觀人事六德者闕其三
事三德者闕其六均之詔爵論祿焉蓋聖人重惜天
下之才不欲失之苟廢也廼若凡品不足群年格不
能律齊民而遂行視民而既發者謂非異譎卓行能
之乎曹大夫之守吾通也僅二載耳嘗夷考其立本
也冰蘖堅其秉心也水鑑公其養民也煩苛蠲其作
人也彝倫篤其剔蠹也恭暴屏其敬獄也窮抑達是
故吉哉有常績用底成閭閻安之老稚歌之當塗者
孚且旌之行將群后四朝覈迹薦成所以爲龍光而
表俊又者不在茲乎雖然斯固唐虞明試以功之茂

東洲集卷之五

十四

典也今天子體乾燭離日厘民隱正清問垂聰之
秋也大夫所以敷奏以言者其能踵默默者以爲已
事耶通民以馬政受疲今茲若少甦矣而直輪尚存
勞者弗息是無群牧之實而蒙孳息之征者也通郡
素號樂土積以汚吏恣割股削孔棘因之歲凶役重
民鮮嘉生是襲富庶之聲而召科派之害者也通城
負海襟江沙寇出沒之區也守禦雖設而卒驕將弛
干城罔聞一有弄潢之虞而江防武夫志在侵掠是
驅虎以搏虎也昔郇模鄭俠數字之獻一圖之陳猶
欲以至誠悟人主大夫據中亦而以斯言敷奏焉則

言與功而並嘉有大造於吾民者也所謂車服以庸者不再親於昭代乎昔生輩再拜而喜曰夫子之教大夫之心也大夫奉是以行可以藉手北面矣

崇川錢氏族譜序

予明農隙方圖續譜吾宗修家政焉適平厓子出所輯錢氏譜示予予讀之得其世系凡九葉焉曰噤非不欲適百機而上之也顧擬吾所能知耳懼非信史姑闕如也得其所追崇斷自福滿而嗣其祀曰是嘗中世訟役而莫之祀矣天親也安敢以人間之得其近世三公有遺像焉曰茲噤所及見者也而存之俾

東洲集卷之十五

五

雲仍仰而侍之猶夫膝下之承歡也得其墓享有田有時有物有屬有餘惠焉曰均之吾先也均之吾先之子孫也恩義安得而薄諸得其壽且替厥生銘且表厥死者有群公之誕章焉曰斯先德之信於友重諸後者也誰能泯之得其官有政可有獻懋有寵焉曰斯先人之訓也天子之命也其能忘乎予爲撫卷而歎曰孝哉平厓子之斯舉也百善其克備矣孝子之心懋懋斯貞貞不遙援不欲祖人之祖也孝子之心厚厚斯遠祀不遺始必求本祖之祖也孝子之心思思斯著像存近世事亡如事存也孝子之心

仁仁斯普祭時義周敬所尊愛所親也孝子之心未求斯傳文載世美念爾祖修厥德也孝子之心至斯徵樹蹟紀榮孝其親移諸君也錢氏之後未孝思而昭嗣服其昌大矣乎平厓子拜而請曰噤曷以承當謹登諸譜端以命吾宗且貽吾宗之後是譜者

賀泝泉張君膺臺獎序

孔子曰足食足兵民信之矣夫政亦多術矣而聖訓惟是之先得非急于惠而嚴保障耶泝泉子之倅吾通也協寅聯事於少川曹守攄其奇譔濟以警敏堅以砥礪動必師諸守而靡有關遺守亦重其為良佐

東洲集卷之十五

六

而莫或悅焉泝泉子彌自志力不難繁劇謂民非食不生也明迺三務藝迺征輸慎乃侵牟而儲備克謂民非兵罔衛也預迺閉脩嚴迺偵伺稽迺俘獲而暴民弭茂實欽章蔚有時聞江防吉臺使廉其賢曰是能固吾疆也蓋嘉諸監儲龔臺使廉其賢曰是能勤恤政也蓋嘉諸於是乎華詞貽幣以交褒焉殆將疏其異績而明揚之也予明農海隅方媿藏厥愛而莫之助也適少川守以賀言謁予曰泝泉子之賢吾得其源淵矣昔勞杜以辛苦立門戶而承家者莫之振焉致垂成於李懋功崔靈李鄭之裔慨然自高司命

者不肩貴焉是先有開而后無裕不爲世美之羞也夫泝泉子之先文僖公以文章魁天下正直樹名節行誼淑後生忠君愛國之訓固厥子若孫耳目之所熟濡世業之所素講者也泝泉子之善若職也豈其惟忠是務無乃克念祖武而有光厥開也歟此其所爲信於民而獲乎上者也其賀也固宜

壽劉母太孺人八十序

已酉正月十日寔劉太母八旬誕辰厥子華峯邑侯偕其伯兄且姪舞斑洗腆爲膝下慶海邑人士懽傾城塹頤躋公堂爲長齡祝子詢其所以壽太母者或

東洲集卷之十五

七

曰侯崇德如山深恩如海吾人仰高而思仁臨淵而感澤每歎焉不知所以爲報也迺今碩太母茹西山之紫芝則壽與山俱杖東海之若木則壽與海俱可乎或曰太母安成產也江右之勝豈曰在廬彭蠡而已哉若安成之螺川騰彩鳳嶺表祥毓秀鍾靈軒鷺遐舉者紀載紛若也吾太母馭娉婷之鶴則與吳女媿休翕烟霞之會則與黃姑匹美以是而爲祝可乎予曰壽稱山水古人有之矣其爲祝也襲而泛壽稱奇詭後世有之矣其爲祝也幻而荒蓋亦歸諸理求諸身矣乎吾稽在昔圖志云吉民龐惇故多壽考夫

龐惇也者誠之謂也天道惟誠故覆物壽地道惟誠故載物壽人道惟誠故大業壽吾聞母氏之賢矣事姑嫜惟孝承夫子惟恭宜娣姒惟睦成諸子惟義崇儉戒靡貞中惠表有誠之道焉姆儀闡範雖不出閭而實有不容揜者是故侯之泣吾邑也家以治公子以御衆不竄端以諸實不飾智以樹聲鉅細必躬鑿鑿靡闕皆誠之爲也母氏之教也是故家庭之慶城塹共之洗腆至情流通踈逃謂非至誠之由動者乎詩曰樂只君子民之父母有曰樂只君子萬壽無期吾以爲母氏之賢篤生厥子厥子之賢父母吾民父

東洲集卷之十五

八

贈華峯劉侯人觀序

已酉冬邑侯華峯劉君將入觀上計於大庭遵今制也邑之人士群謁于予曰邀遮以旌別廢置以勸懲者聖人勞聰明以成天功之茂典也詭道以徼免緣力以凌躡者末世懸虛聲以希實賞之

通弊也是故世之牧斯民者每於歲三屆期泐其行巧牟逆股以薦貶炎門昔人所謂連載而入雷竅而歸者匪今斯今也吾邑鯨濤毒民鴻飛未集土既蹙矣財日縮矣我侯戒行伊邇行色蕭然不識何以藉手用紓厥咎乎予曰否否若子之言疇肯之洩洩也獨不聞今斯昭明之政乎我

皇上體乾秉離勅法昭度賞不失賢罰不遺貴是故上而台輔下而百執事惴惴焉恪恭朝夕以光輔休明罔敢蘊利以奸公蔽賢以病國蓋曠世而一見也頃將朝會百辟受紀奏成

東洲集卷十五

十九

明元首臨之良股肱弼之賢銓司稽之公法吏繩之庶者揚污者激功者錄曠者糾能者慶懦者讓明者登闇者隳所以核名實以樹風聲者不在茲乎侯之治迹宿在民譽美斯行也當塗將喜見而嘉之曰是其人得非澡濯厥修有庶可揚者與邑築就緒有功可錄者與抑強振弱有能可慶者與刻奸剔蠹有明可登者與是昔之所棄者今之所崇也子之所憂者侯之所喜也豈其一令之光榮殆百辟之勸也夫兩河沈子聞之而喜拜而謁予曰欽也聞諸蓼蕭之詩矣既見君子為龍為光侯之謂也聞諸黍離之詩

矣吉甫作誦穆如清風夫子之言乎請授諸史以慰之行

賀兩河沈君被臺獎叙

大道之行也賞不擇施罰不偏廢是故朝無素餐野無沉器人殫厥力而民受庇焉大道之隱也絀陟視流品好惡任性情是故賞不及功罰不及罪人沮其進而民受病焉我

國家式序在位公路肅清以甲科為高品鄉薦次之庠貢次之史胥又次之蓋以是為進階非以是為殿最也奉法者或莫之察焉凡有所甄獎聞之者曰是

東洲集卷十五

二十

必甲科流也否則必巧官者也有所激刺聞之者曰是必非甲科流也否則必簡靜不阿者也是故天下之居末秩者以時尚所在莫我知也莫不弛若志怠若司甚至奸官箴以自污嗟夫此士氣之所以不振而民病之所以日深也兩河沈子以名才雅識授倅海邦知倅者曰一命之卑非所以處有道也沈子曰均之事君也奚崇奚卑既蒞治愛倅者曰邑徙民痛難乎其舉厥職也沈子曰吾擇其易孰任其難於是乎羽翼厥長任艱分劇邑築告成檄者文至攝公篆董遠植營海堤紓鄰災暴寬獄遺江寇諸所委授靡

有僇替殆力於奉公而不浮其報者也監察使行庵
陳君庶其賢廼褒以華詞貤以幣牽誠罕舉也時華
峯劉侯並登薦剡侯不以自多而獨爲倅喜謁予言
以展賀焉予曰儒執兩河子之自愛乎哲執陳使君
之掄才乎兩河子不以秩卑而自沮是無所恃而職
其所當職者也陳使君不徇俗以蔽賢是無驕而舉
其所當舉者也安得爲臣子者皆如沈倅之不自棄
則天下無不受福之民爲監司者皆如陳使君之公
且溥則天下無不奏功之吏太平之業不可以立致
乎予也斯言豈其賀沈子將爲世道賀

東洲集卷之五

三

贈少坡黃君入覲序

廟廊之麗必任棟梁以桂檼而固秩之小猥以枸橀
非備材也大駕之良必馭六飛以騏驥而下乘之末
猥以駑駘非備物也藩臬郡縣必寄以賢者能者而
幕僚纖秩苟非其人亦豈民利也哉今之君幕僚者
藩臬爲備而州之目縣之史皆其倫也我

皇明訂謨閎慮設上下以相維仰事必關焉爲之幕
者其秩也若輕其爲責也不亦重乎唯當塗者以其
輕而易之也是故居若職者每僂億焉以自棄長貳
雖才而贊翊者莫之協恭焉欲民之無蠹也鮮矣少

坡黃子之幕吾邑也予嘗觀其績秩如克舉殆嘗學
問而胸中有權度者也嘗察其平澹然不汙殆抱朴
素而執持有冰蘖者也是故邑之長貳華峯劉侯兩
河沈倅交相賀曰吾今得良吏矣乎海邑之民土瘠
而貧治徙而役方嗷嗷也咸欣欣然曰牧有良佐吾
民之慶矣乎是故長貳司其綱幕史理其目海邑之
治稱無蠹焉已酉冬例當輔侯以行薦計於

天子兩河子謂賢如黃子不可以無贈也謁言於子
子曰黃蕭產也八閩之才以蕭爲最譬如奇山異谷
多佳植焉可梁可棟者皆桂檼也譬如天駟之閑無

東洲集卷之五

三

凡品焉可駟可服者皆六飛也廼今黃子遜其大而
居夫小焉譬如試尺寸於廟廊充一毛於法駕而小
用皆良材也末馭皆良騎也曾謂一邑之贊翊不能
爲民利而奏成功也哉兩河子曰黃幕得此可以壯
其行色矣請張諸祖以華之

壽錢瑞夫六袞叙

歲辛亥孟秋二日寔瓊田錢瑞夫六袞誕辰賓筵既
張獻觴祝壽者子姓秩如賀客繹如東洲崔翁亦與
焉舜臣素生文卿彭生因潘甥余謁諸東洲翁曰瓊
田子之平生夫子知之乎意恬而心渝言慤而行篤

不塞不闕何思何慮樂彼瓊田日偕童冠徜徉杯酒
而物我若遺是蓋去徼羨而脫空濶者也夫子能斬
言而莫之壽乎東洲翁曰瑞夫之壽吾知之矣夫壽
智不得以多取而享其多者忘乎智者也巧不得以
豐獲而樂其豐者忘乎巧者也忘乎智巧者日與物
接而無與物競是故外若交而中則逸所謂作德日
休自植乎天者也務乎智巧者與物爲構日與心鬪
是外受役而中則劓所謂作偽日拙自伐乎天者也
瑞夫之善植乎天者多矣安得而不壽瑞夫感斯言
而喜奏觴再拜而請益翁曰瑞夫諱乏而號瓊成壽

東洲集卷之十五

三

徵也乃爲之歌曰維東瀛之甫田兮蘊五秀而育瓊
偉淡成之仙裔兮餐白虹而和九莖安希夷而逍遙
兮誕遲遲以茂生素生起而請曰節眉金流瑞呈南
曜正祝祺稱壽之秋也愷本初之後也願借河朔之
杯以爲壽何如翁曰可哉生廼舞且歌曰倚斗杓之
西指兮爛南極以表祥濫斑龍之飛馭兮翔玄鶴於
清商飲列仙而酌流霞兮挽頽曦而景長彭生亦起
而請曰桓彭鏗之後也武夷之會臺館鱗萃茲辰坐
密冠裳姁栩栩間開無戒於暢亨之樂也桓將壽以鏗
仙之長年何如翁曰可哉生亦舞且歌曰暢雲錦以

象廣庭兮歛真侶之翩躚邈九曲之佳期兮爰嗣美
於瓊田卜鏗鬻之降祥兮順玄化而引年是日賓主
酬酢譁譁悒悒瑞夫蹶蹶然笑而玉山歆殆不知西
陸之景果暘谷而果崦嵫也

崔東洲集卷之十五

東洲集卷之十五

三

崔東洲集卷之十六

墓誌銘一十九篇

贈中憲大夫鄖陽知府錢公

公卒之明年子適自浙歸省其子鐸奉先適子再手泣曰已丑歲鐸遷肇慶守以吾父老也難其別今果不復見也情事曷伸知吾父莫如君其銘諸子與公相鄰比且連姻素受公教愛也銘不能辭公諱盛字以高號貞齋世居維揚通州餘東場曾祖伯禮祖忠父遂咸有隱德遂蚤卒公時幼弱祖母朱氏母許氏

東洲集卷之十六

贅居家索仍之重繇公莫以為憂也偕其室竭力事二母唯謹比壯商游淮揚間有所經畫輒倍息遂饒於財公亦不以自雄也謙謙檢飭敦素寡慾動止笑語未嘗躁妄淮揚人皆重之家居日惟焚香拜天次及先祠教子孫甚嚴唯課以讀書勤家崇儉守禮有小過輒切責謝而後解聞人有善行喜如出已有過惡即面斥里中少年多有畏沮而不敢動者公善謀有義氣先世戍越徭徠者無生還子孫病之公走京師援例陳言得入戍神武衛弘治間淮南諸鹽場逋課萬數公為奏蠲其半貧民賴以全活正德壬申

嘉靖壬午江淹敗民居死者漂野公惻然聚而瘞之里有喪葬嫁娶貧不能舉者每佐以財橋梁道路有圯阨者不靳規理公未嘗學問性與道合嘗戒其子曰吾少孤失學汝輩勉為之他日得一命當報効朝廷毋以家為也又曰人以言行為先行不立言不實何以為人又曰人須要舍忍費師德嚼面自乾真可師也嘗歲夜方命酒門外有惡聲出視之乃惡少碎其門矣子姓爭欲禦之公曰妄人也置弗較無何其人暴死人始服公舍忍為有見公初輪粟授冠帶以鐸貴嘉靖甲申封刑部主事配戴氏贈安人癸巳

東洲集卷之十六

元嗣生 詔推恩公贈中憲大夫鄖陽知府戴贈恭人恭人有淑行先公二十二年卒公不再娶亦不置妾侍從唯童子二人曰母以晚年收吾德也公生正統壬戌十二月十日卒嘉靖壬辰十一月六日得年九十有一子三長銳邑庠學生中歲卒次鑑太學生未仕卒次即鐸辛巳進士累官肇慶府知府孫男七蕃蕙芝芳芹藻薰蕃義官芝藻薰太學生蕙芳俱蚤卒孫女一適海門許魯曾孫男三九疇九思九德女三長許聘通州千戶王廷揚餘尚幼戴初葬海門西十里以嚙干江也將以又明年十二月十日葬

公于州東四十里馬家區南河之原遷葬合葬焉祔以錠鎰辟錠配張氏公之言行可式者多不悉誌茲誌其大者銘曰龍崗良璞不受追琢淵浦巨珍其光自燭逃名而榮辟爵而祿燁燁天章皇皇后躅匪公之求惟公之淑

贈監察御史檜亭錢公墓誌銘

公諱錄字宗政一字宗善號檜亭東洲崔桐家食時奇其多才績學樂與之遊既廉其行事母至孝母嘗病篤公露禱請代至割股以療及沒哀毀幾絕雖歲遠時祀哀泣如初每語及必愀然涕泗終其身不自

三

壽曰吾父母慶未嘗用情也事諸兄惟謹至欲析產諫不可乃慕薛孟嘗之義取其荒頓田廬引其老弱奴婢尤友愛其弟鉞鉞裕于貲有欲撓之者力為植翼撫其子峻視如所出峻成立喜曰吾他日可藉手見吾弟于地下矣桐益多公之為人嘉靖丙戌以國子生授浙江松陽丞縣在括蒼山中俗獷戾號難治公屢署篆抑豪右裁吏奸百務畢舉縣尹魏君良弼少許可獨器重公縣故有銀冶盜竊發因剽掠為民患公視其所歎曰此禍穴也命錮築之火其旁廬以杜覲睨丁亥夏復合閭寇勢頗猖獗官兵素無肄而

東洲集卷之三

四

豪家影庇不可爬搜公授檄督鄉兵捕之歷險道餘里無難色生得其渠魁諭散其黨境內以寧公以科第自期待屢試有司不偶一階致身非其志也甫兩朞遂乞休歸就城隅別業沼清流植蓮竹日惟投壺賦詩焚香煮茗或觴客其中以取適至於俗態時好一無所遷居常謂其子嶸曰士不難於能文章取高科而以忠義氣節為本教諸子曰不倣不愚共家之業而能達於學義吾願也嶸既仕惟以潔身報國為訓曰此爾父宿志爾為我終之公脩葺偉度約已務施樂善惜才但疾惡過甚故與時齟齬獨庠友沈希哲者雅愛公以為知己沈既卒為追念太息不能置公之先世家于通曰福滿曰仙德曰大有者並以篤行稱至祖思貞有隱德貲產日饒父叔惠多慧而慤悃厚而才鄉評每賢智之母陳氏妙玉性貞淑前母韓氏陳氏庶母朱氏公其行六也室徐氏先公二十三年卒子男六長即嶸壬辰進士初授江西撫州府推官次峴次幽出徐氏幽為公庶弟鍾後早卒次嶺次留次巍習儒業出側室陳氏女五長適楊儒次國子生顧瑤次陳瑤次許適顧鑑次王夔孫男二曰兆賢聘包氏一尚幼孫女三長雲絲許適王一元

次雲瑞許適張柱次信采公嘉靖甲午年六月二十
六日卒距其生成化辛卯二月二十日年六十有四
噤上丙申年十一月初九日塋公於狼山鄉倉南之
原遷母氏合窆焉以桐雅善公徵桐銘銘曰德浮於
位而其施也侈享不究躬而有留於子篤學懋行斯
人之紀惟無憾於俯仰以從其是爾爾爾蕙蔚蔚芳
只黃壚天襲瞑目以俟

江將軍墓誌銘

江君諱恩字世祿流味泉子嘉靖庚子八月二十九
日卒先三日病歿屬諸子曰吾墓銘必東洲太史吾

東洲集卷之六

五

不朽矣君蓋以其太宜人於予曾祖母同出於許有
世好也諸子十癸卯某月日葬君於狼山先塚之右
奉治命狀君行涉南冷抵留都以銘謁讀其狀曰君
之先江右彭澤人元末始祖壽授千戶職於僞吳張
士誠既知其無能爲也歸我

太祖克龍江奕前鋒吳元年從開平王經畧中原有
克俺晉朵兒只諸功進昭信校尉洪武二十二年高
祖溥始改通州守禦所以征迤北及破廣西關寨功
進千戶曾祖達

太宗簡進侍衛祖永有智勇嘗殲海寇八百人有奇

嗣是江防絕警父漢字會同視所篆十五年以仁惠
稱予曰世載茂德賢有從也銘哉有曰君少補郡庠
第子員學舉業於顧進士雄日勤其誨學詩於張弘
傑氏亦能領其指授既承父職督平伍講武京師暇
即日臨二王書數紙垂老好學彌篤得奇書輒手錄
口誦無倦色循循雅雅如書生也予曰武弁中之儒
者也銘哉有曰君有志民瘼時上官有議徵軍戶羨
丁錢名曰無田也種者君病其禍貧卒也書十五上
不得請會南臺御史何君宏嘗學正於通嘉君志而
語諸也僚始奏除之改委防秋建白十事其一請濬

東洲集卷之六

六

西亭石港金沙三場河以利農商民以爲便淮揚歲
不登當道以調振檄府貳尉貳移檄君君捷梃姦冒
責實剔冗郡灾賴是以紆督運京儲力脩前闕羨餘
一無所浼防禦海門倭寇指揮有受制惡卒者君命
縛之窮其宿愆竟以爲戮予曰學而有用儒者所難
也銘哉有曰河南海寇奪舟汎江泊狼山君多爲方
累獲賊艦二男婦三十八名口中有朱姓者茶商也
倭賞金裝同事者謀殺之以冒賞且利其有強君君
不可商竟獲免且憂官兵不制有殺無辜以爲功者
請禁約於江防使江防使稱仁焉亟召君特加禮遣

督運抵京會鄉之周京推元弼死於逆瑾鄉士夫畏瑾無敢臨視者君獨尸其所而告諸京兆尹得給棺歛携觀以歸姚海山太常初任工曹將督鈔分司瑾伺之迫君解所乘馬以速其行姚禍乃免馬至斃不問也北下舟行見一少秀偉蹢躅徒行君異之問焉乃下第舉子閩解元林方山也君察其囊虛延入舟同寢食抵揚復計程贖之以別林既顯遂為通家交士林稱義焉予曰仁且義立人之道也銘哉有曰君日儻館京師館人有少婦夜奔君君厲聲叱去性不喜俳優痛拒佛老馴質乾沒之事絕不置齒頰負氣尚志不能下人好而折人過人亦不敢犯汚察悍卒有不相能者輒訴於君君為曉析無不心媿而退予曰剛而介者也銘哉有曰君室顧氏封宜人有婦行先君一年卒君生天順己酉年七十六子三長峯續世職次岑次一山皆州學生女三長婦凌中丞子兵馬所次婦李通府子進士夢周俱宜人出次婦千戶麻寵側室出孫男八長某次某次尚幼女孫二俱幼子曰是賢而有後者也銘哉銘曰毫素不能以任割干錢不能以代結惟君子之弗器用世所哲有文景煥有武子才文摘英華武揚茂烈溫溫荆璧鍾錕

鐵載德後昆川莫永訣

初封安人邵母楊氏墓誌銘

水部員外郎邵經邦偕其弟進士經濟奉翰撰江景孚狀謁予請母氏銘翰撰信人也邵郎子庚辰所舉士暨進士端人也銘何能辭按狀安人楊姓諱淑鸞家世籍杭壽官貞之孫崇安司訓綱之女封君邵公大峯之妻安人性敏慧少通孝經女誠諸書克執姆訓學事觀禮無愆父客死京師母孫以憂疾安人焚香籲天割股以進比婦大峯君君遊郡庠安人懼其以治生病學請曰門以內安任之弗欲煩君也廼

勉家政勤織紉慎祭祀禮賓客巨細畢舉無敢告勞事其舅守恒翁姑周有婦道寒暑先後惟時醢穀甘瀨惟所欲聲色中禮無怠無忤守恒翁每稱為賢婦大峯君篤學而介安人奉之如賓客間以事不歸安人事女工至夜分以待或當蚤出則廢寢達旦子經邦經濟幼穎悟造就學厚禮其母不為吝嘗誨二子曰汝學猶吾女工初無定法要在我心中畫出務期於成耳守恒翁卒家置於數燬勿克襄事安人脫簪珥營墓植木成從厚姑卒亦如之大峯君學成而數奇家且日索安人制治生承巾櫛無戚顏且慰二

子曰吾某事已辦某事亦有次第勤女學勿以懈也
經邦舉辛已進士授工曹郎兩以奉使便歸省每戒
以清慎奉公勿以竊祿苟養為悅安人約於自奉食
無兼味一帛數十年事外舅母徐如其母迄今墓祀
不廢待家婦如姑撫膝子如已出祖姑何之女孀居
而煢煢楊榮暨華工藝而貧各賜以資資兄公鑰無
子嗣以子鑰卒厚葬之其篤義每如此甲申以經邦
貴封安人丙戌病癰聞經濟舉進士喜而瘳既遘寒
疾卒五月二十有三日也生於成化戊子得年五十
有九子男八某某女三女孫一十某日葬某地銘曰

東洲集卷之六

九

為女孝母為婦宜夫宜言勤業孝及舅姑惟家之利
瑞徵鳳雛王言女嘉 恩茂行孚有享弗竟有垂弗
派明明閭懿千祀懷區

孫氏陳孺人墓誌銘

蜀臬副使孫大夫從一先是僉憲浙臬携其配陳孺
人歸省安陸居十日孺人疾作幾殆語大夫曰舅姑
老矣吾且病弗復出于出處當有擇也告其舅姑曰
妾幸婦名家獲被 恩封死足矣但未能終事舅姑
顧以不起之疾貽尊者憂可恨也戒其妾恣曰撫茲
弱息吾益蒙留為婚也遂悒悒而卒嘉靖己丑三月

十七日也時予有事于鄣往弔之大夫以予舊館友
也述孺人語泣訴予予哀之嘆其為賢淑云既大夫
奉司徒翁九峯先生命卜是歲十二月二十八日葬
孺人於雞籠山祖墓所廼狀孺人實徵予銘狀曰孺
人本京師產彭城衛指揮永之女錦衣千戶章彥廣
外孫也大夫侍司徒宦京師先配劉卒因室焉京師
俗好侈育女多驕怠孺人蚤失恃居錦衣公宅聞見
益慧然雅好約素俗不能移也既歸孫司徒公家法
嚴整太夫人內政有度孺人奉以周旋事愈諳練事
司徒公太夫人唯謹勗大夫唯以勸學處分家事勤

東洲集卷之六

十

儉且有倫祭祀燕會蔬米穀鹹必親製器具瑣物必
親滌待人有禮宗族長幼下逮童僕無弗德孺人者
厚處先室劉族事劉夫人如已母而獨弗私於陳始
大夫無子為置妾得今子庭甚憐之蓋孺人幼養有
素長習有範且天性聰敏故生有道死不亂至如此
三生子弗育存二女長得滯疾次許聘都指揮使蔡
洪孫承恩次尚幼弘治庚戌七月四日生得年四十
大夫以孺人配己二十三年得其相多矣哀其弗壽
且無子也追悼不已予為銘曰弗謂爾不年爾德允
全弗謂爾莫嗣一孽爾延雞籠蟬蛻爾依其先籍籍

聞聲煥燠泉

陶母宋孺人墓誌銘

余分守荆南方趨役 顯陵公稽殷積曠謝文墨彭澤舊知陶仲文氏携其子欽嚶走安陸以其配銘請余雅愛仲文且哀欽嚶之孿孿也勉爲敘其狀曰孺人諱栢字淑節彭澤右族宋時佐第三女母柯氏孺人性慧淑時佐愛之難其歸既以仲文爲賢曰是可夫吾女矣遂妻之時舅氏菊本翁老且病亟欲得賢婦一見孺人喜謂其姑柯曰是可室吾子矣無何翁卒孺人相仲文克厚襄事奉柯凡若干年敬事色養

東洲集卷之十六

十一

畢力饘飩或不給至脫簪珥爲具柯卒孺人躬親含髹時祀孝思唯謹仲文業醫家喜太素方脉視疾不擇施亦不責以報是故薦紳爭致之每游吳楚荆揚鄒魯燕趙間孺人代家政巨細整齊仲文無內顧也處娣姒有恩待嫗族有禮下之童僕婢媵必加善視鄰里有貧急者憫然賑之不吝殫儲平居薄自奉獨慕雞鳴問順之義豐於羞賓見仲文多行善義輒自喜惓惓焉每以借德相勗仲文甚且之子男五長欽民次欽時次即欽嚶次欽中欽皇女一歸邑庠生應望孫男四濟疇濟夏濟正濟初女三尚幼孺人善教

東洲集卷之十六

十二

有賢匹諸嗣賢也必自賢母且五柳之忠尚孝廉之清澤柱史之風烈當有遺慶孺人之素可徵也銘曰母奚弗年厥壽惟賢母奚弗享厥祚有延懿芳千祀茂胤綿綿實母之全金魚之下可以長眠

漳州府知事柳公墓誌銘

柳公諱聰字天性號靜齋其先江西宜春人以戍於通占籍焉高祖曰定二曾祖曰德興祖曰源父曰廣捐靜惇恪不墮家聲母王氏性貞淑閑姆儀公生而魁梧穎悟甫八歲就業郡學識者奇之成化二十年援例入太學事大父母父母以孝稱大父母洎父卒

公以母在故欲終養不仕公者曰先人之命也公不獲已就餘得漳州府知事公復以母老欲乞休鄉大夫曰不可君命也廼之官昔年佐理條晰漳守羅公以爲能屬公視浦城篆先是縣吏專事姑息縣多豪俠有異珍者僥彊健訟挾邑長以毒其鄉公至得狀勅法按治珍遂解伏自是訟息廢舉民用小康弘治十八年有劇賊巢於南詔驛御史饒公檄公捕禦愛公者以爲憂公不難於赴義整旅設伏率兵八百人直搗其巢伏兵夾擊賊潰生得渠首七十人餘黨悉平御史上其功得 詔賞錫公曰賊尚未可玩也

東洲集卷之十六

十三

復請築石城修河隄嚴斥堠以爲備境內晏然正德元年盜起南靖縣劫公儲殺長吏人心洶洶御史何公以公宿望移檄屬公公率兵千人臨之賊聞公至移壘四十里浹旬悉遁去明年公念母不置且聞第喪乞老於當道不可乃假入覲以歸漳人知其不復也遮道號泣如失慈母既歸遂築居爲終養計撫弟姪友愛備至終母之身不忍割爨嫁娶衣食力爲之所擇其中賢者教之遣入郡學有弗率者庭責以義政即不復念也下至義弟之子孩不能立者亦圖給焉嘉靖七年母疾公視湯藥晝夜不懈母卒哀毀骨

立喪祭如禮公明於義利之辨取與不苟嘗辭州守官田之助即其大節而細可槩矣若夫裕業厚畜皆公之餘未足以盡公也以嘉靖十四年七月二十三日卒得年六十有八室張氏先公卒子男二長曰文藩府典膳次曰楷冠帶義民出側室王氏女一適劉繼遠孫男一曰煥郡學生孫女二在幼次許適祝應詔文將以公卒之明年閏十二月三日葬公於城西杜家岡以公與桐父封君編修善奉郡學生祝恩狀來徵銘且憾奉公之年未及永也桐曰斯鄉先生之賢者且世契宜銘也銘曰多公者謂前烈克弘其造

東洲集卷之十六

十四

愛公者以享齡未及於耄安知夫事君以忠事親以孝卒志素脩從吾所好天也寔長其聲奚啻夫喬松之報

白母陳氏墓誌銘

母氏爲通州者隱陳大祥之女曾祖仲亨秋官公家教嚴整母時室處克遵姆訓秋官公以爲賢甚愛之始白宗芳室朱氏病且革語宗芳曰繼夫子室者其陳氏女乎吾廉其淑行可以母諸孤也朱卒宗芳因室焉既歸白孝其姑趙事生送死兼盡情禮尤善撫諸孤不異已出勸勸朝夕則以成立諸孤事之亦不

異已母鄉閭莫不賢母氏而且智大朱也母性和惠且儉朴治家節用不事華飾處其家人自伯叔姊姒下至僮僕無弗得其歡心嘗以手足之義勗宗芳宗芳遂孝友其兄終其身於貧窶者每賙卹之鄉人有持農器來易粟者母曰若人易粟以此貧可知矣與之粟而歸其器宗芳垂老析家財以授諸子母曰勿子承業安得與諸兄齒且方就師力學多財適損其志耳於是諸子益知母德之有終也嘉靖甲午十二月七日以疾卒生於成化丁亥十一月十一日得年六十有八子男四長承祖次承宗次承先俱朱山次承業母氏出女二長適成山次適丁蘭孫男十有三鶴鷗鷺鷗鵬鵬受采崑鶴鷗州庠生餘尚幼女孫七長適張樞餘在室曾孫一三省十丙申年某月某日葬母於狼山鄉祖塋之次徵銘于史氏桐桐以爲婦人之性多嫉忌而善行尤難於繼室若母氏者豈易得哉銘曰翼夫子以訖而生者完卹人之遺孤而死者安淑德有此家人所難徵諸冥石庶斯譽之弗刊

保西郊墓誌銘

保西郊卒厥孫太學生樂奉其師沈生憲狀來徵銘予於西郊爲故交得其素稔矣爲之序曰君諱愷字

振之西郊其別號也保之先本燕之宛平人勝國時有名罕者以丞相鎮守江陰路會張士誠取吳拒戰死之子元善以元帥總鎮閩之建寧嘗三出奇兵戡定青田寇我

太祖高皇帝統一區夏元善歸義奉命徙揚始家於通焉高和彥陽曾祖孟威祖廷王父經字克綱強毅果斷有先世風母袁氏有婦德君蚤失怙子於繼母黃氏既長克盡孝敬父及黃卒喪祭執禮每自咎曰吾生不及養吾母天地間罪人也語輒泣涕淫淫下君壯時嘗治家人產動必稟於諸兄一錢尺帛不以私妻子性敏穎喜讀書諸史傳忠臣義士故實漢唐諸名家詩間能成誦至於醫卜陰陽天文地理之術亦旁通焉是以文人墨士多樂交之正德戊辰饑奉詔輸粟進散官君曰吾志在賑卹耳市以自榮非願也竟不冠帶以終其身君生而厚重不喜飲酒不好弄重然諾難喜怒其設施應變事無易劇畢就條理是以諸州守凡有委託靡弗稱意卒於嘉靖十七年八月二十八日距其生天順甲申十月一日得年七十有五室許氏有淑行先君十四年卒君不復娶子男二長裕早卒次壘授散官孫男六長棟次即

藥次梓樟槐一尚幼樟槐俱習舉子業女二長適
敦州學生次在室曾孫男一女二皆幼保世有令德
其澤不斬若之兄號西河者令曲江有治迹從子欽
領丁酉鄉薦昨洎從孫木果咸業太學唯十是年十
一月二十六日薨君於永興鄉之原嗟夫西郊之先
公以死事國不可謂非忠以義效順不可謂非智以
西郊之才謂豈不能取青紫以自見然大隱而不章
亦小用而不固是之謂肯於承家不失為忠且智者
非耶銘曰鎮邪也試以剗難庭除也騁以麟驥唯本
節之植也施奚擇乎其細在達人之為時也訓信夫
何繫

東淵集卷之六

十七

大理寺左評事 贈太常寺丞石峯林君墓

誌銘

正德己卯林公以諫南巡被杖卒後十八年公子逢
春奉磁江鄭秋官憲狀來乞銘予曰嗟乎吾於公為
同年同進諫被杖公往矣而吾苟存銘其當為之當
為之憶昔南巡 詔下先日廷臣諫者已 詔廷跪
矣公欲諫或為公危之公曰吾知諫無益默然其能
安乎疏入 詔獄三日廷杖倍於先諫者公竟以不
勝卒嗚呼痛哉公體素羸時寓公署旁所憚憚與一

奴俱奴且瘠疾不能職役使若宜隱忍也而奮然為
之既杖昇歸以公署不宜殯殯於同鄉鄭秋官源渙
所秋官時亦被杖為力疾治喪事京師人無弗哀公
者歎息曰忠臣忠臣嗚呼時諫者百餘人而在公為
尤難其不敢諫者出門羞濯擁面京城小兒或掄擲
之視公為何如哉公諱公黼字質夫別號石峯少從
同里方伯鄭公學既學於大學士上蔡李公雅愛靜
修嘗閑處一室端默誦習飲食不關其家人者三年
故其學精通經傳子史旁及訓詁韻切篆籀諸書至
於軒素醫家術靡不探析公性至孝友居父母喪哀
毀蔬粥三年跣屨未嘗出几筵事其二兄甚謹蕭牆
之內怡如也中正德丁丑利進士明年授大理寺左
評事僅數月庭中稱平又平年卒公平居呐呐言若
不出口而其臨大事遇大變確然不可拔如此謂非
學問之功孝友之推耶卒二年
今上即位遣官諭祭贈太常寺丞錄其子逢春為國
子生有司祠之鄉賢又割廢寺田若干畝以蒸嘗公
公之先世居福唐道山坊既有諱全者始徙居長樂
之僊山至公凡七世矣曾祖惠和祖福皆不仕父節領
鄭薦敷諭於舊嘉定二學終岐府伴讀贈太常寺丞

東淵集卷之六

十八

母陳氏有淑行贈安人配徐氏封安人皆以公死忠
故得推恩男一人即逢春女一人錦適同邑庠生高
廷試公成化丙申九月十五日生卒之年正德己卯
四月十八日得年四十四嘉靖癸未十一月晦日逢
春塋公於所居西十三都之大馬山君子謂學行節
義若公銘石不可虛也銘曰學也爲道能拂其施出
也爲君死亦以之 天皇何尤臣職固宜黃壚安哉
萬祀芳垂

勅封承德郎工部都水司主事隅軒李公墓

誌銘

東洲集卷之六

九

隅軒李公既卒之後四年厥子大夫香服闋至京師
奉其鄉彭太史狀徵予銘大夫子庚辰所舉士也予
故稔聞隅軒公之賢當於古人中求之空谷邈矣渴
於相見今其已焉矣爲追悼而敘其實曰公諱樞字
問方別號隅軒先世出唐隴西公憲憲之子諱游者
刺袁州遂占籍爲袁人居宜陽坊其支裔又自宜陽
徙分宜居弱溪曾祖諱楫生鐸鐸生煥號公庵娶
謝氏女生公公兒時就外傳授以童訓故事公口是
籍譚譚資口說耳盍易之傳以爲奇授小學大學輒
能通大義更授以論孟中庸駸駸有明經之志介母

氏憂哀毀疇瘠遂廢學稍長或勸之學且仕公曰吾
以京母疾幸無死若復力學疾必作適以傷父心且
古之所謂達人君子者亦未嘗瑣瑣以爵祿取聲爲
也公庵驗其才足以任家政悉委之公亦幹蠱有方
不以煩尊人事三繼母袁黃袁甚孝謹處二弟機傑
甚友愛公庵以是爲樂每語於人曰吾有子矣自是
產日裕以善富石於分宜公庵沒公執喪盡禮一準
諸朱氏會祀寢燬公力爲修廣扁其堂曰敦敘以萃
族姓且慕涑水藍田氏之義創家規立鄉約以爲訓
焉公善教子大夫初學舉子業督責程範甚嚴大夫

東洲集卷之六

三

領鄉薦舉辛巳進士拜工部都水主事遷廣東按察
司僉事改山東遷山西按察司副使每之官公必戒
曰清白勤慎以忠君澤民吾志也汝爲吾成之幸貽
我好消息大夫敏歷中外二十年所至有聲公之教
也公好施喜賓客性狷厲論事鑿鑿無假借壬午歲
今皇帝御極誥封公如子官公益挹損儉讓不以自
多也晚歲築數楹於敦敘堂西南題曰隅軒暇則端
坐其中焚香讀書或對客談今古有亭亭物表之意
鄉評以有道歸焉大夫屢欲奉公至宦所公曰汝第
善廼職吾無困汝爲也以丁酉二月六日卒距其生

成化己丑得年六十有九卒之日親戚近遠無弗弔且哭者配張氏善婦道封安人生四男長即大夫今補雲南按察司副使次秀為仲父後郡庠生次馥次馨邑庠生次翻女一月嬌適某孫男五慶餘慶毓慶衍慶鍾戊戌十月大夫卜葬公於邑西挺秀鄉石坡東所潭頭之新原嗟乎今之人多以出處顯晦高下人物予獨以為顯而不蹟不若晦而有裨者之賢也以隅軒公之英邁使就進取豈沒沒居人後者哉然而尚志自珍得非有托而然者耶夷考其篤倫孝友善宗化俗成其子以展厥施是蓋不顯之顯無為而

東洲集卷之六

主

為古人所謂善藏其用者非與是故當於古人中求之也銘曰於戲隅公章維合邪實華其躬用維耆邪有嗣其通為谿為谷自白自雄闢幽鑄真永厥終

誥封凌安人曹氏墓誌銘

安人曹姓出宋勳臣璋之後魯山知縣璠之女戶部郎中凌龜田楷之配都御史芹溪公之弟婦也壬申歲以夫貴誥封安人安人母江氏江氏之母於余曾祖母同出許氏曹許為通右族於余門為世姻故余稔知安人之賢安人生而端莊夙閑姆儀誥封都御史石礪凌公洎太淑人楊氏擇以配龜曰公安

人事姑嫜甚謹孝其母老而不衰楊淑人宜其溫淑每曰是善事我淑人每疾病安人憂見顏色飲食湯藥咸出其手江母嘗患癰晨夕侍養數月不倦江卒為三年服歲時設位祀之痛江之無子願以子道為報也龜田公少習舉子業安人與共燈火勞供膳具茗必躬必親龜田公領丁卯鄉薦登戊辰進士授南京戶部主事遷郎中著有治迹無內顧憂者安人所相也龜田公居石礪公憂以疾卒安人驚痛瀕死者幾撫其長子吳次昂次昂極辛苦吳邑庠學生出國子生嘗戒之曰吾所以忍死不與汝父俱者為汝諸

東洲集卷之六

三

孤也兒輩其勉之勿墮家聲以昱獨幼恐失恃無所成立誨之尤嚴安人性勤儉溫厚聰慧過人治家經理周至不敢侈逸處家介婦甚和睦無所乖忤至揆度事體暗合於理識者賢之辛丑偶疾不可藥疾既漸引見諸宗黨姻戚與之敘平生為永訣以吳輩未利科目尚念之勤勤且戒以治其後事外過厚越二日自求櫛沐正衣衿而屬纊是年六月十日也生於成化辛丑五月二十有四日得年六十有一男三即吳昂吳女一玉卿適國子生顧珩孫男四飛峯飛巒飛嶺飛崑孫女七長慕宜適庠生崔有登次慕順適

平生朱淵餘在室又革謂安人半生孤節未獲還寧
且已之功名汨沒不能一奮揚以慰母心光先列第
夷淫淫莫能爲情也余謂若安人之賢節令其始終
且諸子之善繼述亦人世之不易得者復何憾哉銘
曰幽安天植端修惟則士女承夫翊以華國廼孝廼
勤間模職淑履貞操實享其壽秩矣徽音麻其群
息千祀斯銘用褒炳德

東陽陳君墓誌銘

嘉靖甲午東陽陳君孟陽以如臯教諭典文衡于楚
余時督楚學政偕孟陽同事場屋者凡二旬君校閱

東洲集卷之十六

三十一

精當經藝醇雅余廼知孟陽之才誠既余內陟過里
道出東臯臯庠絃誦洋洋秀彥彬彬有安定蘇湖風
焉廼知孟陽之政教無何余以內艱讀禮林居與君
相比境稔聞君學行卓犖北江聞憲學狀其績而薦
之朝部使者張君惟恕檄君主泗州甌山書院廼
知孟陽之有重望君子柯壻鄭啓謨同領庚子鄉薦
辛丑春君以父憂闋携之同校藝于春官余謂孟陽
當爲世大用此舉必得雋魁多士也詎意孟陽偶遭
疾而不作於京邸訃至余爲之涕洟而再非無從也
啓謨狀若平生惜其子來微銘余雅知君義不得辭

按狀君諱清源字孟陽別號東陽世居福唐三山之
東達君天性孝友弱冠丁內艱哀毀如禮壯歲值家
中微君恐遺親憂也誦讀之餘力於治生三弟二妹
咸爲嫁娶父心大慰就職東臯亦爲祿養也君雖天
分過人進學有聲益謙謙自飭與鄉人文彰善謹惡
無有所拂忤鄉評賢之余讀狀至此揖二子而告之
曰子何以東陽君爲哀也哉人生所莫重者德行德
行所莫先者忠孝君也有此足以不朽矣其他顯晦
壽夭皆細故也子何以君爲哀也哉君治禮經辛卯
鄉舉士曾祖某祖某世有隱德父瑩達生知命爲鄉

東洲集卷之十六

三十一

善士母施氏配馬氏承德郎馬石岩封君之女子二
長即柯次杞側室邵氏出女二長歸啓謨次許尚書
郎鄭白湖之孫孫男二鳳鳴鳳舉君生於弘治乙卯
九月二十有一自卒於嘉靖辛丑三月二日得年四
十有七銘曰君位弗揚生有德光君年弗長死有德
芳克孝克忠終古弗忘引之繩之厥後克昌耿耿貞
珉用賁厥藏

陳處士墓誌銘

維揚江都陳處士名景字明遠別號琴村少喜讀書
有大志過目經史能通大義既以吟詠爲樂其業每憤

慎曰吾先世閩中福清右族吾祖永泰父克和以元末徙揚皆汨沒無以自見吾今無似又不能有所成立忠君顯親心實恥之顧孝友禮義夫人所得爲者吾可以墜棄名教耶居常奉其父洎母朱氏甚謹父卒喪祭悉如禮事其伯兄淵淵訓導昇季果至老敬不衰愛其弟冕甚有恩初兄弟求異產處士偕伯兄力曉以道義必不可始從之處士計伯兄之將出仕也廼卜居郡學之旁奉其母色養幾三十年母卒葬祭皆出諸已不以煩昆季處子姓宗族周恤備至貧不能葬者給以棺長不婚娶者助以財鄉人義

之每歎賞曰賢士賢士嘉靖初有司奉 恩詔榮以冠帶養以米肉絮帛庚子二月十有三日以疾卒生於成化辛卯十月十有八日得年七十處士治家勤約不事靡華至待賓客相與燕樂款曲必罄其歡鄉人有逋負多置之不問是以卒之日親朋咸哀之配張氏有婦道先處士卒繼室蔡氏處士有子男一人曰拱篤學厲行卒業成均女二人長女慕潔適楊少尹華之子溥泊拱俱張氏出次女慕蘭適開橋側室何氏出孫四人長素學郡庠生早卒次素蘊素優素位孫女一許聘徐橋拱上壬寅正月三日葬處士于

馬鞍墩拱之室洎余室同出御史李周公溥之奇謂余稔知處士之賢也來徵銘銘曰繁處士之進止庸何恥也惟修藏之萃美宅其是也彼浮實之金紫有識鄙也孰與達人之 恩侈無譽毀也留多裕於後祀謂有子也惟貞珉之載旨猶夫史也

通議大夫右副都御史凌公墓誌銘

副都御史凌公卒之明年禮曹遵京職三品例狀公治迹以葬祭請

天子以公爲賢報曰可命有司治葬事翰林院撰文賜祭一壇公子斯華以墓銘徵於桐桐奉讀 論文

東洲集卷之六

三六

其畧曰供事累朝漣官三紀賢勞茂績資望方深又曰圖用舊臣詎意淪逝計音來報良切悼傷惻惻然嗟異曰 聖恩何優渥哉圖報稱以竟厥施公之志也而今已矣其如 聖眷何哉公諱相字忠甫號芹溪生而體貌豐偉穎敏強記弱冠領弘治乙卯鄉薦登己未進士辛酉授山東沂水知縣沂水民健訟徭役歲不均公至覆惡樹善定額限徵無何沂民畏威懷德逋負報足當道其狀尋擢南京廣西道監察御史公守正不阿苞苴不入嘗論劾不職大臣數十人論直之辛未遷 東按察司僉事兵備惠湖諸

郡會巨寇大峰嶂李四子等據十四巢爲患公躬親
奮擊大其巢穴巨寇悉平捷奏 天子賜以金幣墜
俸一級丁丑以內艱服闋補山東僉事戊寅遷遼東
行太僕少卿嘉靖癸未遷苑馬寺卿公居遼六年清
理餘丁匿馬歲增萬計兼署分巡決大獄不爲豪右
所奪當道廉其才能檄以督修邊城有山曰十
方寺高數十丈廣可十里爲夷虜駐馬所得伺城中
虛實公指麾散夷圍之境內且諭以吾故地與之立
券示無相背監司奏公績 賜銀牌綵幣墜俸一級
丁亥遷四川右布政使時有芒部之役公督餉有方
大軍倚之左右有以買木羨金五千私公者公即日
移文具白撫巡蜀人咸清其操已丑遷雲南左布政
使夷情有積歲難處者公從容籌畫動無遺策爲當
道所器重庚寅遷都察院右副都御史巡撫湖廣兼
督理軍務湖省故有鎮守內監及總兵官諸冗員公
悉奏革之民賴以蘇是歲甘露降嘉禾生黃岡民有
一乳三子者表上 詔賜銀幣以異其政協修
顯陵工成亦得例賜銀幣居二年公以病懇疏乞骸
骨得 溫旨慰諭不允辭公素短視前任滇南日偶
失禮於部使者風其同類迫論公公亦疏辨且乞休

壬辰得致仕公之先湖湘人元末有萬一翁者徙於
通遂爲通人萬一生萬七萬七生子實子實生仲禮
仲禮生守約守約生公祖瑄瑄生雲字 號石巖
公父也瑄雲俱以公貴贈通議大夫右副都御史祖
母某氏母楊氏贈太淑人雲生四子長即公次模早
卒次楷正德戊辰進士歷官郎中次斌公配王氏有
婦德戊辰八月十有四日先公卒始封孺人加贈淑
人繼室翁氏封淑人男五長賜庠生早卒次即昕兵
馬指揮次琅國子生皆王淑人出次曜次曙庠生洎
女三皆側室出長適江一魚二幼孫男一飛閣孫女
四長適顧寬公爲人性至孝石巖公之卒也距今二
十餘年每歲時薦奠或有所感必哀泣不已謝政林
居日惟涉園登山飲酒賦詩而已或議及國事亦時
動敢爲之氣其忠愛之誠固有未嘗一日忘者以庚
子五月二十有五卒生於成化乙未二月二十有
三日得年六十有六平生奏議已梓行壬寅正月三
日昕並奉 恩旨葬公於天港南王淑人所銘曰狼
峯之陽江海之浹維時發祥爰鍾吉士嶠嶠圭璋煌
煌金紫在邦忠臣在家孝子維老成人 帝用眷止
有龍及先亦榮其死實紀幽藏於昭下祀

龔處士墓誌銘

龔處士名章字汝達其先海陵人元末兵亂東徙通州占籍爲通人處士體貌魁梧慷慨有大志以少孤廢學不得仕然立心制行每每暗合渠篋有儒生墨士所不能及焉者性孝友義施舍父卒已餘三十年每值忌辰或婚祭必閉門追慕悲涕不已事其母氏陳孝敬兼至其卒也喪祭竭誠曰必如是可以盡吾心也處昆季子姓懽然無所厭撫其寡婦朱軫室薪米之供終其身四十年不爲倦嘗得石港王姓者遺金數笏父之得其人即歸之於是鄉評乃知處士有

東洲集卷十六

辛十

隱君子之行處士之治生雖不能免俗然其胸次軒豁有悠然不羈之趣中歲緣園幽所築樓其中圍以竹樹几榻左右置古圖史數卷暇則靜觀獨處以自娛迺自號竹樓處士云晚歲喜賓客置鄉社會時醉花下徜徉高歌人莫窺其際也於是鄉評謂處士得隱君子之樂嘉靖庚子七月二十有七日忽以疾卒瀕華諸子問以後事處士曰吾平生無不善心亦無不善事死亦何憾唯諸兒孝汝母勤汝業無忝吾生足矣於是弔者且哀且嘆知處士得隱君子之達生於成化甲辰七月二十日年五十有七高祖信卿曾

祖敬永樂間工部主事杭州通判祖璉父源處士配錢氏側室姚氏徐氏生五子長評國學生次議次謙庠學生次讓次謨先處士三月卒三女長適顧開次適國子生凌旭次許聘溫理四孫長易次詩次禮一在幼六孫女長許聘胡寧次許徐敏學次許包孝次許陳某二尚幼評輩奉其戚錢貢士相狀徵銘於東洲崔子崔子曰人生有一善可稱君子所不棄處士素取重於月旦是可銘也銘曰德爾行安爾樂廣爾達何榮軒冕何辱布褐何長年之必期唯斯名之不援

東洲集卷十六

辛十

愛山陳翁墓誌銘

愛山陳翁以嘉靖辛丑歲三月十七日卒厥于鸞卜壬寅歲某月某日墓翁於逢吉山原啓翁配李氏之壙祔焉鸞因予同年陳太史子舉人時萬持進士陳君鳳狀以墓銘謁予讀其狀而歎曰古者士與士言行商與商言數謂民各有職也古今人顯者通其仕晦者高其隱謂人各有志也孰謂其有商而仕晦而顯者乎按狀翁諱景聰字文敏曾祖德忠祖瑜父賢世居上元泉水里以天順庚辰十一月二十七日生翁翁以陳之中替也乃謀力產以爲養商於江右會

昌滋殖遂賸實翁雖業末而多行仁義性至孝友篤於倫理每商歸戀戀難親之別一日祿邸感惡夢亟歸父果疾已革矣父卒執喪盡禮每以定省踈曠追憤不已事其母余氏亦甚謹仲弟景通客死會昌翁傷感成疾撫其幼弟景明就師婚娶悉為經理嘗謀諸族屬倣婺源潘氏團拜之禮繪宗祀圖歲首暮舉行之祭畢而燕昭穆秩秩有古風焉母黨乏嗣歲時為奠其墓其姊孀居贈之至老不倦性喜賑施會昌有千戶牛姓者惟急難翁捐五百金援之不責償又朱鍾二生翁素善之一生無子為置妾一生卒於南

嘗見一二憲臣部司以廵為政者每勸以務從寬大不聽後果以廵敗始服其先見晚歲怡情泉壑力穡課孫自號愛山主人年八十會

今天子推建 儲恩授以冠服一時名公學士並為歌詠讌賀卒之年八十有二也配即李有淑行先翁十年卒東橋顧司寇為銘其墓繼室尹亦先卒生一子即鸞有父風一女歸趙葵二孫稷科二女孫長歸王材次幼五曾孫思銳思學思敬思義思理三曾孫女皆幼嗟夫愛山翁商者也而士其行晦者也而有顯者功是豈可以富翁拘士例之耶銘曰礪有璧耶

朱孺人王氏墓誌銘

孺人諱淑清為通州守禦所武畧將軍王君彪之仲女彪之室於余曾祖母同出於許許海門著姓也將軍魁芹多智勇卓卓鶴立羣表凡嫁女必掄佳特謂朱君允恭冢嗣盤之仲子方秀而雅也遂妻之朱故鳳陽右族避元亂占籍於通至允恭泊槃日益滋殖方字必義正德間輸財助還拜職千戶溫姿雅度有儒者風孺人婉且嫺有閨德其歸朱也姑保氏養居

事之甚謹供甘毳奉匭擲必躬必親不敢弛逸奉夫
子敬惠無留昵勿勗之曰欲順父母必宜兄弟子能
是妾亦可以婦矣是以必義之友其諸伯仲相翕三
十年不求異而姑亦洩洩焉忘其廢也孺人善教子
嚴內訓長子淮仲淵季治皆相必義延師授以舉子
業淮淵共充郡庠弟子員臺試或不錄必戒以彌篤
學不欲其一蹶懈志也孫廷相廷卿雖稚齒亦勤以
揖讓長女適余子官生有繼次適國子生顧希夔次
適孫桃源子慈每歸寧必成之曰毋忘姆訓以貽姑
嬋憂為父母羞宗婦曹尹南山女介婦凌正郎龜田
東洲集卷之十六

女孫並服厥規以雍睦聞孺人生弘治戊申五月二
日卒嘉靖庚子十二月二十五日得年五十三必義
上壬寅某月某日薨孺人於其所奉其子之師慈湖
張黃門狀徵銘於東洲崔子崔子以戚故不能讓也
銘曰顯顯宗姻韓姑之光敬仲協吉于飛鳳凰母也
嗣之厥源孔長有秩徽音朱其克昌幽蘭萎矣餘此
後芳載休貞珉以鑑爾藏

崔東洲集卷之十七

維揚崔桐撰

墓誌銘六篇

誥封奉政大夫董公墓誌銘

嘉靖甲辰年五月七日董大夫卒厥子漢中守漢儒
將以乙巳年某月某日葬公於蘆城乾隅先考太學
公墓左奉其友永平守孫君應辰狀不難數千里謁
銘於東洲崔子東洲子讀其狀惻然悲慨歎曰日
董漢中筮仕吾通政平人和飭躬潔守吾以為必本
諸父母然也迺今知其果有自乎孫永平邑人也其

東洲集卷之十七

為言信可徵乎按狀敘公之孝友曰公諱廷佐字良
臣號留國考城人甲角時能哀父喪及葬會大雪徒
屣浸股火且父之僵乃蘇母范嫗居族有利其政節
者計強之范竟不為奪公孝養周至以慰母心且友
愛其二弟范志由是益堅敘公之用世曰公少游鄉
校即受知於督學諸公數奇屢躋於場屋嘉靖癸未
以選貢授南宮訓導其為教一以敦本崇雅為務旌
孝廉誦浮薄士習知所向往督學御史有以威福加
諸生者公上書為極論作養士氣之道有曰今日氣
先委靡則異日何望其伏節死義哉僚長有加私怒

公以大義論之後其生果第居八年科
相踵時論以爲功銘曹康其賢陸雲和教諭公亦
倦於仕也尋乞老以子官 誥封奉政大夫南京戶
部廣東司郎中敘公之家教曰漢儒登乙未進士初
知通州考勸過家行李蕭然公慰之曰貧乏不能自
存此是好消息古人之法言也女其勉之及累官南
京戶部郎中每申前訓俾置座隅以自勵及守漢中
瀕行囑別復以廉潔忠義誨之再而敘公之器識曰
公生而豐體美鬚巧思多藝其高標逸韻恥與世俗
低昂簡言慎動疆禦不能屈奸佞不能諂至於接物

東洲集卷之十一

二

溫如也嘗鬻一騾於涿市誤多其直金五兩追而還
之其立心不欺如此敘公之世曰公配甯氏 誥封
太宜人藁城主簿讓女有婦德生三子長即漢儒次
漢卿庠生蚤卒次漢傑庠學生三女長適崔卿次適
庠生范希曾次適庠生李時亨孫男五曰勅曰詔曰
誥俱庠生曰論曰誥女孫三曾孫男二曰實芳曰實
堅曾孫女六尚幼童之先南宋時有諱俊者爲元帥
封壽國公自景州徙居薊城俊生文炳爲元中書左
丞謚忠獻文忠爲樞密院事追封趙國公謚正獻文
忠生士珍爲太傅謚清獻士良爲開州尹士恭爲御

史中丞後數世有曰大老者元末遷考城大老生數
文以明經任寧鄉知縣改棗嶺所在有聲數文生英
英生繼先國子生善書精法律未仕而卒配即范
氏公所自出也迺其本始蓋出自董仲舒云東洲子
曰予始謂董漢中之賢本諸留國迺今知留國之賢
支裔之盛未謂非仲舒夫子開其先也銘曰翁德匪
孤煌煌道脉淵源仲舒翁澤匪屯端模肅範諸生在
門公祿匪不侈鴻褒豐慶有蔚其子翁乎翁乎生也
懿其修死也得其止

鶴霄史君墓誌銘

東洲集卷之十一

三

史君諱軒字冕之家世海門人曾祖某祖某父春並
有隱行爲鄉評重母沈氏君生而穎敏少補邑庠第
子員克勵誦習既長不偶飄然有遷舉之志迺授
王府典膳逍遙丘林業耕教子於世故澹如也因自
號鶴霄云君素善予予每宦游過里君邀予偕二三
耆彥投壺舉白頗罄文歡壬寅秋予以先大夫憂歸
就土苦君尚數過予致慰勤勤無何君偶疾不可作
矣厥子紀臣輩上以乙巳年某月某日葬君於某處
之原以墓銘謁予予曰鶴霄君隱而德者也吾其能
辭銘哉君性敦朴言笑不苟和順有容有犯不較濟

貧殯死見義樂爲宗族繇復獨任其難鄉人有負其
貸者亦棄券無所責識者以爲有古君子風焉初配
崔氏繼成氏孫氏生子四長紀勲王府典膳嗣伯
兄後次即紀臣國子生次紀堯早卒次紀禹邑庠生
女二長適庠生陳九思次適潘樞孫男四長銳國子
生次鐸次鎔庠生次銓孫女五長適庠生姜烈次適
成璉次許聘徐允迪次許聘予孫瑞除一尚幼曾孫
三俱幼君生于成化庚寅五月二十二日卒於嘉靖
癸卯五月十三日得年七十五嗟夫若少與予同業
長而同遊老而連姻是知君者予也爲之銘曰王也

東洲集卷之七

四

在山不珪不璋玄精守旁珠也在淵不砂不鋼其川
愈光矧達人之抱冲獨鼓風而霄翔生得其真死垂
其芳餘休遺後昆而煌煌斯可以奠君之永藏

贈文林郎自軒汪公墓誌銘

東明汪君有執以正德己卯鄉魁授惟揚海門知縣
甫三載考績銓曹以治狀聞天子嘉之詔封文林
郎得推恩其父洋如子官母趙妻韓何俱贈封孺人
故事外職非治迹卓異者不得推恩斯典蓋殊數也
東明君以余爲海門人雅愛君持其友刑部主事黃
君顯狀謁余曰有執無似生平以立身顯親自期荷

東洲集卷之七

五

先考存日亦每以光裕後先屬愚兄弟今茲猥承
天寵昔先考無遺悔矣自先考之沒以己亥正月十
一日藁葬于城西十五里崖母山之原墓石尚虛願
徵言於下執事按狀汪公洋字克深別號自軒其先
寧國府旌德縣人世有長者德以仗義樂施爲海南
所推重焉再傳至衍公父也早卒母梁孀居以經術
教二子伯曰海仲即公二子憤其父之不年母之苦
節也遑遑焉交相飭勵以勤學奮身爲二親報會伯
氏蚤世公亦蹇連不即顯弘治甲寅以陵水庠學生
充廷貢正德甲戌授淮安宿遷丞時中貴負勢符節
絡繹夫役洶洶竄相踵渠長多以不任被繫公慨
然曲請寬以限制所賴原免者甚衆居五月聞其母
梁計即呼號就道凡所歷俸給棄去莫之顧也服闋
北上道出淮宿遷父老競出迎送戀戀不忍釋再任
閩之晉江時有執以計偕上春官便道省公公歎曰
吾可以去矣丈夫仕宦以得志行道澤及生民爲快
事今吾碌碌求秩古人謂予不負丞而丞負予將安
用之忠君報國當付之後人耳遂乞老偕有執以歸
公性孝友事其伯兄有禮初不得於嫂胡胡數毀公
於伯氏伯氏覺而逐胡公爲固請以歸伯氏無子公

命有執爲其慈嘗有執重公之義至於今孝思不廢
如子禮公居官兩地家殖不長尺寸林隱十八年惟
歌唐人詩以永日暇則借一二者舊集酌笑談恬如
裕如求田問舍之事非所聞也嘉靖丁酉歲十一月
十八日以疾卒生於天順甲申得年七十四趙孺人
某年先公卒孺人賢淑克相公繼室陳子男二長有
容瓊州府學生謹厚有父風次即有執孫男三長旦
樂會庠生次旭次堤孫女六長適瓊山王慈之子某
次適陳教諭善行之子某次適文昌林某之子某次
適東莞范知縣之子某次受聘文昌林監生之子某

東洲集卷之十七

七

一勿銘曰誰謂公名之弗揚卓有遺美誰謂公位之
弗崇庭有令子母也克承伯也克祀兩地哦松蜚聲
盈耳歸政林棲高風山巋赫赫龍章侯封百里後
祿繩繩令終茲始公兮公兮可以不死

贈中憲大夫都察院右僉都御史端公封

恭人唐氏合葬墓誌銘

都察院右僉都御史虹川端公廷敬巡撫山東治狀
懋著天子以爲賢進左副都御史入佐院事同朝
方以內臺得人爲喜未蒞任而公母太恭人卒禮曹
以恤典請詔賜諭祭一壇殊恩也公介伉儷狀謁

於東洲桐曰先公卒日救甫二歲先母歿居五十有
二年矣念赦六歲時尚乳食聞吾母哭父聲今猶在
耳父卒兒在襁褓母卒兒在宦途不孝之罪莫大焉
惟執事於赦爲鄉同年宿好可以世講赦將以某年
月日合葬二逝者於白雲山明願執事銘諸墓石用
垂不朽俾不孝藉是以追罪戾執事之德也按潛溪
宋學士端氏族譜曾司直南州居士傳端之先爲端
木子貢之裔衛人也元末諱邦達者生以良是爲五
世祖以良躬以善號拙翁者仕元爲刑部侍郎國
初拜湖廣中書外省參知政事晚歲僑居溧水以良

東洲集卷之十七

七

時寓河南酸棗門來依焉既去本從端姓占籍當塗
以善生孝思高廟召見命居江西卽南州居士也
以良生厚以子宏貴封監察御史宏累官浙江左布
政使配張氏封孺人生三子長文贊次文輝次文用
字國華號九峯虹川公父也九峯公生而穎悟不群
布政公命師事李狀元艾高解元禴爲文務古雅不
作俗學語童時初就試輒冠時輩廩育邑庠既屢試
必登首舉質素羸弱重以苦志力業臞羸多病嘗侍
布政公於浙藩得滯疾頗侵丙午歲復疾而蘇布政
公乞休歸弘治乙卯歲以疾卒九峯公傷過哀是歲

故疾作遂不起配太恭人唐氏邑人醫學正科賓之
季女賓老儒鮮可許必欲得佳婿故以女歸九峯公
太恭人善事舅姑亦為舅姑所愛重每宦游山東浙
江必携九峯公暨恭人以從初九峯公浙藩之恙也
太恭人懼其不可活將以帛自盡張孺人聞之亟救
止丙午之恙也張孺人亦病廢布政公林居清約家
無紀綱僕祇一力供薪水太恭人躬親藥膳艱辛百
卒夜復更衣祝天不就寢者四十餘日夕乙卯歲太
恭人夢履高樓一黃冠皂衣翁持匙盞語之曰救汝
三人太恭人食藥一匙覺快透毛骨復以食虹川公
獨九峯公逝去不食及寤馨香若有聞九峯公尋以
哭布政公而疾作乃不可藥之徵也時太恭人知其
無能為剪股肉三和粥以療公公若有覺焉謝曰汝
心盡矣吾不能食也公既卒太恭人痛所儀之不年
念遺孤之未立惻惻支持撫生哭死至老不哀公生
於天順戊寅年三十有八以虹川公貴初贈文林郎
監察御史再贈中憲大夫遼東行太僕寺卿三贈右
僉都御史太恭人生於天順丁丑年九十初封孺人
再封太恭人三封太恭人子四曰廷輔義官廷佐甫
田訓導廷相義官廷赦其少息也女一曰慕貞適同

邑王檢校子岐山早寡遵母訓守節至老無爽德孫
十一曰鎬散官銑鐵皆庠學生銓業儒銓銜鐵鑑
斗保孫女六並適聘右族曾孫三壽齡壽堅中元銘
曰嗚呼大夫蘭桂其姿胡折而弗滋組繡其章胡斷
而弗揚哭父而死道固得其止令妻而壽後事貽其
偶 龍恩輝映世克蒙其盛澤在四國有子流其德
嗚呼大夫窮其通哉替其隆哉孰謂匪自其躬哉
迪功郎曹公墓誌銘

曹氏實姬姓自曹叔肇有茅土遂以國氏奕奕載德
享國獨久逮趙宋武惠彬以仁武定江南其勳尤著
厥後建炎南渡始家姑熟既避兵居通之餘西場遂
為通人高祖軫生伯齡軼才廓度締造恢宏以巨族
右於通生子靖領鄉薦判大同府性純厚有長者風
靖生伯子璉是為樵雲君豐姿偉器家聲益展以助
邊授七品秩次子璠今魯山獻令賀從子琰鄉貢士
蓋其先祚淵淵故代有仁賢如此樵雲君室常熟湯
氏生博字守約是為南山君美資性力經業自以青
雲可力致也竟不偶就例貢入太學授萬年丞能廉
勤其政以為民休且翊其令於循良萬年實蒙澤焉
行母氏服闋改丞上虞上虞多奸政南山解紛理劇

懋有治迹故受知於兩省監察使李君循義周君汝
員並有嘉褒焉銓曹廉其賢陟寧海令南山性本疎
豁馳逐聲利非所好也遂投牒去初南山考事樵雲
君戀戀不忍舍故踰期十年不謁選必生養死葬畢
情事而後行從父魯山賀令之喪皆襄事有禮撫
屬皆有恩既歸隱守成先業教子讀書增飾樵雲
故園誅莠亭流環以奇葩嘉樹暇則命觴召侶取適
忘倦每至大醉輒頽然嘯歌殆不知天壤間有塵俗
事也南山素重義宜俗老孺咸得其歡心雖殊邦遠
客稱側儻者莫不知有曹南山云生成化甲辰九月
八日卒嘉靖丁未二月十三日得年六十四配袁氏
晉藩檢校蔡之女先南山七年卒十是年某月某日
合窆焉子男五夫有大亨太學生大同大興大來俱
州學生大同嗣賀令女二長適州學生朱淮次許適
州學生姚含早世孫男四昌胤昌祚餘幼女五俱在
室大同以吾姑爲賀令配於吾門有連也狀南山行
實其兄大有輩以墓銘謁余曰南山吾得其素舊矣
是宜銘銘曰赫赫宗周皇皇建侯式廓曹宇用申厥
有貽延厥孫謀其宋之隆義聞載流我明
遐澤靡息有清有又有順有直承此綿綿南山

東洲集卷之七

十一

服德孝兩承家忠爾報國惟江之右惟澗之隈氏有
父母邦本用培耒老明農紆駕過迴樂彼茂林可詠
可靜靜者作朋養恬及紀夢入龍蛇哲人則止智者
達生仁者不死誰其嗣之曰有令子

將仕郎潘子芳墓誌銘

吾壻潘桂字子芳別號蟾軒通州東城村人以國子
生謁選天曹得東陽簿比歸厥父大輔翁暨母姜相
繼卒子芳抱病躡躡閱數月亦銜哀而卒嘉靖丁未
十月三日也初子芳既拜職其友咸駭且問曰子何
不謀諸婦翁乞一美官廼小就亦吾輩若耶子芳曰

東洲集卷之七

十一

吾翁平生養重自愛不屑干人以私人亦不能干以
私且吾自壻翁門服翁之訓未嘗以細故敗翁事況
官職有定分怙力競進非吾志也太宰漁石唐公聞
之喜且謂予曰公壻雖少屈東陽金華善地民俗醇
厚勉爲之適以章公美也子芳亦欣欣受牒以行而
今已矣非命也哉吾女痛子芳德宜遐祉而乃不年
也事親孝處昆季友而不得盡情事於父母也終身
勤儉僅得一命而弗及竟也悲號闕歲而莫之已予
慰之曰女毋過哀人之生前欲豐行死後欲豐名莽
賊貴矣而何加於匹夫盜跖壽矣而何裕於夭折女

夫得年四十有八不爲夭也遊太學授邑秩不爲賤也且以篤行雅操聞爲吾所重卒之日弔者無親踈靡不歎惜亦不爲無述也即使位極人臣齒登耄耄而負國忘公植邪覆正爲名教羞賢不肖何如哉厥兄格弟朴嗣子遷卜戊申十二月朔葬子芳于祖墓吾甚哀之銘曰嗟嗟子芳間氣清姿頽風軼翻孝義克敦操持潔白胡裕德而齒年拜官而埋璧無乃彼蒼者殆有意焉俾汝生爲人所重死爲人所惜耶

錢母陳氏墓誌銘

母氏故大學生陳德章之女今大學生錢瑞夫之配

朱洲集卷十七

三

瑞夫廼翁倍之雅善德章聞母氏有閭閻請以室瑞夫母氏之母高氏性聰慧睦親宜俗有丈夫行故母氏之賢酷似所生既歸錢克執孝敬姑許氏甚宜之處伯叔暨諸姑家介婦咸有禮視並婢亦有恩推其餘愛遠逮祖戚若戴陸許翟諸族修舊好無闕焉瑞夫性恒易無牟射心母氏欲遂其好也力任家政百備整整不以煩夫子教其子九疇以禮讓遣將邑庠卒業成均饗祀賓筵蓋實必躬親務豐舅之側室王氏贅居或勸之改適王父母氏相依勤業志竟不渝鄉有江令子以非常徒乃鬻女以行母氏哀之亟

噴而育諸閭及笄乃嫁之其賢淑大率類此子一人即九疇聘潘氏孫一人祖祐母氏體素豐末歲以痰瘵生于弘治己酉三月二十七日卒于嘉靖庚戌十二月二十八日得年六十二卜今辛亥十一月十八日葬于新邑瞿窰港西原九疇以予于母氏有世姻乃謁銘嗟乎予每憶德章翁于予爲忘年友學則同師出入必相偶蓋連姻而契交游而誼者也己亥海濤之變二子道善並溺乃今遺息復已矣安忍其泯焉無聞邪銘曰碩人有歌載遡厥源母氏攸鍾世緒可援士女宜家惟孝惟敬翌夫以安淑子以正求仁

朱洲集卷十七

三

奉訓大夫海厓姜公墓誌銘

余友姜大夫卒越明年將襄事從弟輅率厥孫夢麟輩謁銘於余奉大夫治命也嗟夫大夫於余自少至老以道義相規爲益友肝膽相照爲知己友乃余安忍銘大夫哉余又安能啗焉使大夫沒沒無聞也哉大夫通州餘東人諱恪字一中別號海厓大父宗本個儼不羈兄海岸廩生未仕卒父惇亦蚤卒母許氏

改適大夫方齠齡鮮見躬執雙立字於大母李氏
少長從父時宣時和憐其有美質遣入邑庠大夫苦
志力學夜讀焚膏或不給燃薪以代弘治甲子領應
天鄉薦試春官屢示第正德辛巳拜郴州知州其為
政不飾聲勢務以忠信仁厚取實效郴雖山郡士民
咸相孚相愛無弗頌大夫者嘉靖丁亥晉九江同知
刻表其獎善良吏寬抑操持潔白舉措公平不減於
治郴獨以氣性執直遇拂理事每面亦辭遽不能為
鴈中餽口能卒以是忤郡守棄官東歸林居唯教子
孫結社友構亭繚圍以吟酌自怡親故有招飲輒往

東洲集卷之十七

十四

飲必呼散舉白盡醉而罷公儀外足跡不履城府與
人文必傾倒中臆虛心服義無忌嫉心亦不作炎涼
能蓋篤實君子也故子母諱懿德士必歸之晚歲以
瘵痿不良於行者數年竟以是卒庚戌正月十三日
也生於成化丁酉十一月十一日得年七十有四娶
崔氏性溫惠克勤儉子二長廉序生次烈庠學生俱
先卒女三長適曹大賓次適潘然次適國學生陳倚
孫五長即慶麟庠生次慶弼慶龍慶見慶陽孫女一
適庠學生崔槐慶麟輩下辛亥十二月十九日葬大
夫於新靈運河北原嗟乎大夫長吾三歲每憶年十

四五時同受業於吾舅盛廷望氏書餘言志輒以作
好官樹功業自期待大夫果任民牧施有惠績且始
終一德不負平生也乃今以痼疾終二子並短世天
之右哲人何如哉是未可諫也銘曰偉哉大夫不偽
其中無愧於獨不虛其官有軼於俗胡予之受於天
者莫或虧而天之所以相吾子者未戢穀意者樹聲
懸望嚴嚴馥馥可以此贖

節婦大宜揚妻葉氏合葬墓誌銘

余曰宦游閩浙聞聞吾揚江都有大節婦者葉氏女
年甫二十有三夫餓卒枕藉草苫泣血三年服闋或

東洲集卷之十七

五

風以改節語葉怒且罵曉以貞烈大義即引刀刺面
示不可奪余為私識之以謝史職未特書也既余卿
佐禮曹職在旌節義以植綱常時葉年未如例尚有
待焉已酉七月二十有九日葉以疾卒厥兄憲副省
養葉大夫狀妹平生授其孤原諱銘於東洲余始而
悲既而喜曰是余宿志也銘其能辭按狀大之曾祖
曰恂者為揚州衛千戶侯祖晟襲父官父城號樂嫁
有隱德於葉之曾祖兩淮轉運同知思銘暨思銘之
子賢賢之子贈刑部主事樂菴翁萬為世好樂傢翁
為其子錢謁婚於樂菴翁節婦翁女也年十八歸於

公事其姑鄒曲盡婦道每以勤業力本舅夫子待夫之二第大學生鈞鑑暨諸姑並有禮視僕婢咸有恩生一子即原甫七月而父卒無何樂稼翁亦卒節婦佐其姑治喪如禮事姑益謹教子益嚴俾就傳親仁不恡供億原年未冠與二叔異爨戒以務勤儉擇交游端動履率之稼穡三年營宅一區又二年娶婦蕭氏又二年為應例入太學君子謂公婦既貞其節且克成子利家是為三難父老學成以為賢聞之郡縣聞之觀風使觀風使以制於年也檄郡縣姑以節婦書其門貞節頌其堂加餽率以勸其終士大夫曰

東洲集卷之十七

十六

是可歌已群為詩章以鳴之數歲中原舉三子曰參升彥卿彥功節婦延吾日所以不即死從吾夫者以一息未立也今三有孫矣死更何憾但老姑在養未忍長別耳節婦宿有疾先夕夢其夫與之語若德其有功於人然既寤悲慟幾絕疾大作不可藥矣生正德丙寅仲冬十有八日得年四十有四節婦未字時通孝經開禮度哀哭父喪孝母扶疾以賢女名既字而多有懿德殆天性云鉞字宜揚號承菴約身循義不墮家聲節婦之相實多原卜辛亥歲仲春十有三日奉母恆啓父窆而合葬焉銘曰二十年前筆篇

崇目教子肯堂於夫有光二十年後蘭桂芬芳貽謀允臧死亦何妨烈烈孤貞生也冰霜死復同歲世短聲長

東洲集卷之十七

十七

崔東洲集卷之十八

維揚崔桐撰

墓表五篇

都察院右僉都御史一泉王君墓表

世有介丈夫秉義勵操與時齟齬者可謂窮乎斯固世俗之所窮也君子以爲達焉有若風靡波馳終身富貴者可謂達乎斯固世俗之所達也君子以爲窮焉余考一泉王君之出處而重有感也夫君清宛人諱德明號一泉余日在史館君遣其子舉人闡問業於余門聞之館寮曰是其父能文章舉甲子鄉試戊辰進士主司崔後渠竒其文可以魁天下者也余索其所爲文得經義若干首古文若干首果有奇氣可誦也又聞之朝士大夫曰是其父有異政章章在人耳目者也余求其實篋仕封丘知縣劉瑾黨廖鵬茶毒河南三司以下咸受指使君獨不屈上官以爲異已苦以難平之訟君易易理之庚午鄉舉鵬之子鎧冒籍祥符貨文士代筆御史輩擬以魁選君發其奸亦取列第六無何給事中陳鼎劾鎧除名君聲益章既調嘉善寬糧長之積逋均豪猾之隱稅助學校建射圃以振作寒畯且設兵閱武卒成桃源之捷時有

東洲集卷之十八

十一

御史按浙憤嘉善之不善事也多方挫折君不爲屈明年御史敗竟免中傷晉戶部主事運大同軍儲不私羨餘監臨清鈔解稅倍昔晉兵部郎中乞養病家居蓋耿介有爲而薄於勢利者也丁亥余出補藩臬於君不相聞者餘十年庚子余承乏國子祭酒闌來謁聞君已不作四年矣問君末節於闡迺知出守懷慶會歲饑君減征損費糗粟散居多所全活是歲禾麥爪諸瑞豐見天子以爲賢褒以金幣晉太常少卿尋晉右僉都御史巡撫山西大同之變提兵境上爲聲援劾奏避事文臣納賂將官者以振風紀且以計得石州巨寇常誠心悉平其黨獨以治吏太嚴防奸太密貪夫固側目伺之會行法宗人竟坐免臺臣嘗數薦之未及起而卒寔嘉靖丁酉九月十有八日也得年五十有六遡君之世本元學士磐之裔傳至明善明善生忠忠生浩浩生恩君父也贈都御史母楊氏贈恭人配郎氏封恭人子男三長即闡次閩郡學生次文印女二長壻指揮謝宸次幼女孫一闡輩上庚子十月十有二日葬君於宛城之南嗟乎一泉自筮仕至其終稜稜風節動違時好雖數遭拂抑而屹然特立無所沮奪是世人雖欲窮之君亦何往而

東洲集卷之十八

三

不達也哉余昔考諸寮友士夫之評既聞諸厥子之言頃讀後渠崔宗伯之銘廼信君果介丈夫也

太學生俞君合墓表

俞君維揚江都人也名攻字崇治年五十一歲嘉靖甲申四月三日卒塋某地後十五年爲嘉靖戊戌其配毛氏卒九月十七日也壬寅年某月某日出藁塋啓君竊附焉其友若戚迂湖葉大夫蜀岡盛大夫嘗爲之狀而徵諸銘矣君子材復以合墓表謁東洲崔子崔子曰吾素喜君之從弟都諫崇禮且葉盛二大夫鄉之信人也諛慕之誦吾知免夫按二大夫之狀

東洲集卷之六

三

曰君生而秀穎老成父從仕翁奇其必能子也館穀名士以授之業然而數奇屢弗第廼奉例卒業大司成君性孝友執親之喪哀毀逾禮處其兄若弟敬且愛怡怡如也兄弟以子姓蕃息請典居君涕淚從之田廬服用僕媵取其下者卜居務近故廬有所事必諮諸兄如昔是以其仲兄敖每以君行淑其子肅乎有刑于之風焉君處里閭嫺嫺咸有恩周貧振弱不以自德有稱貸者輒應之或不能償輒棄券勿復責會歲凶多道殣君求而掩之又多置棺以殯所識之莫能舉者嘗夢一髯丈夫語之曰汝當有兩火厄以

汝有陰德不汝厄也正德甲戌偕數之子渡江夜泊大儀津忽群盜入共射君驚入水大呼曰若屬寧盡取吾財毋加害吾幼姪波濤中若有掖之者頃復近舟盜異之遂遁去明年胸發疽滯病不可瘳復夢有語之者曰二子人能辦此果得竺姓者愈之蓋竺乃二子也君乃思昔夢爲有徵竟不爲厄者神實相焉自是無復仕進志乃選勝於城之西北而山枕水亭池其中環以青木扁其所曰怡情園以自號云時携一二同志游讌嘯詠徜徉移日人莫窺其際也君始配蕭氏有懿行先卒繼配毛氏江都天祥翁女壽昌

東洲集卷之六

四

尹天秀之猶子也既婦俞每以其姑王不及養爲恨事其舅氏從仕翁甚恪事怡情君得婦道君游邑庠則篝燈爚茗資其誦讀君游國學則綜其家政俾無內顧君病疽則齟齬勤劬誓以靡他是以君重之相敬如賓友者三十年終其身不置婢妾君卒毛痛之幾滅性教子勤學力業俾終父志教女必以古列傳孝經爲閭則宜其伯叔姊姒莫有間言閨卹貧苦亦未嘗責報嘗雪夜有僮仆於門者毛亟命內之室飲之燠之乃甦及晨以米帛爲遺有傳嫗者寡且貧厚貽之俾終其節哀其孤孀猶夫已也生子一即材太

學生孫四觀光觀順觀民一尚幼女孫二長適太學生顧天民次在室俞之先大寧漢人曾大父文友文友生永貴揚州衛中所百戶永貴生英字堯卿即君父從仕翁也配王氏生五子敏教數牧君居季敏指揮使教七品散官君叔父某按察副使都諫君父也嗟夫不有邴缺曷章其婦不有孟光曷章其夫怕情君之夫婦維德之行時所鮮儷表之貞珉斯其無朽矣

廣西按察司副使中憲大夫錢君墓表

嗚呼此吾友南浦錢君之墓也君諱鐸字振之號南

東洲集卷之八

五

浦少時與余同向承托好論心每以顯名樹勛相期待既余授史職君亦次第薦已卯鄉書舉辛巳進士即館余所問語余曰疇昔之約發軔有階矣唯克考終又吾願也君累官至憲臬駁駁有軒舉展揚之勢乃以被論中阻君以為非其罪也竟未白以殞太學生冢嗣藻次嗣薰于癸卯十二月某日葬君於清幹鄉先塋奉其母板令寔焉謂迺於余為齟齬交也謁余以表其墓余曰嘗樂論南浦子矣其為人殆有志者與可所遭非人也按君釋褐初會武宗皇帝大行即奉命纂修廬慶諸郡實錄有精

東洲集卷之八

六

後功嘉靖癸未授刑曹主事繫囚冬月多僇號君請為最嚴懲擄于今秋之甲申秋以論大政得寬旨出危僅免丙戌奉命論省江南重獄讞稱不寬丁亥陟員外郎時勲戚坐古役伍卒奸法者屬君聽之權貴或以為請君不可曰法施自近是國無刑也必以其惡從數輩為戮戊子陟郎中西樞太宰廉其才出知端州端故多龐政君展布心力悉為剗剔端士鮮科日以譽各內遷為答君為白當途上善地並新二岸嗣是登雋果相踵士論功郡守焉以父憂行服去及闋改湖藩郎陽郎山郡也士礪風夷長吏苦無成績君務以仁禮為治民漸化德無何陟廣西按察副使飭兵府江府江荔浦諸郡三洞窺宵萬山巉巉蠻虜徭醜怙阻積毒民病焉君至輸以悃幅諭以利害嚴以偵邏威以舟兵於是乎悟者歸命悍者黨伏且生得大懲數十人戮之以徇土人謂三十餘年無此績也監察使悞以君為不共乃刺君短遂致祿余時以南陟過里君訴余曰吾平生以克終是期迺今以求全中蹶恨無所從證耳知我者吾子也別逾月君計至矣君敦孝友峻廉隅寡笑語治家儉取舍明交游慎斯其章章聞者獨以性簡執任已自信不

能與時推移此其尤所及也室李氏於余室皆御史周之自出封恭人婉慧慈孝閭德無缺君安焉終其齒不置妾恭人亦敬侍君有冀孟風君卒恭人哭之哀寢食起處無不念在君者未及歲心疾而卒君生成化丁酉十一月十七日卒嘉靖辛丑十二月二十二日年六十五恭人生成化丙申十二月二十三日卒嘉靖壬寅某月某日年六十七生二子即藻薰三孫九德九功九敘三孫女長歸通州千戶王廷揚蚤卒次聘徐允升次尚幼君之先高祖貴一貴一生忠忠生遂遂生盛號貞齋有隱德能以善富生三子長錠海門庠學生中歲卒次鑑太學生未仕卒次即君貞齋以君貴贈中憲大夫郎陽知府君母戴贈恭人君子曰南浦子上焉未嘗負其君次焉有以榮所生中焉有以立其身施若未究而志固有定亦未爲不遇也史臣表之諛墓也哉

贈刑部主事葉公封太安人高氏墓表

湖廣按察副使葉君觀於東洲桐爲丙子丁丑兩同年君痛其二親之不可作也介使馳狀來京師以墓表謁曰惟我先贈君刑部主事樂庵翁者諱萬字楚榮生成化三年五月十八日卒正德十三年十二月

東洲集卷之八

七

二十二日葬于蜀岡禪智寺之西原則丙申四月庚申日也暨我先封妣太安人高生成化某年七月八日卒嘉靖某年十月七日葬合先君窆則丙午十二月十三日也墓石久虛以待夫子願爲二逝者表用垂不朽桐曰表也者表其德也表夫婦者表合德也桐家食時嘗拜翁於竹西堂下安人年六十時嘗壽以文是桐知二逝者之素舊矣表安能辭按狀葉之先婺州人樓姓以其父衛千戶諱賢者出嗣母舅葉思銘後遂姓葉居江都娶於蘇生五丈夫子贈翁其第五子也封安人裔出尚書宮保宗選公乃封工部

東洲集卷之八

八

主事欽之女也其世系詳於黃雪洲司馬盛蜀岡岡卿二誌銘亡庸複述已惟翁氣和質重雅量直中誠可動物正足表俗安人則淑質端莊言動不苟以禮自閑克循順軌是則茂稟懿行可合表者一也惟翁竭力事親所欲必遂臨喪守禮哀思成疾安人則敬事舅姑安寢始退衣食親供進侍不怠是其純孝敦本可合表者二也惟翁友于伯仲推產讓財一錢尺帛無私妻子安人則勸翁退讓善處娣姒力勤守儉囊無私蓄是其宜家睦親可合表者三也惟翁庭訓嚴飭務期成立麥舟示義鼎以濟物安人則延師教子

程課責義親黨吊慶必期從厚是則淑後好施可合
表者四也爲之嗣者有四子三女五孫皆肖德不羣
且並拜顯褒壽考以終亦難也已今夫匹夫匹婦一
行可述君子取焉况夫婦皆賢其容泯哉二逝者之
隱德細行可誦者無能悉表表其章章明者使天下
後世知葉氏之門有並美焉過斯墓者亦宜式矣

封蔡節婦姜氏墓表

蔡母諱妙慧者江都處士卿之女嬪之配史館生圻
之母也以嘉靖壬寅八月二十四日卒圻以其年某
月某日改葬其先人於某山原奉母柩合而封焉廼

東洲集卷之八

九

虛墓石謁予于南省願表母平生予曰名實貴符言
斯有徵母之可表者曷徵哉圻涕泗漣漣下出秋曹
卿蔡君汝楠狀以徵其言曰母氏室處時敏穎迥軼
羣兒閑閨範力女紅凜然以禮自防弟妹中有怠且
嬉者每規以正厥母高亦倚以爲安焉於是宗黨閭
里莫不稱曰姜有賢女母既歸蔡以不及事姑姜爲
恨事其舅氏董軒公繼姑陳甚謹董軒公以貢士家
食理生無羨陳生諸叔孱弱未立母獨任苦辛操井
臼具饔飧勤勤怡怡必得其歡而後已於是閭里鄉
邑莫不稱曰蔡有孝婦弘治辛亥廬以力田過勞年

二十八而卒母時少夫一歲哀過淚血病篤亦垂死
強之藥廼生或欲奪其節母抱圻哭曰吾所不死者
以有此孤耳吾嫁姑安歸終其身七十八年冰蘖其
操如一日於是郡邑鄰封無不稱曰蔡有節婦嬪死
圻始八歲舅氏時任大同都司斷事母携之從無何
舅氏卒家甚貧母以教子爲首務圻少頗放逸母痛
繩之圻遂改行業儒暇暇有軒輿志既長嫻文詞工
六書爲名公墨士所器重正德間逆濠變作圻獻禦
賊五策於維揚將守瑤嘉靖初御史秦君鉞檄圻緝
武皇南巡實錄尋受知於時宰桂公薦入史館桂罷
相圻爲抗疏請皆母之訓也於是京師中外莫不稱
曰蔡有慈母子讀之既廼歎曰嗟乎夫人有一行君
子無棄焉况全懿乎嘗論之曰善原於孝母氏仁愛
實出天性聞嬪死之日舅氏問曰嬪死何囑對曰夫
但以先姑久不祀囑婦以是請舅氏感焉姜遂入祀
嗟夫茲非母氏之孝篤其生而及之遠者哉惟孝故
節惟節故慈爲女之賢養固有體矣今日蒙 恩旌
節嗣日昌大後昆孝之獲報可涯也哉是宜表之以
風來祀

東洲集卷之八

十

迪功郎見一盛公墓表

嗚呼此吾外祖盛公第三遷之墓也公生於直德已酉五月二十一日卒於弘治辛亥九月二十八日得年六十三初葬於禮安鄉故縣運河之南吾祖朴庵宗伯翁為表其墓矣江齒土厯嘉靖元年復遷北原江愈適厥孫時復遷公暨父叔諸塚於餘中張龍港東嘉靖二十七年二月二十一日也邇公之沒甲子僅一週耳碑字剝落殆半時復謁予表之子奉讀先祖之文感外祖之存沒再拜流涕按故表增新跡而言曰公之先相仲哲父濂字本清世有隱德為海門

右族母謝氏成氏公諱英字世傑少游邑庠性豪邁穎悟過人弱冠補廩膳生久不得志於場屋歲貢試天庭得上選公曰吾平生抗志青雲不能汨汨居人下迺今庠序畢業矣苟得授一散秩逍遙林丘脾睨卿相不賢於奔走空園中耶遂謁銓曹拜職迪功郎以歸隱特構一軒為栖息所扁曰見一因以自號蓋取昔人林下何曾見一人義也居常焚香掃地興至輒端坐彈琴庭畜一鶴琴罷或呼鶴引舞嘯詠竟日客至則雄談高論聲徹於外聽者唯唯不能出一語至求田問舍之事不屑為也是以達官閭里共賢之

稱曰盛公盛公鄉有不決事每求正於公配潘氏性溫惠事公唯謹正德十一年卒得年八十有六子三儀太學生密縣簿室李氏姜氏壽八十一儼太學生勤學志科目未遂卒室崔氏潘氏俱庠生蚤卒室戴氏三女長適吾父宗伯公崑贈淑人次適戴浩次適孫蕃孫男四長業太學生隆平訓導固安教諭次爵蚤卒次壽次即時曾孫九一元應龍庠生應麟應魁應期應陽應鍾俱業儒二尚幼嗚乎公之高尚桐已表諸邑志逸士傳中茲復表其墓公庶幾不朽矣乎

崔東澗集卷之十九

傳四篇

蜀岡先生傳

蜀岡先生者揚之江都人也盛姓名傳宇德章江都
有蜀山故號蜀岡云先生襁抱中即能記誦少長苦
志績學不憚寒暑領戊午鄉薦第六人卒業太學兩
居元選登乙丑進士第先生於古今書無所不讀故
於天下難易言亦無所不能為觀政史曹時能抗逆
瑾不為政書家字剛介之聲已藉藉在人及主事禮

東洲集卷之十九

曹數以外夷進言事抑權倖王永又執奏不當加賞
誘降夷人怒逆瑾餘曹以為賢政監察御史劾天下
不職吏若干人具奏民間利病若干條風稜棘棘無
所忌避外補山東僉事遷副使歷職幾十年有巨寇
劉宸輩攻城邑殺長吏勢甚劇先生募智將驍卒躬
親矢石間多為方畧斬首千餘級境內以寧後二年
商河盜起復建議官軍入城支糧緩不及事請遣官
齎銀隨所至買糧以給賊遂撲滅迺若問賊吏誅權
猾寬疑獄理侵漁卹夫役凡可以興革者不難以身
任之東藩之政一時為新服闕改雲南典也政摘發

諸衙使冒糧銀吏百餘人咸帖然輸服無稱冤者遷
湖廣廉使久滯之獄剖決如流守令雖遠在數千里
悉廉其才否以公舉刺時湖省多盜建議置僉事一
人專督江防兼理兵備一人駐長沙諸郡嗣是水陸
無虞民歸德焉遷本省左布政使會朝廷遣大臣
取大本索價徵夫一省騷動先生請以買木羨餘次
第雇役民困稍蘇又顯陵之役計費不貲廼替翊
內使舊文務在節省又歲凶民饑人情洶洶廼蠲
已責散儲掄幣所全活者甚眾先是先生以入觀
司否屬吏忤當衡久之始遷太僕卿時甘肅用兵

東洲集卷之十九

詔解馬二千匹給軍先生議每郡四更僻夫事獲不
授又議置別庫以儲露積無何以不偶於俗被論得
閒住既以顯陵功詔致仕先生性至孝友學術醇
正嘗議定曾子廟制應詔陳言請崇尚周朱釐正
文體為士論所選居官勵志清白林居惟舊廬數椽
足以容膝薄田數畝足以充虛愉愉焉著書授徒訓
子力農若不以為窘也對客談論經史品題今昔人
物疊疊不倦語及求田問舍事笑而不答每出城市
雖闌闌鄙夫亦曰盛公來矣是吾鄉好人好人鴻儒
學士稱志行端潔者必曰蜀岡先生後生小子稱經

藝精到者必曰蜀岡先生嗟夫先生之學行才望有此所得亦多矣程之豐祿峻爵於世道無所軒輊者賢不肖何如哉

贈光祿寺少卿范公死節傳

范光祿諱琛字廷獻號東山宣城人高祖惠任德冀二州同知祖斯福父晟母施氏光祿狀貌魁梧雙目炯炯性剛直負氣不能為泯忍事少游郡學有文聲宿學老儒多所推重督學御史浮梁戴公少可許得光祿試卷大器之成化丁酉中應天鄉薦屢試春官不偶弘治癸丑謁選天官得江西清江令以母憂去

東洲集卷之九

三

服闋改令瑞金居數月閩廣賊作夜半殺門卒攻成突入時瑞民洶洶竄伏左右有強光祿急去者光祿怒髮上指挺然撫膺曰吾去誰與守吾生平欲丈夫其行而學兒女子以自免於節義謂何遂從民兵數十人迎敵殺賊二十人有奇相持至翌日賊少却薄暮光祿力屈為賊所得挾至宋卒舍所問庫藏所有光祿不為屈詈不絕口賊憤遂遇害時乙丑歲正月二日也守臣上其狀

天子哀之贈光祿寺少卿賜葬祭命有司廟祀立石廢其子麟為國子生光祿家居喜賑卹貧乏為閭里

所德治清江平賦興學屢白疑獄瑞金俗尚行賄公禁之無敢奸者死之年若干

史臣桐曰予讀武宗實錄乙丑之寇臨江瑞州新淦永新諸郡被毒多矣而守令非無其人以身徇民者周副使憲范知縣琛二人耳琛小臣也而能樹節炳炳可尚也已使之當塗分闡緩急其可倚也夫菁莪之化琛奚負焉而景風之恩志士將無有所興乎

誥封一品夫人許母李氏傳

一品夫人者桂國少傅文淵閣大學士松臯許公之配冢宰襄毅公之子婦也夫人姓李氏世為河南洛陽人父祥母郝氏祥與襄毅公並以才名擅一時最

東洲集卷之九

四

相友善襄毅公憲副山東祥以貢士任濟南推官修好如故不以同屬相臨也襄毅公為松臯公謁婚於祥祥雅愛松臯公知其必為大器遂以夫人妻之時合喬濟南無何偕夫人歸於許一品太夫人高家訓嚴肅夫人孝養舅姑自任勤苦一衣一食必躬必親太夫人甚宜之松臯公舉丙辰進士授大名推官遷監察御史戚族爭榮之夫人未嘗有矜色松臯公以論事謫知臨淄會襄毅公卒行服三年夫人哀毀盡禮殯葬賀祭咸經綜理比暮則抱兒潛泣高夫人惻

逮曉始覺也既松臯公陟浙臬僉憲副使提學山西
參政四川布政浙藩夫人隨任念太夫人戀戀不釋
得一異味輒寄供太夫人曰吾不忍以甘旨自奉也
松臯公陟光祿卿至刑戶二曹尚書夫人亦由孺人
累四封至一品夫人矣尚念太夫人年高還籍省侍
以百金買地於城西立舍歸佛爲太夫人祈壽考松
臯公尋亦乞歸養太夫人卒夫人哀痛幾滅性蓋其
至孝出於天性故不爲老少窮達所移如此夫人性
溫淑謙挹處娣姒有禮嘗從 皇后親蠶內苑以伯
氏莊敬公一品夫人坐列已下踣踣屢頓不自安命
婦中貴廉其故莫不稱嘆處家甚儉約然好施舍憂
居中值歲凶每以布粟櫛問親里貧乏者又置棺百
具以給貧不能葬者辛丑年松臯公以冢宰乞休尋
復 召典銓銓衡次年冬夫人得痠疾乙巳漸劇以八
月二日卒于京師時公已登台輔矣距其生成化十
年四月二十九日得年七十有二禮曹以計聞
天子哀之遣行人徐洛治葬事賜祭二壇蓋殊典也
夫人蚤歲生子女凡數乳皆夭折一子傾以父蔭累
官督府經歷陟辰州知府以夫人疾請內職侍養改
禮部員外郎辦中書事 欽給正四品服女三側室

王氏出長適陝西都指揮張蓋臣次適山西監生張
良士次適洛陽王憲副子生員王陽生孫男二長茂
祿蚤折次茂積夫人卒之日桐往弔焉松臯公涕淫
淫下語桐曰夫人平生舅姑嚴則養而能敬吾性約
則儉而不侈乏婢僕則職勞不倦置貲蓄則安而無
怨計匹吾五十五年矣中問遭兒女夭折之苦奔馳
悲愁之艱亦備嘗矣今吾沐 朝廷厚恩高爵重祿
所欲可致而夫人棄予以逝何能爲情耶桐曰夫人
賢矣貴矣壽矣其有終矣尚何憾乎公之所不已者
夫婦之私也夫人之所無憾者義命之公也松臯公
曰唯唯若子之言吾亦庶幾無憾矣乎遂自爲狀屬
桐傳之以昭閭閻章 君寵垂不朽云

朝列大夫張君傳

張君諱宣字德暉號頤拙松江上海人也自其先桂
五居上海之高陽里得名張家浜張姓始著桂五生
王蟾下蟾生隱德隱德生志恒恒生述述生熙熙君
王父也 民和號梅溪君王母潘儷梅溪有令德君
生而簡重不喜兒弄弱齡就業於伯兄萊守以英敏
見奇比長屢不得志於有司君益勵力積學不爲疲
也竟領弘治戊午鄉薦登壬戌進士第筮授鄱陽知

縣鄙治附饒吏姦民流稱難治且歲輸無藝徭繁力屈民以爲病君至一切紓以惠政而抑強蠲汚獨加嚴焉邑有滯獄君爲疑者識之濫者勿聽刑以平稱機兵之役冗食者衆君令分番歸農以省工費之半俗尚陰陽家說親死久不殯悉示以法里無留喪焉甫三年以案治一小吏不假借吏遂巧詆君於上官坐當調職至京師時逆瑾方燄朝士多濡足其門君獨不往時論高之踰年得嶸縣君曰官可改志不可改也嶸之豪右多匿丁田以輕賦君悉括其實無所詭隱學宮時靡側大爲繕葺以敦歲祀故有五倉

東洲集卷之九

七

散置君聚爲一以便民且省斗級費民有露墻者置漏澤園泊義塚戒所在掩埋之諸所管辦咸取庀贖金金無入私橐者君抱公履方不能偶俗以稱時求以是失使臣意至刺君於朝然輿論方歸望於君銓部亦廉其素得不絀正德庚午改政和政和小邑也比域浙省每爲慶元龍泉諸縣流民所苦君嚴令慎防民賴不擾巨室多隱蔽田和致小民有無稅之徵君曰稅以田錯制也有徵無歸毒在巨室爲覈免之簿書遂正巡按賀御史賢之移文兩浙以式先是庠士父誦科第君躬親課試登薦遂不乏壬申擢守

茶陵州州境比江右民雜習悍盜賊多恃黨亡匿不可捕詰若類編其族威以連坐民懼盜息山鄉豪猾有侵負官物者君置元惡於法民知更行永新民越境占田歲負稅餘三百石君狀其弊自當道責永新吏督徵轉輸以紓民累至若禁市蔬均賑卹可以利民者靡弗實力焉巡撫安成劉公荆山王公文章薦君未及報以母憂去丁丑改潞州州有藩府輿役之擾且民以土納爲累君悉禁之先是歲徵無定制右族緣以爲奸君善爲會計使邊輸存留輕重相等焉時逆彬勢赫赫君不難以身翼患民倚以安巡撫張

東洲集卷之九

八

公嘉其迹特旌異之無何擢湖廣僉事去之日民遮道攀泣相率畫像建祠以頌豆君君蒞湖泉恩威兼著長寶二府報獲盜百有四十人君察誣引者衆悉原之尤嚴獄囚瘠死之禁不得令仇家有所中傷時有捕蛇之役君遣囚徒行得無擾良民麻城馬政多奸刑厥額外濫稅皆釐正其弊當道稱其名冠湖泉威加荆岳治迹考最嘉靖壬午擢本省參議主糧儲先是侵剋積弊邊衛尤甚君立法禁處奸無所售卒以直亮不阿忤意巡撫引疾致政既歸怡情泉壑謝跡城府備一亭扁曰願拙日課二子諸孫其中意豁

如也君性素友愛善分施梅溪翁既卒撫二庶第甚
恩歲時租入餘於祠堂以給宗族貧乏者鄉人嘗負
五百餘金悉焚券不責償其歷官居鄉動皆可法如
此居五年以疾卒時嘉靖丁亥三月十有六日也距
其生爲天順己卯六月二十有八日得年六十有九
配陸氏有婦道先君十有八年卒繼室孔氏 先聖
五十八代孫子男二長鳴謙領正德丙子鄉薦次鳴
殷女二長適山拱宸次適朱朝寵孫男六長仕郡庠
生次儒次俸次化次儲孫女三長適郡庠生沈盤次
許聘姚簪次幼庚寅年松江府庠生高君行義群請
東洲集卷之九

九

於督學御史馮君表祀鄉賢祠墓從其先在曹烏涇
之原

論曰士君子立心行已寧見矯於小人毋見罪於君
子見矯於小人其一時鉏鋤擠紕若有不可堪者而
時熙議定卒樹風聲見罪於君子則生前之竊享不
足以贖身後之公誅亦何益哉張大夫盡瘁王事餘
二十年中間愠於群小迂意上官秩不過朝列以終
其身斯不謂咄生於義功浮於祿者耶然而去郢則
劉進士錄爲志名宦去嶧則王冢宰華爲記嘉政去
鼓和則滕侍御祐爲記興學去茶陵則張太史治爲

傳循良去潞則崔司成銳爲記生祠嗟夫鴻鼎碩望
若大夫者視婉婉小夫孰顯而孰晦耶吾錄大夫行
而重有感焉

說一篇

克齋說

大司徒王翁以克名其齋理儒學士重名釋義爲之
論者甚悉以已對禮者其精以已對人者其旨欲
以克爲能者其旨徒測微探眇疊疊纏纏若莫涯涘
客有求其是於司徒翁者翁笑而不答客廼謁諸東
洲崔子崔子曰夫道淵已浩已莫可垠塹已是以故以

東洲集卷之九

十

精求者以精應以微求者以微應以徒求者以徒應
譬如日月懸天旁窺四顧何照非明千竅百川何地
非影是故以萬求焉象若顯蒙以一求焉會有歸極
條分縷析皆可明道也左宜右有皆可行道也子盍
考諸司徒翁之素乎紮已靜修動中繩墨秉公履直
一節不渝斯不亦克已復禮之義乎排難解紛抑浮
惜費邦儲臺憲肅紀阜民斯不亦視人爲己萬物一
體之義乎秩屨崇卑事歷夷險軼譖儔猷荷負不屈
斯不亦克身克職之義乎夫道一而已矣即翁之行
以本其心即翁之心以原其道即翁之道以證其名

可以思過半矣客若有得焉退而語諸翁翁曰噫嘻予何有得於是哉予其問諸太初

謚議一篇

襄毅潘公謚議

兵部尚書兼右副都御史潘公鑑之卒也

天子從禮臣之議俞內閣之擬贈太子太保賜謚曰襄毅蓋謚法所謂因事有成果而能斷者也公以清姿雅操閎才碩負峻擢賢科歟歷中外治狀之章章者如筮仕延評則辨孀婦之誣子獄未決之群獄僉事福建則弭惠安南安之劇寇平福州邵武之叛卒

東洲集卷之九

十一

兵備貴州則發楊章之秘謫再任信陽則舉捕蝗之荒政廉訪四川則四指揮揭黃之冤白右轄江西則出納詐偽之弊革左轄四川則軍餉之艱紓巡撫四川則均糧之法行麗江之夷靖擒關南馬興而蜀北以安戮深溝番賊而蓮道無阻及其共陵殿之後也則採運八省議蠲派辦小民之擾至若量材節費一疏愛國憂民之義溢於詞表太廟之役也理屬吏之誣獄抑上官之濫典及其奏功蒙賞則以優弛疲民爲請斯不謂因事有功矣乎夫見利而競進見害而遠巡人情之恒也公直節義氣不難艱險如誣

予之獄揭黃之疑雖犯怒刑曹事涉招駁而堅不可移逆濠之變汀關之防羣僚選悞而挺身徇徇蜀南多釁出羣策而卒收其功節費廼民兩疏批逆鱗而無所恤斯不謂果而能斷矣乎桐考古者以一字爲謚一字之褒難也謚以二字自周漢始而二字並美尤難昔賈充晉武之幸臣也死而太常議謚曰荒帝雖易以爲武而荒之稱卒不可捨唐蕭瑀亦賢臣也然端直鯁亮近貞桂多猜貳近禍故謚曰貞褊而美惡並形若太保公者可謂名稱厥情而具美無憾矣乎抑考公性純孝昔寓延平閭母施計旬旬北歸妻

東洲集卷之九

十一

子在省莫之顧也遷貴州過里見其翁南峯公之衰白也遲回不忍釋侍養踰年而後行傳曰事君不忠非孝也蒞官不敬非孝也戰陳無勇非孝也又曰孝弟也者其爲仁之本與公竝立其本矣夫何有於道生謚以襄毅也實宜

崔東洲集卷之十九

崔東洲集卷之二十

維揚崔桐撰

祭文十篇

祭大司成魯先生文

於乎先生鴻聲碩負自家食時已藉藉士林矣既而
魁天下遊內翰陟師氏名重中外亦有年矣在告巖
居望繫人心莫不翹首其一起者又餘十年矣於乎
天之奪先生胡爾其太速也哉惟先生之師模兩京
也選極海內教紀不植文陋雕蟲學耻章句呂正獻
公之究心經理足端教化之源楊龜山之學本正傳

東洲集卷之二十

一

大爲諸生慰勞是以東序化弘上庠學振祁祁髦士
升堂入室聯翩甲第者濟濟惟人功在斯文殆不細
矣使先生翻然再起則黃閣秉均蒼生造福又豈淺
淺也哉然而臺司迭薦而高用彌堅竟爾東壁受蝕
下壚長游可慨已夫不知者以爲先生不遇於天下
知者以爲非先生之不過天下之不幸也是大不然
夫沃其根者蕃其末深其源者長其流先生道尊業
廣還元返朴掃八風之舞識兩疏之機使頑者庶懦
者立一出處所以沃吾道之根深吾道之源者弘
矣功在吾道功在斯民也是先生未爲不遇而天下

亦大有幸也歟某等追瞻山斗恨遠光儀俎豆寄衷
東臨冉冉尚饗

祭東軒張先生文 陽峯廼翁

於乎先生器行家聲才曠時賢騫舉要衢履潔秉堅
羽儀 宸署翊化臬藩懋樹嘉政勳策黼黻烟霞心
會爰屏世喧聞開在林順和涵玄天錫茂胤以引世
傳縱橫藻翰瀛苑名懸日陳墳典啓沃 帝前錫予
孔庶紫紱金蓮先生逝矣哀徹廣庭 帝曰有子昭
典載宣廼藏廼祀後社自天某首在史館令子同官
愛我教我契托十年今也南遊訪舊弔邇寄情觴豆

東洲集卷之二十

二

江漢茫然尚饗

祈晴文

雨本澤物然天戾氣則爲妖水本利人然地脅陽則
爲災神之所知也夫民惟邦本穀惟民命有司也者
植民命以爲本者也而神明也者祐之民以翼有司
者也詩曰田祖有神秉畀炎火又曰敬恭神明宜無
悔怒蓋憂患在乎人而紓患者望乎神吾民之厄
人神共有責焉矣於乎何辜楚之民徃歲告旱嗣歲
告溢旱溢糾纏降罰實多即今自春徂夏夏徂秋十
日九雨雨淫陰伏江湖澤潏巨浸市閭爲河宮

饑吐就蒲羸圯墉沉甕棄岸平谷來平病而昭賜弗
蒙禾稼沒而有秋何獲是將剗我根本而重可哀焉
者也意者大庭弛修靡反廼闕而重我神怒與然
明明天子洗秉素慮露禱走幣用勤矧恤者至矣意
者表誠啓聖仁愛我君與而民其陷危胡可以輕
試與將無桐等奉公不職貪墨毒尅苞苴在門爵誼
在園絲征錄課神心不平垂割有衆與然一有於此
罪在吾等而顧及之元元何哉有司有罪而貽之民
非神之靈也若其無罪而罪吾民非神之仁也惟城
隍之神鑒臨方省奉有明勅若曰罔聞幽明之責

東洲集卷之三

三

謂何惟風雲雷雨諸神曜照震蕩帝命率育若曰罔
聞咸亨之德謂何惟山川社稷各有疆域各載厚德
德不在物時祀之典謂何神何不飛螭節騁龍輿上
告天神下徹地祇挽否爲泰轉沴爲祥雲旗拂霽風
馭時揚羲和運暉河伯受職上神呈瑞先農協力則
民受嘉生邦本盤石庶乎皇心哉寧百工惟休而
神之時薦歲祀亦得世享乎報酎矣謹告

祭白侍御文

於乎哀哉先生之才修能壤負紉繹不窮足以翊乎
世獻先生之德修養弗遷任道以朴足以追乎前修

先生之器溥濶不苛淵涵不察足以隘乎時儔抱節
南趨經營帝丘盡瘁以事知殫慮周以王臣之匪懈
固造物之所優而白簡方嚴丹衷甫露溢異化而載
休意者至人之不恒美忌多取俾英華之奄收意者
帝愛厥才云徵記乎玉樓意者悲氛壞之迫阨軼九
垓凌六氣渺恬愉而上浮於乎先生人生過隙日月
幹嬪誰其能留先生之獨留者芳聲茂績洋洋纒纒
與正氣而並道夫何憾哉然而攀輻執紼薦醴羞
愴愴而弗忍舍搖搖而若何求殆我同事者之所私
不能不臨秋颺而投淚眇冥幃而寄憂也尚饗

東洲集卷之三

四

禱雨文

工有常憲帝有顯澤赫赫乎命用正厥德嗟嗟楚方
歲不順成匪水則旱民鮮嘉生天之不吊實民之尤
民亦何知召之有由惟予群工靡修多闕適見於天
開右非屑火炎南陸東井裂光靡稼不萎靡草不黃
淫陽鬱蒸札瘥有作施舍傍徨鬼神廼索神靈合天
民命依神敢潔敢告暴棄具陳庶寮既禱申之庶長
降物展悃神若莫享惟神孔章淑慝是司工有弗率
神鑒勿遺弛我民罰濶以膏液興雨祁祁紓憂舉阨
小民不吝庶正載安神亦表靈含煦之寬尚饗

謝函文

天心仁愛施無棄物神享惟誠非馨黍稷民之多艱
歲事嵒過吾工弗逮策勵罔克敷陳詞川斬龐德
皇靈不違降鑒頃刻灑以甘霖洗我沴域蒸黎歡呼
懸解焚炆俯循何修邀受歡格神實秉鈞恩威莫測
惟神終惠閔茲孔棘汪澤沛仁有流無寒時雨時暘
司命任職有生熙熙有穡穡農工並休邦本是翼
尚饗

祭陸儼山宮詹文

桐與先生產唯限於一水道寔契於同源相聞於卅

東洲集卷之五

五

角之年受知於塲屋之雅洵沫於風塵之鄉邂逅於
雲龍之會悲涼於離別之秋馳情於魚鴈之托期我
以遠大翊我以高明屬我以愛予示我以胃臆真道
義之師友也桐茲抱痛海廬念及交游誼分雖夢寐
食息未嘗不在儼山方期天啓佳辰再從先生之躅
覲德金相聯班正筭相引相翼憶思誠以上報天
子下究宿學而先生已矣且柰何哉意者天下之至
寶爲造物者忌不欲久在人間邪抑造物者有意於
先生故壽其終以留未罄之休於後人邪嗚呼海濶
天長瞻望何及徒有腸切聲吞遙對南雲耳祇遣一

鵬身臨心越哀哉尚饗

祭曹邦彥戶曹司務文

嗟乎先生於吾輩同登南圻丙子賢書計於今餘三
十年矣日月代嬗亨屯異過生死殊塗回首瞻昔共
醉鹿鳴連翩白下之英屈指落落如晨星秋葉存者
幾何幸而先生薨仕地曹羽翼邦儲吾輩三四人亦
各以薄秩合簪京署論交話舊少罄平生而先生詎
云舍我而逝爲情當何如哉念先生學醇行篤言訥
貌溫惴惴小心不訾桀黷累資積勞已五六稔大夫
清隄例在旦夕先生奄爾遘榮靡終後祿天之報善

東洲集卷之五

六

人固若是耶意者天於善人生食其報不若死昭其
名享厚其躬不若慶垂其後先生蓋棺之秋名卿碩
士僚友鄉曲莫不哀哀嘆息羣誦宿賢而令子以奇
雋之器尋魁鄉薦是先生之令聞益章芳緒有托彼
蒼蒼之報善人未謂不豐且遠也斯可以瞋目矣桐
等醑羞展悃感倍恒情追叙久要實勞心曲哀哉尚
饗

祭蒲亭文敏公墓文

門生桐等謹奠于文敏李公之墓曰嗟乎先生之成
就吾儕也或擢秀南所或連茹冀北魏燮下之九材

幸兼收而並蓄先生之教育吾儕也開我迷途端我
法程實恩同乎骨肉豈止於師生先生之俯愛吾
儕也雖嚴範而色引殷情欸於燕語坐春陽於藤軒
剪凶夜之逆炬念師門之睽離紛喧轍而不齊曾歲
月之幾何成永訣而長違嗟乎先生玉粹金昭祥麟
威鳳逸韻清標 聖朝梁棟往牒爬羅於蓬觀詞鋒
景煥乎仙瀛未屑於締章繪句才兼夫錢穀甲兵鈞
秉台衡獎調鼎鵠時屬望乎弘攄 帝有須于亮采
夫何彼蒼奪我哲人匪小子之私戚關世道之亨也
桐等過童蒙而生悲嫻玄塚之莫助悽橡隧之秋風
嘆惜林之朝露德深感倍詞切心馳椒漿肅獻神其
有知

祭周白川太宰文

嗟乎先生之不可作也真邪非邪英靈正氣今安歸
邪念先生之風範修髯皓髮雙睛炯然神采整峻動
履便旋群以爲天下之慶必求其年奉瞻未幾胡云
已矣誰能舍旃先生學醇而古蚤涉道涯靜而有養
介而不華諫垣抗論臺憲繩邪厥歷中外一節無瑕
蕭然齋索尺寸莫加是之謂有爲有守知有國而忘
其家先生才長而毅行篤而純振振君子寒寒王臣

克敬克戒慙惻一人夙興夜寐獨任苦辛旌別淑慝
盡瘁以淪是之謂奉公委質知有君而忘其身先生
之未束銓衡也公論攸歸望之如渴既拜新命也興
情翕然朝野共悅彼蒼者天胡福之而遽殃予之而
尋奪凡厥有知孰不爲之歔歔哽咽況在同鄉舊愛
情何能遏嗟乎有酒旅逆有殺旅剝聊寄哀思神其
弗吐尚饗

夏間集卷之十

八

吳東州集卷之十

東洲續集目錄

卷之一上

五言古詩

贈石山陳廣文

別張少南歸蜀

次葉竹西邀予泊凌劍山登高

次葉竹西秋興二首

惜居揚城述懷

山遊

出郊訪故人

別程松溪

訪岩洞羽士

讀書

憶故廬

庭景

秋夜坐庭樹

東洲續集目錄

病中負燕遊約

荅湛泉翁寄書并圖刻

行園

喜雨

荅鄰父

遊僊十首

客至

次省庵夏日閒居韻

七夕詠牛女

問馴使

七月望夜虎樓月

七言古詩

息齋竹

嫦娥抱玉兔圖

羅漢把蓮花圖

壽孫桃源

張侯贈古劍歌

醉舞歌

山水圖

風樹嘆

錢王山東歸狼山

羲之觀鵞圖

泗洲圖

黃墩封君壽意圖

紅梅圖爲明崖臺憲題

仲昭竹爲葉生題

海鷹圖

陶雲湖萬菊圖

東洲續集目錄

五言律詩

過江子書屋

再答江子

答王端溪宗伯見懷次韻二首

用前韻答葉省庵沈艾陵二年兄二首

方石橋用端溪韻贈予次韻二首

次石橋見贈韻二首

次沈艾陵詠庭花三首

海棠

竹庭鶴

風折竹

夜坐

寺飲值風雨

同王內翰觀雨竹

東洲續集目錄

三

苦雨

暮秋對菊有懷

雪夜見月

同隣翁過謝山人

五言排律

平寇二十韻

送曹貞庵七丈令賀縣

月夜庭坐

歲暮感懷簡葉沈二同年二十韻

東洲續集目錄

四

七言律詩

歸隱開蕪荷二中永薦

壬子新正試筆

遊陸山人園林

中秋夜酌

後園種竹

通城十友醵飲予奉謝一首時避寇寓通

遊曹子貞園亭用前韻

通友邀登狼山四首

寇退東歸凌劍山贈芍藥二本戲謝一首

九月移牡丹

九日修庭菊志喜

壽邢尹

東洲續集目錄

五

遊蔣東瀾侍郎南園二首時避寇寓揚

賀自湖郡守蒙功賞 七夕有感

次沈艾陵惜雨韻

中秋十三夜雨張容庵宅燕集

十四夜庭酌見月

十五夜周迪齋部使邀飲天寧寺無月二首

會半洲張司馬

周迪齋主政紫金雙壽卷

九日葉省庵邀登功德寺閣

是日移席大明寺

登歐陽文忠公平山堂有感堂在大明寺

九日鄉友約遊瓊花觀以有別約不果赴

北來寺有感寺近驛道爲餞送所

柳塘周尹邀飲天寧寺二首

羣公醵飲予於法海寺

郝寅樓南園訪王翰吉

天寧寺秋夜燕集

瓊花觀無雙亭

再登功德寺閣

再遊西山諸寺

再題歐公平山堂

謁董子祠

謁文山先生祠

三先生祠

東洲續集目錄

六

蔣公生祠

再登平山堂

火文津宅燕集觀菊

迷樓予扁曰鑑樓

賀張兵憲平寇晉秩

遊山寺尋隋宮故處

乙卯元日次沈國永韻

燈夕讌會二首

同諸老遊何紹莊園亭

送周主政還招都

次吳郡守遊歐公平山堂登觀音閣韻四首

七言絕句

題邢子小畫

題羅巖崇義集二首

蜀山登眺四首

書蔣司馬南園屋壁二首

謝葉桂巖送菊四首

湖南塘黃菊圖

又紅菊圖

題物潘士興扇

題紀墨庄扇

卷之七下

序

賀陳石山邑博被臺獎序

壽濟川張徵君序

送行楚游大夫入觀序

賀張母壽登百歲序

賀耿西周廣文序

賀游行楚兩荷榮獎序

壽九臯孫大夫序

賀徐節婦崔氏壽七袞序

賀自湖吳大夫德政序

賀自湖郡守政教兼修序

送抑隅劉大夫守思南序

賀周黃墩先生偕魏安人齊壽序

壽自湖吳郡守序

贈汪栢亭僉憲陝泉序

賀明崖張大夫奏功荷寵序

送陳石山典教臨川序

賀自湖吳大夫奏功膺賞序

叙二程道脉帙

賀澹泉鄭中丞晉貳天曹序

賀晉齋馬侯壽七袞序

叙岷山一派圖

賀葉默庵壽六袞序

賀游君拜銜金吾序

記

唐馬圖記

紀世義

竹西草堂記

修惟揚水關記

海門縣築城記

重建尊經閣記

建義勇武安王廟記

郡博李秋潭去思記

兩淮轉運司題名記

泰興縣築城記

墓銘表

太學生錢明夫墓誌銘

歐村陳君墓誌銘

國學生錢瓊田墓表

明進士文林郎東川李君墓誌銘

明故庠學生崔東山墓表

明勅封徵仕郎中書舍人東湖張公墓誌銘

明興府典膳春山潘君墓誌銘

雜著

讀仲集林歸養牒

曹孫氏瑞峰記後

題介榮格望雲樓

評東臯嚴子詩

御街行詞贈明崖

題李君南田像

東洲續集卷之上

維揚崔桐撰

竹西葉觀

艾陵沈珠

同校正

五言古詩

贈石山陳廣文

海壖鮮塵軌儒宮鬱雲征中有君子廬跡與賢聖并
春草碧虛牖平川澹前楹橫經侶時彥談道聞希聲
靜修行獨古營寡情自清瑩然白壁姿而遺物我形

東洲續集卷之一

一

中美藹餘馥薦者揚今名英華已遐邇達人守其貞
披襟桃杏風况有雛鳳鳴所求在明德庶以貽後生

別張少南歸蜀

南軒有芳裔雅韻欣無度分符東海隅道阻行多露
懷哉鸞鳳姿而與鷗鷺竹素絲雖易濡白璧良如故
晨昏風木情夢寐雲山路飄然千仞翔安惜卑枝寓
錦水汎清流眉峯振高步著述草亭楊吟酌花溪杜
翻思昔見君猶恨得君暮分手忽睽違神交是何處
悠悠萬里心漠漠春江樹

九月葉竹西題于泊凌劍山登高

海客芳意多未倦尋幽躅况偕同心朋言采山中菊

九月風氣佳碧草尚繁絳出城十里遙便覺謝靈俗

縹色鵲叢林晴光滿川陸冥登龍象宮頰仰得奇矚

楚旭盪瀛東吳山對江北城市鬱煙霞村墟散樵牧

縹緲眺雷塘荒涼慨空谷迷樓失層臺瓊池湮九曲

薦芹六一堂清風良可掬爰誦三妙詞斯人那更復

魚鳥亦高深浮生胡踳踳賴有五泉寒吾纓聊可濯

次葉竹西秋興二首

朔風飄涼颭天高亭榭清冽泉澹浮景佳樹吟秋聲
歲川感雙鬢黃金不可成雲山勞悵望河漢故縱橫

東洲續集卷之一

二

藉子舒吾抱華章珠玉生

霜露萎庭綠曠然炎溽空歌君清商調感我離思中

翹首觀風使傷心閨雨農煩襟抱晨夕岐路况西東

願子共明德何嗟阮藉窮

構居揚城述懷

瀛海歛鯨翻鼓聲濶閭井幽潛淮海南小築馳駝嶺
齋虛賢聖隣地峻煙霞冥砌蘭凝幌香扉草映簾靜
琴碁石上聲簾笠月中影稅駕恍如歸棲心退而省
聞有剝啄煩聊得空埃屏耿耿時軫懷曠然仍自整

山遊

抱瘵掄柴扉在舊春已暮偶緣靜侶招言就芳郊路
蹊迢迢通園林入青葱樹頗欣藉有苔未厭行多露
佛宇敞登臨鳥道披雲霧千尋駭俯矚四望紆環顧
鉢龍逐梵飛嶺鶯銜珠驚煙水澁幽冷晴嵐橫北固
農耕騰壠隈漁唱菰蒲處心玄寂培諧景會幽襟悟
促席翹盃遲斜陽未歸去

出郊訪故人

今朝好風日出郊問故人冥冥屋數椽乃在秋雲潯
簷流萬壑水戶對青峰岑相親足魚鳥竹樹况多陰
故人雅懷抱留客鳴素琴話玄白日靜意會濁酒斟

東洲續集卷二

三

野吹入虛室新涼開我襟揮手別君去報之江海吟

別程松溪

武林昔見君鐵羽天路隔長安再見君萬里雲關關
廣陵三見君欣欣好顏色借問何所之遙指東山碧
山中絕凡鷲宛是神仙宅冥霄敞玉堂金澗散瓊液
眷言懷遠遊况有招隱客林壑夢不驚市城頭易白
賤子聆好音曠然懷抱釋久矣厠迷塗茲焉悟多益
挂帆忽云去佇立空歎息

訪岩洞羽士

愛茲玄洲靜攀躋琪樹林雲臺鬱穹吳玄液滴金琴

讀書

洞中有靜者膝上橫玉琴載鼓鈞天曲繼以芳樹吟
始聽滌煩想再聽澄素心跡奇留不厭景遇樂難任
但見丹丘敞何嗟白日沉只恐出門去雲深無復尋
侵晨起披衣短髮猶未束忽憶古人言架上拂塵麗
麗啓喜得書浣手捧之讀悠然有冥會樂矣忘晷旭
意倦且拋卷假寐閒亭北自省還自嗤垂白胡緘緘
人生有老少義理無窮足不以此洗心何由軼凡俗

憶故廬

我欲遺俗累結茅蘭渚原雖云飛鳧縣何異白鷺村
雙橋夾流水五島帶柴門林坐蔭空翠泛濤尋海源
睽離再寒暑歸與寤寐存菊松勞想像岩月誰攀援
佳期悵何定耿耿繫心魂

庭景

青陽已受謝佳賞滯飄蓬屏居對庭景宛似芳洲東
柴門鎖虛寂琪樹蔭龍葱竹幽暮煙碧砌冷城月通
積素動無垢象遺神自融坐遲命杯酒披襟延遠風
掃軌抱雙膝何異山中翁

秋夜坐庭樹

庭樹鳴涼颼颼颼颼颼秋早迎杯顚氣多月下清陰少

殘葉抱霜微疎枝寂啼鳥那堪噓帖吟聽之令人老

病中負燕遊約

老子頻出門良覲關芳會愁來改鬢絲病後驚腰帶
歲月忽云頽江山空似繪緬懷報李言契闊揮金愛
秋颺嘯野涼還遲西郊蓋

答湛泉翁寄書并圖刻

我家東海隅君家南海曲懷賢歲蹉跎春草幾經綠
何如大耋翁好音遙見屬圖披見乾坤書中叙寒燠
我本支離人依然異芳躅十年雲樹心萬里風神掬
杖履欲追隨白雲渺空谷

東洲續集卷二

五

行園

構宇鶴田西雲林洲水曲出門携良儔步屨紆幽蹻
淑氣媚春姿偃仰堪翫旭浮沉羨池鮮瀟灑友風竹
蕙草藉開萼澗泉供濯足雜英吐芳菲鶯語時斷續
予本淩落流厭茲紛麗俗黃鸝豈馴禽白駒愛空谷
藝苑謬登瀛太官虛給粟俯循玩歲年供奉慚啓沃
偶爾謝華簪於焉製初服鍛羽喜逢棲凡顯思淺暴
願言黎庶安白首甘雌伏

喜雨

愆陽麗南土望雨冬徂春舉趾四之日吁嗟待哺人

綈襖挂空壁舊舍揚濶塵官相悵何給困蓄安足論

哀哀方向隅藉我良守仁一禱玄昊格豐霖優萬畛
鳩鳴綠楊外婦鑑碧水濱伐鼓喧四郊踏歌呼比鄰
豈云欣有秋况登麴麥新父母真孔邇樂只黎庶醇

答鄰父

閨月不出戶閉門春草青剝啄偶隣父曳杖過我庭
贈我白雲調更貽濁酒銚酌酒話披豁執手數丁寧
君非鑿坏者守已何太經人生豈金石寄跡如浪萍
可清亦可濁半醉還半醒停盃載稽首願言鄰父聽
僻性本骯髒寡偶仍零丁勞生苦役役吾馭愛冥冥

東洲續集卷二

六

未解動為巧乃知拙者性釣海愧無餌凡鱗安足醒

遊僊十首

冥棲有羽靈鬱鬱清虛闕龍軒迴碧霞舉手捫日月
寒芳芝圃開英瑤池啼綠髮采采羊鬚珠漱齒三光液
春秋任嬾謝寒燠自今昔挑都夜未央下方經幾劫

二

翹跂玄庭駕沈寥赤霄上閭闔絢朱光百靈駐龍輶
池籞麟鳳遊琅玕萬年長帝臺呼吸通叱咤風濤蕩
點點數全區俛仰窄穹垓清濁隔仙凡誰能齊萬象

三

仙曹絕浮翳城闕青雲禁龍蔥琪樹林威鳳棲其下
馭之凌十洲紫極神飈灑空洞玉壺遊濯足銀潢瀉
乃知物外人脩然洗心者寄語區中倫無勞馳意馬

四

幔綺冲佑巖鳴珪方諸側駕言會長春神洲開壽域
薦錦蛟人宮奏昉龍伯國列真誦紫霞金簡題丹刻
皇皇喧鵬躍桂漿渥五色何用魯陽戈羲和長不曷

五

軒轅有遐尚雅好弄雲煙六龍溢萬里問道崆峒仙

東洲續集卷之二

七

廣成豈幻侶而有至論傳勞形啓昧鑰存精昭秘玄
靈筌帝衷悟吹萬遲其年禹湖馭龍去誰云隨化遷

六

逍遙王子喬迢遞偕浮丘吹笙跨玄鶴翼以丹泉蚪
飛飛駐嵩少玉宇黃金樓紫薇繁言笑夢綠佐遨遊
冥窺九垓下蠕動等蜉蝣三山渺何處雲長不可求

七

吁嗟闔闔羣汨沒全埃裏何如鶴上仙豁落謝氛滓
談真絳雪零拂塵背雲起風翔貫月杳波馭琴高鯉
朝咀三景精慕摘匏瓜紫願言從之遊無令歲華駛

八

神仙立不樂嗟哉丁令威去去遼東鶴千載始一歸
陵谷幾高下伊昔閭里非乃知人間世燭如石火飛
達人知義命引年甘息機取適有佳竟閉門春草肥

九

曠浪稽叔夜解識玉函書靈圖豈易登知隔幾塵塗
長休未足侶石室迷雲居舍銀頻顧惜揮策漫踟蹰
求玄阻去住爲白成齟齬需柳不復警終焉淪楫樞

十

我夢遯魯林忽登賢聖關俎豆禮周孔冠裳揖閔顏

東洲續集卷之三

八

天球偶河圖森列光爛斑羣靈顧我笑授以軼世丹
含精有智水遐舉惟仁山稽首銘我紳縹緲歸人寰

客至

山翁閉門坐有客時登堂隱淪談德壽學士談文章
翁也本踈拙好道未通方但聞往載言主靜德有常
懋德必延齡玉蘊山輝光心聲豈糟粕中有精蘊藏
嫵節鬬紛靡羣動目我戕抱疴乃問藥川竭流豈長
摘采以離情究竟迷荒唐善慶非二物虛車殊贅脰
充實信中美口耳嗟外揚所以賢聖徒名壽非後光

次省庵夏日閒居韻

山居野陰合山徑繞離長習靜養玄默被袪對朝陽
林虛澹忘暑花砌暗浮香好鳥響嘉樹珍鱗泳碧塘
蘭若裊叢竹空翠亦瀟湘列障擁吟榻疊石象雲岡
地偏有遐韻情曠無它腸俯仰鮮疵吝南薰延夕涼
悠然滌景遺無勞河朔狂

七夕詠牛女

商飈已被蘭涼雲澹凝樹閒除語砌蛩碧草團珠露
翹首瞰銀潢迢遞天孫路微茫烏鵲橋冥漠鸞輿度
經年兩地心今夕雙星遇悲緒暫成惟芳袞未傾訴
佳逢豈緩期靈偶難遲晤欲別更徘徊塞幃幾留顧
東洲續集卷之二 九
蕭條霧帳虛悽惻絨情素織錦不成章臨流阻重驚
盈盈一水間望望相關處

問駟使

爾離東海濱出門今幾日島夷螽蟴生官家禦何術
城堦開四奔傷心老與疾橫罹幾許人煨燼是誰室
壯士旣獎無瘡痍竟奚恤駟使涕漣如語罷更申悉
海若縱鯨鯢天瓢沉桶秫外寇或可逃內寇饑罽密
溫戶寢悲涼疲眠啼枯槎老夫不忍聽攢念情如失
謝使勿復陳書空徒咄咄

七月望夜翫樓月

城角斷麗譙月出市塵滅登樓一以眺已滿嬋娟闕
簾櫳既虛敞俯仰何超越遠岫碧煙沉近郊素練白
燦爛搖星河參差辨樹石玉毫驚鵲翻金氣啼蛩切
病辭杯酌澁靜覺襟懷適雖鄰闌闌區宛似山林索
悠然生道心良用我觀物乃知夜氣清真於旦晝別

七言古詩

息齋竹

昔予次遂過洞庭千頃琳琅入深竹拂袖歸來卧故廬便覺胸中塞塵俗偶訪江淹披此圖瀾灑風前一枝綠自是江仙調不凡移得湘潭置書屋徘徊妙契心神裏耳邊彷彿秋聲起怨啼娥寂不聞分明半壁清冷水頭使炎歊失海天蜃霧狼霧淨如洗聞雷只恐化作龍飛騰直上丹霄中

嫦娥抱玉兔圖

九閭冥漠帝宇通玻璃千頃瑤宮仙馭遙乘桂子

東洲續集卷之二

一

風天香兩腋飛其中藥搗瓊華兔亦雄冰姿雪骨生雙瞳仙娥抱翫勤愛惜玉毫光射三萬尺凜凜寒生銀浦隔羊鬚露結金幕濕於乎但願仙娥休棄擲照曜人間長夜白

羅漢把蓮花圖

東海中區北海濱天壽獅子能談真自從出尤夸父死應龍舞劍帝所噴這今此獅開覺路手把蓮花淨世塵蓮花吐焰射幽僻太華峯頭空百尺西方四照那比數燭龍銜日分光澤破膽明用神鬼驚蟄蛭窮奇咸辟易於乎吾道堂堂路不迷安能入社攢雙眉

壽孫桃源

孫登自是神仙客曾入層霄舞雙鳥笑別桃源洞裏花歸來高卧深山碧白首相逢東海頭招携斗酒醉江樓還期汗漫同乘鶴飛向蓬萊頂上遊

張侯贈古劍歌

張侯遺我九臘之古劍云是飛來西極國芙蓉三尺出寶韜烈烈風生如有翼素質幽含白帝英橫紋穎露蒼龍色憶昔飛廉煽歐冶齊液昆精翠濤瀉銳藻輝煌走紫虹煥輝錯落飛星馬鮫鰕龜鏐魑魅驚赭虎朱罽不能把諦觀此劍妙化工合與歐寶爭其雄

東洲續集卷之三

二

年來慘黯滿寰宇妖蛟跳舞蓬瀛東我欲揮之佐天討么魔照見天吳宮長倚鉉開莫五岳奏膚京觀怡重瞳神物從今頻拂拭莫教塵蝕豐城側

醉舞歌

山翁醉傍月明裏蕭颯天風生兩耳間階雲徹靜如洗闌干露冷銀河徙縹緲樓臺夜還倚長空一片琉璃水婆娑鶴舞常筵起玉繩倒影橫檣綺卻笑盧遨逢若士飄飄欲覓希夷子玄洲共拾長春藥蟬蛩嘆世辭芬澤賓主東皇千萬紀

山水圖

蓬丘萬里神洲絕壁巉巖巨靈鑿靈光燦燦不可
近仰面恍惚虛崖落岬頽老檜懸嵯牙開遍盤溪幾
度花玉洞玲瓏吐雷雨珠潭澗漾藏龍蛇雪屋冰簷
翳綠林仙家白晝長陰陰猿聲啼斷山鬼泣丹煙深
鐫杖題吟石島瑤梯在何處威紆不借漁樵路顚氣
濛濛祇見雲山月谿風自來去

風樹嘆

長風歲晚朔氣連吹我紫檜茆堂前初疑樹老欲變
化龍爭虎鬪雷霆纏更疑怒鯨吹海立奔濤滾滾翻
樹顛出門忽訝鶴巢墮葉飛枝拆檜將卧呼兒撐拄
東洲續集卷之二 三
風轉烈無力支吾曰云暮老大倚杖空嘆息記得少
年手親植閒階祇見苔蘚封捲簾頭尖凌霄色吁嗟
神物自有靈獨汝寥落鄰滄溟萬年枝上宿鸞鳳何
不乘風凌玉庭

錢王山東歸狼山

錢星郎美且揚冰姿玉貌何昂藏肩被修髯三尺強
飛飛鶴馭遊雷塘瓊花零落留不住東歸瀛海騎白
狼狼峰巉巖冥與天通足躡清虛捫星虹謁帝笑把
雙芙蓉悠然半月山腰閑天風兩鬢蕭蕭落

義之觀鵝圖

右軍走筆龍蛇飛黃庭書罷鵝歸對之說并坐林
樾幽姿鶴鶴明朝此禽不與凡禽列月鷺雲鸞爭
皎潔刷羽蟠峰穴裏泉羞比蔡州城下雪

泗涯圖

月色簫聲泗水橋文光燦爛星辰搖清流一脉帶銀
浦玻璃蕩漾春迢迢仙人愛折金星葉笑指崆峒千
萬里鼓棹高歌醉玉桃風鶴一聲天似洗

黃墩封君壽意圖

紫金截嶠雲根起光纏度索千萬里山翁茹桃棲碧
霞花開花落無窮紀曆炎迴旋玄署中滌伐毛骨顏
如童斑龍為馭躡芝圃金鵝拾藥充瑤籠名題仙籙
長不老幾驚蓬海飛塵渺獨對孤南締舊盟鼓柘一
聲天地小

紅梅圖為明崖亭憲題

此梅誰貌太奇偉根出瓊崖沃丹水鉄幹能辭桃李
羣珍葩半入煙霞裏萬顆驪珠綴滿身錯錯落落如
有神燭龍嚼日借顏色若木照地生陽春孤山老仙
心有托凜凜清風霄漢薄他日含章殿上看一枝須
寄揚州鶴

仲昭竹為葉生題

吳中老僊夏太常渭川千頃胸中藏昔年騎鶴過淮
海竹西亭下曾徜徉亭隈萬竹恣幽囑秀色玲瓏一
林玉根古蛟龍曲屈蟠煙銷翡翠參差綠仙翁妙思
奪化工貌得龍孫梓練中月影蕭森映冰石霜枝磊
落飄天風只恐聞雷留不住飛騰濛濛碧霄去

海鷹圖

怒濤薄空雲霧賒崖石硯中徐衍猗猗獬奔狐蹠
蹠飢鴟攫腐鳥啞啞此禽獨抱金精氣星眸玉爪鐵
爲翅風颭霜秋萬里心聲雄碧海羣妖避憶昔帝庭
命爽鳩羽儀楚楚鸛鷺遊何似愁胡孤孤立青天日

東洲續集卷之二

五

夜東溟流

陶雲湖萬菊圖

彭澤雲仍清似玉筆端獨妙陶家菊此翁遂意真入
神不貌束籬貌耳谷簇簇芳英蔭石淙重重素錦圍
瓊竹纈眼霜姿深徑連含煙澹景南山曲故人携贈
鷺練開滿堂秋色清風來萬種斑斕迷指顧一川迅
駛驚盤迴險絕不容樵子路杳冥定有神仙臺我欲
凌飈一飛去采之踏遍青谿苔

五言律詩

過江子書屋

曲巷尋幽境虛齋爲我開瑤華披卷帙庭翠對蓬萊
崔顥登樓興江淹夢筆才銜孟詵今古涼月上雙槐

再答江子

徑側緣雲入堂幽傍水開壘山防礙月愛竹爲鋤萊
翰灑義之墨詞驚白也才趨庭有雛鳳還好植三槐
答王端溪宗伯見懷次韻二首

東洲續集卷之二

一

地僻炎歊隔林虛海氣涼入雲栽竹密引水灌花忙
已謝燕臺築何嗟楚醴忘江天有山斗獨媿未升堂

用前韻答葉省庵沈艾陵二年兄二首

南北翻鯨海風塵急羽書杜陵新上築彭澤憶吾廬
種竹期開徑通泉旋鑿渠年來真潦倒固穩不求餘
兩翁敦古行看世笑矣涼已抱龍蛇志能隨燕雀忙
賞花詩有約擢桂誼難忘擬共携盃茗時登對月堂

方石橋用端溪韻贈予次韻二首

武林今代收滿腹古人書日月辭天仗煙霞愛故廬
鑿山開翠牖種竹蔭清泉詞賦登臨罷高眠白晝餘

雲塢吟秋月風林借夕涼阮生爲白慣揚子著書忙
野意終成僻機心已坐忘知君有遐韻幽卧戒垂堂

次石橋見贈韻二首

芳草幽人夢青山故國心風塵淹歲晚雲霧入林深
養拙還顏巷忘機已漢陰調元耆舊在誰復望爲霖
歲暮龍蛇隱山深虎豹驕已飛青海箭更困赤輪焱
糧絕悲淹蔡書傳望破聊風塵紛驛使慚媿擁雙翹

次沈艾陵詠庭花三首

黃葵花

草樹休文宅秋葵隔檻開黃裳嬌著雨縹葉澹無埃

東洲集卷之三

二

衛足防風妬傾心任蝶猜吟餘一徙倚此意更悠哉

波斯鸚鵡

獨望鸚鵡頂裁冠簇錦紅宋牼疑解語韓賦讓爭雄
種出烏蠻異形粧絳幘同由關休早唱

聖主正平戎

鳳仙花

佳卉移何處芳叢咫尺高葉搖神女珮花簇鳳凰毛
翠尾休誇竹紅姿未數桃莫教隨弄玉吹笛去仙曹

海棠

林深樂曾題品名傳第一花珠懸紅滴露錦簇彩流霞

種出丹山窟根隨碧海槎仙姿清更艷何川暗香誇

竹庭鶴

自是瀛仙馭真宜伴此石凌風拂翠浪警露濕湘雲
戛玉音同調侵階影共分玉喬應跨汝吹笛入清氛

風折竹

別館新移竹初看翠灑然根疎宜著雨葉細半含煙
風伯何相妬如龍孫忽訝眠恐非庭榭物欲扶地行仙

夜坐

風榭倚明月悠然生道心繁陰碧樹靜暮景綠池沉
水滿煙霞色琴調山水音坐遲仍偃仰聊得洗煩襟

東洲集卷之三

三

寺飲值風雨

龍象呼雷雨層陰楚甸連珠林沉海氣瑤殿響山泉
波漲青蓮宇涼生白社筵莫教賓馭散清夜絳河懸

同王內翰觀雨竹

閒庭看雨竹曖曖翠陰多疑染湘妃淚還凌渭浦波
影欹龍杖冷聲滑鳳笙和此意真清絕王猷興若何

苦雨

幽居偏厭雨一月不開晴昏黑蛟龍圖飄揚鶴鶴輕
衣添猶快冷琴潤尚餘清客况何由遣床頭有酒觥

暮秋對菊有懷

野翁籬下菊秋暮減芳非對酒辭深酌悵人獨伶
哀世啼露草嬾蝶怯霜飛急景誰能駐空嗟樂事遺

雪夜見月

雪夕真奇絕雲開月滿城山河渾一色樓閣浸雙清
銀海含珠動冰輪帳王行乾坤長不夜吟嘯快平生

同隣翁過謝山人

幽人棲隱處湛景暮秋偏聲動含風竹涼生浸月泉
偶偕隣父約聊共碧山綠把酒話今古雲林意頗玄

五言排律

平寇二十韻

東土艱虞遘塵霾斥鹵匪驚沙吳楚合妖焰海天浮
山岳生秋色關河蕩濁流民生棲草露活計泛波瀾
虎竹推開府鷹揚奉廟猷翠旄麾電馬赤羽拂星
郵壯志雷霆激神威鬼魅愁犯霜金鎖甲迎日珥
鏐破膽驚風鶴焚巢烈火牛奔鯨俄掃跡穴虎更冥
揅蹴踏腥膏血縱橫卧髑髏七擒真妙算五噫不須
憂聲鼓村無驚雷會稼有收籌邊奇頗牧偃武誦伊
周積隱拯塗炭膚功獻冕旒橐區喧舞躍婦孺總歌
謳彩錫恩光渥泥封禮數優勳庸周鼎重儀像漢臺
留鴻鴈欣新集鷁鷁豈外求皇圖占永固千載莫
神州

送曹貞庵七丈令賀縣

百粵昭潭路分符列宿郎江山天繪出瀛樂海流長
桂嶺喉襟壯梧灘水石蒼洞虛鍾乳濕風煖鬱金香
夫子淮揚彥聲馳翰墨場博覽欽雲翮飛鳥到炎鄉
荔子亭供翫檳榔榭借涼垂簾開日月摘藻絢輝光
興學文翁化勤農杜母良天階豈萬里循吏重巖廊

月夜庭坐

良宵聊燕坐愛茲明月庭澹影閒階靜層陰嘉樹青
光疑玉露檻涼浸翠屏琴罷風姨飲杯避桂子零
飛驚宿鳥點點數流螢景懷心逾遠棲幽意自冥
淡交人不厭簡出戶常局只恐逢漁父無端笑獨醒
歲暮感懷簡葉沈二同年二十韻

簡拙甘林隱艱危老更罹壯圖吾已矣歲事况凄其
百感縈心緒煩襟改鬢絲居鄰東郭伴文恐北山移
株守騎人請空岐靜者悲頽流嗟曼羨直道敢磷緇
白首懷疇昔青雲得故知才名葉夢得藻思沈佺期
擢桂層霄殿看花七曜遠銘心真管鮑何續望臯夔

東洲續集卷四

二

鴻鵠程終遠駑駘力易疲帝臺辭日月瀛海偃茄茨
蓬卧仍貧病簡歌任渴飢豈知龍劍合還慰鴈行私
雅韻曹劉調秋懷屈宋詞揮金杯爛熳灑翰墨淋漓
不厭愚公術何妨醉尉欺竹林延二美藥裹祛三尸
節往機恒息山深嬾正宜多君美無度未倦日追隨

七言律詩

歸隱聞龔何二中丞薦

三十餘年混世塵老來天賜作閒人門庭不出常
懸履柳菊相親懶著巾野性習成林壑態疎才元愧
廟廊珍空勞卿相求賢切衰朽不堪近紫宸

壬子新正試筆

七十四番春色過此生清債未銷磨眼明轉覺嫌書
少頭白何曾避酒多呼僮灌花情繾綣抱孫啖果手
摩挲閒庭風月人稀到門拚青山自嘯歌

遊陸山人園林

東洲續集卷五

一

北渚還尋舊酒徒便鋤春菊共村酤丘園晚歲憐知
已梧竹餘陰待老天已聽綺琴山海調更移蘭艇水
雲湖看君雅有凌虛氣野鶴翩翩不受呼

中秋夜酌

中秋圓月度銀河海壑清輝較倍多玉樹生寒驚鷺
鵲金盤流彩抱鼉鼉關山遠調誰家笛絃管芳尊子
夜歌明歲陰晴渾未定佳期端擬問嫦娥

後園種竹

舍北園林怡暮齡質樸只少萬竿青偶從村落移佳
種忽訝瀟湘近草亭春意纔沾酥雨足清陰時覺翠

煙零更須移榻叢深處卧看新芽入紫冥

通城十友酬飲子奉謝一首時避寇寓通

故園者舊清秋燕我亦過逢共此期客比香山添二
老味沾飴露勝三危侑觴歌舞翻紅袖接席衣冠總
白眉醉後不知歸路晚鷺巾鶴髦笑離披

遊曹子貞園亭用前韻

少年杯酒遨遊處歸老重來豈後期徑繞石欄鳩杖
孰巖懸玉樹鶴巢危半城河漢涼侵骨隔檻簫簫翠
暎眉地主況逢曹子建好懷還向故人披

通友邀登狼山四首

東洲續集卷之五

初至山腰官閣一首

千古名邦應斗躔澄江瀕氣五峯連望迷煙際疑無
路行到山腰忽半天瑤石砌迴丹榭隔珠林樹鏤碧
崖懸更須絕頂虛無處一笑凭欄思灑然

登山樓二首

珠龕綺閣青冥上老眼憑虛興不孤龍湧潮聲歸洞
濕鴈涵秋色入雲無幽燕天迴瞻星斗吳楚江分對
畫圖海內壯觀經太半好懷還向此中舒

江山吾土雄形勝野老登臨意欲仙天近鷺峯摩日
月風生鵬背俯雲煙乾坤都會蓬萊外南北奇觀杖

履前鎮日徘徊吟不盡翠微還擬借高眠

暮歸麓行觀山後諸景一首

倒下亭臺兩枝旋逶迤溪徑遶龜田山驚蓬島平分
石江隔銀河半礙天幽洞龍蛇雲霧鏤田碑蝌蚪古
今傳徘徊欲入詩囊去風落鐘聲報暮禪

寇退東歸凌劍山贈芍藥二本戲謝一首

寇來兩月笑羈栖寇去仍移芍藥歸垂老探花心尚
在乘春藉草願能違已占佳種勤培植擬待開時細
品題瑤砌朱欄深院裏儘堪盃酒對芳菲

九月移牡丹

東洲續集卷之五

園亭秋事已闌珊賴有山翁贈牡丹殘葉未辭寒月
去新芽先借隔年看蕭條曾作黃花伴愛護須圍碧
玉欄擬待春風吹燭燭還呼舊主罄交歡

九日修庭菊志喜

偶緣避寇遷城郭兩月羈栖始到家彭澤尚存籬畔
菊草堂不是郭西花步庭月下聊成趣插竹風前爲
整斜憐爾遲開如有約芳菲留與主人誇

壽邢尹

曾捧除書下玉墀功成身隱白雲涯河陽春色花千
樹彭澤清陰柳五枝南極輝光連列宿東山雪月照

仙卮野菊亦是蓬瀛客爲祝長生不老詞

遊蔣東園侍郎南園二首時避寇寓易

曲池雙圃小蓬壺月榭風樓儼畫圖
竹徑還開蔣詡看花車更度堯夫林
虛鶴夢驚棋局村近漁歌起渚蒲
歲晚自憐逢故舊可能携榼數招呼

司馬樓臺綠野連登臨多景酒盃前
東瀛海氣平浮楚北固山形迥抱
燕楊柳午陰含几榻芙蓉淺水繞
雲煙知君愛客交歡罄醉後還容
伴月眠

賀自湖郡守蒙功賞

漢代吳公獨擅名熊車君更謝承明
心緣報主愁

東洲續集卷之五

四

千種髮爲憂民白幾莖銘績出羣勞
太史折衝尊組屬書生欲知賢守
饒恩澤試聽謳歌處處聲

七夕有感

銀漢迢迢玉露飛雙星今夕共蘭幃
每嗟人世佳期少何意天孫樂事
違雞唱曉籌催海日鳳迴仙馭冷
雲衣揚州有客生秋思愁聽吹簫人
未歸

次沈艾陵惜雨韻

何事山翁白髮生晴窗長見赤輪行
陰連雲漢三農望愁入郊墟萬里情
午夜豐霖當歲杪幾時枯壤著春耕
懸知天意終仁愛好待來秋報有成

中秋十三夜雨張容菴宅燕集

雲月朦朧未半秋將軍携客已清遊
百年幾度看圓魄今夜何嫌闕半鈎
斜壁暗含烏鵲樹側輪低度白蘋洲
吳儂楚舞交歡罄未道張衡有四愁

十四夜庭酌見月

未圓三五中秋月已見長空宿靄收
皓魄佇看明夜滿清光何惜一分留
金輪晚映黃昏燕玉宇虛無白晝遊
呼酒已拚排旅况可堪啼鴈過西樓

十五夜周迪齋部使邀飲天寧寺無月二首

中秋雙樹樓前燕喜徹炎燭雨意多
况結含香星使

東洲續集卷之五

五

社不妨携伴月卿過仙葩露濕飄丹閣
蟾魄隨雲度絳河却憶塞垣今夜客
霜茄聲咽意如何

濂溪芳裔饒秋興愛客延開惠遠家
蟾月影沉含寶月桂花香暗逐天花
清才定擬登樓賦遠思還凌犯斗槎
寄語纖阿須解事嬋娟休遣片雲遮

會半洲張司馬

三十年前同躍馬容顏今更謁龍門
看花舊好人長別伐木高風老尚存
春省直清虛翰墨霜臺節制半乾坤

九重南顧思方朔六月東征慰

至尊

周迪齋主政紫金雙壽卷

木公祥降春風暮金母玄冬設悅年綠髮酡顏遲歲
月靈椿瑤草兩神仙鳳臺遊子含香客鶴筭馳情獻
壽筵他日長卿歸駟馬 褒章光動紫金妍

九日葉省庵邀登功德寺閣

隋水迥浮疎柳外蜀山連抱梵宮斜披雲偶入諸天
界携榼來尋九日花海嶽倚欄回首樓臺呼酒隔
青霞茱萸灣畔秋光好乘興還須步軟沙

是日移席大明寺

東洲續集卷之五

六

丹閣嵯峨碧落懸登臨野望入遙天風塵陵谷前朝
迹雲樹人家萬井煙極北

朝廷牛斗上江南山水酒盃前月華滿地歸來晚童
冠廣歌十里還

登歐陽文忠公平山堂有感堂在大明寺

曾入嶼邪步後芳翁亭瞻拜借輝光偶登勝地三千
界還見平山六一堂梁代緇衣空廟宇宋儒金櫬尚
文章模糊醉眼徘徊暮望斷遙空白鴈行

九日鄉友約遊瓊花觀以有別約不果赴

日傍漁溪坐碧沙尋幽著處問仙家暫辭綠野堂前

月來訪玄都觀裏花重九偶違朋舊約無雙空自
今誇登臨且醉山中菊明日還來步紫霞

北來寺有感寺近驛道為餞送所

覺路逶迤步紫苔禪關遙傍碧流開經賦白馬西天
外僧踏青蓮北極來臺榭轉成遊賞地笙歌長送別
離盃何如移入深山裏龍象虛無絕點埃

柳塘周尹邀飲天寧寺二首

冥冥金地懸雲構曲曲城東覺路通池淨琉璃開勝
會幢飄葆羽引羣公珠龕斜度龍宮月玉笋清含鷺
嶺風傾坐自慚非重客招携何以答臨叩

東洲續集卷之五

七

河洛風流憶往年鶴城高燕尚依然偶披雲霧三千
界更會耆英八九仙珠月生輝搖紺閣天花散彩泥
青蓮海翁雙屐尋幽慣未道登臨不及前

羣公醵飲于法海寺

窈窕城西草樹灣羣英結驪到禪關王虹橋下溪連
海金鷺雲中殿抱山深竹庭間苔石淨曲欄入醉月
亭閒徘徊不盡登臨興風落鐘聲送客還

郝寅樓園訪王翰吉

曲徑逶迤臺榭幽蕭蕭雲竹住王猷涼生深院全無
暑陰落雙梧欲報秋滿架圖書仍玉署隔欄花石亦

瀛洲多君雅有滄溟興月色黃昏共上樓

天寧寺秋夜燕集

東林深鎖法雲閒蓮社筵開縹緲間明月浸堦秋似
水絳煙籠閣夜如山金猊香盡人猶賞玉樹涼生醉
欲攀冠蓋紛紛歸路晚酒城殘柝令開關

瓊花觀無雙亭

花品無雙重古揚清姿九藥綴琳琅翻堦紅藥羞春
色奔月嬌娥拚素粧仙魄已隨鸞鶴去餘芳猶付蝶
蜂忙玉堂有客頻相訪踏遍雲霞羽士廊

再登功德寺閣

葉落霜梧報素秋角巾藜杖一登樓南冷渺淪浮京
口北嶺盤紆抱石頭兩岸煙花吳楚合幾朝陵谷古
今愁傷心欲試雙龍劍一掃蓬星沴氣收

再遊西山諸寺

碧山有約賦歸田隨處登臨問野禪一曲梵王樓上
月數盃林叟杖頭錢葉披薜荔和雲舞葉偕松杉伴
鶴眠吟罷倚欄舒倦眼萬家煙樹翠潯連

再題歐公平山堂

光搖奎壁照維揚曾擁旌旄駐此堂楚水吳山分氣
象天葩佛日總文章千秋遺迹簷楹古三妙留題翰

墨香堂有蘇軾秦少飛去仙翁招不返望迷煙樹澹
斜陽

謁董子祠

芳祠肅肅俯平蕪遺像陰陰鎖碧梧身遠廟廊辭漢
主光寒星斗照江都天人空自陳三策諒利從來混
一途 昭代歲時還俎豆文旌千古仰名儒

謁文山先生祠

丞相祠堂曲水邊薦蘋瞻拜思悽然兩朝夷夏山河
改萬古綱常日月懸壯氣儼如扶宋日傷心莫問渡
江年腥膻已盡忠魂在留得丹青到處傳

東洲續集卷五

三先生祠

胡安定 張李樂菴 衡王竹西居正並以理學名

同秉文旌重昔賢陰祠廟翠微懸山河氣壯三靈
合洙泗流長一脈傳蘇館杏桃湖院種竹庭風月樂
庵連我來愧乏蘋蘩薦聊酌山中第五泉

蔣公生祠

曾捧麟符到鶴城棠花陰滿踏行身綠綬閱千金
許官為憂時一羽輕開徑竹邊人已遠吹簫橋上月
還明祠堂凜凜儀容在歲薦蘋蘩赤子情

再登平山堂

歐翁昔日行春處蠹齋堂虛入望平檻外林霏低草

樹江南山色對簷櫺百年風月留芳躅千古文章啓
後生興馬欲尋來往路野棠花落聽蛭鳴

火文津宅燕集觀菊

光祿仙翁錦席開東瀛有客杖藜來愛看冬月還花
菊共醉重陽未盡盃清艷滿庭圍曲檻幽香萬縷散
層臺知君定有延齡術采釀長春不老醅

迷樓子扁曰鑑樓

樓名何事改標題爲洗隋朝舊日迷簾捲兩儀分氣
象臺虛萬里見端倪翠華塵斷孤鴻外白社僧聞曲
水西自是登臨好情景不辭朋舊數招携

東洲續集卷之五

賀張兵憲平寇晉秩

赤旂獵獵駐東瀛虎旅桓桓擁重兵天上霜威瞻節
使黔中風采動先聲橫戈蚤破羣夷穴錫寵新誇
萬里城豈謂禁中無頗牧羨君緩帶一書生

遊山寺尋隋宮故處

昔人曾此醉笙歌有客重來意若何九曲池邊春事
香三生石上怨寬多墓田隧古埋新骨官柳堤荒蔓
野蘿歸去肩輿明月裏欲將今古問嫦娥

乙卯元月次沈國永韻

社友新裁元旦詩堯蓂一葉乍舒時占年雨入蕪城

足應律風從泰谷吹芳草韶華先有約春山杖履定
忘疲共君常作東皇主造物元來是小兒

燈夕燕會二首

鶴城燈火誼元夕春色偏多滿月庭綃障網縷流碧
彩珠宮錯落烟丹青鳳膏煙煖氍毹幙蟬翼光分翡翠
屏况是海波風定日嘯歌聊醉玉卮醺

微茫銀漢虹橋路縹緲蓉城鳳女簫珠碧鏤絲圍玉
盤金丹點水隔冰綃競花鳥雀雲屏見疊影煙霞桂
棟飄昨夜東風露消息一簾春意在梅梢

同諸老遊何紹莊園亭

碧樹朱樓窈窕開曲欄紆徑巧盤徊百年芳草初來
客一度春風共果盃榻穩借眠閒歲月林幽疑入小
蓬萊揚州何遜梅花在試聽高歌步錦苔

送周主政還留都

折柳隋堤春暮餘停盃把袂意何如臺虛上國還迴
鳳江近南冷好寄魚書省香爐迎使節蕪城冠蓋擁
趨車司徒試問經年績了却公輪秘著書

次吳郡守遊歐公平山堂登觀音閣韻四首

滿郡煙花宿沴收朱幡登眺快雙眸朝暾已露青郊
雨遠興聊親碧水鷗節駐古堂山斗近尊移高閣海

天浮徘徊問俗遲歸路月色前村澹半鉤

晴郊眺望翠煙收駘蕩春光盡入昨陰滿野棠停五

馬雲閒遠浦對羣鷗梵王閣迤東瀛近歐老堂開北

固浮卻羨笑談尊俎裏壯懷還拂舊共鉤

啼鳩催春春欲收郊行聊復敞吟眸尋幽不倦山公

馬遠思還盟海老鷗蜀水淺口時雨足隋宮迷草暮

煙浮憑虛顚仰堪詞賦簾捲斜睂未下鉤

專城勲業已全收山水經行醒倦眸淑氣滿懷飛野

馬閒情一片寄汀鷗尊前碧嶂寒仍繞樹裏煙村澹

欲浮歸路夜闌斜月下珊瑚露冷濕雙鉤

七言絕句

題邢子小牀

飛鳥歸來住碧山罷琴獨伴白雲閒靜中此意無人

解泉落松崖月照灣

題羅巖崇義集二首

芳編義帙試吟哦處士高名感慨多何事種桃人寂

寂祇聞春意滿巖蘿

雲溪杖履度幽人淚灑荒原白骨新木道周文遺澤

遠等閒麾手亦陽春

蜀山登眺四首

紆宇登臨最上頭憑欄傷古思悠悠

大明天地清如水好改迷樓作鑑樓

丹梯一上思飄然杖履虛無忽近天半醉玉山猶未

倒斗牛斜挂曲欄前

高旻晴彩漾層臺望入清虛海嶽開兩岸烟花吳楚

合漫招空翠過江來

翠野涼生灝氣飄王孫芳草馬蹄遙漠糊醉眼忘歸

路知過吹簫第幾橋

書蔣司馬南園屋壁二首

六月六日苦炎熱春卿遙過夏卿家坐君木枕不歸

去爛醉滿頭橫插花

是日主人以花簪客

當年俊逸六司馬花月樓前吟碧峯怪底隱君多逸韻繞溪煙竹映芙蓉

謝葉桂巖送菊四首

九日登高菊未開美人秋杪送花來頓令客舍生顏色冉冉清香入酒盃

霜花嫋嫋倚闌干金簇芳叢粉作團分付莫麾殘蝶去也粧光景與人看

西施一種絕羣芳綺靨仙姿淺淡粧昨夜影搖屏燭下恍疑月裏舞霓裳

東洲續集卷六

二

秋襟坐對水晶簾更有幽花送桂巖若得白水還送酒想應爛醉老陶潛

胡南塘黃菊圖

霜飛木落歲華空賸有幽葩妙化工正色不隨紅紫伴一枝清絕領秋風

又紅菊圖

陶家自愛滿籬黃何事南塘貌艷粧祇爲秋容太寥落故分春色爛文章

題甥潘士興扇

潘岳聰明絕代姿文章麗澤九重知吾甥宅相應成

得也占蟾宮第一枝

題紀墨莊扇

春水桃花半畝庄綠槐陰護草玄堂何當夜氣千牛斗人道君家翰墨光

東洲續集卷之七下

維揚崔桐撰

竹西葉觀

又陵沈珠

同校正

序

賀陳石山邑博被臺獎序

石山陳子以閩中宿學克貢

大庭拜官泣教海岸少湖學士雅愛之致書於予曰
陳廣文有養之士也或語予曰廣文多才博學其游

東洲續集卷之七

一

藝旁精於衛生子以爲致遠之器非一藝可泥石山
子所謂有養者無乃有大於是者乎暇日與語質所
以衛乎生者石山子曰善衛生者莫先衛性夫至人
也者同人之性而異人之情非異人之情也異人之
養也人惟養目以色也而目恒眩養耳以聲也而耳
恒聾養口以味也而口恒噍養心以快也而心恒劇
是以其養人者害人也至人之所饗者薄也而德則
厚所嗜者淺也而蓄則深所守者儉也而獲則豐銳
籥固而生者存數蓄勤而息者萌此至人之衛乎性
實所以衛乎生者也予心奇之而未有祈試也石山

東洲續集卷之七

二

予仕吾邦也五年矣徐考其進修則好尚行前渠
后鑒而莫或愉綏也驗其取舍則抱素寡營薄利歌
義而無所曼羨也本其立教則端模範樹風紀所以
鑠之世之礪之者民之彝物之則也是故文宗
黃侍史廉其賢麟院高侍史廉其賢聞之屯政江防
督儲諸侍史咸曰賢頃乃嘉褒貶幣繩繩存臻焉同
寅耿西周子以爲與有光也率其徒謁贈言於予予
曰石山子嘗聞其言矣觀其行矣所以淑其身而蚤
有譽者要之皆衛性之助也夫性失其養則物爲主
而情煩罕煩罕之情動必營性得其養則心爲主而
情專一專一之情動必經一也者誠也誠必感感必
孚故曰君子居其室千里之外應之其斯之謂與今
廼知石山子允爲大有養而未易以淺淺觀也耿西
子以予爲知言命崔生與識之郁生質書之用賀石
山子且賀諸君子之知人

壽濟川張徵君序

少南張子以清才雅負宦游海邦邇乃陟帖興思投
簪未遂計明年寅陽二十又四日實廼翁濟川君廣
漢降祥之辰乃命工繪圖謁言於東洲崔子崔子曰
圖義何居少南子曰人子之深願乎親莫若壽古

之善視壽者莫若天保詩人四牡收次詩人之義願
親壽之升且恒也取諸日月願親壽之弗驚圻也取
諸山願親壽之無弗承也取諸杗栌夫子其何以進
我崔子曰象以跡取義以象得意以義精心以意動
言以心徵濟川翁之心跡若何少南子曰吾君子全
渾不留情貌一致內蘊則以昭曠開辭榮養恬與物
無構中主則以靜專聞義集氣克盡且無楷問學進
修則以日新聞吾君子之心跡如斯而已矣崔子曰
噫嘻吾知所以壽翁矣在天成象在地成形者工可
圖也而翁之心有無象而象不形而形者子知所以
東洲續集卷七 三

送行楚游大夫入 觀序
壬子仲冬通守行楚游公將報政入 覲
天子通序何廣文輩介諸生造東洲而告桐曰今之
爲民牧者名在功先文耀實表聞其聲赫赫爾考其
成棘棘爾多見其民受基也游守之滋吾通也執恭
居謙履正朕奇務敦化本罔事詭譎是故巷無浮裘
野無蕪萊士無嬉媮陞無慘礪邇乃不藉賓譽不假
力援而上獲下從歌頌日作允矣乎民之父母也茲
將遠行有懷吾人愧無清風之誦願徵言於夫子桐
曰守之德麻豈其庇我通民幃幪我海邦也亦弘矣
東洲續集卷七 四

圖之乎夫君子小人之分理欲之間耳養心以理則
爲昭曠爲靜專爲日新汨心以利則爲全渾爲物構
爲日楷是故義利之辨聖賢先之此南軒先生聖學
之第一功也濟川翁南軒之後也若子之言乃知翁
之學南軒之心法也學焉昭曠是吾心有非日之日
非月之月者存學焉靜專而日新是吾心有非山之
山非松栢之松栢者存安得而不壽良工之所貌者
象也而子之語吾者心也得其心可以研其幾人之
道地之道也地之道大之道也安得而不壽少南子
喜請題諸圖額以獻壽於惜老之堂

要其政治深有得於易者乎茲行其元吉矣乎夫臣
坤道也坤之文言曰坤至靜而德方守之政主乎靜
靜則敷庶猷而不見其煩苛出以方方則動有常而
物賴其生育彼其赫於前者安知不晦於後棘於效
者安知不弛於成哉吾聞之不盟而信者信之深不
威而畏者威之大是故恣參汰而假聲色者末也伐
根本而修文物者偽也薄仁義而責感孚者迂也累
尺寸而謀旦夕者淺也若守者不自文而文益章不
自功而功莫拚其靜且方之明驗矣乎茲役也實虞
庭三載述職之懿典焉守以斯政而明試焉則其試

也功以斯政而敷奏焉則其言也諒詩曰樂只君子邦家之基有曰維其有章矣是以有慶矣車服以旌有德將不在茲乎斯不亦元吉矣乎王生峯黃生榜朱生淵徐生科輩請奉斯言授諸史以壯公之行

賀張母壽登百歲序

惟癸丑仲秋既望六日實張母百齡誕期惟母黨何氏子姓周墊翁輩將及春韶暢煦幕筵章辭旌屢豆奏珍脍羅拜中幃為母氏壽周墊翁謂東洲崔子於何宦游科第有世講焉介璫銑二生謁言以聞休且為遐享賀東洲子曰是人瑞也昔人謂百年壽之大

東洲續集卷之七

五

齊得百年者千無一焉鄉有殊產閭閻謂何二生曰海邦嫺比咸味焉喜曰惟泰襟江環瀛蘊真涵靈醇精異秀未滴幽壤邇乃申佑開懿永康淑媛斯固若人之慶允鄰里之並休也蓋賀諸何族謂何二生曰吾何昆季且孫咸躍然為喜曰惟何累葉茂德永保先祚敦本植原以延苗裔士以文揚女以貞吉天實行我餘庇以光我所自出蓋賀諸張族謂何二生曰張之顯者隱者叟者穉者咸融融喜曰母氏秉惠履順實翊乃君子完德純孝今聞稱仁恪承姑嫜燕貽孫子造物者鑒茲淵德綏以眉壽以昌六子門保其

我後生蓋賀諸東洲子曰閭閻之喜一鄉之瑞也何張二族之喜一家之瑞也吾以為若母氏之德之享其天下之瑞乎我明皇建有極弘啓壽域錫茲烝黎百八十年闕裕渾庀之澤厚積紆盤江濺四極惟海隅萃奇惟海峽抱朴邇源有自矣迺母氏之永齡是不假焉出於洛鳳鳴於岐而瑞鍾吾揚其運祚無疆之積乎况遐陬奧穴安知無異人者疊見宗生以並昭是積乎桐也贅言豈其為母氏賀為一家一鄉賀敢為昭代賀

賀耿西周廣文序

東洲續集卷之七

耿西周子以茂齡逾齡得雋臺選踰常格而貢于大廷乃耿西子不欲以一得自暴棄也翺翔國學讀藝館書友天下士其勤業也如邑庠既以為圻輔多紛華未可以靜學也乃歸蜀而山樓閉閣肄習者凡十年或勸之仕耿西子曰仕優而學者莫若儒職苟得此吾志不孤矣乃謁餘曹拜官海庠海庠實偏壤鮮塵囂士朴而務簡耿西子喜其猶夫蜀也乃訓授之餘朝廳暮燈誦習疊疊如諸生且取善於石山陳子曰以古行相切磋石山子以為得良友從游諸彥樂其善啓迪以為得良師聞之也政張侍史亦獎其

壯而學以爲得良屬石山子率其徒樂道於東洲崔
子東洲子曰今之仕階惟科貢視二途者有軒輊焉
故階於貢者恒自卑仕之攸司者有政教責二司者
分緩急焉故任夫教者恒自弛若周子之志篤夫學
其不以受輕而卑可緩而弛者乎雖然學也者非學
爲富貴也所以學爲君子也學而爲君子則天下皆
愛之爲天下之所愛則天下皆重之安得而不貴使
周子而詭聖猷猷時好口詩書而心矛戟是終歸於
小人也小人也者天下之所惡也取惡於天下是天
下之共棄者也安得而不賤是故君子一言之貶嚴
於斧鉞一言之褒榮於華袞周子受愛於輿情其被
華袞也多矣顧可以所階所處尋常列視耶石山子
以斯言爲然命二三子書之以賀耿西子且勗其令
厥終

賀游行楚兩荷榮獎序

行楚大夫之守吾通也報政旣成益新展布是以獲
上乎民賢聲籍籍留都問卿嘉其政褒曰勤而預也
政侍史嘉其政褒曰廉而平東洲崔子聞而喜曰大
夫其識治體矣乎諸使君其哲於知人乎夫政識體
則重所要政重要則勤所先重要勤先在立厥本一

本立而百務舉治之道也今之政要莫急於邊防邊
防當務莫先於兵食我國家馬政之設司以監苑
廣以茶市率以庶郡督以憲臣所以足兵也屯政之
設郡備兼統等第三則召佃補遺蠲逋給具所以足
食也兵食務足凡以益三邊也予嘗卿太僕矣有司
者以馬爲末政至問馬而不能舉其數嘗游湖湘察
屯政矣有司者以戍田非專職歲失業而漫莫之省
甚者計馬巧征棄田倍入以虛文而求實效幾何其
不墮若職耶嗟夫事有難易惟圖難於易者難可爲
事有常變惟通變於常者變斯弭游大夫以廉平立
其本以勤慎急其要俗所未者爲所先時所委者爲
所重是謂知微而不襲其故蚤見而能預其防者乎
安得天下民牧咸克振策奉公如大夫操持易簡如
大夫則垌野之歌燉煌之勛將不再見於今乎
聖天子西北之憂可少紓也予不敏用述斯言爲良
守賀且以賀使君之知人

壽九臯孫大夫序

吾聞東萊爲宇內奧紘嶮山滌海比壤東牟其藏珍
蘊秀頡洞莫測意必有長生久視之倫呈瑞其間吾
願從而游焉稽諸往載秦皇漢武求之而不可得叔

世若徐問貞者能取友於六一翁邇其究竟是亦非其道而竊天功殆與朝菌夕蟪等耳豈若有知道者焉鳳見而能翔麟出而能隱繒弋所不改縲紲所不絃自是以率其性全其天斯不亦可貴耶間嘗以語北沙逋客客曰都昌有仕而隱者如九阜孫翁焉謂之有道而長年者非其人乎予考其素曰翁以中丞枝格歛陟巍科世翊南宮軒冕相望乃溫溫挹損未嘗有驕色鄉黨以謙恭聞子子遺孤克自振策竟能續乃祖服展乃父志祿及慈闈孔懷弱弟宗族以孝友聞兩宰劇邑治迹炳然入贊三禮出剴蜀寇民譽

藉藉於遐邇至今以忠愛聞庸功甫奏遽爾投簪睥睨富貴不啻飄風驟雨朝野以明哲聞迺今年既餘七十矣視明聽聰顏童體使時招社侶携漿茗隨意所向輒成佳賞或嘯傲耆英之會或逍遙獨樂之園或登眺泉石之莊行歌則金石鳴長嘯則雲壑震池池焉不知天時之倏嬗運人世之有寵辱也予聞而喜曰噫嘻青齊之濱乃知有若翁乎夫樹木者道自生見大者心自泰道生則聚百順以事君親心泰則役羣有以忘物我翁之教家憂國以忠孝自砥礪是謂樹木也勢可枯而不有名可崇而不居是謂見大

也是故有道也者其形常佚其情無營其真不雕琢於絃華其神不渙散於憂患斯翁之所以長其年也斯固擅山海之靈而麟鳳其行者也昔人有千里神交者吾雖未登九阜之堂而此心已在羅山之東維水之西矣客請歸斯言以壽翁

賀徐節婦崔氏七袞序

歲癸丑仲夏二十有五日實徐母崔氏七袞誕辰崔之嫺堂閭里謂母氏賢節而壽宜賀也羣謁言於東洲子東洲子曰母氏吾妹也吾有一姊二妹潘姊潘妹咸先夫而殞不可作矣獨徐妹多壽奇變後夫而

東洲集卷之十一

嫺居吾每見妹輒感慨生悲莫能已已乃今吾與妹俱老矣安忍以疇昔之悲為今日之喜耶雖然不有歲寒無以知松栢不遇斧斤無以別金石吾妹之晚於徐者天也而獨遲其年者非天乎安知天之所以拂吾妹非所以成吾妹乎婦人之事夫猶君子之事君父處常而賢者難也而難於變能守處暫而守者難也而難於守不渝處久而不渝者難也而難於久且功吾妹少齡而喪其夫一變也乃冰檠其操而矢靡他人以節婦稱抱弱孤而零丁二變也乃且鞠其教而箕裘克紹人以慈母稱子中殞而遺諸孫三變

也乃力苦撫摩而蘭桂並秀人以賢姑稱凡母氏之功於徐者實有賴於長其年也使母氏而不年則人徒得其常而失其變知其始而昧其終雖有全懿誰則章之迺今知屈者仲之門也塞者通之漸也天之降割於淑媛者所以章淑媛也王生應科潘生衾章請敘斯言而張於節壽之堂

賀白湖吳大夫德政序

桐林守海廬藉幃幃於自湖郡公者餘二稔矣聞諸海隈之謠曰我公其吾邑之沈龍圖矣乎頃輒以避地而西道出海陵海陵之氓曰我公其吾州之范文

東洲續集卷之七

十一

正矣乎既入蕪城鄉士大夫羣告於桐曰我郡公其疇昔之韓魏呂申矣乎桐願聞其迹士大夫曰我公甫下車會壽藩之歸宮眷也公爲節鉅費而民不擾所以佐民屈也比歲暎際駢仍民日遘瘡公爲恭禱急賑貸所以和六沴也逆照于我天紀河洛青齊濫焉峰起公乃廣支繚道闢伺萃奇驍厄軍實賊竟不敢入境所以捍外患也癸丑甲寅海倭犯我州縣火我室廬虔劉我元黎公乃輸帑儲促救援數賞罰申禁約而東土倚以覆庇焉所以紓內難也二學圯弛公鼎新之明以導迪掖以絃誦以砥礪我後生

所以明教化也重士而貴德則精其品裁區其甄獎式廬而側聽者無虛士所以樹風聲也里有節義則爲表乃幽光揚乃閭閻所以示嚮往也知五毒之下無情獄也則務簡孚而戒掠立墜圍之辭無漚曼焉所以省刑罰也擊奇衰緩孤寡曰孤墉隼爲之歛跡所以安善良也絕軌麗剔瑕垢俾鳧藻之流無肝恥焉所以繩吏胥也是故閭閻歌之當塗旌之

天子葵之吾儕可以無頌乎桐曰吾有前聞矣夫危不生於危而生於安安不忘危則危可安憂不生於憂而生於樂樂而知憂則憂可樂昔段干木之在魏

東洲續集卷之七

十三

子產之在鄭突不穰而火自弭兵不戰而秦晉却是必有所以穰所以戰者爲之地也我公欲殄乎外患而先務乎內寧欲回乎天沴而先修乎人事政有五均之休民無四殆之詛卒不怨於羊羹士無羞於鶴祿是故天變不能災人變不能危者謂非我公有所以待之者乎自是而洪鬯皇休以媲美前修者不在茲乎是可頌也於是乎文者文之詩者詩之桐曰史氏爲特書之

賀白湖吳郡守政教兼修序

惟揚土沃民侈厥風易靡自湖吳大夫以爲移風易

俗教化其首務也爰於郡縣學而觀興替焉既見夫
坡者曠者圯而未辨坳而弗瘳者慨然嘆曰是關天
維屬人紀責在民牧可但已乎乃江都學故有尊經
閣燬又墟夷大夫尤軫意焉爰檄有司俾命日受記
庀材鳩傭以期無愆素於是乎庶民和會義商輸索
閱朞月而工告成時惟宮牆聿新士氣揚勵二三子
瞻廟貌而趨拜焉顙顙乎嚴師重道之心興謁聖祠
升堂階而繹明倫之義焉油油乎孝親弟長之心興
登經閣集齋居而肄習焉諄諄乎敬典樂羣之心興
仰 敬一亭而奉讀

東洲續集卷七

七

聖箴焉竦竦乎靜存動察之心興顧瞻二坊而思惟
命扁之義焉勃勃乎自重自愛之心興蓋無地而弗
新是隨觸而皆教也惟師長氏偕二三子欣焉樂告
於史氏桐桐曰大夫之治所以鼎新乎宮牆者得非
鼎新諸士子之心矣乎豈惟士哉作士所以表民也
豈惟學校哉興學所以風遠也昔孔孟春秋戰國產
也對問陳則曰俎豆論爲國則曰禮讓陳王道則曰
孝弟曰明人倫曰庠序學校夫孔孟豈能弛法墮禁
折衝格斗以爲治哉譬如濬泉者必求其源焉則流
衍長植木者必豐其本焉則枝格暢大夫圖治功而

東洲續集卷七

七

先教化者非所以求政源而豐政本矣乎夫士行淑
則民觀善善和觀則道德一一道德則風俗同同風
俗則民志定定民志則趨向正正趨向則百順生是
故大夫非不使民也而役無告勞名定其分也非不
徵科也而財無稱屈忠不後君也非不用辟也而陞
無譽嗟仁畏其志也非無遺逸也而潛者益光禮足
勸賢也非無簿書也而典者弗靈誠沮其黠也歲雖
愆和也而民無怨咨德飽其虛也兵雖戒嚴也而我
師鷹揚義激其氣也詩曰無競惟人四方其訓之不
顯惟德百辟其刑之大夫之謂乎推之而臺而鄙而
廟堂所以穆天綽而訐展錯者皆是物也非大夫之
能事乎師生聞之喜再拜而請曰竊聞善立功者非
立言君子莫之章也願終教焉桐也鄙莫能爲役姑
次第斯言授諸牘史

送抑隅劉大夫守思南序

東洲史氏桐避地而揚一時邂逅得轉運劉大夫抑
隅氏焉接其儀度則清標雅韻瑩如可掬也晤其辭
氣則傾古今吐瑰璋洋洋壘壘坐更僕而莫之倦也
間嘗以語漕司諸大夫諸大夫譙然頌曰吾寅抑隅
公之履歷萃美累勩章章馳譽者豈曰令儀緒論而

已哉公以進士高第筮仕陵川也寬而弗弛張而弗
棘治迹以循良聞以才御史巡東平按滇南也恩以
濟威斷以剴劇邊疆以精練聞已而晉守北海也東
齊之政不減陵川終始一節時論以明牧聞乃今遜
膚漕司也冰玉其操弗磷弗緇抑而若揚絀而若信
商竈以廉介聞桐方愛之慕之以爲相見之晚也無
何晉守貴藩思南抑隅以思南爲僻壤借其庶寮問
柔遠之政於桐桐曰劉大夫其薄思南也哉物固有
然者矣不遇崛塊阨隘無以別龍駒不加硬石鍊金
無以知利器此伯堅之所爲拭目而風胡之所爲浩
嘆也

東洲續集卷之七

七

聖天子以抑隅爲龍駒爲利器是故以諸難試之授
以郡縣觀其仁也登以憲臺觀其力也寄之邊隅觀
其略也屈以貨財觀其守也陟之選齋觀其節也吾
聞之天下有嗇上無嗇民有異俗無異理昔漢夜郎
王戲定禍亂撫綏犂狁時人德之遂以思王名其邑
抑隅之是役也不鄙夷其民如子厚之治柳不魚肉
其民如叔直之治蜀顧安知思南之民不有思劉之
愛蜚聲於宇內乎亦安知造物者勞抑隅之心志非
大任之將降矣乎抑隅曰唯唯儀雖不敏敢不奉以

周旋

賀周黃墩先生偕魏安人齊壽序

歲甲寅仲冬八日實周母魏安人設悅辰壽屆六袞
有七焉閏乙卯歲季春二十四日爲黃墩周翁懸弧
辰壽屆六袞有一二老蓋雙壽焉厥嗣迪齋君以進
士地卿郎奉使維揚也雲舍軫懷陟岵悵望謂障辭
舞斑弗遂躬親膝下也造東洲而謀諸史氏桐惟時
揚縉紳羣焉稱頌曰黃墩翁夫婦之偕老也有自哉
夫蜀以山水名寰宇至犍爲而孤清秀絕獨稱佳境
丹池鶴洲九峯三龜有仙窟焉安翁之冥翥元溪之
遺神有奇產焉黃墩二老鍾其祥而襲其芳所以長
生久視者不在茲乎桐曰否否外其道而幻取者誕
也非其倫而譌擬者詭也昔孔子於講學而論壽則
歸諸仁於對君而論壽則歸諸智仁且智其術貞其
道同也黃墩翁以清溪瑋抱豈不能海泳雲翔致身
高顯哉亦豈不能藉寵怙榮雄視閭里哉顧惟以槩
獲淑身以澹漠自晦恢舊物以亢宗敦詩書以成子
子未貴也混俗而矜然不滓子既貴也偃居而儵然
遐舉且魏母唱隨維德偕行積勤甘苦不屑參汰埃
埽之混濁殆不足以泥其中焉今夫修身而崇孝者

東洲續集卷之七

七

仁也惟仁則嗜慾淺淺嗜慾者其天全潛采而匿聲者智也惟智則勢利薄勢利者其害遠且迪齋君以父母之教施諸有政也不自盈而務謙光士類以智稱不受渥而尚潔白黎庶以仁稱推是而開壽域以大悅民志者此其兆也安有人之所悅而天獨違之者乎亦安有天祚其子而不移於親者乎二老之後享可涯也哉迪齋君以斯言為善願遙獻於並彩之堂

壽自湖吳郡守序

歲甲寅季秋三日實吾郡守自湖吳公降祥辰江都

東洲續集卷之七

七

周邑侯將獻觥躋堂為公壽先期造東洲桐以壽言謁桐曰父母壽拜嘉慶焉祝脩典焉子道也侯之壽守也義何居侯曰情自恩生禮可義出理之恒也公於思又有父母道焉父母之愛其子也外有庭誥內有慈令見善則喜見譽則憂所以王厥成也守於父也亦然有寸善焉誘之獎之若已出焉苟有譽尤挫之勵之惟懼其弗克新焉是守之子夫父也恩罔極矣安有為子而不愛其親愛親而不欲其壽者乎桐曰吾聞命矣守之愛豈其一侯哉均之羣屬也愛羣屬豈其私厥長哉所以及萬民也吾見守之愛吾民

矣野無蕪莽初敷苗焉俗溺顛蒙勒導迪焉歲或佩稜束禁列焉境遣外侮務戡定焉陞騰謫公讞縣焉里隱懿行亟闡揚焉政積垢惡務滌磨焉是守之父母乎民者何異於父母其子乎且於十屬之牧淑者旌之穢者沮之蓋將以己之為心望羣牧也望羣牧以己心是所以子羣牧者猶夫侯也侯能以子道而事守則十屬之牧獨無是心乎羣牧之心萬民之心也十屬之民所以愛守者寧有間乎是故以一人之良而千萬人愛之一人之慶而千萬人祝之人心所在天固不得而違焉詩曰樂只君子民之父母有曰神之聽之終和且平自湖公之謂與其享有遐齡而綏後祿也固宜

贈汪栢亭僉憲陝臬序

王署儲材有栢亭汪君焉馳譽於士林舊矣予以宦轍相左徒聞得奇產於渥洼而未識其果千里也輸精金於銀鑄而未試其果百鍊也頃予以避寇揚居君亦遜膚吾土廼得接其清標驗其貞操信以為軼世之才恐非鹽車所能安豐城所能掄也無何君被命晉登臬司秉節西土愛君者曰陝雖金城天府而境比西夷是故我國家置藩以統郡縣置閫以統

衛所置泉以察藩閫非所以安夏馭夷之弘圖矣乎
柏亭君之是役也厥責其重且難哉予曰若吾子是
謂愛柏亭非知柏亭者也獨步於康莊坦途而蹶於
過都歷國者凡種也揮鏐於摧枯折朽而鈍於盤根
錯節者鉛末也是故一曲之士無遠致通方之士無
擇施不聞柏亭君嘗讀書秘閣乎未有達全體而不
能適大用者也不聞其制南宮乎未有明三禮而
不能治萬民者也不聞其內典符臺乎未有司國璽
而不能視臬篆者也不聞其克裕邦儲冰玉不滓乎
未有善財賦而不閑甲兵者也昔范文正敷歷諸州

東洲續集卷之七

九

所至皆有惠政韓魏公知成定守維揚勸學劭農人
慕之如父母是二公者亦循循一良吏耳及其知延
州也西賊爲之破膽經畧西路也夏人爲之寒心何
哉亦曰君子之治無遠近無小大無險夷隨寓而應
之耳柏亭君以文事之餘推之武備內寧之術施諸
邊疆吾見歐冶爲之拊掌伯樂爲之解頤者其在茲
行乎愛君者喜請張斯言於祖左以佐君攬轡之行

賀明產張大夫奏功荷 寵序

歲癸丑倭夷干紀毋我海壤甲寅寇益熾自湖吳郡
守憂之問計於中丞溪泉鄭公公議以設官防禦

請先是 詔兵憲季泉李君備吾揚無何晉秩去楚

泉明崖憲副張君被 簡代厥任君甫至寇復作君
不難觸險深入寇穴撤其故卒之貪者懷者懲墮事
者以徇選銳練精明以賞罰且火且攻寇遂就殲大
江以北數百里民賴晏然常塗者以爲君之力也上
其狀 詔晉爵藩叅仍秉鉞以蒞揚揚之士大夫謂
君著偉績蒙茂典也屬史氏桐紀君美桐曰辦天下
事固難於得才而善用天下之才者爲尤難吾觀明
崖君徽猷奇詣足以應紛劇之變 朝廷之報功錫
寵處置得宜謂非上下有相成之機乎何則君昔蒞

東洲續集卷之七

十

全楚也嘗樹績於狷狺狺之鄉矣是謂積有素而
民望重望之重者協人心乃今防禦吾土也揚師振
武肅號申諭威赫赫矣而賞不遺功罰不失愆寬以
濟嚴恩威並著焉是謂仁義之師惟仁且義足以孚
人心甚矣久任之不講也舊矣是故官無定位民無
常主職其上者視民社如傳舍此其功甫就而旋弛
者用才者之咎也君之才既足以應變而 朝堂之
任公異其爵而不異其地則時望爲益重人心爲日
孚君得從容展布以罄所長焉吾見芒屨小醜殆不
足平也已所謂上下有相成之機者不在茲乎鄉士

夫喜稱觥登堂酌使君而歌曰惟鯨鯢之慘罔兮盪
滄溟以徘徊惟使君之仁武兮奠我百罹君退焉莫
敢有也庶以歌曰猗 願謨之神明兮覆此要荒渺
蜺虹之何伎兮荷斯寵光惟俯仰而踣跡兮庶幾永
滅君子曰縉紳之頌言嘉有功也使君之不有承以
謙也惟謙受益知使君之允有成也

送陳石山典教臨川序

石山陳先生以八閩時彥分教吾海庠也七稔矣君
子愛之以爲得良友生徒樂之以爲得良師常塗旌
之以爲得良屬甲寅冬君被 命教諭臨川寮友耿

東洲續集卷之七

七

西周君泊二三子難其別相顧惘然若有失也羣謁
言於東洲桐桐曰石山君豈吾邑所能私哉茲行也
斯道其南矣乎天下事其成與敗係乎學術學術之
邪正根乎人心吾每慨夫季世之學離道爲日遠也
今夫口典謨而行商賈言是古而道從今者譌也礪
破大義附贅懸疣立異以欺世者詭也飾其所短是
其所偏而汰然滿盈者妄也朝信夕疑二三其德始
嚮慕而終背馳者惑也吾有得於石山君之素矣夷
考其啓迪乎生徒者非騰口說也敦禮義而抑澆漓
動必以身先之是教人以誠也曩之括之不出乎民

彝日用之常未嘗外道以自奇是教人以正也求其
進修則居之以廣守之以愚樂取善而大有容是教
人以謙也邇筮仕以至晉秩金王一節久而不渝是
教人以貞也誠則行無譌正則道不詭謙則心不妄
貞則志不惑師模於是乎盡之矣所以乎人心而蚤
有譽者不在茲乎抑是教也推之天下可也况大江
之右爲文獻之藪乎吾聞臨川之文獻論者謂晏元
獻王荆公實領袖之子以爲元獻之學善於知人故
出其門者多君子是可尚已荆公之學倚於自用故
入其門者多小人後世不能無議焉石山君以教吾

東洲續集卷之七

七

海庠者而施諸大邦爲我訪忠孝之堂臨汝之院而
薦頸登拜焉率乃著錄青衿仰山仰而景行焉則王
太傅顏魯公之志行可以風多士之氣節朱晦翁之
理學可以淑多士之心術人心正學術明太平之業
可立致矣借曰役役於穎墨青紫之末吾恐非石山
君之望也耿西以予爲知言願授之史以佐君之成

賀自湖吳大夫奏功膺賞序

比年北寇甫平東夷干順大江南北民病焉郡守自
湖吳公克壯厥猶匪懈夙夜爰佐憲臣振將卒東向
而問其罪無何屢戰屢捷寇乃就殲當塗者上其狀

朝廷詔錫金以嘉之郡僚諸公以爲與有榮也羣告於史氏祠祠曰天下事固有制變於幾先藏用於默運者矣是故給餉守關非有所冒矢石也而鄧侯爲元功運籌決勝非有所親攻畧也而留侯爲時傑海東之捷非有明牧以預其圖應其援而漫焉撓勑敵以責成效亦艱矣今茲寵褒茂錫所以章勸沮以風有位者其治世之盛舉乎展矣乎可賀而頌也羣僚聞斯言而喜乃詠日載酤奉錫金稱觴而致賀焉螺山朱倅曰我公以豫章元魁摘中美以飾吏治赫斯怒以却驚虜文武之才也非所謂文武吉甫萬邦爲憲矣乎於焉頌六月藝楚唐倅曰我公簡兵儲精百屯畢修未事而防已事而戒非所謂修爾車馬弓矢戎兵用戒戎作用邊蠻方矣乎於焉頌抑篇松山唐倅曰我公以豈第之德敷父母之政居常爲之撫綏緩急爲之捍衛千里郡縣晏然以寧非所謂豈第君子邦家之基矣乎於焉頌南山觀吾史倅曰我公內修外攘績則偉矣乃履薄臨深戒嚴爲益勤思患爲益密先聲遐聞寇無桀犯非所謂式固爾猶淮夷卒獲矣乎於焉頌泮水自溯公歎焉退遜曰小子何力哉常武云王猶允塞徐方既來徐方既同天

之功今日之事

聖天子之廟筭也小子何力哉君子謂公之功茂而心下知其舉當永終也

敘二程道脉帙

伊川嗣子端中嘗知六安軍死金人難遂葬六安六安人祠守其神而俎豆之愛道者復祖祀二程以知軍君從享焉斯盛舉也裔孫貢選圖其祠基冠以遺像奉成帙以謁祠祠拜瞻而竊嘆曰天地間綱常植於氣節氣節充於道義道義主於聖賢聖賢道脉曠千百年而一流通焉孰謂正公繼世即有子焉以不

張正脉斯不亦可偉也哉昔陸象山云顏子沒而孔子之傳亡夫顏子得聖人以爲依歸鏟跡陋巷言不違世行不讐俗時遇其易者也而其傳有曾子子思得其宗未謂亡傳也乃若時遇其難事當其變不有偉人者以英風浩氣樹立綱常則孔子之道幾何其不淪且熄耶愚故曰孔子沒至孟氏而道傳孟氏沒至程氏而道傳戰國之世何時耶孟氏子作闢邪說距詖行放淫辭以抗節於齊梁宣惠之間所謂觸觸嚴嚴其光輝氣象儼然可想見使塤昧羣黎曉然知堯舜仁義之說者孟氏集義養氣之功爲之也至

宋益微矣程氏兩夫子作純公筵仕歸令歸然以德
化挽頽俗爲御史裏行能抗論新法以忤時宰正公
說書崇政殿則以聖學正人主而斥呂子章至罹黨
籍而無所屈使叔季之世知崇正抑邪之道者程氏
敦仁敬定性命之功爲之也知軍君家庭授受其綱
常節義之論耳濡目染舊矣此其倥偬應變之際不
難以一死徇王事非蚤有定見者能之乎當時及門
高第如游謝二子猶背師說而不得其傳鮑氏以下
無聞焉聖門正脉知軍君獨流長之無異其連連雲
仍衍芳澗而滾滾至今也

東洲續集卷七

二十五

賀澹泉鄭中丞晉貳天曹序

夫時有常變功濟於處常而不難於弭變者天下之
全功也事有簡劇才優於理簡而不難於裁劇者天
下之通才也澹泉中丞鄭公之撫淮南也海夷千紀
危生塲黷時則變矣百疋豫圖符檄旁午事則劇矣
惟公志與義孚誠與才合撫其經綸素蘊而爲修攘
之偉績焉民力屈則公調停歲事歉則施賑予軍需
殷則散帑儲地險虛則增壘堞堅銳弛則精利器其
行政也慎而謀設憲臣以威江防簡將帥以專軍紀
任守令以固保障廣採納以集見聞獎壯士以振什

伍其用人也周而肅是故一戰而有東臬之捷再戰
而解崇川之圍三戰而大餘東之巢四戰而俘軍山
之虜且功出於已也不以自居而歸諸人過非其有
也不欲他諉而任諸已所謂開誠布公畏簡書而務
實用者公其有之東南郡縣數千里方攝然倚公爲
重也無何宿望允乎

天子嘉之先之以寵褒繼之以優秩召貳銓曹固將
大有任焉維揚吳守其雅受公知悵莫能留也羣衆
畢集造謗於史氏桐桐曰文獻武畧著聲夷夏若公
者豈一隅郡縣所能獨私也哉夫古昔所謂治平天

東洲續集卷七

二十六

下者亦曰行政用人而已矣公之茲行也推所以平
淮南者以持衡於天下何利爲今日之當興何弊爲
今日之當革則隨應而朝旨因事錯采有以成天下之
大務矣世所以燭淮南者以秉鑑於天下何才爲可
以附與何才爲可以扶危則朝無虛祿野無沉器有
以盡天下之長矣是天下之政平吾士之置被也天
下之才錄吾民之允賴也所以穆天綽以綏四國者
其大有望於公乎郡守諸寮以予言爲然請授諸史
以賀公且爲天下賀

賀晉齋馬侯壽七襄序

桐客維揚於著英鄉會得晉齋馬君焉愛其言必由
惻動必中度胸次瑩然無事詭譎知其去垢就明貞
白之士也夷考其平生睦宗族則弭怨以隆恩恤孤
寡則賤貨而崇義禮問里則降色以承謙詔子姓則
略分以明訓吾以為有萃德之實焉問其出處則擢
桂京闈兩令壯邑江夏之政節苛而務省其報功也
寬以仁益陽之政戡寇以殲殘其報功也肅而義黎
庶頌之當塗旌之君不以自功也解組而東偕者舊
姻友徜徉嘯傲於泉石魚鳥間視世態紛華澹如也
吾以為君有終譽之休焉嘉靖乙卯壽登七袞孟夏
既望三日實懸張辰揚大夫竹西臺憲婁江王侯章
謁予言以為壽予曰晉齋之所以壽者其遂於易乎
君以晉自命者也易曰明出地上晉君子以自昭明
德君以貞白是操而駸駸於緝熙也蓋取諸晉晉而
弗畜則德弗新非自昭也易曰剛健篤實輝光日新
其德君之萃有衆美而實德是崇蓋取諸大畜德則
晉矣而進退不時道未光也非自昭也易曰時止則
止時行則行動靜不失其時則其道光明君之功成
而退無所繫吝蓋取諸艮詩云君子萬年介爾昭明
蓋有明德者必享明休大人相與此其機也所謂日

升而月恒固君之所宜致者吾用頌是為賓筵獻

敘岷山一派圖

郡幕岷山楊君之贊政吾揚也任繁劇劇尉尉有嘉
聞矣頃歲河寇干紀海夷稔毒君克佐明守捍禦與
有力焉史氏桐避地客揚君出其山水萬里圖謁予
曰丹青氏實趙宋松雪裔斯圖於江名且號若有期
者江用是實珍之東澗司馬平坡進士並重以教
言矣願終教於夫子予披圖而感嘆曰天人之際歟
定於先者其幾預氣感於異者其跡合才會於時者
其事功岷山君之生其命名立號何心於山水哉而
東洲續集卷之七
三十一
名號適以岷江稱且君晉產也何取於蜀之山揚之
水哉而宜徽踪跡兩邀遊於秋浦南泠之澤國焉借
使鯨波不揚則岷山之履歷亦惟簿書參互之間耳
惟岷山之優能奇諸不擇夷險當其時際夢清則據
惻効勤有同舟共濟之義一或漫漶漫漶則憂形夢
寐有擊節誓河之忠顧名思義緣象求實君之平生
動定殆非偶然而未著之先丹青已為蚤設無乃果
有所待乎余固謂數既定則鬼神不能秘其幾氣相
孚則山川不能間其迹功會時則常變不能違其才
岷山君其有之

賀葉默菴壽六袞序

默菴葉君贈秋卿郎樂菴公之子臺憲竹西公之弟也嘉靖乙卯齒屆六袞季春甲辰後六日實惟誕辰揚人士東瀾司馬晉禱馬仁輩願壽焉謂東洲桐於君有世講羣語於桐曰吾儕之所以壽默菴者非壽其始末艾之年也獨壽其有可徵之德耳君之自出綺紉膏粱之裔也生易靡矣而其習也貞君之產紛華關闡之鄉也風易參矣而其守也確日惟簡言慎動以靜為本是故自命曰默斯不亦中而隱隱而士者乎桐曰山林而隱者隱之隱也惟非隱而隱者為大

東洲續集卷之七

五十九

隱詩書而士者士之士也惟非士而士者為佳士默菴君其知易者乎夫乾其靜也專坤其靜也翕專斯動也翕斯動也闢廣大由是生焉君惟主乎靜也故常默言唯默則心常行行唯默則事不苟是故事父母則唯孝也處伯仲則惟友也臨財貨則惟義也交端友則惟敬宗黨則惟恩也是故生之豐裔而不能靡混之麗俗而不能參凡是物者士之懿也隱之實也皆動而直且闢者為之也皆靜而專且翕者主之也誠之道也至誠則不息不息則悠久壽之徵也默菴君嗣是以廣大其後享焉吾知今日甲子之

一週殆行萬里者發軔於門庭凌千仞者振步於磯麓也與揚人士以桐言為然共擊鮮載醑登君堂以祝栢桐不文勉為之序

賀游君拜銜金吾序

事固有費出而有裨於時功報而不傷於惠形泯而無損於體者其今日義授之爵乎古之非嚮授者有三議焉謂所裨者微所報者重所損者大也吾以為今日之制殆不然夷虜干紀為時則變矣變固貴通也佐急而功詔爵而虛祿其通以等也功若償而責無寄重國體也上式有言曰天下賢者宜勤邊有財

東洲續集卷之七

三十

者宜輸委匈奴可滅也雖然佐邊以力者詔爵而論祿經國之大猷也佐邊以財者詔爵而論祿明憲之大類也此庶長之錫公孫弘以為不可為化况關內之封平歲乙卯省菴游君輪索佐邊授銜金吾蓋事君以力者食其報事君以財者華其名是功異也而所以功者同均之為事君也報異也而所以報者同均之為昭勸也於時為有裨於惠為不傷於體為無損是省菴之義賢於卜氏之罔而國家之報優於漢武也殊遠矣封大夫寅樓君曰省菴以臨江石族乃祖且父世商維揚蓋薄貨敦義賑貧恤弱載德業

世者也太史氏何以進之予曰道一而已忠其君者必愛其民急於遠者必篤其近游氏之世德有自則世恩必長今此之一術非其兆與詩曰子子孫孫勿替引之予尚有望焉



東洲續集卷之七

記

厝馬圖記

貌此圖者不識誰何氏亦不識幾何禩即其司牧者皆圉官是必天閑法駕物圉官之冠裳練飾皆唐制是必唐代馬蓋秦漢以後張景順王毛仲所育於唐為盛是故貌馬者必稱唐抑當時韋偃韓幹號工畫馬此圖得非遺跡耶予觀其穎墨運化曲盡精妙羣而前者五羣而隨者五羣而閒者七蔭林樾而羣者四負崖而羣者四騎而渡者一渡而鳴者一渡而飲者二騎而驅夫前者一休林下者一騎而行者三騎

東洲續集卷之八

而後者一携者一鳳臆龍鬐雄姿逸態隱見顚仰旋迴背向斑如潑如真渥洼神種也卷阿之篇曰君子之車既庶且多君子之馬既閑且馳蓋先王備物不為虛器詩人立言良有深旨焉不識天育沙苑盛時法駕之外果為繁庶之錫耶蒐苗獮狩之須耶躍險蹴冰之防耶魏武云老馬伏櫪志在千里借曰願終惠養而已殆與泛駕等耳奚足神

重建尊經閣記

通州學宮故有尊經閣鼎作荷筒規制廟墜非傑構也嘉靖癸丑春三月御史黃使君行部蒞學諸生執

經問道者環列焉已乃達觀興廢見故閣而嘆曰嗟乎是闕教化盡收觀乎廼給帑餘百金徵游宇天庭氏俾旬材授記程物計庸以任厥成於是判梓施耀氏率幕屬孫好仁氏咸協寅以效厥勤焉閣三月工訖其高三丈六尺廣十丈凡十楹翼如炳如經可尊已游宇廼謀諸學正何士植氏司訓田光宗氏劉淦氏朱濬氏曰是役也闕焉不振者久矣而聿壯於今不可以無紀也亟以碑事謁使君使君俾問記於史氏桐桐曰廼自人文開而元精會諸聖聖目遠而心傳載諸經經之蒙厄若古逮今矣以暴世厄者吾經燼以異端厄者吾經疵以兵燹厄者吾經墮孔壁汲冢科斗韋帷謠傳謹塞僅存餘緒耳可慨也夫廼今愛經者崇其地而尊之非盛世之偉觀矣乎雖然使君之愛經也果惟是尊以閣耶抑欲學經者尊以心耶知藻其閣而忘其經是謂愛櫃而還珠者也知讀其書而忘其義是謂扣盤而知日者也是故以心而尊經則暗室屋漏日月照焉閣雖隘經未嘗不尊也苟徒以閣而尊經則雖華藻麗適生部障耳閣雖崇經未嘗不晦也吾鄉二三子肄習於斯其瞻於斯仰其象必思求其意謂閣之由新者何所以重經也

則是閣非虛器得其意必思繹其理謂經之由重何將以明道也則聖經非虛言是故主敬其本也知性其要也爲己其實也毋襲傳以枝經毋章句以析經毋離道以叛經經明則誠立德可久業可大聖賢之全體位育之極功其在茲乎使君名國用江西豐城人蓋政教兼舉者云

紀世義

世義者誰父爲金萬子爲陵徽郡休寧產商於東臺者也紀其義者何動必義舉夫人所難也而世厥美者爲尤難是故紀之名以義起樹風聲也嘉靖癸未歲侵民殍積骸橫壑萬曰同類也於我瘞廼募工昇置僻壤拊而崇封者計五百軀後三十年萬于陵臨瘞所而嘆曰塚無表揭則土日夷而原成隲藏者之灾也亟請於羅璧谷使君願立石命名以示民無犯使君義其請爲榜曰義塚所以成厥美也東臺有二港曰轉水曰竹林雨淫水溢涉者病焉陵曰險不可狎也弗橋焉民其執哉廼捐金勾村程庸董植閼基月而二橋成且井其隙地以蘇道暘行者實利焉者寵陸轍輦率有衆以諗使君願碑其世休用圖不休亦義舉也使君曰掩骼埋胔徒扛橋梁王政也而旌

寓者加志焉是商其業而士其行者也不有掄揚其何以勸檄場使李冠唐琦俾謁記於史氏桐桐曰天下事有所爲而爲者利而利之也無所爲而爲者不利而利之也讓其責而情莫繫者利之闕也非其土而恩有間者利未咸也作於允而後或替者利弗垂不責報而仁自施不私我而任無譖不擇地流不異世而心有倦之數美也難矣哉是故金氏之世休囚人之憂而憂之因人之利而以觀德矣谷使君匹夫有善而必錄之萬民有情而必順之可以觀政矣使君餘姚

東洲續集卷之八

四

進士今之良有司也

建義勇武安王廟記

嘉靖癸丑八月豫寇寇作毒流濠泗維揚郡守自湖吳君思預防焉簡兵振旅百厄具飭民乃恃以無恐離院監察御史黃使君曰轉運司與郡縣均利害禦郡縣所以保民安商也簡商以佐民事其濟乎羣商亦義是舉樂爲役也相與謀曰寇干天紀人神共怒者也昔我疆鄙惟勅封義勇武安王實赫厥靈保我師運儲爲邊疆命脉神其能遺眷乎乃羣神以祝禱是夕夢感郡幕楊江商益異之願以

崇祀爲禱無何寇就殲揚境晏然商以爲神有力焉不敢墮盟以前議請黃使君曰可檄衛所相厥土得善地於城東南門所營闢月而工就緒甲寅八月東洲史氏桐以避地而揚也趙商儀閣商朝顯輩謁史氏紀神績史氏曰關雲長矢心以翊漢而終焉齋志以沒乃今昭靈異於後代者何哉吾聞之亘古今而不可易者理也彌俯仰而莫能禦者氣也因盈縮而爲奇偶者數也隨化機而成變遷者時也聖賢者能弘其理而不能與其數充其氣而不能違其時雲長當炎祚既灰頽流莫挽數逢其奇時會其否且奈何哉稽其平生以經術明綱常以義勇臣昭烈以正統扶社稷理則正已計取襄樊威震華夏解圍白馬勢凌吳魏氣則剛已乃今孫曹安在哉百世之下仰雲長之風者莫不畏敬而神明之候王其謚號祠宇其儀容世無虛代焉蓋雲長志雖鬱矣而斯理斯氣之在天壤固有盤結蘊蓄而不可磨者天祚我皇明數昌而運熙此其神紆久鬱而效靈焉流英蜚響扣之即應電馬雲旗恍焉若存所以佑宗社而庇邦儲者未可誣也祭法曰能禦大菑者祀之能捍大患者祀之吾郡之俎豆乎神也非古之制與

東洲續集卷之八

五

竹西草堂記

吾友葉大夫初號竹西主人別號省庵主人嘗偕東洲崔子宦游三楚登岳樓汎洞庭訪君山二妃遺竹入瀟湘數萬頃撫琅玕而嘯歌者終日焉獨恨未得酣主人草堂對竹西風月其此樂耳乃今吾兩人俱老矣主人遜膺林栖東洲子亦明農東海頃以避寇客揚欲申前約就主人問竹所主人曰吾揚古有竹西亭今竹與亭俱無矣草堂雖構非其所也東洲子曰主人之愛竹予既已知之矣夫竹有目愛有心愛目愛者樂在物心愛者樂在理樂夫物者有得於外

東洲續集卷之八

本

雖有而若無樂夫理者自得於中雖無而亦有吾謂主人以竹自命而復以省庵庵是所謂省焉者殆無日而不在竹也竹性直必自省曰吾能矢厥中矩厥度以無詭我天真矣乎竹中虛必自省曰吾能無塞以荏無窒以墻豁然空洞矣乎竹中白必自省曰吾能自濯自新不緇不穢翳魔垢無蒂我素業矣乎竹色正必自省曰吾能肅爾模端爾範無巧笑無譙容以凜焉莫犯矣乎竹有節必自省曰吾能金石之介冰炭之貞始終爲不渝矣乎竹勢凌必自省曰吾能高尚其志軼凡脫俗鳳翔龍躍於千仞之上矣乎

果有之是不必延二仲於三徑而吾心之萬徑固曠如也不必共詩酒於七賢而吾心之義皇日契晤也東洲子言未已主人啞然笑曰淵哉子之立言也詩云他人有心予忖度之夫子之謂乎子不紀吾跡而紀吾心淵哉子之立言也

郡博李秋潭去思記

秋潭李君教授揚郡者凡三稔文宗諸侍史暨當塗使君華褒茂獎者爲疊至甲寅秋銓曹廉其賢晉秩承天郡判第子惘然若有失也胡生淑道丁生文明尹生瑜珙王生學古馮生世京輩謁史氏桐以紀先

東洲續集卷之八

十

生動將礪石闡懿寓去思焉桐曰去而思人情也惟思在心碑義何居二三子曰思在心則時改而傳泯一人之思也思在石則世遠而聲流不朽之思也自聖學湮而師模弛久矣其身教之莫聞也先生口無墜言身無謬行胸次空洞不屑詭瑣去則失我矩矱安得而不思自道義之不講而士每無方聞矣先生居子授文以經傳爲主本以心得爲真見以剽竊爲末學外是則入文地理鍾律甲兵靡不間嘗啓迪去則塞我見聞安得而不思自義利之混淆而師生之恩義踈矣先生尊性室慾其宅心澹如藻潔弟子之

貧者矜之患難者衛之育我撫我若父母於赤子然去則遠我依怙安得而不思自節義之莫章而民德日淪於薄矣先生崇楊應龍魏堯民之孝表薛母劉母之貞擇閭里之賢有行者而禮重之去則拂我士氣關我風化安得而不思桐曰吾聞秋潭君繫思於人心者舊矣竊今武義善政有錄焉是武義之民思之再令永興永興爲紀荒政碑治迹焉是永興之民又思之再令華容君以前令之故引咎自歸爲輿論所器重是華容之民亦思之郢中爲

今天子龍飛郡民風士習迥軼凡壤君以政三邑者

東洲續集卷之八

八

政之教揚庠者教之吾見郢人異日之思之歌之當有出於陽春唱和之外者矣安知百世而下仰思秋潭之風者不與蘇湖之教薰黃之政媲美而並傳矣乎君諱瑞芳字時禎別號秋潭江西豐城人嘉靖壬午鄉貢士

修惟揚水關記

揚城舊制市有河城有關南冷淮海之巨浸邦汴澗曲之支流咸會通焉河可以舟關可以守凡以爲民也歲癸丑河南逆師干天紀甲寅倭夷亦寇我中土揚郡守自湖吳大夫完城簡旅百厄豫飭檄江都周

今日關制故疎闊歲積且圯非所以固吾圉也姑閉諸旣而曰河久窒則日湮非所以利民川也蓋啓諸謀諸參戎張君恒喬君基新關以計久遠揚父老羣焉相告曰守憂吾民夙夜勤劬實懇懇矣胡復以瑣役煩長上供事趨工責在吾民員外郎郝封君理謀諸光祿火署丞坤曰父老之憂吾輩之憂也胡可以勞百姓會材募工責在吾輩於是封君首輸金五十光祿輸金七十太學何生正茂高生格各輸金五十義授下千兵哲曰諸君高誼曾所願也督植効勤益金以界有關是誠在哲於是裁其制俾隘可守券以石俾堅

東洲續集卷之八

九

不磨闢以板俾閉可啓重其門俾險可恃翼以墻俾隙有補哲倍益金三百有奇撤舊鼎新四關奕然郡守環而視之欣焉有喜色於是官者私者車者畜者負者肩者商者農者咸稱便哲輩謂是役實利民捍害不可以無紀也問碑事於史氏桐桐曰時有常變政有經權謀有遠近經以守常權以通變守而不變則其敝近變而能通則爲利博是故今日之事寇不可虞時之變也閉關以守政之經也舍圯而攻圖權可遠也是役也觀上下之相親政則可知已士民之競勸風則可采已工之經始夏六月望告成則孟冬

吉日翊曾以董作則衛知事俞滂任勞焉

兩淮運司題名記

凡官守必碑其名匪用是垂後聞也蓋書其姓氏係以產籍等以階秩紀以歲月俾嗣是而觀者可以稽職典考臧否也兩淮轉運司置自國初凡百八十餘年矣司轉運者運使則肇魏觀氏迄今三十有八人同知則肇張翀氏迄今四十人副使則肇党忠氏迄今二十有八人判官則肇楊陵氏迄今六十人時迹迹堙而名石尚虛何耶惟甲寅孟冬願庵唐使君蒞運事議礪石鐫名用裨往嗣偕其寮弄丸韓倅

東洲續集卷之八

少崖馬倅輩謁記於史氏桐桐曰古之欲平天下者在理財欲理財者先用用人惟其人斯好惡公財用裕故曰慎德曰好仁皆公好惡之大經也今之所謂理財者內重司徒外藉煮海而已夫鹽司以總財設官官守以督財為職求其惕焉振策以弗墮若守亦艱矣是故義以和利德以末貨非名斯石者之要務矣乎今夫積儲利用克充邊實人將指石而稱曰某能更否則受劣名恤竈生財公輸不賈人將指石而稱曰某循吏否則受苛名潔躬藻行無所緇濡人將指石而稱曰某廉吏否則受汚名寒賤通商公私無

損人將指石而稱曰某才吏否則受庸名剗奸剔蠹莫或侵撓人將指石而稱曰某明吏否則受闇名在昔仁賢漢文學有敦厚食鄙之對唐劉彤氏有惠生柔戎之表宋王隨氏有通商五利之陳范仲淹氏有弛禁寬農之議朱晦庵氏有私賤官貴之辯著在紀載可師也已司若職者遵廟堂不刊之成憲奉臺憲通變之事宜參以古人已試之明效則人存政舉庶無愧於官箴矣乎或弗即厥工有墜若成者良友尚規以義曰名在貞石

海門縣築城記

東洲續集卷之八

十一

聞諸故老宋樂間倭夷弗靖犯我東土訖今設兵歲備以為常嘉靖甲寅夷復犯海門海門故無城塹市聚野處之民奔命無所受其毒為甚烈乙卯復圍通城攻且焚者每旬月城竟莫能克揚郡吳守聞之曰噫有城則守無城則斃城以禦亂可但已乎抑吾屬之忌是獨東土也哉寇逾料角而漂北海紀鹽場而南向則如臯弗城為可虞道南江而西舍舟而北犯口岸則泰興弗城為可虞風帆西下直抵沙市則瓜洲弗城為可虞况海門僻在東隅為水寇必由所弗城民將何恃亟請於司馬中丞鄭公公曰是吾責也

謀諸監察御史李公莫公請於

天子將新四城以爲久長計既得允公乃恪奉德音以詔羣工而海門尤用情焉遂故吏之貪且暴者疏薦高郵趙判卿俾令邑事謂揚郡史倅朝賓守貞白而才譎優也檄之俾督諸境役且躬履邑境集興議而損益之謂城曠則費溢約之可六里圍可九百六十有七丈高二丈堞高五尺壕廣六丈有四門有樓有水關有營房舖舍計費金一萬七千九百二十兩有奇以前令詭稱蕩田徵金可裨闕也祇給帑金一萬四千一百四十兩有奇餘金尚有待焉議定工舉

東洲續集卷之八

十三

僅浹期月而寇復報警時江防使應憲張公振武有方民恃無恐令乃率民且防且作而築者鑿者猶勤勤也會諸當道以遷代行大中丞陳公監察使君吳公崔公至咸摠誠協公益申前令督成爲日切焉閱歲餘而工克就緒罔愆初議邑士民大悅熙熙焉賴有庇也羣問記於東洲桐桐曰昔楚圖莒而入於鄆以城臣而無備也然士蒞城蒲與屈而莫之慎識者知其爲寇讐之保耳夫城佐勝之具也民決勝之本也而人心之向背有幾焉苟屈其力以城之復捐其生以守之非有恩澤焉以結其中吾恐胥讒之民未

可以若是其厚望也是故君子之善德其民者義以藉其力仁以結其心會人和以半地險使不可勝者在我而可勝者在敵則斯役也其吾邑千祀之金湯乎鄭公諱曉陳公諱儒李公諱時逢莫公諱如士吳公諱伯朋崔公諱棟張公諱景賢吳公諱桂芳洎史倅皆名進士趙令陝西鄉進士

泰興縣築城記

泰興比境海陵縣古而未城惟是襟江而環海也沙寇怙險每竊發嘉靖甲寅倭寇至毒我大江南北乙卯寇又至揚郡吳守有憂之嘆曰變生而無城民將安守亟請於撫巡諸公議屬境之故無城者改圖焉撫臺大司馬鄭公監察御史李公莫公咸曰是誠在我乃摠惻協謀以守議聞諸

東洲續集卷之八

十三

聖天子既得請廼賦命有司凡新四城而泰興居其一焉僉謂姚令邦材雅秉潔尚知勤民隱也檄尸其役史郡倅朝賓志愬而守貞有幹濟能牒總其役令乃受計程功殫厥心力簡溫戶以責其成廩細戶以備其力山是築者鑿者方融融向公而莫之後也會撫按諸公以遷代去御史大夫陳公監察御史吳公崔公繼至竝飭戒益嚴惕然以玩愒前功是懼時江

陽使廉憲張公亦爲懲如勸勤莫敢怠違期月而
工告成城凡七里有奇其圍一千三百五十有三丈
高二丈堞五尺壕廣八丈城樓舖舍各整整計費帑
金二萬七千八百有奇兩邑庠諸生奉厥師長洎鄉
先生命羣謁言於史氏桐桐曰昔趙襄子之難長子
城完邛邛倉庫實襄子不之恃而恃晉陽以尹鐸之
所寬也民之所由餘也是役也諸大臣奉揚

明明廟謨夙夜以保障斯民爲心而良有司復能襄
誠秉忠振民乏而展其詘絕無繭絲之苛焉是斯民
之受寬於其上也亦弘多矣是故可勞而勞民用無

怨因利而利財用不傷地險設而人和會末世保民
之道其在茲乎邛公諱曉陳公諱儒李公諱時逢莫
公諱如士吳公諱伯朋崔公諱棟張公諱景賢吳公
諱桂芳洎史倅姚令皆名進士

墓銘表

太學生錢明夫墓誌銘

嘉靖壬子三月十三日錢生明夫疾作越宿而卒邇
其生弘治辛酉五月二十六日得年五十二第太學
生薰上癸丑正月二十日葬明夫於清幹鄉祖塋所
從兄初志也先期狀明夫行謁子銘予爲哀且嘆曰
錢生其能子弟哉爲人後者履順多參怙力多愷參
覆家愷覆身以忝所生若錢生者處順而力乃無曾
尤其難矣哉生諱藻明夫其字別號草塘先世居餘
東里大父貞齋翁盛贈中憲大夫郎陽知府父南浦

東洲續集卷之九

翁鐸舉進士累官廣西按察副使母李恭人於吾室
淑人俱齋出監察御史周明夫生而穎敏弱冠補海
門邑庠弟子員旣應例業南雍以從浦翁宦京師政
業北雍時子職史館乃偕薰弟從吾游吾固鑑奇葩
於蓓蕾也歷事南宮宗伯序庵李公屢試之亦爲引
獎已待浦翁宦廣西遭歲凶不穀感異夢食燕泥
而愈乃嘆曰吾體幾羸頽不自肄習勞非命也夫會
海逼乃築室崇川綜理家政念貞齋翁以拮据裕產
也務敦節損諮諸以身先無敢荒娛且忍垢納侮思
保先懿有狂夫火其門知其入而莫之問曰吾祖有

遺訓也獨雅好文墨讀日詩臨名家帖考字學音韻以自怡暇或引傷樂賓探幽覽勝取適而已亦不至曠浪南浦翁李淑人相繼卒讀禮三年檢身理生爲益慎友于其弟同居對食循行焉終其身無相猶嘗購藥弭歲歲新梓潼故祠志厭俗尚欲攷古禮皆善舉也配許氏初無子嗣以薰子曰九敘後側室生二子曰九山一幼女一妻守禦千戶王廷揚嗟乎明夫年若嗇而其緒長志若鬱而其守確錢氏之能子弟哉銘曰明夫之生也約躬恆度弗遠遺武昭嗣爾祖儀矩彬彬游情藝圃曰繩爾父沒而藏也依其祖依

東洲續集卷之九

二

其父哉忤哉怙融融千古

歐村陳君墓誌銘

語云朝無擇才埜無沉器斯殆槩舉其盛耳乃若洽仁之世陞景銑跡於民伍者豈無其倫乎而泯焉莫章者多矣吾讀庠彥栗生鏗狀歐村陳君行而有感焉狀曰翁諱昂字邦顯別號歐村祖德避元亂居揚之豐樂鄉國初占籍江都德生禮禮生源源配紀氏生四子聰銘智及君君性敏善識誦聞父翁訓闈歲試之弗遺忘父翁率諸子事家人產君獨任勤苦父翁喜知陳氏爲有子也孝養二親克盡子職父翁

東洲續集卷之九

三

嘗入城市君執鞭步從之不難往返百餘里曰吾安敢與尊者偕騎耶敬事諸兄友于終身至析產亦退遜無所競積勤無何產日裕嘗施腴田數畝爲義封以瘞札瘥幣皆者嘉靖侵歲荐臻繼以師旅萬衆睢睢郡縣憂之君命子傾儲輸官以紓時急有司義其子而獎之人知爲君之訓也鄰戚之貧無依者或賙以粟居以廬賻贈無所吝惜故有僧道橋橋圯君以百金倡鄉人且躬督厥成壯麗可觀易名曰河口又徧修雷塘諸橋自是民無病溺者君喜恬澹惟以經術課諸孫曰苟寸進以亢吾宗吾目可瞑矣戒嗣人惟守成是務弗欲其多營以自撓閭里事有弗能者質諸君聞其處分數語輒慙服者齡後杜門僻居有司以鄉飲徵辭弗就乃授冠帶以榮其壽生於成化戊戌四月八日嘉靖甲寅五月五日卒得年七十有七配黃氏有閭行君之諸善母氏實相之生二子長琪次瑤省祭官女一適李鑑孫八銑紹虞皆太學生紹思郡庠生紹先紹伊紹齊紹紹學孫女四長適馬鼎次適蘇龍次許聘揚州衛指揮使劉應揚次許聘吳汝松曾孫五時濟時汲時潤五十孝孫曾孫女三曰一許聘孫承德曰樓曰仲嗟乎諸行如歐村君

可謂吾揚之隱君子矣銘曰貞璧璘寤埋璞崑岡均
樂惟珠深淵掄光村君多懿而孝樹芳而忠輸國而
義及鄉身屯澤流跡遠譽長雲芝王樹嗣世允昌有
墩歐陽千載斯藏

國學生錢瓊田墓表

弘治間桐時家食窓友陳德章氏忘其年而善子德
章以太學生卒無後子每會晤其壻瓊田錢子未嘗
不念德章之舊誼也嘉靖庚戌瓊田子喪陳室子既
爲之銘矣癸丑八月四日瓊田子以疾卒嗣子九疇
卜是年十二月十二日啓陳母窆而合葬焉先期謁

東洲續集卷九

四

予表其墓子哀之爲敘其素曰瓊田子諱芝字瑞夫
別號瓊田少羸弱且整庵公之獨子贈大夫貞齋大
父公愛之不欲任以肄習勞初命遊邑庠尋命應例
卒業太學性孝友事二公暨許母惟謹事其仲父南
浦憲副公如嚴父處伯兄介弟終身無間言與人交
直率和平言出輒傾倒底裏雖險夫僉人亦諒其無
他腸臨財貨每厚與而廉取或有所遺負亦報焉不
忍較銖兩雖食人有所取亦笑而應之素好施舍能
憂人之憂嘗育江氏孤女笄而嫁之嘉靖己亥海濤
作諸場婦孺咸溺鄭運使用其言白吳疎山侍史各

給金以助不能妻者又輸米三百石以賑饑乏運使
義之獎以略牽擬償其直辭不取又建廢縣市橋新
關雲長神宇雖多費弗吝也晚歲銓期已逾不樂仕
曰吾安能役役爲哉以閩內事屬內子陳陳善綜理
閩政益整不以煩夫子閩外事屬九疇九疇亦善
幹蠱處常應劇不以憂嚴君廼築室於村東命曰別
業築院於南莊命曰瓊田書院訪故舊或問喪疾則
適別業或郊遊或觀稼則適書院東居之嫻友亦樂
交之每至輒相與燕嬉閱旬日而後返計聞吊者哀
者傾城坐生弘治壬子七月二日得年六十有二

東洲續集卷九

五

即九疇太學生孫一士昭潘氏出嗟乎瓊田子德小
忿而篤懿親賤貨財而崇道義薄世榮而安優閒是
皆時好俗尚所不欲爲者而瓊田子獨樂爲焉生也
人愛之死也人懷之以所輕而博所重得失何如哉

明進士文林郎東川李君墓誌銘

李君卒之後二年爲嘉靖癸丑嗣子庭桂卜是年

月

日葬君于郡城西南萬松岡啓其母氏
祔焉庭桂自爲狀拾杖走泣謁銘于東洲桐謂桐於
東川君姻有連而學同時也君諱夢周字希道號東
川維揚海門人四世祖曰閔甫者有陰德以世科顯

宦著聲淮揚間有司爲表其坊曰五桂三秀大父傑
縣庠學生將歲薦乘不仕父軾古行篤學有時名以
太學生授雷州郡判嫡母孫氏張氏母朱氏生三子
長夢中仲即君季夢陳郡判翁愛君幼穎敏誨之勤
勤君亦力學不廢寒暑製經義輒援筆立就以奇童
聞年十四遊邑庠每臺試文宗侍史多奇其才以爲
當大有成也正德己卯舉于應天庚辰舉于南宮未
廷試丁張母艱嘉靖癸未 賜同進士出身授江西
寧都知縣時郡判翁卒已餘十年矣君每追悼翁未
及見涕泗不已君性直而喜動寧都民黨風竄素稱

東洲續集卷九

六

梗治君於利病當與革者不難任怨勇於必爲首決
數疑獄吏胥懾服又有以死獄詰讐家者後母誣子
以不孝者君悉爲昭雪聞諸隣郡凡抱詎之訟咸愿
赴直于君乙酉苗寇弗靖境內騷然巡撫兵憲諸公
檄君禦之君設奇力勦不旬月寇廼平溫戶豪丁利
匿稅以自肥貧弱任疲不堪償逋君請于當塗剗強
桷陋委輸遂均撫按以爲能交相推獎民俗好佞鬼
市子女以代牲所謂五王廟者尤所崇異君命火其
廟及毀諸淫祠撤其故材以新學宮構書院率諸生
講習其中親爲指授士論民情方翕然歸德有勢家

子弟宿多所訾過君數喻之竟恬力弗忌君怒廼置
于理且奪其占田歸之民無柯扈黨譏紛作君素
薄宦情遂浩然東歸卜居揚城杜門鮮交惟讀書教
子自娛以蒸酌而已事朱母甚謹朱卒哀毀盡禮念
其兄無子生養死殯咸歸已丙午庭桂中式南圻君
喜曰吾幸有七桂矣復何憾但吾兒立身務剛方正
直毋負 朝廷耳君故以瘵瘵辛亥疾復作七月二
十七日卒家無羨貲諸子至鬻產以襄事則君之官
守可知矣生弘治戊申二月一日年六十四配張氏
繼江氏江有淑行俱先君卒繼翁氏副室毛氏楊氏

東洲續集卷九

七

子男五人長即庭桂江出庭槐翁出庭檟庭栴庭梅
毛出槐檟栴俱邑庠生女六人長壻周召次壻邑庠
生史紀禹次壻府庠生黃堯次壻閭秩次壻邑庠生
顧養謙次許壻蘇應乾孫男三人長之喬次俱幼女
孫二人銘曰昭嗣世庸無忝乃翁未謂不逢立峻嶺
風克壯武功誰閑爾終蘭敷桂葉弗弗葱蔥後祉曷
窮史氏述衷用燭閤封幽原萬松

明故庠學生崔東山墓表

崔君諱光翰字元佐號東山充海門庠學生明年當
歲貢試 大廷乃以父憂積毀而卒嘉靖辛亥正月

一日也君室於予室同出李氏御史周之孫陰陽官
渠之女也君冢嗣庠生鳳鳴治新塋卜壬子九月二
十七日葬君於新邑進鮮港北原率其弟鳳雛鳳翔
鳳儀鳳毛涕泣而謁予曰先大父逸齋翁大母潘教
吾父洎諸叔以詩書並食廩邑庠冀有成立吾父無
祿瀕貢期而不獲小有成以報所生一憾也吾父平
生辛苦力學至老不倦而不獲階一命以為榮二憾
也吾父謹言篤行事父母孝處昆季友交閭里嫻戚
義乃不獲享有歲年三憾也非立言君子有以表其
素俾吾父沒齒汨汨鳴輦何以為情耶予曰不然天
下事當為而不為者咎在人當得而不得者命在天
君子亦求諸在我者而已矣東山君年六十而卒是
未為不壽君卒仲弟元相嗣其貢是與君貢等君之
五男子洎若孫讀者耕者蔚如森如是德浮於報慶
留其餘也未為不裕後夫何憾哉鳳鳴輩涕泣再拜
請以斯言入石表諸墓左

明勅封徵仕郎中書舍人東湖張公墓誌銘

弘治正德間桐以試藝留都嘗取友吾鄉得名士曰
張東湖者見其人文而雅以為益友也乃相善如故
知已余仕京師公季子旦舉乙未進士得承公勳定

辛丑公仲子習又舉進士余方欣欣為公私慰也乃
是歲十二月十有二日公不作矣乙卯春余避寇寓
揚城旦以地卿郎晉秩滇南兵憲瀕行奉公友朱君
應辰狀謁桐曰先君子宿受我公知且等虛墓石久
矣公其銘諸余於東湖有世好不能讓也公諱禮字
天秩東湖其別號世為實應人先世祖曰八一八一
生伯善伯善生震震生岩世德標素為維揚右族岩
生東湖公東湖公少嘗力田然性穎喜讀書耕耨非
所能也乃輟農而儒從鄉進士王先生遊同學生以
公已弱冠而貌尚農也或易視之王先生獨與進公
公亦服勤先生訓駸駸有長益同學生始信先生為
知人長遊邑庠督學御史每歲試必列公高等高等
生例得膳學廩公凡幾候闕而補期竟相左時有廩
生坐廢疾公又不忍以已故而利其闕是故遲久而
始廩公亦不以一廩自阻也益勵志績學即子史百
氏靡不博研疆識充邃於易析粹摘詮多益後進每
大比試場屋人必謂張東湖當雋選凡十舉竟不第
公嘆曰命矣夫乃屬習旦二子而示之曰聞諸往載
儒生多以明經起家吾結髮明經垂四十年竟不得
一第是何賴於經耶在我且然無徒苦若等為也二

子感憤取父書而讀之各登進士上第公乃釋然始知明經果能起家也公性純孝執父喪哀慟幾絕母徐氏以產公卒痛切公心終其身生日不為樂事繼母丁氏如已母恤其弟甚恩以至睦族黨調鄰比施於鄉曲款款皆有情死喪有未收者即赴臨為經營殯殮具又能曲直里中事少俊有所警尤既面質亦善為揜覆是以無間內外並以長者稱公質雖敦樸然襟度踈豁無所窒礙子鴻貴不以自侈也時過從娣友相與譙嬉笑語叙平生數酌微酣即六博投壺繼以吟嘯懷抱盡傾倒間或角巾野服扁舟往來於東湖莊所載酒高歌曠然有軼埃遺俗意里人亦器重公樂偕之遊以為脫略勢態近世宦族所不及也公初奉詔授冠帶以子貴封徵仕郎中書舍人跡雖投閒江湖廊廟之心未忘也嘗訓其三子曰吾先世尚清白無所厚貽以愚子孫獨有勤儉二言可以世守汝易務穡治生克守勤儉不失為孝子汝習汝旦當官奉職克守勤儉斯不失忠臣君子謂東湖公雖未嘗用世而以忠孝屬嗣人古人體用之學其在茲乎公咸化丙申十月二十有九日生逮卒年春秋六十有六配陳氏有閭懿封孺人子即易娶

唐氏習郭祁氏繼吳氏旦娶許氏封孺人女三長壻宋本儒次壻太學生王祝次壻刁需孫五元孝元敬元凱元渾元吉公卒之明年壬寅十二月十有九日葬於縣十里八淺龍首村之原銘曰胡璧而璞厥文彌郁胡蘭而光厥間彌馥而孝而忠悠哉嗣服載德稱仁被茲邦族卓矣嗣人父書能讀懋紹餘休赤霄遐蹴帝曰庸之嘉褒孔渥哲人逍遙塵囿東有祿後綏天乎爾復龍首萃真長遊玄穆

明故興府典膳春田潘公墓誌銘

潘公春田以嘉靖丙午四月二十九日卒配姜氏以是年八月五日繼公卒嫡子格輩下戊申十二月朔口厝二逝者於祖墓之左以其弟桂為吾婿也來謁銘吾於公有世姻不能讓也公之先高祖曰九程九程生顯顯生三子長孚次厚公父也孚厚以母張愛其季也悉以其舊產遜季各努力理生事以故產曰殷厚生二子長即公次素公諱表字大輔春田其別號也公性耿毅有大度務以勤儉相其父力田生財具其經畫嗣是產更倍於昔乃輸粟助邊授興藩典膳以歸噫生子三長即格次朴撫子

一桐國子生泰安州判先公卒桂國子生東陽少尹
抱病哭二親亦繼之卒朴國子生皆公庭訓之力也
女一適庠生姜熊孫五道遜庠生遷禮部儒士遠建
孫女四長適江鏐次適國子生成家餘在室魯孫二
懷忠懷孝公生於成化甲午正月二十九日得年七
十三姜氏生於成化壬辰五月十九日得年七十五
銘曰
於乎春田肯構肯堂見公之克孝成子成孫見公之
善教輸粟助邊為國為君之報黃壚幽藏太史垂銘
所以章公之有道

東洲續集卷之九

二



傳

明中憲大夫南康府知府毅齋張公傳

張公名愈嚴字濟寬號毅齋蜀眉州人性敏喜學問
父贈南京戶部主事名潯中蚤卒依太安人湯母嫺
居年十有六族有嫁婦死其家誣訟公公自省非其
罪也讀書陞中無少輟故人萬君循敬為白其冤乃
原免舊產緣是日索矣公益刻志績學名著蜀中中
丞鍾公延誨諸子時選補農吏鍾欲私公族子公以
正對鍾為嘆賞者再再又州守王欲寘罪於中丞數
以言餽公公不可王亦不敢干以私弘治辛酉領鄉
薦錄其文州守張為二子賓延公二試竟無一語及
主事乙丑下第謁銓曹領教陝西耀庠耀士子久不
利科目公率以身心勤以曠括自是人文振作如劉
尹瀚辛僉憲左吏部思忠第思敬科甲繩繩雋登
皆名士也正德辛未舉進士授南京戶曹主事能以
善言規同列同列亦德公忠告弗為怨也晉刑曹員
外郎謝絕請寄獄獄多平反鄉人有以子孫計為公
謀者公曰吾微時逆境尚不肯壞心術乃今居官受
祿顧苟耶言者愧服乙卯晉江西南康守南康故
無城垣以土石耳秋湯普朋潰公至乃請于當塗割

石築城鑿池藝柳以計久遠至今城及柳皆以張公
 名郡庠之科第者六十年公督其師儒嚴乃肄習今
 司寇梁公尚德素受公知果貴顯安義民以新邑未
 心附盜歛起震懼鄰境公以計討平之彭蠡民有乘
 風放舟衝客載以行劫者公立保甲法以相詰察盜
 遂炮又節冗費以抗中使捐月俸以置義塚取池魚
 以給供億凡可以佐百姓者靡弗用情獨於自奉衣
 食澹閱數年如一日公素薄宦情屢乞休不得請
 乙酉冬欲借入覲以長往民知之送且號泣者傾城
 墊舟次安慶疾作偕行者強之進次良鄉遂不起時
 年六十有一遺書訓子孫絕筆語猶不亂落泉二司
 洎林守寬為治殯檢其囊無餘金遣使扶柩歸南康
 南康人哀之如喪考妣羣謁撫巡登祀名宦祠至有
 哀服三年者林君往倅南康勸必師公良鄉易簣為
 撫柩哀慟旦暮香火翁戒了孫俾世祀之公性孝友
 每念及太安人嘗同甘苦涕泗滢滢下教授時得學
 幣悉為二弟治婚產又登第後州司擬立進士坊公
 懼以已故而病鄉人也固止之後三十年而坊始成
 平生重言笑鮮喜怒寒暑燕居不易冠履尤邃理學
 以毛詩淑後進至今講說經旨者皆取正於張夫子

婚吳嘉祥陝西苑馬少卿夙侍公教既貴猶懇懇以
 官箴是訓乙巳郡縣述公行請于督學易公以鄉賢
 祖豆公元配黃氏贈安人生二子長弘用庚午貢士
 卒贈戶部主事次適用早卒繼黃氏生一子功用庚
 子貢士孫景賢舉戊戌進士累官兵備維揚以平寇
 功晉銜叅政
 論曰往予友方池余太史嘗語予眉有毅齋之賢也
 頃予及見其孫明崖家學之懿讀其婚吳少卿狀公
 之全迺知公其古之人與嗟乎公學足以成物功足
 以利民窮不以詎沮達不以時移斯莫尚已而孝友
 恭儉白首如昨豈易得也哉位雖遜於台鼎年未躋
 於耄耄而生前事業身後聲華視石火之榮豈得失
 為何如

雜著

讀仲弟林歸養牒

仲弟林曰拜東闈幕予嘗于書戒言冀其善奉職以無負君完名節以無辱親蓋吾人父朴庵宗伯吾父誠齋宗伯所以事君親者有成訓也幸吾弟筮仕東闈既補晉闈並以舉職名無何以生母熊老乞歸養予讀其牒而吾曰昔崔盧李鄭子弟偃然自高不解人間事爲唐宗所不貴人生苟不自樹以墜家聲則塗之人亦賤之况君父子吾弟幕兩闈而奉官箴念老母而明子職詩曰靡不有初鮮克有終弟其勉夫

書孫氏瑞蜂記後

事有積舊而昭新因經而占大者國氣機之感召矣乎徃邗江孫克齋氏有蜂集其家主入異之爲紀其奇而發其秘蜀岡岡卿氏亦異之翼以言也研物理省庵臺憲氏亦異之翼以言也博物趣東洲史氏避地而揚上人復問異於史氏史氏曰果哉斯蜂胡爲乎來哉蜂者聚也衆也無乃門閭之昌大矣乎雖然天不言而機在物物有形而微在人揚之孫氏祖子曾玄世載茂懿問科第則鸚鵡鵬搏問龍光則龍章鸞錦問嗣續則神駒鳳輝輝華胄文明我邦家者

舊矣大矣而將有未可涯者乎主人因新以迓舊即細而觀大則知孫氏斯物之微瑞當在人

題介弟格望雲樓

往狄梁公行役登大行望白雲指親舍在其下亦孝子陟岵遺意也梁公之坦親在河陽謝役而歸望斯慰已吾弟之二親已矣舍亦燬于寇矣跡寄揚而望猶東何哉吾聞昔人有攀故柳而長悲珍敗帙而不忍置者况桑梓故墟依怙遺迹能已於情耶是弟之日登斯樓也目觸而心感心繫而神馳思則望望則著著則存存則又詩曰永言孝思孝思維則弟其庶幾乎

評東臯嚴子詩

辱來教擬古果近古雲謠首首佳蓋凡涉仙境語便脫煙火氣耳六言清絕無可疵指醉狂歌漁歌間有憤世叱咤音然醉命曰狂亦不厭其豪歌命曰漁亦不害其麗更少醞藉以就和平何如桐也鄙非可與言詩者即是以卜子之清修雅抱殆非人間世所能絃約者欣鼓欣鼓

御街行詞贈臺憲明崖

島夷峰鼓層陰結沴氣飛冰雪使君壯氣斗牛凌南

擁霜戈錦節雀火巢焚狼星影熄海赤鯨鯢血 甲
兵滿腹人中傑淨掃侏離穴

天章飄下紫泥香腰綴金花生纈江北江南謳歌動
地正聲華烈烈

題李君南田像

嗟乎此南田君之遺像也惟君少秉清修史氏之書
介其中義明出處史氏之書貞以通訓不違親誠以
奉公史氏之書孝且忠斯蓋心之可象固有不與化
而俱終者矣而形之可象者尚見其宛爾柔嘉卓爾
溫恭顯有若生神采融融庶幾百世之下子子孫孫
東洲續集卷之十一
仰止靡窮祖豆乎有道之儀容

書東洲續集後

宗伯東洲先生之集大梁曹子
梓之舊矣先生爲當時名公文
章事業窺姚姒而並伊周固海
內人士所欲即其言而識其賢
者愛而傳之獨一曹君已耶哲
也下里已人生于先生及第之
年當在髫髻常慕公之時義而
興焉思一立公之門而觀其大
自謂難矣廼今以職事來揚方
欲遨遊海門以觀於海而公以
避寇適至因探珠壁于趙魏而

得茲集焉然先生吟咏日富老
而益神近時所著又復成帙間
因索而讀之續而刻之詮次於
前者始條理也增廣於今者終
條理也先生文學之大其備是
乎天下後世其將珍傳于無窮
也已

嘉靖乙卯歲仲春朔日

賜進士出身承直郎南京戶部主
事漢嘉周希哲謹跋

東洲集二十卷續集十卷

江蘇巡撫
採進本

明崔桐撰桐字來鳳海門人正德丁丑進士官至
禮部右侍郎事迹附見明史舒芬傳以與芬俱疏
諫南巡廷杖故也是集凡詩九卷詞一卷文十卷
續集詩六卷文四卷江南通志所載卷帙與此相
同千頃堂書目作東洲集三十卷續集十卷明史
藝文志作東洲集四十卷疑黃虞稷誤二十爲三
十明志據虞稷之目合而計之共爲四十卷也

東麓遺稿十卷

〔明〕汪佃撰

南京圖書館藏明刻本

附《四庫全書總目·東麓稿十

卷》提要

此汪佃東麓遺稿十卷。古書標注。其書藏前無序目。傳本特
種。他家傳本。多有遺漏。蓋家藏。其標目。亦無此
種。今云。收注。其書。多矣。頗多。層目。不收。之。冊。柯。友。昆。堂
收。儲。之。書。更。可。見。已。全。其。書。皆。利。不。可。徵。生。乃。不。能。不。錄
其。目。之。冊。整。齊。便。求。精。美。近。得。明。人。集。之。書。皆。利。不。能
種。於。姑。蘇。吃。明。善。半。初。軍。無。傳。此。冊。之。以。徵。之。故
書。日。少。不。知。三。五。年。內。可。因。成。此。願。不。今。日。外。春。澤。堂。於
徐。如。樞。許。更。同。信。人。乃。收。其。書。於。微。郡。必。有。佳。本。收。其
與。人。錄。其。州。雖。不。可。以。上。之。而。中。三。月。九。日。大。書。記

汪佃遺稿十卷。一。行。謹。按。後。錄。明。人。集。也。小。無。更。言。

汪佃號東麓。越國公高。隔居大陽宮。主翰林。編脩。有東麓稿十卷。行世。

東麓遺稿卷之一

古風類

首夏即事

凱風忽自南當軒坡我襟生春柳語語生繁陰
上有蟬與蜩嘒嘒相和吟時物非昨日幽懷苦難任
玄機浩不息來往如相尋朱明倏受謝青陽去駸駸
空齋閒無事長日何流沈獨有南風薰可以慰吾心

雨後望西山作

夙有丘壑尚歲晚東山群峰蒼翠雙流夾潺湲
飛塵渺相隔樓臺鎖層閣朝風從君闕恍惚非人寰

東麓遺稿卷之一

行坐勞諷詠招携費齊攀竭來遊京國置身紫宸班
公家有程期坐使猿鳥閒故山渺何許悵望雙溪灣

立馬眺西郭諸山如抱環又如萬衆行城頭露其鬣
乃知帝居壯天設夷夏開維時雨初霽空翠流黛顏

沈吟爲之久興發頗不慳何當期獨往杖竹屨白菅
庶幾諸所願登陟寧辭艱盤問與衡霍從此不知還

聞邊警

朔風動邊城獵獵驚秋早黃雲黯不飛慘澹交河道
胡騎何憑陵驍騰捷猿狐朝飲瀚海波夕秣天山草
大城卒閉關小障急收堡驅牽盡畜牧劫執罄羸老

狼煙沒冥鴻羽檄爭飛鴟我雖膂力孱奮欲先牙纛
傾非疆圉臣憂來漫如搗安得霍嫖姚爲我疾征討
一洗胡虜塵沙場淨如掃

觀畫古松

高堂素壁明如練古松誰畫娛清燕千雲倒壑爭雄
奇筆端倏忽窮千變坐來彷彿聞怒濤陰風習習時
吹面老幹橫慘虬聳張霜皮錯落龍鱗見根底凝藏
千歲本浮絲百丈看縈臂君不見畢宏輩俱成塵
畫師妙手還有人豈惟模寫空適真超然意外傳風
神何須更蔭松門陰

東麓遺稿卷之一

觀田家割麥

長安歲歉食不足城中買粟如買玉旅客相逢顏少
懼短歌彈鋏聲悲促已開麥熟解我憂坐看四月田
家秋憶昨經冬見三白果然此瑞徵來牟閑來踏馬
出郊野離離極目黃雲浮丈夫腰鎌婦姑鋤隴頭結
束成山丘穰穰盈車復滿篝寧論濟邪與偃僕頓令
米價賤如土誰能一斗捐食稠我本江南田舍客誤
舍鐵基來冀北感茲悵然憶故園惜別經時空太息
無事日飽大官儲憂來也復關里問貽牟修傳清廟
頌無麥每謹春秋書但願年年如此歲長將大有謠

康衢

新秋苦雨

六街赤暑黃塵昏清秋一雨到骨恩那知滂沱不肯
止排簷朝暮如傾盆商羊憑陵蟻出垣飛廉助虐雷
車奔虛堂響徹夢成聲恍疑天崩銀河翻遂令平陸
成巨浸四顧浩渺相茫茫塗泥行潦沒馬腹縱有逸
足難騰軒頽垣崩室猶可說更聞郊牧無高原田家
秋場築不得禾頭生耳泥中蟠鬰鬱轉死無處所嗷
嗷哀籲聲煩冤我欲徬徨尋真宰天路幽險門無闢
災祥由來說天數誰能致詰窮其源又聞天人本一

東坡遺稿卷之一

三

氣流通召致非牽援雪霜爲威雨露澤擬類中有至
理存 皇恩曠蕩豈云僭此謫安取難具論腐儒縱
閉本緯說聖經燹理非空言安得排雲叫閭闔誓將
此義達至尊帝心昭格一影響精裡匪直嚴壘鐫乾
綱總攬在把握堂堂恩賞無傍門坐看清風淨天宇
陰殺披豁帷幃撤琴收行秋肅威令夜月皎皎仍朝
暉休徵時至王道得頓使化理還淳元小臣却誤秋
陽賦縱教如掾巨筆一掃累幅俄成覓

登高丘望遠海

登高丘望遠海蓬瀛三島不可尋安羨諸僊復何在

遊次午坡韻

鯨吹浪作雪山指點樓臺蜃凝彩丹砂歲晏不成
金日月催人竟難待徐市去不返青禽信無憑至今
八駿巡行處閑來游客時還登湘林一炬出泗回
幹造化力可能唯有僊山在平地終身俵望何由乘
五月望午坡提學發建溪衝村范司空具觴
豆待予歸崇崇一丘一壑方都閩追陪同

東坡遺稿卷之一

四

不跨馬司空有道常騎鶴我從吏役繼塵羈遊山興
味仍悠邈三更風雨甚有情應爲吾曹滌炎濁天風
洞口一披襟淒淒却畏絺衫薄群行陟降步若飛顧
我衰羸足偏弱憶來隔歲秋獨遊俄然夢境成今昨
建安僊署舊傳名丹丘靈島多恢廓登回壑轉不可
窮烟橫林黑都遮幕暫於物外沂真源俗慮如麻渾
忘却寒泉石竇濺明珠猶疑宿雨林梢落何當掄薜
爲題鐫坐令嘉會千年記

蔣氏世享堂爲同年蔣芝山題

崑山山前有祠堂茫茫松栢如雲矗借問道旁建者

記三榜高懸表名族君家世德何源流遺封受氏來
姬周南陽赤龍飛白水九江繼起疾遼道中遇毗陵
從外氏因仍不覺凡幾祀高墳姓字故依然至今耆
舊談遺址慈孫孝思不敢忘一朝光復昭斯堂四時
常事薦蘋藻坐看俎豆生輝光雲仍百代羅堂下乃
知厚德流偏長公侯子孫必復始羨君青堂勢方起
勛庸從此振家聲看取簪纓紹前史

熙寧橋壽朱黃門父母

壺山上與方壺通山下阿翁顏若童昂然鶴髮共阿
母清朝對坐瑤池宮郎君秀發異風骨長身王立聲

東麓遺稿卷一

五

鍾洪 王皇按前久侍立驚章紫誥馳恩崇烏紗丹
帔相映射官袍菜彩如花紅人間此樂誰得似却疑
盡室蓬萊中君不見熙寧橋石幾千尺波心臥影驚
蒼龍神工鑄鑿蛟龜走鞭驅誰致滄溟東石亦不可
防壽亦不可窮儼即自是題柱手星槎南汎乘秋風
憑將此歌勒華表稱觴獻頌年年同

劉振廷尹慈利

零陽本是神僊立赤松山復芙蓉洲豈唯形勝足登
眺土麗民俗淳無偷看君自得王喬術卓犖丰稜非
凡儔朝來忽躡雙鵲鳥雲霓直下西南陬都亭拂袖

柳新暗潞河浪碧催行舟張帆穩臥五千里洞庭木
落風初秋手揮絳桐坐堂上竚聽四境絃歌周青冥
健翻方九萬一枝暫寄非淹留殷勤把贈雙龍劍待
君磨淬還屠牛

雙嶼爲余黃門瓊題

華江江前雙嶼峙朝風夕霽光凝紫疊嶂遙自北山
來天馬群行飲江水到江津翠勢轉雄騰驤屹向岷
而起主人生平最在宣草閣茅堂端爲此相看擬作
歲寒盟坐對行吟殊未已那知離合不可常出門却
恨鳴騶駛謝來青瑣歲月多南望支頤踵仍企我今

東麓遺稿卷一

本

題句爲傳神頓覺太孤小孤終日眼前雙礪礪

沽頭行次韻爲王廷和題

茹荼若薺不知苦剛腸天性無弱土沽頭往事何壯
哉餘烈猶令懦夫武大豪如山手可摧義不顧身惟
顧主初聞輾轉中夜床起坐徬徨漏逾五浮雲黯黯
晦白日震霆號號憑憑威怒臣身可慘頭可斷惟有寸
丹終不腐役役班行久覲顏誓殞百軀還莫補幸逢
帝鑾曲回光赦臣無罪直轡魯穆穆天正其聖明稽
首百拜三蹈舞漫說衆口可鑠金不信沈舟由積羽
風寧爲小臣私浩蕩無涯萬物謝它時史筆重春

秋沒齒私家銘鼎金腐草那知復有輝滄海恩波藏
可鼓往來歲月積漸多至今籍籍曹河浦勁氣稜稜
世所稀誰道今人不如古我今倚調爲君歌歌成聽
者紛若堵坐看聲價重官曹不數能詩何水部

一樂堂

誰家一樂名華堂大書金薤垂琳琅堂上翁媪俱康
強玄雲兩鬢無秋霜堂下繞砌芝蘭芳羅生駢秀森
成行就中一本先蜚英栢臺繡豸青驄郎更有二季
讀且畊四時和藹煦春陽天書忽降鸞回翔琅函玉
軸泥金光烏帽翟冠官錦香班衣迭戲千年觴庭闈
燕喜恒洋洋人間勝事非尋常從來後積派餘慶定
知此樂殊未央

畫馬

漢家天馬西極來追風躡電名龍媒渥洼大宛不復
見百金買骨消人哀趙家王孫好事者興來落筆真
蕭灑驟看神駿不受羈細認還疑汗流赭俗工畫馬
空畫形依稀圖抹成丹青皮毛逼真愈齷齪駑駘滿
幅凡骨腥寧知世間有妙手坐令牧監無才駟

二智圖

生平性僻耽山水歲晚移家白雲裏廬邊雙繞羅帶

溪四面群峰畫屏倚逝者不舍止者聞道器分明無
彼此興來獨往恣徜徉陟巘臨深忘歲紀出門苦被
世網羈故國弁州非逆旅終朝跨馬久循塵搔首南
雲千萬里此圖妙手貌者誰一見坐我雙溪溪飛流
白練下層嵯萬壑松風颯經耳兩翁抱膝兀忘言脩
然似領箇中理何當拂袂往從之一咲浮名真脫屣

細柳圖

大夫雄武何赳赳甲兵百萬胸中有祗將統率等尋
常要立勛名垂不朽古來名將數何人獨愛條侯屯
細柳生綃一幅貌高堂威稜坐覺風雷吼令嚴壁堅
詔不開按轡和轡動明主風前嘆息真將軍兒戲徐
劉那足取英聲赤赤雙目前風期宛宛千年後只今
狼煙夜息紅境上單于來稽首折衝聊試樽俎間籌
邊欵作檣蒲手酒兵座上戰方酣對壘枰中誇墨守
綠沈綉蒞臥苔階赤羽插房縣戶牖轅門超距盡日
閑勞軍那復勤元后却恨時清一事無壯志蹉跎竟
成負數函韜略在床頭萬里策勛待孫子

僊人騎鹿圖壽朱良佩

朱侯白馬如白鹿姓名久係方壺籙世間萬事一浮
雲抵愛棋枰與醺醺何不當日月忙倒酒常飢神

僊祿昂藏八尺老鶴軀長髯黧鬚方瞳目風神自是
雲表姿肯屑人寰空超越遠心苦厭東華塵却傍清
溪聊卜築蕭然一室與匡床閉門閒寂如深谷心閒
傳得不老方身安坐享無災福願侯百歲常若斯餐
英不羨甘溪菊我本僊官侍玉皇暫謫青冥下平陸
華堂館我日婆娑良辰恰遇桑蓬六開筵爲我展此
圖酌酒壽侯歌此曲它年記取待重過一觴一闕還
相屬

折楊柳次韻贈啓文伯憲副別 別號九峰

美人興與九峰齊過我恍若山陰谿道旁楊柳何比

東麓遺稿卷之一

九

長

似青縷鞦地千條低行臺一樽聊爲開客從黃鶴磯
頭來主賓清淡不成醉獨有明月常徘徊折楊柳送
君行明朝驄馬朝王京青冥騰踏日漸遠且復爲我
畱山城猶憶玉河堤畔樹婀娜紫煙還縹霧朝朝歸
院繞隄行欲去沈吟再三顧折楊柳送君行一枝把
贈千金輕願君珍此更什襲識我懷人戀舊情

紀異耐熙臺次韻

燭龍燔空大爐赭草木焦卷僵四野斯須雷車鞭六
馬雨師布令坐瀟灑穠穠縱閉盡土苴桂醕椒漿亦
徒瀉我時穩臥北牕下四扉不開洞空閒奈何飛廉

怒不啻走石揚沙如搏打千章顛蹙寧拱把傾搖摧
楫屋墮瓦八方迷茫錯華夏掩耳聾舌皆聾啞皇穹
威神不可假震驚乃及香山社咎徵爲沴本天也九
衢成川水沒踝老翁睹記亦云寡造化無煩乃大治
金行伏火月在且鳴條馭現總非般公久閒居靜觀
者題詩記異紹風雅後生好事競傳寫一時聲價傾
王竿

何拙菴雙壽

滇南山水天下奇點蒼倚白空差差昆明徹底寒照
膽世人不識名天池扶輿磅礴鬱乃發鍾賢毓彥共

東麓遺稿卷之一

十

明時中有大樸不受斲耆年碩德如靈著榆城何翁
伯七袞嫺賢德耀仍齊眉一樽相屬祝偕老南極照
戶光入卮醕顏鶴鬚醉相映駢階玉樹沝華滋問翁
底事獨稱拙神僊伎倆無多岐天涯遊子長太息望
雲捐舍情依依丈夫生有四方志况乃振鐸名儒師
由來家國理不二了却官事非癡兒我知庭闈樂志
養雖有潤別無離思因風寫作侑觴曲三酌三祝常
熙熙

五溪圖

先生生是蓬洲客才名獨擅詞章伯當年對策獻彤

庭揮翰如飛屨文石委蛇王署三十年北扉視草聲
輝芥一朝呼吸變風雷荷戈遠向閩荒謫閩山去家
路幾千東望五溪恒噴噴終日思歸不待歸聊假丹
青寫真跡披圖老眼一摩挲翛然步我五溪陌屠門
大嚼年復年天上歲蹏已周歷

太平天子孝且仁精裡郊廟神人格雷雨作解羣厥
恩遷人量移戍者釋先生逍遙反五溪行坐溪沙聞
岸憤漫嗟交海滯虞翻真見夜郎還李白却把三山
仍繪圖回首介州三嘆息

秋水亭

爲節推郭舜符題

東麓遺稿卷之一

士

夏

大梁城東砥道平窪然百畝開一泓霜天潦盡寒泉
澄新磨照膽寶鑑呈下見蛟客樊珠晴驪龍不眠夜
猶驚主人誅茅跨空明中藏縹帙萬軸橫下帷鍵關
何所營翛然弦誦無餘情一朝平步登蓬瀛手持三
尺來宣城筆底滲灑陽春生坐令槁枿更區萌有時
搔首搖心旌登高悵望沙鷗盟我謂此水功未成休
教澄波浣塵纓願騰餘潤天河傾病畦渴道皆懽聲
斯更歛却渾無名困法不縮還不盈此時歸來茸舊
楹依然雲影涵碧甍

東麓遺稿卷之一終

東麓遺稿卷之二

詩類

晚鴉

嶮嶺漸蒼蒼群鴉競宿忙寒聲催暝色歸翼帶殘陽
霜月疎枝冷風煙古戍荒詩家無限景隨手入奚囊

月夜聽琴

一曲松風調空庭月正明景將音共澹神與夢俱清
乍掩關山笛堪諧絳嶺笙中宵聽不極幽澗水泠泠

見掖垣新月

尋常新月色偏覺掖垣多此景無人會清光柰爾何

東麓遺稿卷之二

一

娟娟纔學珎移移試舒波更待金規滿還應載酒過

歸燕

秋燕歸何許朝來背社飛辭巢情戀戀別主語依依
豈爲風霜早似驚儔侶稀倚欄閑望望羨爾獨知幾

哭大行太皇太后

合德知坤厚承天仰母儀徽稱三紀正孝養兩朝怡
僊馭飛雲迴義車追轡馳青禽翔不度瑤海去難追
露泣秋原淚風傳夜壑悲龍蛇飛盡翼鳬落銀池
陵寢開奩日郊丘配地時哀誠那可極獨有聖情知

玉堂卽事

天上丹丘界人間白玉堂群僊雲縹緲三島路微茫
鶯語留春住槐陰轉晝長覺連宮樹碧渠引液池香
題目煩天老圖書出秘藏分曹行鴈字別館占蜂房
山斗瞻逾近金蘭締不忘獨慚疏礦質追琢未成章
詠院中古槐

庭槐何落落離立各千章接葉春雲暗連陰午蓋張
籟聲侵曉發金葉待秋黃黛碧分宮柳虬根出苑牆
九天新雨露千載飽風霜漢市虛遺跡唐街漫作行
雀巢爭啁噪鶴蔭自昂藏勾引南薰至蕭蕭一院涼
寄書走筆

東麓遺稿卷之三

二

歲暮題書忽惘然匆匆旅食又經年客懷此際深如
海尺楮如何得盡傳

苑口別意圖爲弋陽李生題

秋來苑口漲初生羨爾歸帆一片輕折柳離亭休弄
笛客邊禁得斷腸聲

題畫

旭日初臨萬象新熙熙四海一時春從來交泰難描
寫只有羲皇幾畫真

擬松亭爲日者張宗嶽題

岱嶽謾誇秦世植栗山亦是歲寒姿月明試向亭前

看定有稍頭百尺絲

松下誅茅最有情笙簫一派起簷楹若教寫入南薰
調簫瑟徂徠萬壑聲

雪景

千山萬壑白皚皚江上扁舟罷釣回何處青帘渾沒
徑王簑沽得一尊來

皇都覽勝圖

老來失腳踏長安縱目主平得大觀却恐山中難想
像又憑畫史作圖看

題松鼠畫

東麓遺稿卷之三

三

飢餐松實渴山泉不向人家擬夜眠若遇唐翁僊化
日定隨鷄犬入雲煙

買花圖

收拾春光滿擔頭可憐辛苦爲誰謀多情得似蜂和
蝶遠趁餘香不肯休

題畫

厭逐輪蹄十丈塵豈知雲表有閒人憑誰爲借千金
帚一掃長安九陌新

賣花圖

艷紫嬌紅刮眼明一肩纓帽數文輕紛紛都落群兒

手曾解幽人惜物情

題僊人羽扇圖

從來方外說神僊蓬海瀛洲總浪傳却羨山中遺世
老風襟平地也翛然

搏狐圖

從來狐隼性相猜此日看圖一快哉縱有高墉無避
處始知搏擊不凡才

醉僊圖

蓬海神僊信有無摩挲醉眼看新圖壺中日月應如
許錯認高陽舊酒徒

東麓遺稿卷三

四

西湖圖

憶上吳山聽棹歌樓船幾約謾蹉跎展圖坐我湖堤
畔空愧雲山十度過

二犬圖

僊犬安然了不驚洞門深鎖隔重城祇迎風起花枝
動恁得信信吠幾聲

二貓圖

嘗咲坡翁點鼠辭謾將赤手巧難施當時若遣狸奴
兄一噬成功不受欺

二犬圖

閑却秋原獵犬雙雄心猛氣兩難降眼看三窟多當
道欲向花間喚老龐

得至直沽口報

問說歸帆飛過鳥計程三日下天津殷勤爲謝江風
便寵假全勝賜傳仁

瀛洲學士圖

秦府招賢秘館開一時濟濟號僊才不知瓊幄論思
地曾誦周詩棣鄂來

魚蟹圖

禁苑西頭大液池薰風拂面芰荷時欣欣鱗介看咸

東麓遺稿卷三

五

若總是吾皇育物慈

三才圖

位並乾坤在性靈縱教十尺渺然形誰將長短論高
下久矣曹交勝晏嬰

蓬萊圖

日日鑿坡曳履趨抽毫只在殿東隅不知身屬蓬瀛
裏漫向人間羨畫圖

丹青雜題

此種祇應天上有幾時移向世間栽等閑香艷無載
處惹得遊蜂不住來

右碧桃

記得當年杜老歌八僊詠興故儀儀風神千載誰能
會只恐丹青總是訛

右醉八仙

聘得狸奴幾許時養來個個總雄姿坐令黠鼠潛無
跡閑向花前撲蝶兒

右貓

蘇李泣別圖

噉雪吞毡十九年竟看羝乳事由天可憐幾點河梁
淚千古丹青尚泫然

墨梅

誰將淡墨寫傳神恍惚巖巖與澗濱春意滿枝畱索
咲爭開休贈隴頭人

東坡遺稿卷之十

六

水僊圖

至人入水自難濡葉渡杯浮總不誣却咲俗工渾未
解丹青貌作寧馨圖

題猫圖

狸奴將子幾何年漫興丹青託意玄記得熊羆它夜
夢分明肖汝戲階前

題畫

秋來幾陣渡江飛波暖旅浦啄處肥養得乳雛成六
翻春風又向塞垣歸

右鴈引雛

濯濯清漪漾素翎長鳴延頸傍燕汀休教童子供賓

饌畱博黃庭一卷經

右鷺

雄鷄昂昂雌鷄伏羣雛啄啄爭相逐唱隨慈孝本天
成多少圓顧慚羽族

右雞引雛

放朝懶性習成真日晏當關不報賓欲買汝來呼早
起祇愁僮僕又生嗔

右雞鳴

祖鍊師房賞牡丹

洞裏尋春春已遲數枝穠艷漸離披一尊重訂來年
約須及欄邊舊舊時

嘲文徵仲不至次石亭韻

玄都觀裏看花回悵望花前未盡杯却咲腐儒緣底
事共渠同約不同來

東坡遺稿卷之十

七

題與松畫障次韻

醉臥松根枕半欹儵然自是出塵姿膏騰一覺斜陽
裏坐撫南薰獨詠詩

畫

一叢秋色傍疎籬更有湘江碧玉枝誰道畫師渾漫
興相看同是歲寒姿

題畫

秋風渺渺洞庭波紫塞黃雲道路多穩傍旅蒲荒草
宿弋人曾繳欲如何

曉艇回塘汎白雲山陰道院別成群于今江上應無數
數不過當年王右軍

書事二絕

憶昔唐翁初上僊夢將鷄犬盡登天祗餘穢鼠終難
化也向雲端漫乞憐

乞餘曾見藩間子逐臭親逢海上夫底事傾身營
足豈知掩鼻走妻孥

七月望對月次魯南韻二首奉慰

十年秋月共京華雙照尊前樂未涯今夜寂寥空對
影不知好事屬誰家

東坡遺稿卷之二

八

獨對秋光把酒盃可人此際憶金臺愁心定逐水輪
影每夜經天一度來

題扇次韻

為汝湖先生

炎日然空金欲流蕭然水竹小亭幽清風一枕羲皇
上疑是滄江八月秋

鄧上舍鏞歸宜黃

秋風僚慄賦歸歟日暮慈闈正倚閭恠底到家多喜
色袖中携得待除書

書懷

讀罷騷辭涕不禁誰教澤畔獨行吟今朝顚顚寒江

上千載孤忠只此心

宮詞十三首次魯南韻

七尺湘筠薤葉香秋波欲動暑生涼不知底事旋拋
去恨殺西風一夜霜

記得凭肩暗結期豈知愁解上人眉如何十載承恩
寵低似秋河一霎時

繡被曾將覆御床年多彷彿有餘香于今強半渾間
却却恨裁縫似個夫

侍輦辭行分所宜趙家姊妹莫相疑妾今敢與昭陽
妬祇恨當年妬館時

東坡遺稿卷之二

九

每吟題紅託御溝瀛波豈向世間流真心不化鴛鴦
侶化作蓮花也並頭

昭陽縹緲彩雲深鳳輦鳴鸞夜夜音長信宮門還更
近君王不是向來心

滿面啼痕怨獨嬾夜來恩愛一時新自緣顚顚誰承
寵敢謂青春負妾身

一朵名花植紫宮賞時常被絳紗籠更教移去還應
貴曾在青霄瑞露中

自分孤芳難寄林恩光深處妬還深長門亦有回鑾
日難道終懷鐵石心

休唱班家團扇詞唱來擦起去年思棄捐本自
節豈是君情異舊時

柳絮顛狂不肯歸等閑東去復西飛我身也自無歸
着其被風吹上妾衣

一部新聲總怨思君王聽着每移時玉笙錦瑟都閑
却祇把蘆笳竹管吹

底事深宮早閉門邇來宜召不承恩却嫌供奉翻多
累常抱衾裯候曉昏

清明感懷

悔將杯土託它鄉眼底俄看跡已荒此日扁舟遙悵

東麓遺稿卷之二

十

望一樽何處酌餘觴

聞蟬次壁間韻

雲鎖松關幾許深停車遙指夕陽岑一春都是驅馳
日又聽新蟬滿樹吟

夜坐次前韻

啜茗焚香坐夜深豈知身在白雲岑壁間無數前人
詠半是懷鄉戀闕吟

至宣城戲書二絕

白頭新婦入門初學向堂前拜舅姑莫惟生疎無禮
數阿家嬌慣不曾拘

此身元是月中僊謫向凡區墮九天愁苦辛勤塵土
面猶看綽約故依然

書事

熊弁金眸巧作歡改頭換面許多般相逢宦路君休
訝祇抵當筵傀儡看

水洋舟中即事

一簇炊烟暝色昏短籬疎竹數家村逢年田舍閑無
事風雨離離對掩門

宛陵驛見梅

漠漠寒香澹澹姿宛溪溪上早春時臨風亦解傾杯

東麓遺稿卷之二

十一

箇幾度徘徊不忍吹

看走馬燈有感

六驢奔馳豈自由不知直到幾時休浮生較汝還應
甚兩腳忙來白盡頭

過牛頭山戲書

牛頭山下幾經行誰換神竿播美聲鄭改爲蜀山
錢千岩石
筆高剗人不見往來猶喚舊時名

過西湖二絕

有興歎欵繞湖邊一覽風光了宿緣却恨芟荷收拾
後何當對景賞樓船

湖上朱樓樓外山望中渾不似人間一塵有地能容
策蹇浮航日往還

食鱸魚

公歸思託鱸魚未信潛鱗總不如除却易牙無正
味紛紛衆口謾非譽

書事

住比嵇生更不堪幾回把鏡捫心慚于今散髮烟波
裏好與傍人作過參

寄山中伴

兩溪縈帶萬峰雲別有桃源世不聞先報山翁知道
未烟霞從此欲平分

富春舟中遇順風二絕

一片江帆疾鳥飛老天送我早西歸征途漫道尋常
事快意人生似此稀

來風快活阻風愁若問天家不自由總把客途相較
量也知逆順定相酬

即事

傳聞黃閣召還朝夾路謹騰渤海潮應喚西歸江上
客東書尺劔冷蕭蕭

書常山分司壁次韻二絕

抱病深春尚怯寒歸來贏得此身閒連宵夢逐漁樵
伴多在前溪與後山

後鶴之盟久已寒敢於清世強求閒于今乞得衰殘
去免使移文動北山

次机兄志喜韻

海珠燕石辯非難真贋紛紛世所歎偶向山中聊指
點更須明眼玉人看

二絕次机兄韻

喜雨翻成苦雨吟衝淫破浪雨難禁嗚鳥剩有驚騰
勢又被山雲釀作陰

閉門費盡短長吟祇爲連牀思不禁欲問歸期定何
日直看西嶺反晡陰

見梅有感二絕

報道梅開看未真經心又遇一年春泉石無路憑誰
寄獨繞寒英淚滿巾

溪邊路熟記尋梅拄杖肩差月幾廻牆角今朝芳意
早消枝幽恨共誰來

次儼山金沙見懷兼感兩兄謝世不及二絕

極知用世本非才尸寢柴扉午不開錯落珠璣酬茂
目始驚天上故人來

碧水丹山逼畫鮮重來風景似當年欲尋二老知
處爾得衰慵病在田

棹舟二絕

古斷風煙是此灣竹青沙白映潺湲有時懶踏沿溪
路自棹漁舟獨往還

溪向磯頭把釣鉤先將短棹學操舟沂沿使得如奔
馬好共漁郎作伴遊

呆山問答二絕

無限佳名獨號呆虛教蒼翠倚崔嵬歲時也解興雲
雨不見祈羊特地來

東麓遺稿卷二

十四

誰識吾呆是美稱神僊伎倆正難能塊然無用從渠
誚閱盡人間幾廢興

獨行二絕

南陌東阡信步行霜乾風煖輭沙平傍人恠問緣何
事飯後先生日有程

獨向山中採蕨薇林深路轉過人稀回頭漸恐迷來
處趁着樵童作伴歸

聽鶯絕句

揀棲茂樹暗藏身百轉玲陵每自珍欲向前山覓真
賞杖藜同聽是何人

夜聞笛

玉笛飛聲月欲斜雲哀怨是誰家曲終澹拖東風
軟落盡庭梅一樹花

烏啼

烏啼雅調古來傳一奏傷心一泫然不爲齊張絃欲
絕賽烏人久在重泉

閒步

萬壑入雲青靄靄兩谿瀉玉碧潄潄武陵未必能勝
此携手無人共賞音

題畫

東麓遺稿卷二

十五

森森江流轟轟山此中那有利名關丈夫本是知機
者抱膝沙頭坐不還

樂川爲欽商汪智題

朝汎齊燕夜傍吳生平逸興過江湖若非別有怡神
地吾姓吾名敢自誣

書事

白頭新婦巧梳粧漫逐堂前姊妹行羞殺當初同嫁
伴向人拍手笑郎當

水口夜發聞棹歌

棹歌深夜下閩江異調殊音亦有腔却望故鄉纔一

嶺居然風氣限蠻邦

分司獨坐

鴉鳴蟬噪聲啾啾盡日風簾不上鉤
莫訝先生常坐嘯官曹元號小瀛洲

暮泊白沙

劍浦朝辭暮白沙奔流飛逝疾如鴉
人生快意渾如此些子浮榮莫謾誇

宿武夷觀二絕

弱冠連床逐机翁車來惆悵與誰同
如何四十年前事過眼悠悠一夢中

東麓遺稿卷之十

十六

遼鶴歸來已後時夜堂無語坐成悲
黃冠大半登僊去欲話當年總不知

次棹歌十首

我尋大藥訪山靈流玉堆雲別樣清
纔入桃源源口路已聞猿鶴洞中聲
是處漁郎有釣船却疑此是武陵川
遡流一棹隨溪轉回首塵區隔紫烟

休把巫山浣此峰粧臺豈爲楚襄容
它年若遂誅茅計世竹看山日幾重

雲望何緣有此船懷襄倚棹是當年
何當一借遊人

用沿泝清溪亦可憐

蓬草瓊枝覆洞巖猶疑鷄鶴羽
瑤青田杏杏扶桑曉畱得孤峰繞碧潭

大隱屏前雲更深舒爲甘澤卷
歸林聖賢出處元如是萬古浮雲會此心

誰搆茅庵着此灣可能人到扣玄關
暫來寓目清塵袂世上浮名好事閒

溪流曲曲總成灘惟石奇峰不徹看
赤日行空遊更好浪花飛濺自生寒

吳公石洞是天開徑絕飛禽自往回
遊客興闌多逐棹探奇能有幾人來

東麓遺稿卷之二

十七

更欲窮源興杳然路迷何處問前川
回看萬壑雲交鎖已在區中小有天

過石雄渡感舊

對澗依稀認石雄侍親曾此哭途窮
昇床半渡臨深碧艱危枯槎路不通
庚申秋先君半昇床過此橋傾圮覆至今使人病悸重經感舊

前此

深樹聞鷄一絕

荒山驛路逐溪斜亭午冥冥宿靄遮
忽聽鷄聲茅竹裏始驚此處有人家

割麥栽禾巧弄聲聞鄉聽此使人驚我緣行役辭家
久多少山田應未耕 聞禽言

雨行

落花飛絮踏成泥烟雨連纖日向西行客正愁行不
得鵲鳩偏傍馬前啼

書懷

孟軻不肯充臧氏季路何嘗罪伯寮賢聖都歸天與
命祇能順受豈能逃

歸建臺二絕

衣衫車憶染成斑潤帶蒼嵐尚未乾行處不知途路

東麓遺稿卷之三

十八

近有輿曾度萬重山

天予迂疎性氣乖驅馳自苦祇堪哈家人競訝形模
變始信先生海上來

長平登舟睡起至武夷

驅馳浹月濯塵纓一枕灘聲夢亦清睡覺不知行幾
里已看溪上羽人迎

買菊二絕

老來不惜買花錢詎是風流學少年前日重陽况厄
酒漫勞百匝繞籬邊

冬半東籬始見花後時雖好豈堪誇一秋景色難虛

宿金峰館

宿金峰館

扣門下馬聞無人敗屋荒垣絕四隣旁有黃冠來偵
問殊音鳩舌不堪親

書事

身屬公家敢自由驅車關月不遑休古來多少生財
道却向深山地下求

吳默泉僉贈詩二絕句

香鏤銀花王一圓豐腴病後孔頻移故人多謝雙金
贈祇愧今銜異昔時

東麓遺稿卷之三

十九

十年抱疊落僊班日車還鬢已斑休把故情猶望
我豈知塵界隔蓬山

佳貺豈拙詩可博而厚意有不可虛辱者且

前例不敢廢第愧非其人爾一咲 昔吳

白樓在翰林時友人贈以五品帶後吳調

南曹正斷作詩韻繁的雲司裏坐愧非常

日故人心

阻關疊韻自遣呈吳默泉四絕

玃棹便尋佳處憇胡牀常傍樾陰移清談剗遇同心
侶也是窮途得意時

衰病難叨供奉班數莖種髮總斑斑賜環恩命願
望祇恐移文動北山

漕河如線舟如蟻一日纔看寸步移破浪會須馳萬
里可教快意忘斯時

魚貫隨行自有班望穿雙背雨斑斑相看一水盈盈
路險過羊腸九折山時孟夏廿有六日亢旱
踰月是日小雨微夜

聞澤官報感懷三疊韻

謫來久作風塵吏今日承恩始覺移喜是鬢童隨宦
地夢中耿耿遊時

舊京初綴大夫班州載重來淚背斑斑舊館不知更幾
東麓遺稿卷之二 二十

主萬松仍繞覆舟山舊屋在覆
舟山下

端本堂為同年莊洪復姓題

喜君氏姓一朝新端本堂中世有人說事偶仍餘百
載隆恩光復重千鈞荒丘古木名猶在舊史遺封跡
未陳却羨寵榮逢異數句傳剛得徹楓宸

陳天瑞之任滁州

環滁山好數瑯琊曾是文章太守誇一代風流仍有
屬百年踪跡豈云賒將迎客少時高枕訟牒庭間晏
報衙不信陽春真有腳試看雨露遍桑麻

余子華提學廣東次韻

歲暮烟雲特地寒驪駒一曲酒杯殘名陪王署瞻方
近居接芳鄰別更難炎積霜稜驚羽繡南溟風力見
鵬搏懷君此後知何處夜夜文星傍斗看

送張翰編送母還鄉兼省封君墓

謁歸將母拜俞音瞻望還悲陟岵吟愛日止看調鼎
樂履霜誰識采蘋心鵲驚影散長勞夢猿鶴盟寒暫
許尋東觀尚畱供奉地可容歲月等閑深

送葉喬新登第後省觀南還

看君歸去趁秋清共羨登僊是此行彩鷁欲爭流漲
急錦袍剛襯舞衣明恩承例賜元非乞身屬公家敢

東麓遺稿卷之三 二十一

自營為向東山先致囑深慈那得係離情

送陸元靜謁告省觀還鄉

雲深東澳望中懸短疏隨朝達九天彩鷁清江人在
畫錦袍白晝客登僊士衡文采驚初觀子靜風流喜
再傳眼底似君那可得陽明門下信多賢

恭望長陵有感

五色雲中金粟堆憑高瞻望鬱崔嵬龍翔鸞翥千峰
合鬼護神呵此地開原廟衣冠還風昔諸陵昭穆總
山隈每思定鼎當年壯幾度斜陽首重回

送畢誠夫分教吳下

一名剛喜晚初成又抱遺經訓後生絃誦久推吳會
富坐瓊休嘆廣文清苑花歲發長洲岬野鳥時驚響
餘聲選勝一樽何日共溪山正屬宦游程

送費子靜分教陳州

與君幾世講通家鄉井相望一舍餘科甲爭看前輩
盛風流還許後人誇青衿化雨壇前滿絳帳春風座
上斜珍重師儒應不薄詩書原是舊生涯

送鄭太守廷瑞六句

生平宦跡偏南州歸傍阿陵占一丘勃海尚遺蘊遂
化潁川難借寇君留重陽早菊剛浮蕊六甲周花正

東麓遺稿卷之二

三十三

紀籌聞說壽徵還未文醉來秋水爛熳眸

雪夜東塘侍御見招未赴時坐客咸斐然有
作予聞而和之

燈影憧憧不肯燃比鄰何事阻華筵寒深正比擒吳
夜興在還思訪戴船座上客狂剛少我飲中誰醉可
稱僊他時再見庭階白拚倒君家臍甕前

次夏公謹韻因懷伯貞

記得去年曾詠雪等閑見雪又經心不辭作客山川
阻祇恨離居歲月深幾處溪橋橫玉板誰家庭樹散
瑤林却憐足馬南歸者岐路茫茫正費尋

月筵壽意涯翁題卷有八十一題秋月
負之句爲松江曹定菴壽

一年月色此宵偏偏向僊翁照壽筵海上停盃頻開
訊花間對影共翩躚長生訣向嫦娥得靈藥方從王
兔傳更與秋光重訂約庭階還見百迴圓

立春夜飲次公謹韻

虛堂短燭喜同筵初是東風料峭天白雪一聲和夜
未綵雲千里弄春妍花應報我芳辰早月爲娛人隔
歲圍酒開懷堪準擬衰遲還肯後群賢

楊氏先塋八景爲同年楊雲鳳題

三山暮靄

東麓遺稿卷之二

三十三

三山日夕靄初浮疊翠凝光濕欲流萬里風吹常不
斷一天雨洗若爲收空濛淺著滄江影繚繞平連白
鷺洲曾是趨陪巾屨地怪來滿眼只生愁

高步夕陽

樵牧前村起暮歌嶺頭無奈夕陽何高枝留宿偏難
盡深塢徘徊却寂多西望欲弭羲氏節仰揮誰借曾
陽戈雲邊獨有歸鴻好負得餘光滿翅過

松徑商聲

坐來何處忽秋聲蕭瑟松風遶徑鳴幾派笙簧幽壑
起清江波浪半空驚三生魂夢都吹覺萬斛塵襟一

洗清更把絲桐傳逸韻曲終杳眇不勝情

竹林永晝

琅玕移翠自瀟湘十畝脩脩夏日長赤手幾桴分楚
漢清風一枕到羲皇碧雲團晝陰初合玉佩傳秋韻
乍揚試問高枝生實未他年應見鳳來翔

三城夜月

平湖如練夜無濤坐有青天月漸高萬頃澄光窺曉
鏡九淵深處見秋毫驚飛鳥鵲應難泊穩睡驪龍定
欲逃安得樓船當此際樽朋載酒恣遨遊

靜居是理

卷之二

十四

高峰未沒青天兔遠寺先鳴碧海鯨度水欲爭幽澗
駛到應應共曉風輕夢醒頻覺超塵劫聽徹真疑出
太清一百八聲剛欲盡佇看紅日上東冥

管村牧笛

山頭短笛下牛羊信口吹來也斷腸幾處樓清隨晚
吹數聲掩抑送頽陽龍聞欲和吟深水鷺下還驚過
曲塘多少畫工描不得總教收拾在詩囊

楊子漁歌

春來江上渺煙簑得意中流奈爾何一曲滄浪溟漲
濶數聲欸乃碧山多新詞直傍高雲度遠調時從別

浦過我亦雙溪垂釣者聽來空愧故川波

弋陽楊尹之任次韻

一掬春溫更玉清下車翳白仰神明牛刀聊試三年
近驥足真看百里輕分切金蘭同榜好望霖霖雨故
鄉情觀風若取循良跡只採山謠巷曲聲

讀李白寄三稚子詩有感

杜老晴軒憐驥子謫僊春事憶禽兒鶯歌沸煖驚新
節桃葉迷烟記別時詩句兩公俱獨步人情千古本
同期朝來南望頻搔首一度長吟一度思

丁丑除夕和韻一首

卷之三

十五

他鄉兩度共茲筵三處相思各一天垂盡流光燈下
疾無邊藻思醉中妍情多佳節今宵劇恨少清輝此
際圓但使芳樽常不竭眼前那辨聖和賢

戊寅元日過公謹畱飲疊前韻一首

一醉無期忽此筵相逢共喜艷陽天春濃正得盃中
蒲花早先看勝裏妍占歲已徵雲物瑞張燈休待月
規圓笙管多少高門在試較今朝定孰賢

潭石黃廷重冠帶歸

烏紗裁帽忽峨然健步榮途早着鞭三尺致身元不
薄十年需次未爲遑謝庭蘭玉詞林秀范響風雷

磨鍊看子才華亦何忝名家渠度故應傳

涂夢卜令新昌之任

石牛鎮倚海東隅分得王喬舊化鳬脚底陽春行處
足眼前凋瘵待君蘇一枝聊借棲鸞地千載還看展
驥途坐聽絃歌聲滿耳讀書真不愧吾儒

劉伯雨符卿之南都

石頭鍾阜渺雲岑龍虎千年事可尋吏隱不妨官况
冷地清倫得共堪深圭璋十載郎曹望蘋藻三春雨
露心共美宦成兼盡錄重來還近作商霖

題壽堂儒桂

東麓遺稿卷之二

二十七

一枝丹桂倚萱開厚植深承雨露培春意喜還堂北
茂天香疑自月中來星臨南極華筵近賦罷東征彩
鶴催娛戲不須緣故事官袍新領豸徘徊

和贈別聯句寄閑齋兄

五年聊作帝城遊匝月纔看邸舍留望眼雲天隨鴈
斷宦途南北逐萍浮壺傾欲挽三江水家遠頻登白
尺樓六月潞河還不惡一箭新碧送行舟
醉後淹留更惜陰多情祇爲欲分襟青霄對雨蘇家
約白晝眠雲杜甫心老去謬通金馬籍夢來常繞翠
崖岑相看閒話移居勝空愧天邊歲月深

孤鴻憐別離黃塵赤暑斷腸時身無愁病
有家近豺狼志未夷春草西塘還入夢秋風虛館寂
先知欲看此後相思恨試檢從前一卷詩

又次涯翁宅聯句寄閑兄

愁聽陽關三疊詩嘶群驂馬故行遲酒當惜別難成
醉病得還書却當醫曉日趨陪清禁闕春風坐捲絳
紗帷向來故事真堪續欲報涯翁已後時

人日雪中再疊立春韻

是日百寮候駕于郊

獨坐燈前對雪筵薄寒真稱早春天三冬見白先占
瑞滿樹飛花作故妍王仗儼隨龍輦簇銀盃逐散馬

東麓遺稿卷之二

二十七

蹄圓今朝莫比閑遊觀燮理還應賴眾賢

元宵再用前韻

北里南鄰此夜筵長安別自一壺天華燈白晝通宵
爛僊子青雲滿陌妍十日匡床空自兀一春好月爲
誰圓祇應藥餌添抽處驗得方書幾許賢

劉持慶太守復官之西安

賜環恩詔六年餘公道昭明士氣舒盤錯幾看嘗利
器康莊又喜試輕車山雄四塞多豪俠地控三邊急
艷儲珍重政成應指日佇觀臺省待君虛

夏公謹奉使雲貴湖廣過家二首仍用前韻

日韻

地相看是別筵使星昨夜度南天春風盡舸爭流
駛野館繁花對客妍屈指驛程三萬里經心旅月幾
迴圓却思坐食無裨補每向驅馳愧獨賢

論文樽酒憶同筵後會何時假自天遠道便看書績
寂壯遊贏得助詩妍夢湖曉鏡青銅色滇嶺雲簪白
王圓高興未窮還書錦一時誰不羨才賢

劉翰綸元隆省親還鄉

王署初逢賜告歸章剛下署猶鮮高堂晚歲隆恩
並萊綵官袍五色妍卷消珠幾歌有酒泥緘綸綽手

東麓遺稿卷之二

三八

開編離亭此日多感祗向雲邊一惘然

和溫民懷移疾寺中避暑招友不至之作并

次序菴韻各一首

招提咫尺隔炎氛竹几藤牀冷似雲高興幾回能獨
往清風一榻許誰分病知靜後應全却詩覺禪餘定
不群猶有懷人情未斷停盃倚局幾朝暉

又

深擁禪關客不通儵然真坐碧山麓寸金日月諸天
在一枕叢皇禹劫空道喝恍疑梅雨潤杞憂剛慰麥
秋豐聽詩有興還無地願共蒲團半霎風

送汪貽穀尉青縣

吾宗閥閱自名家僊尉樓邊鬢未華駕步風聲看舊
德詞林王樹見新葩壺觴事簡春常滿袍鼓時清夜
不撓咫尺神京三輔地竚聽芳譽載盈車

送倫彥式及第謁歸畢姻

文章弱冠推南省况復承家古亦稀早向魁圖占旺
氣夜從斗分識騰輝佳期正協鳴鸞卜歸夢應先去
鴈飛從此催裝休浪賦來朝恩詔下彤闈

重榮雙壽為府丞張汝霖父母題

高堂眉壽古難同况復重膺錫典崇鶴齡冠欺曉

東麓遺稿卷之二

三九

雪渥丹紆紫笑春風浮尊甘菊三秋晚映酒僊桃二
月紅次第華筵分水曲坐看佳氣鎮葱葱

送程尚禮令夾江

大邑分明臨二水向來佳夢早相關屠龍技薄千金
佳展驥才餘百里慳涖渚渚未歸今日鶴龜丹曾化舊
時山羨君吏隱多形勝旅次休歌蜀道難

送劉思存節推之任寧國

青春持節按宣城竹馬兒童幾處迎座上陵陽千古
色枕邊楊子五更聲登臨興好尋佳句訟牒庭間看
落英報政重來應不遠離觴偏繫故人情

贈永嘉二諸同館葉時

山水鍾靈說永嘉似聞阜石竄堪誇一難競爽看奇
璚幾世流風識舊家輕索每矜詩卷富壯遊翻愛客
程餘孤舟歸興知多少好逐秋江鴈影斜

贈秋執中貳守永嘉

聖代恩深絕漢唐官高不作老馮唐封提海內江山
壯御帶詞林姓字香展驥自應千里道序鵷還憶九
霄行長材筆筆知君久珍重嘉聲遍下方

送俞國昌大叅之山東

幾歲承恩直瑣闥清時不遣諫書稀竚聽曉闕傳丹

東麓遺稿卷之二

三十一

詔坐領春風入紫微寄重旬宜派帝澤勝連海嶽攬
朝暉中臺咫尺翔翔地莫向尊前惜整違

送吳仁甫奉詔冊封益府過家上冢

十年旅夢係松楸霜露悲涼識凜秋采澗正便王事
隙臨章剛拜主恩優斗間文彩中宵見海上僊槎八
月浮珍重王堂揮翰手莫教紙價踰南州

鈴山堂為嚴介溪題大韻

一屨剛稱碧山堂山色風光晚暮蒼竟日相看情不
厭有時獨往興偏長蹕塵幾許真無際雲水何人更
此鄉我亦舊營環堵地每從圖畫認微茫

送章蘭坡還山陰同館子宿岳丈

天闕皇都足大觀秋風歸思忽無端素衣不受京塵
化長鍊時聞逆旅彈溪上舊停士子棹坡前新種晉
亭蘭剡中勝事知多少何日追隨一咲懽

送劉仲賓守平度

漢關分符向海濡下車爭仰使君賢官高服政纔初
命寄重專城正少年木杏實垂甘雨裏棠梨陰合午
庭前坐看行處陽春遍指日天曹奏績先

送李抑之起復守岳州

閩嶺曾看五馬過巴陵又聽使君珂江湖木落波濤

東麓遺稿卷之三

三十二

壯廊廟情關感慨多千里霜蹄真獨步廿年絲鬢未
全瞻岳陽樓上堪舒眺奈此先憂後樂何

重九日客有送盆菊者紫葩碧葉掩映可翫

且愛其壓景漫賦一首

誰分秋色到儂家今節相看亦可誇彩艷欲然寧待
日芳葩半吐爛成霞多情正好浮盃酒對景還應插
帽紗忽憶故園籬落下不勝淒冷數枝斜

對菊成醉復用前韻一首

不見東籬處上家瓦盆移贈也堪誇若無此日盈尊
酒其奈明朝滿地霞迥露向人矜艷色臨風爲汝芳

烏紗老來自覺顛狂甚醉捕從教兩鬢斜

題春滿濤陽卷

爲漢守李繼明餘千人

使君兩脚濤陽春坐看氣色到處新好爲漢民傳故
事喜於鄉國見斯人師儒元是爲邦手牧守誰非報
主身祇恐他時難久借空教遺老臥車輪

送戴應和遷南工副郎

長安邸舍接芳鄰肝膽相看久更親八載宦程淹櫪
驥三冬老幹識松筠嚴庭問訊爾都近詩派源流水
部直舊是兒童追逐地江山甜目盡圖新

送袁伯昭尹郊邑

東麓遺稿卷之三

三十二

墨綬銅章照眼明長官英妙尚書生如聞鳬鳥鄰僊
邑更喜龍山是舊名雲翻一枝聊繫寄霜蹄百里試
初程從來學道還吾輩竚聽絃歌似武城

送楊時修秀才南

朔風一夜雪紛紛歸思離情各自殷長缺歌哀那可
和孤鴻聲斷豈堪聞石橋書錦名猶赤玉署春華譽
正芬濟美從今端有待休將年少負青春

送周廷臣使都還任

畫舟十月潞河漸一咲相逢本不期纔向雲間分玉
節又持金鏡獻彤輝訟庭花落供高枕郡境年登足

賦詩努力循良看取課丁寧豈爲故人私

送內兄詹以鎮南還

北來乘興一舟輕忽漫相逢又送行凍合正便車馬
道月明常係別離情鄉園饒景詩應好京國多塵夢
亦驚歸去莫爲長往計烟霞聊許覽羣盟

送趙司訓德之龍巖

獨抱義經早著聲應於出處識虛盈壯懷已分清時
老大器真看晚歲成萬疊雲山還學舍中霄絃誦溢
春城肩輿廿載趨庭地把酒臨風一係情

除夕次韻二首

東麓遺稿卷之三

三十三

三歲今宵對此觴醉來擲管半成行故鄉時節還誰
共少日風流故不忘天上鴟鸞看逐隊詞林棣萼幾
連芳高門多少笙竿在隔座聯詩正未妨

莫怪淋漓更舉觴衰遲還喜綴鵷行阿咸守歲時偏
好康樂經年夢不忘燭炬共拚和漏盡椒花先已逐
春芳誰言客舍渾無事白戰清歌兩未妨

已卯齋居次陳魯南韻

燎烟南望繞軀壇奏賦慚非鳬從官雲臥虛堂塵界
迴月臨清滃玉壺寒爐薰坐久應頻換爝燭吟成故
太殘微曙對牀渾不寐詞垣星聚共知難

送陳良會令惠安

曉分雙鳥出金鸞南指閩山劍戟攢蹴踏方看雲路
迥樓連聊借棘枝安春來携酒花多少睡起鳴琴日
幾竿莫把繭絲書上老問閣正仰一分寬

送方行可令南豐

喜君作宰傍隣封回首鄉山隔數峰客少將迎閒畫
水庭無訟牒坐高春邑綠曾氏名逾顯地近麻姑酒
易供漫說優游堪吏隱好看霜刃試初鋒

挽養正翁

孫孟陽父

獨向番湖把釣絲鄉間舊舊斯人百年孝友看家

東麓遺稿卷之二

三

政奕世簪纓見席珍高士今應增別傳穹碑誰爲勒
貞珉不堪餘樂西樓望南畝耜耜又一春

送舒國裳謫官之閩

湖上群峰落落奇夫君心跡亦如之兩函短疏寧論
職一寸丹衷合語誰謫地故臨鄉哲舊全生曲荷聖
明私廟堂清議依然在暫向尊前惜別離

雪中次韻

緩看數點逐風遙忽向牕前歷亂飄敝屐好尋東郭
步蹇驢難覓灞陵橋歲先占瑞田家慶酒若論功此
際饒應爲玉堂增物象坐來庭樹總成瑤

寄陸母七旬

爲溫守驚題

征作故鄉遊彩服今停五馬輶剛喜壽星經
日早排嘉議及中秋當年指詠心猶在未夜機聲事
已醉應識高堂稱慶罷一時傳誦滿吳州

丁季學令鄞

芳聲道愛滿湘湖又躡僊兔向海隅共喜輕車便熟
道尚看老驥展亨衢繭絲自古寧書拙部屋于今正
待哺努力政成應指日爲君三祝酒重沽

冬至謁東陵三首昌平道中

三年一夢未曾醒雙眼朝來覺倍明暖日早依春意

東麓遺稿卷之二

三十五

動晴沙偏趁馬蹄輕迂迴烟樹行官道表裏山河擁
帝城更欲徘徊從游覽不知行役有期程

謁諫議祠

當年已黜賢良策此日誰新諫議祠公論至今應始
定忠臣自古每如斯名懸尚落姦諛膽壁滿全收太
史詩下馬辨香瞻拜後一庭芳草不勝悲

望橋山有述

策馬趨程日已曛六陵蒼翠通氣氤悲風林杪驚奔
浪殘雪峰頭指斷雲萬里乾坤佳氣合一溪水王野
橋外平生利有登臨興自喜今朝慰所聞

熊峰先生遷居西朝房奉問一首次韻

薄依宮樹染輕寒吟嘯何妨斗室寬
習靜性便聊避俗憂時心在肯圖安
停雲好句乘閑得步月多情祇獨
觀臥聽玉壺清不寐聲聲應徹五更殘

除夕次韻一首

屠蘇香暖酒腸寬又向明朝履歲端
蓬鬢年華寧放我柳枝春色不論官
醉來尚愧初心負老至方驚世路難
八駿南遊知遠近趨朝還侍漏聲闌

庚辰領耒齋新正飲集潭兄家詩紀其事次韻

韻

東麓遺稿卷二十

二十六

二難四美一時并
介介今宵盡此情
醉倚北腔侵午夜
坐看東海起長庚
尊傾臘甕鄰堪問
燭占春花剪又生
却愧疎狂容末席
休論姓氏總吾兄

遙壽庭闈爲李時元題

曉來瑞氣忽充庭
具慶高堂鶴比齡
桃傍十洲常似錦
椿過千歲合稱靈
長生一派傳丹訣
燕喜經旬舉醪醕
多少帝城萊彩念
瞻雲雙背盡南溟

送宋德卿掌教廬江

鄉闈三禮冠群英
蚤歲才華籍籍聲
振鐸一方師道重
擎舟千里宦途輕
幽亭隱畱奇跡舊
史龍舒

應識橫經多暇日興來吟眺可忘情

送胡汝城奉使歸慶

月北風楊柳番省郎捧詔出彤墀
北山獨賦賢勞什南國兼便省觀私
朱夏裕逢懸悅好錦袍偏襯舞衫宜
高堂樂事知應少百斗稱觴定莫辭

壽王母萬太安人六旬

龔萱堂北藹春暉共美人
間樂事稀周甲歲逢懸悅日
五花詔領賜鵬衣中河栢詠聲猶在
午夜熊丸志不違
游子鮑城情正劇南雲翹首重依依

介軒爲尹舜弼外父題

東麓遺稿卷二十一

二十七

幽軒誰爲扁嘉名有美斯人獨稱情
寄傲一丘聊自足貽謀數卷肯求贏
王堂喜見乘龍貴瓊樹還看造砌生
從此詠歌傳上國却嫌姓字滿公卿

送黎侍御奉使歸慶

送母省父

北山賦就意何如
歸慶高堂樂有餘
望望白雲欣狄舍
行行驄馬護桓興
寸丹肯信江湖遠
尺素寧將歲月踈
感慨道途知不淺
還朝應聽早囊書

會餞席黎許楊鄭五君子樊都尉宅席間次

陳魯南韻別

聚散天邊一片雲
何時握手共論文
如蘭正喜同心

蘇折柳俄成落葉分別酒百觴畱短景離絃幾調
南薰明朝風景還堪賞相顧茫然共憶君

再疊前韻別許伯成

瀛洲僊侶謫如雲故事傳誇列宿文東閣梅花春興
兼王堂蒸火夜光分風霜夾路先秋肅譽望三吳到
處無却吹向來閒歲月勸庸此日總輸君

會飲夏公講新詩

五月望日雨不見月

大家速伴具盤餐為爾遷居效俗溫待月有期翻對
雨當筵多病漫開樽良宵與在那堪負地主情濃可
盡論今往詩筒京訂約清光依舊照前軒

東坡遺稿卷三

三十八

送舒天祥通判蘇州

琴書此地幾扁舟共羨今朝是舊遊一代豪華雄列
郡萬艘歲賦足神州繭絲自考書寧拙驥步初騰路
正修畱得寶刀君可佩臨岐把贈等吳鉤

題貞壽卷

朱仁舉人祖母

亭亭貞壽堂前柏獨立風霜自寡儔華榜司空徵月
旦瑤編宗伯重春秋中河尚憶當年賦東海應添第
幾籌此日一觴稱燕喜庭階蘭玉慰雙眸

壽厚齋相公七旬

南極秋來夜正中一時歌頌盡群公昌期龍際三朝

盛壽域橫開八表同降嶽再傳周雅什作丹真見傳
川功古稀未足論僊訣丰骨還應伴赤松

送蕭子雖南畿提學

霜威六月滿行臺報道分司御史來藻鑑坐懸涵萬
象菁莪入誅樂群材夜深南斗文星現江上秋風畫
鶴催別意向君輸不盡一尊三祝重徘徊

別楊從龍用樊都尉家讌集諸公餞別韻

名姓依然漢子雲筆端恠底似玄文芳隣剛協千金
卜遠道愁看四牡分紫極一星流翼軫清秋三日奪
炎薰別來夢醒東臆月彷彿餘光忽見君

東坡遺稿卷三

三十九

送程子昭尹崇陽

乘鳬南去意何如萬里雲衢發軔初絕少將迎迂拙
道舊諳風土近鄉閭長才共羨操刀手最續還看報
政書莫惟丁寧頻致祝交情曾是廿年餘

送汪以仁令安仁

吾宗落落氣橫秋新綰銅章出禁樓高步雲衢看老
驥發矍矍霜刃失全牛鄰邦土俗諳應稔伯氏風聲詠
未休定識循良嗣最續肯將勛業負箕裘

送汪克 克令廣濟

承恩作宰楚江濱不負昂藏八尺身烏出尚方真賜

東麓遺稿卷之三
重錦從工手巧裁新琴中間得高山意堂上時生滿
地春指日政成應入最共看薦剡徹楓宸

送鉛山舊尹張大鵬調閩臬經歷

向來茂宰最稱賢會傍棠陰占一厓百里亨衢剛驥
展三山憲幕忽鶯遷高歌正足間官味遺愛猶教故
老傳努力不妨清議在佇看六翮厲秋天

丁貴守撫州

新分符竹刺南州潁汝溪山地最幽俯郭舊臺猶擬
峴倚城虛閣正橫秋政成卓異應來鳳民樂耕桑不
佩牛家在湖東鄰境上佇聽遺老麥岐謳

東麓遺稿卷之三

四

吳宗海分司淮南兼還省觀

省郎分署暫淮濱京口相望抵一津萊綵承歡王事
隙官袍明晝故園春百年積貯經邦畧八尺昂藏報
主身淮樹江雲瞻憶地重來何日候文茵

東麓遺稿卷之三

詩類

嘗酒次韻

愁時竟日掩荆柴賴有新醅與甃排坐覺氤氳春滿
戶起看酩酊月明階吹埴仲氏箴能和鼓瑟嘉賓樂
可偕不是孟公真識趣更誰解道箇中佳

送菊次韻

亭亭歲晚殿群香自是冰姿愛飽霜佳節滿過情向
在名園移贈意何長尋詩欲共臨風語汎酒還應裛
露管爲問故籬開過未試緘短札附隨陽

東麓遺稿卷之三

一

九月廿一日三江東會飲石潭兄宅再用嘗

酒韻

爐頭火冷旋添柴高興如山不易排落落珠璣生咳
唾娟娟霜菊滿庭階良辰已熟三冬候上客何嘗二
老偕醉後漸看相爾汝一時賓主合稱佳

叔晦時敏夜飲復用前韻

儂家賸有燭如柴小坐虛堂共撥排吟苦敲推時作
勢醉狂傲呢忒踰階清宵良會還應數先輩流風尚
可偕多少笙竽成一餉那知文字飲偏佳

挽屠元勛尚書

東湖湖上足煙霞拂袖歸來鬢未華
醉白堂空誰作記和陶篇富自成
家典刑青簡書應特霖雨蒼生望
已除更喜鳳毛輝五采天教世德與人誇

西施告謝餘態猶存恨不及見其盛時次韻

以紀之西施
前名

王顏老去計安施始信浮光過隙驪
霜冷護持頻著意月明依約尚餘姿
殘粧背燭深宮醉弱態愁風響
扉遲那得丹青傳色相却教生面鎮相隨

客有惠雪梨蘄戰者詩以謝之

日高醉眼正摩挲開札驚看脫我多
雪顆遠分張谷

東麓遺稿卷之三

二

種霜纔剛視趙生靴一匙入口沈新
解兩脚行春逐處和寄謝慙慙渾漫爾
未知瑤報欲如何

送鄭司訓之錢塘教諭

甘肅朝盤宦况清絳帷高座擁群英
古杭舊說多材地故國西來十日程
湖上彩雲荷芰滿江頭秋月海潮平
盡圖景物東南最史隱真應羨爾分

季冬齋居有述呈諸同館

南郊此日未應遲正待齋與飢奏期
禮共三齋尋舊約聲同連榻有新詩
分明月色調垣別彷彿春光禁柳知
擬向朝來候清蹕應見數更夜何其

午門送駕

聖主親郊下玉京飄飄步輦六龍輕
月明次第千官影雲擁傳呼夾道聲
深夜燐薰道上界中天權火遠重城
禮成昭格應如答四海從今頌太平

劉道元舉人南還

應占乃姪應古在
場教政還不入試

獻歲開春首問途鄉心何事憶尊鱸
霜蹄未試元非蹶美玉深藏且待沽
家學有源看藝苑青年平步是雲衢
亦知轉眼重來地一閱離歌倒玉壺

除夕家讌次韻

禁漏宮壺滴漸多催娛休問夜如何
薄寒春先花前

東麓遺稿卷之三

三

勝沉醉杯深海面波守歲情長憐燭
稱憂時力短願年和吟成不覺鷄三鳴
門外時驚度玉珂

時敏詩成歸興勃勃次韻答之

故鄉誰道是并州此語無端可信不
林壑也知違志養樗疎何敢不忠謀
歲深宦邸悲浮梗身落羈籠羨野鷗
我意較君還不淺幾迴南望謾遲留

春十分獻用西涯公韻時與郭介夫同事

秩祀春丁陪上相精禋午夜共齋廬
駿奔禮肅分曹地胙蠻神孚一念餘
典重百王師表在道昭六籍日星如
至今昌運無窮澤猶留年舊添書

初聞會試喜報和厚齋尊公韻二首

路從南斗接星台帝里春風次第回一代魁名應世
用百年文運自天開籀餘數卷誇金貴庭陰三槐見
手栽莫掩重華辭賀客已看珠履徧苔階

初受編修封

聖主隆恩罔極天奎章寶墨藹雲煙教忠自信同身
報積慶應知是善緣咲岸鳥紗臨藻鏡醉霑宮柳汎
觥船後來渥典還無數只記當初受賜年

陳顯仁巡浙歸省

故人南去獨乘驄萬里澄清覽轡中滿面冰霜行處

東麓遺稿卷三

四

肅一時狐兔望前空江帆歸借春風駛萊綵輝爭晝
繡紅從此北山休浪賦羨君忠孝思無窮

硯莊

爲葉良器題

使君雅愛硯山名傍麓誅茅太有情比德仰瞻風骨
峻同心遠結歲寒盟堅貞重許千金直追琢功餘幾
倍成試看一壺東郡始等閑膏液潤蒼生

葉本道守筠州

京華旅舍幾經春此意飛騰正及辰侯國地分麀子
舊大夫銀鏤帶圍新舟航一水親便養吳楚連封俗
易詢更說武當巖整秀政成吟眺莫辭頻

四燕圖 爲吳江吳司空題

宦路聲華五十年生平盛事總堪傳蚤聽華鹿和笙
樂醉插官花壓帽偏春日殿庭瞻絕席歲時鄉邑識
賓筵間來感慨還追憶次第披圖一恍然

何勳伯按浙

總馬行行識避桓幾年風采動臺端九天鷹隼三秋
厲一道冰霜六月寒民俗細從謠詠得湖山閒比畫
圖看遙知報國逢更化次第封章歷寸丹

壽桃圖

爲同年高德卿乃堂題

慈闈佳氣藹華筵映酒僊桃花欲然根傍綵雲天五

東麓遺稿卷三

五

尺種分瑤海歲三千清鄒多自詞林出燕喜還將畫
史傳佇看施封應指日維新雨露正無邊

奉別東江先生同席間聯句韻二首

追琢三年哲匠前自慚朽質故依然彥先與逐秋風
動吏部名齊北斗懸去國典刑誰不愛通家欣戚義
相連吳松江上烟波裏何處能尋范蠡船

幽棲若個烟霞地舊隱曾聞有碧山海鳥相忘常易
狎雲鵬未倦早知還憂來寧爲江湖釋道在應於否
泰關一枕北牕真自得蒼生肯許謝公閒

壽孫西川七袞

同年孫舟主事之父

高堂獻壽值佳辰節屆天中物象新長命絲絲懸臂
好引年蒲屑勸觴頻林間寄傲非逃世盡裏藏詩各
有神更喜醉餘雙老眼摩挲重觀太平春

歲寒四友 爲奚司訓題

寒林三友逼人清歲晚孤標爾可并不逐豔陽爭景
色宜從霜雪表平生斷金自信同心利皓首寧忘結
髮盟賓主一軒稱四美始於今日識交情

王惟賢守廣德 庶吉士以王親不得在京朝

一麾江海重遲遲豈爲尋常楚別離華國才名辭王
署清朝環珮阻天涯文章元是循良術寬賜誰非乳

東麓遺稿卷三

六

哺私中外總知更踐地站看徵召復來期

夏漢丞英 兄業師也

曉辭丹陛赴英山淮越相望指顧間哦向二松公事
劇政成終日訟庭閒芳鄰宦邸欣初接明訓童兒愧
未閑欲賜垂楊秋漸短一枝聊爲故人攀

高仲儀還壽州

五宜翁去尚餘輝令子承家故不違泛駕霜蹄須按
節搏風雲翮翬卑飛詩歌四牡賢勞獨鎡錫千緡寵
數稀莫向岐邊重留帶已聞竹馬候征騂

祝賢士冠帶還七

曉來忽見儼冠紳手捧天書墨尚新別樣致身還有
術滿腔濟物正餘春伎專累世才稱絕方貯千金不
畏貧珍重吾鄉應爾賴董林蘇井是何人

詹天雨司訓赴松江 詹澤

雲間振鐸拜新除勝地東吳總不如秋漢九峰鳴劍
戟朝盤三泖足鱸魚材收懷橘多賢績課篆銓衡上
第書去去羨君真得意莫緣離索謾躊躇

蕭宗樂 冊封靖江府

秋風江上忽揚舲輶地河橋柳尚青旆擁旌旛辭紫
禁遙瞻翼軫度文星錦明白晝家山樂綵戲高堂驛

東麓遺稿卷三

七

傳停東觀正開須載筆首春端擬聽鸞鈴

嚴介溪遷南院侍讀

姓名蚤歲附賓興廿載居然別鷗鵬聲駕鸞坡真獨
步傳呼馬首忽雙騰印文無事經時綠詩課催人積
日增南北瀛洲更踐地試看前輩通相仍

壽錢翁八袞 進士鐸之父

古稀已是十年前眼見瓊芝繞砌邊慶自善緣元有
漸天於好德故應偏願吹東海添新釀欲賦南山續
舊篇燕喜更逢時節好小春風日稱華筵

孫真夫使安南

漢家桐柱遠岩峴四牡駢駢越舊標南海晏波欣覩
聖中天化日正依堯旻特使節辭經幄已見文星度
斗杓輸手也知能自愛肯將桃李博瓊瑤

唐守之使朝鮮

直主龍飛王燭春化流禪海遠人賓十行札下綸音
重專對才遜翰苑珍風俗謾傳箕子舊威儀爭覩漢
官新遙知俯聽傳宣後翹首天朝拱北辰

慶豐碑亭別開齋允次韻一首

郊行剛喜小春天風日翻教一惘然別遽對牀渾夢
寐情長分手更詩篇衰年足力誰差健清世勲名仲

東麓遺稿卷之三

八

寂賢往事經心常耿耿荒祠蕭菊記離筵

得楊村書并詩再疊一首

望望風烟各一天書來喜極轉淒然開緘重抵黃金
價倚調聲高白雪篇春近草堂常入夢老叨科甲愧
稱賢從今那處相思劇多在芳辰與盛筵

開齋兄依坡經造酒載來復用嘗酒韻二首

枯腸搜盡已如柴得酒還將舊韻排若此市沽寧有
價歌躋家醞恐無階愁中釋此憑誰遣醉後呼兒荷
鋪偕不用南舟頻遠載祇傳方法足爲佳

醉墨欹橫紙上柴玉山倒去竟誰排欲吹海水添醅

釀合築糟丘對戶階和氣滿懷驚老却紅光入面喜
春偕况逢聚首衣冠地第勸兄酬更益佳

奉和東江先生韻三首

秋入吳松海氣涼九峰南望倚空蒼雙魚次第收安
問匹馬徘徊過舊堂綠野雲山方渺渺清朝環珮自
琅琅世情公論都休問祇合移家住醉鄉

聞道雲間堪寄傲拂衣歸去忽經年靈洲儼島隣三
湖明月清風載一船心共身閒聊自足嬰隨名至可
求全分明箇裏虛盈數其恠宜尼幾絕編

薊北江南路渺茫開緘三復氣洋洋榮名世外浮雲

東麓遺稿卷之三

九

薄白日林間小歲長味飽江鱸秋正美花憐籬菊晚
逾香看來事事堪忘老肯向并州認故鄉

雪夜石潭兄送新酒并自嘲詩次韻奉答兼

以解之

閉門僵臥若無柴袁闥誰人雪夜排嘗酒臨風看王
樹送書尋路踏瓊階慰情弱女那堪比愈疾雄篇自
可借三爵醉餘三唱後一時興味十分佳

頌嘉靖元年曆遇靈志喜次韻

真主乘龍初御天曉頒軒曆授時先萬方拭目同新
朔六出飛花報稔年暑景漸舒玄化裏陽春都落放

歌前太平億載從今始耕鑿堯民自井田

宜戴煖耳次韻

煖額初加試早朝風霜滿面一時消厚逾楚續真堪
挾纓重睢袍合締交溫詔頻回春燠令例恩那比漢
臣貂自憐官冷湏尤急傾橐寧論市價高

賀長至歸志喜次韻

陽和一脉起幽沈坐見氤氲滿帝宸弱縷待舒宮柳
鼎南枝先漏苑梅春蠟廡掛讓朋來富氣象冲融物
態新飽食詠歌真自慶不妨頭白濫詞臣

雪中馬上口占

東麓遺稿卷之三

十

馬頭一望渺無涯白屋朱甍護等差拂面星星添老
鬢排枝點點當春葩詩狂更欲登樓玩酒盞還須向
市賒不是吟鞭偏耐冷恐教容易負年華

彭子喬司訓之大冶

三禮傳經蚤著聲一方分教晚成名絃歌夜月鬢宮
靜苴宿朝盤宦况清路近故山便問訊地偏孔道少
將迎客轡雖冷君休嘆滿座春風擁俊英

郭介夫南雍司業

青衿濟濟擁橋門始信先生道益尊一代英才三樂
地百年山斗具瞻存釣游彷彿簪重感霄漢飛騰聖

主恩重喜高堂便問訊經旬猶得幾晨昏

喪馬

常將我馬擬飛黃病仆猶看首獨驤半歲俸資隨手
盡百金骨價竟誰償出門有約終朝負彈鋏無與寸
步妨何處追風市頭賣呼童還欲倒餘囊

壽孫耕樂八袞

封君適興偶犁鋤福優生平世罕如手種杉松成老
樹眼看蘭玉繞前除閒來愛客常畱秣義到傾囷不
計餘却羨壽筵春酒碧熙熙重覩大平初

除夕家讌次韻

東麓遺稿卷之三

十

歲除剛遇新春節芳意先於柳色看歌詠太平逢聖
主晤言良夜幸開官放懷觴酌誰當劇聚首衣冠世
所難不羨咸陽空博塞祇憑文字浪爲權

送王濟美調南儀副郎

承恩獻歲抗雙旌首得春風作伴行公子江湖還魏
闕秣陵龍虎亦周京山如舊路登臨勝官重儀曹地
分清去去羨君真得意從來吏隱寂難并

元旦侍班

五雲擁處識辰居曙色微茫拂綺疏咫尺威顏瞻
仰分行環佩嚴紆徐香飄瑞靄浮春殿歌協僊韶接

太虛薄劣白頭懶侍從謾隨群彥曳長裾

楊用修祭告岷江

蓬萊僊子三巴客江祀亭源遠汎槎從事均賢寧獨
詠過家便道詎辭除抗旌曉拂峨眉月駐馬晴看劍
閣花却羨詞淵流不盡好聽新賦消京華

元旦試筆

太平物象入新年生能韶華忽可憐節屆三朝交泰
會運開百代中興天蓬萊五色浮祥物廊廟同心謫
衆賢濫職詞臣無一事祇將歌詠續殘編

春雪

東麓遺稿卷三

七

飛飛六出闌春妍上苑芳菲不敢先巧作銀花排勝
裏旋成玉樹倚風前天教盈尺標奇瑞歲紀初元慶
有年却笑灞橋情太劇閉門已覺興無邊

同魯南齋宿上人方丈

連牀王署幾年曾蘭若蕭然興益增地迴時聞天外
漏月斜猶共佛前燈聞尋別院彈棋伴靜愛虛堂入
定僧忽報鑾輿當曉發擁衾篝火戒晨興

顧舟卿祭告之會稽

祇命曉辭青鎖闥僊槎遙指越溪濱探奇此地江山
足弔古多才賦詠新宮錦畫輝萊彩色里門時駐使

車茵看君盈得賢勞隙肯後臨風嘆不均

林吾從侍御之南道

畱都臺署後湖濱夾徑垂楊樹樹白萬里蒼鷹看健
翻九衢馳馬避輕塵朝廷有道聰全達言路逢時氣
益振見說江淮流冗徧佇聽新疏達楓宸

整菴之南吏書

吏部文章光日月秣陵形勝足江山兩都豐鄙崇根
本萬里雲霄一往還道泰親逢清世會夢逢時繞紫
宸班聖隆指日歸臺省看取勲名鬢未斑

壽吳遜菴八袞

大宋惟謙公

東麓遺稿卷三

十三

嘗隱畱都逐宦時先生正在白雲司名高刻牘三秋
肅惠滿棠陰幾處遺勇退獨憐湖海氣後凋方信雪
霜姿知公別有長生訣肯向蓬瀛問羨期

何汝南經歷之廣信

階前帶繞一溪水屋後靈山碧萬層畫舸携尊乘月
汎藍輿行縣趁秋登梅花興逸家聲遠蓮幕風高士
論騰應識府公咨畫諾政成籍籍取賢能

顧齋八袞

董文王乃翁

歸臥東山未白頭生平落落氣橫秋一麾領徼還吾
道累疏水霜爲國謀到處甘霖遺澤在滿庭槐蔭碧

雲浮于今重觀昇平化海屋新添第幾籌

壽夏母太宜人

瑞靄華堂絲悅懸忽承恩詔下堯天一周花甲年重
紀五色泥封墨尚鮮清桂影澄秋夕望碧槐陰合午
庭前人間樂事那勝此欲釀滄溟入綺筵

花達夫遷東昌掌教

重陽送客獨登臺東郡雲山入眼來勝地千年雄海
岱菁莪三樂富英才經橫義易早比擁座拂春風馬
帳開西望廣平能幾舍舊時講席尚崔嵬

壽肝江吳氏具慶

東麓遺稿卷之三

十四

偕年並德豈尋常始信僊壺歲月長天上恩波新浩
蕩堂前愛日倍輝光門依葛令燒丹并酒釀麻姑不
老方剛喜郎君歸正好錦袍舞映九霞觴

送景賢思孝卷

永年已見雲孫孝光復新承聖主恩鬱鬱喬林歸舊
望縣縣瓜瓞認靈根百年世系從頭譜一代綱常藉
此敦畱得諸賢遺墨在合教標榜照名門

壽張仲承父母七袞

相看並是古稀年厚德天教福履全宦蹟芳聲猶未
沫母儀彤管總堪傳錦袍迤邐斑衣好花誥重頒王

軸聯此樂從來稱第一合題巨扁揭堂前

嘗酒次韻

風味天然實異前三杯軟座欲成眠尊空不喚西鄰
問妙法新從北地傳價重合拚表與馬眼花渾錯素
為玄甕頭常使如澠足未到蓬山也引年

宋舜卿分教壽寧

里門西望接賢宮萬仞闢關一徑通鄉近考亭餘禮
俗地便書肆盛儒風溪山盡逼東西勝棖楠歌傳教
育功更喜武夷來往道扁舟九曲興何窮

臘月廿二日雪

東麓遺稿卷之三

十五

曉庭搔亂墮如篴度臘今朝始見之覆地初勻餘小
徑着梅頻點闔芳姿齋心一念潛通處是日祈雪上
齋於文華殿
稔瑞三秋預報時却恨凍雲猶未合隙牕依舊漏寒
曦

壬午除夕家燕有作

帝城相對七年除把酒哦詩總不虛故我幾更初識
老昨非猶在忽知遽清朝曉曉陪鴛序安問朝來弋
鴈書一刻千金那可負獨教兒輩惜居諸

次韻一首

結友東君豈籍盟牕前疎影見梅凡爐銷寶篆烟猶

裊漏促銀壺夜欲平閒咲世機渾似劇老看歲月更
無情石田蠹簡餘先業祗課兒孫讀且耕

哭女

浮生骨肉偶然親聚合成虛別却真一十三年渾昨
夢五千里路渺歸輶嬋媛忍憶燈前語蕙蔭猶餘病
裏細消息茫茫何處問舉頭幾欲籲蒼旻

悲來不敢說生平時向堂前誤喚名未了世緣仍父
子若論終古等殤彭春華肯待經秋墮蕙質翻嫌大
夙成一闕哀歌聊自遣却慙學道未忘情

送費子美下第南歸次見素韻

東麓遺稿卷之三

十六

故丘猿鶴尚關情歸舸乘風一葉輕善價待時聊韞
置大材難用晚知名山成莫忘收終簣師克翻因借
背城轉眼重來猶未暮春霆號號使人驚

三江宗伯致政歸次韻

休休亭下舊桑田遊釣重尋故宛然鴻入高溟飛正
杳家濱滄海地尤偏典刑身屬中朝望出處時稱絕
代賢應識江湖憂未釋每瞻北斗祝堯天

黎一卿巡江右次韻

知君久抱濟时才攬轡行行出內臺一道冰霜飛白
簡八州狐兔避驄埃湖邊孺子幽亭在江上滕王傑

閣開登眺莫辭煩賦詠文星元自傍中台元為翰林
古上及之

壽白蠟太宰六袞

十載蠟脂聽發聲表儀八座重持衡群材樂育菁莪
盛九品無心水鏡平餘事篇章侔大雅等閑談咲隱
長城耆年謾有山公興今日良圖注老成

椿萱具慶

為舒孔揚廉憲題

相看並是古稀年始信人間樂事偏把酒遙連南極
彩筭期剛遇小春天萱依愛日花多少椿結靈根歲
幾千遼海白雲瞻望地獨將遠意畫圖傳

黃伯元令武義

舊名武成

東麓遺稿卷之三

十七

絃歌千載有芳名此日言游又武成霜刃割鷄看小
試雲衢展驥待橫行憲臺水蘂源流遠翰苑文章譽
望清榮華似君真不負等閑勛業繼家聲

唐太和令醴陵

五十成名也未遲長材更練已多時霜蹄躡展應千
里雲翮驚棲壑一枝旬日鄉山書易達三湘淳朴政
偏宜知君以護潭無事祗抱枯桐學理絲

周潤夫令寧德

領得春風散海涯一時春遍野人家碧分彭澤門前
柳紅賸河陽境上花褰界不煩頻問俗客稀常愛晏

排衙看君期月彈奏後籍籍芳聲滿數車

劉美中判廣州

重海連天五嶺廻僊靈窟宅自天開雄飛尚負當年志
驥展元非百里才攬勝獨過韓愈廟憶歸頻上越王臺
南荒北塞相忘地翹首江梅驛使來

范儒冠帶

博帶峨冠八尺身居然風度別齊民淵源端自名家
胄間巷多廻長者茵喧境遠心聊卜築古人高義足
爲隣恩波偏處仍難量庭戶從今次第新

次汪得之遷居韻二首

東麓遺稿卷之三

大

華屋新遷臨廣陌茅堂誰復接芳隣巷南巷北經旬
色年去年來七度春問姓尚疑前日主款扉頻誤舊
過人良宵好訂溫居約共挹談邊王麈塵

希周居也同姓故云

聞道新居高閣遽興來健步只如牀凌風捲幔琴書
爽待月開樽琥珀光願寄一枝聊自足燕巢隨處故
難常從今覓句憑欄好却恐吟成特地狂

王以明令星子

聞都逐宦憶鬢童三十年來認故容足躡王喬新賜
烏地臨陶令舊時封門前彭蠡千江水座上匡廬五

老峰應識政成多逸興登臨日日費吟筇

孫九峰七袞

龍飛萬國慶咸寧謫謫群賢聚一庭大老來歸先物
望東山強起慰生靈丹心天日扶公道黃髮重廊重
典刑欲頌九峰擬挹嶽倚空羅列正青青

周約菴巡撫榆林

中丞秉鉞遠籌邊坐擁貔貅萬竈烟王帳威稜先朔
氣榆關刁斗靜胡天嘯歌逸興揮毫富息偃長城取
勝全白首詞林愧同學祇憑文字附燕然

九日獨酌次嶠翁韻

東麓遺稿卷之三

九

坐依簷隙負斜陽誰共樽前對羽觴酬節盟寒終擬
續登高興在故難忘藥逢國手收奇績菊謝畦丁餽
晚芳偶爾獨吟成一疾病來筆硯久蕪荒

壽麻太夫人九十 文正李公母

金丹長駐玉顏春九十年來鬢未銀王母忽驚臨下
界麻姑應恐是前身斑娛繞膝占餘慶燕賀傾朝識
上賓試向人間論福履一時屈指更無倫

壽邊太淑人八袞 官諭李母

北堂瑞靄曉霏微瑤海仙人降翠幃奕葉瓊枝餘積
慶三朝紫詔世增輝時分御饌供羞開戲舞來班映

賜緋擬頌南山唐舊什應知此福世間稀

賀石翁考績賜宴辭太傅 宴日遇壽誕

黃閣經綸歷歲年勲名鐘鼎更無前
甫紳策定韓公壯拯溺心勞司馬賢
異數共瞻昭代曠謙光獨仰盛名全
帝逢一段還堪紀宴錫南宮是壽筵

五十漫成言懷

一朝老至使人驚回首悠悠負此生
多病素餐堪久竊無聞白髮尚何成
敢將舊殖甘荒落終擬餘齡託聖明
此語它時應不忘夜來心口已潛盟

對雪

東麓遺稿卷之三

子

夜來疎雪已先聲睡起推牕屋瓦平
占歲坐標盈尺瑞劬書贏得徹宵明
尋梅路過迷歸處素茗香浮有宿醒
却羨城東今日會瓊霄珠履王堂清

符宜臣判韶州

嗟君才是甲科雄廿載蹉跎我亦同
翦拂九衢看獨展翺翔半刺已云通
溪山勝過丹青裏鄉舍雲飛指顧中
五嶺從來非絕徼春城翹首北歸鴻

吳子南令羅源

棒檄歸來咲語頻高堂知有白頭親
潘興咫尺猶吾羨饌常聞海珍雲翮一
枝聊寄楓花封百里待

行春看君剝得推恩地多少閭閻未哺人

東山陳翁雙壽 為大韶主政題

逖迹東山世已忘仍將宦業付賢郎
簪纓舊識源流遠科甲新題姓字香
白髮相將春正永錦袍戲舞晝生光
三清問說神僊宅咫尺應傳不老方

壽張夫人七袞 黎湖公岳母

閭儀慈範總稱賢福履天於懿德偏
化日漸舒嘉會節王顏長駐古稀年
筵依南極隣麻谷文落中台映斗躔
一闕清歌致遐祝侑觴猶及比蓂莪

除夕限韻

東麓遺稿卷之三

子

春回臘盡未應窮如此良宵可放空
八載咲談還舊約一時盤饌是家風
酒杯病起辭深系燭炬吟成刻短紅
遙憶南雲翹首地不知高興與誰同

慶成宴有述

大禮初成燕喜辰雲龍千載一堂親
滿斟乾飲綸音重別座分曹渥澤勻
曲奏鈞天疑上界歌傳湛露識皇仁
白頭自誓丹心在敢負清朝侍從臣

南臺便養 為王純卿題

喜色眉端捧檄歸看君應祗為慈闈
漸輿幾日鴻能數羹饌三秋魚正肥
行避襲塵風裁峻坐簪白筆雲

霜飛也知忠孝元非二翹首留臺繡斧輝

方塘爲少參汪得之題

方塘一鑑傍鱗溪十載歸來路不迷已見蛟龍曾得雨舊栽楊柳總垂隄遺名標榜情難忘手澤依稀意轉悽世德有源流不竭爲君濡筆入新題

得之廣南少參

長亭樽酒惜離居寄重旬宜萬里餘五嶺陽春隨處滿九重憂顧一時舒王堂夜直懷僊侶青瑣晨趨憶舊廬薊北海南相望地豈應尺素等閑疎

石齋致仕

東麓遺稿卷之三

三十二

五十年來侍玉皇照人勲烈滿旂常錦城小駟身仍健綠野高情世未忘望係中朝占否泰學於大易悟行藏祗應獻餘丹在耿耿遙連北極光

栢軒雙輓爲冬官李德容新領初命作

領得封章下九天龍光渥澤徹重泉百年釜養空餘恨寸草春輝祗自憐宦蹟湖湘遺頌在閭儀里閉懿聲傳舊軒獨有當時栢常共槐陰滿戶前

少司空姚公六袞

每從前輩挹餘芬宦轍聲華到處聞樓榜詠歌歸樂府榆關談笑策奇勲冰霜自信清標峻盤錯直看利

器分歲歲壽筵春日好海梅香綻講紅雲

方汝翰分教儀隴

蚤年芳譽滿文場領得烏紗鬢已霜兩月舟航成勝覽一函經史是嚴裝樂餘化雨菁莪盛味足朝盤肯帶香自古地靈多毓秀九龍山色鎮蒼蒼

費子承分教平湖

后家門第取清華黃閣詞垣世所誇身沐新恩官似隱山連故國路非賒一庭霽月侵墮席清座春風拂帳紗見說胡公遺範在好聽芳譽海東涯

四兄致政歸發舟得雨有作次韻奉答二首

東麓遺稿卷之三

三十三

潞河風雨坐成秋萬卷圖書一葉舟門巷歲荒松菊徑江湖身遠廟堂憂歸家結社它宵夢得願頗亭太卜謀獨有詩通閑事了深愁野鶴與沙鷗

思入蓴鱸不待秋飄然獨棹五湖舟離愁攪我身仍病世網嬰人夢亦憂心事青天應自信乾坤赤子若爲謀只今已是忘機者寄語雙溪舊狎鷗

八鶴圖壽周母

王顏自是歲寒姿八十年來鬢未衰青鳥飛傳瑤海信黃花開報綺筵時畫圖獻祝南山頌彩服承懽北闕私懿德天應福履宜看莊喜到期頌

春齋詩院詩題

君家生意滿庭除，贏得嘉名標舊廬。鴻術小占醫國手，青囊時檢活人書。林垂垂像杏東風，藹井溢靈泉夜雨。餘一掬陽和，寧擇地幾多枯槁待吹嘘。

端陽漫成有懷四兄

幾度追懷同令節，那堪對影獨今朝。榴花照眼色自紅，葉滿樽愁不消。閉門却掃祇益睡，跨馬出遊誰招。南望歸舟在河許，斜陽江上首頻顛。

許伯誠提學湖廣

將母寧教詠獨賢，泰山楚水接風烟。筭來湘浦時供饌，魚足江潭不數錢。多繡向餘冰雪地，龍光先入斗牛躔。門庭桃李應無數，共羨于今樂事偏。

東麓遺稿卷之三

二十四

舒天祥調判邵武

吳會題輿久，頌賢又承新。命過樵川，驛驢路熟，輕千里斗星分。僅一躔形勝，溪山便吏，隱清閒官府。抵神僊，豆應臥護，渾無事多少高情付短篇。

張仕克守福寧

簡蕭名公世有賢，看君文雅故依然。銀花鏤帶超郎貴，銅竹分符比郡專。地僻山城間薄領，路便鄉信接風烟。則來多少江湖夢，常繞青宮曉日邊。

遷居奉懷四兄有作

十載辛勤有此廬，豈知兄去我仍居。家聲難繼身非據，世業相承事可書。鶯谷遷喬聊自詫，燕巢隨處却如舊。庭風景依然在，準待重來日掃除。

再疊一首

抵爲吾家守故廬，此心元不是懷居。萬間廣廈生平志，十載儒紳一曲書。門徑向來欣未改，風流前輩恐難如。眼中多少經行蹟，荒草盈庭不遣除。

閑兄改北銓部用聯句韻二首

際遇尤稱一姓難，受恩深處仰天寬。極知地重那論

東麓遺稿卷之三

二十五

報曾爲門高浪助歡，舊約連牀堪再續。清樽一醉合先拚，廟堂勛業無窮在。畱取聯芳汗簡看，除日謹傳里巷初。姓名先得薦延餘，棣華駢秀偏增色。鴈影連飛正慰予，報主祇憑方寸赤。起家都自一編書，二難遺美真堪擬。却恐兒曹較孰如。

栢林

爲吳太僕乃翁題

亭亭元有拂雲姿，猶記當初手種時。香葉曾經鸞鳳宿，大材已見棟梁施。水霜晚節風標峻，雨露深恩造物私。不是先生厚培植，真根能與歲寒期。

鄭東郭調判廣德

故彰地比長沙近聖主恩過漢帝深東觀擊傳班史
筆北辰常繫魏平心良游一日三秋思白晝層雲萬
里陰亦欲脫簪從子近臨岐分手益難任

哭女

兩三老淚不曾收白髮新添萬縷愁慧性可憐誰紅
花離好可宜秋孤墳舉目南城寺終古傷心思
却恨女擎遺碣在它時能反故山否

其空堂曉復昏娟娟眉目宛猶存物生有既誰修
短神理無倪費討論速朽不妨歸寂地同藏聊得慰
羈魂與姑手書一片幽宮石揮盡哀年淚血痕

東麓遺稿卷之五

二十六

自悼

今日歸來始是予幾前驚定復唏噓千金重比鴻毛
擲萬炮危存虎口餘瀝血叫關心自苦橫身障海計
全疎種瓜剩有先蹤在合向雙溪早荷鋤

哭王改齋

生平湖海氣難馴苦被纓綬繫殺人千古能消今日
恨連章祇乞暫時身病容慷慨論公計此語分明憶
老親畱得數函遺稿在一回展讀一沾巾

壽謝母陸太孀人七袞

盛年矢節已華顛天定終應福倏全綽楔流芳爭烈

日封軍渥寵爛雲烟王顏不老春長駐丹訣新承月
與傳歲歲壽筵秋色好芳樽開傍菊花前

壽馬封君八袞

仲房乃翁教官致仕

先生早得長生訣解組歸來歲月深眼轉幾看陵海
變鬢青不受雪霜侵遺經數卷金籀滿世澤連柯王
樹森惟底壽筵詩興逸官階新換老詞林

張參將文光

將軍雄武更能文聞外英聲幾處聞鈴閣輕裘閑白
晝清河飛舸簇屯雲連篇珠玉歸裝重匹馬風霜遠
道勤却訝昇平無一事何當談笑策奇勲

東麓遺稿卷之五

二十七

史館對雪

倦來東觀罷揮毫徙倚橫欄看雪飄先傍瓊樓高處
集平連瑤砌望中饒神清到骨疑僊島局冷藏身荷
聖朝正想元戎征戰地九重曾念解裘貂

甲申除夕獨酌有懷

年年此夜共歡娛高詠芳傳定不辜轉盼佳期追昨
夢側身清世駭危途銀壺點滴猶傳漏玉佩鐙鳴已
滿衢故里此時應不忘鴛鴦正憶紫宸趨

感堂

為姑蘇張憲之題

底事堂前感獨深音容猶自儼如臨燕謀有緒人先

逝華構剛新思不禁疎木婁風終古恨三春寸草百
年心援琴欲寫清商調一夕霜毛已滿簪

棟塘

爲李時行節塘方翁題

主人別號棟塘翁雅興佳名偶自同花殿九春諸品
後風來二十四番終苦心澹泊繩芳節晚景光榮荷
化工寄語更添松柏侶相看收取歲寒功

送汪子宿政南科

羨君樂事此行多南北翱翔總諫坡咫尺庭闈便問
養雙鴈綸綽浩恩波青山舊洛看圖畫實閑儂官足
詠歌記得當年遊釣處臨風翹首興如何

東麓讀稿卷之三

三

湯時敏得次子詩來志喜次韻答賀之

二月蘭芽茁蕊春况逢今日更佳辰弄啼試聽知英
物摩頂還看值異人老蚌雙珠傳不妄維熊幾夜夢
應頻華筵湯餅叨陪處醉寫盛書一咲親

和續韻 赴秋試

老來世味飽鹹酸邪正途分舉步端安逸可懷名比
鴻紛華易溺險於湍弁年鄉榜人須繼聯轡雲程衆
所觀只有倚門情未斷題短札報平安
起家世業本儒酸勤儉相承是大端丹桂元非平地
種青春難駐急流湍遺軀須擬千金愛暗室恒疑十

目觀但使如臨心不忘相看天末也長安

和綱韻二首

枝柯元自一根生先後分形作弟兄同業况兼投分
契異鄉應共友于情關心遠道懸安問傾耳高秋待
捷聲若計來期候團月從今一十二回明

秋近槐花催汝急同行贏得弟和兄丈夫生有桑蓬
志長大寧牽兒女情謾說匠林無曲木應知俚調少
諧聲少年珍重嫦娥愛竟學而翁雪聲明

鄭從商主政之南刑

建業秋官署最清報衙日日作郊行傍湖砥道聯鑣

東麓讀稿卷之三

三

馬夾徑垂楊萬樹鶯獄有平反心始慰案無訟牒眼
增明知君利器應堪此舊稔賢能茂宰聲

溫菊莊八袞

時託齋請新詩加封

秋花偏傍壽筵黃真稱先生菊作莊獨立凌霜同晚
節飽餐和露得儂方中州微省聲華在滿院槐陰慶
澤長剛度八旬逢異數天官新換舊封章

進呈 實錄喜晴次湖公韻二首

載筆螭頭侍玉輿一辭莫贅仰成書義昭法戒存褒
貶彙別忠邪及拜除旭景瞳矇天意在綸音寵借聖
懷書隨行舞蹈仍歌詠白首驚懽拭目初

行世文章是道與矧茲百代不刊書蘭臺義例新裁
定稗史繁蕪總蕪除義馭曉開黃道軌虞軻高切碧
雲虛共瞻星履趨踏地王几親呈一卷初

次石亭韻一首

武烈雄圖在此編小臣親記及當年字嚴褒鉞千秋
重事萃淵林一鑑懸秘府夜騰東壁彩寶謨時進講
筵旃自慚薄劣曾何補空忝官階史局聯

閑兄致政復次舊韻二首

歸釣雙溪鬢未秋溪邊剛繫兩漁舟烟霞剩有棲遲
地祇祇猶關夙夜憂明史不生誰可問叔孫枉死詎

東麓遺稿卷之三

三

相謀獨餘衰劣廢升斗終日隨行愧野鷗
危辭勁氣直橫秋世上榮名等芥舟杖履相將堪對
老填荒互答總忘憂一丘地足菟裘願萬卷樓成燕
翼謀脫却樊籠直得意烟波浩蕩兩浮鷗

解牙牌付懋易太史念其久相從而遽送之

以詩

通籍鑿坡已六年共渠何日不周旋縱教苦戀那能
占任是無情也獨憐珍襲會踰金袋價解携仍付王
堂僊看君取號同心老衣鉢今朝得正傳

更待讀脚是家兄舊物喜而有述

款識摩挲的的真十年重見更相親新街地重能堪
我舊物情多若待人好與王堂傳故事難將舊質踵
步塵遺縑家學源流在秘殿寧辭勸誦頻

少參張德珍之江西代作

幾年聲價重南宮江石旬宣寄漸崇地據湖山多勝
槩士儕齊魯足儒風家園在望書頻達隣壤相諳政
易通三祝祝君情不淺佇聽芳譽徹宸聰

次鉛山令朱子羽韻

兩脚陽春着處忙一壘芳意滿林塘望連禾黍豐年
樂坐轉棠陰化日長寄酬一枝聊枳棘鳴琴竟日微

東麓遺稿卷之三

三

冠裳祗餘戀闕懷人地翹首燕雲幾熱腸

金鶴卿謫荊州推官

楊柳逢秋不可攀離愁一夕鬢毛斑江湖戀闕頻回
首梁月懷君尚見顏自信孤忠堪誓日豈知衆煦解
漂山廟堂公論依然在早晚金鑾許賜環

次潭兄樓成韻

江湖博得廟堂身瀟洒烟霞樂性真信手篇章閒日
課會心花鳥自家春座中野老時爭席溪上漁舟不
識津已在白雲窩裏住高樓覓絕世間塵

舒哲分教會稽

旅食京華度幾春殘編終不負儒巾名成此日寧嫌
晚祿薄高堂莫厭貧山水浙東稱勝地風烟故里接
比隣有時乘勝憤經罷還訪溪邊姓戴人

王叔明分教山陰

從來於越地偏清散秩便君吏隱情繞郭山從牕裏
看湖人在鏡中行一庭霜月青氈冷蒲座春風絳
轡西望故園能幾許片帆纔及決旬程

畢讓夫分教韶州

君才自是驥中驂翰苑文章出大家夙志未償餘猛
氣恩隆初拜惜年華庭前月冷侵檀席座上風回拂

東麓遺稿卷之三

三十一

帳紗聞說曲江山水勝開來詩興浩無涯

倪本重延平檢教

閩關楚嶺接風烟蓮幕優閒吏隱便郡郭倚江三面
水官漕分勝半山巔蛟龍潛影中派見道學餘芬百
世傳十載薄遊從此地臨溪翹首興悠然

劉舜弼謫判大名

股肱名郡屈長沙慷慨寧悲去國賒失得難憑看塞
馬陰晴無定任天家春來雨露行堪待鏡裏勛庸尚
可誇我有佩刀稱襲久臨岐解贈拂霜華

萬竿烟雨

城中寸土黃金價何地寬閑着此君碧瓦幾竿隨筆
掃秋聲一夜隔牕聞寒通淇澳千林雨暝接湘江萬
里雲却笑九衢塵滿眼精渠聊為洗羈氛

復初堂八景爲執齋劉亞卿題蘇瞻晴嵐

僊戲戢翮下長空延頸昂藏看霧中丹碧相鮮新盡
幃淡濃迭變幻神工乍明纔著三竿日不散從吹萬
里風應是茲僊閔清淑鎮教佳氣鬱巖巖

雲洲烟樹

華堂北枕五雲洲烟靄空濛萬木稠望裏沈吟時挂
筍興來攬結欲登樓霏微遠色秋逾淡暮靄濃光晚

東麓遺稿卷之三

三十二

更浮試洗一番風雨後依然蒼莽幾時收

芙蓉奇嶽

郭西西望五峰連削出芙蓉倚碧天色帶晚霞樓郁
郁影涵秋水靜娟娟青陽靈岫能專美匡阜芳名可
並傳倘遇謫仙曾指點巢松還欲擬雲巔

惶恐驚濤

黃公舊是此灘名惶恐訛傳也稱情恠石衝派橫劍
倚奔濤殷地海雷驚堂垂每重金戒航險徐看一
葉輕莫笑畏途常慄慄要知危地使人平

西水春耕

萬井平疇出郭西
蒼寰負未涉橫溪淺青隴
映秋盈握深舞池
柳雨一犁閒看兒童隨午
饁坐聽歌詠起秋畦
園家樂事真堪紀
恠底騷壇入品題

東郊秋牧

青青豐草遍東郊
蕃牧從來此地饒
簑笠成行閑飲老
牛羊茁壯飽而驕
數聲短笛桓伊調
何處清商窈窕謠
指點柴扉歸莫晚
笑看斜日下山椒

梅山鍾秀

楊梅之山何穹崇
下有尚書之幽宮
千里地靈鬱磅礴
四時佳氣常冥濛
森羅衆峰若排戟
紫紱一江如

東麓遺稿卷之三

三

抱弓真龍止處有真穴
發祥毓秀何當窮

黎閣騰輝

碧甍飛棟靄香芸
萬軸牙籤色色分
素業傳家無長物
文章華國有奇勳
藜藿燁煌中宵見
篝炬吾伊徹曉聞
努力後賢爭接武
丹楹咫尺是青雲

憶改齋

每從尊酒憶豪雄
抵掌掀髯一咲中
獨抱遺文和淚寫
直疑浩氣與天通
綱常九閭關吾道
華袞他年待至公
寂寞寥廓身後事
總惟塵几慘秋風

聽馬嘶行

幾年風采動臺端
繡斧霜棱六月寒
不見豺狼當孔道
始知驄馬出長安
一方罷察勞頻問
千里湖山足大觀
更羨里門便使節
庭闈贏得暫承歡

王繩武太史省觀還崑山

朝來馬首抗雙旌
得意登僊是此行
高蓋蚤償題柱壯
斑衣別倚門情
隆恩予告從新格
孝理旁推荷重賞
欲歸歸不得
臨風默默愧塵纓

董願齋受三品封誥

借老加封卷

琅函疊疊下雲端
老幹雙雙歷歲寒
愛日堂前春並本
恩波天上海同寬
慶餘合向今朝卜
福鏡還於盛

東麓遺稿卷之三

三五

德看一曲侑觴更三祝
通家兩世故交歡

賜衛士冬衣次白樓韻

苦寒士軫九重尊
內帑頒衣詔擴門
萬口歡聲騰海沸
一時朔氣轉春溫
簷前暄謝黃綿襖
格外仁均紫塞屯
共賦同袍閑不試
未知何地答隆恩

補題封領次白樓韻

朔風掠面怯襟披
寂苦趨朝曉騎時
項領春回真汝賜
帽貂名好久吾欺
用先貴介時爭效
意劇良工古未知
從此價增應十倍
黃扉新有策勳詩

即事有感

朝來底事淚沾衣苦縛微官與願違遺世浪傳蓬島
藥憶歸空夢故山薇利場爭看居奇貨仕路危驚伏
駭機閉戶不妨迂拙甚祗愁國事日將非
幾回撫掌復眉顰世事那堪日日新藏襟袖中謾作
劇爭先枰裡巧通神捫心暗室能欺汝舉首蒼天冷
覩人悲憤填膺何處泄浩歌聊復抵哀呻

次時敏韻

開緘幾幅短長吟仰屋哀嘆共此心數程有辭天路
遠放懷何處酒盃深浮雲倏爾衣爲狗大市公然畫
樓金誰道并州成故里援琴無調不南音

又雪

時春後十日矣

東麓遺稿卷之三

三十六

皚皚殘雪尚棲簷又看朝來白轉添舊伴多時情有
待餘寒不退欲無厭宮牆數仞增新堵茅屋千家換
故苦記得征途逢此景唉驅羸馬指青帘

乙酉除夜三首

尊前獨酌漫成謠十載并州度此宵一事無成空白
首涸流可補愧清朝春畱積雪權猶淺酒馥餘寒力
未消極目江南愁思絕正逢兩月鴈書遼

年年此夜共連枝弟勸兄酬曉不辭醉後填篴更唱
和朝來傳誦滿京師祇言樂事長堪恃豈解人生會

有離今日一盃難獨進空堂落莫坐相思

百年強半久櫛衰每週佳辰倍惜時頭上雲霜誰得
放鏡中動業我先知賓筵斗酒謀妻拙世澤殘編付
子疑何日向平餘願畢渚雲溪月一竿絲

元日試筆

桃符初換新年帖栢酒猶傾舊臘醅但見物皆生意
滿豈知春已隔旬回晴簷雪散千家雨溼道沙沈九
陌埃自是歲豐多景象不勞觀望重登堂

吳白樓省墓還吳

松楸入望露沾衣短䟽朝通夕許歸飛傳坐看千里

東麓遺稿卷之三

三十七

近隆恩寧侯十年連春生澤國華偏美水滄吳江鱸
正肥休戀鄉園淹歲月綵綸虛席待旋駢

慶成燕初預閑坐

中左門高切紫微曲欄咫尺殿東垂班聯法從先群
芳座擁瑤階俯赤墀慶會一堂交泰象分明九奏樂
賓詞顧慚薄劣能堪此既醉空歌大雅詩

春塘別詠

君家伯仲諳英分盡看鑿坡虎竹分池草西堂剛得
句江鴻南陌又離群清宵愁聽床前雨白晝眠看薊
北雲不用臨溪倍惆悵桑蓬元志四方勲

周啓和按雲南貴州

杖斧乘驄岍峯冠看君此去遠人歡福星一道祥光
徧霜簡三秋炎嶺寒咫尺雲南非絕徼瞻依北關是
長安他年帶纛知多少幾幅封章一寸丹

葛仁夫江西臧刑

手持黃紙下楓宸多少平反大造仁匍匐井邊皆赤
子吹噓筆底有陽春義關故國懸情重分締通家屬
望頻遙識湖山千里外泣隅無復向來人

許啓順司訓建昌

建昌形勝甲西江彭蠡匡廬總莫雙半夜濤聲常到

東麓遺稿卷之三

三十八

枕四時山色直排牕路通旬日隣鄉國地足絃歌是
大邦把酒臨風先致喜爲君一咲倒罍缸

題登雪竹

朔風一夜吹成雪萬木低摧僵欲裂唯有此君當此
時獨立亭亭還孑孑短牆暫看偃長梢勁色終呈歲
寒節何當爲掃葉上瓊細煮龍團教君啜

雨竹

森森碧玉來何許九疑之麓瀟湘渚坐聽琴瑟風雨
聲又似當年啼二女烟枝露葉風冥冥步武茫然迷
處所畫師直有縮地功萬里江山藏尺楮

晴竹

移家歲晚東山麓此地人家多種竹東隣西舍十里
園溪青沙白簣簣葉晴雲布地風冷冷豈信朱明作
炎燠它鄉看畫空悵然搔首幾延南望目

風竹

牕前聽竹聲寂好蕭蕭入耳驚秋早冷然一枕羲皇
餘塵土肝腸淨如澡尤宜六月三伏中那知赤日懸
高空積金剝買城中地廣種琅玕待午風

遊西山倡和將至未壽菴馬上作

纔出郊垌眼乍明故鄉風物不勝情綠溪路好迂隨

東麓遺稿卷之三

三十九

馬交樾陰多坐聽鶯衰病尚於登陟健驅馳渾向嘯
歌輕晚來却愛疎疎雨滿目塵沙爲我清

登望湖亭次鍾石韻

路入荒山日欲西客來不作武陵迷樓臺重疊偏依
險鐘磬分明尚隔溪古洞暗通龍窟杳孤亭上與鷗
巢齊俄驚風雨前村至咫尺烟雲壓樹低

玉泉亭次鍾石韻

半泓深碧望疑空蒙蒙初開氣乍融一畝甘同瓊液
味四時寒逼水晶中稍畦膏澤從天降蓬海靈波自
此通爲是源源流不盡還沾道唱有餘功

碧雲寺流觴

賞心何地不蘭亭松栢陰陰四座青觴歎且揮流水
緩春歸欲喚落花停林泉勝會閒官得伶從清歌醉
客醒莫向尊前惜歡笑漸看短髮已星星

歸途望功德寺呈諸同遊

先皇遺構此山隈翠輦曾經幾度來樹擁樓臺時隱
見苔封碑碣鎮崔嵬花香逐馬餘春在客意趨程落
日催高興渺然殊未極重遊有約許追陪

香山寺閣次鍾石韻

招提樓觀入雲間徑仄垂蘿尚可攀指點烟墟臨下

東麓遺稿卷之三

四十

界品題名勝首茲山俗緣我輩誰能脫多事詩增苦
未閒直待庭前雙桂長重遊一咲鶴飛還

碧雲寺次南谷韻

原上纍纍多古墳繚垣寂寂閉重門穹碑已換新遷
主祇樹空餘舊日園直與神功爭致巧合將蒿里爲
名村白楊最是悲風地且盡芳樽送夕暉

壽翟母黃太夫人八袞

高閣薰風入綺疏華筵清晝小年如桃傳海上千春
寶簪茁階前二葉初舞應來斑宮製錦葵羞穎饌御
庖餘登堂賓客知多少車馬連朝正咽聞

壽虛白陳真人八袞

餐氣含霞妙得傳世人那識始生年蓬瀛境上無多
路日月壺中有別天市溷不妨雲臥隱步飛聊作地
行僊還畱炯炯雙眸在看到滄溟直化田

壽圖樵六旬

圖樵高義薄雲天籍籍鄉閭稔頌賢幾處高堂知樂
地繞庭蘭王見心田積金剝買畱眉秋插架偏多却
老編爲問長生那得訣持柯曾遇奕中僊

諸麗中得子喜聞有作寄之

半西安否近如何聞道春庭茁玉柯曾是夢中天使

東麓遺稿卷之三

四十一

授親看頂上誌公摩同年世講從今未一卷經傳遺
後多那得去爲湯餅客幾回南望獨高歌

擊鼓催花

主翁新令款嘉賓擊鼓傳花勸酒頻辭醉却愁花咲
我偷閒又被鼓催人共謀一日浮生樂莫負千金此
夜春試向壺中測深淺諸君豪興欲凌晨

李泮主簿竹谿

奕葉簪纓最有名一官何忝舊家聲地偏孔道將迎
寡民近淳風簿領清細看物情閒更盡親經世路老
逾精臨岐不用丁寧祝坐見賢能報政成

殿講王承恩參政之蜀

侍臣輟講出金闕，慙爲吾皇恤遠黎。珍重紫微膺首命，丁寧丹詔有溫辭。江山妙入文章思，儒學元同吏事師。中外豈應懸隔地，翺翔指日佇還期。

送尔典膳冠帶還土谿

秋江一棹疾如飛，况值皇都得意歸。義佐公家輸厚積，名聯王國有餘輝。醉邀山月更爲主，吟狎沙鷗共息機。獨使黃扉情不忘，渭陽回首重依依。

送毛文卿通判惠州兼東太守顧德仲

龍川風物定何如，滄海羅浮勝有餘。化浹百年昭代

東麓遺稿卷之三

四三

盛境分千里，越佗墟長材衆擬題。與久老驥人看發，初爲報榜中新太守賢聲籍籍已盈車。

嘉疏署宴集因登燕臺小酌次張王谿韻一

首

下馬郊垌訪古臺，臺名傳自郭生開。霸圖一戰雄關右，遺址千年帝水隈。駿足可因懸價得，高賢寧爲購金來。是非一咲都休論，且共臨風各盡杯。

次張陽峰韻二首

山郭閒過老圃家，頓拋塵土入烟霞。風前高樹初飛葉，霜下疎籬尚見花。畦隴盡成禾黍地，腥羶曾是犬

羊沙向來閱歷青山在不與人間管歲華

每遇黃花咲口開，一尊聊爲藉荒萊。叨陪僊子乘鸞集，更喜將軍騎馬來。衰劣祗宜樊氏學，歡娛休感雍門哀。苦歸不得空凝睇，指點鄉園是此臺。

次尹巽峰韻一首

登高節去復尋山，瀛島官曹本自閒。聊爾當歸舒遠眺，陶然成醉破愁顏。影看度塞鴻偏疾，色愛凌霜菊未殷。更欲淹留盡餘興，前村牧笛已來還。

黃太史才伯謁歸香山觀省

天涯才子賦歸歟，此日高堂正倚闌。滄海雲深停狄

東麓遺稿卷之三

四三

望家園春好稱潘輿，夢常戀闕身非遠。仕不違親樂有餘，老我傷心空寸草。因君搔首重欷歔。

文徵仲致仕歸姑蘇

連章乞得白雲身，豈向清朝學隱淪。偶爾江鱸聊發興，昂然海鶴故難馴。空山閒却詞林手，陋室長懸醉墨神。何日扁舟還訪戴，吳門來往是通津。

陳魯南使楚

萬里星槎泛楚濤，僊人親下碧雲霄。舊遊風物經蕉夢，南紀江山費月毫。附驥威深情獨厚，離群天渺望偏勞。于今翠幄多虛席，可使經年候節旄。

次魯南閨別韻

武夷九曲赤城霞帝語分明許汎槎劉阮歸來迷石
徑蓬瀛指點隔天涯湖湘地重詩增價半斗光騰劍
有華此日羨君多氣象醉吟援筆漫圖鴉

丘居易七奏恩壽

主 乃翁

家住海東涯烟島雲洲望不賒萊彩堂前明晝
桃筵外映春花鸞章新命泥猶濕鶴筭稀年看
垂手植三槐今幾載已看垂蔭滿庭遮

曹孔清分教華容

壁經場屋蚤蜚英二十年來負屈稱姓字突然如有

東麓遺稿卷之三

四十四

待文章老矣尚堪憑材多荆楚書應最勝足湖山興
可乘對雪爲君拈凍筆吟成呵盡一池冰

余廷贊分教昌化

廣文瓊冷不須嗟樂事如君尚足誇歸拜隆恩娛白
髮咲持新檄換烏紗春風造化先南服昭代文明徧
海涯到日嶺梅應盡發能將芳信達京華

袁沛之分教長樂

從來長樂冠全閩美爾備承寵命新聲溢誦絃文教
洽歲收穰穰詠歌頻閑無塵鞅便高臥近指鄉間是
比隣荔子丹時饒景象望中別是一般春

王時暘少參七袞

歸釣東溪鬢未霜脫將塵綬濯滄浪榮名咲等浮雲
薄歌詠閑便白日長家望僊洲靈藥近筵開春晝王
桃芳海波清淺知多少願假長風益壽觴

楊惟馨令漸水

東郊幾日乍迎春眼底俄驚色色新領得和風歸照
青定應部屋少顰呻一枝聊試鸞樓枳萬里行看驥
絕塵薊北蘄陽相望地等閑芳譽達楓宸

曾汝誠令光澤

憶拜先公已廿年看君風骨故依然驂驪高步雲霄

東麓遺稿卷之三

四十五

迥鳬鳥南翔惠化傳贏得優閒便素業時將歌詠入
朱絃臨岐三酌還三祝爲愛名家有世賢

除夕次韻

早於歲底見歸春依舊長安紫陌塵本擬歸謀良夜
醉豈知仍作異鄉人氣氣蘊鴨猶餘地吁嗟臆念已
報晨試看明朝芳草地寧論窮巷與通津

東麓遺稿卷之三終

楊青家

東麓遺稿卷之四

詩類

丁亥元旦試筆

朝來底物解迎新勝裏花枝獨占春節換自驚天杪
客梅開誰憶隴頭人宦波險惡愁難泊歸夢依稀苦
未真遙愧山中舊猿鶴蹉跎十載絆朝紳

齋居次韻二首

連牀舊約傍禪居煮茗論文乙夜餘岑寂乍便塵外
味蕭疎渾訝野人廬銅龍滴瀝傳真禁燄火分明接
碧虛欲識天心昭格處共看晴月滿前除

東麓遺稿卷之四

愛宿山房依道林春雲多態弄晴陰珠宮殘雪經旬
白寶樹含風徹曉吟霽霽瑞氛占歲事輝輝晴月識
天心甘泉有賦須時奏可待霜毛兩鬢侵

次民獻韻答鍾石

聖皇欽若重明禋五夜鳴鸞下紫宸昭代相承嚴杖
典天心簪格享仁人晤言幾夜書應廢唱和連篇句
轉新老去却慚那倚玉年年蕭寺謾隨塵

二元前二夕會燕寒寓詠紗燈次鍾石韻

不開壁隙借隣匡欲護明輝聚此堂月網輕雲窺壁
彩星籠薄靄鑒珠光坐淹僊客宵堪卜禁池金吾夜

不妨重續蘭膏休見跋主人方藉引盃長

壽建昌李母周孺人七袞

獻歲東風始發春北堂懸悅及芳辰尊開麻谷瓊
深挑薦瑤池王顯新舍慶共看庭下植僊方獨受月
中人古稀豈足論遐筭見說雲髮未似銀

詠紗燈再疊前韻

齊紈經目楚筠匡華焰渾驚白晝堂照乘珠明聊止
色聚囊螢小敢爭光玲瓏深謝雲霞襯映寧猜雪
月妨祇恐微風動羅幙惹將柔帶拂筵長

石厓書屋爲林以吉寺丞題

東麓遺稿卷之四

蒼厓卓地峭稱雄百里江山入望中拄笏壺公平可
挹濁纓蘭澤遠還通堂開精舍深依戶徑斲雲根半
倚空如是僊翁棲隱處至今幽桂有遺蹤

夜坐書懷

十載鑿坡側未條那看衰髮日蕭蕭苦際升斗聊糊
口羞向兒童強折腰鶴怨故山空蕙帳鴻飛何處仰
冥霄狂歌一闋增悲宅悵望南雲首重翹

飲荆山宅詠雪燈

赤赤金烏雪作籠輕盈似欲舞微風依懸桂魄渾無
影鑠盡蘭膏不肯融素艷難加羞綉色巧裁未鑿擬

天工刻絲織錦知多少苦向人間謾費功

琉璃瓶金魚

虛明寶色逼人寒勺水金鱗也自寬動影乍疑冰下
見醉眸渾作鏡中看鼎焚交映清秋月承藉雙輝白
玉盤物玩眼前曾得似教人吟賞欲忘餐

即事二首

大息深悲賈傅情那知今日涕縱橫雲龍自分千金
契芻狗俄看一奠輕合向漁樵甘白首休論出處係
蒼生沒箇新漲便歸棹况有春風作伴行
一聲霹靂忽雲端白晝冥冥淑景寒閨闔有關人倚

東麓遺稿卷之四

三

望血誠無路涕汎瀾氣憑欲借朱雲劍髮種還衝蘭
子冠却憶碧山回首地定應顰蹙睨長安

戴湖公致仕

釋負翛然萬慮輕懸車長識閑勞情雲霄矯翮違驚
繳泉石幽期續舊盟綠野重開遺構在玉堂世濟後
賢并有時散髮溪邊棹恣殺山童兩鬢青

熊峰老師致仕

歸章肝膈盡生平白首餘丹鑒聖明稅駕未看雲翮
倦忘機不遣海鷗驚釣遊暇日追尋興咫尺巖廊寤
寐情獨恨向來瞻戀地依依山斗爲誰傾

吳葉叔梅二首

落落江湖不受羈獨齊幽憤竟何之孤覓終古嗟長
客有丁它鄉泣傍誰岷嶺無家空寫道鄉溪浮跡渺
天涯向來談笑還堪憶腸斷棋枰夜雨時

等閑一死擲鴻毛跋扈生平氣漫豪多少勛名成壯
節如何蕭瀆效兒曹誰當借劍平遺憤我欲招覓續
短騷雪滄不知何處尋悠悠蒼昊仰彌高

挽尹巽峰洗馬

玉樹凋零不待秋士林相顧涕交流經旬違面終天
訣百贖無身消目愁耿耿文光躔紫極翩翩丹旆返

東麓遺稿卷之四

四

南州傷心最是追趨地日日鑿坡鳳沼頭

湯時敏謫安慶推次畱別韻三首

誓共詞垣老合簪那知鐵羽忽殊林一時具錦成多
口百鍊真鋼只此心公道尚看天日噉皇仁應比海
波深翱翔中外仍餘地於聽還朝玉佩音

謫宦遠別意如何樽酒臨風一浩歌同館弟兄雲雨
散忘形爾汝歲年多芳郊漫興聯鑣出暇日相思命
駕過祇爲茲遊長可恃驪駒岐路倏鳴珂

芥芥陽光萬里開片雲漠漠散浮埃爰書聊借文章
手儒學真餘吏事才盡障山雄淮服鎮滄江帶繞郡

城回名邦不似長沙遠環賜行看後命催

又次時敏席間韻二首

逢人誰不惜才華籍籍于今沸鼎譁未定陰晴那可
說相乘憂喜故無涯百年意氣憐同臭多病迂疎荷
匪敢獨恨明朝江上棹中流軋軋自鳴鴉

每於前哲得吾師說構無端譽亦隨公道從來需定
論僊班指日佇還期評文折義它霄雨渭樹江雲兩
地思萬里亨衢聊躡蹻不妨高步振明時

西峰趙司空致政歸安成

興入江鱸可待秋閒心應共白雲謀深藏自許完奇

東麓遺稿卷之四

五

璞勇退人爭嘆急流一代典刑猶未沫他年耆舊尚
堪求九重餘眷還如昨試看煩煩寵數優

秦司徒致仕歸鳳山

歸思翩然問故山春風驛路伴人還遨遊海畔群鷗
狎寥廓冥空一鶴閒得意烟霞時獨往多情廊廟重
相關君王倘覓當年劍雙鬢猶看未盡斑

毛東塘巡撫寧夏

手持霜鉞下臺端戎幕遙聞膽盡寒羽檄不飛吟咲
通狼烽無焰顧憂見天成險壘臨河浪山作長城枕
賀正塞北江南千古勝籌邊樓上日憑欄

葉國光守興化

朝分虎竹出丹墀多指閭關一鶴隨貢足壤田仍海
錯俗有齊魯盛書詩行春下邑多謠頌坐嘯公庭少
諍詞惟有翠壺山色好四時排闥到簾帷

唐信伯出按湖藩過吳壽母

郎君杖鉞動霜華道出吳門暫過家繡豢承歡明白
晝瑤池開宴挹瓊霞光騰南極星臨戶孟汎東籬菊
正花不是至仁推孝理北山寧免獨賢嗟

遼老免朝有作見示次韻

台衡望峻瞻耆碩文武功成殿歲寒恩不俟朝公合

東麓遺稿卷之四

六

得身親遇主古應難唐家宗社依裴老司馬威名動
契丹試爲生靈薄休澤每於居起候平安

劉汝澄巡撫宣府

曾將赤手障滔天義烈于今尚赫然小范甲兵諳姓
久北門鎖鑰更誰賢列屯飛檄防秋日萬竈張願待
飼年旌幟一毫知改色肯教憂顧廢酣眠

周約庵都憲致仕

眠底胡沙了不驚爲憐西北隱長城冥鴻獨矯人何
慕塵鞅初捐夢亦清部曲攀轅爭戀德瓊裘寒膽尚
傳聲毘陵亦有滄浪水滿地江湖可濯纓

吳北川學士南院視篆

幾年壁水育群材提耳諄諄苦費裁南國喬遷新寵
命北門高起舊蓬萊款扉客爲催詩數載酒人緣問
字來勾當兩般公務畢儘教僊侶日追陪

曉闕頒書賜大篆書及敬一箴文獻通考春
殿讀卷爲理卿湯公題

聖主游心六藝文公卿拜賜巧餘芬天章錯落奎躋
彩縹帙依微秘閣芸每日顧瞻如告語百年傳誦到
仍雲感深論報知何地祗有丹衷老更勤

諸諸群公集上台共期濟世獲真才禹門親觀乘雲

東麓遺稿卷四

七

化蟻網喧傳得舊來寶楮緡錢分玉府瓊林宴會撥
蓬萊翻思三十年前事也是工師櫟斲材

魯南道子歸走筆奉慰

嬌兒去側倍淒涼客况從今仔細嘗僮僕一家真骨
肉解居四壁老僧房看星銀漢愁難度步月清霄苦
未央却咲向來隋計吏經年離別是尋常

南壽貞芳爲翁磐副郎乃堂題

甲影榮榮四十年長生月姊授真詮祝延頌擬南山
獻褒表書剛北闕傳里閨芳名標綽楔庭階餘慶見
蘭全穠齡異數應難並苦節天教福履偏

鄭汝器分教福州

八閩長樂獨稱雄此地儒冠不負公入郭青山郊牧
外出門丹荔畫圖中風烟彷彿家園是科第連聯上
國同更喜登延新格廣桂林高朵待君紅

汪母許孺人八袞欽典牒元龍

獻歲華堂彩悅懸正逢王母駐雲駟宴開西海樽常
清桃占東風春寂先平種芝蘭森繞砌眼看溟渤幾
成田耄齡豈足論遐筭靈藥還從月姊傳

張子陽冊封靖江省母

俊德先敦九族親如天重仰帝堯仁槎浮清桂疑銀

東麓遺稿卷四

八

漢使重詞林是王入魏闕幾回南國夢衆班應戀北
堂春臨岐預訂還朝約可使僊班帳望頻

雙挽爲李司務父母

底事龍鐘袖未乾啼痕拭處盡成丹風前木葉魂應
斷夜半烏聲夢欲闌插架圖書遺澤在課工絲纈舊
機殘試占善慶還多少雲路飛騰有二難

述懷五首

終日思歸此日歸夢魂先逐鴈南飛故山猿鶴應相
待宦海風濤始漸違聖主恩深憐未棄王堂街在借
餘輝回頭咲向蓬瀛侶十載追攀九愧非

清時棄逐本疎頑敢謂焚魚擬碧山曉漏不驚酣蝶
夢僊曹無分墮塵寰輸贏久悟棋中事勛業休看鏡
裏顏家住輞川圖不盡亂雲堆處玉派環

失得生平不肯占世情那復計京炎放狂酒盞從人
勸漫與篇章信手拈老向塵區知幻妄久於宦味飽
酸甜祇應剩種東山竹助我風牕與月檐

曉來把鏡重摩挲奈爾衰遲老去何銳下自甘應得
罪愚衷天鑒本無它驚駭難瀾飛龍歷斤鵬能攀上
死柯祇有漁樵堪結伴一挑烟月半竿波

強將衰劣廁金鑾十載俄成夢覺看報主未終身尚

東唐遺稿卷之四

九

在出門無礙路仍寬敢論賈傳長沙謫且喜相如趙
壁完九萬里程寧始望一枝隨處足圖安

次魯南韻

十載追隨供奉班一麾羈束簿書閒剩負底事便高
枕懶性何能祇對山感泣新恩惟省咎遭逢清世敢
求閒陵陽見說多僊侶衰病堪從問大還

題費氏孝友堂

涯翁作記

珍重宗工持筆書事徵隣黨豈虛譽一堂和氣春風
裏奕葉華簪善慶餘鄭義遺規真媲美田荆舊址近
同閭世傳山真故居後來濟濟諸賢在肯使前人獨

有初

壽机軒兄二首次閑齋兄韻

閉門掃軌注軒經藥裹成功信有靈纔見添壽新甲
換已聞却杖舊痾寧舟因垂釣常依岼樓爲看山盡
撤屏宦况年來偏作惡願隨芒竹享遐齡

壽筵開處足成歡世味當年已飽餐時否有身還自
泰道存隨處不妨安一園獨樂溪山別十地畱耕頃
畝寬漫謂穆生輕去楚知機今日共推難

別魯南赴江西少參

十年同館更同心岐路相看兩不任羽翮摧翥難附

東唐遺稿卷之四

十

驥雲霄蹉跌尚橫金西江彫瘵歸慈乳東麓烟霞待
賞音總是旬宜遊覽地題緘先已報家林

崔來鳳提督泰和山詩以戲之

著籍瀛洲豈偶然謫來猶作地行僊金銀觀闕樓玄
宇勝槩湖山小洞天針煮膏精多大藥巖畱丹竈悟
真詮何時跨鶴重歸去爲問尊師老侄仝

劉敬之太常請告展墓

游子乘春荷寵慈賜歸剛是十年期歲時夢繫松楸
地蘋藻情深雨露思鑾詔煇煌綸綍重鴻恩滲漉墓
泉知從來忠孝還相發八尺微軀敢自私

感夢

千里江湖馳魏闕十年客舍憶并州誰能易地更新
我人豈無情忘舊遊縹緲紫宸雲外路蒼茫玉署海
中洲夢回總是傷心處一闋高歌白盡頭

除夕次魯南韻其一答贈餘道舊懷居感遇

戀闕通五首時嘉靖丁亥寓潞陽旅舍書

傾蓋曾論白髮期相看種種各垂絲那能同病還殊
調誰遣聯樓又別枝旅館獨哦逢歲暮江帆猶滯得
春遲東風珍重君知否畱待方舟一併吹
歲歲春歸暗與期江梅羞爾又垂垂情如旅鴈懷同

東麓遺稿卷之四

士

侶身學林顛借一枝壯態奕棋看反復年華流水嘆
衰遲河水泥我南歸棹爲語東風作意吹

守歲酬詩夙有期私門故事豈堪垂醉拊樽蟻常傾
甕吟到宮鴉欲起枝孤館寂寥人去遠尺書希潤鴈
來遲何當歸釣東溪曲還擬填篴似舊吹

客舍并州賈島期每吟佳句淚堪垂塵踪到處嗟浮
梗羈羽多情憶舊枝老隸向人猶戀戀羸驂辭柳故
邊遲無端却被隣家笛腸斷風前特地吹

真主龍興不世期向來親覲裳垂五更夢斷元朝
會十載樓殘上苑枝春近和風先浩蕩時清化日漸

舒遲太平誰道真無象處處驚笙徹曉吹

元旦遣懷

逆旅朝來意若何江城景色動微和開門不問經過
少試筆猶憐賦詠多老驥摧輶難峻坂輕駝墮葉易
危柯幾時解纜乘新漲臥聽舟郎發棹歌

對酒用前韻時石亭音來勸我痛飲自遣作

此答之

醉來旅况復如何坐愛春風入面和蒲麈蟻浮猶恨
淺百川鯨吸肯辭多狂如阮籍常隨錦興比陶潛欲
挂柯記取明年當此日一樽回首重高歌

東麓遺稿卷之四

士

獨酌用前韻

不醉其如此夜何盡將哀怨付雲和湘纍驛賦忠還
過司馬青衫淚苦多騏驎肯隨鴛鴦迹風霜難改歲
寒柯獨吟一室應誰和白雪休誇郢客歌

次丁亥元旦韻

漂漂萍跡逐年新又傍荒城見此春白眼狂未猶故
我折腰老去向何人豈堪案牘容疎放祇合林泉養
性真何事徵官相摯縛始知微纆是修紳

齋日次舊韻

孤燈四壁似齋居行李書囊劍匣餘蕭寺已違前日

侶承明空憶舊時廬獨看皎月懸清晝誰遣浮雲翳
太虛踴躍僊班應咫尺豈勝吟望步庭除

娛永堂壽范韶副郎乃翁

范翁家住范光湖翁姓湖名豈偶符百世流源應祖
蠡扁舟歲月自平吳祿養曾看春備永錦映萊斑樂
更殊此景娛人宜不老畫圖指點是方壺

贈徐伯和謫松江貳守

年未多難與君同天末無端又偶逢嗟我飄飄秋後
葉憐君憔悴病餘容方舟風送乘新漲謫所天教作
比封記得孟顓元有約雲龍看處欲相從

東麓遺稿卷之四

圭

贈賢士賈懋

愛君文雅秀儒林偏向軒岐得意深鼎內丹成剛一
粒囊中方在直千金幾多沈痼回生地都是陽春煦
物心聞說見前新種杏年來無數欲垂陰

解纜志喜

舉目江湖思渺然客羈塵網已多年乍聽擊楫歌吳
調却羨登舟類李僊路首故鄉先入夢業荒先課尚
餘綸逢人一咲常開口不記儂今是左遷

睡起有述

四千餘里思家客五十五年多病身也知迂性乖時

好甘向清朝作逐臣秩散不妨閑詠日歸遲猶及故
園春夜來未斷趨朝夢依舊仙班傍紫宸

洪王方守紹興次崔東洲韻

八邑願頤侯使君真如大旱望中雲道州撫字書應
最漢吏循良傳有文靈鳥覽輝時屢下老龍眠月夜
無聞他年治行儂先說舊接芳隣飲德芬

懷閩尚友次舊韻過清源尚友不出

雲間從翮早知歸肯羨鵬程九萬飛咫尺背人千里
隔尋常屈指六年違書遲每恨秋鴻斷夢醒偏疑落
月輝後會何時還記取相看應許舊容非

東麓遺稿卷之四

古

約菴都憲移尊談胡寺丞林亭

一咲相逢豈偶然無端良覲信由天澤邊我續相鼎
賦湖上公廻范蠡船秉燭雨簷疑夢裏移尊隣屋傍
花前醉來不盡人宵興肯把毘陵作剡川

遊善權洞贈任上舍世臣

雲鎖烟橫深復深羅帷松蓋晝陰陰僊靈境闕憑誰
敞剡鑿工神不可尋竟日達觀逢地主冗負多暇愜
幽心殷勤謝爾山僧約珍重他年肯再臨

水洞

誰淸靈源半畝寬海田幾度不曾乾醴漿初釀產疴

冷寶鑑新磨照膽寒濡筆試書憐薛壁解纓欲濯愧
塵冠王泉亭上曾題品優劣于今欲校難

旱洞 題名在壁

洞門軒豁路紫紆篝火纔通百步餘丹竈藥田遺故
址金庭王柱本僊居泉清雨後茶堪煮境勝山巔茅
可誅却咲俗緣捐未得祇畱名姓拂苔書

溧陽公署對雨晚憩

下馬空庭坐夕陽雙松對雨看蒼蒼雲里卓戶危峰
出風竹臨牕委珮珞行止客途隨露漑蒼廡官局忘
閒忙于今一判難消得更說當年白王堂

東麓遺稿卷之四

十五

祖雨

時將陸走建平不果發

雨脚蕭蕭泥我行不知逐客有期程雲迷野徑開還
合鳩占高枝住復鳴斷渚滯航便夜發石田快捷趁
春耕茫茫真宰元無宰憂喜人間也漫情

入宣城界宿白雲寺

松林小憩踏晴沙行李休時即是家捫腹三盃春自
足到城一舍路非除雨催宿麥垂深穗寒壅東風見
晚花從此衰慵何所事祇須蘇針與盧茶

漫書簡子諫

今朝猶識隆恩在上佐名邦近故鄉冗散本同負外

置疎慵便得靜中藏枝容頗寄餘皆長時合長蟠辱
不妨祇有龍山劉太史同心知我語非狂

走筆解子謙心疾

一點憂疑暗結痼幽魔潛恠漸增加獲鉄鄰子知非
竊辯畫醪樽詎是蛇象妙玄門元自悟九還丹訣向
人誇綠何小恙猶難却似覺真源一膜遮

獨坐

晚衙罷報坐黃昏一炷蘭薰酒一樽家累不須清似
鶴閣門長閉悄如村性綠衰拙成真懶身假優閑亦
暫辜祇恨向來僊侶隔詩成孤賞共誰論

東麓遺稿卷之四

十六

別子謙

與君先後下蓬瀛此地天教巧合弁岐路漫多俱物
役去來如避豈人情歸飛獨矯雲間翮飄墜真同糞
上英猶有南山舊時頌因風吹入九重城

同諸僚護翠雲菴

峭壁千尋切上台回看纔是半山隈憑虛觀閣諸天
迥極目烟嵐四面開興逸攀援凌絕頂倏餘拂拭藉
荒苔笙歌未散餘尊在指點西林暝色催

登翠雲頂

乍上峰頭興渺然飛雲濕翠杳相連一丸郡郭依微

裏千里鄉山指顧前險到捫蘿還賈勇越當藉草每
爭先大家更訂重陽約可負霜鴻露菊天

遷府館

去年鍛翮下青霄青劍樓榭幾處僑巢燕一春頻易
主谷鶯今日始遷喬門回俗駕何煩謝樽有賢人肯
費招郡事不關便吏隱祗將歌詠答清朝

閑兄寶穡堂成有作次韻奉寄

卜得隣庄愛故扉娛人山水足清脾菜麻競長農談
數竹徑纔通客到稀斗酒藏供田父醉盤餐餘待野
禽飢嘯歌別有寬閑地何處歸塵更上衣

東麓遺稿卷之四

十一

次鑿池韻

縱遇湯年不解乾渠流十里借溪澗香宜釀酒何妨
淺靈若潛虬詎在寬一鑑天光通水活半池草色長
春殘別來久愧西堂夢苦踏塵籠未掛冠

謁文節公祠

道旁祠屋儼冠裳生氣英風凜未亡一死泰山真比
重千秋烈日尚爭光事徵前史詳遺行民到于今嘆
巨防瞻拜識公應默領忠將願藻薦芬芳

禱雨有應志喜

望中雲意漸氤氲俄倒盆盎四屋間大有麟經行紀

歲甫田龜兆已無文天人昭答機如響閭里殷憂職
與分道得素餐聊自慰歸來援筆漫書數

遊栢山寺謁梅都官祠

綠遶荒山一徑通宛陵祠託梵王宮緇徒香火傳餘
業栢樹岡巒失舊蹤詞伯聲華千古重遺編流詠四
方同當年顯者都安在始信詩人道未窮

李莊簡公祠堂陪祭

當年赤手捍孤城虎吻危存億萬生功在乾坤應社
主歲歲尸祝見民情建炎軌物遺冠履市里兒童識
姓名門外麗牲高碣在爲公剡勒紀風聲

東麓遺稿卷之四

十六

王公爵副郎過宜還南都

籍籍聲華滿縉雲曾看赤驥步空群刻章珍重連書
宸綸諾丁寧爲策勲畫省風清喉舌在金陵氣壯虎
龍分亦知寬賜先隣壤遺愛從今到處芬

陳石亭過我東麓畱詩紀之次韻答寄

看山何必問陰晴此日天教宿約成風物吟鞭初指
點丹青妙手舊分明丹緣流水花邊入徑遶平沙竹
裏行祗恐世人傳漸廣他年應作武陵名

七月七日謨翠雲菴餞客至此

漫將巧日抵重陽絕巘虛亭共此觴高興遠追河朔

勝翠雲微灑酒樽涼歸途略約憑新月醉眼朦朧望
故鄉莫怪官曹多暇日從來吏隱足徜徉

寄題雙溪書屋瑞蓮

門庭多瑞藹盆池一本三葩信可奇和氣發祥瑞有
象化工呈瑞定無私嘉禾紀異空垂史岐麥成謠漫
有辭應是諸郎聯虎榜分明先報乃翁知

書夢

誰遣清朝作逐臣苦遭麋鹿性難馴白頭簿領驚新
我青眼塵埃幾故人客散閉門常竟日病來展卷動
經旬閑中檢點連朝夢多傍僂溪理釣緇

東麓遺稿卷之四

十九

感秋

秋風旅客最先驚况復蕭條澤畔行庭樹琤琮侵短
夢隣砧迢遞報寒聲背人過鴈公無賴傍戶衰螢暗
有情多謝溫存舊交在墨卿毛穎楮先生

壽郡丞王母李孺人八袞

瑞藹華堂彩悅懸又逢王母宴池邊五雲僊李虬根
固二島蟠桃王顆圓北首南陽家在望東征此日觴
初傳更吹宛水添春酒分付郎君入壽筵

壽太守西屏區公次韻

蒼宿巖巖鬢未秋眼前民隱生邊樓陽春雨脚風行

和氣千家雲共遊題坐在勞周環筆登僊真附本
舟黃堂一闕岡陵頌付與棠陰野老謳

王嘉章奉使歸省

登辭壁水賦皇華帶得恩光好南國衙門剛滿
望北山從事未應嗟春生斗口星近雪擁鰲峰王
徑斜多少勝遊歸綢載臨風題品爲君誇

詠雪獅

曉庭搏雪作狡狴妙手我成謝巧併攫地蹠踞疑
鹿向人蚺蛭嚇童兒靜憐月兔須教伴瘦怯陽鳥未
遣知正欲眼前鎮留玩一寧深護莫流漸

東麓遺稿卷之四

三

歲暮憶歸

鄉思撩人不自由幾迴南望怯登樓百年鼎鼎蓬
半萬事悠悠歲月邁謾嘆風塵稱郡佐枉將名姓玷
僊州向來筆硯渾拋盡花鳥從今可浪愁

戊子除夕限韻

節序偏開旅客情又看流水歲年更吟諧越調悲莊
鳥身棄清朝類賈生雙鬢星星緣底短寸丹耿耿向
誰明皇仁此日元非薄猶得端居佐郡城

次舊韻示兒綰

記得趨朝戒夙期五更已聽珮環垂夢迴天上金鑾

直起對庭前玉樹枝隔歲春情未厭雙魚時達意
猶遲敬亭只有梅花好早語東風着意吹

元旦試筆限韻

芳草遙看四野新那知生態隔年春倚樓悵望非吾
土傍澤行吟是楚人跡寄隨鴻留雪瓜詩成謾興道
余真祇愁醉後忘形甚去覓西家愛酒隣

次舊韻

歲月無情可奈何誰將大藥駐羲和客懷易感逢新
寂老大難藏較舊多好雨細滋芳草地煖風先着綠
楊柯綠綠拋盡餘詩酒對景猶能一醉歌

東麓遺稿卷之四

二十一

次區西屏太守澄江舟中韻且致祝願意

謾將雨雪吐春遲會見東風得意時驪驪脫轅方遠
道谷鶯遷柳即高枝澄江千古仍如練宜守從來總
解詩祇有閑門老王述終年坐飽命稱痴

述懷二首一用前韻一用壽區守韻

四十成名也未遲古來隱仕正當時塵緣坐落蓬瀛
籍鐵翻聊棲枳棘枝天妬好春多苦用病妨佳興更
能詩醉鄉有記還應續不管人間巧與痴

一別鄉園十四秋歸心常付仲宜樓夢驚蝴蝶連霄
化身愧輕萍逐處游塞上肯詢亡馬叟溪邊行覓釣

魚舟不知三徑荒多少何事南冠效楚囚

謝區守送鹿

生來野性故難馴惠養年深也傍人庭下忽看新草
綠牕前應憶舊山春多公贈抵千金直伴我遊餘一
病身謾往惡詩聊博笑未知瓊報欲何因

哭東江老師

老淚臨風不可揮門牆無地尚誰依尋常一別中天
隔咫尺相望十載違瀛海波春龍易化華亭月冷鶴
空歸可憐宗伯新恩命剛付丹旌萬里飛

哭熊峰老師

東麓遺稿卷之四

三十一

曉起驚聞熊耳傾士林相顧黯無聲典刑一代歸元
老騷種何人繼主盟青簡特書賢相傳白頭雙涕病
門生向來圖史應誰付腸斷西風萬古情

石亭書報熊峰東江兩公計答之以詩

雙鯉遙傳尺素幽病牕屢履走閒緘繼聞木壞山頽
詠濕盡江州司馬衫三泖吳松天下壯一峰熊耳望
中峴兩門桃李應無數令德空碑誰與刻

次舊韻寄石亭

論文對酒渺難期雲樹相望各一垂訪夜不來淮浦
棹贈春欲折敬亭枝虛名老矣嗟何得荒徑歸歟賦

已遲浩蕩和風寧有擇祇常枯樹吹

王都閩美卿督漕縣宣城府幕

乘槎來問宛陵津道路喧傳是里人
畫擁旌幢看有色話深鄉國分逾真
松楸迢遞三生夢雨露淒涼幾度春
瞻掃禮成光寵地百年幽壤識皇仁

壽高堂教八袞

發研義舉了窮通拂袖歸來鬢未蓬
匝砌芝蘭占善慶繞門桃李識和風
三春愛日如年末六韻新詩多少工
應解即君凝睇處白雲常指海天東

壽章亦爲高翁代作

東麓遺稿卷之四

二十三

城邊滄海連三島屋上青山接九僊
也知丹泐非故藥始信塵區別有天
筵依南極光委照桃占東風花欲然
膏騰萬事付一醉起撫玉樹庭階前

寄題二老橋用杜韻二首

幾度經營二老同等閑弘濟道仍通
影沈碧落千尋底力矻狂瀾百丈中
匏葉淺深何必詠野航來往謾無功
有時成興尋詩句拄杖雙雙過水東

聯步橋邊悵莫同千山那隔夢魂通
清秋烏集銀河夜霽夕虹飛碧澗中
鎖斷王添增地險釣連風氣補神功
西新湖上名還好高摘相望不愧東

遜加冠次韻一首最之

別汝年多意倍親昂藏憶是丈夫身
峨然元服捐童志茂矣書香屬後人
顏扁詞林名可續堂成寶穡氣增新
丁寧送抵三加祝曉旭初春正及辰

聞遷官報書懷二首

抱病經年日對山又乘別駕過雲間
嘯歌不廢從前興行拙何能到處閒
綸綍量移滴宿員泥塗重辱愧衰顏
獨便踰紀鄉園夢剛餘春作伴還

曠然寬詔下彤闈東楚茅堂願不違
事異賈生宣室召情同李白夜郎歸
故鄉猶在驚虛繳野性難馴厭

東麓遺稿卷之四

三

世機祇有敬亭山可念它時回首定依依

詠竹續溪胡封君別號汝誠乃翁也

獨愛臨軒對此君幾回援筆爲書勲
擅柔勁色詩醫俗瀟灑秋聲思絕群
興好月陰經夕詠吟成雨葉隔牕聞
歲寒更訂同心約可逐炎涼草草分

別敬亭山

孤雲來往鳥群飛千古乾坤此翠微
徙倚撫欄臨別意詠歌攜手暮春依
晴嵐拂座憑高迥暝藹棲林帶月歸
重約山靈應未卜相逢却恐主人非

發常山

前舟東下意何如南嶺青山若送予吏設有程寧適
性鄉園信美苦離居夢驚世網頓成壓力倦征途久
未舒遠愧舊盟猿鶴侶勒移應已謝逋車

哭東江几筵

常擬登堂拜我師我來翻是哭公時九峰望峻石終
在八座恩崇晚結知棺到蓋餘公逾白玉當焚後色
尤新衆局耿耿還聞否應爲斯言一領之

恭賀萬壽聖節

日躔壽次已多時正是虹流鳥降期歌舞初陪文石
陛嵩呼遙致華封辭九夷欵塞驚神武萬國來琛荷

東麓遺稿卷之四

十五

聖慈寫得當年金鏡在丹宸不盡小臣私

聞各處災異感懷

四方異報日相尋杞客憂多不自禁還向消弭占聖
德每從仁愛識天心祥衆見說朝端措野雉曾聞鼎
耳音正欲排雲陳故事那知閭閻九重深

寒菊

誰與香叢久護持傍籬又見兩三枝不隨氣序寧違
性獨立風霜豈後時佳色未應秋節媚貞心唯藉歲
寒知掇英汎酒還成句刺得陶家一種奇

早朝

金門初啓漏聲殘曙色熹微帶薄寒詔奏乍疑天上
作樓臺半是霧中看九重雲日瞻光彩一代威儀識
漢官莫嘆腐儒通籍晚生平畱取寸心丹

初賜扇

分得天風一握輕半規涼月向人明綉綺巧截琳琅
翠齊練新裁冰雪清內史題箴標格詔宮絲繁彩祝
長生小臣此日承恩始願播南薰溢頌聲

初見內閣前芍藥

名花一種廣陵傳慕見開當紫閣前天近香浮三殿
滿地清根與五雲連品題未羨桃夭詠拆贈休吟秦

東麓遺稿卷之四

十六

消篇唯有翻堦新句好一聲歌闋興悠然

登第後寄所知

旅食京華二十春香園纔放一枝新鏡中每咤將衰
鬢夢裏猶憐未遇身薦信南雲經歲路馬蹄終日六
街塵宦情羈思俱寥落却羨烟霞舊主人

觀御河柳

御溝新柳暗如煙萬縷長條淨可憐色借玉波真得
地恩承湛露總參天春風上苑遷鳴鳥斜日高枝咽
暮蟬不是灞橋分手處更誰攀折到離筵

九日寫懷

家山此日負登高誰遣優來苦自勞應客冠裳違懶
癖欺人霜雪滿顚毛籬花開晚傳詩速旅館多情借
酒逃無候雙魚定何處江城月落正生潮

寄儲麗中少參

幾度逢人問芋西等閑已是十年睽老聞健喜杯中
鬪病說狂能壁上題贈欲折梅春尚遠思多人夢路
偏迷何當報我能罷北爲抱湯筵一試啼

張約菴太守之建昌

重向江南把一麾兩州猶係士民思精金出火偏騰
價老驥駝輕不受羈阜蓋行春承寵地黃花汎酒送

東麓遺稿卷之四

二十七

公時儂家咫尺隣封上指日應聞詠麥岐

上海約菴張先生直道當官更歷兩郡俱以

廉能壅聲而與時多忤校劾賦歸茲膺公

薦起家復守建昌會饒近麓熊先生宅時

菊日也席間索詩爲別遂爲書此

官舍書懷次約菴周都憲韻

西風慘慄鴈行斜何事飄零寄海涯老矣簿書稱俗
吏蕭然庭院咲僧家客身苦憶登高伴病眼虛逢應
節花獨有故人偏不忘題絨珍重抵瓊華

寄題茅山次約菴韻

北望三峰倚碧霄中峰聞說寂巖峽名山何處還見
此蓬島滄洲應讓高豹隱晴巒常壯雨鷄鳴海日已
先朝何當縮地同携手瀨氣霜空正次寥

寄題曲林中館曹時範僉憲書舍次前韻

曲林萬木遶門斜誰結精廬詠聖涯猿鶴有盟歸舊
社烟霞無主卜隣家應同蔣逕多艾竹不學楊園祗
種花惟底階前紅葉盛西風猶似帶霜華

客有送盆菊者

江城秋色晚偏宜十月初看正未遲紅粉兩行來侍
史病眸雙炯抵良醫臨風拈麝聊乘興露蕊穠蕊忍

東麓遺稿卷之四

二十八

汎卮却憶向來在京邸庭前開遍幾多枝

獨立遣興

郡齋落莫獨憑欄風候愆和隱自安海氣釀陰常苦
雨水鄉積潤早知寒憂來徹曉常欹枕病起逢人懶
着冠眼底二雛渾不領浩歌珍重且加餐

書事

堪咲雲間老郡丞閑吟岍嶂鬢髯髯狗衣善幻隨雲
變牛馬皆名任客稱不向空中書咄咄日於澤畔醉
騰騰夜來何限東山興雨笠烟蓑有舊朋

陶圃爲蔣鉞千兵題

趕趕將軍更好文風期千載繼陶君家園日涉聊成
趣人境心閒自絕氛樽釀靈泉祛百慮竹開僊逕有
遺芬太平却恨身無事坐東韜鈴不策勲

迎春日寄家書

歲暮鄉關倍惘然客身飄泊海東偏一絨短札鴻堪
託百種深衷誰與傳簿領試嘗猶故我宦途薄涉已
華顛家園正好不歸去却恨春風占我前

二老橋成倒疊杜韻

一溪衣帶限西東赤手真參造化功惠出乘輿溱水
上穩看平步急流中岍臨竹道寒梅隔桃源世

東麓遺稿卷之四

五

許通我欲大剗翠表石眼前弘濟更誰同

除夕雲間郡齋

送故迎新併此霄脚根無繫遂蓬漂老來那作少年
感醉後不知鄉國遙疎覓野梅橫澗影青憐岍柳漏
春條江城次第饒生態選勝尋芳任客招

次舊韻一首

他方懷土古今情此味年來獨飽更箇譜望鄉何處
好愁和春草一時生坐辭深酌綠衷疾移佐明邦荷
聖明故里墳荒應滿耳寂寥誰憶在孤城

元旦試筆次舊韻二首

命也於人柰若何休將悲詫損天和衰年點檢風情

歲暮稿披華旅况多得失相承聞北叟榮枯幾許夢
南柯今朝勘破人間事祇合嚙盃一笑歌

客邸頻經歲律新數莖短髮可禁春迂遲遠棄孤明
主談笑相逢喜故人世有僊方閒是訣心餘樂地醉
爲真不知臘甕還深淺試向牆頭問屋隣

人日次舊韻寄陳石亭

浪跡無根不自期今朝誰置海東壘寒餘絲勝聊看
俗腸斷梅花空滿枝芳草蒼葭遊子遠碧雲惆悵美
人遲歌成欲寄同聲客爲倩長風一夕吹

東麓遺稿卷之四

三

雪中謝熊守近麓惠炭

經旬芳意尚逡巡六出飛花欲占春忽斷夜簷疑歎
雨漸明虛幌訝凌晨醉乘詩興尋梅逕坐撥寒爐嘆
桂薪賴有故人能送煖頻教陽煦滿東隣

近麓和章至再疊韻答之

索梅共笑幾簷巡雪片排枝彩豔春陽鳥無家迷宿
渚德禽爽信誤司晨清隣郢客同聲和寒念山樵跣
足薪更有餘狂消不得欲眠甕底就西隣

清曉再接近麓和章三疊韻答之

夢醒詩來第二巡風情真稱艷陽春幾珠錯落明人

側金石鏘鳴起我晨鹽輓幾回悲峻坂病眸三月辯
興新多君慰藉勤渠甚不負千金費買隣

元宵前二夕讌近麓宅醉中四疊韻

樽前軍令敢逡巡恐負千金一刻春主興正濃仍卜
夜賓狂剛發欲侵晨一竿藥火移星斗四座蘭膏當
燭新卻恨苑牆遮不盡平分光影與比隣

壽近麓

壽筵嘉客更須招美景良辰併此朝萬戶華燈欺白
日一年明月讓元宵間闌生意皆春脚歌頌遺聲是
累描祇恐鶴城難久借即看雲翮快扶搖

東麓遺稿卷之四

三十一

寫懷五疊韻

登樓翹首日忘巡又別東山一度春遊客小齋常閉
晝憂時中夜欲呼晨幾於宦路嗟浮梗敢向清朝嘆
積薪獨喜文房舊交在相看長卜歲寒隣

陶東谷送稀飯酒六疊韻謝之

君家痛飲兩三巡又過牆頭麴米春莞爾三盃聊共
月頽然一覺已忘晨身悲遊子常懷土事感荒言欲
賦新惟有醉鄉餘樂地擬從陶令卜芳隣

近麓送漢書七疊韻謝之

百卷無遺老愧巡蹉跎空復嘆青春耽書成癖終難

藥暮景侵人豈再晨珍脫牙籤新插架寸陰尺璧合
燃薪官曹職業還依舊祇恐吾伊又惱隣

雨中撥悶八疊韻

新年風雨慣無巡似為遊人妬好春萬井渺瀰兼隴
畝終朝黯慘錯昏晨牀牀屋漏無乾處頻頻烟迷苦
濕新何許最高堪縱目浮圖百尺在南隣

登興聖寺鐘樓

獨倚危欄四望通摩挲淚皆尚蒙蒙鄉山一派西牕
外烟樹萬家春雨中欲賦旅懷憑禿穎自疑身計閒
孤鴻共誰更上浮圖頂老衲逡巡未肯從

東麓遺稿卷之四

三十二

苦雨獨酌九疊韻

夜雨燈前酒數巡紅光入面一時春虛簷響徹難成
夢濕鼓聲沈不報晨泥滑馬看龍似驚厨中爨撤屋
為新明朝試向街頭望比舍牆傾莫認隣

示兒十疊韻

韓公誨子戒逡巡我亦歌謠惜爾春滿腹詩書人上
品後生時節日初晨聖於發憤仍忘食士有行吟且
負薪聽取斯言知困學管教書錦耀鄉隣

過陸儼山浦東有述

樽前談笑把花枝二十年來踐此期失路相看成一

夢出門誰遣漫多岐華堂雅集文星聚獻歲新晴太
皞私它日浦東傳勝跡爲公刻石紀蕪詞

遊浦東園

端居經濟有餘才小試園亭數畝開帶水市園渾鎖
斷王峰何處盡飛來紅殷字認題名款有破痕畱印
履苔我屋東山今別久舊栽松菊想蒿萊

投効書懷

好問雙溪理釣緝東風猶及故園春鶯花供我愁新
句猿鶴尋盟認主人彭澤去緣懷經菊季鷹歸可俟
秋葦祇餘海嶽隆恩在未答涓埃愧此身

東麓遺稿卷之四

手三

畱別軫峰太守

論交春榜姓名聯此地重逢是夙緣顧我衰蒲慚倚
王醉君醇酒欲忘年一枝暫借才仍屈多病歸休性
所便從此良宵那對月滿天離思雨綿綿

聞兄六袞次 机兄韻并致祝頌意

並是霜厓松桂秋蒼然一任四時周冥鴻寥廓看雙
矯清世翺翔賦遠遊醉舞衆誇誰寂健病歸天遣李
爲儔東溪咫尺相望地來往過從稱葉舟

管豫丘有述 爲雙嶺而虛左以俟

漫爾茲原寄一坯逢人何必閒眠牛重泉可作心應

樹異日同歸願始酬實新山靈空秘惜巧移造化費
雕鏤踳齟甚賞還堪戀合同蒼厓勒豫丘

哭內

蕭瑟西風薄總帷雨聲入夜益淒其回頭往事嗟成
夢滿眼新愁語向誰內教森森傳世範燕謀種種是
孫貽含啼欲寂生平跡巨碣深剗不愧辭

望豫丘

極目層雲是豫丘從今無日不登樓魂銷幾許招難
復淚徹重泉拭不收病裏短歌聊自慰賓筵斗酒共
誰謀如何四十年來事祇抵須臾一夢休

東麓遺稿卷之四

手四

九日登小東望豫丘感懷

客邸登高鄉思生那知此日百憂并不堪汎菊囊茶
景翫作吞聲枝淚情雙背盡邊隨鳥沒一丘天際與
雲平憑誰爲寫新圖障終日摩挲眼更明

同黃伯貞湯時敏過豫丘庄次韻

兩溪流王萬峰雲占斷風烟世可分地有奇逢來上
客盤無兼味愧東君品題珍重金信敏捷驚傳二
妙文郊咲衰蒲秋色早猶堪追逐嘯歌群

再疊一首

相逢萍水散浮雲岐路明朝袂又分眼底新枰千百

局燈前舊話兩三君北門署憶他時夢東壁下騰此
夜文休向瀛洲問僊侶邇來鹿豕已爲群

次伯貞韻

帶水纔通一葉航儂家見慣客初嘗臨風酒罷涼侵
戶山月吟成影到牀愁鬢蒼蒼霜欲滿幽懷耿耿夜
偏長邂逅嘉會聊開口遮莫兒童叱老狂

登豫丘絕頂次時敏韻

際會從來會有時山靈潛喜遇新知什藏至寶初開
秘三嘆高人爲賞奇倍價頻增詩借重新圖類換客
勞思歸舟何日能忘此林月溪雲已暗期

東麓遺稿卷之四

王五

訪劉之道先生故居

手披榛逕間遺墟竹樹荒涼野老居獨有溪山畱勝
跡久於文字仰芳譽百年清淑鍾人傑咫尺風烟接
草廬芒竹偶同詞苑友紀遊無述總成虛

宿豫丘夜話次時敏韻

良宵文會又重論共向茅簷倒一尊同館遊從看白
首晚年光景似黃昏問奇錯認楊雄宅吊古閒過待
制村倡和欲題岩上石祇愁風雨沒苔痕

歸舟限韻

兩日羣山與未降又枕小艇泛清江溪雲黯黯憐今

兩梁月輝輝憶夜牕刻曲勝遊還擬再騷壇才士已
看雙年來新得僅詩令起問君前倒巨缸

倒疊一首

客厨寥落笑空缸虛對遙峰倚玉雙擘指孤雲依浦
樹寒驚飛沫濺船牕連朝興劇山陰棹一曲清踰杜
老江誰詣騷壇文士休戰餘勇氣竟難降

夜飲再疊

剛客談鋒總未降坐驚衾衾瀉春江風傳霜信先侵
幌雨送寒聲欲破牕臥雪調高元和寡秦城價重可
求雙祗悲斗酒無謀處試向西隣爲借缸

東麓遺稿卷之四

王六

茅堂疎雨喚薨缸一嘆剛銷短炬雙攬勝初迴靈運
屐搜奇又斷令人牕雲開青嶂娟娟月霜冷丹楓湛
湛江病後睡魔偏作惡冷然今夕爲君降

憶豫丘限韻

在吳墩作

長谷真如太古龐茅簷終日臥村厖山迴恍入天台
路雲擁驚傳翰苑幢深夜對牀憐舊雨穩舟劈箭憶
寒瀧濟川自嘆非吾事漫起沙頭百尺杠

謝黃湯二君過吳墩限韻

臨發底事不能饒鉅痛那堪骨欲剗歌舞傷心前日
讎銘旌杖淚舊時銜高軒過我能聯榻實劔懷人謝

啓函祗恨已非接轄主朝來無計挽歸帆

曉發埃墩與南谷話龜峰之勝約同遊

晚吟豈是從詩饒巧句難成竟日剗回首碧雲千嶂
合推牕紅日半山衙地多勝處堪同棹酒帶餘醒重
舉而晚運自占通達在乘風六翮快飛帆

江清湖來自山陰會于邑大夫彭山所贈

予以詩次韻

興來一棹輕千里起我穩步疑屐忙交重難虞情乃
見老投簿領拙難藏樽前葛水縈帶碧海上嵇山倚
劍蒼良晤忍教容易別張燈直擬徬於元

東麓齋稿卷之四

三十一

豫丘閑步感懷

鸞翥龍翔半入雲芒屨竟日鹿爲群分明造化真私
我如此溪山豈負君遺恨百篇難盡寫哀歌重壤也
應聞他年較量爭多少况迫西峰景欲曛

次青湖贈彭山韻

時青湖子送來嬌于季氏

蘭臭誓同寒歲節天桃剛及艷陽花重來道路渾疑
夢爛醉生涯不問家爲嶺興乘清夜月龜峰遊擬赤
城霞老天也解留驄馬雨脚簷前正似麻

歸途觀篠西溪橋用舊韻呈李彭山

休叱山僧眉半龐峰頭曾聽吠玄龐四周丹壑神僊

島夾徑蒼松大士幢絕黃竹芒瞻獨步重遊歲月嘆
奔龍不愁斷岬無歸渡秦浦飛虹幾處扛

秋曉山行

濕翠芒鞋草露滋寒期曉發日遲遲山從雲際出來
盡身在畫中行不知萬井青黃標稔歲數株丹碧染
秋姿祇緣藥裹關心久總負茲遊七度期

登豫丘

春來一臥涉深秋今日重過舊遊得意溪山堪愈
疾宜人風月解消憂百年共誓餘衰骨終古相從亦
此坏口自語心還自嘆九事某路尚聞否

東麓齋稿卷之四

三十八

寧吾菴曉望

渺渺炊烟雜雨昏竹籬眠犬未開門峨冠儼立山當
戶長珮瑤鳴溪抱村別有乾坤遺世處絕勝浮村避
秦源更隣好事多隣父酒熟頻招一倒樽

次陳石亭言懷韻

鬢邊霜雪逐年增孤寂于今不羨僧多難早衰宜自
量急流勇退豈予能閒同立海風前鶴飢俚依人臂
上鷹新貴紛紛盡同學姓名誰問舊來朋

壬辰元宵病初起用石亭韻

老入新年老轉增遺形欲問大顛僧傳觴燈下愁難

進步月庭前怯未能病起癯身渾似鶴奮飛鐵腳豈
如鷹故人名姓幾忘邨溪子山翁總是朋

次系韻

祥星宿麥三番雪富足豐家萬窖錢虛館恍疑明月
夜遙吟誤指白雲顛天於舊歲留詩觀史合新編紀
有年報道元朝好晴景紙牕寒日影微穿

士辰首正新晴病步日述懷呈 机兄

小步彎前病力慵兒童初見叱龍鍾晴開綠野堪隨
杖瘦比蒼厓却笑儂漸向革經窺損益肯看匣鏡嘆
動庸更誰參得丹方訣脫屣人間我願從

東麓遺稿卷之四

三九

上元喜晴 是日甲子

閉門一臥幾經旬落莫真應負此辰把酒看燈那免
俗臨軒待月漫隨人間樂盡清時象甲子晴開獻
歲春非是今朝愛吟咏十年曾忝舊詞臣

次机兄韻

新春巧放此朝晴團月華燈總倍明氣爽蓋回貞礎
潤夢沉初斷夜簷聲推牕驚喜拋書坐出戶蹣跚試
足行不爲宿痾消滴禁定將耐節酒同傾

再疊步日韻奉答机兄

久違世路日踈慵灰冷何心及金鍾病起筋骸渾異

昔廢來耽髒故猶儂詩書遺澤兒承緒農圃生涯僕
奉庸但使餘齡天幸假杖來着處鎮相從

初至書屋即事

病入新年又月餘起看書館亦蕭疎牕扉開澁封蛛
網卷帙拋殘穴蠹魚艷惜苑桃紅半褪柔看堤柳綠
全舒平分春事猶堪賞策杖擎舟與可虛

書事

山居不與世相關誰報新聞嚇病孱遊弄穀中那避
險看人忙裏且偷閑皇輿廢味千年會神聖憂勤五
帝班底事把人情未釋淚痕仰屋暗雙潸

東麓遺稿卷之四

四

宿田庄望雨

連日陰雲黯不開千峰鬱蔽更崔嵬時時幾點前溪
雨隱隱一聲何處雷纔得剝塵猶樹意若教破塊便
嚼盃龍湫咫尺西山澳一起幽泉沛九垓

獨遊

似共茲山別締盟來遊頃覺病全輕濃春着樹翠可
撥好鳥傍人啼有情雲岫半籠占雨候澗流分逕趣
時畊一丘占盡風和月爲語名場莫浪爭

雨飲隣家

病來禁酒已經春多謝隣翁意最親竹舍獨斟聊對

南華樂數爵也醺人白衣蒼狗浮雲世相蝶遽周大
夢身惟有醉鄉是真境願從焦革卜芳隣

喜雨

山雨來時雲滿空
曉驚簷溜倒天
腹快飽新水催
衡泥豐年飫
曉驚簷溜倒天
作合哺共喜際時和數聲鷄犬雲中社一幅丹青烟

外簑濕墊葛中還更好風流肯讓郭生多
次机軒兄喜雨韻時在杉田別業

東麓遺稿卷之四

四

詩來律呂協虞韶正屬山牕聽雨朝千里潤回桑野
早萬聲歡動海門潮建瓴高屋徵田子閑下仁天準
帝堯欲把一竿臨石瀨風簑烟笠興蕭蕭
忘餐閑早豈綠韶望滿三農幸此朝簷脚晝看匡阜
瀑牀頭夜枕浙江潮月書不雨翻瓠魯民阻調飢正
側堯更欲構亭同志喜一樽相對共蕭蕭

薌溪新聞漫書

東榮西悴漫紛紛報道山中總不聞久謝塵籠閑比
鶴漸看世態澹於雲短章願日頻書取新築城功自
策勲此外素餐無一效祇祈豐歲答吾君

豫丘樓成志喜二首

如此溪山合此樓眼前突兀願方酬百年形勝茲辰
壯四面烟霞一覽收留宿候迴雲外駕經管謝邨道
傍謀不知燕雀憑誰報已過梁間繞數周

結構纔成喜不禁便教鋪板試登臨憑欄坐挹千峰
翠送目長舒萬里襟初夜捲簾先得月西榮避暑寂
多陰何當直鎖溪流斷免被東丹逐處尋

豫丘堅造日雨霽有述

爲愛茲丘面面峰小管環堵寄吟筇雨暘有意應憐
我風月無邊盡屈僂適爾時來逢吉會果然人欲荷

東麓遺稿卷之四

四

天從他年話靶還堪紀拂壁畱題宅老農

苦雨遣興

早來望雨雨嫌多其罕茫茫奈若何寸步出門那易
致終朝閑戶足悲歌堦前徙穴看行蟻座上環燈見
撲蛾莫向天家浪嗟懊五風十雨是年和

作弟遊豫丘有述因次其韻

秀出群峰竇不孤染毫聚米總模糊玄珠象罔那煩
知駿骨驪黃豈按圖草閣不局雲嶺合桃源無徑王
缸鋪從來漫說牛眠處此地還應得似無

憶机兄重遊約感懷再疊一首

此登臨興日孤摩雙臂淚模糊高秋追逐逐成虛
約小閣經營亦浪圖霜菊一籬金半折暮雲千疊絮
平鋪可憐風景都依舊獨覓當年杖履無

閱 兩兄戊辰京邸別予倡和三復流涕因

次韻志感

遺墨如新恨可窮黃梁未覺五更鐘
短宦况灰寒豈病懣名在靈區齊斗岳身逢堯舜定
夔龍網常千古中天日猶賴師丹疏一卦

生離死別不悲愁
隔蓋棺已矣總雲浮碧山攜手烟霞想丹徒同聲廟

東坡遺稿卷之四

四

社謀高塚東西相望地千年雙峙萬峰頭

九月陪金溪張方伯登覽東山新阡午後再

二費內翰重登次舊韻二首

廬邊千仞倚岩堯上客頻登似夙邀暑戀白絺輕未
換風吟黃葉颯初飄望中忽酒齊侯泣地下難憑楚
些招漫把舊題和淚續終天遺恨幾時消

今朝豈是愛登臨百恨無端日併侵
眼衝愁綠醕苦熏心鴈緣失侶飛偏疾蟬爲悲秋咽
不盡記得一盃亭上句鏘然如響尚如今

九月兒曹同秀才張檣遊豫立有作次

之

朋佳節可教虛瘦馬行吟愛步徐殘暑秋淹期屢
換新涼雨借興何如白衣誰送江村酒清梵還尋老
衲居籬畔未花何處覓定知歸路重踟躕

得聞尚友書書尾附畱別詩用韻述懷答之

玉堂鎖闥一浮塵俱是天涯放逐人醉後書郵偏盡
意夢回梁月忽傳神形癯老去驚逾甚家難年來苦
太頻同館青雲今滿眼交情生死竟誰真

蟻舟夜過費民受新居不遇

瞥見桃花覓水源一灣新碧抱漁村微燈獨對沙邊

東坡遺稿卷之四

四

鳥漫刺空投月下門乘興扁舟遊合再論文樽酒約
猶存不知避客緣何事搔首沉吟達曉暾

歲暮書懷

歲暮茫然不自聊出門無侶覓漁樵眼前觸事傷離
析老去何人慰寂寥幾處舊遊魂欲斷一坏新土首
頻翹隣歌村鼓家家醉縱有壺觴豈解消

癸巳元旦試筆

年來身計轉蹉跎六十今朝奈老何頭上雪霜看欲
滿壺中日月恐無多門庭新帖題春早畎畝微忠願
歲和最喜謝賓風雨好開門掃軌足高歌

寄壽胡竹亭八袞

巖巖芝山屬望頻鄉邦耆舊更誰隣
軍機儘三千丈袖手勛名四十春
背郭結茅脩竹裏出門鼓柵大
湖濱知公剩有怡神地不用蓬舟訪道真

癸巳元宵次 机兄舊韻志感

浹辰風雨妬春晴贏得良宵月
乍明燈火誰家看列宿填
蕩隔歲憶同聲短歌倚韻成
已調小步乘橈學禹行恨殺
老來多感愴每逢佳節淚如傾

謁兄机軒墓

曉來登望重徘徊芒竹遊曾幾度陪
千里鍾靈元手

東麓遺稿卷之四

四十五

卜重泉埋玉使人哀晴烟雜霧還蒸
雨舊路封泥半蝕苔始信浮生真過客
百年鼎鼎爲誰推

癸巳清明雨中石鐘山掃墓感懷次合溪韻

風雨離離步墓春經心物候正愁人
柳寒吐穗金猶短鶯雜調簧韻未勻
別業新營遺指點招提小步憶行塵
如何隔歲成千古洒淚淅然獨薦蘋

竹林午蔭

新筍纔看未滿尋檀藥秀色忽成林
縱橫籜解牛羊角搖曳枝鏘環珮音
畏影侵人頻徙席快風來面一披襟
何當坐對秋枰手楚漢雌雄盡夕陰

橋邊獨立感舊三次杜韻

橋邊拄杖幾回同誰道儂源一夕通
嘆逝俯臨雲影上濯清高誅月明中
囊空家費千金貨石湖人歌百世功
試看征途懷德處往來翹首小鳬東

机翁坐所

吳節齋邵倅考績

芳聲籍籍徧湖東報政懸知第一功
今日循良多漢吏從來治行屬吳公
催村醕似前人拙仕宦羞爲世俗工
我有佩刀常什襲臨岐把贈百金同

喜秋成

千村刈穫起吳謳久住田家樂有秋
白粳抄匙家王

東麓遺稿卷之四

四十六

食黃雲覆壠地錢流飽嬉不歲知誰力
學稼逢年愧道謀漫說江湖遺世計那知
豐歉係深憂

机翁忌日次張合溪

堂堂歲月海波馳時物更新倏已蒼
追憶生平渾似夢重臨此日不勝悲
含哀欲想天應泣社會難徵語亦欺
祇有一般清白味後人傳得這些兒

疊忌日韻答合溪

轉眼浮生隙驥馳別公如昨忽云暮
怕經遊釣傷心地况值秋風重客悲
一臥東山嗟不起百年南簡肯容期
古今多少忠臣淚休問茫茫造化兒

中秋不見月次系韻

一年明月今宵最，倏被層陰負。此秋令節，歡娛真可惜。上元燈火，若爲謀暗巡階下，葦難數，獨酌花前飲。亦羞變態浮雲，不終夕可能少待共看否。

又次合溪韻

西樓待月夜遲遲，休向牕前唱竹枝。萬里沉陰霾皓白，一年樂事負佳時。圓規天上原無恙，缺限人間浪自悲。試看中宵雲散盡，清光依舊未曾移。

次合溪秋夜韻

商飈一夕奪朱炎，况有清空皓月兼。花送香陰侵曲檻，竹敲玉韻落虛簷。數聲楚漢常臨戶，一枕羲皇半下簾。却恨有人當此際，翻將雙涕濕重苫。

東麓遺稿卷之四

甲七

客有贈菊數本者，節近未開，詩以促之

甘菊移來蕊尚青，託根得所置中庭。採供佳節時雖晚，招喚芳枝酒亦馨。風生看長王露如催放，苦丁窻若緣宿禁辭。消滴事，饒陽五日飴。

陶境歸來久已荒，離邊不見幾秋黃。故人遠贈雙金直，華檻深籠五夜霜。火急令憑詩諭意，節臨花謝鼓催粧。明朝對景能開否，三嗅風前爲爾忙。

續詩催菊，督過嚴切，次韻爲菊解嘲

竹將節序譙東籬，自是江南物候遲。粉蝶慙慙金錢小，已含枝良辰佳色。雖衍素晚歲孤標正，傲時嗟爾無言誰會此。解嘲一爲寫新詩。

九日携兒曹遊豫丘，再疊舊韻

登高無菊也成虛，問訊花神爲底徐。生世百齡行客是，深山一日小年如。離群且喜兄爲伴，避路方依此卜居。祇恨來遊常不數，歸輿臨晚更踟蹰。

次合溪九日書屋，譙用舊韻，二首其一自述

是日携兒登豫丘，草堂一吟合溪致政。

豫丘直上幾千仞，小飲猶勝下。身身在畫圖，吟可

東麓遺稿卷之四

甲八

廢酒辭消滴，禁須開天如假我。三秋霽日擬將雛，一度來謝屐欲穿。歸未得儘教雲寺，曉鐘催閒居是處登臨地。况有合溪溪上臺，此日勝遊須我共一樽。芳醪對誰開，贏輸幾許蝸蠻戰。得失無端塞馬來，嘆傲相看俱老矣。可容歲月苦愁催。

吳別駕見過

曉簷圓日倚西軒，忽報屏星款草門。汎菊樽空隣可問，登高節去興猶存。迂狂成性知違俗，衰病經年懶出村。祇喜山牕眠貼席，更無一犬吠黃昏。

六十自貽

當年壯志咲馮唐不覺因循鬢有霜道遠遽非猶未
化家貧向願始初償北門清切名難忝東麓寬閒拙
易藏俯仰隆恩慙久負祇將耕鑿頌時康

宦海驚濤幾側身却憐今日是閒人從衰得白乘秋
令習懶成迂任性真新月照樽堪卜夜小春回煖好
娛賓風光如許應天假入手盍莫厭頻

歡娛豈合與憂併感恨那知此三翰聯芳餘朽
質百年偕老惜寒盟病體空乏詩書可
代耕從此身閒應少累破愁

諸第姪各有詩為書然和鳴誠一時盛事

東麓遺稿卷之四

四九

不可虛辱各依韻酬之以得詩先後為序

鑒坡官府九天僊厠跡追趕枉十年少出老歸聊任
運醉行潦止漫隨緣興來壯志當歌發病起衰顏借
酒鮮更喜今宵成雅集森森蘭王謝庭前

次遜韻

歸耕溪上分宜然久玷詞垣合避賢得意雲山多警
句寄情木鴈有餘篇舉盃對影邀新月種秫畱賓遇
稔年醉後婆娑君莫謂風流還肯讓人前

次素韻

每愛唐人賦醉僊不勝盃竿已衰年學樊漸識田園
趣擬向會窺損益編座上金壘吹水酌庭前甘菊待
霜鮮夜來飮聽填麓奏老我無能愧後賢

作韻

開樽剛映壽星躔痛飲狂歌學少年白雪盈顛看獨
老青雲換武賴諸賢宜人風日供嘉會照眼珠璣累
巨編談咲一堂無俗子衣冠秩秩稱家筵

未遂猶遇始生辰拚醉深傾臘甕春玉署金鑾無應
夢清風明月屬閒身年光流水衰逾疾時事圍棋局
轉新迂拙自知違世用碧山終日對嶙峋

次系韻

東麓遺稿卷之四終

東麓遺稿卷之四

五

東麓遺稿卷之五

詩類

次靜菴兄韻二首

行年六十已非春且任兒曹競此辰
四座磨砢文字飲一樽相屬太平人
天回節候成喧令居占烟霞隔世塵
更假餘齡陪笑語杖藜來往甚辭頻
兩翁成綵映酒卮與兄同訂歲寒期
家門研讀貽常產心地冲虛樂壽基
興寄棋枰機漸省老語世味句偏奇
靜中多少寬閒境肯較人間險與夷

寄菴

百年擾擾寄人間公寄茲菴刺得閒
聊向軒岐窺秘奧偶從期羨扣玄關
靜同野鶴無羈縛出共雲山漫往還
郊吟市朝成老漁幾時超脫出塵寰

同伯貞登嵩山濤聲石用壽日韻

俗傳疊石事荒唐位置分明不計霜
靈跡茫茫千古蔽風懷耿耿一朝償
字漫崖面封苔藓座倚峰頭撒蓋藏
祇有避秦遺柵在吟談指點慶時康

伯貞登觀音峰予不能從侍于山庄用舊韻

即事志感

群峰環拱讓岩堯携手當年也漫邀
祇爲勝遊良易

續知王樹忽先飄會奇捫歷看忘險
抱病衰孱苦嘗招陳迹眼前悲昨日
情騰都付醉鄉消

雲邊鴈過只平臨白藹蒼嵐冉冉侵
賞望欲尋前日約悲涼非復向來心
老狂曳踵猶堪強逸興撩人可自禁
邇近成歡常隔歲始知一咲抵雙金

長至日見盆菊盛開黃白二種次九日催菊韻

黃花久逐秋風去爾遲含芳不厭遲
宜待一陽來復際始看兩色競排枝
飢辭真無侶百卉榮華各有時
細細商量

長至後

東坡韻二首

皚皚四野噪飢飢和輶素車灑竹清
憐敲玉佩壓梅妍欲闌春夜孤舟寒
笠堪乘興匹馬關山正憶家
曾似端居饒况味擁爐覓句手閒叉

穰穰幾陣復纖纖冬半玄冥令始嚴
有客牧鉞矜寒節誰家刻虎戲形鹽
蔡師奇績乘清夜郢調餘音操畫簷
何處最高還一眺東山堆璨玉峰尖

除日得南谷詩次韻答之

南谷奉檄從事

離索無何歲過山舊看蓬鬢轉珠絲
把吟新句遙知億坐老明時
默自慙諧世聊從漁父問遺形合就大
顛參儂今宦味幾如水祇向樊園賦老饒

歲暮茫然兩地懸芳樽佳節阻良緣一年流水歸何
許萬事浮雲過目前迂拙人堪供簿領衰慵志雅向
林泉獨賢自惜勞行役試檢王臣從事篇

憂旱 甲午夏旱踰月

赤日歔歔然望雲雙眼幾迴穿屏居咍鑒歌堯
壤慘目蕭疎泣舜田縱閉漫勞兒女戲主張誰秉雨
賜權休言百畝非吾事寧歲饑食慮正懸

立秋前望雨

早魃憑陵不肯休公然歷夏復臨秋蒼天顧盡三農
血赤地憂深卒歲謀河伯無家曾轍鮒汚邪絕望况

東麓遺稿卷之五

三

既窶哀歌真罕應憐我坐待甘霖一夕周

喜雨

一雨知時萬稿蘇喜狂繞舍但歌呼篝車滿望歸農
缺枕簾餘涼及病夫造化於人終不棄雨暘真宰定
難謫可憐多少焚如地翹首雲霓泣後吾

又雨

喜雨成歌不恨遲兩番直荷老天私一涼解愠恩非
淺萬寶回生富不訾多病連霄便穩夢半收百口免
啼飢明農獨有年豐祝飲聽歡聲坐欲癡

續兒買馬得吾京邸舊物感懷

九陌鳴珂不覺鞭重歸皂棧事堪傳險夷歷偏神猶
王歲月更多智更全剪後看呈前日熊低回索向主
人憐從今園養能終惠應誓驅馳直盡年

修橋工訖感懷四疊杜韻順用

舉觴自勞更誰同平步凌波一徑通化出功疑神鬼
捷裁成真逼畫圖中靈烏秋漢能爭巧野渡春潮漫
紀功從此尋詩有餘地興來無日不嵯東

逆用

碧流無復畔西東人力真參造化功天矯長虹臨澗
底分明管室正昏中漫誇有水乘輿惠應信天河有

東麓遺稿卷之五

四

路通此日落成增感愴倚欄吟望與誰同

湖翁試舟沙灣與合溪唱和往復數十首合

溪見示次韻得六首前四美湖公後二答

合溪皆兩翁遺餘掇拾備數云爾

飄然一葉汎湖船梟梟橋竿五兩懸祖揖亂流烟渺
渺吳歌發棹鼓淵淵立沙白鳥情偏狎浮水緋花路
可緣遺世風流誰得繼他年應向畫圖傳

河上乘秋好汎槎一灣門外路非賒寒蓬得句揮椽
筆倚棹看山岬帽紗百尺風檣飛退鷁兩崖霜葉散
餘霞漾波未必能勝此祇是詩翁特解誇

雙溪剛着釣魚船同榜誰人興日懸利涉自應諷蔡
上學操端合問觴淵朗吟麗句情何極悵望僊舟去
未緣縱欲品題空想像箇中真樂竟難傳
閒來正擬附僊槎渺渺江湖興不賒葦舫曲洲妨百
丈蓬牕深碧浸曾紗東遊未極還西汎朝出忘歸及
暮霞除却此身貧病累道隨行樂好同誇

合溪詩至用韻奉答

幾迴欲棹子試船雲水蒼茫一舍懸索處空山歌伐
木幽棲勝地喜臨淵廢來剩得閒中味老去思投物
外緣燕石也知難綴玉微名須附二翁傳

東麓遺稿卷之五

五

持竿學釣兩溪槎抱壘投閒歲已賒齒病經年辭淶
醕性迂見客懶烏紗高歌幾調飛春雪綵筆連編閨
晚霞遺響餘光真起我擊樽三復使人誇

用湖老書翁韻一首勵兒曹秋闈失意者

負却郊林一度秋向來歲月太悠悠傳家世澤須人
繼催老年光競水流九仞功成虧一簣三冬寒可索
重裘群居莫漫臨深看着脚須登百尺樓

重陽對雨酒中示諸子

冥冥烟雨罷登高悵望幽懷正鬱陶青蔬駢枝花尚
晚白衣爽信首頻搔良朋零落追前夢家譙歌呼對

爾曹滿眼溪山待晴景杖藜隨處足遊遨

再疊四首寄湖老

矯矯龍驤下蜀船絳幡今日合教懸久拚避地踰三
舍始信神機杜九淵閣上麒麟忘舊侶江邊魚鴈締
新緣不知綠野堂中老解有風情似此傳

結纜沙灣傍釣槎無邊風月不須賒澄潭見底堪醒
酒薄露侵肌正怯紗夢遠江湖寧忘世顏還童稚更
餐霞璣珠錯落驚人眼信手拈來益可誇

明月清風併一船竹竿八尺縷絲懸雲行雨後閒歸
壑龍遇潛時懶出淵川楫正深天下壑滄洲未斷此

東麓遺稿卷之五

六

生緣丁寧篇什雖珍惜好事于今已盛傳
身計漂漂海上槎春衣典盡酒仍賒袍樽邀月還醕
影蓬鬢臨風欲墮紗宿壘分甘樓數澤良醫方不瘳
烟霞自尋樂地無人識豈是偷閑學少誇

再疊六韻答湖老

常羨登僊李郭船風流此日未應懸狎人鷗鳥來迎
棹知樂儵魚出戲淵道誼通家同臭味沂沿一水足
寅緣向來詞翰真雙絕願乞山莊末世傳
枯腸索盡已如槎八斗餘才肯見賒獻吟山謠宜覆
甌澆人土面謝籠紗烟光入望平連水雲影沉波半

帶霞此景此遊那可負敢將新句向公誇

興刺南溪始放船高名應共斗杓懸隨風片王光生
啞照乘珠爛出淵敢以羸犀相上下祇憑歌吟試
攀緣裴生昔解從摩詰贏得詩章一樣傳

蕭散高情漫寄槎不堪回首帝城賒雲浮世態惟逃
酒風落秋江欲換紗棋局輸贏看未着征途行止卜
朝霞須知國運關身運壽擬岡陵衆所誇

于今穩臥艤江船曾駭風濤夢亦懸身廢徬徨吟楚
澤年侵景象薄虞淵平直烟月多新令管領溪山是
宿緣舊種桃花偏夾岼飛流祇恐外人傳

東麓遺稿卷之五

春風那忍棄枯槎洗垢憂閒聖澤賒罷釣不歸眠川
舸放懷買醉脫袍紗一泓清碧呈秋色孤鷺驚飛伴
落霞詩景滿前難着語苦吟豈是爲多誇

合溪疊韻賀橋成奉答二首

閒鄰春湖野渡船倚欄干把釣絲懸題慚蜀客希車
芳藟出孫僑濟有淵勝槩祇添茅屋景福田肯覬荒
王緣時來多謝公增價好作它時故事傳

略約凌空祇臥槎中流吟望頻教賒試看徐步平如
掌更喜澄潭淨似紗下壓滄波橫蟠嶺高聯碧嶂嶺
雲霞銀河祇是盈盈水鳥鵲何功特漫誇

戴湖疊韻十章見贈奉酬四章

網載瑰奇忽滿船千金漫向市頭懸髭殘毛穎兔走
窟搜盡驪珠龍避淵交自父兄真宿分盟尋兒女又
新緣雲仍世講還今日定擬朱陳作話傳

此地何勞覓月槎常年徐市故教賒裴廉蓬背來歸
順江女船頭出貢紗釵底波通滄海浪磯邊石染赤
城霞蓬瀛境界能過是須信儂言不妄誇

弘濟應須萬斛船船囑囑四海望猶懸謝公高臥終安
晉賈傳南廷正吊淵竟日陰沉雲不散九重天遠路
難緣幽懷漫向樽前寫其遺鄰翁逐處傳

東麓遺稿卷之五

是處江邊有釣槎追隨僊老興偏賒波心掬月添盃
酒帆影回風落帳紗丹到九回捐藥物詩冥三昧帶
烟霞若教新社容衰病一度吟成一度誇

不寐

十日幽懷撥不開擁衾悲吒氣培塿茫然身計年逾
拙老矣頭顱病轉催李廣不使緣隻數虞翻常放豈
凡才從來此恨知多少祇合情騰付酒杯

獨遊

日目前山與後溪吟筇徐步少攀躋幾迴避客途還
在獨往尋梅徑不迷曾面可人空有約舒情新詠或

無題 伴倘多少 壺觴與齒病經年未敢携

紀異 甲午十二月二十七日

存雷震後雪如篩 華白山翁駭見之 真筆翁張猶不定 世情翻覆豈能期 災祥誰繼麟經筆 歌詠聊存野史遺 願祝時和供逸史 五風十雨樂熙熙

甲午除夕雪中飲系舍時真一酒熟次舊韻

五首

浹旬風雨盡 局柴對酒還尋舊韻 排入面春風青帝令 洗心清適聖夷階 堯邊空備連宵醉 地下難招二老偕 苦憶向來多樂事 填麓聲協衆稱佳

東麓遺稿卷之五

九

醖醖長樂似 蕤柴對賢抱聖豈須排 氤氲欲換貂裘煨 醑酊渾忘玉署階 竹葉香傳名漫好 蘭陵色美品寧偕 多情最是庭前雪 三醺臨風興轉佳

一咲開襟屏內柴 老來少去似推排 坡翁酒熟春浮甕 郢客聲高雪滿階 衰病也知來日短 醉狂那逐後生偕 新教鼓吹音猶澁 試論當筵亦頗佳

醉毫瘦硬直如柴 愁緒無端借酒排 雪瑞朝驚厭一葉 歲除夜宴慶三階 人間勝負終天定 吾道行藏與命偕 留取歲寒松柏操 六華雖早未全佳

耳熱如煨鵲 笑柴晴陰明白豈容排 板花頌好噴成

舍王樹枝駢擁謝階澤畔行逢漁父問山中居與
人偕朝來不踏朝元路穩臥高春味正佳

乙未元旦試筆疊韻

錯認玆盆是燎柴 雪峰遙舍王屏排 桓觴先臘春回面 不至相過雙酒借 祝歲稔微三白見 後端慶錫萬方 借題詩漫借書雲物硬語盤空亦自佳

雪中戲疊即事

荒墟十室九無柴 大雪崩騰互撥排 點綴萬花齊看盡 漫汗所紀總迷階 共春彩艷堪梅友 孤味風情許酒偕 輪却漁翁江上釣 畫中清景玉簪佳

東麓遺稿卷之五

十

用韻自遣

性愚老去甚於柴 萬事隨緣不費排 休休肯諷詹尹卜 姓名曾識貴人階 漁樵竹徑居常伴 賢聖芸廳陪語偕 了却餘生何處好 筭來祇有醉鄉佳

甲午除夕適素郎四旬系續綱先後各有詩

壽之因次其韻以寓勗諷

來逢曉日掛庭除 壯志凌雲欲質餘 削輩風流猶未沫 後來歲月可教虛 箕裘縮少千藤積 清白傳惟一卷書 從此飛騰休恨晚 千門善慶好高車

昂藏弱冠已知名 待賈徐沽敢自輕 十駕爭驅輸

聘一名雖晚使人驚興門令繼善善濟行先微

黨評三祝祖鞭須早着家聲端擬肯吾兄
南張應節是良辰豫喜門庭萬象新栢葉共傾離歲
酒花枝先漏隔年春衣冠四座皆瓊樹麋詠同聲豈
俗賓聞說家興看繼世元宗今見後來人

又雪九疊韻

雪裏何人更款柴六花片片巧如排苦吟無已常荷
戶僵臥衰安不下步訪友興來期獨博尋梅逕漫與
誰偕千峰四面森成玉別是山居一樣佳

上元雪霽十疊

東齋集卷之五

十一

月中誰砍桂爲柴燈火千門列宿排雪後素華增皓
魄斗間紫氣映台階屏居親故多成濶燕笑兒曹亦
肯偕欲識今宵好風景中秋先卜隔年佳

謁湖老歸疊韻寄八章

汪汪相度好行船蠡鶴紛紛了不懸流峙會心兼樂
壽飛潛適性自天淵滄洲趣協聊乘興綠野堂幽早
息緣他日丹成生羽翰病尋願乞一七傳
水落魚舍正可槎林收村釀也堪除風帆下瀨爭奔
馬醉眼看山似隔紗麗澤照人疑璧月至和飲我謝
流霞幾回欲飲卽卽步仙翁歸來豈足誇

今朝直附李僊船塵榻應知早下懸帆駛鶴飛過小
宋杯流鯨吸澗重淵後生疎放能相假前輩風流尚
可緣欲棹一樽供咲語澗毛溪藻也堪傳

茶竈漁竿共一槎家園獨樂景偏賒風驅遠浪半江
雪烟抹平林萬丈紗漫興百篇聊應客微醺雙臉漸
生霞傍人低作事常有應使它年想像誇

閒看乘流放盡船牙檣百尺錦帆懸清笳吹徹齊吳
榜白鷺驚飛度別淵弄月吟風聊適興厲深揭涉且
隨緣試評今日林泉下若箇如公樂事傳

東齋集卷之五

十二

林竹皮冠敝更裁紗斷雲齡蔽明殘照遠樹依微帶
晚霞此景可詩兼可畫欲憑摩詰筆端誇

合將世事等虛船漸喜年來解此縣過眼浮雲終是
幻閒心止水始名淵蔽廬風雨聊堪庇舊殖圖書正
可緣不厭蕭然生事薄菜根滋味本家傳

武石磯頭有舊槎東溪卜築歲云賒廬邊兩水繁羅
帶霧裏千峰暮翠紗衰病豈堪供簿領迂疎祇合老
烟霞何當一借高軒寵聲價雲山幾倍誇

次韻答民受壬辰之秋臆舟葉村將爲訪戴
之舉而主人它出遂投刺而返畱詩見意

茲尋前約主人用韻相酬復次答二章

二水交流共一源白紗翠竹別成村主人未慝仍留
轄客興方濃直款門握手每驚常契濶論心何締漫
溫存鳴驕行作天涯客民受時方秉燭真應徹曉
瞰

屏居占得小桃源步履東西只近村問字有人時載
酒傳詩無日不過門親知久闊遺緘在齒髮全衰故
我存何處相思最惆悵祇應夕月與朝暾

次韻合溪見過

東溪清擬剡溪源風雨情深訪戴村常爲負病無竹

東麓遺稿卷之五

十一

逕祇因迂客塔柴門身危九死丹逾壯家難頻年息
僅存老去明農無一事惟將作息候曛暝

張嵩掌教致仕歸福寧

張餘姚人橋居福寧

身輕到處是安居閭微姚江有舊廬村巷垂丹駟
子盤餐膾玉足鱸魚化沽多士三春雨遺後千歲一
寒書從此脩然辭物役當年不樂復何如

湖翁起用疊韻奉賀

濟川徵用傳岩船虛宇綢繆望日懸鵬運搏風剛六
月湖公以六月龍騰將雨出層淵九天寤寐應神登千
載明良是宿緣三入平章真異數尚看麟閣畫圖傳

收拾瓊溪舊釣槎非熊協卜豈云賒遲隆道際身方
泰時措冬裘夏文紗望滿蒼生傾旱雨堂閒綠野鎖
烟霞袖中更有王褒頌豈爲羣常過合諺

述懷次東谷韻二章

久作清朝放逐臣日憐曾是文三多三多時就醉從予
好寢瘵還慵養性真塵世難逢名青鏡雪
將勻閒中獨把行藏斷不向成都訪卜人
納涼溪上文忘歸皂帽青鞋白葛衣情似野雲慵不
展性同海鶴逸難違舊人黃閣博風起故友丹青比
雲飛獨有子雲偏寂寞玄經罷草畫荷扉

東麓遺稿卷之五

十四

次合溪避暑韻

故人惠肯勿從南酷吏俄除午亦堪況有竹林清可
翫坐看雲影碧相涵樽前賢聖歡方洽枰上雌雄關
正酣終日一壺和一局共公賓主併稱三
水操霜威浹嶺南流金鑠石豈難堪九成龍借俄時
夢六月秋生合澗涵蘭王旅酌無俗侶義皇半枕有
餘酣知公靜勝希姑射肯羨神僊海上三
祝融煇火令行南勝地陰森對酒堪息影靜依清樾
陰洗心滌與碧波涵黃塵道暝人方劇白雪歌成我
自酣獨樂一園靜二仲可容竹下逕開三

聞近報用韻一首

鍛翎何意更圖南，疊嶂環溪著我堪。
真宰噓枯寒谷變，新恩洗垢海波涵。
早衰白髮千莖短，榮遇黃梁一覺酣。
玉署自知難浪迹，芳名綽楔漫聯三。

病起小憩書屋用前韻

簾前日影漸移南，病起書齋小憩暫。
新霽雨涼侵幌潤，早秋露氣隔牕涵。
時平賢士連茹拔，歲稔農家鼓腹酣。
欲頌河清獻真主，神功今已迥登三。

重九漫興

佳辰昨日稱囊裏，雙屐臨風興可孤。
多病筋骸非昨健，長眠目稱囊裏雙屐臨風興可孤。

東麓遺稿卷五

五

日浮生行樂是方壺，龍山吹帽堪稱達。
牛嶺沾裳却近愚，携手芒鞋方自此。
索居踽踽苦無徒。

東溪試舟用舊韻

此水祇應着此船，鳬鷗必較相懸中。
流穩坐供垂釣，是處遨遊豈濫淵。
吳榜初齊酌宿約，滄浪一闕濯塵綠。
山農夾岫驚相顧，真比南溪作話傳。
夜來解纜不教撻，便得偏觀景物賒。
波靜百尋猶見底，地偏九月尚宜紗。
舳舻坐納層巒靄，帆綵遙飛一片霞。
不羨樓船分水樂，帶溪乘舸也堪誇。

晚年踰登上灘船，自信窮通點有縣。
曾說千金求駿

骨誰能九地，劇龍淵溪交王帶。寧人沒天敵，僊源豈路緣。
休道漁郎負消息，等閑惹得世間傳。

擬作漁舟繫短槎，蹉跎漫度歲年賒。
登艫劇呼航棹灑，酒狂來脫帽紗帆飽。
東風如送客，柁旋西嶺已銜霞。
詩成欲寄湖公道，祇恐爭雄語近誇。

次系舟韻

畫船初試趁秋晴，百段風潭鏡裏行。
兩鶴和鳴雙櫓軋，片雲浮動一帆輕。
半徂祖掛江流，暫逸擬王舟月夜情。
前輩經營應有待，幸看今日免無成。

一再疊前韻

東麓遺稿卷五

十六

雙溪從未有樓船，誰泛今情與昔懸。
棄木功弘期濟險，壘壁誠切臨淵身。
無塵鞅多餘日，居傍滄洲似夙緣。
對酒今朝須盡醉，况携蘭玉許同傳。

遠遊不羨漢臣槎，博望當年漫道賒。
白鳥雙飛先挂楫，青山兩岫入舳舻。
牽水荇紋成縠，霜霽江楓葉半霞。
更喜良朋同利涉，登僊一任路傍誇。

儘教奔馬不如船，風駛蒲帆一幅懸。
隨意沿流還上下，任逢淺渚與深淵。
水雲鄉好便當住，魚鳥機忘暗結緣。
物色豈須勞畫史，祇憑詩句漫流傳。

東溪那讓漢江槎，家醞河魚總不賒。
掛席渺惟溟渤

與倚蓬剛到接羅紗風捲白草飛江雪水送緋花關
嶺霞占斷烟波輪此地竹籬草舍向人誇

再疊系韻

不向明朝問雨晴潦時須止霽斯行眼看世態浮雲
變身託風帆一葉輕烟水兩溪遊客路江湖萬里逐
臣情濟川老矣非吾事贏得新詩幾首成

豫丘獨眺

一月看山幾度來每當佳處定徘徊小春走探江梅
信後節行逢野菊開青壁可階期獨住蒼苔無逕逐
推回百年轉盼成陳迹莫惜生前屐齒摧

東麓翁卷五

七

次陸冬官謁疊山祠韻

悲涼家國當年事象設鄉邦百代看英烈至今猶未
沫從容自古已稱難峭厓蘇壁青雲上老樹虬藤白
日寒一道冰溪祠屋下拜公敢不濯塵冠

除日劉實夫書自弋陽至寄答一首

十年侍從逐清班閨楚風烟只隔山別後多虞身更
病夢來一夕幾驚班異鄉節換驚長客同館情深憶
舊顏猶幸余朝便問訊天於良覲未終慳

丙申元旦試筆有懷實夫

五更鳴雨斷來溪爆竹燒燈坐聽鷄曙色乍分更萬

象春光先到滿雙溪衰容日甚增新雪詩課年多疊
舊題却恨可人爾不得相看一舍又成携

哭馮恒軒內舅

道路傳聞語漸真西風衰淪獨寤中百年鼎鼎嗟行
客一別匆匆咤隔旬善敗局終偏得倚奇方肘後每
通神雙溪風月依然在不向人間更問津

移舟將入杉源溪遇雨不果復疊韻二首

橋東聊試上流船指點杉溪一舍懸筵管發聲驚宿
鷺雲峰動景落重淵半江風雨急它日烟波重
結緣不是慢遊偏好事欲留勝跡與人傳

東麓翁卷五

十八

杉溪溪水僅容槎我欲窮源路豈賒夜傍追程仍上
瀨曉牕看雨直侵紗梅飛殘白和春雪桃綻新紅半
樹霞錯恨武陵迷入路興闌回棹正須誇

起廢醉表兄楊處士次韻

搜揚何幸際明君不放衰慵久臥雲市骨千金招駿
足棄瑕三沐邁前聞海隅長放悲虞子宜室重還賴
漢文多謝新詩聊助喜暇休親故義應分

江湖十載遠吾君一寸丹長係五雲曠世清河今創
見九韶鳴鳥耳重聞名賢輩出仍求舊帝學時熙正
右文祗恨誤思南北迥楮亭烟月共誰分

楮亭處士

酬湯南谷次韻

十年羈逐下鑿坡此日重還奈老何鵲班行應異
昔存亡感愴不勝多曠思丹鳥街黃紙行色驪駒詠
王珂豫識朋來方向此聯鑣比舍擬相過

詹燕峰大參赴廣次韻

邂逅無端假自天一樽相對共留連雲衢駿足方高
步徽省先聲已遍傳分寄九重憂盡釋旬宜五嶺眷
無邊衰慵起廢知何用清世勲名護子賢

用韻贈王山陸晉川明府

長官清興薄雲天我屋東山幾舍連九里異漸河水

東麓遺稿卷之五

十九

潤萬聲歌是口碑傳惠隨陶柳潘花植春遍農歌牧
笛邊祗恐徵書來早晚邑人難久借高賢

上國觀光爲費懋尹題

壯歲成名未是遲青冥健翮任何之賢關文物觀光
地庭訓趨踰學禮時馬氏諸常眉總白龍媒千里種
偏奇桂花咫尺天官畔舉手駢枝發且莖

哭蘇湖公二章仍用汎舟韻

錦帆纔送李僊船投淚丹旌壽地懸筭宿夜芒人識
說延津龍化劍歸淵文章弱冠魁時傑魚水神交不
世緣悲結惹遺應有詠哀榮終始百年傳

楊榜沙灣舊日

次淚灑西風縹緲紗國監典刑無大老靈歸化守結
丹霞它時誰秉春秋筆應爲鋪張不朽誇

海山遙祝爲江陵李龍洲乃翁壽

行臺春酌爲誰開夢渚天長首重回暫假吳山歸頌
什逢對瀛海益樽疊雲飛狄舍瞻親近人避桓驄識
子才莫向東風動離思要知忠孝道元該

風木末思

爲張以寬憲副題

追憶生平也未遑臨風何事苦凄然名成西邁儒壇
好賦就東征祿養便旅櫬悲涼終正首龍淵變作總

東麓遺稿卷之五

二十

歸全更看鸞詔光榮地添澤還應徹九泉

聞廷官報後憶留都舊遊

臥病滄江積歲年忽承恩詔九重天不羞老至居人
下祇愛官閒與性便遊釣經心他日夢睽携聚首故
交憐看童逐宦今頭白瘦馬遲回定惘然

寄寄亭

爲清江浦程地官題次屋翁韻

共說浮生是寄身茲亭日寄往來人地兼淮海連三
島歲到鶯花紀一春翹首正瞻京闕近謀身空愧客
途頻江湖廊廟生平念曾玷鑾坡侍從臣

潘熙堂中次述懷韻是招用韻奉酬

傾蓋相逢不問年先生高直薄雲天臺臨熙處春恒
在園可吟筇小亦便浮跡水萍那自定危踪霜葉街
公憐一樽庭上微微雨竹樹疎聲共灑然熙翁招飲
酒半移樽
小園亭上手談時暑薄
雨至歡其盡醉而罷

再用韻奉酬胡南津少司寇

撫綏江右已多年覆露山居記二天秋部亞卿瞻峻
望南津歸釣樂幽便通家兩世情偏淡去國孤踪衆
所憐新句荷公勤慰藉正襟三復思悠然

用韻酬別周約菴中丞

淮浦相逢計別年歲星昨夜已周天棟梁清廟才宜

東麓遺稿卷之五

三

爾麋鹿深山性所便茂業逢辰須自愛故交未踰合
相憐耆童同學頭俱白幾爲當時一慨然

別崔東州太僕用韻

館下論文二十年升沉聚散總由天鷗林巢取一枝
足鵬路雲開萬里使身滯異鄉常自厭情知同病故
相憐客舟明日殊南北回首風烟各黯然

贈沈醫士從簡

沈郎家世本儒紳寄興軒岐每自珍寸匕回春聊試
巧千金繫肘豈憂貧兒曹伏枕逢君早旅次携囊爾
我類它日相看還一笑定知難忘久要人

喜雨

赤日熇爐汗瀉漿灑然風雨驟衣裳農家滿慰三秋
望客枕先分一夜涼浦樹蒼茫分遠岬烟波浩渺送
歸航憑闌徒倚夕陽後目盡南雲獨鳥翔

五疊韻謝貞白

一川渾如度小年更堪暑雨鬱蒸天時拈藥裹心應
折久炙芝蘭語自便身老馮唐甘衆棄途窮阮藉賴
君憐客舟明日風濤便回首高歌一慨然

客舟經月滯淮濱館穀多慙地主勤宦况梗人兒女
累窮途顧我弟兄親稔聞闔境歌慈乳豈獨思家感

東麓遺稿卷之五

三

至仁祇恐驚遷在朝夕士民難借冠君恂一作難掩
使君輪

過高郵幕庭訪舊有感

會祖教授公
謫居所在

我祖開基本素門百年封殖到諸孫一經遺後金籬
滿奕葉傳芳世澤敦故老盡凋誰可問風流未沫姓
猶存舊來廳事今還是俛仰軒階拭淚痕

初授正郎俸

兩鬢霜華日夜催衰遲景象任渠吟嵇生懶性還堪
仕王式當初本不來賦祿何功摩金斛拜恩無地答
涓埃祇餘廿載丹心在九死今尚未灰

書懷

已分終身作逐臣
那知枯枿再逢春
等年自笑馮唐老
彈鋏誰憐薛客貧
玉署金鑾他日夢
青袍白馬故吾身
祇應甕底糟騰臥
爲問街頭有酒隣

時僦居借馬

雙梧荒竹云呂涇野手植

到處棲棲學燕忙
巢成自喜傍雕梁
雙梧交翠堪來鳳
荒竹孤標足待霜
人世浮生真逆旅
并州客舍是吾鄉
不知何地爲寧宇
一闋高歌酒一觴

碧梧翠竹峙庭前
手種元從王署僊
鍛融偶同先輩躡
流風應共異時傳
月臨疎冷陰逾靜
霜下檀欒色

東麓遺稿卷之五

三

更鮮豈是多情耽物玩
慙歎封植爲名賢

耐高祠韻見訪移居之什并惠丹方次韻

僦居歲晚倚東城
環堵蕭然稱野情
楊柳堤邊風漸落
梧桐梢上月初生
官曹無事供吟嘯
門巷迴車總俊英
更有良方能却老
何須海上問僊名

九日携續兒過西隣鷺峰寺讀 閑兄碑文

有感適高子仲嗣詩至次其韻

獨携驥子訪禪居
咄咄迂狂與世疎
興爲寒儔無處遣
詩多離恨不堪書
經心落木三秋杪
拭淚遺文廿載餘
歸舍且須謀一醉
莫教令節等閒虛

過負淨僧房次壁間韻二首 登毘盧閣

九日東籬合有花
羣芳開過老僧家
水邊風起偏欺帽
節下霜遲未換紗
青鏡無情衰愈甚
白衣爽信酒須除
陰晴欲問明朝事
誰向銀河爲著撻

栢擁禪宮景更幽
森森蒼翠不知秋
客邊苦憶山中樂
比舍聊爲物外遊
小步迴廊潛覓句
久憑危檻過溪頭
城外登臨處尚擬
招邀一唱酬

遊靜海寺觀儂人洞次壁間韻

老去滄洲夢想行
吟野寺覓僊踪
海中三島無多路
脚底諸天第幾峰
携客倚欄閒騁望
探竒得徑偶

東麓遺稿卷之五

三

適逢何時劇藥歸山下
會同丹丘訪赤松

登千佛閣

四望凭欄意悄然
正逢木落杪秋天
倚江烟樹藏墟市
隔岸雲峰供佛筵
寄遠好憑南過鴈
期人頻問北來船
倦餘策杖尋僧榻
借取蒲團一覺眠

客惠盆菊

十月東籬始見花
可人分贈意何嘉
臨風每怯新莖弱
帶雨旋將舊土加
冷艷不緣時好別
晚香贏得歲寒誇
樽前更試餐英法
風味超然自一家

壽太司馬泰公七袞次整菴韻 時致政得請恩典其崇二

異數宮班世莫同君臣一體古今同周流八座身仍
健出入三朝望日隆坐隱長城紆廟略早營綠野歛
奇功都門祖餞車如織萬口賢哉總至公

宮保階崇鬢未華忽尋水竹舊生涯身閒那許忘斯
世名在猶應係國家惠領泉香春酒碧蠡湖風軟布
帆斜揮金不蓋登臨興又報蒲輪寵命嘉

壽曹魁峰侍御燭之父

鄉閭月旦雅推翁前輩猶存長厚風批難不妨吾語
激濟人寧管客囊空蠡蠶墨綬封君貴烏髯丹顏稚

東麓遺稿卷之五

十五

齒同栢府賢聲方籍籍好看褒表日穹隆

程掌教燭去思碑時為上元尹

昔年鍛翮向江東絃誦曾聞滿校宮廊廟棟樑從此
富鄉邦聲價為君崇剿裁赤縣鋒初試儒吏殊金道
本同看取豐碑褒表處千金傳信是宗工

錢東麓亭次陳石亭韻答馬西玄

分携十載初追逐又向茲亭唱渭城離恨攬人難獨
醉顏名屬我有誰爭迢迢聞微風烟別鬱鬱鍾陵紫
翠繁後夜相望共明月一時搔首若為情

再疊答倫白山

通院亭中約遙望閩關海畔城斥鷃蒿間聊自
一驅馳道敢誰爭笙歌欵欵斜陽促風物悽悽別
同館晨星今落落每臨岐路不勝情

寫懷

兩脚黃塵尚未前無端誰遣又南遷重關猶記曾遊
路十載終償未了緣丙辰省親于潼今四十年矣丙戌奉命校書于建中尼不行

動業鏡中今老矣邯鄲枕後總茫然生平別有寧心
地不咎臧倉不問天

壽華海月浙藩都事致政

海翁風骨得儒方物外逍遙歲月長鐵柱別營開福

東麓遺稿卷之五

十六

地金籬薄遺續書香紫微垣重芙蓉麗世澤源深王
樹芳更喜壽筵臨菊節舉觴剛對一籬黃

登舟漫書

幽憤離愁醉不消可堪霜鬢日蕭蕭喜於知舊逢青
眼病入衰孱懶折腰南逐賈生終戀漢量移白傳未
還朝春明門外猶嗟遠况復閩山粵海遙

次舊韻答同館

投筆論兵作虎臣征途正遇驛梅春氷銜借重官非
招珠暗光行囊豈負千里甌閩南去客十年工
還身幾回欲把絲桐寫祇恐哀音愴四隣

嚴裝祗役爲誰催老遇屯邙只自貽遠道一身形共影扁舟幾月去仍來異書愛讀慵終卷古壁留題旋拂埃雷雨九天行作解竚看煖焰起寒灰

東麓亭中饒東麓聊驅蟻陣破愁城樽前醉醒都成夢局上雄雌也是爭陳迹漫成千古恨衰年苦被一官縈別來景象儂能說兩地悲涼共此情

龍洲書室爲李本貞侍御題

數椽柱史藏修地傳是前人種橘洲姓氏偶同應世業江山洵美表名流方操塞塞王臣節肯學區區口腹謀祗恐桓驄歸未得白雲長護竹軒幽

東麓書室卷之五

三七

題李恭川平賊卷

先生文武信兼資赫赫勲名任所施聊董偏兵才指受坐看巨梗就芟夷七擒徵外諸公績數萬胸中范老師不盡成功圖報地九天新齊識降私時有金帛之賜

次常山分司壁間韻贈吳尹襄

夢醉城樓月欲斜催晨嚴鼓枕邊搗才窮川路還登陸漸解鄉音欲近家孔道將迎人似織使車傍午夜聞笳獨憐春着江梅早占盡河陽縣裏花

飲詹少華宅次韻

分携流水度年華忽飲清談若味茶老去出門常

後國來到處即吾家關山衝雪頻回首驛路逢春欲贈花明日應知還不忘登樓遙指海天涯

度分水關

天分閩楚是茲山躡蹻捫蘿怯病鼻關倚百重蒼壑上路縈一線白雲間舊遊彷彿真蕉夢老我間關祗汗顏寄語玉堂諸伴侶驅馳回首羨僊班

舟次武夷有感

當年携手武夷宮對榻清燈夜雨中遠到果符僊蛻兆重來却恨誓言空風烟入眼依稀夢西辰春予隨道流出僊骨紅潤異常云今作經心俛仰同祗恐後程遠大者遇此不則色變

東麓書室卷之五

末

黃冠相見後錯將遼鶴浪疑僊

同顧秋山登北城樓

上盡重城更上樓北風交厲正颼颼憑海氣衣裳潤檻擁僊雲坐欲浮詩景滿前難着句客懷無賴感重遊胡盧却向秋山咲斗酒深藏不肯謀

同藩臬諸公登拱辰樓

傑構那知歲月初凭欄四望正愁予雲霞浮拱疑天半鉅麗侔神旣畢餘呼酒合邀詞客賦出塵應枉島僊居生平總筭茲遊壯定約重登興不虛

丙申除夕獨酌自遣

重城萬戶醉屠蘇我亦燈前興不孤已見韶容歸柳葉旋題春帖上桃符身羈江海常懷闕署本神僊合看吾抵嘆衆難飛啄遠舉盃邀影伴衰夫相傳建寧爲神僊道

植桂

雙桂移栽值早春庭除時偶爾爲賓縱知得所非吾土且愛流芳遺後人霜葉凋傷矜獨秀月宮輝映故親祇慚不及甘棠樹封植殷勤寄囑頻

謁韋齊弁山祠

兩紀皆文公配享

撫衣趨拜兩公祠像設巍然巨命時道學源流元有自家庭授受本同岐地儲淑氣英賢萃世仰高山百

東麓遺稿卷之五

三九

代師却怪眼前多異說青天白日竟誰欺

春日譙平遠臺蓬萊宮

時大雨屋漏張蓋盡夜始散

上上山樓寂上頭八閩勝槩坐前收千峰到海環而拱萬派迎潮濤不流虧蔽嶺雲新番盡穢春雨凜深秋群僊別有回天術張蓋分曹徹夜籌

建城譙樓宴集

江城一雨動經旬此日登樓萬景新檻外疊青山擁幢樽前交碧水縈紳飛昇僊去靈源勝割據時更爲迹陳明月未臨賓欲散祇愁惱殺土筵人

謁考亭感懷

髫年已解讀翁書皓首登堂適願初遺像仰山方峻極斯文懸日正昭如雲仍百世承餘澤冠佩聯鑣式舊聞最恨我來風雨後廣庭蕪草欲教鋤

孫方兩都閭移尊楊太僕陶園卽席一首

竹樹陰森一徑深降登數曲足幽尋達觀何地非吾有假勝移尊見爾心景奪化成營意匠我來欣賞遇知音可憐賓散關常閑管領園亭獨野禽

城樓觀漲次韻亭村同

積潦匯溪山蹙阨斯須奔潰欲崩城此時汎海堪乘筏有客觀瀾獨倚楫披髮痴翁難徑渡順流河伯好

東麓遺稿卷之五

三九

東行明朝試看浮槎處總計新波幾許生

同亭村飲半山菴遂登妙高亭

行到半山纔小歇振衣直上妙高峰磴危盤曲膝蘿翳天近穹隆沆瀣濃當面漸看紅日墜回頭笑指白雲封壁間莫謾置詩句免被人傳物外蹤

遊歸宗巖時自書林歸盛暑勞頓

千尋丹壁倚江濱鬼削神鐫協素聞澗樹槎枒支墮石巖扉窺窻宿歸雲天遣靈境僊應駐僧占名山我舍分乘興從今常獨往儘教人笑鹿爲群

次壁間韻

淚痕擾擾勞行役纔扣禪扉白日長境勝故招蘭若
據巖深合有羽人藏林端飛步諸天近洞口披襟六
月涼底事塵纓常繫縛祗應此地鮮冠裳天風洞

端陽匯江樓觀競渡

晴江漾淨戰群龍士女填觀我亦同終古湘波沈積
恨殊方俗賽襲遺風壯爭祖楫中流誓氣奪已船下
峽雄回首葛溪分一嶺幾時對酒聽逢逢

陪中谿侍御遊書林讌集僊亭諸亭村同會

似共茲山有夙緣神遊曾在十年前廢興吾道要歸
命行止人為竟是天丙戌奉命校書于建寧不數日
去所尼今屈指十有二年官于

東麓遺稿卷之五

三十一

此公暇來遊
殆有數存焉覽勝携觴於此會避秦無地嘆前賢酒
醒欲就清冷濯回指遙岑百尺泉在仙亭之北

楊石巖都閩北觀

傾蓋相逢建水邊那知握手十年前一頭白雪欺人
老六翮青雲羨爾賢分閩威稜煩坐鎮揮毫文士敢
爭妍南征戎馬方嚴駕得雋先看祖逖鞭

酌郭茂齋寄惠荔枝

當關忽報故人緘珍菓遙分及老饒一騎塵飛情不
薄閩門嘗徧惠尤咸沈痾得此全勝藥香色憐渠故
滿自卻咲病牙渾欲脫幾回大嚼口空嫌

初嘗荔枝漫成

閩山丹荔實離離白首纔嘗恨已遲冰玉照人憐
理密錫擬味誚痴兒命同皇樹深難從根託朱方色
自宜三咽腸猶未厭何當一飽就繁枝

禱雨有述

禱餘甘澍應時酬敢謂微誠顯徹幽竚看四簷懸似
瀑况聞六月雨如油終朝飽食安無事萬井含哺樂
有秋便得餘涼還入夢睡酣栩栩蝶化蘧周

遣懷

衰遲浪迹愧詞林一辱泥塗歲月深墮井有人甘下

東麓遺稿卷之五

三十二

石抱琴無處覓知音肱從折後方諳藥命若安時却
省心枕上黃梁能幾許覺來那復辯升沈

登天遊觀

峰頭花草異人間始信蓬瀛別有山簷短巧憑丹壁
墮籬疎剩借白雲關石田自墾無王稅太藥為根駐
壯顏却恨塵緣拋不斷踟躕日落未能還

罷南征志喜

忽傳恩詔罷南征寰海歡騰起頌聲靈鳥覽輝千仞
下至和毓瑞九芝生蠻荒黎庶面歸誠款髮白含哺老
太平舊忝詞林供奉列敢將雅什紀時清

譙匯江樓次孫都閣 齋韻

高閣坤隅殿此邦西南二面總臨江炊烟曉暗千家
市爽氣秋先六月臙積霽翠屏簷外疊翹沙白鳥坐
來雙佳名勝地交相引一闌狂歌倒玉缸

諸亭村之貴州少參

同年同志復同官把酒論心識歲寒宦轍周流清譽
滿陽春兩脚遠人安九重綵綉掄時彥萬里江山愜
壯觀更說微垣常坐嘯有苗新格舞虞干

顧秋山之挂管大衆

桂林籍籍舊威聲重借旬宜簡聖明匹馬行春諸五

東麓遺稿卷五

三十三

嶺遺黎戀德認雙旌山連交廣摩天翠江別湘灘到
底清政暇祗應便眺詠南蠻務固已來庭

孫晉齋都閩譙梅僊山清風樓時菊節前四

日醉後尋丹井移尊亭上唱酌盡晚始歸

范衢村司空在席

南州炎德授衣遲秋杪猶堪御絳絺山擁憑欄舒遠
目日沈舉白戀餘曦細披茅徑窺丹井淨拂苔痕認
古碑欲向吳門訪消息僊踪到處使人疑

約范衢村孫晉齋九日遊梨嶽至期風雨不

果午後移尊匯江樓盡醉夜歸

雲嶽登臨三日約朝來風雨忽相仇開門佳興狂難
遣吹帽良辰悵莫酬移席晚仍僨宿諾憑高近且就
江樓不知籬畔花多少乘燭歸應插滿頭

重九後十日衢村招遊天湖菴

重陽謾約雨蕭騷此日追尋興轉豪獨往探奇那避
寒先登賈勇不知勞臨風衄憤狂希盡露浮英醉
擬陶叟愛山僧偏好事芳筵時復薦谿毛

晉齋招遊寶石巖

此巖傳是古招提逕側林深逐步迷架壑連甍妨鳥
度捫蘿百轉共雲齊六塵清淨知禪定萬竹檀栾待

東麓遺稿卷五

三十四

鷺棲祗恐它年傳勝事詩成休向石崖題

寄題胡竹亭杖藜徑次韻

小隱鳳岡依北郭芝山却望轉分明馬園獨樂開新
徑鳩杖逍遙稱野情雨後苔生乘屐即月中花覆步
陰行沉吟流憩還何事祗覓新篇頌太平

賀竹亭近承恩詔異典次陳靜齋中丞韻

大雅堂中新寵渥月餐歲隸禮耆年重煩守宰臨庭
戶光動湖山自日邊數異上庠三代曠事存至教萬
邦傳願吹彭蠡添春雨斟滿金壘助壽筵

西津館次壁韻

引興一日幾重山出入烟嵐紫翠間碧草近看濃可
經排挑早綻半成殷畏經峻坂頻驅馭悔繁微名老
叩關莫把愁懷話行役聊憑歌嘯詠躋攀

宿胡屯山家閱雲溪卷 先世隱君子也

展卷哦詩識此翁高人多在隱淪中白雲倍我堪遺
世茲地藏真不負公居室巋然前宋制承家宛是古
愚風康侯安定源流在益喜儒門澤未窮 宋室猶存

石門隘

巨石臨深割此門跳身側足不容奔地常險處疑天
設人補神功奪化元坐使比隣分晉楚更於巖色壯

東麓遺稿卷五

三五

藩垣不知多少追攀者仰面趙趙羨鳥猿

壽寧道中

經旬登頓困長途老誤虛名卻類愚抵愧素餐供暇
逸勉從勤事補乖迂磴盤一線後應怯靄翳千峰鳥
不呼無用丹青寫形勝數篇詩在紀行圖

次壽寧贈陳尹津

元字道通易以道
蔡蓋問津本色也

邑城高出白雲間磴迭連峰百折艱入境先求訊戶
隱停驂轉覺病驅羣方慚書語持風紀却喜循良化
異類從此間閭深有託不妨攬轡嘯歌還 壽寧崇山峻嶺
也東晉

承初持官長至搖手不得前令更數
不若善後以去陳侯津學行雅重

至事務以德化民而諸大豪儒雖故事
治予錫其一二九其者侯白威行矣津請
以寬終之柑循勞來視昔不鮮有未幾
俗乃大和歲戊戌春予巡海微諸邑津來
壽寧庭無帶牌野無廢土小大欣欣於是
知邑人之宜侯而德政之有成也歌以嘉
之

登車嶺絕頂

振策趨騰萬仞巔凌風欲舉興悠然倚巖長嘯招三
島測地平臨出半天仰面捫蘿恒股慄俯身窺井怯
軀捐若携康樂當年履一度登臨幾兩穿

度九嶺

九嶺連空磴百盤有輿歛側骨毛寒屋瓊謾說秦關

東麓遺稿卷五

三六

險劍閣休誇蜀道難二鳥和鳴疑共語獨花自發共
誰看經旬勞役都忘却祇作春遊一勝觀

度大梅嶺見巖傍紫花盛開

飽飮輿夫度大梅山椒翹首更崔嵬義龍飛馭輪應
側穆駿騰輞轡令摧青帝弛權猶料峭紫裝無主獨
筇邈不緣景色相勾引那遣衰傭此地來

次寧德讀林莊敏奏議有感用行臺壁間韻

曉行春半漂如秋啼鳥多情慰客愁萬古海山還我
輩百年事業愧前修壯心肯作懷居計薄祿寧甘坐
食謀却恨向來閒歲月盡隨流水可能流

福寧水寨閱武因登松山觀海

賈宿危磯獨望洋，曠懷宜共海天長。
雷轟白晝喧鯨吼，虹斷青冥怯颶狂。
烟舍幾家依島嶼，雲帆一點出蒼茫。
十洲咫尺如堪接，欲即安期不老方。

次福安次公署壁間韻

萬轉千廻抵在山，連朝鞍馬翠微間。
一從吏役何當息，久落僊階未得還。
垂老詩逋猶負責，經年鄉思不相關。
長途兩鬢渾如雪，奚翅從前一半斑。

福安行臺聽雨

層巒環障帶紫江，邑郭壓居合此邦。
野翳乘麻看俗

東麓遺稿卷之五

三七

阜庭空諱牒愛民，麗坐來雲暝將侵。
戶睡覺簷聲直撼，牕林鳥漫呼泥滑滑。
已占青醑耀銀缸，次早將發

發寧德

倦遊旋軫發山城，陟峻沾深步步驚。
海氣釀雲晴亦暝，林風噓燒雨還明。
方歌行路難誰聽，正擬囚山賦欲成。
僕僕征途今浹月，却慚壯志負生平。

陪申谿李侍御登張僊巖觀僊貌直大王峰

半次韻

我來風雨半溪雲，笙鶴遺音下界聞。
李路踰金淹信宿，桓驄弭節賴諸君。
捫蘿殊勇還題石，磴磴先登合

策勳管領烟霞亭初客詩囊收拾要平分

宿倪家

倪氏居多倪氏

趨駕追程日已頽，更聞投宿指山隈。
枯株直認郵兵蹕，遠燒明疑候火來。
下馬呼尊先自勞，赧顏顧影爲誰催。
願將一掬滄浪水，濯盡冠纓幾許埃。

分水關別中谿用前韻

聞關明日萬重雲，一闕離歌不可聞。
此後因風能寄我，夢回梁月尚疑君。
迂慵苦憶山中適，衰疾長慚鏡裏勛。
獨仰故情偏不忘，塵祛容易忍教分。

謝雨有述

大暑後三日

東麓遺稿卷之五

三八

驕陽赤地欲如焚，一雨三朝萬稿春。
敢謂吾能回大造，極知天未勦斯人。
山舍積潤圖濃翠，溪湧新波活涸鱗。
常愧病慵無寸補，從今坐食免慙呻。

追次杭翁韻有感

頓忘肉味似聞韶，正是齋居候雨朝。
庭砌看移深穴蟻，屋瓦聽建怒胥潮。
名亭志喜歸玄造，省飲含哺祝聖堯。
試檢舊題磨舊韻，獨哦感愴倍蕭蕭。
上辰暮春

雨之作予在山中聞而奉和今追憶豁然再麗志感

謝雨有聞遣懷

或勸爲通變之計者蓋欲爲不忙已解說也

晚來一雨復連朝，坐聽間閭鼓腹謠。
昭格潛濟徵天未

厭孤踪那畏衆難調學輩呼女嫌逾劇抱瑟齊明計
益遼一闕浩歌三大息儻教比屋請農驕

自遣

十載雍容侍從班一朝束縛簿書間委心定命中何
事息音權門夢亦閒抱病草玄嗟尚白積衰蓬鬢咄
全斑却愁猿鶴應相請早晚移文勒北山

感事

諸人直欲投豺虎朝音官能肆市朝疾惡嚴誰如巷
伯聖譏顯欲戮公察堂堂正氣乾綱振靡靡頽波國
是搖炯誠聖謨驟皎日可憐遺響竟寥寥

東麓遺稿卷之五

三九

登高門城樓

本寧遠門

鬱鬱閨關再閱秋曉來登望最高樓江山洵美非吾
土簿領雖勤詎道謀公子多情常戀闕杞人何事獨
懷憂叩閣敷枉憑誰達一闕悲歌白盡頭

安命自遣

默坐無端抱隱憂兩年羈縛爲誰留形容稿矣霜餘
木身計漂然海上舟馮衍才高翻永弃仲翔骨寒竟
長流英雄飲恨非今日時命違人可自由

次李五石芊原舟中晚坐有感之作二首

畫鷁沙邊初解纜綵帆斜倚片雲輕景熹半嶺烟霞

合波泳千峰劍戟明孤鷹驚飛綠底急飛蟬哀訴爲

誰鳴澄清正屬寒惟始肯向今朝動旅情

李儂舟欲動牙檣殘暑江風已送涼軒柳過簾移晚

翠水花迎掉撲遙香先秋氣爽清炎微夾路霜飛肅

海荒試看波光清到底羅縵臨此即滄浪

初登黃華樓

突兀凌雲忽此樓坐分形勝壯南洲冠山面勢仍前
址泱月經營詎道謀江派雙紮交王帶郭居密比萬
蟬丘千年嘉會從今始洗爵慙慙更勤酬

九日會賓落成

東麓遺稿卷之五

三

速客移尊落此堂剛逢節令是重陽籬邊秋老黃花
晚林外雲輕白日長俗詩云今日晴絕巘軒牕增勝
槩百年感慨有滄桑茲遊醉後須畱紀可使明朝迹
便荒

新桂開花喜而賦之

隔歲移來便着花一時粧點老僉家水荄日倍畦丁
課火速開疑地力加冉冉天香分月館離離金粟映
懸紗臨枝不忍輕粘觸遶樹行吟盡日斜

立冬次五石侍御題

東峰作

分明物候關山別木葉冬來尚碧稠節序催人爭水

憑欄根隨處共雲浮觀風諸邑知安堵省飲三農樂
滿筵便得我行無一事常教坐嘯不知愁

詠芭蕉次五石韻

交加相抱密於雲色借春遊翠幄裙玉嚙寵光增倍
價筆鋒適勁掃千軍五石取蕉葉公愛其光當牕浙
瀝宜宵雨障日陰森誤夕暝從此不知華桷陰明朝
還擬獻吾君

讀史書感

僞島偏多坑塹泥天門別有路岐通不知何處鋪平
地更見誰人乘至公論着錢神傷賄政詩歌蚩鬼刺

護風古來多少興衰跡撫卷燈前一慨中

宿古山幽巖招提次壁間韻

驅車日暮開幽巖擬借蒲團一覽酣映月寒梅清比
玉凌霜珠樹葉如藍滿頭白雪憐新我兩脚黃塵愧
舊衙欲覓高僧扣玄妙不知誰解現優曇
友徑緣溪覓水源溪流盡處見禪門規模經始傳天
福綽楔增輝表至元薄暮到來聊暫憩長途東望正
追奔題詩謾識經行處畱取山牕好細論

寧德道中

龍起追程日欲昏公家行役可停軒
枰枰橫路蛇龍

臥狎石臨崖虎豹蹲老去百罹誰慰籍倦來斗酒自
溫存包羞不敢逢人說恐負東山鶴與猿

登黃華樓次李五石道長韻二首

風物憑欄一覽收方知多景聚茲樓霜呈紅葉千秋
色稻擁黃雲萬井浮幾處蟬鳴山日暮數聲鴈叫海
天秋舉盃更待東方月滿座清光興始醉

未曉推扉望海東扶藪照檻已先紅八牕虛徹通消
壑百尺飛浮誇碧空坐久塵消綠界醉醒神爽欲
凌風諸天簷外如堪接一笑玄

遊福寧北郭東菴贈山僧御原倡

東唐遺稿卷之五 四三

誰傍雲根結此菴築迂一徑破烟嵐嵐泉瑋玉踈仍
越月桂配紅醉正酣壓境空寂都是寂善心生處即
成男松關別有芙蓉院欲移徘徊且駐驂

曉霧

曉從壑裏氣不泄掩鼻曉行常畏腥亭午沉陰霾白
日墮大壘連滄溟正愁遠道何處達瞥見逢岑數
點青海峽輕颺一披拂坐看軒窗變昨晴

宿松蘿館

荒原野館傍隣堽砌草階苔沒舊痕竟日塵驅聊稅
駕數家星散不成村雨沉水滿天難曉山擁寒簷日

易晉王事有期懷往路敢辭露宿與風餐

石匣坑宿田家魚池閣

斗室匡牀也自安曲池欄檻俯澄瀾寒光激灩膚疑
翠雲影虛涵眼寬寬遠道倦遊聊暫憩村有此是
奇觀不須更論蓬瀛閣且展雙眉一霎橫

感事漫書

廊廟善爲藏富策經綸天府祗豐財銖稱抄計窮神
斧石穴岷鑛偏地核溟渤豈應增引水岱嵩何假益
纖埃孤臣萬斛憂時淚仰屋蒼生不盡哀

寄許同年朱克學次韻

結髮論交誼故深相看不覺歲華陰巧粧世競追新
樣流水誰來聽雅琴三黜官猶前日我一緘書追故
人心烏紗帽裏渾成雪倦翻終朝憶舊林

戊戌除夕獨酌次杜韻

建城畱滯欲成家又見江梅一度花老困屯途聊汎
蟻醉狂淡墨亂圖鴉歸來歲暮嗟行久起舞燈前對
影斜酌唱良宵追故事寂寥今夕海天涯

題壽寧分司山茶

去年來時花正開紅英兩樹爭豔颺飄飄萬片不
掃狼藉滿砌鋪蒼苔今朝重來春尚淺餘寒駭

肯回含芳葉底未敢吐戀縮似避冰霜猶枝頭主張
會有時好看指日和風摧

歸自坑治答陳政和子巽次其韻

眼底榮枯一幻塵鑿坡瘴海總吾身起家坐愧無功
食攬轡行慚有脚春敢以病慵辭遠役誓將清靜撫
罷民幾回欲話山中事發口悽酸動愴神

送李懷村錦衣還朝奉命來勸坑治

八尺昂藏報主身金吾清切號親臣口銜恩詔宣南
傲手疏窮簷遠北辰三島望洋烟浩渺萬峰疊竊王
嶙峋輟車登涉多形勝從此篇章會有神

東麓遺稿卷之五

別三厓歐陽中丞次韻

別來長憶舊時容白髮今朝識至公兄弟臨交肝膽
見萍蓬握手笑言同三年吏隱神僊署載味時康大
史功回首黃華應不忘尺緘東望好因風

落齒嘆

弄質頽年病轉多日看齒脫計如何含哺飢飢餐渾
磨對客呢喃語半訛藥罔奏功方過試丹傳却老訣
空訖回思始戲漫如昨問口呀然發浩歌

卽事遣懷二首

蕭蕭早棲足自娛儘教朋舊誚拘迂瀛洲落籍仍僭

薄領嬰情尚故吾入穴危探焚虎子沒淵巧反磨
龍珠市重駭汗爭誇調靜算那知意是愚

步世追從結髮初閒將順逆自乘除陰晴明日天難
問得失由來我任渠百計巧營翻就拙千金盡破竟
成虛醺醺起戒須臾事擊節高歌缺唾壺

李五石侍御遊武夷次韻

川原依約武陵溪幾度來遊路欲迷為客步虛常馭
鶴僊家炊午正聞鷄詩狂得意多錯墜興劇看山不
伏藜翹首虹橋真可接更於何處覓丹梯

次江貞齋韻

東麓遺稿卷之五

四五

此境須應日日遊况陪桓節坐輕舟泉飛石瀨清而
駛霜醉江楓碧尚稠趣愜靈源期獨往佳聲同調喜
相求春來瑤草年年長肯羨荒唐海上洲

秩滿寫懷三首

結束琴書共一船還家正喜趁殘年江山樂我非吾
土歲月淹人似夙緣自分朽材甘蜷屈敢期鍛翮學
驚遷從今弛擔無餘念夢繞黃華一惘然

回首東山有舊廬瓜期日日賦歸歟食功忝竊三年
主奏課看無一善書道泰逢屯知骭解政成追責愧
虛居閒園報還多事願賢兒孫力荷鋤

坡侍從臣十年竄逐走風塵腐迂豈解持刀
平亂那堪對士民喪馬忘憂聞北叟殺牛辭福訝
牙隣暗然兩鬢知何用祇合雙溪理釣緇

陳介泉巡撫甘肅

中丞伏鉞暫臨邊千里霜稜六月寒聖武不揚番膽
墮華風西被邊人少聲聲每向深資積利器須從錯
節看記取成功待調羹時瞻飛詔趣歸鞍

書事

斗壑連峰勢入雲綠煙翠磴敢辭辛却憐銀冶新監
使會剛金鑾舊講臣今昔堪嗟仍故我安榮遙羨獨

東麓遺稿卷之五

四六

何人不知大造茫茫地還寓公平宰物神

石齋致仕

五十年來侍玉皇照人勳烈滿旂常錦城小駟身仍
健綠野高情世未忘望係中朝占否泰學於大易悟
行藏祗應映畎餘丹在耿耿遙連北極光

聯句

煙輝頂傳太乙黎湯南瑞雲籠月望中低巧裁霧縠
憑燕女東香鬟龍膏灼渚影暗醉蟬怯薄石鑿光
浮庭樹鵲驚樓須知三五遠良夜補一咲虛堂擬重

題

貞節四詠次韻爲能峰石公祖母徐夫人題

詩到共姜不解願百年悲詠更聞誰問關海嶠遺孤
計稟列冰霜暇日知義動蠻荒傳駭蹟事關風教起
陵遲丈夫烈烈猶難比此氣真降十萬師

海闊天長比翼分吞聲茹血苦憂動心經百鍊餘爐

燼力盡孤城獨鏖筋絕微斷腸依隻影故鄉淚皆送

孤雲閒來歌訴當年事雨泣風號不可聞

血背朦朧淚已枯子孫萬里貌遺孤天教丹穴雛生

驚眼見班衣老戲烏百折流東終不改九原氣烈尚

如蘇我鄉耆舊還能說一度悲涼一嘆焉

東麓遺稿卷之五

四十七

旅櫬遐遙一幅旌恨恨淪海渺難平臺高合並懷清

址義槩堪羞缺角城綽楔恩光存教事縉紳歌咏是

道評還從天定看餘慶重疊章照日明

覽郡志得文節公臨命詩三嘆三詠遂次韻

付其後人俾刻石置諸祠屋

興亡天意詎人爲賴屋難將一木持身繫綱常寧擇

便士看忠義在臨危從容堂近齊山郡池州堂名從容大節

名同止水池故相江萬里死所欲致辨香何處是祇

從象設仰儀風

酬毛汝厲送明角帶毛東有爲後日玉帶

本之說故詩及之

翟比兼金色比銀故人携贈試情親休將白玉相論
量自適渾忘膺與真○七品郎官合繫銀祗將烏角
久相親曉來誰贈明如玉睡眼摩挲轉逼真

壽劉母柳孺人七袞

重閣燕喜入新年佳氣長隨錦悅懸上客總看珠履
簇清詞遙自玉堂傳階前桂影生落月檻外桃花照
綺筵撫景恰逢春日麗年頭見海濤添謀深燕翼
貽孫輩砌茁蘭牙慰目前真羨古稀仍未艾天教繁
祉故應偏應偏回首踰千里舊館常懷庇一椽此日

東麓遺稿卷之五

四十八

舉觴那縮地空瞻星極祝南天

熊峰老師祭告泰山闕里

真主中興嚴祀事一時偏聖縉儀新駿奔共助明馨
德駟駕仍煩密勿臣青岱具瞻維魯甸素王遺澤自
生民名高五嶽連僊島道在群經佐我人峻極俯臨
天下小宮墻深入望中真巍乎仰止周旋地卓爾高
堅對越親安奠四維符泰運化隆千聖翊昌辰雲封
玉檢常如漢聲動金絲合有神萬里煙花歸雅什一
方幽隱入周詢勝遊每咤生平寂高興那知道路辛
翰手雙書東觀席沃心方竹石渠陳禮成過副朝端

望可待秋風拂錦茵

壽敬所少傳六表

五嶺參天信有神果然降岳又生申試窺密勿經綸
手不負蠟廊柱石身聖化俄新潛補袞許謨坐定儼
垂紳衆於巨險看弘濟天爲清朝出異人報國寸丹
心獨壯憂時雙白鬢都引勛銘桑鼎伊周侶望係安
危社稷臣頌德篇章多大雅侑觴花柳屬佳辰從來
天壽私平格燕喜還同六十春

東麓遺稿卷之五終

東麓遺稿卷之五

七十九

東麓遺稿卷之六

文類

送同年某進士歸省序

士君子立身之大閑曰忠與孝二者固相須以有成
而每不可兼得蓋承順家庭不能與知國事委質公
朝不暇復顧其私其勢固然也今制進士分曹觀政
於諸司而總其姓名於選部需次注擬中外出入唯
主者之所授一登仕版動以法令從事道里遠邇有
程歲期近有限簡書督趣上道赴所任母敢宿留後
期者到官所夙夜儆於其位離局有罰出界有禁又
不敢一日舍其所事以自便惟京朝官乃有賜告展
省之例然必限年而後與以故仕者去家或數千里
遠或十餘年不得一過其門而致問定省之禮闕焉
望白雲而興思陟彼岵而太息夫孰無是情哉歲丁
丑舉進士三百五十人聖天子以孝理天下推恩逮
臣子特破例許諸進士需次未及者暫歸省覲自某
等以下凡若干人予方廢於館不得與例以去憤憤
有不釋然者美某君之行而往賀之且祝之曰士方
窮居執簡冊爲諸生恒患不得致用於時暨舉進士
嚮用有日矣又以不得一歸爲親榮樂朝夕爲嘆今

吾子一舉而兩得之且別家不踰暮月此縉紳大夫士所深願而不得遂者可謂榮幸爾矣吾知趨庭拜慶之餘承顏色視甘毳以官袍代班衣以朝簪飾髦髻雍雍泄泄其樂可勝既耶雖然侈上之賜則思上之恩私情獲伸則公計必不敢緩事固有相發者其所以感奮激勵圖報效之地於異時者端不在他人後矣吾子其能恣然不有槩於中乎若夫所謂畫繡之榮苟以誇詡鄉閭愚夫豎子一日之觀固非有志者素所蓄積又安足爲吾子道耶某起謝曰忠告之教敢不敬承於是遂書以爲行李之貺

東麓遺稿卷六

二

送廖惟修守延平序

天下之事具於六官而各專其一治刑獄者不知錢穀之出內司文教者不問甲兵之衆寡其守然也若藩臬郡守下至州縣雖分列則殊而六官之事略備承行之吏以房別者六然藩臬時總其綱而州縣所隸不過數十里而已惟太守得制一郡大者或壤地數千里至比古大國諸侯有以承乎上有以統乎下舉六事而萃於一身其職之專而重也良不易稱哉況由此而進焉則上佐藩臬又進焉則入貳臺省皆可以坐致者夫責任如此其不易也班次如此其不

疎也然得者多歎容而居者無固志若將免焉何歟豈其以監臨之分僕僕俛仰之勞有不屑就者乎夫既有不屑之心則必不爲經久之計而其設施注錯苟且一切可知已嗚呼國家所以張官置吏牧養斯民之意豈端使然哉正德戊寅春延平缺守銓曹擇人以克工部郎正廖君惟修寔當其選君始守安吉值立州之初庶事草創上下睥眄君以諸生釋卷而往不動聲色凡所規畫咸足爲後來法程代守者仰成而治吉人懷之至今旣而陟踐郎曹出入七年剛方自將不激不撓聲名藉甚衆咸謂其當有異擢及

東麓遺稿卷六

三

此雖予亦意君之不樂也往賀而觀之見其蹙然方以弗克任是懼且曰子其有以相我乎夫君以兼人之才舉六務於筮仕如素習然況今積於更練之餘且不以中外爲輕重其於一郡也何有吾見延平赤子將得乳於其母若前日之安吉也君之憂過矣抑予聞之古之君子藏器於身審慎而後發每若有所愛惜而不肯輕於自用者今君器既利矣遊刃且有餘地矣而予猶欲君全其鋒而善其用蓋決雲刺犀固不能無望於他日焉爾諸鄉同年之在朝者相與徵予文以爲君行贈於是乎書

送安溪吳君汝佐分教瓊州序

惟瓊漢珠嵯郡在大海中洲王民與黎羣雜居鯨波無涯颶風時作海若罔象介蠱水族鱗侏百出往來者視爲畏途不敢涉北望京師萬里邈然異域以故其民自安其土質野陋朴南粵故俗猶有存者自宋半之以五經教諸生而人始向學自陳季舉進士而後知有仕進之榮然未大顯我朝文德誕敷百有餘年先正文莊丘公遂起家翰苑翱翔臺閣四十餘年文章獨行中朝爲海內宗師其所論著一時刊錄殆徧由是瓊士文學彬彬科第不乏至於上國爭衡此

東麓遺稿卷六

四

固山海靈秀鬱積磅礴待時而發而作起先導固自有人哉夫務遠者恒不足取近者每有餘文莊所讀者何書所志者何事所建者何業瓊士耳目猶及覩記爲師者以是而教爲弟子者以是而學則所謂不肅而成不勞而能者固恆乎有餘地矣以他求爲哉安溪吳君佐命分教是邦徵旨于予欲其近取諸鄉以爲作人之則也於是乎有是言焉且以告瓊之學母趾高慕遠而懈於嚮往云汝佐器業足以遠到屢躋鄉有司乃應貢來校部試廷皆列優等其爲人忠信質直不忘平生蓋非馳騁於外而不近裏者必以

予言爲然安溪尹龔君栗夫予同年友也汝佐歸試持予文示之以爲如何也

郭氏貞則詩序

泰和游溪郭氏洪武永樂間有二節婦曰蕭曰劉今辰州守仕正學之高曾祖妣也姑婦再世蚤失所天誓志不二以存其孤雙節永蘖輝映後先至今稱郭氏者噴噴爲口實子姓日衍以昌而正學遂起家郡守朱幡畫戟專城千里比古大國諸侯君子推其慶澤之餘泝其源流所出端有自哉嘗觀世號士大夫者平居講道理覽載籍誰不侃然自許節義至遭事

東麓遺稿卷六

五

變臨利害奪便圖私棄若遺跡者何限則視彼二母身不出乎閨闈耳未聆乎典訓而之死靡它不肯其所天者豈不有泚其額乎矧當國初搶攘甫定門戶未立外無所託內無所倚顧影孑然而卒能拮据辛勤教撫其孤底於有成長子育孫以綿郭氏之宗祔此誠偉丈夫所難而考德論世者每嘆息於斯焉今世貞婦烈女往往聞於朝廷表其里門以侈大之用以爲世勸正學獨能徵諸名筆紀其事能言者從而歌詠之聯爲巨編以託不朽名珠華袞榮於綽楔多矣其於風厲之助豈少也哉旣乃索予言弁其端夫

二母大節赫赫照人耳目不待言而傳然樂道人善者秉彜好德不能自已之貞而傳信實錄收拾逸墜固史氏職也安敢以不文辭正學在大理詳讞明恕獄刑爲平今將推其休澤以惠辰民德聲日流官業益懋其所至可量耶郭氏之興殆未艾乎天之所以報二節者何其章明較著若是哉是足以風世矣事見二泉邵公所爲傳故此不著

送龔君栗夫改令安溪序

緣俗而治昔人恒有是言矣蓋吏於其上者非其上之人則其比境也凡其土俗之所宜固已習見而歛

東麓遺稿卷之六

六

聞之然猶必觀其習尚審其欲惡采其歌謠積以歲月而后能和其民有非一朝一夕之故者若今縣令東西南北決於銓司一日之注擬間嘗留意差擇其遠邇亦僅能及其一二大者而令長又以負多而或不暇詳夫以四方風氣異域剛柔輕重遲速異齊甚者言辭待譯而始通告詔畫地而後諭而欲一旦罷行舉錯動中事會宜於上下安於吏民嗚呼亦難矣譬諸公般之技王良之御卒然使之易器而操段駘而駕猶未能遽相得於工用人馬之間而況其下者乎古水龔君栗夫嗜學慕古慨然有志於時不苟合

不安交六舉禮部不得志謁選銓司得福之寧德有惠愛民甚宜之未幾以憂去今再補泉之安溪知君者咸少之謂君才宜大受安溪僻小誠不足盡君子以爲不然蓋安溪寧德皆閩治屬土俗氣習大抵相類不問而可知謂用人者無意於君不可也何大小之擇今之往也慎措其所以令寧德者足矣奚以他求爲哉且安溪民純訟簡習詩書而敦儉朴深山長谷之民至有老死未嘗一造城邑者較之寧德尤號易治舉已徵之政臨比壤之民於繁劇乎何有矧茲淳龐踰百井之區乎其不足煩君審矣抑嘗見比者

東麓遺稿卷之六

七

敕使行所部例得察舉其屬令優異者疏請簡用吏緊望而陟臺省者往往而是吾恐安溪之民其將不得久有君矣往哉勉之揚淑問於疆外最治行於天朝在此行矣安溪雖小固君發跡之途成宦之地歟同鄉朝士相與歌詠以張君行而屬言於予予鄉書姓名附君後知君最深且久而慶其宜茲邑也於是乎書

送少叅陸公元博之任江西序

正德庚辰冬兵部武選郎中錢塘陸公元博擢江西布政使司左叅議予往賀焉公盛然有憂色曰吾方

患所以立者奚其賀予曰江浙比壤也其山川物產民俗趾尚無甚相遠入其境如我井里視其民如我親識聆其音如我鄉土旬宜之下皆若飮聞而素見者於公奚有曰非是之謂也吾雅不閑籌筭而職有攸司勢不能兼利而俱濟今所理唯賦是專急於民隱則以廢事爲戾豐於國計又以瘠民爲羞況江右大慙初平夷傷未起尤仁人之所隱也將何施而可予曰是則然矣然出粟米以事其上者民之職而錢穀出內學者分內事也今司其事者必欲負課以市德拙催以爲名不亦過乎無歎公儲無圯邦本俾上

東麓遺稿卷六

八

恒有餘而下無不足固有志者用世濟物之地歟夫國家征歛自有常科誠非距心之所得爲矣然經調之外徵發如雨不可致詰者獨無可蠲而貪殘之漁獵旁緣之侵牟會集之供億髮縷顆粟咸出於民者庸非王政之所禁乎公之往也由舊章糾貪猾剔蠹弊按籍而較孰爲不可已孰爲不可繼予之期而衰序焉視其年而贏縮焉條其尤無謂生而虧除焉無取盈無趣辦則所謂一分之寬一分之賜者况本之以愷悌將之以清淨濟之以通敏茂績昭於部署淑問溢於朝紳久矣執此以往措之天下可也奚有於

一藩江右之民自此其少蘇平匪徒賀公且當爲吾輩致私賀也公喜而起曰誠如子言吾無患矣適公同鄉官於朝者徵文於予爲行贈遂叙次與公答問語以應命

送僉憲張君宗器之任浙江序

忠信之道無所不行動鬼神蹈水火貫金石及豚魚所感必通而況於人乎然必積而後著久而始孚蓋有非一朝一夕之故者予嘗有志於斯而未能將守之以終身焉又嘗以是而論人其爲賢不肖與其行之通塞靡不由之安仁張君宗器予同年友也朴茂

東麓遺稿卷六

九

悃幅不爲華貌而明白坦夷肝膈披露觀其外如其所藏聽其言如其所行居官蒞政蚤夜矻矻無倦言無難色庭無留事案無積牘庶幾古所謂篤行君子者予獲交二十餘年于茲矣慕其爲人每兄事之始由章丘尹擢刑部主事歷員外郎先後一節所至有聲適者又以銓曹推擬擢僉浙江按察事豈非忠信之積乎于上下之一驗歟夫刑曹天下之刑也按察一方之刑也其難易簡劇可知已古之論聽訟者不曰悉其聰明而已又必曰致其忠愛而後盡則夫聽訟之本固自有在歟季路所以拆獄片言者不用是

道乎君於是有餘地矣矧以法律精練之餘從一方簡易之政輕車熟路一日千里不足多者他日部使有以明允剴薦上聞者必將自君始而浙東西之獄庶幾由今其自以不寬哉同年在京師者相與求言以華君行而厲筆於予予不敏不知所規乃書君所自有者以頌且見雅行所在而孚令君篤於自信而已

送胡君克修令雲和序

傳稱廣谷大川異制民生其間者異俗蓋溪山之所毓風氣之所陶剛柔緩急隨地而別有固然者然修

東麓稿卷六

十

其教齊其政則存乎其上之人處州當浙之阻群峰巘上摩霄漢溪流湍悍奔瀨百折其民好剛負氣素號難治然而尚禮勤稼敦素躬齋亦剛之善也是故感之以誠則先孚率之以義則易使安居勇於向方而有事說以犯難往往有慷慨奮不顧身之節如是而曰難治不亦厚誣也哉予同邑胡君克修掌汝州教九年于茲再戰禮闈弗獲逞方將背城借一以圖大捷其尊翁一日書來曰吾老矣弗能待也其就一官爲吾榮君竦然承命遂謁選銓部得處之雲和令既若有不豫色然者予謂之曰君難雲和平語曰

令長民之師帥又曰民之父母夫師帥云者有教之之任焉父母云者有養之之責焉君之未教汝也汝無聞人焉今科第濟濟萃然聳汝爲中州望者誰之力也勤能之績既有徵矣物情官政亦既飫聞而熟練矣外和而中剛貌朴而識敏愷悌之仁清慎之操得於天性者可望而知也則其所乳哺生息變化轉移於雲和必將有道異時耕鑿樂於安業歌咏形於去思學校多志介之士聞闔有好義之民休澤被於百里治行寂於一藩又行於雲和見之克修勉乎哉吾有望不淺矣且去家密邇西顧白雲依依在目

東麓稿卷六

十一

送吉水陳君廷實令畧陽序

古之君子其自待也重而無與於人今之君子其自待也視人爲重輕而已唯其自待之重也是故存諸其心行乎其身發於其政而加乎其上下自有不得而苟者茲固未始求於人而人之遇我也顧不益重乎苟其自待之重輕一視乎人賢否得失舉不在我

則將趨和以爲名承迎以爲容茲固未必重於人而其自待何薄耶嗚呼重輕我也彼烏能低昂於其間哉吾方舍已而役役以徇之弗思耳矣今之科目誠世所重者內自公卿輔佐外及藩臬郡州縣胥此焉出士不由此不唯人或異視之而其自顧亦若索然有歉於中者雖然謂科目不足重士非也謂士必藉此而重尤非也士顧自處何如耳古之人功業施當時聲華照後世使人歆豔慕望以爲不可及者豈皆盡出於科目乎哉吉水陳君庭實蚤挾利器累折於鄉著美名而負屈稱久矣弘治甲子貢入南雍方期

東麓遺稿卷六

十三

大捷京闈而再戰再比今年孟冬謁選銓部注列優等得署陽令瀕行其同邑姻友錦衣王君希賢徵言于予以張之且叙君之先甲科簪纓世不乏人其間抗言忤權奸倡義復鄉郡又焯焯光映志謀而君儒雅馴飭慷慨有志無愧家聲予固喜聞而樂道之猶懼其或以夙志未遂不無世俗之見故敢以古道相切磋夫士固有遇不遇時以君所負撥羣登廡無不足者而卒制於命然士所當爲者誠不止此君固有以自重而銓司之注擬亦不可謂不知君而漫不加意者繼今以往宜益知所以自處矣它日表卓行於

部使陟取績於天朝以增重吾鄉國行於君見之世寧有自重而人不知重者乎

送僉憲陳君伯度之任廣西序

維廣西古百粵地控帶嶺海蠻溪獠洞與編戶錯居櫛比小失意時或鳥驚鼠嘯山谷至厯九重南顧憂又辟左荒微不當道聲聞罕達於中州仕者恒不樂往而吾鄉大吏吏於其土居多藩臬參半焉郡縣而下弗論一曾思之樂近者人情懷居之私而不遐遺者則同仁之度然則吏遠方者固上人所選擇而使之其屬我也不輕而重也審矣不然豈

東麓遺稿卷六

十三

五嶺之表獨非吾人士宦遊之區乎況有志者大觀一視寧復以區區遠邇芥芥於胸中也耶今年秋餘于陳君伯度由刑部副郎陟往僉按察司事承命欣然謂予曰仕於四方者亦曰仕之云爾非昨以是土遂爲我有也遠近奚擇焉今之君子往往置喜慍於其間不亦異乎子以爲何予曰君之優於政矣夫定其心而後身安安其心而後事理或地與心違則不能居其所簿領爲土其靡署爲郵傳吏民爲浮萍數日而居跂踵以望旄麾焉不及煖何暇他啻其所施者苟且一切不爲終歲之計可知已今君視遠猶

遷無所擇而安加於人一等矣夫以安士之心當方面之寄必將從容展布以大副衆遠無外之仁蓋鄙夷之不示以析民之典則蕩而無制然齊整之束縛之欲其盡如吾法則又非簡節踈目之宜度其時緣其俗而立衷焉君必有以處此矣日者所謂吾鄉諸君子吏於其土者皆燁然聲華顯重於時治課奏最征行告捷日相踵焉君邑人張公克修由梧守荐歷二司終大方伯翱翔桂管前後幾二十年人甚宜公亦安之君之師表不遠矣君蚤失怙恃力以清苦自勵底於有成始由辛未進士令溧水繼遷都水主

東麓遺稿卷六

古

事治呂梁皆有惠愛兩地之民至今誦焉至其泐石垣以固走集築圩堤以捍衝嚙尤爲呂梁奇跡予并書之以表君之善政足徵而吾之譽言有試云

壽羅母李孺人七袞序

洪範五福首言壽凡爲人子者孰不願其親壽考無疆而凡愛其人之親者亦莫不以是頌之此至情也古稱壽七十曰老而傳以爲稀百年曰期願以爲極夫數有所局則所以願望其親者雖無窮已而終不得過矧造物者每若有所愛惜而不肯輕畀其人乎則獲償其願者寡矣然善壽其親者於此有道焉往

往求諸名筆掄揚其親之美以爲不朽之托播諸聲什昭諸文辭使人誦而傳之既久而彌章則數所不能制而造物者所不能靳而後人子之心至是無遺憾矣乎南昌羅君志獻之少業舉子不得志棄去以法理成名恩賜冠帶寓京邸者幾年言旋有期母氏李孺人壽躋七十某月某日寔維初度展踵門告予求一言藉手歸爲捧觴之獻且叙孺人順佐良人孝養尊嫜義訓諸子而儉勤理家政孀居二十餘年內外整整若嚴君焉予觀孺人爲婦爲妻爲母咸得其道則今日之壽固天所宜畀而獻之又徵文以張之不亦善乎顧予言不知足重其人可傳與否然獻之累請益堅而孺人賢行固君子所樂道而喜談者其能已於言乎獻之行當叙用有位扶而國朝推恩之典無間崇庠則他日所以爲顯揚之圖者又自有在予當濡毫以俟續書矣

東麓遺稿卷六

五

送進士項君朝載謁告歸娶序

以大公律天下而不廢人之私者上之所以厚士也獲遂其私而益圖自盡於公者士之所以報禮也夫公者天下之義而私者一人之情義不可違而情不可拂勢不容以並行聖人治天下不以大公妨人之

私然私償而奮庸之志愈勵則二者不惟不相悖而且交相爲用焉其所以厚士而勸忠者亦至矣哉今制仕於朝者凡有私情不獲已例得陳乞休謁以便所事視前代告寧急假之限寂爲寬備誠體臣之至仁而懋功之令典也台州項君朝載以清才妙齡登辛已進士上第觀兵部政既而疏乞還鄉納婦特旨賜俞君同年江君仁伯輩在兵部者凡若干人重其事而榮其行也相與徵文於予以張之予以爲朝廷之厚項君而顧其私者可謂周已顧項君所以自處者何如耳夫私情獲伸而後畢力於公內無所牽而

東麓遺稿卷之六

十六

後能展布於外斯理有固然者項君燕爾之後遙北其轅簡劇夷險惟上所授報稱之圖恢乎有餘地矣且其鼎盛之年英敏之器凜若發矟之刃何試而不利將來數歷中外表聲實忠貞有以忘私義槩足以徇國者固將有在而識者以爲未必不自今日發之若夫琴瑟爲好畫錦自榮以詔兒童俗子者君所不道而刑于之則風化之原備于二南者又君所童習而鈇聞也予固可畧已諸君子屬筆之意或出於斯予特引而伸之

送給事史君克弘使朝鮮序

我皇明威德覃被溥海內外要荒之表辮髮椎髻雖頭文身墮卉而服慕穴而居腥酪而食詭形異狀不可殫述者咸奉琛修貢累譯來庭其敢後然荒忽無常羈縻屬之惟朝鮮稱東藩臣聘使歲一再至所以恭事我天朝者尤虔故每接遇以禮不鄙夷之凡嗣統攷先布告因夏既又慎選禁近之臣奉詔宣諭其國比之內藩正德辛巳今皇帝嗣大歷服詔改明年爲嘉靖元年禮部以朝鮮使請於兵科給事中史君克弘膺簡命副翰林修撰唐君守之以行同官汪君天啓輩相與列餞於郊以偁與史君有同館之好徵

東麓遺稿卷之六

十七

贈言焉予謂古稱使難而尤於夷非憚遠也蓋或強弱不敵莫制其死命或情計叵測不得其要領耳是故假術智以御之辭令以道之容止以觀之而後能不辱命令華夷一統龍飛在馭方外之國翹首企踵以仰維新之理無異侯甸矧朝鮮密邇東隣聲教首暨且雅尚文治箕子之澤猶有一二存者又非諸夷方比君之將事也布詔令宣德意俾舉國君臣覩聖人之始作欣咸寧之在期子孫億載世爲藩屏輶車所臨風動草靡其視前代之事難易安危豈不萬萬較然矣乎君始登翰苑文采蔚然輩流推重繼入瑣

閩累有建白皆宗祐至計事多施行直聲聞天下洋溢於疆外久矣其所以壯中朝之威而聳遠人之觀者固自我得之又奚俟有所假而後足哉嚴駕而邁竣事而歸不踰時月若過東西州焉歷覽跋履環詭卓絕驟聞創觀可喜可憐皆耳目生平所未嘗者得勝遊矣言旋之日醴酒相勞能爲我一陳之乎既以是祝君遂以爲別贈

送進士江君伯仁使閩纂修序

今皇帝既嗣統之七月寔正德辛巳之十月也制詔禮部若曰維武宗先皇帝在位十有六年睿謨英烈

東麓遺稿卷之六

六

不可殫述予一人不承罔敢放失其命史官撰次垂將來昭法程侂命官分行天下採錄擣摭於是禮部擇遣進士有學行者若干人錢塘江君仁伯直之閩行有日來謁予曰某不敏與從事先生幸教予告之曰史者天下萬世是非之公也今日之命厥惟重哉蓋將以實事是責之非徒倚空文應故事而已也夫先皇聖政昭諸臣民布在典冊如日中天在秉筆者會萃稟集鋪張揚厲之耳惟夫一時臣工之名蹟閩閩之節槩有不可泯泯焉莫傳者然而愛憎之情美刺興焉成敗之蹟得失係焉顯晦之際幸不存焉茲

固諸君子寃心之地也若徒受成州郡取具文牒而非觀記之真則不惟多所逸墜而是非錯置其妄相冒抑何以信今傳後倘萬世不刊之大典耶昔人傳荆卿徵夏無且傳張中丞徵于書傳段大尉徵老校退卒是皆得之見聞參以諸左驗章明較著的的可傳信無疑故無隱不錄不微不覈夫是之謂實錄以君博洽而精周慎而敘其於是也何有名必稽其實事必求其端毋遺遺毋苟徇視前人豈多讓哉君舉進士予在場屋嘗有一日之雅且濫竽史局與君使事又非了不相涉者於是乎有是言焉君其不暇書

東麓遺稿卷之六

九

送蘇州府經歷朱君希美之任序

安成朱君希美謁選銓部授蘇州府經歷介其姻友鴻臚劉君某徵贈言于予予曰姑蘇雄都也壤田饒沃物產殷阜粟米之賦強半東南錦綺之出衣被天下衣冠文獻蔚然一大都會宜任者之樂往也然而吏其土者人或不能無膏腴自潤之疑往往備責之且厚望焉非行已之諒孚于人人鮮有不爲世嫌之

所加者况夫舟航之要衝冠蓋旁午傳呼噓突迨夜
踟然未息供億之費應接之煩何可勝道然士之不
安其處也固宜今朱君之往也異于是矣夫經歷郡
幕之長也所職典文書主傳達郡符臺檄上下往來
必關通乃得行而實無所專理其地重而清其責簡
而要無刑獄之寄無錢穀之司無將迎之勞精勾稽
慎操履上承太守下率衆僚優游怡愉而吾職舉矣
責之者不苛而望之者亦薄彼固無求於我而我亦
蕩然何所芥蒂於中耶希美舊望安成富而好禮屬
志進取而屢躋鄉閭乃例貢太學冀一命爲親榮今

東麓遺稿卷六

三

日之授雖愆夙抱而志固有在則夫當官蒞政律已
首公所以爲顯揚之圖者豈肯苟焉而已哉近制銓
司始注不免例拘既而以廉能顯拔者後先相屬此
誠聖朝任使無方之仁亦士君子砥礪自表之地也
希美勉之持其志守其道不變刻治行於部使派聲
實於天朝佐郡宰邑且夕可冀一幕職曷足以羈君
哉

送湖廣按察司副使程君時言之任序

肅靖紀元之二月監察御史程君時言擢湖廣按察
司副使時君居臺已九年矣同官毛君汝厲輩相與

徵予言爲別贈蓋以予爲知君者而屬筆焉而不知
其龔塞不足借聽也獨舉君之素履矜誦於南國以
爲先聲戊辰之秋君始以進士令蕪水予獲比舟南
歸日相還往見其退若處子而議論勁正綜理周詳
固已心醉而竊重其人願納交焉且知其必以蕪水
最也無何能聲藉甚部使交薦擢授山西道監察御
史累有建白凜然臺端出按兩浙閩廣多所激揚風
裁盜厲三省人士至今傳之予每慶君之宦有成而
喜予之知爲不謬也迄茲秩滿咸謂應得京朝峻擢
及命下意其有不釋然者而君一不芥蒂於中顧惴

東麓遺稿卷六

三

惴焉弗稱是懼予以是又知君識度遠出尋常其所
至可量哉君筮仕爲賢令入臺爲才御史優於政矣
今之往也中外不易其慮憂樂不嬰其懷庶幾不擇
地而安者而又智精於更練才老於閱歷於一官也
奚有况按察於中臺刑獄之所司綱紀之所係體統
固在列郡於蕪水風氣之所陶俗染之所尚大抵相
類以精明之能投之閑習之地所謂駕輕就熟不足
喻矣它日荆楚之間風紀肅而吏不貪刑罰清而民
不犯聲望赫赫表見一方者非君而誰歟長藩臬入
佐臺省日可俟已蓋其器足以受之矣予又敢以預

言之以待徵云君微之祁門人予系出徽越國公兩姓相望一郡世爲婚姻衣冠族屬亦畧相當君尊翁竹岩方伯公與予先人蓋嘗同朝而伯氏參政公與予仲兄繼爲同年則予與君通家舊矣於其行也能無情乎故不辭而爲之一言

送南京駕部主政陳君佩之之任序

國朝倣周典建官南都以根本之重百僚僉員如京師而本兵之地尤爲機務劇曹猷陽陳君佩之登進士上第初授駕部主事其同年楊君仁甫輩相與徵言以張之予雖莫大於獲遂其情陳君之情我則

東麓遺稿卷之六

主一

知之今夫沾一命者孰不欲以祿爲養而往往有弗暨之悲是以風木之感古今所同一日之養三公不易良有以也君蚤孤獨養母王孺人而甘毳修瀝之且貧弗克自致今將迎致宦邸以就榮祿所謂得之爲有財有弗盡其心者乎聖天子龍飛在馭以孝先天下行覃恩海寓翟冠禪衣可旦夕冀爲母氏榮南望故山松揪歷歷聳龍光下賁幽壤先君子之目殆瞑於地下矣是數者皆陳君之情也今既得之其樂如何雖然情遂矣獨無其職乎爾都官舫隸於駕部供奉之舟歲有常額主考顧私其儻直利其多而

數乘勢以徵於上下遷延過期所以爲囊橐之計者百出公私病焉此豈有志者所忍恣耶核實而平焉責限而期焉毋稽上用毋隱民力昔人謂興一利不若除一害者殆此類夫是非陳君之職歟蚤夜以思之觸類以求之天下之政咸舉矣獨茲一事而已乎恪修其官而恒得其情職思其憂而後享其樂陳君之心哉矧陳君筮仕之初猶車駟材堅而良其亨衢坦道蕩蕩之禦範我馳驅則過都歷塊千里一息耳異日陟華登臚赫赫然敷歷於時固將自茲始陳君尚知所以自勵哉予與陳君有鄉曲之雅重

東麓遺稿卷之六

主三

以諸君子之請辭弗獲命於是乎書

送平和張君國雲分教河源序

弘治丙辰先君守漳予往展省道南靖則已聞張君名籍甚時君爲邑博弟子意其旦夕當穎脫而出也自是每得聞省鄉書輒先披閱名氏求所謂張君者咸無有恒竊怪之去年春始見於京師乃以貢來也相勞問道舊故俛仰幾何忽忽幾三十年矣感嘆久之既而覩其氣益壯而扣其養益克知其未衰必將終有成也今年夏校部試廷果列優等銓授惠州河源縣學訓導瀕行謁予求贈言焉且曰某不佞有先

大夫所以教我與先生所以期我者矣予解之曰君子求諸已不必於天務其實不眩於名夫以君之利器足以得志久矣而老於跋扈者豈不實猶有未至邪抑亦窮達之分有非在我所得爲者也國家懸科願待士弗由是者不謂之正途而議者必欲軒輊於其間不亦眩於名乎夫物要於成小大奚擇焉君青衿而來裁冠而歸登名仕版振鐸一方不可謂無成已若夫表儀形於模範侈模範於歌詠以收敦學之成者尚於君望之昔人興賢倡學至躋陋邦於鄒魯矧河源雅以文物稱於嶺嶠爲文忠過化之地流風

東麓遺稿卷六

三

遺澤耿然猶新其所以示嚮往之的而爲風厲之資者固有在哉夫作人成法君講之豫矣予特慶其垂老而卒有成且將張而進之也於是乎書君同鄉黃門史君輩聞予言而是之咸相與勗君君其懋哉君世家南靖清寧里之瑄溪書香科第奕葉相承正德已卯翔隸平和縣令爲平和人平和之貢自君始繼今以往張其顯聞於平和乎

送李君廷訓分教莆田序

嘉靖改元夏六月邑人李君誥廷訓奉命分教莆陽造予告別予賀之曰莆閩鄒魯也比屋業儒衣冠文

物甲於八郡每旦師儒振鐸升座青衿執經環聽陋丈者數百人夜則然燈星列吾伊達曙不絕覺舍不能容至假館釋廬真官傳宇殆滿大比解額率三之一予嘗過其地壺公陳嵩南北拱峙蒼然可攬靈秀之所孕毓不誣也哉夫司教事者以多士爲樂以造士爲功於是裕如矣君慨然曰誥寡昧無似承乏名區方懼弗克任子將何以俾之予曰國家作人具有成法今雖欲出意見增條貫於其間有不可得矣君之往也申舊格舉逸童莊嚴以臨之不倦以濟之端模範以表率之昭興紉以休懼之是則可爲已今夫

東麓遺稿卷六

五

荒邊側境遐區陋域非無砥節首公之吏而世莫聞焉以無顯者爲之先也莆之俊造如林老成耆宿多起在尊位者賢能之聲朝發而夕至有弗聞者乎君無患矣夫職憂不累其中而宦譽易達於上茲非仕者之大幸歟君其懋哉君早有聲場屋趨向不苟通敏精練蓋有志用世者庶幾以予言爲然乎予與君生同鄉長同學非宴游一日之好是故於其行也有慶書之情焉致願望之私焉申鑄切之意焉君謝曰誥不重得莆重聞子規敢不夙夜以思敬奉以周旋請書而受藏之

送四川按察司僉事胡君仲申之任序

六官其難於刑曹明于刑而天下之政舉矣六官各專其一不能相通惟刑曹所理律文科條六官咸具有志者誠究心於此天下之事如指諸掌是故自刑曹出而爲郡守爲藩臬燁然著聲者前後相屬豈刑曹之屬選授注擬獨慎於衆邪誠以六官之事日交於前智以練習而彌精鋒以磨淬而益利繁劇不能用盤錯不能挫隱伏不期附比援例動有法守老姦宿猾蓄縮駭汗其手豈非試難更事之明効歟華亭胡君仲申爲刑曹副郎擢四川按察司僉

東麓遺稿卷六

二十六

事仲申始由甲戌進士授山東司主事入曹處當明允稱老法家奉命錄囚江南所至平反獄無冤繫遷河南司員外郎器業益茂雅尚幽遠襟懷灑落而事至立決案無滯牒庭無留務輩流推服以爲莫及夫以明達之才承更練之後天下之事固將迎刃而解况提刑所司又其素閑者也夫尋舊業者不勤而精復故道者不勞而至予將見其寢賢能於一道而流聲實於天朝也審矣由是而長藩臬由是而晉臺省惟其所至固恢乎有餘地矣蓋其所嘗試者非一朝一夕之故也君之在郎署也大司寇張公雅愛之其

陟今官也少師石齋楊公實擇之二公之知遇良不易哉往矣勗諸同官詹君等以君行有日例嘗有言贈乃以命予顧予不足以重君而慶其能是官也於是乎書

送湖廣布政使司少參安福王君斯遠之任序

用於人者與用人者異道用人者量材而使度德而授無遠邇踈戚之間要於爲官擇人而已若夫用於人者則不然難易簡劇惟上之畀勤身所事以副所以用我之意耳餘何知焉是故在上者簡而不煩在

東麓遺稿卷六

二十七

下者約而易守上下交致其道而怨尤不生其或忘已之量所稱而取必於上以求徇其所欲則人各有私勢必不能一一厭滿其願而天下之缺望者始不少矣予於安福王君斯遠之言有發焉君以南京刑部郎中服闕需次爲司擢湖廣布政使司右叅議專督國儲君謂予錢穀出內國學者事視若浼焉則吾豈敢又曰湖湘土曠民稀水沴落作公廩不繼吾之責民力不裕吾之憂子將何以教之予聞而嘆曰若君之言知用於人者之道矣夫厭簿之心存於中則苟且之事見於外顯微影響蓋不可以文欺者今

若安於所遇而職思其憂則其所以恤民隱而豐國儲者要自有道哉惟科撫字固非截然兩事也不費之惠何往而非君子及物之地邪君初在工部權竅秉政事多難行而君處之裕如不阿不激繼遷刑曹詳讞明允清勤懋著累見取書數歷兩曹出入十載則其利器別於盤錯而遊於肯綮久矣今也卒其餘鐸試於一方豈復有全牛哉昔宋制選要職必先經歷錢穀正欲其多所嘗試以爲異日地耳吾君吾相之意或者其出於此君行懋諸君曰嘻有是哉予鄉書姓名辱次君後有兄弟之義於其行也感於其言

東麓遺稿卷之六

三十八

庸書以志別

送朱嘉黃君應治分教海康序

士廩於學率二十餘年乃得貢天下州郡縣學歲春秋貢至京師者率幾千人初學士院廷試之汰其紕繆者歸諸學餘乃分隸南北胄監謂之貢士其願爲學官者禮部覆試之加嚴焉汰其半吏部覆試之加嚴焉汰其半最後又詳試於廷而精擇之二三良亦艱哉予與校閱久復備觀焉往往有奇士頽脫其間撫卷三復未嘗不與同事者嘆士之遇合有時而科舉之未足以盡才也若朱嘉黃君鐸應治其一已今

年春應貢來其同邑瑞峰葉太史寓書于予曰吾友有應治者太難之遺也子其識之及再試再閱其文清新醞藉思致不凡於是始信瑞峰之言爲不妄又慶應治之遇而嗟其晚也旣而瑞峰還朝語予曰子知應治者文而已其爲人於倫紀最篤茲來有遠遊之感啻其父母昆弟像於冊題曰敬思以便展視推其意夫豈敢以一言跬步忘其親者哉間嘗攜以示予予益重之茲以分教海康若有不豫色然曰海康去家數千里親不可往吾不克養奈何予解之曰昔人不云以志爲養何有牛羊乎又不云敬以蒞官思

東麓遺稿卷之六

三十九

貽今名之爲孝乎子之往也靖恭爾位早夜以思俾師道尊而士習變淑問彰而宦業隆則其發於數十年之餘而出於千百人之中者庶幾不負於爲父若母樂且榮之恒若子之侍側而忘其離憂也視五鼎之奉不旣多矣乎況子挾畚與俱且暮披閱恍然承願於左右而聚首於一堂又何遠邇之較應治躍然曰嘻有是哉吾不遠海康矣遂書以贈其行且以爲敬思之勗

送德清主簿熊君君錫之任序

弋陽熊君君錫謫選銓司授德清縣主簿踵門告予

曰緩不佞卑棲下邑以辱吾子且德清習染說欺懼
弗仕以爲吾子憂予告之縣設主簿職勾稽贊政理
自漢晉來有之令長辟置惟其人唐宋間以進士選
調名賢碩輔多出其間見於傳記不可勝數而曰高
士不爲者彼蓋有激而云爾也昔明道先生調江寧
簿嘗曰一命之士苟存心於利物於人必有所濟古
人之仕其志固將有在豈擇崇卑哉願所以立乎其
位者何如爾奚其辱郡縣之吏所以爲天子牧養元
元者也有父母之道焉而縣於民尤親夫父母於子
慈愛歡欣其情如何而今也儻其民如狐兔則民於

東麓遺稿卷六

三

上復何賴焉夫虎之於人異類而媚養已者順也而
況同類者乎昔陳襄爲浦城簿民畏且愛至圖像事
之彼獨何求於民而致是邪奚其憂予聞吳興之俗
寡求而不爭信實而有耻所從來舊矣古今相去豈
若是其懸哉今制簿於縣無專職受租誥盜聽訟攝
令惟上所使尤得以行其志君之往也無卑其官無
擇其民任牧養之實敦利物之仁則頌樂只於閭閻
揚淑問於境外可旦夕冀爾國家官人雖別其所入
之流而未嘗盡其所至之域此其無方之德視成湯
何遠哉枳林一枝知不足以淹君審矣君其懋諸君

喜曰命我矣敢不敬承君少負利器有志用世屢叨
鄉闈乃例貢太學冀一命以自試其先顯宋元間簪
纓相望不絕入國朝稍衰迨君其復起乎予與君同
邑里且有連姻非一日之好也故於行也不以頌而
以規

送廣西按察司副使黎君乾德之平樂治所

序

桂管蠻患所從來舊矣蓋諸溪洞據梧州平樂間綵
亘八百里與編戶櫛比界壤穹峴峭壁下臨江派梗
嶺重山踰出旁省小失意則噍聚阻兵略居民禦行

東麓遺稿卷六

三

旅時時有之朝廷設兵備憲臣於平樂所以布昭皇
靈懷輦殊類控鬱蒼之上游達嶺海之交道膺是任
者厥惟重哉然自張官以來蠻寇不知幾變而訐謖
於廟堂宣力於疆場畫臣策士各持所見又不知其
幾說矣卒莫有得其要領而制其死命者忿其桀驁
則曰勦然溪谷深昧杳不可窮能草薶而禽獮之乎
況我軍未張未有全勝之圖也罷於徵調則曰撫然
喜人怒獸信不可恃能保其不渝乎況不一大創適
爲納侮之地耳至於鵬勦以別玉石似矣然非我力
既裕彼纍可衆則將鯨奔豕突嘯呼其群安肯俛首

帖耳靡然就縛於我邪是三說者不既窮乎雖然善
用者因其時相其機而消息之則申盟誓以招攜離
可也底天罰以遏亂略可也懲一二以誡千百亦可
也德足以示懷而兵足以示威固未有能出三說之
外者存乎其人焉爾監察御史黎君乾德擢廣西按
察司副使往蒞平樂君居臺六年獨持風裁聲稱赫
然嘗出按蜀時撫臣與師松茂罔功不以聞君至首
劾其罪去之而撫定其地天全土官虔劉我邊陲議
者狙於姑息君誅止六衆黜者而更置其長變人梗
叙南君論以禍福其出聽約束比者論功君受錄

東坡志林卷六

三十一

弊之錫其方略見於軍事者如此然則今日之簡命
夫豈徒哉同官某輩相與壯君之行而命筆於予顧
予所陳皆君飮聞而時措之餘也曷足爲君重隱長
城於嘯歌折敵衝於博俎在茲行矣他日南蠻即叙
江沅廓清尚當爲君頌之

送侯官縣十簿胡君子真之任序

昔劉晏論人以名與利視其所重而別其廉汚世恒
以爲確論無復改評矣吾獨謂不然此特較其大凡
且自中人以下言之耳若夫豪傑之士出於簿書刀
筆間其自視謂何而遂以是言槩其生平不已過乎

吾於貴溪胡君儒子真有發爲子真之先以畊讀世
其家服儒紳而登仕版者代不乏人子真獨以法律
起家司御史臺獄廉慎自將久而弗渝今上初嗣統
群姦就繫者溢園土皆富埒天府力使鬼神主者微
示意向賄賂累數百金子真一不爲動毫分無所染
法守自如不肯以爲威不縱以市德臺中自大夫中
丞而下靡不多之嘗有欲薦諸當塗將超用者卒尼
不果今年以九載考書上第擢授福建候官縣主簿
瀕行求贈言于予予惟士之立身顧其志如何耳固
不係名利之重輕若子真者竭其生平僅就一資所

東坡志林卷六

三十二

獲幾何而其自樹卓卓乃爾不詆於利不疾於回雖
儕之縉紳何作所謂豪傑之士非邪然則昔人之言
果未足爲通論也自今以往益堅雅操以修其職毋
忘厥初毋懈厥終則其所以守官蒞政獲上治民有
餘地况中臺部使皆子真素所承接而共事焉者其
知子真也久且審吾見宦業益懋叔問日派出簿而
上若歷階以升其將何所不至行矣勉之子真再拜
謝曰先生前所陳者辭多溢美寔儒願學而未能有
也後所陳者藥石之規敢不朝夕敬奉以周旋以卒
志以毋負大君子之明誠予於是益信子真爲有

志者也能自拔於流俗者也乃不辭而爲之書

送晉江黃君以誠令武進序

晉江黃君以誠登進士上第銓知武進縣事造予別日走雅辱知遇茲從後遠違凡可以勗走規走者不愛一言俾得奉以周旋以卒大貺予告之曰有志於用世者必有天下之事自勵而一身之屈伸勞逸不計焉今之邑古百里侯國也凡封內獄訟兵甲戶口賦役學校賓興享祀飲射繕治興作下至將迎勞賄巡徼譏察邑長無不當理山川險夷土田瘠饒方俗淳漓閭閻利病休戚無不當究回天下之政也而又

東齋遺稿卷六

三十四

於民最親或冤苦失職抱牒裹糧遠者越宿近則移時走訴庭下可以立白士苟以能著一邑則於天下如指諸掌隨所置之無不可者何則所履者多所立者豫耳然而俯仰之節簿領之數有非恒情之所安以故仕者十舉進士輒以言京朝職華要爲憚視州縣免焉不屑就自非豪傑之士慨然志於遠大其何能無介蒂於中邪武進三吳雄邑也川澤衍沃民物秀慝所從來舊矣今君質直而溫文忠信而通敏退讓似不能而涇渭分明確守有不奪之操青真縱軼茲其發軔耳行矣勗諸他日入臺諫部曹而藩臬方

面上而公孤卿佐宜之爲謀謨錯之爲事業昭之爲聲華天下頌之後世傳之詎非武進爲之地乎君起謝曰事上者吾之分勤事者吾之職若夫嘗試砥礪以爲用世之資固夙所願學而未能今幸始從事焉詎敢不勉乎於是知君蓋所謂豪傑之士也有志於天下者也不以屈信勞逸爲念者也遂書與君答問語爲行贈且以俟徵云

壽詹母吳孺人

卷六

天將昌人之國必先祐其元老使之壽考如山黃髮鯢齒番番在廷內以保典刑之寄外以重朝野之瞻

東齋遺稿卷六

三十五

若元龜神耆商葵眉壽望之者凜然起敬不敢狎詭夫然後廟堂惠顧隱折衝之威國勢尊安食靈長之祉是必有莫之爲而爲者矣其於家也亦然上焉者高堂具慶福祿無疆而子姓群從內外長少有嚴君焉此家之吉也其次必偏得其一亦足彈壓衆志係屬群情以求家聲於不替若是者豈人之所能爲哉吾邑詹母吳孺人興化節推省齋公之配出貴溪甘蘇鉅族視憲副某公爲從父少習家訓賢明純懿佐翁清慎能其官勤儉裕其家詩書成其子事字賓祭咸中禮度好施予周鄰族急不計有無無倦容無德

色翁歿幾二十年獨總家政戶庭整整如翁之存其
子葵天叙尤善先意承順雖近遊必告反期不失晷
刻垂貢太學不欲違左右遂棄去反其初服以便養
孺人亦欣欣焉今年壽登八十九月十七日維初度
辰步履輕健神明不衰適逢新天子尊禮高年綸音
渙賚光燭里閭此誠所謂願少俟須臾思見而不可
得者夫有淑德以爲之本有賢子以爲之養有異數
以爲之榮然則孺人之壽殆將未艾而天之所以福
詹氏者尚可量哉上饒上舍徐君理其子壻也以謁
選銓部不克擇賜展慶徵言于予將寓歸爲祝予辱

東麓遺稿卷六

三六

交省齋父子間舊矣又與天叙有連知孺人行爲詳
而喜其家之益昌且末也於是乎書

送崑山屈君汝爲之南京大理評事序

評事漢廷尉平也刑曹御史臺獄既具則覆詳於棘
寺必情比平允乃行得駁正之不由是者不謂之成
獄出入舒慘惟所處當聖王詳刑慎罰之深意實於
是乎在膺是責者厥惟重哉崑山屈君汝爲以辛巳
進士銓授南京大理寺評事其同郡大夫士在京朝
者相與徵贈言於予予知汝爲必將舉其官能無一
言以張之書曰皇陶降典折民惟刑又曰欽哉欽哉

惟刑之恤哉達於是者其知所以用獄矣乎汝爲初
舉進士連有建白事雖未行識者韙之嘗讀其典禮
疏反覆援據精深浩博如指諸掌俾先王之典粲然
復明於當世至撤州疏憫側困窮拳拳桑梓之念藹
然溢於言外二者天下之大政存焉君未在其位而
謀已及此其所養可知已夫動衆則禮也不忘民
隱仁也禮刑一物也仁義一道也出禮則入刑禮以
示之民斯不犯矣仁愛而義宜仁以行之民斯不冤
矣執此以往其於刑也始庶幾乎今天子維新初治
恭已於上事無大小一付有司奉職之吏咸得守法

東麓遺稿卷六

三七

信度當官而行君之往也濟其時行其志上無所怵
下無所牽益自展於分列將見詳明之下平反者多
矣推廣朝廷好生之德而助成嘉靖中興之休固君
之能事也君爲人恂恂退讓不爲華貌而博學能文
明習世故蓋惟所置之無施不可者况廷平乎亨衢
萬里茲其發軔爾予與君有場屋一日之雅知君爲
深而慶其能是官也於是乎書

送貴溪詹君以鎮丞海鹽序

丞所以佐令長貳之分兄弟之義存焉於一邑無不
嚮問者惟令與丞耳丞秩僅四百石猶爲專職以行

其志然令得其人丞可以坐理昔人不卑此官者良有以也是故丞之與令善則承之美則將之不及則輔之和其衷一其德有可否而無乖睽盡吾分之所得爲者而惟其長之爲聽而吾職舉矣譬則家有伯兄以總理於前而仲氏協志以相厥成其從容閒適於墳簞和鳴之樂固其所也若曰位偏而嫌徒以涉筆占位署成案爲常則豈設丞之初意哉予甥弟貴溪詹君以鎮謁選銓部授海鹽縣丞其令張君景周予同年友也海鹽兵民雜處號稱難治張君以能調茲邑爲政再朞百廢具舉人吏咸懷感幾前志所謂

東麓遺稿卷六

三八

淳

秀之舊其政成矣君之往也夫復奚爲守其畫一贊其化理而已耳昔宋丁安義丞海鹽歲旱詔復民租十之八而和糴尚在安義與其令抗論於上官而免之至今以爲美談事成於同類如此君得師矣尹少蘊奇抱璞屢則於鄉有司乃例入太學方待價連城而賈竟弗售爲人廉靜有志介孝友著於家庭信義孚於朋友識者以遠到期之區區一丞於君誠負然制於格者銓司之守由丞陟而邑長而郡佐而州守者往往如是亦孰能禦之曷嘗卒以例拘耶以君

所立足以卓然自表見而又有賢長以先之嗚呼其進可量哉君行有日同郡姻友之在朝者相與餞於都亭而命某爲序

詞林別詠詩序

天將祐人之國而欲已其亂必潛遣異人焉於禍變之側以爲之脩若將伺其發而制其後者是故雖有非常之疊積之數十年而作於今而指顧談笑忽焉蕩定颯逝影滅是蓋出於天而人之所能爲也哉吾於逆濠之亂而有以知公之爲烈又知天之所以眷我皇明而固億載靈長之基者方隆而未艾已方濠之初舉也天地晦冥四海震動蓋其爲謀也夫豈一朝一夕之故哉公時家居已數年終焉之志久矣及聞變即慷慨許國糾合義旅移檄遠近力贊陽明王公討之且誓于天至欲獨以身嬰其鋒而不恤義聲所加從者雲集賊已順流南下有窺畱都之勢我軍遂鼓行而前覆其巢穴賊失所據不暇他圖倉皇狼顧而歸以至敗滅去始舉事僅旬月耳自古戡定禍亂未有若是其易而捷者何其偉哉向使公未去位則方在滇南萬里外非可以旦徵而夕至者雖元惡大憝不能久稽天誅而封豕長蛇假

東麓遺稿卷六

三十九

一日則憂一日之禍汚染塗炭可勝言耶而公不
先不後適際其會而當其衝以克有濟謂天無意於
斯信不可哉既而朝廷論功首陽明及諸從事者久
乃起公爲都察院左副都御史未幾擢南京都察院
右都御史公欣然方以圖南爲幸而當午之眷維嶽
之瞻上下交至然則公尚得久遂其私情哉某於公
爲同鄉晚進雅辱顧遇亦自信爲知公者乃推之於
天以爲宗社慶且榮其行而祝其復來也以致願望
之意云於是同館舊與公往還者聞予言咸相與歌
以張之公天性峭直少所許可而高明洞達與人交

東麓稿卷六

甲

盡其誠意立談傾倒肝鬲無隱平生宦跡所至赫然
有聲茲皆不復著

送貳尹賴君子成朝正還臨高序

今上嗣統之二年適天下朝正之期詔天官卿詳課
治行覈實殿最以聞而汰其尤不職者罷方伯連率
守令而下幾四千人視恒數殆倍焉亦嚴矣哉既文
下璽書申儆諸竣事而歸者凡所以安民泄政行已
守官宣諸綸旨三致意焉於是無遠邇小大靡不惕
息感奮益勤所事以仰稱上意識者亦以占太平之
有期也汀州賴君子成將還臨高其同鄉經衛暨

若某亦其來求贈言于予蓋慶其表見於精核之餘
而欲相其成也予謂臨高去京師萬里介處洲島邇
爲異區子成哦松其間宜莫有知者而淑問遠軼于
岩廊卒以稱書最朝廷之明可謂不遐遺矣今之歸
也當彌堅雅操砥節首公以圖報稱母裔其地母鄙
其民母卑其官毋怠其終宣布天子愛養元元之德
俾蠻荒海徼企慕瞻望北向歌詠以頌太康則最上
第之榮寵奉天語之丁寧戾其無負矣乎它日部使
剡薦銓司推擇固莫有先子者矣尚其懋諸賢君又
稱子成志尚不苟佐臨高某年有惠政黎蜚懷之嘗

東麓稿卷六

甲

建修太平橋費鉅不擾邑人稱便它事多有紀者予
雅不識子成而信暨君不妄言於是乎書且勗子成
徵予言爲不妄也子成再拜曰瓊有明珠文貝世所
共寶王恒瓦礫之茲奉明訓所獲多矣敢不敬佩周
族以毋忘珍貺

送侍御黎君一卿三載考最序

聖天子更化中興達聰明目遙追隆古之休一時臺
諫競勵風采展布自竭以祗承德意於是近自嶠廓
遠逮海宇幽隱瑣細爛然畢陳於前上無壅澤下無
抑情吏無遺姦治無宿蠹卒然從違嘉靖於三代之盛

嗚呼盛矣哉然辭以辨而傷費氣以激而失平識者顧不能無憂焉夫士恒患時未可言得言矣又患其過何也蓋無諱之朝固非盡言之難也不有老成持重者屹立于間鎮其譟而定其譁其何以養平寧之福而還太和渾厚之風哉若吾友南海黎君一卿其人也君質實和易不見圭角而操履端恪動合渠度始由貢士掌建平教事正已格物言而善誘部使者首以名聞既而登進士上第入翰苑文譽蔚重館閣擢授陝西道監察御史嘗出按閩勾校精詳前後建白務引大體略苛文指細故言以不許爲直名以不

東麓遺稿卷之六

四十一

銜爲能事以克濟爲功自蠶氣喜事者視之若悶然不可人意然卒之憂深思遠不動聲色而成天下之務者寔於是乎賴所謂老成重厚者非耶既三載御史大夫天官卿咸取其績同官李君民望輩慶其成而欲卒相之也徵贈言于予予辱與君同館談文折義往還加密知君最深且久乃不辭而爲之書

送經衛徐君存之建寧序

君子之仕在適意耳而崇厚簡劇不與焉古者列國之士各吏於其土不惟民人習尚醇濃醇厚得於飫聞厭見之餘優於爲政而天時地宜衣食興居之節

不必改於其故而得又終身守其墳墓親愛無離居之憂焉此古之君子所以眷眷於父母之邦而不忍輕去者有以也哉今官無小大一出銓司之注擬東西南北惟其所適遠者扶携老幼陟險浮深或踰萬里外近亦不下數千里閭閻歲更時然後能達民惟土俗非其所習天時地宜衣食興居非其所安迨夫積久漸靡稍稍宜于其地則又轉移更代掣而它適鄉土之惟思愁其心腸而道塗之勤委頓其形體如是而云自適雖高位厚秩亦何賴焉況其下者乎予獨友上饒徐君存之銓授建寧左衛經歷經歷慕僚也

東麓遺稿卷之六

四十二

於君爲歎而君顧充然自足畧無介介於其中者蓋建寧與信界壤相去僅十舍予嘗過其地溪山清峻民物秀愿風氣物產大較類信君之往也入其境鄉井邑里猶吾土也城郭室廬寒煖燥濕猶吾土也公餘徜徉恍乎若履冰溪之濱而步靈山之麓松楸衆梓隱隱在望一介行李贏糧裹足計日取往反焉且其地閒而要其事簡而清無有司之守無將迎之煩吾且知君優游於是官而宜且樂之也君先世鳳陽人至宋有諱才者由進士爲信州路同知子孫因家入國朝君祖仲麟由進士官至廣西兵備副使君少

業舉子志繩祖武久不遂乃例貢太學爲人有節介才適用世它日當以治行最出幽遷喬日可俟已一散局曷足以淹君子特因其得所處而安是官也於是乎書

送節推周君廷臣調重慶序

公論流言恒角立相持必更諸久而始定守道君子信其在我者而已嘗觀謗議之興機張獲伏蠅集蠅叢舉之有緒詰之無門幻巧百出雖智者亦惑而信之一時公論莫得行焉迨夫遲以歲月徵諸事實得失直僞較若白黑夫人而能辯之矣豈不以公是公非積久莫掩而天理之在人心有終不可泯者耶予於周君廷臣之事有感焉君以名進士司理松江五載矣蚤從丁補齋游嗜學慕古不追時好其爲政亦然鋤豪惡殖弱小當官而以勁正自將請謁不得關法守無所撓闔郡宜之而一二不便者橫生口語流聞當塗遂有改調之命士論惜焉君怡然曰吾道良是無幾微見於言面既而得蜀之重慶衆又相與異之君亦不色喜夫始之惜也豈不以君之才不宜去劇而就簡舍大即小耶自今較之松江雖稱瀕海重地然所治不過二邑視重慶三州十七邑僅十一耳

東麓遺稿卷之六

四四

意當塗者寓微權示激勵歟抑今日浮議白而公論信歟不然先後小大有不可類推者豈改命之初意哉此吾黨所以始疑而終釋乃將喧而更以賀也而君一不變其度非中有定見而篤於自信者耶君去松松人贈言連累成帙多去思之誅則前日善政焯有足徵而吾所謂公議以久始定者並不誣哉君嘗疏松之蠹弊二十事上聞曰吾雖不及行以遺後人多見採納予索而讀之皆深中民隱揅世通劑不獨一郡可行而已夫其用意之厚眷眷於故郡若此況今巴民望君若赤子方乳於慈母撫摩顧復執此以往足矣且其俗剛悍朴野夫剛可以義使朴可以誠感異乎三吳柔慧奢靡之習者真君所宜也揚淑問於疆外寔治行於天朝在此行矣然則今日固君發跡之途延譽之地歟謂用人者無意於斯信不可哉同郡親友相與餞君於都亭咸以予言爲然遂命書諸簡爲行贈且最君自信云

東麓遺稿卷之六

四五

送河南按察司副使王君天宇之任序

監察御史王君天宇督畿內學政未三載教化大行士習丕變天官卿累其治行皆高等陟河南按察司副使行有日順天府學教授趙中等相與求贈言于

予以致去思之情予惟士平居常患不得位既得位或職有所分時有所尼又患不得行其志御史得言天下事君嘗指斥當塗者中其忌諱時論是之出按山東風裁益峻至今積弊未除其造士也甄別精審高下咸當其分而尤先聲義教本實身教居多嘗奏開京學廣增額二十人以優育善士類茲者則於御史可謂知無不言言無不用而其志亦既行矣今也專提刑之司受方面之寄出其緒餘慨乎有遊刃之地方今聖君寬弘化理率由舊章事無巨細一付之有司當其時矣提刑一遵者得自展布出

東麓遺稿卷六

聖

入舒條以三尺從事上無所掣旁無所牽其責矣如是而究心焉寬抑有弗信乎則隱有弗達乎揚明兄之聲派不究之領不聖之君而誰吾見君之志文將行於是矣傳曰刑不備也成也一成而不可變是誠君子盡心焉致誠此為君視遂以為別彼以中外介介其中於吏事若有不屑然者是特倖倖漢中者之所為豈達人君子之用心五刑大政也憲副尊官也中州名藩也於君矣買予知君舊非宴遊一日之好不敢以長情待君於是乎有是言焉君鄧世家初以進士公嘉定多善政辟為御史出入更踐

國家恒典它日入歷臺省謀謨廟廊大行於天下拾級升階孰能尼之予方跋足以俟是為序

送江西都閫劉侯信夫之任序

國朝武階無小大成世授惟指揮加都必由選授至於專閫一道軍政視篆者其選尤重非宏略雅望昭於人人出乎其類固不輕畀嘉靖甲申冬江西都指揮使司視篆缺員詔夏官卿慎簡以聞而劉侯信夫寔膺寵命衆咸宜之時侯適督漕至京師其同官田侯某等徵文于予為行贈予惟方今天下舉直於財而營伍之間特甚張順待餉所在嗷嗷殆不能以朝

東麓遺稿卷六

聖

夕此其故何哉謂儲峙之虛歟而恒賦之供不乏也謂催科之繁歟而徵發之政不及也抑主帥或私便其身圖而不遑恤歟而選授之嚴猶昔也是必有執其往者矣夫騏驥不秣驚馬先之責育病餒童子抗之師不宿飽而求其賈勇敵愾尚可待哉況江右承兵燹災沴之餘公私掃地赤立拊循煦濡尤不可緩本兵者以劉侯應選真其人哉侯世曹統禱而寒餒若布素清介通敏雍容文雅有古儒將風光弼代子儀鎮朔方號令一施旌旄改色彼特以嚴繼寬猶若是侯之往也豈獨著殊於寬猛間哉清淨之化行而

股削者省矣冰蘖之操勵而貪墨者懼矣威聲所加
不言而喻自今已往軍儲有弗實乎行伍有弗定乎
疆圉有弗固乎一方無桴鼓之警九重舒繭顧之憂
在侯此行審矣侯少業舉子有聲場屋襲龍驤衛指
揮同知調龍江右衛軍政最稱難治侯蒞事數月案
無留牘擢董官舫而衰序其役舊擇尺籍中富室克
總領主者藉以自潤侯三載秋毫無犯督留都諸衛
漕歲積羨餘既而守脩浙之溫處至日首革軍吏供
需之役一軍若更生甫月餘遂有江右督漕之命士
卒遮留不能得留其餼以識去思其在江右漕政尤

東麓遺稿卷之六

四八

爲修舉盡剔宿蠹公私皆濟前後獲重語於當道形
諸薦牘歷歷可覆校所謂宏略雅望昭於人人者非
耶予復何言特頌侯之素履以張其行且爲吾邦軍
政得人賀是爲序

壽宋母賀孺人七泰序

予聞宋生景伯時名籍籍疊校舊矣未幾來從予游
察其器業足以遠到且純篤不妄交不輕然諾予恒
以國士期之既又聞其母賀孺人之賢伯時先翁逸
春棄養幾二十年孺人獨持門戶接遇宗戚里黨下
逮臧獲咸中矩度撫教遺孤必欲以詩書起家光在

先世拮据供師友費然後乃知伯時學底於成名重
於時良有自哉今年孺人壽登七泰十二月四日設
伉俪也其姻友費君某等以予與伯時有一目雅相
與徵文於予爲尙篤厥且繪圖以致意焉予惟五福
莫先於壽而所以致夫壽者德所以享夫壽者樂婦
人步不踰乎閨閭聲不達於閭巷懿美其詳而善觀
者恒於其子占之人子欲娛其親者或以榮名或以
甘毳咸爲用其誠然不得不可以爲悅而善孝者恒
於其實求之今觀伯時之賢則孺人義方之嚴善慶
之餘舉足徵焉爾伯時所以自致於其親庶所謂盡

東麓遺稿卷之六

四九

心而不夸於外先實而後平其文者孺人得以優游
夷愉適志無違以娛暮年而忘其孀居之戚者不其
在茲然則孺人之壽誠不爲徒而又獲享其樂於無
窮殆將踰耄躋耄以壺期願尚可涯哉母之賢足成
其子子之賢足顯其母交相致者也知伯時抱負利
器以需光亨日可見已而榮寵祿養時有兼得者耶
予敢預言之以最伯時遂以爲孺人壽圖者何北
堂之晚節也蘭桂者何謝庭之三樹也松石雲山者
何後彫不騫之象也瑤海者何王母降謫之區也其
所取者倫矣予因其意而推其所以然於是乎併書

之

壽安仁素軒倪翁八表序

予嘗披商山四老人圖冠裳儀觀儵然神僊中人心恒慕之以爲漢初近古深山長谷與世不相聞渾厚淳朴之氣猶存以故若人者出乎其間雖其所藏未易測識而壽考無疆如靈龜神耆世亦不啻有乃今復於安仁源潭里素翁倪氏見之其同邑湯太史爲予言翁諸昆四人登八表者二七表者二每杖屨徜徉龐眉皓髮先後有差間里聚觀以爲奇今年翁壽又登八表某月某日寔維其期夫四皓本非一姓特

東麓遺稿卷六

五十一

以一時隱處之同人猶企而慕之矧今倪氏四老萃於一門是尤不可以多得而屢見者第未有好事者丹青表章之耳豈非山川靈異渾朴扶輿之所鍾哉翁性寬平樂易喜愠不形不修畦畛生平與物無競樂道人善見不善事掩匿履蓋之鄉黨稱爲鉅八長者少侍其父節推公宦遊四方例入太學授光祿署丞既而不樂仕遂投劾歸日課耕讀爲事蓋三十年于茲矣子姓業舉子者數人而仲子某潛心深造尤邃禮學有聲場屋屢弗利於有司乃以貢來京試禮部吏部翰林皆優等八月銓授嘉興府學訓導將便

歸壽翁以爲榮且徵予言爲侑觴獻予惟人所貴者壽然中無所養不足以自老後無所承不足以爲遺翁高明坦夷榮利世氛一不入其心所以自養者有餘地而又得賢子若孫以繼厥志無歉於中無牽於後優游夷愉以樂其天則由耄而耄而期頤尚未艾也願予言不足重其人它日尚論世者或因言而求之則倪氏諸翁之奇將籍籍爲口實於無窮其儀容風度尚可想像於數十百載之下而予言庶幾不假是以有傳乎夫史於翁爲諸孫皆能詳其家世而子與太史有連姻義不得以無言於是乎書

東麓遺稿卷六

五十二

雲田先生挽詩序

挽歌非古也其起於義乎蓋其所立卓卓有足紀者而或以年之不永或以名之不聞或以嗣續之無傳是皆可哀也已於是乎交游親故從而哀之哀之不足又從而聲諸末言以紓其悲籲不平之思此情也亦義也豈高里虞嬪類耶若清江雲田先生彭公者則異於是公蚤歲發解江右登名進士數歷中外三十餘年所至有聲壽躋古稀賢子姓森立然世其業於不墜則其終始倍福無復遺憾奚其哀然知公者謂公少負經濟其爲夏官郎也嘗移祿養其親又

嘗上疏斥權倖坐謫以直聞其守汝也鑿渠溉野民無逋租流移日還至今賴之其提刑中州也力抗藩府侵奪民業者其督學滇南也敦本先行多士嚮風又力沮要功之師以活邊民省軍餉費無筭前後獲直語於當道籍籍不虛口臺省可日而至而公移病歸矣家居觴詠自娛優游以終夫窮其生而大節忠孝天成而宦轍所過重利及人有若此使極其所往何所不到而位弗克其德用弗究其才年未躋於上壽澤未普于民一時縉紳先生所共扼腕而悲悼者意其在茲形諸聲嗟凡爲古詩近體若干章豈非好

東麓遺稿卷之六

五十三

德之藝出於同然有不能自己者耶其嗣子喬聯爲鉅編將梓以圖不朽徵予言弁諸首簡予先君與公爲同年友弱冠時公嘗過予武石以通家子遇我辱贈以詩有國士之期追晚得一官而公歿久矣乃今獲追附一言以致其感以償數十年慨慕之私義所不辭於是乎書若其雲田之號汝渠之利見二泉邵公南宮白公記其世系履歷詳見郡守孫庚銘其詩文某十卷載諸家集考德論世者尚其求之予可略已某雅有場屋譽屢弗利于有司以貢來授分水訓導學業行義不愧其先其後爲邑博弟子者數人所

以衍雲田之澤者尚未可涯予所謂能世其家者也

送周仲熙令麻陽序

語謂有志者事竟成諒哉予嘗三復斯言蓋志定於內則其所操持建明以求副其所嚮往自不容已未有不底于成者其間小大者分也彙纂者時也得不得者遇也而人固弗能參之予有徵於玉山周君仲熙焉君先大夫與先君同官南都居輒隣也君與予皆垂髫有差同筆研于時君已穎脫倫輩屹有成人之志視予瞠乎其後矣稍長各歸里舍以舉子業就試于有司君文譽籍籍黌校月書季老恒列上第慨

東麓遺稿卷之六

五十三

然欲以科名起家繩其先武暨予老獲一第入詞林而君尚困青衿間久乃以貢入南雍又連不得志於主司恒竊恠之今年丙戌始來謁選銓部且其色耳其意不沮不怍克然若自得者既而果試優等授麻陽縣令要予一言爲行贈謂予曰士願自立何如耳吾初負初志今終不吾負也子行見之予壯其言賀之曰凡人始而奮久而衰老而索者中無所養也君抱其利器躋於場屋者三十餘年而志益壯氣益勵卒自表見其二雖夙願有未盡償不可謂無成已邇今且欲磨淬奮勵以發其數十年未盡達之餘志

則其施爲注錯必有不徒者麻陽之民庶其獲樂休
澤矣乎矧先大夫敷歷中外所至有稱績實業之緒
濡染之素固有得之性成者予將慶其宦業有成獲
重語於當路而流聲實於天朝也已百里之區曷足
展其驥足哉君之故人衆矣交久而深知者莫予若
耶書此以貺行李且告麻陽之人蓋君素所蓄積者
也

送鄭伯震任南大理評事序

天之報於人有不數數然者而要諸其後卒未始或
之勝也久矣始三山木菴先生來教吾弋走獲納交

東唐稿本六

五五

焉其爲人長厚坦夷不設城府身教諸生日就規矩
獲經指授成名相望其子威伯鎮番署從宦方就句
讀師於黌舍巍然頭角旣而木菴秩滿九載以去終
蓬州守予嘗疑其厚積而薄發意造物者或靳於其
身而昌大其門以食其報者將有待焉無何閱閩鄉
薦書伯震果列高等時去弋甫五載矣自後不相聞
者十餘年去年秋始來京師見予邸舍道舊故叙契
闊且願就學焉詢木菴起居則已捐館舍爲之愴然
久之願予庸劣不足補所須而辱交伯震父子間遂
不獲辭日以疑義相往復間出其文馳騁浩博氣昌

計以待雋屬之既春官試果得志於主司某亦

斯堂場屋雖南北各有司存而欣賞之餘獲與寓目
焉輒以主者得人爲慶又自慶吾言之誤中也茲授
南京大理寺評事告行於予求一言爲別予謂之曰
木菴公之餘澤大發於吾子矣鄭氏奕世之簪纓濟
美於今矣評事以詳讞爲職民之司命可不慎歟出
入舒慘有陰陽之義焉明刑弼教有成物之功焉議
獄慎刑見於易者詳矣子學是經者執此以往毋黨
同母立異母市德母所名盡吾心焉爾夫然則所以
踵芳於前武而垂休於後昆者於是乎在天之衍慶
於鄭氏者寧有艾耶予與子有切磋之義不敢以諛
辭相媚於是乎書若天江山之麗優閑之樂凡官於
南者皆得而有也予可略已

東唐稿本六

五五

送貴溪方君公襲分教雲和序

今天下州縣郡歲貢士於大學是補科目之遺然必
計歲月之多寡商廩稍之久近以爲序雖有豪俊之
士制於節級莫克度越而速化大較出入三十年以
故年踰耆艾者過半有龍鍾昏耄者焉中間年力未
邁卓犖不群者百之一二耳且久困場屋志墮氣索
視舊業若弁髦及其膺一命教一方則又限其所至

長材異器，志終身無所於見。若是而欲其能自振，拔以收作人之功，不亦難乎？乃今於方君公襲之教，雲和也，竊有望焉。君幼有俊才，弱冠已負令名，倫比推讓，雖連蹟於有司，而意氣自若。歲丙戌春，以貢來問其年，纔及強仕，目其貌耳其言，克然自得，予特心志之。乃延置家塾，科條備設，嚴而有方。蚤暮不懈，時以其隙盡力所事。矻矻若爲諸生時，予蓋重焉。非所謂卓犖不群者耶？既而試禮部吏部翰林院，皆蹇然。優等銓授雲和訓導，要予一言爲別。予謂之曰：君之善教，則既有徵矣；舉而錯之作人之效，當有表表可

東坡志林卷七

五十六

觀者予敢預爲雲和賀。邇者聖天子廣羅群英，特破常調，詔學官就試在所鄉闈。夫物固有塞於此而通於彼者，亦有晦於前而光於後者。地之所宜，時之所遭也。以君所負，豈不能登一名於薦書而累跌弗遂？天其或者欲君大顯於浙乎？通於久畜之餘，捷於借一之舉，茲其時矣。况君年壯而業精，才敏而氣銳，有可必得者耶？先棟梁而後懷楠於君，真見之予，又爲公襲賀。君貴溪望族，世有顯聞。登進士第者一人，領鄉薦者一人，爲縣令教官者數人，補邑博士弟子員者數十人。衣冠濟濟，享祀遵古禮，鄉閭以爲口實。尤

爲師範之本，因併著之，是爲序。

中丞西峰吳公輓詩序

巡撫雲南副都御史西峰吳公，既卒之一年，其嗣子某走京師，一日纍然踵予門，拜且泣，而言曰：先君不幸沒於官，次炎荒萬里外，願生平多可紀者，不肖孤弗克備述。幸藉縉紳先生歌詠以張之，亦既連累成帙，願矜弁一言，垂詔將來，不肖孤其未有依覆以逭罪戾。予仲氏大宗伯與公爲同年友，雅少許，可亟稱公之爲人。予登朝晚，獲從公後，辱顧遇焉。緒言遺行，得其一二，公悃悃不爲華貌，寬博周慎，口不言人過。

東坡志林卷六

五十七

圭角渾然而中有皂白，遇事從容綜理，精審與人無少長貴賤，一以至誠，久而益著。爲人謀必盡其心，接引後進如恐不及，未嘗爲激發之行，以取聲而所至推鉅人長者。此公之所以見信于人，與公之所以自信者。公由進士初令崑山，崑山民物富穎，士大夫林立，是非非游聲四馳，前後往往遭口吻或不克終。公由崑山擢監察御史，始爲崑山時，歷大理大僕至今，官出入二十餘年，執其道不變。凡崑山人仕于朝者，無崇卑未嘗不與公厚善，其或以事至京師者，未始不造公之門，候起居叙舊故，戀戀不忍釋，則當時

岷山之政益可徵矣非忠信之積其何能久懷去思之感不忘至此哉撫滇南不事輿輿廢去甚民夷悅服一境無事甫及暮月而公遽以計聞矣歿之日方晨起正服坐公署理庶務如平嘗忽痰作昇入私廨是夕卒無一語及私可謂鞠躬盡瘁死而後已者已夫公位列乎臺表壽踰乎耆年歸全之際實爲得正惟其志將有爲而業未竟親尚在堂而養未終此則公之遺憾可推已然公信義在交游聲名在天

東麓遺稿卷六

五八

下治行在所蒞職大吏者它日當脩錄以傳所以爲顯揚之圖不朽之託者固已焯焯於世有不隨死而

亡者矣又何感焉諸君子之作或者未暇及是予特推演而究言之是爲序

壽周母盧太安人序

冬官郎周君儀卿分司潞陽奉其母盧太安人於邸孝養飾備太安人懽甚歲丁亥壽登六袞有六九月二十四日寔維初度辰儀卿繪松鶴圖爲壽筵獻其友范君某崔君某輩相與登堂歷慶各賦詩以張之一日客持此圖示予予曰圖義何居客曰壽意也植物之久者松羽族之久者鶴千歲之松鶴乃棲焉予曰是則然矣而義有未盡予將究言之夫松凌風霜

傲冰雪而不改柯易葉故曰拱把合抱至于千尋不凋蓋夫鶴警蹙露薄層霄而不火食材棲故能吐故納新至于友鸞絕粒何則所歷者然也夫人豈異是乎吾聞太安人事其舅雪齋公曲得其懽親操井曰久而弗懈益虔雪齋公至以後視之想其夫子北園公以敬脫簪珥佐游學費北園蚤沒屏華采絕滋味不御者蠶三十年教其子以義方時泣誦北園遺言以督之攻苦食淡拮据憔悴見者憐之以故儀卿奮志自力遂登丙戌進士上第養其父韓府伴讀公若干年衣食皆出手製正德辛未寇陷遼城蒼黃扶伴讀

東麓遺稿卷六

五九

公奔匿山中中道相失杖入榛莽下上谿石號泣求之迨相見悲喜不自勝竄伏浹旬親炊爨食之比以壽終厚歛塋焉鄉人感嘆以擬緹縈夫太安人之爲女爲婦爲妻爲母舉盡其道而其所遭又往往非人所能堪者堅苦真介有歲寒應表之姿其康強壽考神觀不衰固有以哉圖義殆取諸客曰唯唯予曰吾言有進於是者圖所未備也夫壽有所自而致必有所享而樂儀卿方以才譖清介發聞曹署行將膺馳封之典懿淑形諸綸音姓氏昭于天府二季某某又皆濟濟青雲器歲時稱觴之主繞膝爛錦交映太安

人蓋得以優游夷愉而安享於暮年則由耄而
期順尚未可涯也親黨鄉閭稱說以爲口實者彌久
而光豈松鶴所能該耶儀卿予禮部所舉士還往頗
稔故能詳其家世且史氏予職也義無溢美客喜而
起曰是不足壽周母乎遂以告予儀卿而書之以引
群玉

壽郡丞王母李太宜人八袞序

郡丞王泉主侯侍其母李太宜人來宜邸幾二載既
康且豫今年七袞有九仲冬四日其設悅辰也寮友
方圖屆期展慶而侯被南陽之命行有日遂先期舉

東麓遺稿卷六

李

事屬頌言予予諱從侯後有兄弟義又侯予兄机
軒京闈所舉士也不能無情乃酌酒而祝曰洪範五
福始於壽而歸於德故語曰仁者壽予嘗屢徵于是
言竊聞太宜人事先大夫誠齋公四十年敬慎如一
日誠齋公宦轍所歷聲望蔚然內助之力居多性慈
仁老而彌篤撫侯如稚齒而誨導諄諄焉故侯今樂
安既貳宜所至以方格矜嚴稱而不傷於苛者遵慈
訓也生平好施予凡力之所及耳目所聞見必有以
贍之食其惠者甚衆夫坤以靜爲體以順爲德以煦
育爲功故能配乾無疆宜人之壽夫豈無自僉曰善

善祝必再見又曰夫孝莫大於養而色養志養又其
大者也吾聞侯朝夕侍奉無違凡所以承懽於左右
者靡不用其誠而滌滌甘毳之具不與焉使宜人順
適恬愉隨寓而樂而不知家之爲遠離索之爲艱者
安侯之孝抑亦宜人善慶之餘也此所以志益和氣
益定而壽考維祺尚可涯哉僉曰善善祝必三則又
曰君子之事親自至而已無假於外也雖然兼得之
不尤善乎侯家京邸今擢湖南陽鄉井在望刺繁理
劇聲實益宏內召仍通行當膺貤封之典登姓名於
天南核懿善於龍章所以爲顯揚之託者殆將不朽

東麓遺稿卷六

李

太宜人年彌邵志彌懽一堂之上左姻黨右宗戚芝
蘭繞膝交舞迭獻翟冠與鶴髮爭色霞帔與孺顏相
輝其榮于尋常庶老豈直一等而已哉僉曰善至矣
臺矣不可復加矣蓋遂書諸簡歸侯俾歲誦爲侑觴
辭予曰敬諾於是退而叙次其語如右時某年某月
日

建寧人物傳序

予方董修郡志而尤留意於人物論顧其事多散見
諸書寡昧無所於考一日滇南學憲李君時言手持
一編示予題曰建寧人物傳且索予言弁其端予披

閱未終卷因作嘆曰嗚呼建之賢才盛如此哉且其間多前志所未錄而予不及知者喜不自勝其相我多矣孟軻氏論取友之道由一鄉一國以及天下又尚友古之人至于誦詩讀書論其世而後盡夫所謂古之人所謂天下士寧有出一鄉一國之外者耶蓋善之在人無遠邇無古今願所以取之如何爾今是編集凡建州之產起唐咸通迄

國朝成化凡若干人以世次爲先後其或數賢萃于一門則系其祖若父一人爲主餘皆附見其後人系數言以表履行本諸國史家來碑誌雜記一字一事

東麓遺稿卷六

卷六

咸有所出未始自以意見低昂示慎且紀實也然即而考之優劣亦自較然而法程具在是皆可師也鄉間後生開卷延想有不慨然而慕奮然而起者乎尚友論世孰明備于此其所以啓來學而助風化大矣哉昔班孟堅作古今人物表上稽往古旁羅四方品第優劣肆其臆決識者譏焉今所收止於本郡其事核其辭約近而且專又皆煒有明徵夫近則不遺專則不荒徵則不誣去孟堅所作遠矣况道學如朱晦翁胡康侯義烈如曹忠肅劉忠顯吳才老之通儒楊大年之文介劉共父之正直直節楊文敏之受遺輔

世又皆卓絕煒煌可以師表百代者固茲鄉之產然而所謂古之人所謂天下士曷以加諸萃然儕建州于鄒魯之盛不其在茲嘗觀汝南先賢傳襄陽耆舊傳皆傳信迄今二郡人士侈爲美談是編當與二傳並行不朽矣予既書此以塞君請且取以補郡志之遺

重修建寧府志序

郡邑志類古國史而實不同史載列國刑賞舉錯祀戎朝聘盟會之典志則紀郡邑封域沿革民俗土宜秩官體統百凡之制列國之政日新不窮而郡邑之

東麓遺稿卷六

卷六

制一定無改史辭積久漸繁志文靡所加益故曰志與史異唯人才盛衰職官更代小有增紀者爾建居八閩上游溪山清駛秀拔實爲雄郡而志獨缺弘治壬子郡守雲間劉侯璵始因前守安成劉侯鉞遺草成編然粗畧未備迄今幾五十年板刻殘脫嘉靖丁酉郡守姑蘇夏侯王麟爰即舊志載加蒐輯且續壬子以後事既脫稿未及校勘遂職以去予乃重命汪丞玩以屬三學師生共圖之而道謀作舍迄無成功於是鄉進士某等告予請任其事復屬甌寧訓道朱君幸助之精加讎校補其缺遺正其舛謬是是非非

冀其求是會新守姚江王侯某至協力贊始克有成以卒夏守之志予披勘連日稍是正之而復借一言于端以爲志之所難者在于褒貶匪嚴無以昭既往之褒貶匪公無以示後來之勸沮雖志之爲體主於善善而無貶辭然或曲筆以取諛或託隱以賣直皆不可謂實錄至使人弗信弗從史家病焉故有謂舊志爲宦族家乘者又有列孝友而以忿閭訟于官表貞節而以不謹聞敗北興尸而厲忠烈之科者到本以爲口實是編既嚴且公文皆舊之所傳聞耳目之所睹記其灼灼可信而傳也審矣後之觀者必

東麓遺稿卷六

空函

將曰僞不可長誠不可掩作善于一時名顯于身後激厲獎導興起而觀法焉者多矣矧建承關洛之源派爲名賢之鄉譽言行述作師表百世重加昭揭著蔡後生其有關於風化豈小小哉至于建啓之顛委規制之數度物產之衍縮官方之紀綱稽分野於乾象表形勝于坤輿且存往謀較有明徵課次勘讎可坐而集今諸君既畱意于其難矧其易者有未脩耶自今以往繼守茲郡者得所資矣予不文舊嘗奉命校書是邦雖中厄弗果行而寤寐神遊未始或忘乃今一紀起廢竊祿于茲又獲附名末簡以償夙願

若有數存焉於是不辭而爲言

壽方母戴太淑人七袞序

予起廢待罪于建三年矣與都閩方君益齋爲同鄉還往相好也今年孟春嘗爲文壽其母張太淑人益齋不鄙予言每謂爲知已茲其祖母戴淑人壽屆七袞九月二十七日設悅辰也其同官章淮洲孫晉齋復徵言於予爲南山祝予以不能辭者再三不可復自念與戴氏有世讎成化初淑人專翁蘭軒公以揮使嘗過葛溪舟次真如招提予先君參政公方藏修僧舍一見握手如舊惟謹移日講同庚契結友而去

東麓遺稿卷六

六五

弘治壬子予從仲氏開齋少宗伯試于鄉與蘭軒次子曾監典簿同寓善應道院道舊故情加密又因識益齋太父寅峰揮使於坐數接杯酒叙懇懃焉俛仰幾何垂五十年追憶往事杳然如夢逝者不可復作而予亦病且老矣何期復與寅峰令孫同官于此獲登堂拜太淑人抑豈萍梗偶然之逢耶然則壽言予何辭太淑人之壽必有所以致之又必有所以養之而後全太淑人少閑姆訓事寅峰幾二十年婉順而正教子治家咸有矩度寅峰蚤世文明年其子揮使沒於王事諸孤猶有在餘祿者時淑人以盛年遭之

而婦張淑人甫二十餘遺腹始生益齋方是時方氏不絕如綫家徒壁立內無所於資外無所於倚婦姑瑩瑩更相爲命矢心同節拮据勞瘁以持門戶厥後婚嫁諸孤底于成立撫教益齋以有今日專閭一方爲國虎臣俾方氏之祚既衰振日昌且大名于江右者皆太淑人之力也蓋其誓志堅貞如百鍊之金如三冬之栢經燼銀歷雪霜而不變故其精神凝定筋骸攝固有老少而無盛衰所以致今日之壽者不在茲而張淑人者雅以賢孝稱求凡所以娛太淑人而大慰其心者無所不用其極蓋其不以尊位自滿方謙虛寒素敦詩書悅禮樂與儒生相周旋將以古名將日期待他日所就殆未可量太淑人以高年備至樂康寧怡愉百不一憂則其所以養壽命之原而未荷繁祉者又以是歟夫其所以致之者如此其僅期願耄耄寧足多耶况天之生物闕於始必達于終乘除之數有必然者則太淑人今日之壽之樂雖欲辭而不居不可得已予心醉益齋至忘其年且雅交戴氏父子間檢其家世見方氏之蹟而復興太淑人之華節榮壽食報自夫有不誣者皆足爲世勸欣喜談而樂道之以爲壽筵侑觴獻不自知其詞之

煩且費也

古岡李氏重修族譜序

譜學不講久矣自士大夫家不能紀其所自出往往服屬未竭視等途人敦睦不興族衆日渙良以是哉而夸詡好名者又多牽合前代聞人右族而冒焉以大其門離真背源適資獻笑此作者所以益難其任歟蓋必有允宗之賢而後能作又必有賢繼之而後能久古岡李自宋建炎古籍以來迄弘治甲寅凡十一世歷三百五十餘年譜牒雖具而凡例未盡昆陵貳守君以進士起家始出特見會萃成編圖書兼備美惡實錄歷歷可指數其用意亦勤矣哉其先有爲忠翊郎者以言事失官自汴徙南雄子某再遷岡州遂家焉忠翊以上不可考遂始自忠翊不遠系闕疑也李爲神堯裔歷宋多顯人不隱附重本也夫闕疑信也重本孝也昭法戒義也信以爲質仁以守之義以裁之其諸異乎世之好名失真者之爲矣古岡之族自是其有屬乎敦睦其日興乎自甲寅迄今爲嘉靖庚寅又三十有七年族姓益繁昆陵從子建安貳守君思增修之以備所不及體裁仍舊而小有更守視前加密可謂善於述事者昆陵作之建安繼

之李氏之譜遂爲全書矣繼自今以往代有人焉派
日以衍譜日以增雖百世不失其系離合有序慶吊
相及皆目二君廢之嗚呼賢哉建安君以鄉進士歷
倅三郡悃悃不爲華貌而精神滿腹所至以廉幹稱
匪直修譜一節而已乎特表之俾後賢論世者併有
徵焉斯

東江先生顧公文集序

東江先生顧公既歿之一年某量移來丞雲間其季
子天秩授公文集若干卷校之且俾爲序某辱公問
下士雖不敏義不得辭乃拜受伏讀浹辰既卒業作

東江先生顧公文集序

李八

而嘆曰富哉言乎夫言心聲也誦其言而不知其人
不知言者也况詩文又言之精者而是編廣且備若
是乎先生蚤游邑膠文譽蔚然重三吳弘治壬子太
傅守溪文恪公寔掌南畿文柄舉先生爲第一人亟
稱不虛口自此聲名益籍籍遍海內某時幾弱冠傾
注若不克見既而仲兄渾翁與先生同登癸丑進士
入讀中秘書官詞林授分若兄弟則又私喜託通家
後進接幾它日因緣龍門可幾庶年偕計吏北上春
官試拜先生於京邸撫撫諄諄焉不肖連不得志於
有司丁丑始識與先生既歸中公繼奉詔育材某復

從群彥厠函丈每呈業輒多所許可誠不自意何以
得此於先生伏念觀德以來出入三十餘年不可謂
不稔也然則知先生之深而善言德行者固宜不在
心人後矣先生稟受剛明真率坦易城府洞開論事
奮辭侃侃不少貶聽者爲聳直躬自信不爲隄防而
時或不俚於口卒不變坐此去位輿論佛鬱而公方
追逐雲月遨遊峰泖條然若將終焉者既公道大白
賜環曹都漸次柄用而公堅臥不起矣遺風餘烈迄
今猶使松人咨嗟慨想以爲不可復作則其取重於
鄉評也有素而益信君子之澤之深長也今觀是編

東江先生顧公文集序

李九

出辭吐氣大矣其爲人雖多閑居與客交游酣應之
作要非公至論而一代典刑朝野故實隨事附見咸
足徵信至有關於宗祏之至計遠猷又人所不敢言
者若辯誣迄休二疏辭多直致披露肝膈無遺而生
平行已守官之大致微言蓋先生之文深厚爾雅不
事浮艷事校正義該氣昌而語盡不鉤棘而與不塗
澤而華如菽粟之爲味而布帛之爲文如朱絃疏越
之爲古淡而青天白日之爲清明也語曰有德者必
有言信乎有德者之言也又曰仁義之人其言藹如
信乎仁義人之言也尚友古人者以誦詩讀書爲不

盡又必論其世某故撮先生履行之槩俾後學晚生
景先生者有以考德于斯然知言君子即是編而求
之亦思過半矣昔先生嘗謂某曰吾欲得子一言某
唯唯退未承命而公南歸隔閡者八年茲登公堂冀
從容奉烏履供使令而公捐館舍久矣俯仰顧瞻欷
歔泣下乃今得誦遺編撫手澤且附名以託不朽顧
非幸歟雖燕辭無所發明庶償宿逋不方治命云爾
天秩字伯庸有聲場屋器業克世其家公爲有子矣
送上饒王君邦弼榮任婺源序

人有恒言曰以政以才裨身以德二者各有所適不

東麓遺稿卷之六

七

相爲用是故察敏銳者易集事而諄謹重厚者鮮賢
聲然吾嘗以是言而徵諸天下自斗食吏以上任有
小大事有劇易凡以才自負者或未有所表見而月
計有餘不煩吏民者顧出於恂恂惛惛繩趨尺步之
人從政本末固自有次第哉昔趙文子張東陽兩人
言事訥訥曾不能出口而長厚足以敦薄風烈足以
動人使後世追慕慨想願從之遊而不可得然則恒
言可無改評而所謂才者果不足恃也耶上饒王君
邦弼銓授徽婺源丞君爲人深中隱厚一語不妄其
質直若拙其簡靜訥其審謹若怯類非世之所上而

皂白分明沈慮淵識中有不可奪者雖大受將無不
可於一丞乎何有况吾信與徽接壤界山川風氣
人情土俗往往而類入其疆田野吾同牧也非邑吾
州里也吏民吾父老子弟也習尚不閤而通獄訟不
訊而決利病休戚不諮而得優游怠懈不出戶庭而
下有遺隱上有紀政吾弗信已且介在一隅不啻孔
道使輶封傳歲不再三至聽斷無推鞠之煩將迎無
奔走之擾如是而以周慎篤實者佐理其間哦松臥
護有餘地矣楊淑問於畿甸最上課於天朝庶其見
之乎故爲君喜談樂道豫慶其有成也先君大夫令

東麓遺稿卷之六

七

增城甯遺愛季父列諫垣有直聲群從子弟游黌校
而入仕版者比肩衣冠翬於信子閑兄少宰嗣子素
君增也而予系家出處公於婺大坂屬最近故君
之往也尤不能無情於是乎書將訪君以格世議且
私爲吾宗

壽江陵三湖翁季先生序

仲尼曰仁者壽釋者曰天也天之所祐者順仁者壽
之長而百順之所集萬福攸同壽不其定乎則曰其
人乎蓋仁者其氣夷其心冲其神寧夫氣夷則無躁
擾之傷心冲則無暴傲逆戾之害神寧則無浮

不馳騁之誘是故榮衛口道而起居康寧七鑒不攻其中而六澹不干於外優游怡愉以養天真堅朋貞固以保元氣鬢髮固其所也若如釋耆之言是知其一說而不知其又有一說也予故曰非天也人也雖然氣者生之質心者生之君而神之所舍也三者均得於天夫人皆有之但所賦與其所養有不同而脩短隨之謂之曰非人不可也曰非天亦不可也予於三湖翁而有徵焉翁忠信孝友恬澹簡靜與物無競人有過務諷之絕無忿慕惟耽易學嘗謂學者不以能文爲工而以不能反躬實踐爲耻屢舉場屋

東麓遺稿卷六

七十一

連不得志於有司乃貢授巴州教不倦以作人爲事未幾不樂居職遂浩然賦歸會有棗陽藩府教授之命力辭不就居家杜門掃却非時不入郡邑絕口不及官政當道咸重之至目爲古君子夫其性之靜也則其神不擾行之純也則其心不乖情之澹也則其氣不蕩所謂臭惡不堪正匹體區氣淵不涸而九竅通於翁見之蓋其得於天者全而養於我者厚聖人之言豈欺我哉翁今年幾七十而步履聰明如壯時二月二日其初度辰也其子監察御史龍洲君遂方奉命理辭政于浙至日以不見稱觴膝下爲歡望雲

太息有梁公之思乃徵縉紳間工歌詩者聲諸禱頌而屬序于予予雅辱納交三湖翁而御史君嘗從予游以故稔翁爲人而樂道之御史君行當貤封及翁且方以激揚籍籍臺表異日陟華躋臚若升階然則所以顯揚先德而娛翁於暮年者正未艾也吾知翁志彌登岡陵之什不於翁歸而誰歸龍洲君其勉之三湖翁將身享之予雖病且老庶及見之尚能爲翁賦之

平遠臺同年讌集詩序

同年之講自進士設科以來有之此情也亦義也其

東麓遺稿卷六

七十三

始也塗人耳予何有焉其既也登名薦書也同釋褐辟雍也同比肩立朝而趨蹌進退也同而情緣是生矣其後也銓註有南北有中外蓋不同矣又其後也有升沈有存歿益不同矣而感慨係之正憲丁丑登進士第者凡三百五十人俛仰幾何俄閱二紀屈指宦途不及四之一而萃于闕者獨多曰憲長淺齋郭公曰大叅瓶山胡公曰憲副棟塘陳公秋山顧公曰少叅拙菴方公曰憲僉葦村諸公省菴陳公曰都運復齋婁公丙申冬予起廢亦屬諸公後凡九人丁酉春正月戊戌醺讌于三山之平遠臺而家居正郎台

峰陳公侍御東岡楊公與焉列坐行酒咸以齒叙
巡辭避者浮之大白而予以狗馬年獨先群彥官
監臨顯晦舉弗論也既就座縱啖笑譁棄拘檢有酣酢
無主賓酒半歡甚淺齋公舉醖顧予曰始合中離既
離復合夫人於此有不能忍然者矧吾儕陳力官次
奔走四方二十年餘矣少者壯壯者衰衰者老其間
有顛踣廢處而復興者一旦聚首吏于茲土其守身
泣政俱不愧于古人而出入與居咲然遊謔未始一
日不同至于台峰東岡閉門掃軌與世相忘而節序
名勝歲恒一再會焉戀戀有若不能釋者真異姓兄

東麓遺稿卷之六

壬午

弟非特尋常交游睽合之情而已也不可無紀以示
後人予嘗識史氏其何辭予興受簡言曰天下之事
成于自同而敗于自異然所謂同者豈羣居之好燕
昵之私乎哉美則相成過則相規先則相推後則相
挽而又母代異母而從母阿好期同于是而已矣夫
然後謂之曰義曰大同苟以盍簪晤語爲同非我之
所謂同也雖然今同矣而或不克令其終身同矣而
或不克嗣諸後猶未也是不可以不戒且勗者於是
在座羣公同聲曰善哉言乎吾儕敢不敬奉以周旋
且是會也見揖讓之風焉見箴諷之益焉見啓佑之

一舉而三善備焉乃洗醖更酌薄暮始罷仍各
一草而遂次其語置諸首簡且命畫者即席繪
十一人像家置一本徵世講云

刻班馬異同序

古稱史才最難左氏而下惟子長孟堅爲史家宗優
劣之評論紛迄未有定倪思氏又合二書校其異同
凡遷就附會所刊落者堅抹其旁竄定增益者細書
于下若仍舊文則起止以屬之以故簡帙甚約而二
書之文凡百餘萬言咸備無遺其用意亦精勤矣哉
簡端時有論斷是遷者什七八且商略往蹟標表微

東麓遺稿卷之六

壬午

辭犁然咸當于人心相傳出劉須溪氏今亦無所考
或者即出思手蓋據其異同而附著所見云耳大抵
班書較遷史誠爲簡嚴然遺事實而失本意亦往往
有如昔人之所譏者矧首創與纂述功有難易則二
子之甲乙可槩見矣舊未有刻本吉郡士大夫家多
私相傳寫予始獲見於今少宰鍾石費公所手錄以
歸丙戌秋被命校書于建將镌刻焉既中尼不行乃
今復官于茲一日侍御中谿李公出所輯史記題評
一帙將校刻以廣其傳其爲評訂殆且百家而史漢
異同具焉蓋攻古文之牖也然不欲廢異同原書將

並存之而無害本予具以告公亟命致之以屬前侍
御高若世魁隱士高生澂精校入梓且屬予一言見
書之所自予謂是書沉淪之久自今始顯固陳編之
幸然四方之士得見史氏繁省之旨與夫作史述史
之法豈非學者之幸予不佞獲相茲役用成中谿公
之美因附名不朽且償宿願焉又非予之大幸歟寫
本凡三冊名史漢異同今名與卷數則仍倪氏之舊
云中谿公發身詞苑繡斧所臨風紀大振興滯剗弊
百度維新而尤以興文作士爲首務異蹟不可殫書
此特其一節爾

東麓遺稿卷之六

七十六

楊給事中奏稿序

諫諍之職君德攸繫故自古重慎其選然三代以前
率皆面陳弗資簡牘厥後冠履之分益嚴臣下無由
敷奉顏色於是刻章論列而奏疏興矣夫講畫之與
筆札詳畧既殊所貴敷陳條暢不激不詭則言始易
入而聽者樂從苟以危言訐論故觸諱忌以逞其狂
瞽此則微名銜直者之爲非所以告君也且嘗觀於
唐之魏鄭公陸宣公最以諫顯者今其諫錄奏議具
在要皆紆徐雅飭易以入之初未常悻悻自是以行
其胸臆也弘治間故禮科給事中楊公尚綱始以進

士入翰林爲庶吉士後居諫垣而克舉厥職一時謂
言官有譽諤風者無踰焉蓋嘗景慕二公而有得者
公歿既久其子刑部郎中任奉命讞囚於閩予時起
僉聞臬因爲言其先公乃予亡兄机軒宗伯之同年
是固有世誼之誼者也間出一編相視曰此先臣諫
章願丐一言以識之予受而披閱再四見其占叙有
倫援據不苟忠蓋惓惓溢於言表而不激不詭深有
得夫獻納之體輒又獲窺孝皇聖德含宏能使言路
大開而給舍可以展布效謀如此所以共成一代明
良之盛也雖然任國家喉舌之司者可徒觀望上能
優容而始盡言哉無亦當圖善進其言俾不至於批
鱗逆耳則身名俱全而上下有相成之休矣是編也
其亦所謂善於進言而當取法者况又先公之手澤
乎君其實之漫題其端以復

東麓遺稿卷之六

七十七

錦衣李將軍奉使還京序

皇上嗣位一十有八載主敬立極清心省事以休養
天下兢兢如一日顧惟禮樂制有未備則慨然欲復
三代之制曰吾不敢以天下廢先生舊章經營審度
修廢舉墜期合諸古而後已於是九廟明堂以次創
建土木既興經費益廣上心雅不欲加常賦以病黎

民或廼以鑄山采礦可給度支之說進者因遺禁近之臣分往諭之時錦衣李將軍懷村者則以廉幹見推奉命來閩聞之諸臣始相顧貽聘蓋慮使者估勢驛騷或山治不足而必期取盈也迨懷村之來則恂恂一儒者輒偕臺察五石李公泊藩臬以下諸執事跋履險阻衝犯瘴霧上劇層巔下窟泉壤誅茅班荆與山魃魍魎爭席于窮崕絕壑間躬視爐鞴歷數月而始竣事然竟莫能如言者所陳之萬一而公私勞費已不訾矣五石公愀然曰將軍奉命而來今所見與言者異則疑於不稱矣苟避咎而增飾遷就者欺

東麓遺稿卷六

七

也浚求而不慮其後之不繼者虐也均之罪耳果將何居懷村喟然曰欺則負國虐則殃民吾固嘗夙夜惴惴焉以不稱是懼敢辭責耶雖然此寔諸公所同按閱而不遺餘力者也吾唯據實對欺以聖天子之明而又奚罪之虞乎由是累成壯之因舉酒觴之曰將軍之言及此誠國家之福斯民之幸也不可無紀乃繪圖以貺行李諸閩帥之能詩者各爲韻語以張之而予輒序其上方

省菴憲副陳公任河南序

君子之仕本以行義故隨所寓而皆當安之惟安則

才展而職舉職舉則義行苟以位不滿志而心或不安則才不克展職必不舉而義斯戾矣質是義以仕而展其才者吾於海虞陳公見之方公以進士起家春秋甚富筮仕得惠安縣尹惠安固嚴邑人皆以其少未更事難之公一視篆而德化大溥旣而以才移蒞福清福清視惠安加劇或以昔簡今繁訝之公以則較昔殊優由是聲聞籍籍擢拜監察御史御史糾絕激揚任兼百度尤未易稱公初入臺風裁凜凜振其職無何竟以直忤謫循南簿職甚微自臺端左遷崇卑迥絕孰能俯仰其間公則怡然守位不沮

東麓遺稿卷六

七

不撓久之宰新喻倖大名悉安厥常而政聲益懋既乃晉陟福建按察僉事至是公入官已十七年矣駁歷既久諳練益深節操彌厲爬梳摘抉無隱弗彰憲度以之貞肅越五載時爲嘉靖戊戌入賀天長節銓部以公名擬河南憲副聖心簡注遂超授焉夫公還回仕路餘二十稔升沉順逆無施不可雖其才美逾人要之則寔由其心安於義而不怨不尤故隨所至而克自展布卓卓如此使進公於台衡輟軸間吾固知其亦以是心施之而已況以之副外臺耶茲行也憲長某公輩以同官義例有贈言又以予與公同年

契分持深且濩落亦頗相類因屬筆焉輒詳者公貌歷以表其心云

壽方母張太淑人五表序

昭勇將軍都指揮僉事方君益齋以鈇鉞鎮建州予適起廢簽書聞臬治兵駐建州予為其母大淑人張壽介其同官孫君晉齋贈壽曰恩也有母年且五十春正月晦寔維懸棺舉瑤池之觴于私第繫維先生嘗職史官足信傳後願賜德音以表母氏之幽貞予謝不敏請曰吾父亡于姚寇之難母氏年甫二十有一孀生恩氣筆以居恩滿

東麓遺稿卷六

全

長則最以先人之忠憤但不肖折節就學枕戈思奮比寇兩薦于大司馬幸樹微績叨陟崇階而母氏之憂勤未嘗輒釋握冰茹蘗者蓋三十年于茲不得名言以垂不朽則不肖莫知子矣敢固以請余聞作而嘆曰於淑人果能是是當大書特書矣斬于言夫淑人之失所天也年甚少也非真能一千所從鮮不奪矣娟娟弱英耐此雪水而不墮其成雖古貞烈何如焉斯淑人得乎妻道矣乃誕驥子不忘驅策弱齡駿發為國干城桓桓虎臣茲訓是膺以克光其先烈則謂今之陶母非邪斯淑人得乎母道矣姑戴蚤纂淑

人左右承權老而弗懈益虔以孝聞鄉閭斯又得乎婦道矣苦節之貞抑而朱仲時塞于前業昌于今雖不獲與旌門之例然封誥寵加玉音煥發命婦煒煌以覃施于淑人俾天下之為妻為母為婦其為褒表孰大於是則淑人所關非細茲豈尋常孀嫗優老北堂者云耶固史氏之所慎錄也矧淑人出梧州守南洲翁與予兄机軒宗伯為同年友徵其淑行不誣遂撰次其事以復益齋以壽大淑人益齋年富氣銳韜鈴之外旁涉墳籍將以古儒將自期它日經營四方勛業益懋則所以為顯揚之圖者彌遠且大予雖衰病尚能續書之以為淑人耆耄壽益齋勗諸子將濡筆以俟

東麓遺稿卷六

全

贈建寧貳守紫巖李侯榮任序

松通守紫巖李侯方奉檄貳守建寧行有日太守近麓熊公徵予言為行贈予何言哉予之來松也後侯再旬未半歲而侯別我去予方樂侯和易而竟不能援侯以畱予又何言哉雖然情有不容默者夫近民之道和易而已而論治者每以為不然逮筭計見效則有識者終不肯以彼易此故予嘗慨夫士君子之涖民也與其外飾不若中朴之自逸也與其偽為不

若誠信之能孚也與其矯揉一時不若恒不變者之有惠於民也故立皦皦之行者曰激擅赫赫之名者曰矜激與矜始能振而終必債有益於民乎若我紫巖李侯其殆庶幾乎侯筮仕荆衡州而湖而松凡若十年所至察友罔弗和士氓罔弗愛當道罔弗禮敬果何修而得此侯之貌恂恂若不能言侯之心煦煦若民之有庾侯之政優優未嘗苛刻以殘下是故朴其質也誠其蘊也恒其德也從容暇裕者匪激也行所無事者匪矜也此侯蒞政之善也予之所以樂與侯親也惟朴故誠惟誠故久三德實相因者也况山川有異而人性不殊至誠不動未之有也侯既以衡湖之政惠松人矣孰是道以往建人所以德侯者猶松也猶衡湖也淑聞揚于疆外聲實流於天朝驥展鵬搏將何所不到哉予不悉別侯而又慶建人之得慈母也於是詳其素履以為侯先聲

東麓遺稿卷之六

全

東麓遺稿卷之六終

藏書

東麓遺稿卷之七

文類

靜學齋記

其既舉進士患其學之未成也而有音焉顧以寓舍湫隘左右市肆且未明車輪馬蹄行旅負販已雜然相屬于途雜以鄰里哭踊然雷動近則一榻之外徹夜不息雖欲勉策疲駑於筆研間固弗能已既而蒙恩獲從海內賢士後入翰林別館而居讀中秘書又簡命館閣鉅儒為之鄉導私心竊自喜幸得以卒其舊業償所願焉廼取武侯語扁其所居館曰靜學

東麓遺稿卷之七

一

齋而私為之記夫人之一心萬化之所從出學也者所以明此心也然必靜而後可以從事故主靜之功為學之法也然靜豈易言也哉人心之動一息萬周不以氣指則以習狃不以物化則以故奪是故靜難也必知靜而後可以言學必知學而後可以言靜交相贊者也雖然此學之始事也至于久而精焉則夫虛一之中何所不燭無躑寂無內外身隨境安地以心遠雖開闢之喧闐窈若窮山長谷之寥聞蓬甕之偈久與若連甍廣廈之靚深天下之故常感通於寂然不動之中而學問之能事畢矣然則向之

境而不知反之於心不亦過乎况吾儕曰食大官羣
居優游無朝謁之籍無簿領之煩無錢穀刑獄有司
之試其地與任不可謂不靜也而其所以學者又脫
去書生尋摘之習科舉得失之擾焉而且先之以明
師輔之以良友有仕者之奉而無其責有學者之功
而無其累國家所以長育成就以需用於他日者可
謂備至爾矣是豈可負哉若夫所謂為學之大方某
尚未之有聞也方猶願諸師蒞於友而書紳以自勗
焉

重修詹事府記

東麓遺稿卷之七

十一

詹事秦官也漢因之掌太子家蕭齊始置府領官屬
自後廢置不常至唐始有定員詹事一人總制府事
少詹事一人以副之我國初官制未定建設不常其
始有同知詹事院事副詹事左右詹事詹事丞往往
以勲舊大臣兼之不別設府寮後乃置詹事院以總
春官諸職既又改院為府而詹事少詹事府丞并主
簿錄事之名始定與左右春坊司經局皆以東宮輔
導侍從為職而坊局之署則附於府與凡衆務皆統
焉然則詹事固官寮之長歟府署直禁垣東南隅王
河紫碧西山拱然且所據亢爽視諸官寺最為勝地

歲久屋壞某年月日有司請于朝始理新焉柱傾補
敗乃堅乃塗甚者撤而易之高明嚴固有加於前門
堂廳廡下至庫庾庖園莫不具飾繚以周垣扇以巨
榜弗陋弗侈煥然改觀揆諸典章於是為稱工既訖
功府寮列宴於堂以落之故事嘗有記乃以命某某
惟國家建官大抵倣唐六典而官寮之設尤專且備
故既有師保之銜然猶以為兼攝而不專於所事於
是特具官寮以為師友賓客以司輔導皆妙選儒碩
以充其所以為涵養薰蒸之助者固非一朝一夕之
故矣豈非古人所謂見諷教與選左右之意歟以故

東麓遺稿卷之七

三

百餘年來傳序紹統世有哲王恪敬繼禹武烈承文
盛德載在策府雖上聖之性得之天成而學問之功
輔養之力不可誣已然則官寮所係者不輕而重也
較然矣夫以職之重如此而府寺顧頹圯弗稱抑豈
優隆之道所宜然哉此役之所以不容已也雖然飾
其居固將以崇其官崇其官固將以重其責今也俯
仰降登見薨棟之峻麗周旋指顧見丹雘之鮮華凡
朝廷所以致隆於我者果何以哉然則同宴於斯堂
者其能無榮於其中乎三公三少之舉其職某也尚
庶幾見之謹書屋壁以俟考于它日若夫瓦甍木石

之數既原財用之費若干皆未也毋庸書

重修唐魏文貞公祠記

嘗讀唐魏鄭公傳三復太息以爲三代以還臣主相與諫行言聽未有若太宗之於公者然當時至以田舍翁晉之幾不免者數矣而其身後猶不能無追仇蓋言之譴意其劇切之際殆有自敵以下所不能堪而史氏不及載者公非不知蹇之爲患而奮不自顧死而後已雖文皇聽納不皆出於誠然然凡公所建白畧已施行迄今幾千載竟未有其比則公轉移感動之間又必有出於頰舌論議之外者是以文皇之

東麓遺稿卷七

四

明達公之忠誠君子交稱之其致貞觀之治而綿三百載之祚不以此哉然則忠諫之有益於人國也大矣後世人君旣不能推誠逮下而進說於上者一言不合則遂巡噤默卷舌而退且語人曰吾非不言如君之不可悟何不幾於孟子所謂賊其君者耶是誠公之罪人也或曰公之忠信賢矣如建成何君子不有害義之評乎予以爲不然昔管夷吾不死子糾之難而從桓公孔子尚不以爲未仁况當時神堯在位公受命爲建成之宮寮耳君臣之分未定也安得遽以所事者爲主而欲死其難乎昔後周高祖謂

齊公憲待讀裴文舉曰卿雖陪侍齊公不得述同爲臣欲死於所事斯言得之矣以是論公較之夷吾吾以爲猶賢乎爾顧而以訾爲非義獨何歟公平虛人故有祠宇爲鄉人歲時瞻拜之所積久漸圯某年月日某來爲是邦吏慨慕公之風烈復理新之以嚴祀事役成以書來告曰願有述予乃脩論公大致而併系予答問于後以解世之有疑於公者也 能舉

書待蒲院記後

東麓遺稿卷七

五

自古賢主哲王化成天下鑑本於德而尤以勵精爲首其興居有節聽覽有期設庭燎候鷄鳴未明而衣別色而出者夫豈苟爲是矻矻勤動以自取叢脞之譏哉以爲一日二日萬幾有不可自暇自逸者且俾百司庶府有所稟承夙興夜寐不懈於其位庶幾上下交儆相與以有成而治道畢矣後世德不逮古此制亦莫之講觸情縱欲溺於宴安遂使小大臣工玩愒荒寧各隳乃職四方奏請前後相乘填委不泄至有經歲時而待報者庶事之所以不康天下之所以多故者其皆出於此乎然則古今治亂之不相及固

知已予因讀得泮院記有感於其勤之說故題其如此

隰州重修儒學記

今天下諸郡州縣咸立學制也隰州學在州治西南隅創洪武初載章畝溢歲久漸圯中間時復繕修不遇莊傾補敗前具目前迄茲餘百五十年存者半不存者半地曠荒攸諸像設毀剝乃正德丁丑孟秋某月某日州下車謁文廟環顧大駭喟曰廢至此甚矣師坐纒謀寮佐則又曰是不在我視篆纒閱其案維綱班憲度理其一二大者遂庀材徵工爰就役焉

東麓遺稿卷七

六

先明倫堂次儲書室三齋兩廡戟門悉撤而更之乃弘厥觀乃崇厥基高明爽塏深嚴敞夷視昔有加建櫺星門以復舊觀而又配座有惟祭器有儲廩有司更絙楔以表之高門以鑣之皆昔所未有者又改闢東廡復爲通衢而鑿其西道堪輿家以爲宜像設廟宮舉潤色一新煥然改觀凡制則面勢皆侯親所指授務爲久長規逾年乃克告成學官弟子講肄誦歌朝夕降登雍雍于樂其成而徵志其所自咸知與嘆曰微我侯之德不至此我其敢忘乃走書禮部以爲今之守令實力於簿書獄訟則以爲

能其隙則崇亭榭爲觀游以示優暇甚乃飾厨傳稍提使客以取名譽至學興廢則漫不訾省亦有視非與所急而不遑及者今范侯始政宜其能行舉措日不暇給而獨於是焉是先可不謂知本者乎凡隰士樂育于茲者其將感奮濯磨爭以表見以稱侯作新興起之意則是舉也所係尤不細矣侯克已勤民善政多可書者予特因是爲叙次其端末俾歸刻之以示後之人同知某判官某佐其謀吏目某董其成凡與是役者皆宜牽連得書侯名某字某世爲微之休寧人云

東麓遺稿卷七

七

一枝軒記

通判別駕倅車佐太守頒六條宣教化率郡額一人大郡間增有至三人者主督盜賊水利稅賦各有專職宣於江表郡稍大額外復置一人所從來舊予重以罪至是爲剝負故無解舍無所於居乃即次垣外館無何復構數椽于西偏以寄吟嘯扁其額曰一枝客詫之曰異哉子之命是名也吾謂子踟躕循省慄焉不終日顧嘗樂於此乎予應之曰國家張官置吏吏自斗食以上咸有攸司食其食而怠其事者罰則隨之予執簡冊以就列十年于茲矣出入禁近于于

將歸侍從論思之外無與焉豈復解簿領之鞅掌期
曾之督趣哉雖未始事事而其所事類非有司之所
管者今抱壘譴斥仁天子猶以姓名狀貌微槩于衷
特遣嚴科仰之食廩稍從與徒自同正貢而不令關
郡事蓋若不欲俾餘壘及斯民者或者亦遺簪墜履
之念歟泣德之隙捫心省咎其又隙也退就此軒繹
其舊所聞者而二三同志不予瑕疵日相與周旋賞
折爲事夫食前日之業也前日之業也一室之內
無長物無白丁元生故我猶未改內計其私不
啻足矣郡多苦勝昔壘所味嘆群靈之所降集故

東麓遺稿卷之七

八

墟遺跡往往而在時或與寓目焉意之所極或徜徉
竟日此巢居巖棲者之所擅而吾得兼之所謂吏隱
者非耶矧予才窳下壘最深而罰寡薄顧視等輩敢
不重自慶歟客曰信性者無安危信心者忘順逆固
有知命侯時在窮而不戚者亦若是乎予曰一險易
者達也安義命者執也皆非所及已雖然願學焉且
夫夫得繫其所遭而欣戚生於所感二者殊塗不相
爲用吾悲夫沮於一跌至喪心狂易若不可生者而
卒未始有獲焉方有鑒于是聊以自廣客曰嗟克子
之言其於治心養性幾矣乎吾乃令之軒名既以是

對客遂次其語書諸軒壁以告觀者俾知作軒歲月

黃華樓記

建城良方有山曰黃華穹窿環亘巍然爲群山宗蓋
郡主山也巖有樓以崇主勢表山靈示一方鉅鎮匪
直登臨燕賞之備而已歲久弗戒一夕燬蕩舊觀鞠
于荒烟蔓草中而茲山亦遂黯黯無秀色歲丙申余
起廢僉書閩臬寔駐節于茲無何閱城登茲山達觀
形勢則凡城中官寺民居密加擁比在山懷抱而鐵
獅白鶴紫芝梨嶽屏風天湖諸峰環峙雄踞若翬若
鷖勢不相下不有傑閣以壯觀則主賓弗稱非堪

東麓遺稿卷之七

九

輿家所宜前人之作良有以哉幾欲復之而重于營
民居二年積羨財得苦千緡喜曰黃華其興乎檢付
有司董治之於是聚材鳩工刻荒剔穢爲樓數十楹
前皮平閣後啓迴軒游息有亭局鑰有門輪奐昭回
鸞飛鳥華凡所營創雖未始數數求合舊規而境垣
遺礎每巧相值信廢興有數非予之能興之也撫檻
彌覽郡山奔赴千里來會蒼翠萬狀盡收几榻遂名
其堂曰冠山取義其顛亦冠冕八閩之象也閣曰憑
虛出危以矚遠也軒曰待月卜夜也亭曰咸宜四時
昏曉之氣不齊而茲亭靡不適也門東曰寅賓迎來

也西曰寅餞送往也因日之出入擬宴之聚散志其方敬其事也而統之曰黃華樓表山名仍舊貫也傍爲屋居黃冠以司管鑰戒不虞示永圖也落成之日鄉之大夫士咸相與請曰建自宋元號稱鄒魯迄我國家聲光奕奕不墜固此山也邇來功業文章視前修若少讓者而甲科之顯名猶晨星然亦此山也雖地運不無興替而培闢之助良不可誣哉然則公今日之舉蓋欲挽回吾楚之全盛其福茲土補造化功匪細矣公故史也不可無一言以詔後人余曰嘻山川形也隆替時也堪輿家言固非吾人事我罔敢知

東麓遺稿卷七

十

雖然揆之氣數協諸人情茲樓之復庸詎知非更新之一機乎昔人謂園圃之興廢係洛陽之盛衰則茲山茲樓之有關於茲土也審大建其興乎將於是乎始吾亦於是乎卜故記之以俟

有宋韋齊先生獻靖朱公城南祠堂記

前代賢哲之故居遺蹟所以歷世久長閱廢興而不遂泯者未有不由良有司之標表作興于其上亦未有不由賢子姓敬承過追于其下公私相成彼此協贊然後功易集而事可久雖中更世故不無衰歇而萃存識禮終克按跡而修復之不然墜者日就漸燼

固能與之旋耶蕪沒徒使人嗟惋嘆恨于故墟耳吾於韋齊先生城南之祠之興重有感焉先生之先微之嘉源人世德弗耀政和八年先生始同上舍出身建州政和尉父卒貧不能歸因塋其邑而游宦往來閩中始從龜山楊氏門人爲太學中庸之學調南劍州尤溪尉實生文公于其邑館歷監泉州石井鎮稅循左從政郎紹興四年召試除秘書省正字丁內艱服除召對政宣敷郎除秘書省校書郎遷著作佐郎尚書度支員外郎兼史館直學士勲吏部兩曹皆領史職如故以史勞遷郎以年勞轉承議郎

東麓遺稿卷七

十一

受知于丞相趙忠簡張忠獻二公未及用而去秦檜以是忌之而先生方率同列極論和戎不便檜益怒出先生知饒州未赴丐祠祿主管台州崇道觀樂建州城南溪山之勝築環溪精舍寓居徜徉終焉舍前溪沙相傳爲文公兒時畫卦所也陵谷變遷茲地鞠爲榛莽國朝洪武初有僧造城南石橋構菴其上督工工訖建橋局寺後增拓更方廣而精舍之名故在成化丙戌先生十世孫某白于官僅復其西隅隙地正德壬申孫漸舉請于提學餘姚胡君鐸黜其僧而移佛像于他所仍其覺棟載加葺理奉先生像於中

堂而文公配焉啓蒙畫卦有亭養正有堂像設冠裳
漂漂生氣而舊觀一旦光復矣然歲時秩祀尚爲缺
典嘉靖某甲子其十一世孫版曹副郎陞復甫請于
提學貴溪江君以達微郡覈實郡丞蔡汪侯玩署郡
事實贊厥成遂以某年月日下建安秩諸常祀廟貌
覲嚴過者必式豆饗祝號牲帛粢盛一供有司視前
有加求永無極矣夫精舍之墟數百餘年廢置不知
其幾由成化丙戌修復以來迄今又七十餘載日管
歲拓始克大備此固當路諸賢留意儒先之盛舉而
其後裔堂構之有人良不可誣哉夫一舍存亡若無

東麓遺稿卷之七

十三

係輕重者况先生位未甚顯而道未大行於時矣
後人號額圖復皇皇若恐弗及而上官相繼加飾指
爲第一義而不敢後者豈非以道學源流之地斯文
之興衰來學之起墮靡不由之顧恐等爲彌文細故
而漫不加之意哉抑先生眷眷茲地至居以終其身
雖其并州故鄉之念亦以先塋所在有慕戀不忍遠
去者是乃仁人孝子不忘本始之至情不獨以其地
勝而已厥後文公奠居考亭迄今十有餘世族系繁
衍代有聞人遂望于閩是起自城南則夫文儒發跡
肇基之地又不可以尋常例視之也朱氏後嗣

守之哉副郎以予濫竽于斯亦嘗與相茲役徵言爲
記予不佞嘗厠史氏後紀事責也乃不辭而承命

浦城縣學文廟飭建神龕戟門記

今天子稽古更制凡朝廟儀文咸遵用典章是憲是
則毫髮弗苟而先聖之宮尤致嚴焉龍集庚寅詔天
下郡州縣學文廟塑像咸改用木主蓋崇古尊聖而
不屑襲近代非禮不經之制此上聖神智超然獨見
寬出千古有非常情所及測識者猗歟休哉浦城於
建爲壯邑谿山環合風氣完粹鍾靈發祥人才輩出
前代號名賢區數今山川與古不異而文章德業每

東麓遺稿卷之七

十三

若不克方駕前修者非無人也作之者無其人耳儒
學在東城舊矣乃正德辛巳始即皇華山麓天心寺
改營焉去迫隘而就夷敞且得闢邪崇正之美顧規
制棟宇多因舊從新不遑大作取約費也至於像設
有司雖奉詔易主而龕之然亦亟於趨特皇皇以後
爲罪故草略就事朴陋弗稱無以揭虔妥靈而戟門
仍浮屠氏之故材歲久浸圯柱腐而欹薨側而頽過
者慄慄若將壓焉春秋承事又不足以肅觀起敬皆
茲邑之墜典有司所當加意而不可一日後焉者監
察御史五石李公按閩之明年憲度大張四境無事

所至舉廢而尤留意於風化乃已亥春二月按浦所
三日夙興謁廟入其門登其堂愴然懼慨然喟曰大
聖之宮至此哉此部使者之責也吾曷敢諉諸既退
遂發羨財若干緡畀縣令邢植董治之於是庀材鳩
工歷日從事先取五龕載加丹牖采績而文之一堂
之上奐然相輝次撤戟門而鼎新之閼魁高明翬飛
鳥革嚴嚴翼翼巍然大觀既落成乃率師生行釋菜
禮青衿之士陟降顧瞻昂昂于千戚樂其成于不日
而矜奮興起有不知其所以然者覩丹漆之華則爭
自濯磨以修其業見高闕之制則競自樹立以崇其

東麓遺稿卷七

十四

德其威移變化之機有出於尋常訓迪之所不逮者
雖師儒有司亦不知其所以然也屬予有三衢之役
道浦取疾獲達觀焉邢子具述顛委且徵言爲記予
以爲茲二者自俗吏視之若爲觀美薄物不必致重
者而不知寔一方教化所關且一王之新制在焉表
章觀示下國是瞻尤政之大彼拘牽吏責者終日矻
矻以恪共有位之恒務世孰不曰匪懈之良吏至若
稽古禮文則爲簿書期會所不及而漫不訾省今李
公獨留意於教化之地可謂知其大者遠者其加
一等而已哉浦之人三改觀易視求

於上人之作興固其所也識治體者作自別他日
經津注錯其大政不當如是耶法宜大書以誌來者
若趨事者又克勉承于下而相厥有成則其令於邑
者無不凡矣先是前令謝侯翁提督經閣甫成擢監
察御史以去邑人爲口實今邢子能繼作于後而文
廟始充大倫則其遠到邇飛日可俟已原宜牽連附
書毋亦俾其無聞焉若大經始建工之期木石丹堊
之費財力多寡之費抑未矣

弋陽縣城廟重修記

東麓遺稿卷七

十五

我太祖高皇帝用夏夷首正禮樂凡前代淫昏之
祀詭正之號釐革殆盡而於城隍獨致隆焉秩諸祀
典與山川社稷並山川社稷壇主不屋城隍則像設
廟貌袞冕毅然天下諸省郡邑咸有之凡吏其土者
長貳以下始涖治所必先祭齋宿祠下質明誓神而
後視事予初謫倅宣城繼承雲間僉書閩臬每聽普
詞毛髮聳豎儼若神鑒在上乃知大聖人神道設教
意微矣哉吾弋城隍廟據縣治西北隅歲久頽圯棟
傾桷摧鄉老李太等大懼無以揭虔妥靈係百里士
女瞻依顯顯之忱相與協謀矢心捐家貲凡私徒鳩

材募工撤新之乃崇厥基乃闕厥規薨棟巘巘丹雘
輝輝若督在公若趨我私衆觀落成而費曾罔知時
嘉靖乙未年孟冬乙未也予時家居聞而嘉之某等
來請願紀成蹟予固樂爲之言適奉命起廢方治行
未暇也茲將赴南宮臺聚耆敦趣數四且曰祠成五
年矣及今不一言後將何稽予不克辭乃記曰夫神
民之主也祭祀凡以爲民也是故山川能興雲雨以
利民用則祀之社稷萬物稷蕃嘉生則祀之若夫城
隍設一方之險以爲民衛功與山川祀稷等其祠祀
雖於古無所考然高皇帝以天縱之資建中和之極

東麓遺稿卷七

十六

濬發聖心今其與濬泉守令分闡明之治均長民之
責且萬姓之所望走雨暘水旱疾疫之所禱祈冤憤
沈鬱無告不平之所赴朔皆於是焉可視爲茫昧不
可致詰而無神司其間哉春秋秩祀夫豈無謂而太
聖漫爾作古自我歟所謂義起之禮殆此類也夫邑
大夫祝侯始至齋於廟觀其輪奐而善趨事者之勇
於公也嘆獎不已於是又知侯能崇明祀協神人以
遵祖訓者也故視篆以來惠政多可紀不可不書以
貽後人侯諱某字某浙之海寧人其肆力而卒成之
者太洎鄭詔也法當牽連附書庶幾義者有所勸云

弋陽文廟祭器圖記

傳曰簠簋俎豆制度文章禮之器也文曰禮之所尊
尊其義也失其義陳其數祝史之事也故其數可陳
也其義難知也雖然陳其數而惜于義者有之矣未
有不得其所而能達其義者也先王尚象以制器小
大高卑多少文素之度各有攸稱其奇耦有數其位
置有次其隆殺有等毫髮不可苟者故曰禮器是故
大倫大倫盛德也苟非豫講于素一旦臨事而欲設
之咸當稱倫體成人難矣武古之立教自小學以上
未嘗一日舍禮不學而他事儀章度數習于見聞安

東麓遺稿卷七

十七

於踐履釋回增美良以是夫今去古日遠禮文莫徵
學者雖欲求通於名物且不可得况其義乎斯時也
有能稽逸文舉墜典慨然以興修禮器爲已任雖未
能盡如先王之舊而數存焉好古之士得有所藉以
求其義廢幾存羊之意歟會稽李君明德予同年友
也以御史直言謫尹吾弋廉公有威自廢具舉凡所
建立咸爲可久之圖而尤畱意於教化視篆未幾聿
新學宮嚴邃闢麗光倍前規爲江右諸學冠功成費
鉅而人不知其所出又以文廟祭器舊用堯木不潔
且易壞乃範金易之志年德自義本存周篆圖貞祇

信可勾校以垂永久而學官品章於是大備徵予文
記之予惟世名良守宰往往取具目前以簿書期會
舉其職至於稽古禮文之事漫不訾省而李君用心
獨異乎是加于人一等矣謂之達禮君子非耶登斯
庭而與駿奔者按圖以考器則其數可陳若夫過此
以往則存夫其人焉然則斯舉也其於禮教之助大
矣是固為政之首務而不可缺者哉後之人其敬守
之俾勿壞則斯圖常存而器不失器不失而禮不廢
矣此固季君之志亦繼季君者之責也是故不可不
記觀者尚毋謂言之事存于有司

重修和州烏江項王廟記

十八

重修和州烏江項王廟記

秦末之亂羣雄角立起義稱名字者不可勝數然莫
大於劉項至中分天下而王之其成敗得失具見史
策夫人能言之予獨竒項王纔踰弱冠起草澤驅白
徒轉關千里兵不甞行解鉅鹿之圍破亟谷之守如
發蒙振落遂霸天下主諸侯王盟英武威烈信千古
之雄已事雖不終其所摧敗樹立亦足卓卓句表又
嘗振其大節得四善焉夫鴻門之譙沛公已在王掌
股間重以沛父之袂示項莊之劍意曾不一動其中
天命有歸人莫敢干而項伯之曉譬以明王之信

誓已固終莫之渝至于烏江之道若從亭長之言跳
身獨渡鳩合餘燼西向以圖再舉尚不知鹿死誰手
而王自分天下之蛇靡憾蓋誠知事之必不可成不
忍觀倖福於萬一重困江東之子弟也故予謂其不
除沛公近於義不渡烏江隣於智顯存故交信也陰
全江東仁也夫義以制事智以決之守之以信成之
以仁四德具而霸王基矣率饒是道沛公其能如諸
惜夫英雄注錯意氣暗合不皆類此然較之寧我負
人毋人負我與夫爭一旦之命以殲天下者萬萬矣
其雄長一時震懾百代豈徒也哉若它事多可訾議

重修和州烏江項王廟記

十九

者予固不能為之諱亦不暇數數也和州雍城驛故
為烏江縣迤東北里許有高陵焉王祠直其麓不知
所始立蓋王死所也由漢以來廢置其故意必代有
之唐李少監陽冰篆扁猶存曰西楚霸王靈祠或改
曰英惠宋元文獻足徵不替國朝秩諸祀典有司將
事益虔凡土人禱輒輒應如答又嘗憐金亮之膽而
走之人益崇異焉祠久傾圯且隘陋弗稱巡按直隸
監察御史濮陽蘇君祐行部所至風紀大振百墜具
興嘗登謁王祠肅然傷其廢爰命知州事魯侯承恩
等導之於是相與捐俸及勸民之趨義者皆從事焉

東麓遺稿卷之七終
即舊址面南爲門三間內爲殿五間中設王位范增
龍且侍東西廡各三間祭器牢醴有儲齋戒憇息有
所殿後爲亭立石墓主遺像暨贊仍扁曰英惠亭後
直王墓堂坊巋然重樹以識之祠外環以繚垣前甃
石步經始嘉靖丙申越季夏落成驛側有古剎曰廣
成寺命僧某入主其祠且施福山之麓東南隙地以
資香火期永久也是役也寔御史蘇君之命董其事
者魯守相之者同知周侯琮判官前監察御史王侯
朝用也法當率迎得書州民王言等與有勞費亦附
見碑陰俾後有攷焉夫一祠之興焉能爲政有亡禮
不云乎有其舉之莫敢廢也矧王威靈亦猶生騰
民禦寇顯不可誣而州人永世弗諼之思亦不容於
不慰也然則茲祠之修可後乎哉

東麓遺稿卷之七

七

東麓遺稿卷之八

文類

祭黃太孺人文

惟靈淑柔孝敬惟德之純歸于名族婦儀克遵初丁
舅艱脫簪襄事辛苦百罹拮据經紀式相夫子因內
顧憂宦學四方以大厥修命也不淑卒死寂愁歛其
遺經以授厥子乃訓乃督誓卒先志繁前之嗇惟後
之豐甲科詞苑高明顯融

東麓遺稿卷之八

一

錫典有偉冠冠鸞誥人曰子賢嗟母之教京邸就養
三載于茲滌澹甘滑大官之資方期暮齡食德未艾
云胡彼蒼降此大戾嗚呼哀哉某等夙交令子矧同
郡邑或聯官曹或講姻戚靈輿載駕遽即歸金薄陳
致訣絮酒東望嗚呼哀哉

祭司務李君時元文

嗚呼君之清才粹學足以擢巍科而躡騰仕厚德純
行宜其享上壽而裕賢裔今也名不列乎春官而齒
祿秩于下士年纔及乎知命而宗祊之莫繼豈天命
之靡常而報應之說有時而或戾不然何其所受之
豐而所食者未獲其一二耶然而交游乎其忠信宗
鄰稱其孝弟譽望重於臺評清慎形於考最是以閭

計之日上自公卿下逮胥吏靡不扼腕而傷嗟失聲而隕涕則君之所立固足以不朽而永世嗚呼人誰不死修短皆逝豈不貴壽身腐名廢君乎有知庶幾少慰某等生同鄉國分稔交誼薄陳一觴以遣行櫬為茲哀誠靈其匪昧

祭萬太守希椿文 代作

西山儲精章江毓靈磅礴涵浸異人挺生允矣我公德粹器宏乘時軒翥振其家聲賢科發跡上第恩榮觀風西蜀信史是徵茲仕維揚鰥政始成勾稽允當茂實孔騰乃遷署實掌邦刑惟明惟恕克慎厥制

東麓遺稿卷之八

二

一歷寶婺寄重專城遺愛未沫甘棠比稱浩然歸歟投簪解纆逾二十年神觀精明維公傳家以白以清三禮之遺富於金籙森森賢嗣三以文鳴伯守維郡寶婺之隣季尹京兆赤然名卿仲氏擢秀亦與賓興下逮厥孫儀曹輩英問安上壽羅拜階庭冠綬蟬聯環珮父殤驚草再馳褒詔丁寧命服迺錫崇階荐升考公之祥福履脩膺詢公之年耄耄既登徵公之澤奕葉繩繩公寔厚積所食者弘旁觀徧閱其之與京茲豈私慶邦家之禎謂將期頤以末遐齡云胡不憇遽夢泣瓊豈其厭世羣驚上征嗚呼哀哉某等同官

予義猶弟兄視公我父承凶震驚東蜀絮酒式代紼悉辭以侑之致告哀誠

祭黃慎卿文

惟靈卓犖不羈嚶嚶誦古外破崖岬中坦城府裒然甲科足以不朽鑿坡王堂翺翺容與史局編摩文場

衡軌啓沃

經帷在帝之所方騁駕於亨衢胡中道之俄阻豈天命之靡恒將作善而罔助嗚呼哀哉某等仕聯朝行居同鄉土歲時過從交權燕聚觀靈輻之載遷忽即遽而弗處追惟生平宛其咲語一觴致訣涕零如雨

東麓遺稿卷之八

三

祭舒母聶太安人文

凡厥考祥上諸其後孰流之允而積弗厚恭惟安人德則多有克相君子以及偕老里黨宗姻贊不容口篤生今嗣為國之寶魏魏甲科裒然其首翺翔

變坡在帝左右奮筆直辭董狐之守人曰慶餘寔自慈母鸞章翟冠以介眉壽大官良醢以供滫滂報始云食宜罔宜阜云胡弗淑淑倏倏嗚呼哀哉某等辱交賢郎于茲歲久居同鄉國義連親舊匍匐之情恒焉如炙薄陳一奠炙鷄絮酒曷以藉之有東其芻嗚呼哀哉

祭李母李孺人文

惟靈胄于冠族婉有令儀歸相君子敬順無違君子
伊何栢臺之英出郡符入二棘卿駭歷中外聞則
是承有美者子發聞甲科編摩東觀趨蹌 鑾坡匪
子斯才慈訓寔多就學京邸朝夕孔備修瀝堯甘大
官之具遶綵承歡蘭芽玉樹謂將百年載康且豫云
胡不淑奄爾殂逝嗚呼哀哉某等投好伊昔欣戚攸
同聞計驚嘆盡焉內恫東芻絮酒薄奠臨風侑以斯
文式告其衷嗚呼哀哉

祭馬母王孺人文

東麓遺稿卷之八

四

淑姿情慤動憲女師奉嬪副筵申念佩縞外相良人
左右具宜內承于君翼翼怡怡迨暨晚節主饋攝嫡
閭範母儀旋其無忒日篤其慶以昌後人英英太史
為時之珍直筆紀信危言批鱗帝廼曰嗟繁母之賢
是用褒嘉 鑾章載宜冠帔之華以榮暮年報始云
食而遽上僦嗚呼哀哉某等辱交令子聞計震驚式
陳薄奠庸致哀情靈其不昧虔鑒厥誠

祭舒國裳修撰文

惟天降才朶剛異齊君挺英姿矯然強毅卓犖不
邁往獨驚侃侃危言色形其義羞羞彼詭隨表表特

揮毫奔濤逸驥受策 王廷洋洋大對 帝曰

休哉衰然上第 鑾坡于于載筆是昇 太駕南狩

恭情揣揣攀轅斷首發正議一斥閭中三年司市

迨際 中興 聖人在位還我詞臣于彼海濱金匱

絳緘東觀抽秘奮筆直書不曲以此 辭門載闕有

言不諱或激其衷遇事直遂叫闕批鱗九死靡悔遭

家多艱母氏見背扶襯南還黽勉襄事禪祥甫期相

隨末逝嗚呼哀哉昔者孟軻曰善養氣昌黎論文水

物取靜嗟君之學寔慕于是雖非中行不撓以廢漸

涵醇和度幾晚歲如何蚤沒弗及顯試悠悠長途發

東麓遺稿卷之八

五

軻而蹶燁燁瓊華方榮而倅胡積之豐而膏其施其
既立者卓然表世嗟其幾何百之一二冥臺重泉翳
茲玉樹有耿其光千載猶晰甄井五雲中韞神器于
將地藏輝徹斗次嗚呼哀哉某等附名榜末義同凡
第聞計之日失聲殞涕遙致一觴哀情是寄英靈如
在庶鑒不昧

宜城禱雨文

民以穀為天穀藉水為命今驕陽煽虐雨澤愆期秧
舒節而未分苗欲秀而就稿前者竭誠致祈隨蒙靈
澍但亢旱踰時沾沛未闌續又虔禱于神亦既三日

六而風伯憑陵旱勢轉熾氣將交而旋離雨垂降而
倏止豈某等賦政不平用刑失常民結怨而不申下
情鬱而未達上千天和以致是歟抑精誠未至思慮
未齊而神弗享歟朝夕皇皇靡所於控茲敬改卜壇
于城南躬率僚屬齋宿齋豫戒重瀝血誠明與神
誓若以某等過在可原民命未勦伏乞總攝百靈各
司其職使川澤上氣雷電成章飛廉戢威豐隆秉令
三日之內大沛甘霖以活枯槁必以某等有罪宜譴
則俾身受其殃以戒不職毋令遺黎濫受酷罰情迫
辭覺神其聽之

東麓遺稿卷之六

六

祭敬亭山文

舊名廣惠王我
太祖改今名

維神作鎮于宣靈貺炳著惠為民捍苗為民禦薩禱
而應如響斯赴歷代褒嘉鴻號覺宇我
祖龍興益虔秩祀乃正厥名乃崇典禮時維仲春潔
茲牢醴式薦厥誠神其歆止尚佑我民以求休祉

祭鄉賢文

維茲名郡山川發祥挺生賢傑頂背相望節義道德
勛業文章代不乏人冠冕一方風流未沫耿然其光
某等辱吏茲土仰止遺芳時維仲春敬潔一觴英靈
如在百世洋洋

祭名宦文

於惟羣公昔蒞茲土保我黎民乃鞠乃煦遺愛在人
我母我父某等弗類謬承踵武俛仰顧瞻敢忘遺矩
時維仲春薦其常事文以告哀神其鑒止

祭汪文節公文

惟公粹學高軌師表一方宦轍所履名績彌章脫屣
好爵林泉徜徉臨危倡義顏彼巨防授命不惑城亡
與亡凜凜英風烈日秋霜人孰不死公存者長有異
其亭儼然冠裳采彼溪毛以薦幽芳神其格思千載
靡忘

東麓遺稿卷之八

七

祭顧東江尚書文

嗚呼公與我兄寔同科第誼敦世好視如我弟歲維
丁丑公典文衡謬辱賞拔老廁門生至公之舉敢私
厥恩感知已遇內銘諸心濫竽群彥讀中秘書公奉
上命復來為師我寔無似曲荷公知曾未幾何公中
干讒冤在眾口公默不言扁舟南邁優游蠟泉東
之淡誓將終焉惟 帝求舊公乃再起鑄京本根復
貳邦禮屬望還朝而公衰矣天長屈節趨 廷祝堯
力疾載驅不敢告勞休疏至再 綸音乃俞寵命仍
知遂陟尚書公拜稽首喜見顏色曰予志諧及我

服孰謂昊天曾不少借一臥弗興蹊然長謝嗚呼哀哉公性簡朴公懷曠夷直道弗阿是是非非不知者病遂生瘡痍然公論白于朝著膏宿簡于帝心忠信孚于朋友制作昭于士林方將書諸金匱勒之貞珉天下誦之百世傳之而未泯之而亦何憾于斯人所私慟者始公之歸佃廩于北暨公召用佃以罪謫誨問諄諄每聞喜戚茲幸量移佐公鄉國登堂顧瞻幽明永隔此某所泣涕洟瀾而論文哽塞者也嗚呼哀哉精車祖載即遠有期敬陳一奠侑以斯辭明靈弗昧庶其歆之

祭東江老師文

為熊守作

惟公剛簡質直坦中曠懷推誠遇物城府洞開連綴魏科翺翔藝苑東觀編摩論思秘殿日儆其官資深望茂帝曰直哉佐我邦禮侃侃正色為時名卿好修貽害困于青蠅浩然賦歸彌昌其志我泖我峰優游卒歲帝念賜環留畿保釐虛宁以俟台衡在期公以病告帝着弗釋再跡乃俞載陟宗伯群僊招邀發于宵寐乘雲從之超然遺世嗚呼哀哉惟公淵宿師表儒林惟公出處以道屈信弗諧者人不悅者心公雖云亡不亡者存某等偕吏茲土寔出公門追惟

舊德有涕如泉東芻敬酌永訣終天

顧東江初祠鄉賢祠告文

惟公吳松涵英峰邛孕精朝家者宿鄉邦典刑持社郡祠是嘗是蒸揖讓前哲陟降斯庭遺芬未沫範我後生

祭桂氏女文

嗚呼我生七女獨汝成人婉婉淑質姆教弗勤蚤歸令族餘二十春恪修婦職弗懈益虔上奉尊姑旁睦六姻良人宜之迄無間言有女及笄亦既出嬪家政斬斬宗黨稱賢善不獲祔卒與衾親一夕暴天曾不

東麓遺稿卷之八

九

及晨嗚呼哀哉嗟我弗吊老益艱屯哀悼汝母閔戚猶新稿焉雙背病與死隣汝又繼之我怨曷申禍蒙所萃寔予之愆拊膺長慟籲天罔聞嗚呼哀哉青鳥告吉爰啓靈輶往即幽宅伊邇西垣生平遊歷沒亦安焉一樽致祖以訣終天臨風西望有淪漣漣嗚呼哀哉

祭開兄少宰文

惟兄沈密踈通方嚴豈弟學漸淵源器周國體用罔不宜歷試而理蚤入詞垣職兼二史舊筆直辭瑤編絢綵講帷深嚴鎔鎔濟濟繼師南雍以式國士威而

不猛寬而不弛藹藹吉人以殖豐芑 帝茂乃績陳
邦禮載遷于北銓曾是改水鑑何心量材而使隆
望實于茲並茂叶音美時逢多言孰搖國是凡凡宗
伯弗可而止朝無老成衆益崎嶇恒罹危疑駭機激
矢瀾倒風從結舌咋指兄攝冢卿繼爲議始引義守
經挺然不倚曰吾所學敢負 天子言出禍隨橫生
瘡痍拜章乞骸角巾我里爰暨机兄徜徉樂胥一詠
一觴山巔水洙出處同道高名雙峙嗟我弗類老尚
頑鄙武僊洲旋謫塵滓接効賦歸獲陪芒履舊言
優游以沒餘齒誰謂彼蒼卒不可恃見不再三儵然

東麓遺稿卷八

十

蛻委嗚呼哀哉最兄生平表表可紀文章華 國儒
學飭吏諸生綿最具寮模楷槩見緒餘卓絕躋等究
厥攸施當及四海而上壽未躋兆行中捉匪我家也
邦國之否嗚呼哀哉復土有期西山維趾東望故廬
曾不盈咫明靈弗昧尚其慰只終天永辭有涕如雨
嗚呼哀哉

祭机兄宗伯文

嗚呼上天降割家難荐臻如何不淑繼委哲人閑兄
卽世 兄哭弗任淚皆日替過時猶新禪期甫及凶
變倏尋一臥弗覺曾不浹旬嗚呼哀哉兄掌邦禮

時維艱大議伊始盈廷沸譴兢懷觀望首鼠兩端兄
獨橫身障此奔湍端委正笏屹其如山便便懇懇義
白辭嚴步趨容止既度且間觀聽環堵毛竦骨寒叫
闐再疏血歷忠肝所據者經所守者官在宋司馬漢
廷師丹貳岳弗納奔机就安卷懷莫售而壁則完大
哉綱常稟不可于炳哉正義確不可刊閑兄繼之載
助其瀾携手偕隱人曰二難此兄進退之節旣諸仲
尼所謂大臣者而不慚也若夫孝弟儀於家庭忠信
孚于僚友行義表于鄉閭廉恪儆于官守探闢洛性
命之原窺韓歐制作之牖乃其終始學行之大致關

東麓遺稿卷八

十一

諸百世而不朽者也至千金匱載筆續紀錄於馬編
文苑張羅拔英髦於麟藪秘殿青帷論燬輒誘大貴
宏綱條分縷剖固皆常職之勤而於所學可謂無負
也若乃省試禮闈褒然舉首膺腹遺膏膾炙人口此
特藝場遊刃之餘鏗而未始自以爲有也一時武弁
儒紳鴻生逸叟販媪耕夫牛廝馬走靡不瞻昂履而
歛衽誦姓名而額手願公再起祝公眉壽卜時興衰
係公安否天不熱遺奪我耆耇嗚呼哀哉東山之藏
寔公手卜溪碧厓蒼龍蟠翥鸞託體其巔維麓我屋
神遊洋洋雲仍在目西望茶原伊邇宰木終古相從

嗚呼在宿嗚呼哀哉嗟我進暮亦種詞林旋以罪廢
顧獲我心從容屢杖遠陟幽尋監輿葉舸月夕風晨
賞析賡唱時聆德音顧我膚學弗究其深修焉已矣
微言日湮我獲 恩宥漸滌宿庇凡聞色喜而心孔
悲謂尚遠適孰與遨嬉那知死別而憂生離今舍我
去獨生奚爲嘗謂蒙莊寓言詵蛻至論死生要有至
理通首眷旣信爲一體言不隔辰煥煥在耳我徒悲
傷凡則懸解 國無典刑家失模範蒼生何依善類
何恃仁不獲祐茫無真宰叩膺籲天一慟而已幽明
殊塗未訣於此嗚呼哀哉

東麓遺稿卷之八

十三

祭方汝實文

嗚呼我昔知子爰自垂髫繼爲友壻誼切投膠情我
外父寔維人豪凡子弗女擇楚之翹子在鄉校穎隲
矯矯我觀子筆洵渙春濤贊決良媿載詠天桃冰玉
輝映宴衍以陶子學日殖是藎是麓益旣其根清芬
遠姚華野鳴鹿秋漢橫鵬遲爾遠到九萬扶搖亨衢
軼發俄脫其鑣瓊華燁燁嚴霜倏彫聞者行惻矧此
親交靈輻載引往即重幽寄詞一奠爲此長號嗚呼
哀哉

祭費文憲公文

靈山儲精彭蠡涵濶蜿蜒磅礴公乃挺生維公資稟
天畀特異克養淳蓄日就完粹爰自髫髻矢筆成章
弱冠大對臯董洋洋 細旃勸講 金匱編摩載司
文柄拔才孔多駁歷歲久聖實隆隆華階鴻漸 春
宮奉常 帝曰儀曹掌邦之制疇咨直清女諧佳貳
臣職日恪主眷彌崇峻陟八座曰大秩宗 內閣論
思實惟輔弼簡在 帝心旋命爰立增茲多口乃選
南轅天行有期七日來復經綸密勿啓沃弘多田畹
曰起明良賡歌 武皇實錄 命公總裁法戒傳
奮筆直辭謾播作愿青蠅在樊奉身以退而壁則完
或營綠野或棹湖舟葛巾芒屨載詠載游惟 帝求
舊公復強起六月于邁駕不及俟 岩廊柱石蒼生
霖雨衆望顒顒喜公未老謀猷幾何百不旰一胡戾
干天而奪之亟士喪菁蔡 國泯典刑勅遺錫誄哀
動 天廷嗚呼哀哉惟我諸昆與公同朝相繼不祿
公獨後彫某實弗類荷公獎知重以姻好休戚同之
聞計失聲有涕漣而茲者起廢北觀公在輶輿邂逅
一酌絮酒束芻并陳哀章續貂罔應用卒公既維以
當哭哲人云亡百身靡贖曷告其衷情迫辭慙嗚呼
哀哉

東麓遺稿卷之八

十三

祭陳石亭文

嗚呼我兄曷惟此咎爰始納交越自丁丑耳兄盛名
歲寔惟舊入讀 中秘從兄之後 鑾坡玉堂趨蹌
步手夜譙晨朝羞有並肘有瑕必指有疑共剖秋洗
春游水涯臯數有唱斯和忘其疵醜兄富包羅靡所
不有我以蒙虛洪鍾筵扣情若同生將期黃叟變態
靡恒始已負兄叅微垣我倅郡守謫有餘辜廢寢
草莽雲泥 睽離憂自擾 天覆隆恩匿瑕洗垢暫
都儀曹起自田畝兄時家居再欣聚首諧謔嘯歌屢
接杯酒無何炎荒驅我南走餞別都亭晨星數友公

東麓遺稿卷之八

十四

不在筵慄焉無主我入于閨歲閱既久手書頻來慰
不虛口俚辭間往報我瓊玖日次鷄尾公扁轡壽將
圖松栢遙祝闡阜何知一疾而竟不起重幸茫茫此
冤誰禱嗚呼哀哉人孰無死兄既不朽有德有言卓
爾並茂瓊蘭匝階積慶孔厚惟俎有般維樽有醴緘
哀寄辭公其聞否北望長號潸潸如瀏尚享

祭方伯周白溪文

惟我暨公親故義兼生同郡國隣邑比屢握手結髮
垂三十年葭葦末契重以姻連同官于 朝趨蹌比
行公出僉汴中外異地我以伉拙旋亦放棄公著

政所至廉明敏歷名藩載蹟而興爰自五羊陟圃右
轄有更于左聲華燁燁予幸起廢蒙 恩量移道故
讎唉一再追隨始公謁告日在鷄尾曾未閱時胡遽
不起聞計驚呼拊膺隕涕豈伊我私士林憔悴靈輻
西歸迫出于建我適行役弗克臨奠東芻絮酒遙致
此辭終天之訣有涕漣漣尚享

祭劉翁詹以恒文

嗟嗟以恒曷惟此毒君以疎狂憲羅枉觸雷雨作解
恩單萬國謂君微瑕當出幽谷註誤未明奄忽天促
嗚呼哀哉君之先翁早喪育得君歲晚如金如玉

東麓遺稿卷之八

十五

保抱惟勤寔嚴訓督 志未償中道不祿君有英氣
陵跨溟嶽君賦逸才揮毫盈牘良器自天不事鵲琢
恣睢肆姐未就羈束習與性成莫悟莫覺維我先嬪
義敦手足告誡弗悛年繼以哭久知百從逆耳難教
內罔法言外乏砭藥醞釀浸淫竟淪顛踣名列辟雍
身終微纒君之母弟蚤已不淑君復繼之此謂何酷
我忝 朝行旋遭罪逐賓去羅門趨炎成俗有言罔
信鳴冤誰濯至再至三祇以成瀆索君微癡指為大
僂俾之橫催我咎莫贖翁在泉扃若何瞑目始翁
塋宅兆未穀與君成言誓將改卜嗟今已矣始圖

後念此內傷西睽滄出載惟君後誰似誰續春秋歲
時誰醉誰祝室有遺夢雅稱賢淑矢志堅貞悲歌黃
鶴猶子瑩瑩已見頭角兩世宗祊一身攸屬幾幾成
人以振君族祐善者天時翁遺德嗚呼哀哉老我起
廢遠徇微祿君病弗聞飲不撫木追思捫心實有遺
愿緘辭寄寫哀我衷曲臨風長號注淚盈斛嗚呼哀
哉

登豐五谿文

嗚呼天道孔昭有惑必通奈何與善獨愆于公忠信
弗顯乃與禍逢浩難之歲國是洵洵盈廷泣血叫

東麓遺稿卷八

十六

闡撫膺欲以衆葦障彼潰衝公獨罹咎遠謫從戎聞
荒萬里 天門九重俛仰踰紀靡諒其忠 雷雨作
解參澤鴻濬率土覃敷隅泣誰訟神胡降酷歲倭在
龍臥聞駭恒額天莫從嗚呼哀哉飄飄旅櫬迢迢甬
東徬徨曷倚有孱者僅嗚呼哀哉嗟我二仰論心早
同 經帷史局肩差雍雍老我弗類追躡餘踪公不
我鄙亦與爲朋 隆恩起廢竊祿茲邦郭西晤語森
然辭鋒謂公遐社耆耄今終別夫逾歲而遽告凶追
惟宿好有警其容陶哀緘辭一奠臨風匪斯人悼
邦國是痾嗚呼哀哉

祭姚江諸僉憲文

始公高第我忝校文嗣後從宦分携北南及茲歲晏
來官于閩我適遠役未奉笑言荷公存記惠我好音
方期久要以接殷勤云胡不淑一夕而終儼服齋次
嗚呼哀哉歸櫬東邁歷建之潛瑱瑩千里旁靡周親
同官雨泣行路酸辛臨風一奠有涕盈申

祭詹平溪太參文

始我於公未始識荆龍集三豕相逢建溪方緣末案
式締交盟繼如劔浦別木浹辰下車哽咽遂訣死生

東麓遺稿卷八

十七

屬我後事雪涕交橫友於我殯聖有明訓定交傾蓋
誰故誰新矧承末命絕筆丁寧遺言在耳敢負幽冥
公著宦蹟所至敷聲版曹郎署出寄專城由漳移廉
兩郡賢能河東醴政蠶集含米陵參方岳亦既顯榮
年幾古稀僉曰遐齡承家子姓縣縣積慶楚產開歸
大命攸定公亦何憾如終正寢旅櫬發引歸柩先塋
平溪伊邇壤界比隣縣次津遣安行閱旬陳辭致奠
維以告誠明靈不昧庶其降歆

漳州名宦祠祭文

維我先子昔守清漳出入十載惠此黎氓迄今遺愛

後世不忘秩祀名宦歲時豆觴左右如在陟降洋洋
不肖弱冠省覲趨庭俛仰皓首夢想承承伏叨餘慶
監竚 王堂罪謫起廢持憲茲邦欲陳一奠躬薦必
芳心馳神往職守攸妨坐糜廩稍三暮倏盈終缺饋
奠私情未償惕焉夙夜背切負芒遙馳賴藻式寄李
誠幽明感通神其有方

祭學憲劉平菴文

嗚呼我昔從君入讀 中秘焚燼宵嘯 木天曉試
譙咲合堂招遊聯轡自後解館分曹授事青瑣詞垣
對居近侍載接芳隣巷居櫛比醪燕樽疊賞析文義

東麓遺稿卷之八

六

朝夕過從嘯歌諧戲人事靡恒風雷倏異我坐罪謫
青冥垂翅子無遜言旋以直棄澤畔枳林棲棲顛顛
屯邅隔闊書郵莫致君起五羊歲實在未過我葛陂
適屆除歲我病山中不能一出作書告我情詞款至
報章適往追望弗洎我後蒙 恩即家起廢聞君驚
遷喜而不寐日望旋轅握手居第何知茲來而哭于
次嗚呼哀哉公卿比肩廢滅誰記嗟君歟歷表表于
世家乏千簾一經有遺登名薦書克承厥緒身雖云
亡實則未死惟壽弗登德浮于位所積者弘未竟厥
施長號呼君宿草匝地臨風致辭茹悲飲淚嗚呼

哉

祭方拙菴少參文

嗚呼維天殃慶依類而施其間反復茫昧難推最君
素履周旋罔齡長才適世廢試不宜雄氣邁往屹屹
不衰尚期穹爵銘勳豈藝何華于天而報舛違君趨
王事尚祝 堯階長途六月突冒炎曦力疾靡遑喝
殞路非囊無一金飲莫於資冰槩之操蓋棺誰欺子
然後事承祧者誰嗚呼哀哉平遠譙繪有偉今儀長
身王立廊廟之姿曾不閱歲存沒乖離俛仰昨懽滄
下交頤寄哀絮酒侑以斯詞九泉不昧庶其領之

東麓遺稿卷之八

九

祭侍御詹敬之文

嗚呼哀哉豐髯強幹謂宜考終宏器遠識謂宜顯融
而年不稱壽位秩弗克此雖君之不幸而猶可以言
窮蓋不齊之常然實有數存乎其中人孰無死橫罹
何凶忠信不顯而與禍逢揆之神理誠所未通仰瞻
彼蒼一何夢夢然而臣身可慘臣言可庸寥寥之故
寔匪其躬萬鈞欲壓橫當其衝一時武夫悍卒閭娃
市同莫不附心揮涕嗟嗟曰忠世傳疏草史載遺封
君寔何憾于逢與從某等斯文骨肉鄉郡攸同聯鑣
接席言咲雍雍奈何一旦邈矣遺踪悲墳氣噎痛切

如攻匪君之私善類是恫茲尚南返即彼幽宮藐孤
旅櫬萬里飄蓬臨風一觴淚下雷胸陳辭致訣以告
哀衷嗚呼哀哉

祭林母沈孺人文

慧敏夙成愛鍾父母蚤配君子琴瑟是友朝夕羞養
惟隨惟修歲時承嘗惟漿惟酒賓朋還來羅觴剪韭
啗以饋之拮据予手毚勉食貧羹藜針黹屢空晏如
丈夫之守嗟嗟孺人懿德多有所享者薄而積則厚
繫前之嗇必豐厥後篤生賢郎夫豈云偶甲科翰苑
執券責負方期貽封庸介眉壽云胡彼蒼降此大咎
嗚呼哀哉某等辱交今子訃深且久計音北馳恒焉
如炙有肉在俎有酒盈缶臨風寄辭南向稽首

祭吳母涂太宜人文

惟靈生有懿德端凝靜閑攸相君子婦道以全滌滌
惟時朝夕承懽于烝于嘗載修且虔族黨內屬宗姻
外連禮度具宜左右罔愆威疎富貧均遇無偏周鄰
振族飢不及餐彼瓶之罄我囊必殫包荒納垢如坤
斯舍雖離肅睦迄無間言盛德必食有祐自天偉哉
震器蔚為時賢厥歷中外執法乘軒聲華隆隆有光
厥前匪獨庭訓慈嚴則然烏紗丹帔泥封琅函高堂

吳文肅公傳

公姓吳氏諱某字某別號審菴常之宜興人也少為
縣學生舉成化丁未進士改翰林庶吉士弘治己酉
授編修未幾充經筵講官兼司經局校書侍 今上
於東宮累陞左春坊左中允南京翰林院侍讀學士
尋召修國史克日講官兼修玉牒逆瑾中傷罷歸瑾
伏誅上念舊勞召之未行陞南京禮部右侍郎內調

東麓遺稿卷之八

三十一

尋遷左考最奉命持節冊封益藩道陞南京禮部尚
書正德己卯五月十日卒於官年六十三公初入翰
林徐恭靖公當國於公為舅氏公日侍左右談文析
義時事一不掛口獎訓士類如不及隨材指授至匪
人則絕不與通經懽懽講每援古以諷丁卯主京闈
鄉試時逆瑾勢張甚仇疾縉紳公以為臣不易命題
意有所規眾咸危之公不為動乾清宮災公在禮部
首率諸司抗陳時短大駕北巡懇疏請回鑾後聞將
南幸手疏萬餘以俟面陳未及上而歿居家養其
翁惟甚寓京邸音問方物時致不絕每以曠侍奉

歎及翁疾朝夕不離側湯藥扶掖必躬視之翁素積厚公奉治命分授一無所私焚券蠲逋以成遺志多者至千金公生與母徐淑人之卒同日每遇是日必素食哀感比終不衰幼鞠祖母徐淑人徐疾即日告歸養未至家而卒哀悴過毀襄大事而後還朝性嗜公餘手不釋卷其名菴之義蓋有取爾也重購異書莊誦精思嘗訓其子曰讀書須見諸事爲實功記文詞殊非古人爲學之貴素好施予兩院及禮部學士多公捐俸所理宜興學宮壞首助百金倡葺之歲歲針飢贍之鄰里賴之遠及它境所活其衆族人

東麓遺稿卷之八

五十二

貧者割田假屋以處業之同考禮部一主考京闈一所得多知名士初賜緋綺再賜御製詩最後賜金緋三襲公佐禮部時已有去志請老之章累上不得命及爲尚書志益決章復累上溫詔慰留竟不遂計聞朝野嗟惜詔贈某官謚文肅所著有代奕稿若干卷藏於家初娶沈氏贈淑人繼娶林氏封淑人子男三長驥廕補國子生次驥駟皆幼女三三適士族未行公卒之明年驥狀公遺行來京師徵文鉅工銘幽堂表神道以求其傳而予與公同年舉進士同入翰林職史局供講筵寮友出入三十餘年詳公之素行

乃次其大節焯焯可書者以附其家乘且使他日太史氏錄名臣有考焉 贊曰公論讀書必欲實見諸行迹公生平宅心行已動有所本孝於家仁於族周於鄉而達於政皆鑒鑒有實效可覆則公之學可知矣然公歷事三朝荐躋八座可謂顯榮而議者猶以未獲究其用爲恨蓋公之所能爲者人也其所不能爲者天也雖然即其所既立者亦足以昭天下傳後世無疑也已

右都御史敬亭張公傳

公諱綸字大經號敬亭其先鄱陽人宋南渡有爲寧

東麓遺稿卷之八

五十三

國路總管者因家宣城其後有諱某者多隱德鄉人稱爲留福處士生子某官至湖廣右叅政某歷武功至武畧將軍富峪衛中所副千戶處士封如仲子官卒如人言叅政建留福堂以詔後生輔號逸菴公父也某卒於官無子逸菴携兄子某至京師嗣其官遂家京師公生而穎敏異常見逸菴授以古詩啓蒙諸書輒能習其辭通其義甫冠受業于通政徐公少師晦菴劉公領癸卯順天府鄉薦登甲辰進士第令鹽山首以興學課農爲務籍惡少爲民患者按名擒捕也士王顯道家貧力學優贍成就之卒取進士自是

科目漸有人清戚里賜庄之侵奪民業者禱雨雪輒應歲連大稔設義倉以備凶年修道植樹以便行旅嘗掘地得錢四甕輸公藏不私吏部以治行最辟之授浙江道監察御史巡居庸諸關禁守臣科索以蘇軍士繩軍帥之不法者值內艱先是逸審卒公以子立不充歸至是將併圖之不果服闋改雲南道出按真定諸府風裁益峻有縣令非法殺人獄久不決公得其實坐以法又有富民被盜疑鄰家李某賂賊曹燉煉成獄其人不勝掠自誣伏公察其冤兼得真盜脫十三人干宛平鄉知縣某以治內河淤地幾百

東麓遺稿卷之八

二十四

頃欲科稅自爲已功公斥不行清寧官災疏陳省差官減坐派恤逃亡選刑官恕狂直十餘事多見采納赦下料條未明有司倚閣不敢行公酌處以聞獄囚爲空劾罷撫臣開朝河川妄費而殺人者司徒周文端公仇直忤旨以災異自免去公上言進退公而後天變可弭周某不宜去位陸光祿寺少卿力請節浮靡以紓歲用又歷陳尚膳中官橫索侵侮之弊歷陳右通政提督膳黃右僉都御史強某家爲讎所訐江南民吳某以端午競渡爲緝事者所誣瑾皆深治之至簿錄其家既而獲從未減公有力焉刑曹有囚誣

入重辟而所司拘律文不敢釋又有重犯以奏辯輕出者公累駁之不能得乃請移御史臺決之皆如公議詔以參酌得宜著爲式奉勅按興二府訟奏上悉從之同事中貴武弁皆憚公莫敢要索所過不擾比逆瑾敗黨屬多連坐者公請于朝活百餘人有豪民殺數人當死中貴錄囚力欲出之公執不可高陽民王豸刺臂肉隆起如龍形以誑衆緝事者指爲叛公如律治之調工部右侍郎改刑部尋陞左侍郎持節冊封富順王將事而退贈賄無所受還三疏乞休不得請再奉勅按代府博野王兄豸諸不法事再立

東麓遺稿卷之八

二十五

續奉勅按事慶成府根連宗室妃姬黨與數百人前後按問十年不決公一訊而服因請自今宗室男女選婚無過期祿米準秋夏二稅例徵入官如數折給比瘡寇邊邏者得聞謀幾百人以要功公命臺官覈實止二人餘皆平民也九載績成奉勅南京按宗室事道陸都察院右都御史還以淮揚廬鳳水沔陳四事有趙萬興者妖言惑人誘妻王氏女稱爲后三僞生從之事敗將併坐二生不軌律公曰豎儒覲覲王氏色耳罪其身而免其族今皇帝入繼大統一時大臣多以論劾先後去位公獨留既而疏乞骸至

凡八上 朝廷知不可奪乃勉從公請仍賜原籍以
隸以贍給之公之歸宣城也神觀未衰遊覽觴詠自
娛終日不倦衆方徵其福壽乃一疾而卒時寓宛陵
書院囊無餘貲公性嚴重有威儀平生無戲言母夫
人性嚴小過不免斥譴爲御史時猶然公承順無違
志俸貲不敢自專高祖墓地歸它姓久倍價贖之兄
某老而無子贍以終其身從子某少孤嗣官不能立
公業處之後併其妻繼步禮葬而字其孀嫁咸得所
從孫達嗣官遺從少保彭公南授有功授正千戶譜
族系買祀田治家嚴管書柳氏家訓以警諸子遇逆

東麓遺稿卷之八

二十六

瑾慨痊弗踐與穢殺生於故舊尤篤知府呂傑卒
於官迎致其極爲經紀其家者十餘年知縣王寧罷
歸日與游如布衣懽及卒捐俸助其喪代償陳修撰
宿通周人之急如弗及誘進後生多所成就平居手
不釋卷構雙楹亭于寓第左公暇多致名公吟咏其
間公精於法比然未嘗過求論事存大體事有不可
必詳處之或終夜不寢務求便安致政歸過滄洲鹽
山父老至有百里追送舟次者所著有出巡錄憲臺
奏議棘臺駁稿三使錄好吟咏充口而成多不存稿
集其遺僅四冊曰敬亭稿竊惟公立朝幾四十年

平大節固已銘諸幽宮表諸墓道筆諸史氏焯焯傳
信無疑某嘗遊西涯少師文正公門見其嘗稱公慎
守勤服按律執法竊所取信又獲從公後耳其緒言
自其行事略可徵已史言文景時大臣重厚耻言人
過公其近之乃按狀傳其節惠以附張氏家乘云

東麓遺稿卷之八終

東麓遺稿卷之八

二十七

東麓遺稿卷之九

文類

永嘉隱士林君行狀

永嘉微山之陽有隱士曰林君英敷者諱榮其先居樂清之柳市今爲永嘉興賢里人距其始廷七世矣君性孝友慷慨多大節幼失怙恃居喪儼如成人哀毀過禮忌日歲時輒感涕不自勝比終不衰事繼母李得其權心李惟一弟某留滯河洛間絕息餘二十年君募人訪求久乃知所在則某已亡爲返其遺孤經紀其家母泣曰李氏不絕汝之力也兄弟數人君

東麓遺稿卷之九

出身獨持門戶不辭難仲兄生而不慧事之尤謹處里黨姻友曲有恩意急者周之病者藥之死無歸者歛塋之好吟咏力學慕古博聞多通每預言未來事恒中或於視聽得之不知其以何術也理家嚴整內外斬斬燕居無隋容對客和易倒肝腸賢士大夫樂與周旋雅嗜佳山水攀援陟陟幽險畢達會意處吟眺忘返雖寒暑風雨不避也所居據溪山之勝故有先秋亭聽雨軒君復增辟園池種竹雜時花卉日與伯仲徜徉釣遊或賓朋萃止觴咏竟日鄉鄰有違言多就平於君必曉譬曲直咸釋然忘其所爭而退至

今訟不決者猶追思之或質以事必爲盡誠謀其可否以故里間稱爲里人長者其歿也遠近赴吊無少長哭之哀素衿持疾革時候問者猶衣冠出見之或悲其將殆則笑曰死生常理耳留飲盡歡卒之夕盟頰易衣就枕命取朱子家禮付其子曰後事一於此言訖而逝可謂達已弘治乙丑四月十九日也享年四十有七塋建牙鄉華亭山先塋之次別號微山鄉人稱君者必曰微山先生嘗仰見白雲顧而樂之又自謂白雲子所著有漫語五卷藏於家識者以爲名言君歿後凡手植諸果終其喪無花人咸異之配

東麓遺稿卷之九

水心陳氏明順慈惠德婉夫子子男二應龍應鳳女一某適某孫男二某女一某應龍有志介英敏博覽多所著述而尤邃於六書七音之學重縉紳間行當大鳴於時應鳳文行亦能世其家而群王森列庭階君子於是知微山之慶未艾也予與應龍相往還聞微山行爲詳乃爲考其世系次其生平徵諸月旦爲此狀以俟傳隱逸頌潛德者採焉

先馬尹先生行狀

先生諱襄字舜弼姓尹氏別號巽峰世居吉之永嘉南鄉其先鄒陽人石晉時有諱濯者以平南將軍鄒

陽侯來鎮永新因家焉故君於永新宦故且鉅曾太父諱某大父諱某父諱某別號松陰處士皆明經隱德不耀而松陰公尤博覽能詩文以先生貴贈翰林院編修母某氏贈孺人家世寒松陰公力欲教子以詩書起家先生生有異質兒時出語驚人日誦千餘言少長知自力學承父志爲舉子業清新灑落而一根於理取爲二泉邵公器重一時文譽蔚然弘治甲子發江右解年甫弱冠時松陰公已棄養留侍母孺人未上春官試正德辛未登進士上第選改翰林院庶吉士閣試屢先羣彥大老亟稱之名動京師踰年

東麓遺稿卷九

三

以母憂還丙子服闋授編修乙酉秋滿九載陞侍講尋以纂修武宗毅皇帝實錄成擢司經局洗馬今年丁亥二月二十一日某甲子以疾卒距其生成化乙巳某月日得年四十三先生性溫醇端靜言笑不苟用心於內邃於理學沉思精微多自得隨所閱書有見輒附著簡端及近世自立門戶背程朱爲說者亦嘗辯著其所以異蓋要諸實見以歸真是不肯苟徇雷同又嘗以求放心名其齋爲詩文醇庠典實不屑屑斷削塗澤爲工朝退閉門掃軌端坐一室讀書鼓琴脩然竟日曰不可負朝廷作養今上登極奉

命祭告南嶽及虞帝陵昌暑將事事竣過家上冢兩克會試同考官校閱窮晝夜不懈得名士爲多在史局紀述詳明仇授精確有良史筆克經筵講官三載每直講必沐浴更衣宿齋致敬至敷陳邪正之際尤丁寧剴切曰吾見前輩講章類有規諷不敢諛頌孝友天至幼時松陰公授調息要語佩服終身母孺人嘗有酒誡病中猶記憶不忘奔母喪趨程不避風濤幾覆舟哀毀不能興事其兄二字若尤謹事無小大咨稟而行闔門共食內外無間言女兄貧計口歲分粟遺之以爲常遇歉哀廩賑族不計費篤於故舊授

東麓遺稿卷九

四

業句讀師沒撫教其二子周至俾無失所平居無疾言遽色雖戚獲有過徐呼責之與人無宿怨邑豪嘗有非意相干者不與校久之其人愧服其子來京待之如初鄉人感之家居與官府不相聞親故請求殆絕居常不問有無俸入日閱而已及其歿也囊無十金假貨具喪費衆尤哀哀疾革見其孤泣徐撫之曰考吾生平未應至此爾母恐蓋確然自信以祐善取必於天而不知夢夢者竟不足恃也垂絕言不可了有隙問者舉手揖之毫髮不亂蓋其資稟既粹而學思亦故終身大節一不可玷議雖頻于厲穢猶不

敗其度可謂篤行君子已與夫褻衣博帶妄自標致以爲名者遠矣少羸苦不勝衣入仕稍克後益膚碩豐厚衆謂壽考之徵咸以公輔期之無何疾作踰旬不起初感風寒且中滿步於庭摩其腹曰得利解矣俄值庸醫診之亦曰宜下遂用硝黃湯不得下連三劑最後大吐卒不可解遂困更調醫不效又更醫不效咸曰小恙也旬日當愈閱十日漸革醫環視之曰不可爲矣嗚呼痛哉先生性謹飭詳審尤慎疾及其將沒也本非沉痾之症乃不謀於衆而遽以死生寄之賤工任其所爲僥倖於一試卒爲所誤若有物爲

東麓遺稿卷九

五

之者豈非天哉惟先生粹學醇行卓然於時使究其用補衮華國當表表有足觀者意天之生是不徒然也而摧折之暴若此曾不及一試豈人之所謂君子卒與天異耶嗚呼哀哉要贈孺人史氏先十二年卒繼娶郭氏封孺人俱有婦德克稱閭相子男二史出某方種學績文以待用器業過人能世其家某亦就筆硯斲然見頭角天之所以餘善慶而昌尹氏者庶其在茲逝者爲不死已卒之日士大夫知與不知莫不哀傷之至有失聲揮涕不能自止者嗚呼是足以考履祥矣凡爲詩文及雜著若干多散見方待編

次以傳猷某踵予拜且泣曰吾父不可使泯焉不聞敢以狀請俾幽堂之銘墓道之碣庶其有考乃本世系并最其生平可書者于右以俟立言君子擇焉

書凡銘有引

予文房皮書凡自予爲諸生時與之周旋迄今未始一日離也念其從事於予勞而久且慶其有成也故爲之銘銘曰器用於人各職其職貴賤則殊係其所適維我有几厥用靡輕其制孔良繩直準平或坐而俯或立而憑朝斯夕斯匪史伊經自始迄今亦免二紀枯榮悲愉唯我與爾爾勞既久我名亦聞爰書茲

東麓遺稿卷九

六

銘以策爾勲

硯銘

如月斯盈如硯斯平瓊潤金鏗烟霏霧冥鑒錫嘉名龍池半泓孰孰珍孰孰朋三槐之庭

居庸關銘

嘗觀前代建都者必據扼塞設關以自固若洛陽之成臯關中之函谷是已雖王者以天下爲家四夷爲守然必致重於都會者豈非以京師根本之地強餘弱枝防微杜漸之永圖有不得不謹且豫者耶我文皇定鼎幽薊諸山自雲中西來連峰復嶺摩空聳黛

者千里不絕近都則迤北而東綿亘繚繞隱若外垣
居庸直京師西北峭峽天徑三十餘里其狹處謹不
容輿乃立關屯卒以司防守然愚以爲漢唐之都去
邊尚遠諸關不過爲京城一面之扼而已 皇都獨
控北垂與夷虜爲隣則居庸者尤近邊之要衝守
國固圉之重地較漢唐之關利害大小何啻萬萬而
已哉間嘗披圖而得其說因爲之銘銘曰 王公設
險維以保邦矧茲執勝夷夏之防群山東奔來自雲
中勢如萬馬自天而降層岬疊嶂象彼重城睥睨雉
堞宛然天成直北而西曰維居庸嶺崎嶇嶢嶢虎咆

東麓遺稿卷九

七

熊罴徑潛通騎不得列銜尾相隨險若天設徒衛桓
桓關城戔戔以抱咽喉以司誰何蠢爾獫狁北壤密
邇莫爲之防長蛇封豕嗟嗟雄關界彼異域一夫按
劍萬落辟易壯哉天都坐制四遠如輻斯輳如瓴斯
建我閭在昔明明有謨四夷來王警戒無虞慎厥攸
司以億刊銘磨崖貽後訓則

吳母陳孺人墓誌銘

孺人姓陳氏諱某世爲弋陽人胄出宋太師丞相魯
國文正公同邑吳翁玠之配而光祿典簿蒞之母也
人門敬戒自將恪修婦職尊嫜悅其孝妯娌安其睦

滅獲懷其仁內外咸適自奉儉甚而賓祭務極豐腆
翁無凡弟弱冠即代父理家政時方室經營供億
需費百出孺人每躬爨以佐之不憚勞瘁姑張孺人
老而盲事之尤謹扶持不離側夜必伺寢然後退凡
二十餘年以爲常比終不衰治生勤晚年家漸裕歲
歉必哀廩以活餓者無問戚疎以周急爲心不必求
償焉遠近咸德翁施而孺人從史居多尤嚴於教子
甫甫成童日督誦書習字有程夜紡績以臨之每至
二鼓祁寒盛暑不輟稍長遺補已庠生節序不令歸
省廢業藝師饌友不遺餘力甫亦承志力學卒以成

東麓遺稿卷九

八

名弘治辛酉江西鄉薦高等鄉人咸曰孺人善教果
有徵孺人不敢當撫甫曰此先人積慶之餘也爾其
敬承之甫篤行慷慨志於用世先後七試春官弗利
復圖再舉顧念孺人垂白在堂乃謁選銓曹得光祿
典簿將冀一命之貺歸爲孺人榮而孺人已不逮矣
正德庚辰十月十六日也距其生景泰壬申十二月
二十三日享年六十有九時翁之歿已七年矣子男
三長即甫次莊先孺人卒次夔女一適某孫男某某
女某光祿君持狀踵門拜且泣曰不肖薄宦所羈
吾母疾弗克侍歿弗躬斂錫典垂下弗及沾罪其可

邇今歸將以某年月日卜塋於某山之原誠得立言
君子發懿德之潛輝雪不孝之白過則苛猶可偷視
息為人以圖終前志先生尚肯卒不鄙而矜賜之否
乎予與光祿往還相好居不踰舍知孺人行稔且悉
而信其狀之不誣也乃次其世系而銘之銘曰太師
之裔維 貴之貴君子之儷維 德之德

英英光祿克昌厥世有煒鑾章可旦夕冀弗暨者天
風木增喟曷以慰之幽宮可責勒茲貞珉永世是識

詹母桂孺人墓誌銘

孺人諱某姓桂氏貴溪望族世居邑南英潭祖子芳

東麓遺稿卷九

九

贊雄一鄉有隱德稱為鉅人長者父寬母鄒氏孺人
生而警慧父母愛之為擇所歸歸同里東川詹君岱
旦夕問遺相屬詹族繁昌與桂相得號曰詹桂孺人
入門恪執婦道事字實祭咸中儀矩宗鄙賢之厥後
桂以區長累家日落父寬沒嗣子子立母鄒獨居孺
人迎致于家孝養備至視奉其姑蕭孺人不甚殺也
中歲梓鼓數起村居警擾往往窺嚙穴間孺人行必
奉二母與偕扶持躬親之備管艱阻數歲卒全于流
離無幾微見於言面鄒母考終孺人欽送如禮業瞻
其弟俾無失所人以為難正德乙亥六月某日卒距

其生成化辛卯九月某日享年四十有五嗚呼哀哉
子男一元龍國子生女一適安仁湯惟允二口元龍
持狀來拜且泣曰吾母至今尚在淺土不肖日夜痛
心無所逃死茲幸業太學歸有日將卜塋某山之原
惟是幽堂之銘不可無辭先生矜賜之則吾母雖不
尤壽而懿德不朽庶其有託予與詹氏有連重哀元
龍之志乃不辭而為之銘銘曰孰孝其母而弗獲於
姑孰友其弟而弗宜于家溫溫令人懿美弗渝命雖
云短實未終譽錫茲樂石徵是誣

司務李君墓誌銘

東麓遺稿卷九

十

君諱某字時元姓李氏別號南麓瑞州上高人家世
業農曾祖某祖某俱隱德弗耀寬博不兢父某以長
者稱於鄉號筠菴母潘氏君生而穎異筠菴愛之令
習舉子業稍長補邑博弟子自奮欲以詩書起家
成父志未幾登弘治戊午鄉薦高第七舉春官不第
猶不已筠翁書來曰吾老矣爾勉就一官為吾榮乃
謁選銓部天官鄉試其文亟稱之寘首選授都察院
司務蓋不欲以州郡煩之也端慎公勤舉其職考績
以稱書最處寮友剛介不阿而節文周詳性孝友事
筠菴得其權心家政委二季生平未嘗親籌算無毫

私藏專意於學力追古作者尤長於詩興寄翛然
公餘未嘗廢吟諷御史大夫東臯王公居臺時每有
課述皆君代筆暨今榕溪金公廣濟劉公貞菴周公
皆雅重君君疾革三公就視之再臨其喪哭之慟棺
費皆從官給知君貧且旌其清白前此未有也生於
成化壬辰某月某日卒於嘉靖壬午十一月某日享
年五十有一時當鞠死罪獄於 朝堂文武大臣咸
在列且乍寒君質明往執事迨夜歸猶秉燭答書記
數紙次日晨起入臺平善日未晏蒞事退坐啜茶忽
仆地不能言昇歸卒蓋勞瘁爲寒所中云親友尤歛

東麓遺稿卷九

十一

具發其篋得布一端餘無有也見者嘆息同官交遊
相與賻以卒事則君之勤事與其所操可知已要廖
氏賢明有內行屢產子不育女一人適某筠菴翁媼
垂白在堂以例不獲貽封爲戚言輒流涕嘗具疏陳
其情未及上齋遺憾矣君雖不獲上壽躋貴位然其
居家交友蒞官臨政俱有足紀卒之日知與不知莫
不悼惜焉著述若干帙藏於家廖孺人扶柩歸將以
某年某月日卜葬某山之原乞銘于予予鄉書姓名
而君後知君獨深且久義若同生乃不辭而叙其大
節銘之以慰吾志以解筠菴之哀思銘曰仕匪弗貴

有列于朝年匪弗永已艾其毛維彼無聞榮華風飄
嗟我南麓爲時俊髦獨立中臺秋空鶚鵬不受世羈
蚤解其鑣表茲節惠百世孔昭

錦衣衛百戶郭疾墓誌銘

疾諱俊字世英姓郭氏山東范縣人其先有諱某者
以戎籍隸錦衣衛因家京師於疾爲曾大父太父諱
成父諱興母徐氏疾生而魁碩重厚與群兒戲無嬾
言舉止類成人大父奇之曰是必亢吾宗成化初旣
使浙積十餘年父母先後傾逝家耗不通久之始得
凶問疾奮黃即日北歸哀毀持服無違禮以積勤歷

東麓遺稿卷九

十二

陞錦衣衛百戶敦朴不事華侈寡言咲弱冠克家家
用以饒寬博善施嘗有負疾錢者久不歸一日語侵
疾曰汝謂我有宿逋耶疾覩其辭色非是從容遜謝
曰已償矣取券還之卒不與校以此閭里翕然稱爲
長者女適天文生王瑾者并其夫早卒取其諸孤撫
教婚嫁立其家而遺之奉先尤謹每晨起必就家龕
焚香謁拜比終不急治家嚴而善教子第小過必譙
讓不少貸至臧獲則恩撫之老逾矍鑠却杖步履如
飛壯夫不逮也以嘉靖癸未十二月五日卒距其生
正統庚申五月十七日得年八十有四配陳氏先疾

幾年卒子男三長義鴻臚寺序班早卒次禮前錦衣衛千戶智前錦衣衛百戶女一即歸王氏者孫男六長其次某順天府學生某某餘未名女二長適孫綸次適李鈞曾孫男三女一俱幼以卒之月二十有一日卜塋於阜城門外沁水村之原與陳孺人合禮等泣持安丘令周君璋之狀其友郭生雲鴻踵門乞予銘予雅不識侯而郭生從予游信其所友端且以周君言爲非妄者乃不辭而銘之銘曰既壽且康又以考終白富曰穀五福攸同歟錫保極惟皇之中後將論世有徵斯頌

東麓遺稿卷之九

十三

處士直隸鄭公孺人趙氏合葬墓誌銘

祠部主事鄭君琬既舉進士親耄老也日圖歸侍不果既而拜祠部之命則天飭其寓邸爲迎養計未幾父母齒問併至若號慟幾絕拊膺籲天曰胡毒我至此極耶胡毒我至此極耶治祗歸將以某年某月日合葬於某山之原泣奉其同里太史氏張君狀來乞銘按狀處士諱某字某別號直菴其先浙之青田人洪武初有諱亟春者以校尉護靖江王國桂林於處士爲曾大父大父麒自青田來補後遂家焉父母許氏處士生而警敏儻有太志事親孝與兄

某居友愛無間言意賓客會譙劇談至夜分不倦教其子主事君嚴甚小違不免箠撻家素饒財好施予賑乏如弗及屢焚券捐宿逋爲棺以濟不克葬者歲歉富家競買宗室祿券以規利有盜竊故券者覺根連誣搆逮處士父處士泣請身代主者鍛鍊文致其罪謫戍廉州遠近冤之父以憂恚卒族人將卜葬會處士以恩宥還竟克襄事若有待然衆謂孝誠所感配趙孺人父某母某氏孺人幼精女紅性柔靜父母愛之擇歸處士入門謹敬閨中落然無聲奉尊嫜得其懽相處士以謹儉禮接宗戚高下中度逮臧

東麓遺稿卷之九

十四

獲有恩禁家人毋得呵責方處士就逮家日落孺人訓督主事君學益篤至脫簪珥紡績以資贍之或時空乏不令知之曰悞分其心以故主事君發憤自力正德癸酉鄉闈遂哀然爲舉首嘉靖癸未登進士上第卒成親志處士生於成化辛卯某月某日卒於嘉靖癸未某月某日享年五十有三孺人生於壬寅某月日卒先處士五日享年五十有二嗚呼處士蹈義弗頗橫罹苛禍卒克有立不潰其先孺人復以懿德承之共成其子曾弗及享而倏焉繼逝豈不重可哀耶主事君學行蔚然士望行當貽贈褒卹綸音龍光

下爛幽壤所以顯其父母於不朽者寔於是乎在然則存沒固皆無憾已銘曰謂天夢夢災祥曷憑徐考厥定亦既有恒卓彼直菴幾躋而興爰及淑相含章順承胡豐其德而嗇其齡有美者子顯聞 帝庭食其報者弗在雲仍

二塲女子壙銘

二女者翰林院編修弋陽汪佃第三第四女也從父來居京師母詹氏姑曰蘭英性柔慧寡言笑疑重如成人侍父母候色承志無違戚獲有過輒身任庇其謹食物偏分然後入口纂繡不學而能生正德辛未

東麓遺稿卷之九

十五

六月丙申嘉靖癸未二月甲戌病瘁卒得年十三塋城南福香寺佛殿後右側妹曰蕙英姿貌豐滿明爽整肅代母氏掌管鑰開女奴出入衆嚴憚之不敢犯尤勤女紅朝夕不釋手生甲戌正月甲午申申六月壬戌亦病瘁卒得年十一附姊塋先是謁醫治蘭瘥用消積劑瘥良已而卒罪醫攻伐傷其元氣既而少者不可深治醫云用藥貼患處無傷也瘥良已數夕亦不起不知瘥竟不宜治邪抑治之不得其道邪嗚呼二女均稟粹質孝友夙成宜永年而止於斯天意固不可解也哀哉銘曰惟福香寺比丘尼居女子歸

骨寔維其宜姊也先往厥妹從之終古同藏豈曰無依

戴母李孺人墓誌銘

吾邑與德興比壤嘗聞其盡節鄉有隱君子曰遜齋戴翁舊矣而未及識丙戌春有名儒者登進士第予以場屋雅獲納交焉始知爲縣翁子文行卓然一日奉其同年友曹君其狀來其爲母李孺人乞銘述其內則飭備乃知遜翁之賢得內助焉而其子之有成慈訓寔多按狀孺人諱某系出樂平龍子岡李氏望一邑代有聞人父某母某氏孺人生而聰明婉嫵

東麓遺稿卷之九

十六

精女紅工巧天成父母愛之擇歸遜齋戴鉅族世肅家範內外斬斬孺人入門寅敬自將使事賓祀動中矩度上下宜之姑黃孺人爲一時閨師事每呼孺人與俱且責之備曰是後能繼吾者遜齋好振施性剛直義方尤嚴孺人每順承無違有求隨多寡應之傾囊不靳諸子有小過身庇之不以聞而私誨諄切必改乃止朋好非時過從觴豆輒具恒豫時以待遜齋舌耕四十餘年絲粟皆入公帑而子女費率出孺人手給無幾微見言而尤人所難室嘗再燬蒼黃呼其子護出藏書曰世業在此識者建之以正德某甲子

某月某日後遜翁踰年卒距其生天順某甲子月日
得年五十有九遜翁沒時孺人已嬰疾哀毀增劇遂
不起遺命薄塋無遠所居死而有知常使魂遊戶庭
屬家事甚悉子男三 某次即儒初授行人司行人
次某女一某適某孫男三某某將以某年月日上
塋於某山之原去其居幾里許予惟孺人懿德醇淑
曾未及享且拮据一生以歿若可憾者然行人君發
軼青雲鸞章錫賚下賁泉壤日可俟已天之所以報
孺人者庶其在茲乃為之銘銘曰維婦之良有子之
孝維妻之貞有相之道維母之慈有父之教嗟嗟孺

東麓遺稿卷九 十一

人全懿孰紹丹山有雛厥德惟肖儀於帝庭五色有
耀善慶可徵始食其報勒詞樂珉千載是詔

外舅聘君詹十二丈翁墓誌銘

翁諱望字仰夫姓詹氏行漢十二先世蜀人有諱爨
鼎者為長沙同知遊貴溪樂僊源之勝遂占籍焉其
後有諱廷植者仕元為御史謫播州巡檢徙蘇山於
翁為七世祖其孫伯希人 國朝克萬石長遷東川
生子善子善生文理文理生彥時彥時生字世隱德
弗耀以貴雄鄉字字景高遷禮村娶臨川白圩李孺
人生二子翁其仲也生而穎異丰姿魁嶸高穎豐頤

見者偉之少有大志業舉垂成棄去出後叔父景
非踰年不忍去父母復來歸景高公嘗為里人誣
以人命逮長子瓊擊獄遣瀕幾殆翁年未弱冠跣自
郡城奔還叩頭請代卒脫兄疫死備受榜掠意氣慷
慨時都御史三山謝公士元守郡感其事肅然曰安
有孝友而殺人者耶乃理出之既而挾輕貨遍遊江
湖倜儻達練善謀能斷宗戚鄰黨咸就質焉有訟曲
直久不決者翁一言平之靡不愜服而退景華孤女
年及笄邑豪利其貲隱委禽焉衆唯唯有陰為之地
者翁獨力拒之更擇所宜歸所後子一醺酒破產母

東麓遺稿卷九 十八

張老無所歸翁迎養終其身善殖生好施予喜賓客
手談冠一時周旋士大夫間所至倒屣迎門握手太
噱竟日不釋或有所貸隨多寡應之未嘗取償焉每
歲歉哀廩振乏不計利食其德者甚衆焚通券無算
中歲以所居湫隘撤而新之不愜更新之輪奐有輝
無何燬於盜翁晏如無不豫色曰成敗數也越明年
以疾卒時正德辛未四月某日也距其生天順丙子
七月某日得年五十有六初娶蓮塘里馮孺人賢明
有內則先翁二十七年卒繼室陳孺人婉順端靜後
翁十二年亦卒子男二孟啓太學生仲山側室孫出

也翁晚乃得子然義方嚴甚小過不少貸故二子遵遺能教以勤儉世其家女二其長歸我次歸弋陽鄉進士方華馮出也翁歿七年始克葬竹村里時予靡於官弗克祖窆且未有銘今將以某年月日改卜于某山之陽奉其從兄海鹽丞岳之狀來俾予銘予拜而撫啓而泣曰始我翁屬纊時傾爾兄弟在髫髻資後憂禮有今日耶天道良不誣哉翁目瞑矣乃按世系并附實所略記去叙于右而銘之銘曰魁然之表中寔似之義敦同氣不避險危薄遊江湖筆筆不羈孰結不解一言可離孰置靡繼百金可揮雄志通

東麓遺稿卷九

九

材靡竟厥施曰鄉善士翁其庶幾較有明徵不愧斯辭

界谿居士戚翁暨其配金孺人合塋墓誌銘
始予謫宜聞戚生衮名于今監察御史魏君伯深暨至宜首詢焉則以憂居告久之纍然衰經造予門目其貌耳其言竦然異之既而來學叩其蘊察其為人信佳士也一日泣請曰先君尚未殯卜宅兆于城北陬汪村先生幸寓目焉予往贊其決曰吉則又泣曰先妣之塋未協吉令將遷與先君合窆焉願幽宮之銘未有屬幸先生併賜一言以卒底哀父子予曰諾

時蒙 恩量移貳松方治行樂暇及茲生走人以葬期告且速銘按狀翁諱某字某別號界谿居士其先祥符人宋渡江號某者始占籍于宜其兄弟行曰某某皆皆登進士歷顯官入 國朝四世祖諱某以進士官至布政使翁天性孝友父諱某邇來疾動止仰人翁殫力侍養晝夜不去側既歿毀瘠踰甚居喪如禮好讀書尤力教子傾囊為延師市書善殖生不憚艱瘁然不妄取峭直寡合不附翁執而敬慕士夫如不及有不善者絕下與通而口無嗾秋生平足跡未嘗一躡公所兄弟五人慨然有張公藝之志中有弗

東麓遺稿卷九

十一

悅者不克遂泣涕不食者數日臨終以囑其子蓋遺憾也治家嗃嗃晚更慈鄉隣誼如也沒之日人咸悼之以嘉靖某年月日瘞疾卒距其生景泰某年月日享年若干孺人金氏居士同里人曾大父諱某官南京工部主事父諱某母某氏孺人聰慧莊靜入戚門內外咸宜逮事祖姑李甚謹得其權李垂沒祝孺人曰願新婦它日得孝婦如新婦奉舅姑以孝聞舅先沒姑晚喪明佐居士孝養尤篤饌必手調藥必親嘗凡所欲輒先意承之念其父母孤貧無所於歸迎養二十餘年以壽終禮塋之拮据理內政善姊姒睦宗

黨凡居士以善稱於鄉者內助居多有尊行暴一戚獨敬儒人不敢侵傳者以爲口實先居士九年卒正德某年月日也距其生天順丁丑月日享年六十有一子男三元亨哀女一適士族孫男九某某某某某元邑傳弟子哀憐慎郡博弟子元哀憐俱有聲場屋所以顯其先而復戚氏之始者庶其在此曾孫女二未名葬期在年月日予惟居士夫婦潛德弗耀法當得並書以詔來世予忝史官與元哀憐文字交久徵其狀不誣乃銘銘曰嗟界谿宣善士施于政惟孝友間有相德寔儀求厥謀貽孫子森瓊奎苗堦祀家亭

卷九

三

陰佳山水毓秀靈昌厥世卜者誰太史氏

福建布政司左叅議拙菴方君墓誌銘

予起廢僉書閩臬時丁丑同年官于閩者凡九人丁酉暮春醺燕于三山之平遠臺酒半命畫工繪像以紀其盛獨吾拙菴長身王立儀觀偉然可傳衆咸以公輔期焉無何先後遷官去而君俄乃計聞蓋君入質九廟成疾還卒于清源舟中時九月壬寅也踈平遠之燕數月耳會晤之不可恒而神理之不可推也如此嗚呼哀哉既歸圖喪事君配汪孺人自歛走介持嫺友太僕卿東峰汪公狀來乞銘予不忍以不

文辭按狀君諱紀達字行可拙菴其別號也姓方氏始自漢河南守紘避王莽亂徙歙之東鄉生西河守雄數十傳徙淪坑宋時有七十公者遷潛口君今爲潛口人有諱開先者中明經科高祖未進贈湖廣按察司僉事曾祖勉登永樂乙未進士選翰林院庶吉士讀書中秘仕至湖廣叅議爲一時名臣祖某父某號樂其母許氏公幼穎敏異群兒以尚書領正德庚午南畿薦登丁丑進士上第銓授南豐縣令樂去命之曰慎守官無忝爾祖君奉訓惟謹甫三月民所利病罷行殆盡父喪解官時寧藩變閩邑援墨練例

卷九

三

懇番于上官不能得慟哭去服闋補襄陽令襄陽如南豐襄民懷之亦如南豐之懷君民間有井爲藩府所奪汲者歲徵其課君理諭止之乙酉徵授南京兵科給事中正色當官凡所建白剴切中時弊時新貴負寵姿睢君兩抗章指斥至以負乘致寇詆之寵臣銜之計乘間中君危法廉伺竟無所得君亦屹不爲動嘗曰諫官遇事如遇狂瀾如當萬弩衝波駭機寧暇避耶其志可知已嘉靖戊子逢 覃恩勅贈君考妣如其官封生母李氏爲太孺人尋擢廣西按察僉事左江兵備澄清一道食吏型風解去丁

人憂服闋補浙江按金衢道平反疑獄賑貸飢民前
後部使者連章薦之丙申冬擢福建布政司左叅議
旬宣有聲日方遠到而詎意其遽止此噫距其生成
化甲辰七月某甲子享年五十有四娶同邑汪氏封
孺人稠野處士輔之女子男三長某次某季某俱先
君歿女四長適某次次俱未行君天性篤實孝友居
憂十年讀禮不出外戶愛百姓如子所至有恩信守
官廉卒之日囊無一金非親友賻幾無以飲然落
窶合適廼仕版二十餘年始歷今官以拙名菴直稱
情哉惟君素履雅望年勞姿表宜登貴位享遐齡又

嘉靖布政司左叅政平溪詹公墓誌銘

壬子

宜有賢子以世其家而今一無徵以故聞君之訃者
知與不知莫不哀之方將以某年月日塋于某山又
將謀諸宗老擇立賢嗣以主祀事又歛君政行銘諸
幽宮以傳不朽君於是可無憾已銘曰民病弗瘳仁
聚其欲權飲弗戢義折其角兩邑去思諫垣遺謬左
江東浙霜稜震薄旬宣八閩咸受其福衆望顯顯奄
然弗祿胡予之豐而奪之速天實爲之百身可贖又
殀其嗣罰也何酷取其生平俯仰無慙某山之原堂
封若屋銘此幽光永世其緬

福建布政司左叅政平溪詹公墓誌銘

嘉靖己亥三月辛卯福建布政司左叅政平溪詹公
自麻城來擬任駐建州御史行臺燕于黃華樓翼日
下劍浦叅部使者而旋復寓行臺始下車揖予涕泗
哽噎以鬢疽告且曰吾何不幸罹此又何幸遇公不
憂旅死矣予亦泣不忍諾重寬慰之日往省焉且走
价麻城輓其家人來過謁醫不奏功日困猶手書囑
我竟以四月壬戌不起伏枕浹月耳予奔往伏哭盡
哀歛送如禮諸費皆官給既歛其孤某某始先後來
扶柩歸復檄有司津遣之頻行哭告予曰我父於先
生素昧生平病也先生問之歿也先生殯之情踰故

嘉靖布政司左叅政平溪詹公墓誌銘

壬子

素雖公厚德殆亦有數存焉今將歸附先塋敢乞一
言銘之以終大貺以覆冒我後人予重哀其請不克
辭乃叙次其世系履歷于左公諱某字某平溪其別
號也父諱某號玄石母某氏性沈厚平恕平生與物
無忤於書史雖未始數數佔畢而究其人義士遠近
從經指授成名者甚衆居喪哀毀如禮廬丁夫人墓
白鳩降于次者七日衆驚異謂孝感所致相與聲諸
歌頌丁卯領湖廣薦書登甲戌進士上第授南版曹
主事三載 覃恩勅贈父母如其官歷陞福建漳州
府知府適海寇爲梗頻歲莫制公設奇戮之修江東

松道柳營江濟者通農者利而莫知費所從出以同
官議構調廉州適採珠 命下衆僉謂數十歲逋課
不貲未償今取諸不可測之淵柰重負何不如質諸
民公曰還珠何人顧吾誠未至耳即登舟泊宿海洋
焚香誓天未幾果得珠若干以獻而宿逋盡釋擢河
東鹽運使鹽課歲有額以備邊儲 宗室訴乞分課
以濟乏公疏宜二八掣支時議韙之教鹽丁井飲而
人無暑渴死者高運司垣以固保障政成屢獲重語
于當道乃擢福建布政司左叅政過家誓將解組鄉
人爭勸之曰邇聞 覃恩三品貤封上及其祖公勉

東麓遺稿卷九

五

為親一行乃欣然就道至延平毒發越建寧就醫其
療生於成化癸巳某月日迄其歿享年六十有七娶
袁氏封安人先公某年卒子男三長某先卒次某某
邑博第子員能讀父書世其家女二長適某次適兵
部尚書劉松石子某孫男六某某女六某某曾孫
男三女四維公恬淡寡慾不嗜厚味旁無姬侍袁安
人歿時公尚未衰不繼室以終其身惟畱意藥餌且
軀餘魁傑宜康強上壽而乃以是疾終天可問乎可
哀也已乃為之銘銘曰胡種之豐而食之嗇其成孔
艱而殞何亟以位以年衆望未塞不曰積善餘慶可

必森森階蘭書香世澤天道孔顯佑善同感詔爾後
人視此貞勒

勅封太孺人周氏墓誌銘

太孺人周氏鉛山封監察御史南峰張公詔之繼室
而廣東右布政使合溪先生祐之繼母也南峰公元
配上饒東田程孺人生男四凌祐社裡女二而卒繼
娶孺人孺人出弋陽峽源望族性端淑閑姆訓初入
門合溪方八歲弟妹有在襁褓者孺人內恤幼孤以
恩外事南峰公以正宗黨賢之姑韋孺人在堂嚴重
難犯孺人承順無違攻苦食淡而賓祭豐潔如禮資

東麓遺稿卷九

六

遣諸子從師力學或遭疾顛恤尤至南峰公宅心平
恕不屑意肥家而婚嫁百費日出孺人拮据佐之以
卒事梭社早卒撫其藐孤溥濂俱底成立合溪初掌
教當塗繼助教南國子寒璽凡十二年孺人歲有所
遺以勵苦節既而以卓異擢福建道監察御史勅封
南峰公如其子官而程孺人以贈太孺人以封皆如
制衆以是激南峰公善慶之餘而慈訓有力焉嘉靖
壬辰孟夏孺人壽屆九泰時合溪在廣望雲延佇不
自勝同官相與侈頌寓歸以相孝思代稱觴祝會牽
公事按章還家孺人喜甚迎門曰吾賴汝榮且樂矣

大室之嗟粹不相見今復團聚宛不憾矣合溪
晨昏不離側孺人素康寧動履飲啖如常惟苦
勝進今年二月忽不豫亟語諸婦檢視備終衣具以
待遺言綏綏毫髮無訛越五日而歿實嘉靖癸巳二
月戊寅詎其生某年月日享年九十有一可謂全歸
已下以是年月日附千里之西錦山程孺人墓東南
若干武孺人所出女一人適國子生黃鐸南峰公先
孺人八年卒少師湖廣費公為志其墓凡世系子姓
具公誌惟太孺人閭範母儀法尚得書而福履之盛
榮壽之全近世罕比且上逮事姑下見曾玄歲時上

東麓遺稿卷之九

二十七

壽森庭繞膝內外數十人無長少孺人咸噢咻之如
嬰孩垂沒合谿方伯之寄遠在嶺外適會際家食傳
養數月以奉考終致其附身附棺之誠而無悔尤非
人所能為者合谿一日以狀來乞予銘予兄机軒宗
伯嗣子系合谿壻也稔孺人懿行知其狀不誣遂叙
次而銘之銘曰婦道維順母覆允茲安貞之吉君子
宜之終始無欺其誰與偕壽先五福夢踰九齡賔貴
以子命服斯榮視履考祥其誰與京遊子萬里翹首
倚閭孝慈感通倏返其寓默相者天其樂只且嬉嬉
采彩亦華其饋食在其節歸撫其全存歿靡憾舉世

使難西錦之麓有封著堂鐫銘樂石以表幽光山夷
谷堙永世令名

勅封太孺人葉氏墓誌銘

太孺人葉氏封禮科給事中莆田豫菴朱公某配而
浙江右布政使南岡鳴陽母也系出宋丞相正簡公
後祖某父某隱德弗耀母某氏太孺人生有懿質父
母鍾愛之教廸有方自幼舉止端凝伯父監察御史
某公雅重之及笄擇歸豫菴事舅姑以孝謹聞姑唐
晚年失明動止仰人太孺人先意曲承無巨細躬親
之唐甚宜焉至忘其盲相豫菴和而義終身無間言

東麓遺稿卷之九

二十八

凡豫菴之孝養致隆於父母而周恤不遺于朋舊肉
相之力居多正德辛未南岡選授禮科給事中太孺
人諭之曰言官雖華舉職為難遠祖寶謨公之擊蔡
京從祖給諫公之攻牛玉家法具在師有餘矣時幸
璫義子植黨弄權群儉附和屏斥善類南岡奉慈訓
前後抗章數十雖多留中未盡行直聲大振丁亥冬
海道失事由浙江叅政牽摭左遷滇南再起荐陟浙
江右布政使當事者不悅復緣前釁勒致仕太孺人
曰罪不自我退未始不為進也初微時屢空無戚容
後以子貴貤封太孺人祿奉豐備不色喜若固有之

者性夷坦生平無夢不知人間機械事其質之淳靜如此庶幾太古之遺混沌未鑿者歟生昌泰乙亥某月日沒嘉靖丁酉某月日後豫菴二十年享年八十有三子男一即鳴陽女一孫男二某某郡庠生女三曾孫男三女三豫菴之塋成美山也少保熊峰石公爲誌其墓世系略備茲將以某年月日奉孺人塋於竹園山之原不合愛者堪輿家以成美地隘非宜竊惟孺人淑德懿行遐齡備福法當得書顧予簿領塵思弗克掄揚第念嘗備史官與南岡有一日雅今自南來辱突冒炎曦往返幾二千里以銘見屬可謂孝

東麓遺集卷九

五十九

且勤矣曷敢以不文虛其請乃按其所自爲狀敘次而銘之銘曰二無攸迷三弗敢成惟靜惟順寔坤之貞曷謂家索牝雞之晨有美婉嫕溫溫德馨匪堯而唱退然順承克佐君子鄉以善稱慶鍾厥嗣爲廷直臣荐歆徽省旋躋而興母以子貴命服載膺爰登上壽蘭芽匝庭祥考其旋莫之與京鬱鬱竹園有峴者墳成美伊邇瞻焉如隣不有斯刻永世曷聞

孺人王氏墓誌銘

王孺人者鴻臚序班嘉定殷甫周卿之配也諱雲上海世家工部主事諱大用之長女母沈氏孺人生而

慧敏婉嫕頗涉書史通大義然深自儆弗耀父母鍾愛愷擇所歸得周卿入門謹飭自將事咸宜閨中落然無聲舅某游宦京師孺人佐其姑養大舅姑于堂朝夕懽甚不使知有離憂大姑沒哀毀幾不能生姑恒疾奉之尤謹事無大小咸躬親之一不以嬰其心遇宗姻睦而有禮女妹蚤寡尤加意待之厚撫有遺孤事周卿順而以正嘗爲買妾以廣嗣續周卿卒業太學行囑以念嚴訓戒荒惰用強其志後省覲歸未幾獲薦供奉內閣時孺人方居側室權周卿內顧尼行乃謂曰進取宜及時勿以我故累君力疾爲

東麓遺集卷九

三十

趣裝踰年竟不起又踰年而良人果以文翰成名入以是益賢孺人生成化甲辰九月二十二日卒正德戊寅三月二十六日享年三十有五子男三俱殤女一某以卒之幾年月日塋于沈浦供先塋附太姑兆周卿持狀來乞銘且泣曰甫有今日壬之助也而不及見且其生平有足紀者弗張後將泯焉願先生一言實諸幽宮以慰之抑以抒甫哀予既悲殷請又賢王以禮自強志成其夫而獲償也乃爲之銘銘曰維坤之德維婦之則謂天豐是而年胡晉貴不及偕其志則獲身以永之視視樂石信辭可徵太史是職

文類

監察御史詹君墓表

正德己卯六月丁丑監察御史詹君啓敬以疾卒于南京寓舍其歸葬黃溪某山之原其兄工部主事啓明聞計哭之過時而悲既乃狀其履行徵銘幽宮而哀猶未釋復置表其墓道昭示永久乃以屬某某與詹氏有誼且交御史君兄弟厚而久詳其家世行實義不得辭乃按狀叙攷如左詹氏望黃溪世居南鄉東川國初有諱某者起家爲御史以直言謫播州巡檢於君爲五世祖曾祖某祖某俱隱德弗耀父某仕終壁山縣尹母桂氏君諱昇字啓敬別號一川生而警敏異凡見壁山公愛甚命主事君教習三禮日誦千餘言稍長穎脫輩流軒然類名成人弱冠補邑博士博弟子未幾領江西癸酉鄉薦明年甲戌遂與主事君同登進士上第初授行人司行人奉使藩府無寧禮一考最賜勅命進階修職郎既而選擢南京四川道監察御史試滿爲真悉心營職夙夜不息大駕北巡閱時君跡請廻輿言甚到切居常議天下事慷慨感激至扼腕奮臂若與人競不相下然蓋將大有

以張風紀者昨意其未踰年而遂止耶君過物
坦夷賢想一視之然中皂白其辯或有違言退
過不自是也友睦于族屬里黨稱之無間
尤嗜學公暇則吟諷竟日手不釋卷深有志於博
厚積不以一得為能者今皆已矣嗚呼惜哉自奉
恒如布衣至義舉則傾囊無吝色故施之日無以
為歛知公之將以卒事是重可哀也已其氏子
男二其長文一其適同邑徐繼享年若干維詹氏詩
書濟美代不乏人然迄無顯者至君兄弟甲科簪纓
相輝一時遂大其家舉方利與侈之自幾何時又從
而悲之乍榮倏倖吾不知天意於人如何耶主事君
宦業日起器識遠到所以縣慶流祉而獨昌詹氏之
世者寔於是乎在君遺孤有屬其亦可以無憾矣乎
君卒之幾月日乃克葬葬之幾月日乃克立茲石銘
曰維士曷患患在無志古今匪時曰維茲具有美二
川強力勁氣入克其畜出弘厥施悠悠長途孰扼弗
遂克昭末世

餘干縣丞文峰梅君墓表

景有京師自吾黨來者每誦諸邑餘干梅丞之良籍
而末詳其何許人土至誦判茲郡梅生繼

備繼惠來學于予器業不凡既乃知為丞子也一日
其友朋生聚持狀來乞予文表其翁墓道予既雅
聞餘干治行文交繼儒兄弟義不克辭按狀君諱某
字某別號文峰幼穎異出常既長業舉子劬書不懈
性通儻多智計家始艱經紀有方勤儉自力遂以財
雄鄉好施予赴人急如已私假貸不計償香族黨鄉
鄰咸德之嘗歲歉斗米百錢君取平直又為糜以餽
道路餓者推誠待物所交一時賢豪然皂白分明
時面折人短鄉間以訟就質曉譬曲直皆失所乘而
退父性嚴重難事君每得其權抱利器十舉於鄉竟
弗售乃以貢銓授餘干縣丞砥節首公舉其職未三
載告歸闔門靜養不妄交往書史觴詠自娛課耕讀
外一不嘗省以故諸子咸力學克家以成厥志以某
年月日卒享年若干以其年月日塋于某原始君之
入銓也有中貴用事所言輒效進取者爭趨之君時
挾重資或以諷君曰儒者而為此失故步矣况有命
耶其在餘干也直寧藩叛邑當兵衝君協令防禦獲
其謀主官者陳賢而甄錄弗及君亦不自言邑人有
遺骸焉予與修武宗毅皇帝實錄江右之功無鉅
細或搜羅表章而君勞猷不居於身豈當時上功

幕府者故遺之耶惜哉嗚呼梅氏自學士都官以來世有聞人君位不諧其志才未究於用然出其緒餘亦足自表見章章不愧其先若此是可述已褒善發幽史氏職也目次而文之以詔其後人子四其隱於農繼儒太學生行登仕籍為時用繼魁郡庠生雅有聲場屋所至俱未可涯君之厚積而身未及盡食者其殆發于茲乎

勅贈衡州府通判毅齋汪公墓表

維我祖越國公挺生隋季丁世大亂保全六州歸唐功比寶融其後嗣蕃衍過于海內而新安始興地子

東華遺稿卷之十

四

姓散處郡中所在成鉅族而葵之大畝為尤顯多聞人矣公諱某字某毅齋其別號也幼有至性父諱茂植號宏庵母江孺人蚤沒翁甫七歲悲號幾殞性一夕忽獨往泣母墓次家人驚求弗獲有樵者過山下聞道傍兒啼聲乃抱以歸客有詢宏菴諱者公不敢不諱且不偏諱拱對曰上茂下植客大嗟異稍長力學克家百凡躬親不以勞遺宏菴宏菴性嚴公謹事之無違溪東有積庾承父命往視暴漲斷橋眾莫敢前咸沮之公曰如違命何遂馮以往瀕危而濟人謂孝誠有相之者父歿養繼母李尤得其懽耳昔豐備

不離隆寒夜起必立牖下以俟後身不廢友愛異日以敦讓鄉間有犯不校族有訟必友復曉譬曲直以大義往往忘其所爭而退後進業儒者必加禮遇應試則棄遣之周急濟乏如不及歲侵傾困賑貳負者不吝其往從弟希顏憲副族弟文燦都憲咸私相推服自以為弗及雅有吟興矢口適情不事雕琢所著有江湖集藏于家疾革處分家事整整不亂易贊展視目書指丑支曰吾命盡此刻至期儵然逝竟不哭嗚呼可謂達已寔弘治乙酉三月七日也距其

東華遺稿卷之十

五

生宣德某年正月三日享年六十有三以子貴贈衡州府通判初娶某氏繼某氏某氏子男五人某某某玩澤玩以衡州宦擢福建建寧府丞女一弟子員先是以其年月日葬于芙蓉山麓某官既銘諸幽郡丞復欲表諸墓道以詔將來謂予嘗職史氏而屬筆焉予惟公至性厚德重于士林範于宗黨雖未沾一命而後嗣之賢且顯貽恩褒嘉光昭慶源足示不朽况郡丞治行有聞所至未可量寵命方繼至則毅齋生平度其無負予族屬於大畝為近又與郡丞有一日雅義曷可辭銘曰嗟我越國六州拓疆

民籍土翊贊歸唐縣詠瓜陟德厚流光賢科騰仕奕
世顯明中有隱德令聞發揚有美殺齋寔維宗英用
雖未試善則名鄉愛食其報有餘之慶 綸音褒嘉
闡其幽芳美蓉之麓有封若堂過者必式視此銘章
文林郎順德縣令行素楊翁暨其配雷孺人
墓表

楊氏系出關西唐末有宦閩者占籍建安厥後晦顯
靡恒入國朝文敏公始起家進士官至少師尚書謹
身殿大學士簡知 太宗皇帝歷相 仁 宣 英
三廟身致太平功在社稷名在史冊子姓繁衍代有

東莞楊氏墓表

六

聞人遂望于八閩見稱天下翁諱昂字孔昭別號行
素文敏公之曾孫也祖某尚賓少卿父某未仕卒翁
甫八歲有至性號踴如成人母張孺人蚤寡矢志不
二翁事之謹恒得其懽嘗割股愈其危疾成化丁未
追錄文敏遺勲陰國子生篤學馴雅脫去貴游習弘
治某某銓授香山令香獠夷倚山阻海潛通番舶為
姦利或帶牛佩犢不時劫殺翁外嚴防禦內申憲令
且首戮二豪族之囊橐亡命者以徇由是群黨不逞
鼠伏山海無敢復弄兵時牛蘭苗獮餘燼復熾黔鬱
思田八寨諸蠻旁緣扇動土漢官軍往來招討屯境

東莞楊氏墓表

七

上者母慮數十萬供億戰守役費百萃督趣旁午翁
暇豫應之若無事者大司馬華容劉公大夏時為太
帥重而禮之延坐諮方略卒之方隅寧謐翁有力焉
未幾以才調順德順德民當無禮俗以巫治病以浮
皆治喪葬翁嚴為之禁刊布方藥考示古禮夷風為
變地當孔道科索橫出而中使發求私家干謁相繼
翁為民惜財恒賦軍需之外一介不妄賈有權閹倚
法剗削眾咸厚遺祈免翁獨抗以禮其人大怒投几
有危言翁不為動且將其事以聞士論壯之民有
執殺偷兒抵死者翁平反之凡所罷行民舉稱便間
引諸生析疑義商吏治至公休問其價之者屢獲重
語于當道騰諸薦剡秩滿歸行李蕭然囊無海南海
士女攀轅執道或至泣下過家以母氏垂白在堂不
忍去側遂乞休不上考功課孝養十年以迄考終極
喪治塋咸如禮祥禪嬰慕如新歲事必躬親務極豐
潔忌日追感沒身不衰家居三十載杜門却掃非鄉
飲不一跡公府暇則與僮輩太宰東園太僕西嶼憲
副暨羣從為荆庭會怡怡竟日性坦夷不設城府每
誦前言往行為庭訓嗣子某以禮部員外郎擢廣東
參政翁命之曰楊氏清白世訓汝克承之第能於激

其山宮側恒至意始是言人用處愈靈君敬奉周
卒著賢聲以某年月日終于正寢享年八十有二配
曾氏同郡世族淵之女先公二十五年歿實正德
丁卯九月某日享年六十有一筮于將相里大曆山
之原至是奉翁柩合窆焉即其歲季冬丙申也孺人
懿行克克媳翁為母為婦治家睦族動有儀則
可師之孝行于家庭治行最于官守者孺
人內助居多雖翁不肖以是僻之翁居官推誠任真
不巧取聲譽而去後恒見思迄今惠愛尚籍籍嶺南
稱良吏焉具香山順德志且附食順德名宦祠嗚呼

東莞縣志卷之十

八

翁去位下世久矣是豈有求而然哉蓋其蒞民行政
知自盡而已惟其出于我者誠故入于民者深而保
民之思也久非翁能使不忘而翁不能使民無不忘
也殆庶幾古循令之風矣子男五長即僉憲君次某
某任某官暨某某咸能承順無違諸孫蘭茁堦庭節
序更迭上壽斑綵成行優游怡愉葆真煬和以登遐
算福履之盛近世罕儼此固後昆孝養致然而翁厚
德之徵不可誣已先是翁之壻也今太子太保少泉
林公誌而銘之僉憲君又欲揭諸神道先昭先德而
以屬予顧予言不文不克為行遠顧念僉憲與予

兄執軒宗伯開齋少宰嘗比有于朝而東園與聞
往還頗給僉憲君嘗為札兄南宮屬望京邸接西
嶼芳隣納交焉則與楊氏通家非一世矣義不容
辭乃即少泉舊文而補書其遺俾表諸石以俟論世
者考焉

澹菴羅翁夫婦合葬墓表

吉水澹菴羅翁暨其配陳孺人既合葬之三十一年
寔為正德庚辰其孫太學生賜泰始奉狀介其邑人
錦衣王君希賢踵予門請泰慕道且致其尊翁之命
曰吾不天遭家多故諸弟皆不祿先人幽宮之銘追

東莞縣志卷之十

九

今未克立世美弗傳蓋焉內傷罪將誰諉汝能卒吾
志乎賜太謹奉以將事惟先生幸矜賜之予重其請
辭不獲乃為按狀叙次于左白沙橋南羅為吉水鉅
族系出唐鼎湖先生隱有諱彥瑤者仕宋終都虞候
居南昌再傳諱獻為廬陵教授因家焉又數傳而後
徙于白沙翁諱某字某澹菴其別號也曾大父某大
父某號梅村與學士解公文墨周旋父諱某號耕樂
母鞠氏翁體貌魁梧少業舉子垂成棄去代父理家
政性孝友沈默吟嘯不苛澹然世味治生亦不
數致而終其身

有田連界而屢訟不決者翁陪償而有之爭者
已廩假鄉鄰度不能償輒折其券拓田以奉時祀
從弟患疫衆欲徙避翁曰同井義相扶持況骨肉乎
身自隱親衆遂安而疾亦愈延欸賓客縉紳過從無
虛日尤喜讀書有得輒舉以訓後進邑令嘗以勸分
穀翁翁抄一散官翁出粟如數而辭其榮命弘治
戊戌四月某日以疾卒距其生永樂癸卯某月某日
享年若干卜白竹尾之原耕樂公墓側與其配陳孺
人合窆焉孺人姓著河口徙自蓮溪父諱某以長者
稱恒爲里塾師母蕭氏孺人生而柔慧端靜歸澹菴

建寧府志卷之十

逮事君舅姑小心畏慎閨中落然而事畢集鞠孺人
晚喪明與澹菴扶持走謹朝夕不離側極意娛之歲
時率家人上壽承懽年九十餘以考終睦姊姒禮宗
戚尤急人貧病恩逮藏獲父母老而孤迎養終其身
禮葬之女弟蚤寡賴以全給相澹菴內奉賓祭外持
門戶百凡巨細一不以嬰其心遺諸子與鄉先達游
恒以廢學爲戒以故澹菴優游暮齡無內顧憂而諸
子皆知問學先澹菴三年卒成化丁未某月某日距
其生永樂乙巳某月某日享年若干又三年而塋子
四某某其某棲浙江慶元縣丞女一適某孫男十

有四某某其孫女三俱適士族會孫男九某某予淮
澹菴孺人之遺行於法應書而其嗣子孝思久而不
忘卒克昭世賜太循循雅飭行登仕版以大其家而
羣之森然駢秀信善慶之有餘也羅氏之昌殆未艾
乎後有觀者其將徵於斯

筆說

予雅患臂弱不能書又不能得善筆以故書益拙往
京師久所交筆工知名者以十數俱不可人意有
某氏者業之獨有矜色然高其直不易售人亦無知
者予聞而往造焉取若干如價償之用之甚適吾意

建寧府志卷之十

七

若能助我之拙者且久而不敗竊愛之又往取焉而
問其法對曰凡造筆之法其材欲良其度欲臧其性
欲調夫管與穎者材也肥瘠短長者度也剛柔者性
也材不良則質有所不成度不臧則文有所不明其
或材果良矣度果臧矣然而過弱則弛而不收太勁
則摧而不留其爲病與前二者均也故吾之造筆其
差擇也徐以審其劑量也精以詳和之欲其柔矯之
欲其剛時其燥濕順其陰陽積日而始成稱物而取
價賈或不售我卷而藏彼不知我於我奚傷豈若淺
夫夫期於速成利在多鬻不度不良剛柔偏駁得利

則傲然有餘失利則蹙然不足者耶予聞其言而異其人蓋有識之士隱於工役以避世若王承福郭蒙駝之流者既而三復其言而有感焉彼所謂材者非出於天者耶所謂度與性者非修於我者耶天人合而相成是不與吾儒學問之事幾耶天與之我棄之則誠天下之賤工矣非某氏之罪人歟且其不銜不負又類吾黨之知道而自重者皆不可以不識於是而記其言爲筆說

觀宋鄭俠流民圖說

此鄭俠監安上門時所上流民圖也屈指去今三百

東坡遺集卷之十

十一

餘年而其一時顛頓了鳥靡疾愁苦陷於危亡之狀纍然若在目前有足動人者至使觀者再三感歎歎歎流涕不能自己況當其時目其事乎並俠特繪其所見者耳不知耳目所未及者又如何也以史考之神宗在位孝友謙抑勵精圖治將大有爲而又不御游畋不治官室是蓋有宋之令主宜其治有成效而歲歉民流一至此極何哉特以用非其人變易法令征歛苛急以至於此耳況世主既未有神宗之德之志而無名之科擾非時之誅求方剝膚推髓駭然遍於天下而未已平時齊民一無蓋藏嗷嗷若不可生

而又加之以調發困之以水旱吾誠不忍冠其流移轉圜之無所也使俠生於斯時當不勝其喟矣嗚呼君者民之主也主而暴之不得其爲主之道矣因撫是圖重有感焉

欽器圖說

客有持欽圖來示予者觀其所謂虛而欽中則正滿則覆者其取義也遠其垂戒也著撫玩不能去手乃喟然而嘆曰此智者爲之也豈惟人事抑亦天道乎蓋虛者器之量也中者量之適也滿則量之極也是故物有大小適量而止過則敗矣今夫人之德有所

東坡遺集卷之十

十一

至而才有所止者器也其所有也稱其所受也亦何病之有惟夫貪求不已肆欲盈厭而不顧其分之所局衍衍焉自以爲有餘而不知傾覆已闕然隨之吾見亦多矣然則人之量固猶器也嗚呼滿招損謙受益天地盈虛與時消息而況於人乎古人制器尚象其有取於此歟吾黨其可以弗戒因乞是圖歸置諸座右而爲之說如此於下方以附傳頤輟之義

王轍字說

冬官正郎王君廷和多賢子而季轍尤奇生有異質垂髫時已出語驚其長老稍長益篤志劬學予聞而

識之久矣一日廷和手一編過予曰此轍所爲文并
試於有司者爲我正之且曰轍既冠矣懼其遠我不
自前也爲我字之而因發藥焉予受閱未終爲之欣
賞益信所聞之不謬起賀曰君有子矣既乃字之曰
應度而解之夫車之行由乎轍然有度焉必應於是
而後可行周人與制見諸考工記者其廣狹尺寸有
一定之則而不可亂凡爲車者必求合焉是故方內
之車軌同轍合周於四遠無所不通一有弗度則跬
步不前爲廢車矣雖然獨車而已吾嘗以是思之
古之君子立身行已動容吐辭舉有明法生於其心

東麓遺稿卷下

十四

布乎四體始於家而達諸天下達則爲德左右步趨
非德弗蹈者身之度也時而後言慎而後發者言之
度也進退視瞻理之儼然不可狎者容止之度也至
其施之家邦發於事業而其度不改者無二道也是
故天下師焉百世傳焉獨車乎哉車不度則廢人不
度得爲全人乎今轍焉以夙成之資適往之氣富之
以可畏之年漸之以淵源之學其材良其度合調六
轡之如沃馳九軌之通衢而韓哀造父爲之先後其
將何所不至哉顧予曷足以知之廷和起謝曰命轍
矣請遂書之寓歸爲轍字說俾其出入佩服如臨父

母

端溪硯辯

古硯譜評不言端溪端石之貴始自近世考之圖經
端產又有四種隨其地而優劣迥別善辯者一見而
決昔人所謂凡言之宜出者固多良而少不可不
謂其成無不可顧不信歟予性情於辯物然愚以爲
凡物有宜辯者有不必辯者夫器將以致用也器不
適用與無器同如度量權衡之不中程鍾磬琴瑟之
不中律是固所宜辯而不容已者至于硯之爲用何
爲者耶不過取其發墨貯水以供文字而已如其善

東麓遺稿卷下

十五

述足以發經傳之微制作足以鳴國家之盛上之足
以追往昔下之足以傳來今雖斷碑半瓦與龍尾鳳
味何異舍是而稱奇雖介膚而穀理金聲而玉德如
坡公所贊亦何濟於用哉此予所謂不必辯者也若
夫博物君子嗜古好奇必求珍詭以爲文房一日之
玩者則前人已有成說可按而索予固可以無辯

送寧國王二守調南陽啓

伏以宿涉饑鄙惜解携於岐路停雲時雨發寤嘆于
詠歌贈佩刀而致辭酌清泉以比德恭惟某官才猷
卓犖德宇魁宏天邑爲家觀國光於外蘭虞庠樂育

懿文德於教源習慣性成地靈人傑而况庭前趨鯉
得四始六義之異聞故能冀北空群增倍價千金於
一顧禹門奮鼙鼓層濤而際風雲曾已飛鳬應列宿
而子黎庶惠化橫被英芬孔揚遂駕外星來貳宜郡
仁方所十六邑時甫及于再茲復調名邦舍茲舊治
自南徂北漸看故里之雲山去繁將別利器於
盤錯某等寅恭彌久分好日深知攝祛之在期憶聯
鑣於何日陽關三疊情見乎辭一樽意詎在酒
滿目離人風景楓葉丹梧仰看幾字江鴻影
今日宛陵樽酒它時雲路應回首別意校東流君知

東臺集卷之十

十六

否
伏以輯瑞合符執玉帛者萬國敷言述職切感願於
九重矧我輔邦宜膺錫恭惟三府宋先生華靈汾
水毓秀平山德儉且勤餘澤存唐風之舊器廣而敏
淵源本啟士之遺蚤發聞於黉宮繼登名于賢錄春
官按劍璵璠竟失於連城天部空群驥駟始增平倍
直翔翔半刺流海沂之謠綱紀歷年替龔黃之治當
官而三事克盡佐理而六邑咸和澤久益字宦成罔
懈歲當計奏佇看明試之功行且雄飛式表賢能之
績永奉明教之咫尺窺令德

槐榆揚之莫既 歌曰 登文石稽首赤墀馳驅
課天曹書第一聲價馳 京國應識還回明陟宜郡
惜留那得春來何處占消息蹴踏雲衢直 右調謁
金門 代縣令作

喜遷鶯并序代作送王貳守孟學調南陽詞
鼎邑名家槐庭華胃連薨韋杜仰依尺五之天奕葉
冠纓詎比尋常之族葩經發跡連空冀北之群花縣
蜚英久稔岱東之頌銓司窺其治行部使騰諸刻章
擢貳我宜兩基于此而聲華益茂恩信旁流雄郡榮
移小試遷鶯之兆亨衢高步載瞻老驥之驥某等科

東臺集卷之十

十七

第偶聯厠姓名于末簡官常攸屬附統攝之下陳義
本相關情曷容已親臨岐之有自嘆奉教之無期敬
陳一闕之詞式致三秋之戀

天詔下渥恩新泥軾動雙輪仁侯脚底有陽春到處
活斯民南陽喜宣入思我不來叶畱得當年遺愛在
欵欵合鐫碑

四訟解

四訟者何水也塵也蠅與蚊也何爲而訟東麓子感
時事不得已而云云也憎蠅有賦失此復訟者何補
遺且屑受之愬也呼天者何彼恣睢者人之力既無

如之荷也已所恃者天而已矣疾痛呼父母困厄呼
天人之情也故吾大其聲而鳴且號焉庶其有聞乎
安知夢夢者其終無真宰乎春者何陽煦而凝者液
天之德也秋者何陰肅而動者蟄天之刑也風雨者
何風逐蚊水尅土其所忌也皆出於天故有禱焉水
旱訟惡陰盛也塵曷訟惡居下而反上且乘高以播
惡也蠅與蚊曷訟惡憑時也四物爲害而塵所破者
廣且壅蔽者無上罪之大者也故獨詳焉雖然各有
科也川性通而塞則爲梗土性止而震則爲災動靜
各失其所違本性也蠅以晝騰蚊以夜出各有所憑

東臺集卷之十

一八

而罪有等差譬之盜焉蟬者攻剽之姦也蚊者穿窬
之類也然皆爲物患苦故吾咸惡之惡之故曷言以
訟之嗽嗽焉聲其罪于天以恐之或者其知畏而有
微乎噫自今以往其莫余毒也已莫余毒則彼四物
者亦莫之毒矣然非彼所及也吾將私識之曰日以
冀冀疾痛痛詞忠厚之意也或曰子言信美矣聞者
或不察而致猜焉毒子不既深矣乎奈何曰不然託
物者比興之諷諫之流也故言者無罪聞者以戒古
人所不廢也吾言雖俚不幾於可以興乎嗚呼襄所
以自塞也安人所以自存也誠得吾言而銘諸座右

日三復之以反諸其躬其亦有以感也夫其庶可免
也夫吾何尤

胡竹亭衣冠圖贊

嶢嶢神觀若山澤癯皇皇命服曰上大夫曷克其中
維道之腴曷章其儀維德之隅裁我步山蕩蕩鄱湖
靈秀有鍾降申不誣出入更踐廻翔天衢垂四十年
夷險不渝蓋麟閣之具瞻匪私家之哲模後千百年
有景先生之風而企欲一見者尚庶幾彷彿於斯乎
諸葛武侯像贊

東臺集卷之十

十九

何其所就者偉而所取則驟三分之勛昉於草廬之
數語十不之才定於先主之一言方其抱膝長嘯若
將終焉暨感激於三顧起臥龍於九淵出處幾道君
子所難堂堂天討漢賊昭然大業不竟彼蒼者天肅
遺標於千載凜生氣之猶存

永新劉醫官暨其配湯孺人畫像贊

炯然其目傾然其身此易菴之外丹青之真舉義之
勇擇術之仁此易菴之內精微之神彼圖可漫吾言
不泯三復顧瞻百世如親順性婦職慈維母德有齊
令儀卒履不越庭有嚴君聞有良弼克相克教惟家

之吉既多受祉載登于耄代終有成坤貞是則

晏翁畫像贊

貴以子貽斯煌命服陟以遠縣有華令族心遠關聞
神棲巖谷蓋將控廉大隱而不自別於流俗者耶

晏生廉母孺人像贊

家人嚴君曰父與母婉德偕年世不恒有懿彼孺人
今儀壽老燁燁庭萱並椿而茂外相其良下成其子
克儉克勤以昌厥後曷以占之所積者厚

陳叅將汝玉遊樂圖贊

謂將隱耶而聞寄方新以為仕耶而儵然幅巾桓桓

東麓遺稿卷之十

二十

雄謨為時虎臣溫溫粹容詩書是敦吾老不得其真
尚當勒勲於燕碣而法像於麒麟夫然後小憩於蒼
溪之上而長往於東甌之濱雲作霖而歸壑鳥倦飛
而棲林出處隨時舒卷何心古有所謂儒將者殆庶
幾乎斯人

母舅祝十三翁像贊

穎穎寂容春陽和粹坦中曠懷風月光霽時忘天於
醉鄉不失足於嚮市優游伊田謳吟堯世讓有餘疆
耕畱寸地松栢後彫命服斯貴殆昭代之逸民而吾
鄉之善士歟

思軒鄭翁像贊

雲鵬九秋孰謂其未利也甘棠一州孰謂其未試也
放情丘壑傲乎其無求於外也一觴一詠浩乎不知
天地之為大也番番耄耋仁者自天之祐也洋洋乃
祝邦人崇德之思也渾然大樸畱耕有餘地也食而
不既將以遺其世也遺烈耿光非乎其未沫也豈非
士林之典刑而浙東一時之人瑞也耶

齊山偕隱詩引

齊山偕隱卷為吾仲兄閑齋作也齊山者何微夢而
云也偕隱者惟弟隨兄後也閑兄未致政之前夕夢

東麓遺稿卷之十

二十一

與石潭兄同登一山問曰茲名何潭翁曰齊山也柏
與直造絕頂所見甚遠覺而曰吾將從吾兄矣數日
果得請某因題其卷曰齊山偕隱敢假寵名筆用僑
他日故事且為林下珍玩

使楚贈言引

國朝翰林之職最隆且優侍從勸講凡諸左遣一無
所與蓋不以有司煩之惟冊封諸侯上乃或輔文武
大臣持節以行崇其事重其人也嘉靖丙戌冬刑部
侍郎執齋劉公直之楚而我殿講石亭先生陳君曾
南賓與之偕同館諸友華其行而不忍其違也各有

贈言且盈卷授予使升其端予曰楚去京師五千餘里水泮陸走閱兩月始達道途之所經山川雲物郭邑村墟不知其幾歷覽之下怡神舒目得偉觀焉殆將忘鞍馬之爲勤風濤之爲險也將事而竣時以其隙尋黃鶴之故磯慨羽僊之逸駕使人脩脩然御風輕舉將往從之東望赤壁南指鸚鵡美禰生之俊才壯周郎之雄畧遐想百代若在目前昔太史公周游半東南而文益豐張燕公入楚後詩思清婉彼二公方棲棲于羈紲間既間初豈有徜徉登臨之愜哉然一寓目於形勝而得於中者猶若此矧君以瀛洲之

東坡先生集卷之十

三十二

華咄絲綸之事嗚呼而馳驅壯優游嘯傲日與賢大夫相周旋其所得尚可量哉君先公嘗尹黔陽倅長沙咸畱去思民尸祝之至今弗懈益虔君幼從宦焉今之往也爲訪舊遊山若增而高水若闊而廣矣二邦遺老冀卽君之來臨候雙旌於江渚俛仰今昨必有撫甘棠而泣遺愛者其於先公顧不益重歟雖然君年德表率吾儕久矣自今以往疑無所於諸事無所於倡聖天子方稽古好學日新不息翠幄之側多虛席焉實望之樂家園之適尚可久耽乎哉公義私情知君雖焉有不如不終日者諸君之言皆是意

也予因推而廣之以速還期且系以詩

石潭兄壽詩引

石潭兄謝事歸屏居藍坂閉門掃軌唯以圖史自娛所居據山水之勝處平疇萬畝兩溪環流耕牧漁樵無求於外而足溪外連峰疊嶂如揖如抱烟靄蒼翠斯文萬狀建樓數十楹名曰層碧日登眺以寄吟嘯興之所適或杖履獨徃徜徉竟日勑斷家事不復聞緡紳大人道境上有欲造者徃徃以疾辭嘗一抵郡邑謁守令後絕不復通閑兄小築市之西谿歲時徃來山中伯仲相對觴咏爲樂或談文析義切磋若師友蓋翛然有以自老幾與世不相聞矣今年壽屆六袞某月日其初度辰也敢借重一言寓歸爲侑觴獻伏惟不鄙而蚤賜之幸甚

東坡先生集卷之十

三十三

爲醫士吳與賢跋東江詩卷

東江老師去國時于茲七年矣

聖天子圖任舊臣先生復起值陽復之期殆有數存焉向之爲讒慝者豈知有今日哉雖先生亦不自知也今觀諸作略無毫髮芥蒂于中方以友猿鶴返藜藿爲祝先生所養可知矣三復之餘不勝嘆服且重有感焉時嘉靖丁亥孟冬四日識

歸去來辭跋

史稱徵君宰彭澤時以不肯折腰於督郵自免去職因賦此辭以見意以予觀之徵君耻事二姓之志久矣不欲顯其跡故假事以爲名若不堪吏職者使不爲世所質的耳此其見幾而作明哲保身之智抑豈常情之所能測哉夫以劉裕之雄猜賊禍豈踰垣閉門之所能拒而免者故時或一起而隨自免不以爲煩至今千百載下竟未有能窺其微意之所在者嗚呼此徵君之所以爲徵君也歟

書董中峰學士乙酉所賜

勅諭後

此今少宰中峰先生董公襲藏乙酉夏所賜重書也先生以講學克副總裁同事者先後七日相繼代去靡常厥職先生寂後至始克卒事時初稿克棟繁複失次迄未有所是正先生會卒折衷各從其類乎不停披筆不停揮網結目張秩有倫貫而於誅討爵賞廢置拜罷之大者尤切致謹焉迨乙卯後

萬乘巡遊四方多故奏報不時通亦有隱避脫略不及以聞者紀載漫無所據先生必謹搜羅諮訪參互相校較然務得實是而後備錄之以詔萬世一詞有

不敢苟者誠昭代之信史也惟先生學有本原而藻思淵鑒度越尋常且慨然身任其責矻矻不懈至夜以繼之故始乙丑夏五月迄辛巳夏四月事無巨細摺拾無遺凡二百八卷大都皆先生所裁定也可謂備且覈哉某濫竽末館先生不鄙時進而與之言拱手仰成侍觀駭嘆而已謹附題下方俾來者有徵云蓋實錄也

瓊林醉歸圖爲劉子孝題

此宋清進士劉君子孝丙戌春恩榮宴歸圖也

國朝禮賢之重士人遭遇之榮略見之矣思其重則

夫所以自待者匪輕感其榮則夫所以圖報者必力披展之餘有槩於其中也深矣豈徒夸詡一時爲私家光寵而已哉然特發軔始途耳階此以進陟華踐要出臨方面入秉鈞軸其榮且重固不止此則其所以致重其身而效忠於上者又當如何子孝勗之子孝嘗從予游篤志力學有思致予每器之旣而試京闈春官果連得志焉間持此屬予一言因題其端而歸之

三畏箴

匪畏而畏其名曰恒畏而弗畏其名曰狂恒也爲尊

死也爲愚匪意匪愚君子倏居維天有命厚予付片
一念弗似寔維予耻戰戰兢兢勤茲顧諟載荷載任
死而後已亦有大人天下達尊位隆德邵我師我君
六經貽則聖謨洋洋是藝是訓其敢或忘我所畏者
在此三事弗懈茲虞夕惕若厲君子小人相去千里
揆厥攸分敬肆而已崇敬若陟恣肆如馳箴以自警
庶其免而

秘閣書目後

自古國家咸儲書內殿以便朝夕臨視且備一代之
典謂之秘書我 皇祖初定天下徂徠戎馬間日不

東麓遺稿卷之十

三六

暇給即下購書之詔固不待投戈息馬而後從事於
文藝焉繼以太宗益廣益崇秘閣所蓄獨富前代間
嘗得其書目觀之其爲卷以萬計者若干乃知我
祖宗注意文德以興太平夙夜拳拳一至於此向非
當時崇尚購集不遺餘力其何能致多如是耶然臣
於此竊自慶焉昔陽城好學貧無所得書求爲集賢
書寫吏竊讀官書以成名今臣於中秘書咸得讀之
固無禁也顧精力有限恒以不能遍讀爲恨然較之
昔人爲幸多矣譬之鼯鼠飲河雖知不能盡而竊有
滿腹之望焉因拜手稽首敬題其後

東麓遺稿卷之十終

東麓遺稿卷之十

三七

丙申三月十九日收

東麓稿十卷

兩淮鹽政
採進本

明汪佃撰佃字友之弋陽人正德丁丑進士官翰

林院編修後出爲建寧府通判其集無大疵累亦

無所見長

青湖先生文集十四卷首一

卷末一卷

〔明〕汪應軫撰

首都圖書館藏清同治十一年廣州刻本

附《四庫全書總目·青湖文集

十四卷》提要

欽定四庫全書總目 別集類存目

青湖文集十四卷 浙江巡撫採進本

明汪應軫撰應軫字子宿浙江山陰人正德丁丑進士官至廣西提學僉事蹟具明史本傳是集爲其子延良所編前七卷爲文後七卷爲詩應軫有吏才兼以氣節著史稱其在戶科歲餘所上凡三十餘疏皆切時弊今觀集中諸奏牘多侃直之言頗見風采詩文則率皆樸實猶守成宏之舊格

《青湖文集卷首

一

明史列傳

汪應軫字子宿山陰人少有志操正德十二年成進士選庶吉士十四年詔將南巡應軫抗言自下詔以來臣民旁皇莫有固志臨清以南率棄業罷市逃竄山谷苟不卽收成命恐變生不測昔谷永諫漢成帝謂陛下厭高美之尊號好匹夫之卑字數離深宮挺身晨夜與羣小相逐典門戶奉宿衛者執干戈而守空宮其言切中於今夫谷永諸諫之臣成帝庸闇之主永言而成帝容之豈以陛下聖明不能俯納直諫哉疏入留中繼復偕修撰舒芬等連章以請跪闕門受杖幾斃教習竣擬授給事中有旨補外遂出爲泗州知州土瘠民情不知農桑應軫勸之耕買桑植之募江南女工教以蠶織織作由是民足衣食帝方南征中使驛騷道路應軫率壯夫百餘人列水次舟至卽挽之出境車駕駐南京命州進美婦善歌吹者數十人應軫言州子女荒陋無以應敕旨臣向募有桑婦請納之宮中傳受蠶事遂寢世宗踐祚召爲戶科給事中山東礦盜起掠東昌兗州流入畿輔河南境應軫奏言弭盜與禦寇不同禦寇之法驅

青湖文集卷首

二

之境外而已若弭盜而縱使出境是嫁禍於鄰國也凡一方有警不行撲滅致延蔓他境者俱宜重論報可在科歲餘所上凡三十餘疏咸切時弊以便養乞改南遂調南京戶科張璫桂萼在南部方議追尊獻皇帝雅知應軫名欲倚以自助應軫與議不合卽奏請遵禮經崇正統以安人心不報嘉靖三年春出爲江西僉事居二年具疏引疾不俟命而歸爲巡按所劾詔所司逮問應軫自陳親老鮮兄弟乞休侍養吏部爲之請乃免逮久之廷臣交薦起故官視江西學政父艱歸病卒

青湖文集卷首

三

士林謹按紹興府志有公傳卽明史本傳也傳註云應軫守泗州郵卒馳報武宗駕且至他邑徬徨旬日爲具民至塞戶逃匿軫獨凝然弗動或詢其故軫曰吾與士民素相信卽駕果至費旦夕可貸而集今駕來未有期而倉卒措辦科派四出吏胥易爲奸僞費集而駕不果至則奈何他邑用執炬夫役以千計伺候彌月有凍餓而死者軫命縛炬榆柳間以一夫統十炬比駕夜歷境炬伍整飭反過他所時中使絡繹道路恣索無厭軫計中人陰懦可懾以威乃率壯士

百人列舟次呼誥之聲震遠近中使錯愕不知所爲
軫摩從人速牽舟行頃刻百里遂出泗境去泗之日
父老送者無不泣下在諫垣言新建伯王守仁心蹟
甚明不當以謗掩功沮將來忠義之氣刑部尙書林
俊當納其言不當聽其去孝惠太后發引不當由中
門興獻帝尊崇不當過禮侃侃爲中外所誦家居孝
友廉介與人交坦然無城府瓶無宿儲親黨有貧難
必倡義周之凡鄉邦利病必盡言以告有司未嘗干
以私

青湖先生文集序

孔子曰文王既沒文不在茲乎是文也道也自博文之
教不明於天下始專以辭章爲文而曰文者貫道之器
於是乎與道二矣二而一之難矣哉太史司馬工於文
者亦曰託之空言不若見諸行事之深切著明也夫文
而不本諸躬行豈不誠空言哉雖然世固有宏儒碩士
終身不遇與夫放臣棄子離人怨婦欲通其所蘊蓄幽
滯往往託諸文以自見如詩書載籍所稱失文而不詭
於道又或足以風世其可以盡少哉是故文有二有經

天緯地之文文王孔子之文是也有因事著述之文後
世之文是也著述而志於文王孔子斯可與論文矣近
代作者視中世爲盛蓋一時人士好古慕道故其文有
可稱述足表於後世乃青湖先生夙抱奇氣好古力行
其素所蓄積直欲康濟天下世所謂宏儒碩士非耶而
沈淪偃蹇卒不得志於天下其平生之奇不徵於文詎
可見哉先生沒其子延良裒集其文謁余冀通其父之
意以圖不朽余諦觀之則見其文卓犖奇偉如其人又
雅馴不詭於道無放棄離怨之懷乃歎曰是不足徵耶

先生爲不沒矣輒不自量僭爲刪定凡爲卷若干詩文諸體裁咸備繕寫成帙歸其子藏于家古稱藏之名山傳之其人通邑大都將不有望於他日耶先生姓汪氏名應軫字子宿青湖其別號也弱冠舉於鄉擢南宮第二人選入翰林爲庶吉士諫遷知州召復戶科給事中江西督學僉事其行實與進退之故詳於本傳云嘉靖丙辰夏六月之吉賜進士第資政大夫南京刑部尙書前都察院右副都御史奉勅巡撫江西諸暨夢山翁溥序

青湖文集卷首

六

青湖先生文集序

古我先民立德立功式昭德音斯謂之不朽窮達誠信弗論也三代之還岐位與文若漢之董賈班馬唐之李杜常孟追誦龍蛇之章以共歎息太音不作高才寡與何獨今時之不然哉我明人文化成作者輩出風流彌著遞爲宮商而青湖先生生際其時學鄰其席思憲前哲以紹統紀敷衽論心弱冠而負望於四方四方之知先生者唯曰其能通於古之詞歟嗚呼先生無能通於古之道歟古之道不爲利回不爲義疚守道如守官先生守官所以成身也於今之弊矯然而反之正以詞盡人不已過乎故其入翰苑守泗郡居諫垣漸進憲學確以守道爲時名臣不懈于位民之攸暨其奏牘之謂矣以君之恩而得從容於出處風行而聲聞達聲聞達而述作備矣名勝所至若將成性焉自得而已自得則天下亦得我矣聲教以之而重沒且不朽焉有訕信容其間乎諒斯集也可以觀矣夫以沈鬱澹雅之思溫厚和平之詞出經入史馳古驟今莫不同祖秦漢會意晉唐而其賞好異情故製致殊尙譬之大羹正味天真而純

青湖文集卷首

七

一之渾渾乎其味之至哉卿相有盡文章無窮達觀大
 化神足游息斯不亦志士之所寶乎先生仲子連山君
 延良丞侯官以儒術而飾吏治孝思不忘刻集以傳信
 夫能世其家者也昔有揚子太元孰爲覆瓿孰爲必傳
 又從乎後之人然之也其誦其信先生何與焉予不佞
 遙然思想其亦因述言之以表世嘉靖三十八年歲己
 未一陽月朔日逸史氏閩中樸齋山人葉邦榮仁甫敬
 書

青湖文集卷首

八

青湖文集目錄

卷之一

奏疏

卷之二

序

卷之三

記

卷之四

雜著

卷之五

祭文

卷之六

銘志

卷之七

書柬

卷之八

五言古詩

卷之九

青湖文集卷首

九

七言古詩

卷之十

五言律詩

卷之十一

七言律詩

卷之十二

七言律詩

卷之十三

五言絕句

青湖文集卷首

十

卷之十四

七言絕句

青湖先生文集卷之一

奏疏

諫止南巡疏

伏聞陛下有南巡之意臣民徬徨莫有固志及臨清以南民皆棄業罷市逃避山壑女子十三以上婚配殆遍倘不卽收成命竟欲出狩則海內必然生亂社稷必然有虞王畿必然不守陵寢宗廟必然震驚此不待智者而後知也縱陛下以爲神功聖武略不世出兩巡西北大捷而歸不知南方之勢與西北不同者八臣請熟數之於前南方風氣柔弱平居視朝廷如在天上一旦天子下臨如雷霆神明忽然降及驚駭四散失業離居自相殄滅其不同者一也南方宮室園圃外雖侈麗內無蓄積左右倘不相恤需索無厭民必生怨怨積必發如川壅則潰傷人必多其不同者二也南方婦女有恥守節者多彼聞王師一出恐爲行伍所污必懸梁墜井望風自盡不待警蹕所至而溝壑已填滿矣其不同者三也南方賦稅所仰之地近年水旱相仍十室九空父子相食者有之若復重徭則上供之數必不能繼京師坐

困其不同者四也南方下濕北人至者多致瘡痢況如
陛下深居九重尊養貴體何以堪此豈但陛下雖從行
之人亦不堪被甲倘有鼠竊之盜何以禦之其不同者
五也南方多水之地不通車馬陛下弓馬雖便而舟楫
未嘗慣勞行一二日則頭暈腹悶寢食不安矣而況欲
騁心目求逸於此哉其不同者六也陛下往南道里隔
絕北戎小醜諜知京師空虛長驅中夏萬一失全勝之
策置宗廟陵寢於何地其不同者七也陛下舍萬乘之
號擅一將之名行之於西北猶之可也若復往南則藩
王衆多聞之而來朝將不朝乎使其來朝則名不正言
不順以何禮待之豈不輕朝廷損國威哉其不同者八
也此特慮之所及耳至於變起不測禍生不圖有不可
以言悉者柰之何哉昔谷永諫漢成帝有曰陛下厭高
美之尊號好匹夫之卑字數離深宮密閣挺身晨夜與
羣小相隨典門戶奉宿衛之臣執干戈而守空宮其言
切中於今夫谷永諂諛之臣成帝暗昧之君永常有言
而成帝復能容之臣雖不才欲以永自處可無一言以
獻陛下矧逢陛下之聖明開心納諫能容臣之言何懼

青湖文集卷一

二

而不言哉昔大康田於有洛十旬弗返有窮后羿因民
弗忍距于河今陛下再狩不止十旬矣而四海帖泰以
臣觀之國家可謂金甌無缺萬世之基而陛下乃自壞
之豈不思祖宗蒙荆棘暴露以成此一統之難哉臣
犬馬耳雖無言責之寄不勝區區之心輒冒萬死上塵
清聽惟陛下以宗廟社稷爲重俯聽臣言暫止南狩則
天下幸甚矣

慎選淑女以配聖德以成內治疏

青湖文集卷一

三

臣聞治天下之道正家爲先正家之道內助爲重三代
興廢靡不由此文王生有聖德宮人欲得聖女以爲之
配至切寤寐反側之憂夫閼散之臣未集江漢之化未
行虞芮之質未成咸和之施未究皆不以爲憂而獨憂
不得洽陽渭涘之女聖人又取其詩以冠於三百篇之
首則天下國家之急務蓋莫有先於此者矣臣自淮徐
來已聞選后之命意必宮闈之中寤寐窈窕之德久矣
但有司不知仰承聖德遵倣古禮專以色求不以德取
甚或銜服飾以察其體膚通賄賂以爲之門戶瀆慢無
禮非所以重至尊之配也伏望皇上謹大婚之禮開王

教之端繼親迎造舟之光美桃夭于歸之化簡命禮部
或各衙門公正謹慎大臣二三員分遣應選地方會同
原差去官員訪夫家世善良審夫女子德性溫純儀容
端重者方爲中選不可專求美艷之色如前瀆慢之爲
候起送到京奏委皇親公主於諸王府許其沐浴更衣
因得察其體膚隱疾然後請皇太后幸府選定行納采
禮不可輕令女子入宮以違剛柔先後之道如此庶淑
女可得如文王后妃之賢異日子孫千億本支百世國
家無疆之休端在是矣臣一介草茅謬陳大禮本無足

青湖文集卷一

四

取然言有迂遠而不可忽者事有相傳而不可襲者惟
聖明留意豈特微臣之幸實宗社之幸

懲不恪以肅朝儀以新治道疏

臣聞治天下之道以憂勤爲首務以荒寧爲深戒是故
聽雞鳴而告旦齊國之所以霸開鸞聲而問夜周道之
所以興姜后尙知脫簪於永巷趙盾不忘假寐於私家
此古之聖君賢妃忠臣志士常恐四方之變故或生於
衽席百年之禍患或起於旦暮所以儆戒無虞不懈於
位夙夜匪懈恪恭厥職于以制治於未亂保邦於未危

也我祖宗勤政規模著在國史及五倫書者皆足以爲
後世法程自武宗末年惑於羣小溺於晏平始不蚤朝
日講巡遊無度以致權奸依憑於城社逆藩睥睨乎神
器人心徬徨天下幾變蓋人主之心如朽索之馭六馬
不動於此則動於彼奔突四馳不可控制此敬姜所謂
自天子至於庶人自朝至暮不可有一刻之怠惰也伏
遇陛下受命而興問世而出以撥亂反正之才卽繼天
立極之位蚤起視朝親決大政脩復前朝之墜典欲興
隆古之治功爲臣下者當感激思奮曰此前日所勸而

青湖文集卷一

五

不納者今何幸得見明主當勉竭駑鈍以將順德意翼
贊皇猷以成唐虞三代之盛治夫何反思偷惰有失朝
參如此欺慢自棄之臣責其盡忠報國胡可得也伏望
皇上大惟畏之德示薄震之威將闕朝不到文武官等
少加飭罰或對照前次不到員數有二次不到者怙惡
不悛降調外任爲事君不敬之戒庶人心知警而朝儀
整肅矣

乞恕諫官開言路以隆治道疏

臣聞唐陸贄有曰諫者多表我之能好諫者直示我之

能賢諫者之狂誣明我之能恕諫者之漏泄彰我之能從有一干斯皆爲盛德切見給事中梁本茂御史汪淵先因論絲綸簿籍並內官牙牌事各罰俸三箇月臣思梁本茂汪淵所言一則得之傳聞一則不俟覆奏則誠狂誣矣陛下儻賜矜恕皆足以昭盛德今乃各罰俸三箇月是陛下有盛德之資而自却焉此臣所以日夜焦勞而不甯也陛下勿謂罰俸事小而忽之也蓋天下之事常起於微故君子慎初聖人杜漸大舜勅惟幾之戒成王誌訪落之謀否則涓涓不塞終成江河臺榭不伐

青湖文集卷一

六

將尋斧柯今日諫官可以罰俸明日可以罷黜又明日可以謫戍矣治世之政不一而莫大於賞諫臣亂世之政不一而莫大於紬諫臣孰謂聖明在上有紬諫之幾而不蚤慎之乎陛下登極之初渙頒恩詔內一款朝廷政事得失天下軍民利病許諸人直言無隱欽此欽遵今梁本茂汪淵官居臺諫則其補過拾遺繩愆糾繆乃其職分之宜又非諸人之比縱有違錯亦在優容今乃使之回話以挫之罰其月俸以懲之言官如此諸人可知言而自食令而反汗臣恐自今以後欲求逆耳之言

不可得矣夫阿意順旨者獲利甚大犯顏觸忌者得禍甚速人情趨利者多樂禍者少誘人使言尚懼不敢況禁之使不言乎臣以妄言得罪先帝跪門責打改除泗州荷蒙聖恩取復前職陛下能容先帝之罪人獨不能容今日之罪人乎臣蓋有以知陛下出於一時之喜怒初非勵精之本心也與其開言路於始不若不塞之於終與其罰諫臣於後不若不赦之於前伏望皇上奮威以昭德虛己以受人不以細行而不矜不以邇言而不察將梁本茂汪淵曲加矜貸免其罰俸勿以鳴犢沮聖要以郭隗來賢如天威未霽甯復除臣外任以抵二官之罪庶天下聞之但知臣以舊罪見黜不爲明時見棄於聖德無損於新政無累也于冒宸嚴不勝隕越

分豁額外薦新茶芽疏

節該禮部題爲前事奉欽依這茶芽解納供應都只照舊例行不必紛更欽此欽遵此誠陛下愛惜民財之盛心憲章舊制之美意臣下所當奉順而遵守者也但照舊之旨一說可通彼此意見各有所執禮部則以爲解納自有原額如六安茶芽三百斤正數之外不可加者

青湖文集卷一

七

此其舊例也光祿寺則以爲供應有常規如歲用六安茶約餘肆百柒斤故叁百斤正數不得不加者此亦舊例也照解納之舊則不足供應照供應之舊則有傷解納若不申明終無定守臣等各該巡視監收思得惟正之供固不可擅增畢獻之物尤不可暫缺六安茶芽歲額三百斤此外多取毫釐卽爲因公科斂雖該部審據解吏開報叁百袋袋多四兩有餘亦非勘合正數且無批文查銷以後或輕或重焉知誰公誰私不若通融議處立爲定規每歲六安茶止收叁百斤正數其耗餘加

青湖文集卷一

八

增一概不許濫取本寺供應取足薦新並日進月進御用之數至於醬房所進內閣所用盡其所有不足則於常州府等處茶芽擇以供給蓋茶取於細其味略同何必拘執以致煩難部寺前後所論正欲出入有經如此裁省庶有司可守原額以照解納之數該署可因便宜以照供應之舊而不必紛更矣見今解納六安州並常州府等處茶芽正數之外尙有多餘之數欲給領回則有盤費之勞欲令變賣則有侵欺之弊况既名上供難以退出原有封袋難以拆除合無收貯該署作止公用

或准下年該解之數今後各處茶芽俱照原額解納每斤裝成壹袋每袋贏餘貳兩以補絹袋紙包之數永爲遵守一體通行再照知府龍浩奉公守法憂國恤民惟論曲直不顧利害宜加獎諭以勵有司益見聖德光明朝綱振肅省約雖微關係甚大俱候命下欽遵施行

折糧減運以蘇軍民困苦以重國家根本疏

臣原任直隸鳳陽府泗州知州切見本州地方艱難軍民困苦言之固非一端姑指其於陵寢有關於制度有變於人情有所不通於公論有所不協者一事開列具

青湖文集卷一

九

進伏乞聖明留神詳覽卽勅該部速爲議處永爲定規使軍民各得其所公私均有其益不勝幸甚

計開

一折稅寬民以通陵寢之禁泗州祖陵所在方百里內皆有厲禁寸土塊石不敢擅動以故高亢之地不得濬爲泮池卑下之田不得築爲堤岸水無蓄洩之備歲有旱澇之災每年秋夏稅糧率皆百姓賠賁有力則刈草捕魚牧雞養豕無告則破家蕩產賣子鬻妻如此民

安得而不流亡里安得而不空乏天下州縣艱難固多非獨泗州可恤但責之他處民或未勤官或有曠泗州雖有勤民地難耕作雖有能吏例難遲慢一應糧稅何以收徵伏望念祖宗創業垂統之鄉遊神藏魄之地曲賜矜憐急爲區處縱不敢比漢人湯沐之恩亦宜思幽風衣食之始將本州二稅原額照例准折以寬民力則三廟在天之靈庶幾少慰而百姓遞年之苦亦或少紓矣

青湖文集卷一

十

一減運卹軍以重陵寢之守備天下衛分額設五所獨泗州增置九所者爲祖陵護衛也祖陵與皇陵追崇之禮畧有等差護衛之心初無隆殺今鳳陽皇陵衛免得漕運泗州衛運船反多他處殊非舊制以致本衛官軍受累逃亡大半城操軍士止得孱弱叁百餘名益以屯田叁百餘名畧足操練虛應故事萬一如正德六年流賊犯雙溝去祖陵纔九十里不能守備誰任其咎伏望念祖宗增設九所之

心以重一抔之土比照皇陵事例將本州運船除去或量爲減免以寬貧軍則祖宗報本追遠之心不爲虛文而思患預防之意亦有實用矣

比例乞恩疏

伏覩詔書內一款兩京文職官員未及三年考滿者俱與應得誥勅又一款正德十四年文武官員人等因諱止巡遊已經各衙門奏請追贈賡敘者其父母妻室不拘存沒俱得受封欽此欽遵竊念臣由進士改翰林院庶吉士擬授戶科給事中緣以跪門責打罰俸未滿改除泗州知州正德十六年四月二十二日伏遇皇上登極大赦天下起取復職本年五月初三日吏部照依原擬覆進已得俞旨臣向因多病不能前來至今五月十四日方得赴任臣思到任雖在頒詔之後復職實在推恩之前況死者贈官尙蒙恩典生者復職未能榮親於心未安於孝有闕伏望陛下仁同一視錫厥庶民推孝治之心不以貴賤而有異廣推恩之典不以生死而有殊比同前例一體加封臣不勝受恩感激之至謹具本

青湖文集卷一

十一

懇乞奏聞

精考校以求真才疏

臣聞爲治之道莫先於用人用人之道莫先於取士取士以文已非古矣而況取文不精又焉可望得人乎切見近年以來兩京鄉試及會試考官承命之日卽以試錄爲事晝思夜索敝精殫神惟恐不得程文以壓服天下士子本以考人適以自考至於閱卷轉不用心以致學問浩博者以不習彙括而不取才氣充沛者以不中繩尺而見遺夫朝廷命官之意將以求賢才乎將以求

青湖文集卷一

主

錄文乎而因襲至此是亦一弊也況以試官之文刻士子之名上以欺君下以欺人中與士子自相欺心夫以入仕之初而誘之相欺又非所以端本澄源也陛下求賢圖治今當鄉試之第一科宜革此弊自京畿始伏願陛下特勅考試官溫仁和等一以閱卷取士爲心本之聖經賢傳之旨不因異學以混正求之驪黃牝牡之外不因小失以棄人務得實才以裨盛治必士子眞筆方錄以進果有小疵不過更易數字如不足錄闕之可也如試官有作果可以爲士子矜式者必須明開試官姓

名如此庶革欺妄之弊以開誠篤之風以後會試並天下鄉試俱照此例文不必備取其可式則錄而以開榜在邇伏乞早賜俞旨封入貢院遵照施行不勝人才幸甚士風幸甚

言官不諳事體不分功罪妄行舉劾沮抑忠義疏

竊見巡按江西監察御史程啟充一本內開據湖口縣被問知縣章立梅將原獲逆濠奏本私書僞旨抱首合行具本封進內除已問決發遣錢甯張銳臧賢陸完外其有干太監蕭敬都御史湯沐臣不知是非如何獨謂

青湖文集卷一

主

新建伯王守仁貪天之功宜追奪提究則臣所未喻也夫王守仁巡撫南贛與南昌相去亦遠當逆濠作叛之時乃能不俟詔旨首倡大義興集民兵卒滅反賊使其有一毫回顧之心則必逗遛不進中立待變決不舉動如是之光明號召如是之勇敢倡率如是之激烈殄滅如是之迅速也而謂之貪天之功可乎且逆濠書內止謂王守仁亦好初無心腹交結之實迹蓋欲成大事者當渾淪持重圭角不露不使小人得以窺測淺深彼逆濠者墜其術中而不自覺此王守仁之所以能成功也

縱使果有交通之情比之黨與自相擒獲而出首者亦其在所優容而不當復論其既往也夫勇略震主者身危功蓋天下者不賞自古以來蓋多有之一王守仁何足惜但恐王守仁由此得罪異日天下有事誰肯出死力以爲國家耶漢光武誅王郎收文書得吏人與郎交關謗毀者數千章會諸將燒之曰令反側子自安楚莊王宴羣臣燭滅美人有以絕纓告者楚莊令羣臣皆絕纓而後出火此皆帝王務存大體以安人心其氣象與天地同其大其度量與河海同其深豈忍根連株繫毛

青湖文集卷一

南

吹垢洗使毀譽由此而失其真功罪由此而倒置哉所以然者非帝王故爲是寬大也蓋其知天下之人心不可以威劫而可以德化不可以詐取而可以誠感脩德以治人推誠以待物則寇戎爲父子憑威以馭世飾詐以惑衆則赤子爲仇讐此理之不可易者也由此觀之則今日渠魁旣云受殲脅從自宜罔泊又不特王守仁所當推原之也况逆濠所藏私書前此已有冒燒燬之矣今御史程啟充乃信聽被問官挾讐之言復有此奏尙可謂之順德意而存大體者哉如蕭敬等果有梗新

政不懷令圖自宜據今指摘從實論列不當爲見淵之察謁澤之漁以傷至公至明之治也伏望陛下將王守仁益加慰諭以勸忠義仍俯從辭伯之請以崇廉退肅敬憫念年老莫若許其乞閒以保全近侍仍令以後科道有舉奏不當者聽其互相糾劾必使言官取信於天下而各衙門玩視不覆者嚴加飭罰以廣忠益以贊至治不勝幸甚王守仁臣同府人也臣若有回護鄉里之嫌則不當有此請矣但欲爲國家論大事則不得避小嫌伏惟陛下察之

青湖文集卷一

五

保護聖躬疏

本月初五日該司禮監太監扶安傳奉聖旨朕偶感風寒暫免朝參調理數日羣臣不勝懷戀次日又該大學士楊廷和等爲問安事奉聖旨朕服藥漸康又連日百官赴左順門問安該司禮監官傳宣聖躬已安羣臣不勝欣躍雖然臣愚尤有所不容已之情而敢以獻焉蓋聖體違和之始固當致慎安泰之後尤宜加謹臣嘗竊觀醫書風寒暑濕多乘虛而入凡有感冒元氣必有減損調理平復必百日之後然後飲食起居可以如常古

人所以病慎於小愈者正爲此也天相聖躬福祿康甯如山如阜勿藥之喜固不待微臣過慮者但恐天氣漸寒愈當保攝宮闈初正未練調護臣願請昭聖慈熹皇太后興國太后暫詣乾清宮中得以晨昏撫視和調飲食順適起居各有制節以示儀範既有以紓太后思念之情又有以慰皇上懸望之意則聖心怡然而聖躬自豫矣狂瞽之愚極知僭妄無所逃罪陛下儻以千慮一得而賜察採納焉不勝宗社幸甚臣民幸甚

乞恩辭俸以公賞罰疏

青湖文集卷一

六

該吏部題爲隆恩數優忠賢事奉欽依陞俸等十五員並石天柱等五員各陞俸一級臣聞命不勝感愧竊思臣以出位妄言得罪先帝荷蒙恩宥起復前職已爲過分今又陞俸一級臣何敢當自古聖王錄諫官於前所以開言路於後也陛下於先朝黜責之臣起用殆盡而於今日諫諍之官飭罰頗多是欲開言路而未廣也伏乞收回成命將臣停免陞俸勅下吏部將近日言事罰俸官查覆有免補支則臣言有益於國而樂於陞俸君恩普及於衆而廣開言路矣爲此具本親齋謹具奏聞

伏候勅旨

弭盜安民以隆國祚疏

青湖文集卷一

七

今月十一日百官赴左角門問安該司禮監傳宣聖躬已安大臣免問候山東盜賊宜用心作急平定臣與欽聞宣旨不勝欣躍感激方聖躬違和初復不以調理爲重乃親閱章奏留心盜賊急欲平定以安地方此卽古之聖帝明王康乂四海阜成兆民詰姦慝比追胥之盛心臣愚以爲惜未領告中外潢池谿谷有不得遍聞耳使得聞之則良民豈忍肆爲盜賊盜賊亦豈不欲化爲良民哉近見巡撫山東等處右副都御史陳鳳梧等奏報強賊被官兵追剿窮蹙擒斬殆盡臣以爲賊勢已解地方已安足以紓九重之宵旰矣及見巡撫保定等府右副都御史季鳳奏報流賊一夥約有五百餘騎自山東等處流刼前來賊勢愈加猖獗比之陳鳳梧等奏報不同顯是陳鳳梧等蓋飾前愆朦朧罔上有誤國家乞賜戒諭或取回別用仍乞勅下廷議推舉素有才望如南京左副都御史伍文定巡撫山東兼制河南專委剿賊期於盡絕蓋弭盜與馭夷不同馭夷之法逐之境外

則已弭盜縱之出境是以鄰國爲壑也自地方視之則有彼疆此界之分自朝廷視之則皆赤子可憐之地臣請立爲定例以後一應盜發卽須及時撲滅不許縱之出境若彼此玩視以致流劫往來殘害地方則兩處鎮巡以下官皆當坐以不追不禦失機重罪盜發之處許令本管及四鄰衙門探訪的實一面申報撫按一面徑自封奏以防壅蔽如有方略條陳附上以備採納庶不養寇以成大患若夫弭盜之方古人言之詳矣大率不出糞遂所謂安之勝之二策而已安之之策不一而莫

青湖文集卷一

六

急於擇守令蓋民之爲盜豈必皆有鴻鵠之志如陳勝東門之嘯如石勒者哉良由賦役繁興衣食不給冒法而爲盜則死畏法而不盜則飢飢則死速盜或少緩此其所以奪攘矯虔以活旦夕之命非得賢守令以撫恤之則民何所賴哉歐陽脩乞去冗官用良吏以撫疲民趙瞻請別委輔臣舉用才吏包拯論諸州長吏有不在職者卽令黜罷彭汝礪欲專使體量稍寬諸般色役以安貧弱皆謂此也臣請該部遇有盜起之處卽選有才望或令堂上官保舉如資不相應輕重其銜而署其事

可也如膠東盜起得張敞而一郡安朝歌盜起得虞詡而一邑安此其明驗也至於輕徭薄賦明約慎令則又在朝廷端本以示則蓋秦之盜起於漁陽之戍隋之盜發於塞下之運唐之盜基於桂林之失信不可不監也勝之之策不一而最要者六一曰離間賊黨蓋盜賊雖衆不足畏但恐有稍知計策者爲之謀主則未易破故歐陽脩蔡勣欲各處張榜募人入賊誘殺賊首設計誘賊陷於可敗之地者賊必相疑雖有投獻亦不能用矣往年劉六之患正坐於此今不可不爲之慮也二曰收

青湖文集卷一

九

用豪傑蓋科目之外遺才甚多彼負奇氣蓄雄略豈肯抑鬱而不一逞故富弼言於仁宗乞採訪京東狂謀之士蘇軾代李琮言於神宗欲陰求部內豪猾之士昔周亞夫得劇孟而坐困吳楚崔植縱朱克融而復失河朔他如張榮之草書檄樊若水之量江面張元爲夏人之用師宓主儂氏之謀此尤足慮也臣愚欲行山東河南南北直隸凡有盜地方募召豪壯給與衣糧器械候捉殺淨盡卽等第優獎賊平之日起送武舉或有膂力奇策而不能文者編隸尺籍以禦邊圉三曰開糾告如崔

安潛出庫錢千五百緡分置三市榜其上曰有能告捕一盜賞錢五百緡同侶者告捕釋其罪賞同平人竄獲令盜賊自相糾告以其所告資產之半賞之或親戚爲之首則論其徒侶而赦其所首者四曰扼險要如包拯欲於逐州界首可控扼之處相度添置寨柵屯兵以警備之況今虜擾邊賊若勢不得容必有奔突以求合者若扼其險要而以游兵擊其中則賊無遺類矣五曰明賞罰以勸士畢仲游欲令州縣先次保明給賞捕緝之人不得淹延如此小人宜有勸募六曰分首從以招降

青湖文集卷一

三

如張守論賊已就招安不得輒殺此不分首從未爲賞也必如秦觀所言患莫大於招降莫深於窮治蓋渠魁盡殺而罔赦則足以奪奸雄之氣脅從汚染不治而許其自新則足以安反側之心他如閱習弓劍漸葺城壁繕完甲冑團聚保甲則又在守令隨宜而量處耳昔唐太宗去奢省費選用廉吏卒至斗米三錢外戶不閉可謂得安之策後漢高祖患四方多盜用宰相蘇逢吉之言賊盜本家並四鄰同保皆處斬卒至盜不少息而國隨以滅此不得勝之之策者也夫安之不得而後求

勝之陛下果能存心天下加志窮民大發內帑之積以賑飢遵守登極之詔以致治自然民安盜息而不必言勝矣而所謂勝之者不得已也今謀國者於安之之策不講矣而所謂勝之之策亦未見其全勝焉況管河管間之官非不當爲朝廷効力但旣非備禦之職又無防禦之兵而責以剿賊臣恐關移爲督責之狀游檄備期會之迹未免如昔人所譏者譏者又欲用達官達舍蓋欲亟於除賊計耳但用之者固一時之長技不用者尤萬世之深慮郭欽之疏江統之論正今日所宜講而不

青湖文集卷一

三

知者方以爲過慮也臣前所論欲革今之弊而後所諫欲準古之法固知毛錐之具無益於本兵之用然職忝言官心切民瘼感激聖人勤恤之誠欲保迓衡之治不揣狂愚輒有冒瀆惟不棄芻蕘之言以殄萑苻之盜則天下幸甚宗社幸甚

開言路脩德政黜不職以消天變疏

竊見南京守臣奏報今年七月二十五日猛風驟雨災異非常陛下引咎責躬勅諭羣臣同加修省以圖消復臣伏讀聖諭不勝懼感深知陛下畏天恤民之盛心臣

雖愚昧敢不思所以爲昭假之助乎臣聞應天以實不以文古之聖王於災變之來必痛自脩省增修德政猶懼知見有所不及復廣開言路宣達漣鬱夫然後天意可回災變可消民不被害國家長治成湯大旱而自責則必節政事而復民職卑宮室而去女謁禁苞苴而止議夫不爲自責之虛文也文王地動而改行則必謹禮秩皮革以交諸侯飾辭令幣帛以禮俊士頒爵列等級以賞有功不爲改行之故事也當是時上下志同言路不塞上無時不納言下無人不進言故史臣但紀其修

青湖文集卷一

三

政之實而其納諫之誠又非後世徒求之而不能用也及乎世道衰言路塞於是有以忠諫爲誹謗妖言者矣幸而天心仁愛不忘儆懼故平居諱言而災異則求直言無事拒諫而災異則求直諫雖不足以望聖王之盛德猶愈乎遇災而不知自變者也漢文帝二年十一月晦日食詔羣臣思朕過失以告及舉賢良方正能直言極諫者以匡不逮宣帝本始四年夏四月地震山崩北海琅邪二郡壞祖宗廟詔丞相等博問經學之士毋有所諱光武建武七年二月晦日食詔百僚各上封事無

有所諱其上書者不得言聖明帝永平八年秋大水冬十月晦日食既詔羣司極言復以示百官唐太宗貞觀八年星孛虛危帝訪羣臣虞世南對以功高自矜治久自驕帝深然之高宗總章元年彗星見五車帝令內外九品以上各上封事極言得失許敬宗奏請御正殿復常膳帝不從宋真宗咸平元年正月甲申彗出營室北甲午詔求直言避殿減膳哲宗元祐二年旱詔郎官以上言闕失三代以後論治者必歸於漢唐宋西漢之治莫過於文宣東漢之治莫過於光武明帝唐盛於初宋

青湖文集卷一

三

隆於前而此數君者皆遇災脩省求賢納諫妖雖見而國不殃災雖至而民不傷綱目於永平九年特書大有年入綱目以來之所未有以見明帝能謹天戒求賢不諱之尤足徵者也臣自今年正月待罪戶科見每日奉天門下通政司引奏水旱雨雪災傷事南北直隸江西福建湖廣山東山西河南兩廣等處八布政司共九十五本而逐日續進路遠方來者尙未紀其數由此觀之天下殆無一處而不荒歉今又有南京風雨之變震動宗廟陵寢是皇天上帝欲警高皇帝之靈以告陛下也

陛下一聞守臣之奏卽自修省齋誠祇告勅諭羣臣是故上畏天戒下恤民生無異於古之帝王矣但求言一節未見懇誠陛下豈不以登極之初渙頒恩詔朝廷政事得失天下軍民利病許諸人直言無隱言路未嘗沮塞如臣所稱湯文之時上無時不納言下無人不進言者也但自嘉靖改元以來言路漸塞頃因諫官罰俸而議者結舌矣臣深爲此懼旣已疏進而吏部日久不覆使陛下有古先哲王遇災而懼側身脩行之心而獨言路不開豈非臣等之罪乎羣臣伏讀勅諭有曰政事乖違刑罰不中民困未甦國是未定以致上千天和昭示謹告咸服聖明深知感應之理洞察更革之端臣下雖有言亦無出此四事之外者矣因各類比條例以進雖鉅細緩急之不同要之皆有關於君德有切於朝政有利於天下國家陛下誠欲消弭天變以保億萬年太平之祚則不可不聽而行之也今見聖旨但曰該衙門知道而已曰自有處置而已夫所謂處置者豈若宋仁宗不爲崇虛名夙夜精心密禱耶但臣愚昧以今日之旨質之古先聖王修德政開言路之實事似有不合未免

青湖文集卷一

書

爲應天以文而天意不可回災變不可消也左右之臣常恐言路一開則不便於己以故百計千方必欲塞言路抑諫官使忠言不達於九重惡政日流於四海天變於上而不知懼人怒於下而不知恤譬之木朽而蠹亦斃水乾而魚亦枯覆轍相尋迷而不悟千古一痛也殊不知諫官之言無利於身有利於國國利而後左右利也

明嫡庶崇正統以全聖孝疏

臣惟嫡庶者天下之大分也正統者天下之大義也順理者天下之大孝也以庶匹嫡則犯分爲不和以情掩義則紊統爲不正得爲而不爲與不得爲而爲之則違理爲不孝是三者民之中天地之紀而古今之通誼也陛下以武宗遺詔自滿邸入繼爲孝宗子不得顧私親此正統天下之大義也旣爲孝宗子則以昭聖慈壽皇太后爲母孝惠皇太后事憲宗爲妃此嫡庶天下之大分也陛下當循嫡庶之分明正統之義不以私情行過禮則理無不順天下之大孝也前者初喪之時哭臨止一日而不頒詔此見陛下以禮節情不顧私親以全大

青湖文集卷一

書

孝也然制服以二十七日侔於正嫡似又爲過禮矣今
發引有日羣議紛然不知由何門而出若出從中門臣
恐聖人之制禮有不合矣夫聖人順天理酌人情垂世
立教防微杜漸而制爲之禮後之帝王本之身心飾之
政事始於閨門達諸邦國無一事而不用是禮者以聖
人所制也今欲用禮而違聖人之制又奚貴於禮乎聖
人制禮曰爲人後者爲其父母夫人莫不有私親之情
而聖人制禮乃如此是豈拂人之情而爲之乎故有爲
人後者之情有立繼者之情聖人公人情而爲之制故
爲人後者不敢復顧私親不然非所以重正統而安立
繼者之心也以此爲防猶有封山朝武爲列侯名爲孝
惠子如呂后者聖人制禮防微之深意始見矣陛下若
遵聖人之制則本支百世正統相傳無足慮者若徇其
私情過於禮制失人心而輕正統啟非望而生邪謀非
萬世之福也哀帝封定陶共王而無救於西漢之衰光
武不封鉅野都尉南頓君而成東漢之業後世亦不以
哀帝爲孝而以光武爲不孝然則天子之孝固自有在
也禮官不能援引經典委曲論列以致興獻帝之封興

國太后之入孝惠太后之喪皆過情拂禮不足以爲萬
世法今孝惠發引而又從大明門出是純用正宮之禮
犯天下之名分紊天下之正統而陛下不得爲順理之
孝矣昔程頤代彭思永論濮王典禮有曰在於神道不
遠人情故先聖謂事死如事生事亡如事存設如仁皇
在位復以親稱濮王則仁皇豈不震怒濮王豈不側懼
是必君臣兄弟立成釁隙神靈如在亦必不然以程頤
之言推今日之事是豈孝惠之所安者乎天子以仁孝
爲本陛下私親之情發於至孝臣子當將順之今乃執
論不已者誠恐孝而逾禮轉爲不孝忠而順旨更爲不
忠陷陛下不得爲全孝而自陷不忠非臣之職也伏望
陛下俯納輿言遠稽古典孝惠太后發引宜從大明旁
門而出以後一切過禮不復舉行協四海之權心爲一
人之大孝臣不勝至願

篤恩義廣忠孝以全綱常大禮疏

臣見本月十四日恭遇武宗毅皇帝大祥奉安神主於
太廟陛下不親詣奠遣官行禮文武官亦惟五品四品
以上入廟隨班其餘百官皆不班立門外拱候神主此

皆禮官不曾詳考禮制參本人情預期開導致此失禮也大明會典祠廟禮儀皆天子親行不當遣官升輅而後隨上陞而致祭典章具在萬世不可易者也昔漢明帝朝原陵猶率公卿以下如朝會儀況今祠廟之禮迺精宅神而可以致死不仁乎禮曰事死如事生事亡如事存今日百官之所以事武宗恐非前日之所以事武宗者也伏望陛下於數日後親詣太廟行安神禮百官不論品級俱於太廟南門外行五拜三叩頭禮庶少盡忠義之道以廣陛下慎終報本之意方今臨軒策士求賢圖治治道以綱常爲本求忠臣於孝子之門不然非所以示多士也干冒宸嚴不勝隕越

恤民隱均偏累以安根本重地疏

各准科院關劄該戶部手本該本部覆題該順天府府尹萬鏗題爲前事奉欽依是准議行欽此欽遵內開照得順天府各行舖戶自清理後已過十年之期應合取勘查編既係府尹萬鏗查例具題合無備行該科及京都察院照例行委給事中御史各一員督同順天府佐貳官員并通行宛大二縣及五城兵馬指揮司將各行

青湖文集卷一

无

舖戶查照節年事例無分軍民官舍之家逐一挨門查出不拘有無免帖俱令當行買辦其行戶等第仍照正德四年題准事例分爲上中下三等編作牌甲協力湊辦中間若係正德年間投托濫免今已革退例該應役者亦就逐一查出與見在行戶均編一體當行如有奸狡之徒妄行奏告優免者聽本部參送治罪仍舊當行若恃強不服躲避不出及府縣賣富差貧者聽巡城御史訪察拿問事完將清理過舖戶及審編過等第造冊奏繳青冊送部查考等因准此行審間據大興等縣段

青湖文集卷一

无

子等行舖戶黃叙等各稱言自正德三年起至嘉靖元年止納過物料不等俱係本行自行辦納並無支給官價臣等照查該欽奉太宗皇帝聖旨那軍家每在街市開張舖面做買賣官府要些物料他怎麼不肯買辦你部裏行文書著應天府知道今後若有買辦但是開舖面之家不分軍民人家一體著他買辦敢有違了的拿來不饒欽此節奉憲宗皇帝孝宗皇帝武宗皇帝皆申明舊章未曾改革前項舖戶但令領價買辦不當出錢虧苦臣等聞宋臣劉安世有曰自古王畿之民異於郡

國所任之事嘗務輕簡蓋休養其力以重根本也自古以豪傑慎實京師我朝亦有富戶皆爲根本計也況萬乘之用度取諸四方之職貢錢帛之類戶部掌之饗廚庖膳之類光祿寺掌之所謂以天下奉一人豈宜獨累京師致令困敝縱使抑末恐市廛不征之法不當如此太甚且京師之民皆四方所集素無農業可務專以懋遷爲生今平居抑勒獨施於畿內而緩急調用又先於天下非所以柔遠能邇宅中圖大也以臣等愚見盡將舖戶革去一應用度取諸有司此王道也議者若以爲

青湖文集卷一

三

祖宗以來設立已久不富變亂今舊章具在而官價不給又非變亂乎臣等查考和買之弊起於宋南渡之後蓋偏安一隅用度不足爲此取辦目前之計耳三代盛世及漢唐宋盛時未之有也彭龜年曰和買行於東南今近百年士大夫論之不過二說欲究實上四等詭名者其說正大而易弊欲均科及下五等小戶者其說均平而不正何謂易弊利之所在人必趨之一重一輕誰肯就此不能無弊也何謂不正和買本非常賦今以常賦之法取之不可也楊萬里曰舊和買者官給其直或

以錢或以鹽今皆無之又以絹估直而折其錢今日之弊大率相類蓋和買本非善政和買而不給直不善之不善也獨累京師以戕根本尤其不善者也孰謂堂堂天朝天下一統而反襲南宋一隅之弊政乎今萬鐙有此具題蓋亦親見民瘼而爲之悲號於天聽者然欲恤民隱必使無隱之可恤欲均偏累必使無累之可均此正謂一切掃除方始無愧於古而臣等亦以爲當革去者也伏望陛下深惟京師根本之當重遠念祖宗成憲之當遵勅下戶部從長議處如果舖戶可革速行蠲免以除沈疴於虛脇以養元氣於腹心如不可革必須照例給價務在兩平今查得該府見在庫該給舖戶銀二千二百三兩九錢零錢四百一十二萬九千文零尙未領與仍乞移文該府州縣先將正德三年起至嘉靖元年止各行買辦過物料若干估價若干備細開出照數給領以後年分買辦務須給價方令上納毋得仍前虧苦致令逃散隱錢稅不敷本部隨宜曲處或將在京抄沒官店房著令順天府收稅入庫以備支用或於各處抽分鈔關分取原額十分之一以爲補湊但使小民買

青湖文集卷一

三

辦以奉公不致出錢以虧本告示兩京遵爲一體使民
心曉然知積困之始蘇而新恩之周洽衛將有謠壤將
有擊萬方之民慕京師之樂萬世之民想嘉靖之治而
臣等亦叨在光化中一日之庇不亦快哉臣等編審將
完未敢造冊誠恐積弊未復於舊章新冊徒成夫故紙
心非取類事爲厲階伏望聖明照察俯聽愚言豈獨萬
民之幸實宗社無疆之休

恤民隱均偏累以安根本重地疏

各准本衙門關劄前事准戶部手本并咨該本部覆題

《青湖文集卷一

三

該順天府尹萬鐘題前事奉欽依是准議行欽此欽
遵關劄到臣除將行審宛大二縣鋪行事宜具題外復
各准本衙門關劄前事該臣等題該戶部覆題奉欽依
是欽此欽遵內開以後年分若遇內府造作等項急缺
物料及緊用供應遵照舊規止於官庫關用有不敷者
各衙門從實開數具奏查照物料原係戶工二部坐派
未辦者各部給與官價派買不得仍前逼令預辦致令
守候價直以累貧民其五府六部等衙門年例坐派紙
燭油炭紫粉各項物料應存應革或應本衙門自支官

錢買辦應用並聽清查科道等官查議奏請定奪如此
則舊規不失而民困少蘇等因關劄到臣除欽遵外臣
等查得通州鋪戶與宛大二縣不同太宗皇帝聖旨止
令軍家每在街市者買辦未嘗言及通州後因京民受
累太重攀告同當宏治年間科道等官又因通州鋪行
赴京買辦路遠不便商賈離肆以供輪納老稚裹糗以
候批文編爲三等九則出辦銀兩奏繳准行至宏治十
五年張家灣住人蔣松又因貧富不均告蒙巡撫洪都
御史照依門面房屋間架分爲四等出銀每年上戶每

《青湖文集卷一

三

間出銀二錢中戶出銀一錢五分下戶出銀一錢下下
戶出銀五分今欲照舊例差等出銀則淪於間架之稅
類於手實之法其於事體尤爲不輕陸贄所謂有藏於
襟懷囊篋物雖貴而人莫能窺有積於場圃囷倉直雖
輕而取以爲富有流通蕃息之貨數雖寡而計日收贏
有廬舍器用之資價雖高而終歲無利一舉計估算緡
宜其失平長僞者卽此也欲遵新恩領價買辦則出錢
有額而爲困差輕買辦無常而其徵甚急其於人情轉
爲不便陸贄所謂變徵役以召顧之目換料配以和市

之名廣其課而狹償其庸精其入而嚴計其直以召願
爲目而捕之不得不來以和市爲名而迫之不得不出
其爲妨抑特甚常徭者卽此也京師宿弊始清已荷萬
鈞之賜而通州舊例難變未受一分之惠以臣等愚計
莫若將通州鋪戶暫革去待十年之後如果京民不累
守爲恆規如前弊復滋官價不給根本虧耗元氣損傷
此又當廣營曲處微察遠觀酌伍細伍大於邊庭量什
九什一於內外以均九式用貞百度又不獨京師爲萬
邦之主通州爲三輔之地偏於垂仁過於深痛也噫輦

青湖文集卷一

三

轂之下畿甸之中獲披雲霞仰觀天日尙有哀苦如斯
而莫能訴告於上矧各省地方遐陬民庶困於有司之
誅求迫於和市之名目緣沙而索金購石而售玉賄之
羣小而免重筮候之歲月而無全值誰復知之況今常
賦歲逋經費日缺太倉無紅腐之陳海內成虛耗之勢
而又以分外無名之征傷吾民垂絕之命將安用哉伏
願皇上由一事而達萬幾以一念而周四海勅下戶部
俯從愚言通行各省一體禁革不許設立行頭和買物
料如有官府公用必須給價兩平每季申報上司聽其

隨事稽考仍咨都察院轉行巡按御史用心訪究痛革
前弊則不獨京師幸甚四方幸甚實宗社無疆之休

懲不恪以正名分究欺弊以謹出納疏

本月初八日臣等奉例於午門裏會同內官散給軍官
俸銀有司禮監典簿辛壽布設大椅高坐西廊直望寶
座署無遮蔽夫禮下君門式路馬矧午門內奉天門外
乃陛下每日視朝之所天威咫尺臣下豈有可坐之地
耶昔孔子於虛位必色勃而過遽伯玉雖冥夜亦下車
而趨今辛壽何人乃敢不遵禮法肆無忌憚事屬不敬

青湖文集卷一

三

合當拿問況其稱對銀兩內官十數人擁住隨意輕重
臣等當卽取視率計一千兩原實一十九錠臣等思得
原實重五十兩縱有耗重不多今一千兩已減去一錠
則本日散過八萬餘兩中開減少難計其數事有侵欺
合當查究臣等切思軍衛所以重守備折俸所以厚軍
官舊例會官同散正恐減尅有虧軍官失朝廷之厚意
乖國家之大體耳臣等目擊斯弊心負厥職默而不言
益增其咎伏望聖明鑒察該拿問者拿問坐以不敬之
罪該查究者查究以防內帑之奸以後散給俸銀必須

會同驗看足數仍不許倚坐以杜僭擬之漸

恤民隱均偏累以安根本重地疏

據順天府并五城兵馬指揮司委官通判黃紳等將審編過通州并宛大二縣各行舖戶等第及盡圖挨門逐一查出緣由各呈送到臣據此臣等案照先各准奉本衙門關劄各准戶部手本咨該本部覆題該順天府尹萬鏗題前事內開照得順天府各行舖戶自清查以後已過十年之期中開不無消長應合取勘況正德年間投托濫免者俱已革退例該查編既該府尹萬鏗查

青湖文集卷一

美

例具題合無備行該科及咨都察院照例行委給事中御史各一員督同順天府佐貳官員并通州宛大二縣及五城兵馬指揮司將各行舖戶查照節年事例無分軍民官舍之家逐一挨門查出不拘有無免帖俱令當行買辦其行戶等第仍照正德四年題准事例分爲上中下三等編作牌甲協力湊辦中間若係正德年間投托濫免今已革退例該應役者亦就逐一查出與見在行戶均編一體當行如有奸狡之徒妄行奏告優免者聽本部參送治罪仍舊當行若恃強不服躲避不出及

青湖文集卷一

美

府縣實富差貧聽巡城御史訪拿問察事完將清理過舖戶及審編等第造冊奏繳青冊送部查考等因具題奉聖旨是准議行欽此欽遵備行到臣等會案行開隨准奉本衙門關劄該戶部覆題該臣等題前事內開查得大明會典戶部項下一款凡遇造作等項急用物料止於官庫關用有不敷者方許具奏先給官價派買光祿寺項下一款本寺買辦比與民間交易價錢每多一分欽此正德年來權奸用事費侈不輕取物於市急於星火待價於官遲以歲月捐資棄本人如之何而不窮且怨哉給事中等官汪應軫等因審舖戶目擊前弊題要將各行舖戶盡行革去一應取諸有司如不可革須照例給價兩平收買大意在於優恤都人培植國本相應議處合無候命下之日仍行順天府將各舖戶各年買辦過物料數目備查明照依舊例作急從公估計價值停當先將在庫銀錢查照年月久近挨次領給果有不敷先儘該府收貯各項銀錢課鈔贖罰等項湊補給散如再不敷聽該府備查的數具呈本部以憑查議以後年分若遇內府造作等項急缺物料及緊用供應

遵照舊規止於官庫關用有不敷者各衙門從實開數具奏查照物料原係戶工二部坐派未辦者各部給與官價派買不得仍前逼令預辦守候價值以累貧民其五府六部等衙門年例坐派紙燭油炭紫粉各樣物料應存應革或應本衙門自支官錢買辦應用並聽清查科道等官查議奏請定奪等因具題奉聖旨是欽此欽遵備行到臣等會行開續又准奉本衙門關劄該戶部覆題該臣等題稱通州鋪戶與宛大二縣不同暫且革去待十年之後如果京民不累守為恆規如前弊復滋

青湖文集卷一

三

又當廣營曲處及稱要推廣德意通行各省禁革不許設立行頭和買一節懇切詳盡相應議處合無候命下之日備行該科及咨都察院轉行清查鋪戶給事中御史等官將原編通州鋪戶逐一從公再行查審住居買賣輻輳地方家道殷實者照舊當行亦如在京宛大二縣鋪戶事例給領官價買辦若住居偏僻處所又無家業營生或先難殷實今却消乏及老疾逃故者革免開除等因具題奉聖旨是通州鋪戶著從公查審你部裏還行與撫按官著嚴督所屬申明禁約不許仍前私立

行頭擅行和買剝下奉上利已害人有違犯的訪察得實重加黜罰欽此欽遵備行到臣等准奉此節行會案行仰順天府經歷司呈堂轉行各該衙門委官通判黃紳等各遵照節該題奉欽依事理將各行鋪戶照例查審回報去後今據各呈送前來臣等會同覆審無異中閒有父子兄弟各開鋪面者併當一戶及將通州鋪戶再行查審住居偏僻家業消乏及老疾逃故者革免開除其相應當行人戶分別為上中下三等戶則編定牌甲大興縣段子等行鋪戶黃叙等共一萬四千九百三十九戶宛平縣牛羊等行鋪戶林政等共七千七百三十三戶通州布絹等行鋪戶沈貫等共二千四百九十五戶給與由票執照取具各行頭執結遇有買辦三處鋪戶以十分為率均派湊辦不致偏累以恤民隱有恃頑不服躲避不出及府縣賣富差貧逼令預辦致令候價損資棄本者聽巡城御史訪拿參究以遵欽依事理臣等思得立法者必善其後救弊者必清其源臣等於鋪戶一事非不欲法之久行而無通融之策非不欲弊之永絕而非常攝之官蓋建白雖由於臣而議處則在

青湖文集卷一

三

於該部德意雖出於上而奉行則存乎有司誠恐新恩未洽舊弊復滋徒有領價之虛文無救買辦之實害則今日不得不爲之議處而曲防之也謹將一應事宜并各衙門年例買辦應存應革等因另行奏請外今有造完鋪戶冊理合奏繳謹具奏聞

查處買辦救濟貧民疏

據順天府經歷司呈恤民隱均偏累以安根本重地事蒙本府案今據本司案呈承准左軍都督府經歷司等衙門手本申前事查得各衙每用紫粉印色等物係該

青湖文集卷一

甲

題奉欽依順天府買辦事理相應照舊存辦其油燭木炭遞年未曾行府無從查報等因具呈到臣等行聞續據本司呈前事據宛平等縣申查得戶部坐派包兒夫禮工二部坐派榆皮末無名異棚砂酒漿等物俱不係年例該司徑自差人拘勾上納領價不由府縣經過等因具呈到臣等案照前事先各准奉本衙門關劄准戶部手本咨該臣等題該本部覆題內開五府六部等衙門年例坐派紙燭油炭紫粉各項物料應存應革或應本衙門自支官錢買辦應用並聽清查科道等官查議

奏請定奪等因奉欽依是欽此欽遵備行到臣等節經會案行順天府經歷司呈堂查報去後今據呈來理合議處奏請定奪爲此將前項各衙門年例并無名買辦應存應革開立條件於後伏乞聖明重覽勅下戶部查照施行

計開

一五軍都督府紫粉吏部紫粉白芨銀硃及貼黃黃紙戶部紫粉銀硃白芨細膩榜紙禮部兵部工部通政司紫粉六科印色大理寺紫粉

青湖文集卷一

甲

銀硃白芨宗人府銀硃紫粉錦衣衛包香中夾紙尙寶司煎熬寶色油炭詹事府并左右春坊司經局心紅紫粉墨筆國子監須知紙松烟樓毛白口香油翰林院四夷館官生習字釋書紙筆墨硃欽天監烟煤等料黃花綾等物各有額數不等俱係奏准年例買辦相應存留每年行順天府轉派通州并大興宛平二縣查取官銀給與鋪戶領出買辦上納各州縣各州縣另差在官人役解送本府本

府解送各衙門舖戶庶不受累但各衙門只知年例該派不顧舖行虧本遇有買辦徑自勾取不惟候價艱難抑且備遭捐勒若非遵守舊制誠恐有傷新政

一刑部都察院紫粉銀硃及榜文板片工料烟墨等項雖係年例該派宛大二縣買辦今該部院手本內稱看得各縣役煩差重兼之各衙門派辦多端致使輦輶窮民不蒙渥澤如科道所言者除本部院年例合用紫粉銀硃相

青湖文集卷一

聖

應查革議將贓罰銀兩逐年收買應用其榜文板片工匠烟墨之類亦合別處足見尙書林俊都御史金獻民體國恤民之意達權救弊之宜合依裁革

一太常寺每年供辦郊廟陵寢并一應祭祀合用果品油糖紙劄豬隻等物係國家大事誠不可緩者但本寺手本內稱欲先給價本寺無收貯銀兩欲先事關銀又不知一歲用過數目必先期買辦送用年終查算估計殊非祖

宗舊制先給官價派買及比民間交易每多

一分之意古之聖王莫不慎重郊廟有職人之頒有福衡之施玉帛來乎萬方大禧承乎四海未有專取之商賈以事神明既欲逼令買辦虧資損本鬻妻賣子室家怨咨道路悲歎豈能會聚歡心感召和氣頃年災異頻仍此其招致一端也由此言之本寺所稱謂急於供應則可謂善於調度則難以臣等愚計莫若先期將內府天財庫錢鈔約數關出發府買辦少則下次補支多則隨時續散此何難而不能通融民何苦而致令逃竄再照稅課司所進錢鈔非惟正之供以之買辦郊廟祭物恐非古制乞勅宰臣禮官別有處之可也

一光祿寺錢糧尤爲浩繁臣曾在本寺監收頗知其詳如大婚禮時內庫發出銀壹拾萬兩臣於當日會同本寺官并御史卽散給貳萬餘兩與各舖戶買辦民皆歡欣踴躍感仰朝廷

青湖文集卷一

聖

不累小民以成大禮今本寺庫內錢銀不乏以後買辦時常給價有何不可儻有不敷具奏區處今本寺所稱賒買之說乃因襲之弊非祖宗舊制也

一禮部派辦御覽登科錄及黃榜等紙綾絹心紅等物俱係緊急公用誠不可稽悞但既有取到科舉銀兩合應查發該府給與舖行買辦儻有不敷自宜別處官錢決不當使舖戶預辦以致虧苦其鑄造金寶銀印合用火炭等

青湖文集卷一

置

料相應該府查支官銀給領舖行買辦亦不該虧負貧民

一宛大二縣每年三月清明七月十五十月初一日致祭無祀鬼神並立春合用物料俱係該里甲動支於舖戶無干合行革去着令該年里甲應時買辦

一戶部坐派包兒夫禮工二部坐派榆皮末及烟墨藥紙無名異礪砂松香等物并料造象璽酒漿七千四百二十擔不卽給價以致洗白

行陳釗皮箱行王經石炭行陳倫等含冤告訴看得禮部不係錢糧衙門猶爲可諉如戶工二部錢糧不貲欲爲區處似亦無難今後遇有前項不時買辦及禮儀房四季家火什物并樂舉不盡者各該衙門隨時斟酌或該奏請或該曲處務得全價以給貧民

一各衙門買辦有查革不盡者且不論革與不革但得領價民亦不累蓋君子甯費已之財決不忍傷民之力如不得價縱該年例亦爲病

青湖文集卷一

置

民夫事關乘輿堂上百里尙欲控告以惠元元今各衙門明知百姓虧苦旋轉由已況臣等題奏五次情亦可悲乃有視爲故事應以虛文者其不恤民瘼不憂國本亦甚矣伏乞勅下戮力奉公不勝京師幸甚

留用老臣以輔新政疏

竊見刑部尙書林俊累疏求去陛下亦累賜慰留不得已而尤其請且恩典有加是固林俊之高致陛下之優禮以臣愚意質諸道揆參之法守林俊固不可不去陛

下決不可不留何也陛下卽位以來起用賢哲恢宏治化林俊以累朝耆德首蒙徵召天下觀其進退以卜太平今一旦報罷駭人耳目其關世道非細故也昔成王在位周公輔政時則孚休有基鳴鳥已聞尙不許召公之去而懇切留之況今災異荐臻寇賊內訌而耆舊遺德如林俊者豈可使之去位臣故曰不可不留者此也法者天下公共之器雖天子亦不得而私至尊莫如天子之父論皋陶之法曰執之而已至親莫如帝之子一爲公車令所劾則不敢過司馬門況其他乎今林俊爲司寇掌邦刑執法不撓乃其職也陛下以一小人故而奪其職守是天子有私獄則刑部爲虛設矣且其向來執奏未悉允從大臣以道事君不可則止縱其遷延不去清議將不能容臣故曰不可不去者此也然則何如而可臣知林俊忠君愛國之心本非忮然欲去者也齊王欲留孟子授之中國之室養之萬鍾之祿然非所以留孟子也而孟子卒於去齊臣觀陛下之留林俊雖曰懇切再三尙恐不逮齊王之留孟子也而俊何可以留陛下若有憫天恤民之心爲宗廟社稷之至計則林俊

青湖文集卷一

聖

決不可使之去欲留林俊則當思林俊所以去之故而改之斥遠崔文仍下李陽鳳於法司重擬罪犯查舉林俊前後疏奏一一施行則林俊豈不願留而嘉靖之治可以竝隆於三代矣不然臣恐君子小人進退之機一決而天下之治忽從茲分矣臣待罪言官不容隱默觸犯忌諱罪在不赦但天下無事則言輕於鴻毛天下有事則一言重於泰山幸臣之言常輕社稷之福而臣之願也設有時而重焉則雖欲用臣言而復起林俊亦無及矣此臣所以深憂過計爲陛下冒瀆言之

青湖文集卷一

聖

奏爲乞恩改選以便養親疏

竊念臣有五弟皆不存父母在家非但侍養無人抑且悲思甚苦欲迎養親到京路遠不服水土臣自起用以來寢食在念因審舖行未完不敢陳懇每懷歐陽修戀守祿養之心未遂司馬光改判外郡之請犬馬微悃雖不願咫尺有違烏鳥私情豈能使方寸不亂查得京官求便養者例許改南臣於此例事體相應伏乞聖慈憐准勅下吏部改臣南京衙門以便迎養以圖報稱庶干慮之愚或因謀野而有獲一日之養當思移孝以爲忠

臣不勝感戴天恩之至謹具木親齎謹具奏聞伏候旨
奏爲遵典禮崇正統以安人心疏

近見南京刑部福建清吏司主事桂萼建議欲稱孝宗
爲皇伯考興獻帝爲皇考陛下卽以爲是又令文武羣
臣推詳典禮是固聖明純孝之情因感而發恐不合聖
人大中至正之道而欲止乎禮義也臣等敢不悉心爲
陛下籌之夫聖人制禮理勢參合而情行乎其中理所
以定天下之是非勢所以決天下之利害而情必順天
下之理勢理勢不順則是非利害紛然矣雖有私親之
情其能盡乎光武取天下於羣盜之手縱封其私親人
孰得而議之然而不敢追封上繼元帝後裔正以大統
所在已不得而私況人心思漢敷天左祖不如此不足
以繫人心不足以昭倫序不得已而屈情以信義至於
祀漢配天光復舊物高祖之神安於上南頓鉅野之靈
安於下其於公義私情豈不兩懼而近代帝王之孝誰
復有過之者乎當武宗之末造前星不耀震位久虛天
命難誥人心靡定自陛下繼統以來諸藩帖服而四海
歸向者雖曰倫序當立實由武宗皇帝之遺詔昭聖慈

青湖文集卷一

哭

壽皇太后之懿旨孝宗皇帝之深仁厚澤浹於人心
天下莫不愛戴陛下爲孝宗子以承億萬年無疆之業
今若一意私親不顧正統其何以慰孝宗武宗在天之
靈答昭聖慈壽皇太后擁護之意順天下仰望之心乎
臣等又觀哀平之世主何其弱王莽用事臣何其強然
各得封其私親莫之諫沮則桂萼所謂幼主強臣之說
不過欲離間陛下君臣之情而自爲希圖富貴之計至
於宗廟社稷之深謀畧未之及而徒貽天下之口實也
是非定於後世若不足惜利害切於今日誠爲可憂且
前次尊崇尙有過禮豈可復因異說再賜紛更伏願聖
明詳察仍乞將桂萼等重加黜罰以爲左道之戒不勝
宗社幸甚

青湖文集卷一

哭

患病曠職乞恩休致疏

竊念臣謬舉進士濫選翰林院出位妄言得罪先帝荷
蒙寬宥出知泗州幸逢皇上登極首被召命待罪戶科
臣之忠未及報於先帝今皇上之德又隆如先帝臣敢
不思所以報於先帝者以報於陛下乎臣父母年高獨
臣一子援例改南以便迎養重荷聖德俯從所請又推

恩典臣父母竝得封如臣官臣之孝未及盡於父母
今皇上之恩又深於父母臣敢不思所以盡於父母者
以盡於陛下乎臣到南京逾月而陞今職遭疫氣舉家
染病臣之父母又不能堪自後歸家惟恐遠行臣之夙
心尙有缺然此臣父母與臣之分俱薄而於陛下改官
之恩未能全受也臣到江西半載撫按衙門奉欽依事
理委臣蘇杭選驗段疋往來冒暑染患瘡疾牽纏難愈
今年二月初一日方得復任分巡南昌地方元氣本弱
復患背疾誤用醫藥毒氣內攻飲食愈減吞酸長作此
臣之才命與職俱窮而於陛下起用之恩未免有負也
臣思之居官債事非孝也忘親徇祿非忠也以臣久病
若此雖欲勉強就職如債事何雖欲耽延祿養如忘親
何伏望皇上廣起用之恩以寬不任之罰惟改官之惠
以察來諗之情乞勅吏部容臣致仕以全微命臣不勝
感戴天恩之至

青湖文集卷一

辛

青湖先生文集卷之二

序

贈凝齋王少宰先生奉使冊封序

凝齋王先生以耆德爲天官侍郎以公任人以正奉法
由是官方不擾賢愚並得其所四海均治臻於太和聖
天子倚任焉今年秋七月奉節之某府冊封或有疑之
問於予曰春秋譏冢宰來聘冊封之禮雖重胡爲分天
官之任以往予對之曰昔仲山甫式是百辟王躬是保
是以冢宰兼太保也胡爲有城齊之行誠以諸侯藩屏
王室疆維賴以鎮定寇攘賴以輯服遠邇賴以柔安職
貢賴以脩舉矧遷都立國之際都城廣狹之制自天子
出焉疆理中正之則自天子出焉人民土田宗理分括
之命自天子出焉宗廟建之社稷新之申之以侯度明
之以王章命之以名別之以器錫之以車馬圭璧而講
之朝覲會同禮樂征伐之典可輕之而以微者行乎今
聖祚萬年宗支繁衍祖宗立法推周家大封之恩行漢
人眾建之策是以王子能勝衣冠以上莫不掛印析壤
嫡嫡庶庶玉牒輝煌此冊封之命所以重也其視城齊

之行何如乎。僕以待語畢而已。色悟矣。雖然。山甫之行。吉甫告之曰。式遄其歸。蓋以保王躬。補衮闕。尤其所急。家宰不可久留於外也。今凝齋以少宰往。則有家宰在帝左右。或可以少紓永懷。此又天子善於用人。兩得之也。然未知凝齋之懷何如。凝齋若能適歸以復厥任。此又急於舉職。兩得之也。凝齋行。遂書以贈。

贈醫官諸德中南歸序

吾友諸德中。少有仙風道骨。從方士習元白之術。構室龍山之巔。鑿石爲壁。鑿泉爲井。脩竹茂樹。翳爲屏障。綠刻變幻。雖巧繪者不能盡其狀。下走鑑湖八百里。五月荷香。天風吹至。拂人襟。佩負三江。蜿蜒如白虹。雨霽晦明。觀偉而奇。予嘗與二三同志讀書其間。俯仰瞻眺。有脫落世慮。遨遊八極之想。及今滯京華二年矣。佳勝猶在心目。適德中以醫官入選。來京謁子。旅邸予方臥簾牀。有龍山之夢。聞其聲以爲夢。未覺也。卽冠帶出見。詢所以然。乃知蹤跡共在四千里外。憮然曰。子何忘龍山之樂乎。曰。樵不能登三山。漁不能入天池。身有庸家。

有調誰縱爾。逸與其編役於民。吾甯託抱關之吏。冀休老。僕所願耳。嗟乎。烟霞泉石。古人所取以謝俗者。而仍不能脫牢籠與麋鹿。比則宇宙內果誰爲閒人哉。予方羈一官。恨不能從德中歸。又恨不能薦之於上。使盡用其術以壽國脈。而徒憶龍山之樂。而未遂德中可能訂此盟哉。德中曰。僕之仕爲貧也。子之仕爲道也。旣曰爲道。則當以天下自任。澤未加於時。名未著於太常。光未被於故鄉之草木。何可以思退。予笑而不應。德中亦笑。若默會其意者。遂取酒盡醉而罷。翌日。德中受職來別。遂書以贈行。

青湖文集卷之二

三

壽陳母七十序

上虞陳母壽七十歲。外孫丁秉彝求言於青湖子。以爲壽。青湖子曰。夫壽德之徵也。壽人者必誦其德。子欲壽陳母。先稱其德。而後可秉彝曰。母以世家林氏。女適爲陳翁配。以勤儉起家。始以豆區釜鍾計粟。後雖倉箱比櫛。而輒杼不離左右。其事舅姑也。日僮僮然。甘旨要襍之外。無聞焉。其訓子孫也。日訢訢然。蕭瑟瑟之外。無聞焉。如是而已。青湖子曰。是婦德也。壽斯宜矣。昔余官

京師值太皇太后壽日勲戚大臣諸命婦覲妝象服鳴
夏金玉同朝於東華門外雲滌錦簇夾道俛視不顯其
光既而憐人敗露黨附駢伏根連璫貴向之不敢仰視
者奴執而屬將作矣及官泗州循行阡陌間見田婦裹
黍曳筐餉其夫而代之耨勞之以缶觴既而坐政堂論
俘囚有號於門外者進而問之乃前日所見之田婦而
其夫已入繫中矣由前而觀是富貴而淫者由後而觀
是貧賤而移者此皆愆素戾恆爽於其德者也若陳母
始終勤儉豐約皆宜婦德孰有加於此有弗永壽命而

青湖文集卷之二 四

享遐福者乎厥子曰達曰道皆能守其母訓並膺章紱
陳氏之福尙未艾若母誠可以爲家範者是故誦之而
使秉彝以爲壽

送湖州守張先生之任序

今天下之官勤撫字以恩畜民者莫過於守與令持風
憲以威肅民者莫過於三法司然而郡守古諸侯地位
尊而逾民遠施未易浹是以德化之外常輔以法恩以
倡令於下威以承法司於上其任兼也山陰張先生廷
賓以上饒令入評大理改御史今陞湖州守則恩威之

任歷而兼之矣有兼才者始可以當兼任先生之任兼
矣而才可不兼乎今天下之爲郡者劇治有餘盤錯不
挫則優訥守拙處務元靜以息民則劣攘臂就事風生
響應則優持謀審固從容爲遠大計則劣淵澄鑑瑩洞
察絲髮則優忠厚長者蒙小過以全人則劣鋤梗蠹紕
豪右以法從事則優溫柔寬裕使民不忍欺則劣楚儀
濟容神明以臨下則優質任不飾忠信以孚則劣有五
優無五劣天下之兼才而不難於爲郡也先生勉乎哉
潮之先風氣戾惡民艱於植生且有鯉魚之暴自昌黎

青湖文集卷之二 五

後風俗一變至今富庶甲天下號爲樂土以先生之才
而存尙友之心事半於古而功倍之矣先生勉乎哉鄉
之士夫厚望於先生者不嫌於外補先生方以任重爲
懼予言有足慰者於是乎書

送建甯府推官季明德之任序

明德第進士觀政禮部於國之儀制無不閱習而又盡
其餘力於刑書曰伯夷降典折民惟刑舉陶明刑以弼
五教禮與刑常相出入不可偏廢也故其於刑名最精
及得建甯推官眾曰明德可謂預於刑官矣予曰明德

之預刑官久矣不俟此也其爲人少號不羈甫弱冠銳志尙友乃以率履收其散漫規矩峻絕人憚其嚴既而年益壯歷涉益多然後泯圭角存渾厚人有過輒蒙覆之不以已之所概以齊物蓋至此而涵養始定有可以照物者矣使其爲理必能推致其情意在法外民手足有措地故曰其預刑官久矣若專任律法不過一獄吏職耳何足取哉嗟夫今天下掌刑之官內則三法司外則按察司使皆以無刑求刑天下甯有冤民哉然或畏上之督避下之謗甯故入無故出欽天下之平以徇人民之荼甚矣書曰與其殺不辜甯失不經先王之意蓋如此明德尙勉之哉雖然明德之爲刑官民之幸非明德之幸也古之君子尙遠庖厨以養其仁心况臨民上以制其死命乎然求其生而得之則已求其生而不得則惻然爲哀曰與其既犯而求其生之難孰若未犯而求其生之易他日大用必能免赤子之溺於匍匐之前者則刑措不用而禮教四達其幸以天下矣明德以爲何如哉明德欣受再拜衆曰非子相知不能及此遂酌酒與別於三忠祠下

青湖文集卷之二

六

贈廬州郡守向侯擢山東鹽運司之任序

鹽運司權利之官士大夫號清流者歎爲之向侯以名郡守擢山東鹽運司使人望甚缺予獨不然夫人能清官官不能清人使人果清則雖錢穀有司簿書期會日不暇給而不害其爲清人果濁則雖坐蘭臺石室淡然泊素而其濁自在濁在官不在人也清在人不在官也予聞向侯之治廬植正屏邪優窮惠衆伸冤抑剔奸蠹清節直操鬱著於時當道處之此官之得無意哉山東古青齊之地用鹽禁鹽皆始於此禹貢海岱惟青州厥貢鹽絺此用鹽之始管仲對桓公曰海王之國謹正鹽筴此禁鹽之始用者公於民禁者私於國公民者王私國者霸以後漢承秦法鹽二十倍於古唐劉晏爲鹽鐵使天下之賦鹽居其半利愈多而治益下然則利禁亦不在於太密也明矣向侯以治廬者移之鹽運不省不煩禁弛得宜必能惠商賈以濟國用天下之鹽運聞興鹽之地有如此者殆將一變其故習是官不能累侯而侯能清官也當道之意其在是乎哉同年張一中於向侯寮也公過於泗聞予言而然之遂索筆以爲向侯贈

青湖文集卷之二

七

送紹興府推官胡實孚之任序

新喻胡實孚授吾郡推官過予而問政焉予辭不敏不知所對實孚曰辱子年交承乏貴地子何以辭乃拱手而對曰世之言刑官者以法律精密利剖巧斷織文奏當不致參駁者爲最其存忠厚種陰德爲子孫計者則又概例平反冤滯不雪一失之察一失之縱均非中刑也夫德之有刑猶春之有秋不可偏廢是故輕重出入惟其自取而一任之以無私法也輕之不可而重之出之不可而入之慘於色而悲於中者心也心不廢法法

青湖文集卷之二

八

不廢心而仁行乎其間矣況用刑有易而難者有難而易者豪右恃勢迫脅凌恣獄積不決幾於玩戲威以憑之則偏賄賂交私是非倒置金銀生氣錢楮有神廉以靖之則沮此二易者人或難也迫窮戚而陷危亡苟於求活廉恥道喪白晝而剽大都嘯聚而遁山谷盡法以驅除之則不可曰胡乃濟閭閻蚩蚩潰亂倫紀以少屈長以賤辱貴溺於情欲而忘禮義家誅而戶戮之則不可曰胡乃訓此二難者人或易也存以心執以法而審難易焉其刑官也夫昔昌文靖韓忠獻爲推官時識者

以爲宰相才器實孚之行人將卜相也其毋忽吾言乎實孚左辟而拜請書以明履益開廣詢焉

三仙捧壽圖序

蕭君子儀揚之江都人世儒素君自幼樸茂好惠施士隱胥吏能於彌縫間出利濟於人入錦衣幾年以父翁家居久闕定省常憮然鬱鬱今年己卯翁壽七十某月日屆其誕辰乃迎至京邸率妻帑稱觴上壽館賓吳文萃爲之祝詞初祝曰願翁弗驚如岡如陵以享多福次祝曰願翁耆德保艾厥後不戾於行淑延世世三祝曰

青湖文集卷之二

九

願天降康四陲甯謐家室和平復我邦族祝畢翁喜而醉子儀告少憩翁轉却杖几登樓縱觀對客談劇神思飄逸子儀踴躍不自勝命工繪圖以識三祝託三仙人翌日捧圖求予言予惟子儀迎養亦任吾心耳初無擇於地也然自翁之來京忽有江右之變揚州之域民方戒嚴而子儀父子懽然一室古所謂孝道通於神明者不亦可信乎使其遲迎一月或遷延於道子儀之心必有大不安者矣予久離桑梓非無子儀之心而顧不易遂今得外補以便省親則亦吾之幸也文華閣子言將

辭子儀同予歸然則人子之心有不同然乎哉予因感而爲之書

贈靳大夫祈雨有感詩序

紹興濱海隅厥土斥鹵厥田墳衍水旱易爲民病嘉靖丙戌自四月不雨至於秋七月於時靳大夫署郡守事爲百姓憂避正堂減食徹絲竹潔牲饗禱於山川百神逾旬無應徵百姓彷徨走數百里求術家者流叢興祀事將以強於大夫大夫以色拒嚴以詞拒正人不散撓大夫積誠如初蠲繫折筭疏冤剔隱收流宄起阡危而

青湖文集卷之二 十

植之不遺餘力又旬日不雨議用術士者紛起勢殆不可遏軫乃貽書大夫曰無德不動無志不孚惟天不應在人惟人不信在恆術惡可用也昔魯僂欲焚巫尪君子譏之願大夫加意無惑乎人之言大夫曰俞情也惡乎可拂吾能順之而弗以攜吾中天庶乎可動也乃命占象乃命察氛不日而雨四境旁溢萬民懽呼更生或有告於軫者曰天道之不可知如是乎以大夫之誠視術士宜誰應者子之言亦不信矣乎大夫而聽子如吾民何軫曰天道至大無所不容無感不應感之以誠聚

之以精則君子小人皆可以通神明而格皇天且感有遲有速感之速者如大戊之祥桑如成王之風雷感之遲者如宣王之雲漢其尤遲者如堯之水湯之旱尤速者如宋景之熒惑大抵存乎精誠而術數不與焉今日之應又焉知不在此而在彼也大夫將聚民之精以動天也非用術也軫因有所感焉世之民牧者多泥於迹而不知轉移政是以壞使能由此而推履信達順崇正尙中因民之情而利導之則人和氣和而休祥畢至矣尙何有水旱蟲螟之害乎大夫在吾郡將陟考始終一節其不厭於天亦素矣不然豈足爲感通之本亦豈諸作者頌稱之意哉

青湖文集卷之二 十一

贈山陰令吳君述職序

國朝取人進士科爲重而其試用則或儲館閣或入臺諫或補外任要之職不同無不致其厚望之意館閣者則欲其道德彌中文華褻外以具廟堂之器臺諫者則欲振揚風紀發擿奸伏以廣朝廷之耳目而外補者則又欲其子惠元元諳練世故通達國體皆爲他日柄用之地然而不能兼也以故在內者或不習知民事而在

外亦多無暇於問學而能相濟以成通才者蓋寡矣吾
邑令洛陽吳君萃夫兄弟同舉進士兄曰受夫授南京
山西道御史萃夫初任汝上令以才優改任吾邑望南
京甚近故萃夫之撫字受夫之建白彼此得以相聞而
相規今皆以才望重於朝野而柄用有日矣然則朝廷
授任不能兼者二君子乃能以致情自相濟之豈非有
溢於取人之望外也哉嗚呼古之察友立朝有損篋之
義猶夫兄弟也九官之相讓周召之分治漢之丙魏唐
之房杜以寬嚴謀斷相資一唱一和以成天下之治今
之在朝內外者果能如古其人相親相濟則天下何患
無才哉然而名相軋則誠位相迫則擠才能相麗則忌
利之所在則曰天下之公也吾不可以後時害之所在
則曰一人之私也吾不可以出位推此以往則雖兄弟
亦可以相猶矣求如二君子者可多得哉余昔在南都
與受夫同爲言官則既知其人矣今以公便過吾邑則
又親見萃夫之政萃夫之政不能悉書監司能書之以
達於上而其政之所由濟則或未之知也故余因其述
職也有京師之行爲次其事以贈

青湖文集卷之二

三

贈紹興郡貳守斯君九載考績序

京師之民俗與四方異蓋天下九州之人相雜處海內
外之貢獻鬻販歲期畢至珍奇寶玩之貨充填里閭民
不見耕作而握贏資以故易富易貧富有所依憑貧無
所顧藉皆足以爲戮有司一弗能平則跳號以叩天闈
出自奴以相脇逮繫者無小大皆欲謫讞經歲月不解
四方則不然京師稱四方之極首善之地此風行於上
者理之常也其奢縱豪黠出沒變幻治之者因而節目
繁多以存形迹則習成於下弊也士大夫生長都邑而
試外任者欲以所習見者治之難矣斯君世爲京師人
初貳吾郡一至卽能延訪士俗以民情爲治歷任九載
凡三易守前後親印綬無慮三數年罇一劑量以濟未
流倭夷卒至城下衆心洶洶或勸擁衛之以爲功君惟
嬰守以困之閒出諭且撓旬日底定否則役惜軀之民
以攫窮寇其所軋多矣他郡有難事上司不遂決者亦
以委君往來台甯之閒無虛歲江西變起提兵常山控
要害沮賊鋒爲衆率先不銳不惰全師以歸尤可稱述
君以正德丁丑被命余時已第進士會於京後余調泗

青湖文集卷之二

三

州復戶科改南轉江西每過家而今又致仕與君相接最久而知其政實深故郡縣三學訓余當贈以言余以君之清苦才幹俱優人猶及之而其因俗以治不立異行不求蜚聲爲難也近時欲舉久任之法而未能通若君者可謂久任矣其有能告之銓曹者乎

贈紹興郡守南侯受獎勸序

聖天子卽位之二年皇皇圖治稽其理天下者曰惟良二千石於是關中南侯以地官正郎領命出守紹興於時青湖汪子爲戶科給事中載酒般將之都門外南侯

青湖文集卷之二

十四

揖辭而求言焉汪子左辟以齒以賢以官末諸鄉士夫而進曰敝地之民困於治久矣願侯以不治治之旁有議者曰不治之治王者御四夷之道以之治郡恐不宜汪子曰不然余所謂不治非不治也不過治也天下之治曷嘗不以過治而敗明過則察察則詭緩過則縱縱則弛奮過則猛猛則攘文過則煩煩則僞更張過則擾擾則亂隄防過則迫迫則潰繩檢過則絞絞則殘憂勤過則勞勞則傷此皆過治之弊也漢劉龍爲會稽以循良稱今之治郡鮮能加焉然求其爲治之迹不過曰民

不見吏犬不夜吠而已不然則柳宗元所謂旦暮吏來苦小民爭持牛酒以勞吏之不暇者何安之有南侯欣然首謝而前及爲政一順其自然吏民望作爲以自培植者爭言不便侯亦不以爲意於時汪子改南迎養歸嘉侯之政而惜民之未孚也三見侯而無一言侯疑而復求言焉汪子對如初侯志愈定閱數月政成上下始相信於是清戎御史陳君德鳴命有司以禮獎勞於時汪子承乏江西僉廉訪事便道歸謁侯大觀堂見所書遠期篇於壁乃向之言不便欲有以撓侯而侯作此以

青湖文集卷之二

五

見志者於乎天下之事難於謀始也如是哉翌日山陰令吳君瀛求贈言爲次其事且有所規焉夫治之始也不可過於求而其終也不可不及於求始之氣銳而終之氣易衰始治之不可過者治入之道也終治之不可及者自治之道也天下之治必不過於治入而後爲之順必過於自治而後爲之大順

北園話別序

北園者吾友朱守貴讀書所也守貴既舉禮部矣以外艱回讀書於北園從遊者日衆迺就業其地而羣樂之

歲嘉靖乙酉冬閏月將赴明年臨軒之對於是進諸弟子而爲之別曰二三子吾行有日矣顧子何以贈我而後可以處爾其長者避席而進聞之君子居是國也其君用之則安富尊榮其子弟從之則孝弟忠信夫安富尊榮與孝弟忠信一也惟先生以所與諸生者爲吾君他何以爲贈先生曰嘻有是哉古之善教者有三道德充於中而事業著於外使人聞之也如弗克見之見之也如弗克由之是之謂孚其未至乎是也如慈母之於水火勿使其子近之其至乎是也如農夫之於稿苗而

青湖文集卷之二 六

求以雨之其不與也非吝而與之也非強是之謂因前乎楊墨今歸而儒又去而不然而皆有以與之是之謂不拒是三者果有於我乎吾之所與二三子者果何以爲吾君而成安富尊榮之治乎古之善學者亦有三顏之愚曾之唯有順無逆如天運於上而列宿隨之如時雨之施而萬物應之是之謂悟未聞也不先於已見既聞也不惑之於眾說如蒼如龜如子夏之於夫子是之謂篤信甯舉之弗勝也不程其力甯行之弗至也不程其勇前有聖後有狂如水之趨如猛獸之逼如

曾點之志而孟子之學是之謂不遺是三者果有於二三子乎二三子之所以與於我者果可以爲其身而成孝弟忠信之德乎二三子以我所與者贈我而可也則我亦可以二三子與於我者而處二三子矣其於古之善教而善學者如哉諸弟子咸拜稽首曰敬聞命矣守貴之在北園也有十景詩諸弟子乃各次韻以贈並其所處之意以告於青湖子爲之序

風亭別意序

青湖文集卷之二 七

大庾劉君相從父司教於處之宣平自宣平走吾越凡幾百里受業於吾父汝壯景暘之門處之士子應聲而來者五人歲暮辭歸同門者送之蓬萊郵亭於時寒風撲人若有爲留行者眾相顧慨然各出所作曰風亭別意請予序諸首簡子惟世之師於人者有三習揖拜分句讀八法以規其書四聲以諧其言是爲童子師釋訓詁習槩指因勢利導以會其通批亢擣虛以盡其變是爲舉業師蓄以蘊之舒以發之昌以大之純以篤之是爲道德之師夫今之所謂童子師者固已非古一事舉業或併其習於童子者而棄之至有慕道德者則又懸

空其心迂闊其所行必弗合於世以爲高是三者皆失也道德不在二師之外教之灑掃應對之節六藝之文以收其放心養其德性是童子之道也幼而學之壯而欲行之孝弟力田博學宏詞無弗可入者是舉業之道也惡有居今反古求諸民生日用之外而後爲道德哉諸君遠從師遊蓋必能識此者用僭書以詢之

贈南侯述職序并詞

青湖子放舟湖水之曲顧漁父汎然與鷗鳬上下而問之曰漁可樂乎對曰無可樂吾日與烟雲同出夜與星

青湖文集卷之二 文

露同歸饑攻乎內寒攻吾外不得已而老於漁何樂之有然則誰爲樂曰得志則樂誰爲得志爲民上舉職爲得志青湖子肅然而進之曰請言得志之樂漁人曰老人不離汀渚不見朝廷他官不及知知吾郡太守樂耳太守不躬細事任職諸大夫諸大夫未嘗觀其人但聞其任之清戎而尺藉明不以生人走野莽妻不別夫子不別父任之修閭而游徼晏海戍不夜紅黑白彈丸不壓里閭任之均輸而料量平牛車背負纒屬以實公園而民得食其什一以上任之推鞠而獄訟理強宗豪石

請託不行民冤抑有控而不壓園土太守曰無事方闕

稽山書院授生徒夕入大觀堂窮覽載籍爲文章職不

自舉舉之人志不奪於人得之已洋洋然熙熙然不亦

樂哉語畢晦其姓名鼓棹而去青湖子曰吁此必隱士

也樂而不自知忘之也知太守之樂樂其樂也其言得

志則樂微矣哉蓋人生天地間或躋華要或處寂寞顧

其志何如耳志得則達由是窮由是不得夫志則富貴

貧賤皆戚也言而不盡者謂我也將因以告夫太守洎

諸大夫也太守者闕中瑞泉南侯也諸大夫則古燕靳

青湖文集卷之二 九

君貳守也淮陽陸君別駕也□□高君節推也侯爲紹

興政惟總其大綱諸大夫分理之侯特可否其然不然

衆職既舉功誰尸之歸諸太守太守不能辭也嗚呼自

大道之隱天下爲私世之爲治者必欲功自己出往往

上行下職心曰勞而政曰拙矣其能得志而樂者幾何

吾於漁父乎有感歸而紀其言以告於太守太守曰嘻

有是哉告於諸大夫諸大夫皆曰敢不拜太守之嘉太

守朝於京師諸大夫請書此以贈爲書之又取漁父之

意而繫之以詞詞曰

雲明海石鏡湖開人在越王臺倚遍闌干四圍屏障何處是蓬萊 王麟掩映朱轡去天上幾時回綠入汀洲 樵風正便應共早春來 右調太常引

贈東溪孔大夫考績序

東溪孔大夫將考績於京會稽令王子道脩微言於余余曰大夫三任吾地吾知其政矣大夫初判杭杭民自前□以來諸種雜處不務耕作以販鬻爲生貧富不常故大夫之在杭也一以農桑爲急旣而擢貳湖州湖則蠶桑殷富甲於諸郡而頻年水潦蘊崇頗怠故大夫之

青湖文集卷之二 三

在湖也尤以農事爲勸無何以外艱去復任吾郡吾郡則農桑無遺力矣而民多貧大夫曰事於民者責之民民事盡者責之官故大夫之在吾郡也惟以寬歛省刑清心飭己爲務比室不聳民是以懷感曰大夫聖人後也有不獲我所者哉夫天下之不同者俗俗之不同者勤與惰也儉與奢也勤則不奢惰則不儉而貧富因之物之情也戾其情者害未去也大夫三任而天下之俗盡之矣終始一心而天下之民懷之矣何難乎庶官何憂乎乏人庶官不難不得職也乏人無憂上得任也職

任無墮上下同濟治道亨矣且吾聞大夫天性孝友屢以母老乞休不遂輒愁歎雖遣妻子歸養而終日皇皇如求弗獲二弟儒困盡以俸餘資之近廷詔應貢來喜動顏色曰吾今可以祿養付諸汝而求吾志矣大夫素癯而頓華樂天倫也觀治者於其家求忠者於其孝大夫之政有自矣今天子端本宏化協和萬邦明試之下其必以治行兼隆政善並美者爲最然則大夫其人哉王子曰可以書矣書以贈

稽山集序

青湖文集卷之二 三

稽山集者蕭山魏廷豹甫寓稽山集也廷豹何以寓稽山從陽明先生遊也廷豹年長於陽明何以知從陽明遊廷豹文靖公之孫文靖爲時名臣世有述家有考宜其好學不倦知所歸也集惟詩凡若干首諸體略備其風格古澹用意雄渾多擬諸陶杜夫晉人詩莫過於陶唐人詩莫過於杜廷豹之所取法尙矣而有自焉蓋有士行宜乎其有淵明有素預以來宜乎其有子美世有述家有考古今賢達之所以多賴也廷豹之詩吾雖未敢曰陶曰杜然而晚年從師其進殆未可量陶杜人品

自高使其在當時復得師友之功則其造當不止此而其詩且追風雅而並驗矣陸象山曰陶元亮杜子美皆有志吾道蓋其望之重而惜之深也然則是集也豈徒以其詩而已哉

雷門草堂後序

五年余自江右致政歸屢過馬君之雷門草堂憩之終日或問曰雷門非靜處也馬君何以扁其居子又何而樂之余應之曰馬君舊居雷門非擇爲隱所也舍南有屋數椽就之以讀書非託爲疾徑也屋旁隙地雜豎花

青湖文集卷之二

三

石非競爲名園也前有水橫木以度更有地可半畝許竹樹陰翳澹一小池畜魚以自觀日取以奉母時以祭閒以供賓此則馬君之所意會也問者曰水石花卉皆草堂所有何獨意會於魚曰淵明賦歸去來飛雲還鳥流泉榮木皆其撫弄而今古稱其所愛獨在於菊然則菊也者淵明之所以逸於世也魚也者馬君之所以遊於世也夫魚潛物也性愚而信化則龍而神飛於天而於天下其施普也然魚聞雷始化則雲雷隨之矣馬君世業儒厥考文達公□□鄉貢官□府教授馬君思

繼其志而素抱忠愍故以魚自況若曰得時而化吾將龍其功以雨天下不得時而潛吾將守其愚變其孚奉母孝也賓祭禮也時觀焉適也以是可以終身且以俟夫化我者故有取於雷門而余亦樂其非長往者也故嘗過之以寄吾之興因得以請教焉問者曰其然其然馬君聞予言請書以後諸作

慶杜靜齋先生八表序

夫人生於下邑者以不至京師爲歎旅久於外者以不歸故鄉爲恨靜齋杜先生本嶧人隸籍錦衣生長輦轂

青湖文集卷之二

三

之下成化丁酉領順天鄉薦歷官州守所至有惠政甫致仕仲子民表第進士爲御史先生以其恩進階奉直大夫既而以言事譴復編戶先生從之歸於嶧向使先生不隸京籍不生京師縱其出仕必不能習觀都會人物之盛宗廟百官之富濡染列聖淳龐之化之深其子不爲言官不以直諫其休老必不陟五千里歸與其宗姻道其故舊之情埽其墳墓還其田園之樂夫人之所歎恨以爲不易得者而先生皆得之噫異數也今年八十歲六月十二日迺其誕辰伯子民章自京師來率仲

稱觴以余年家且戚而屬以祝詞余謂先生之壽由其
自致觀其號可知已其聞命卽行獨持數篋書僦居貧
食平生之俸入盡於此其操可知已仲不尸官伯不忘
親其訓可知已故余述有詳略而祝之曰令德不忘壽
無疆邦家其昌不隱其良詒其康不坳其光永惟鄉人
之望

送龍游分教員素陳先生致仕序

先生閩人也貢起分教龍游未幾解而歸當道重之道
復任去志不變客有過之曰宰相道不行則去諫官言

青湖文集卷之二 三

不行則去百執不得其職則去予爲儒官無政刑之寄
又無言責高拱而以禮讓深居而以化率食祿以頤其
家嘉政厲民之謗不聞也子何以言去先生曰不然天
下之曠其職莫有過於儒官矣自宰相而下道以格心
政以範俗禮以息爭刑以彌敎皆各以職舉而致之上
下雖不得盡行其志無以故應而文具也儒官則以敎
是司敎之道何道也其本則在於人倫其文則在於禮
樂與夫聖賢之書其施則自宰相而下以至於百執事
凡可以匡君而益民者萃其責於其躬今之司敎者能

以是自任乎將以頽隊行而識晨昏乎吾不敢知也且
吾才褻學庸志行鄙劣不足以爲人之楷式夫人才之
用於世猶器之資於人也犀鈍縹素廣窄堅脆惟其所
適以周無窮而其權輿則有所模司敎之官其職雖卑
其模不可不慎也僕誠不肖亦嘗聞敎於君子矣敢尸
祿以速官刑客曰子之志則高矣得無矯激以沽名乎
先生曰君子之所處從吾心也吾心之所安卽天理也
吾心之所不安而爲之是故不免乎矯激沽名之譏矣
吾心安矣迺與人議已而不爲是亦不免乎沽名也吾
之去不去顧吾心之安不安耳何預於人而子以尼我
乎客方有事進取恍然如有所失乃相與瞻桐江之雲
而歌之曰桐江滔滔兮千古不斷秋雲高兮桐山峩峩
兮朝燕暮楚君何如兮歌罷飲醉而別張子器以告於
我將以求文以壯君之行余故述其語與歌而又和之
曰武夷之曲曲有九兮君歸幾曲爲君有兮縣名長樂
樂更長兮那得此縣爲君鄉兮

賀紹興郡判洪侯榮贈二親序

人倫以孝爲始孝以舜爲極夫子稱舜之大孝曰德爲

聖人尊爲天子富有四海之內夫孝在於善養德至於聖善之善也又何以富貴爲言哉使人皆求富貴以事其親志斯外矣蓋以善養而不以祿者在父母之心則可若人子之爲親則無所不至特以在天者不可必而在我者可以力盡焉耳至於舜內盡人之極外盡天之極是之謂大孝今上卽位以孝治天下推恩臣工蓋欲以舜之心爲心又欲天下以一人之心爲心以躋皇極而明大同於乎休哉洪侯藻塘旣判吾郡矣以前令祁門考最例贈二親如其官君子曰藻塘今日始可謂孝

青湖文集卷之二

三

而其心終有所不遂也或者疑之曰藻塘立身不墜居官不斂獨非孝而胡今日始可謂孝旣孝矣而吾心有不遂曰藻塘豐才沛德蘄然頭角而急就儒官者其志謂何今位漸通顯榮及其親故在平日者其本也在今日者其全也豈不謂之孝然而風在木矣音容不可作而豆區釜鍾飽其妻孥故其心終有所不遂也子不觀諸制詞乎於其父曰慶流厥嗣祿養乃違於其母曰敦子能官而不逮養藻塘之心聖天子且知之子獨不知乎疑者始釋然曰唯仁人能知仁人唯孝子能知孝子

之謂矣

送藻塘洪郡判擢潮貳守序

吾郡諸侯一時相會四爲閩人太守西淙洪公與劉藻塘公又同姓心交志孚兼以鄉誼宗情中表無閒故事有緒謀有成民實賴之旣而西淙公以績去之京藻塘公以遷去之潮民皆嗟吁而相告曰績去者尙有來思遷而去者弗吾及也後來者其賢未可知又安得望如今日之無貳也應軫在缺畝聞而有感焉唐虞之時九官相讓濟濟穆穆於韶鳴鳳儀之中綱縕泰和普天同化降是而下不戾則比不徇則孤几席而分秦越蜀洛而立戶庭奈之何民不厭且庸也諸公之相植也適其不相攜者不偶然也諸公皆時英偉以公平爲心是以其鄉也以和其非鄉也其宗也以和其非宗也寬嚴相濟得古人當官之道若有橫於其中則嫌生於近怨生於恩有不勝其紛拏者矣於乎誠得以諸公之心而推之天下使四海爲一鄉萬姓爲一家九族爲一身豈不有助我皇上大道爲公之治平山陰郡之首邑藻塘之行也劉子當先致贈言而屬之余蓋欲徵訪民也迺爲

青湖文集卷之二

三

之書

贈洪藻塘序

藻塘洪侯判吾郡甫三年擢潮貳守軍民徬徨不忍其去或有問余者曰侯何以能得人心如是也余曰子試言之曰侯初司教金華講藝之暇兼得民俗既而令祁門遷吾郡地皆密邇以茲諳練至有惠政若朝燕暮楚語服頓殊未必若是之孚也然今之潮也得無異乎曰潮尤易耳侯漳人也去潮纔五百里商舶往來日集侯以幼所習識治之夫何難曰子得其顛未得其本也

《青湖文集卷之二

无

夫爲政之道皆從心始心乎民則凡所施者皆公也故難有所不辭謗有所不避民惡得而不感不心乎民則凡所施者皆私也故所以求名者愈巧而愈拙所以自衛者愈深而愈露民惡得而不怨侯之心在祁門則祁門治在吾郡則吾郡治今日之潮亦惟益慎其心而已否則治祁者不可以治吾郡治吾郡者又豈可以治夫潮哉且民情欲惡雖之夷狄亦不相遠是故先王之政敷之以皇極歸之以大同生之也而天下不瘵節之也而天下用裕戒之也而天下休穆董之也而天下凜凜

夫豈以賓衛綏荒而有殊於句服也哉問者不待詞畢而已釋然曰唯唯明日士夫送侯之行有以余言告者曰可以贈矣遂命之書

文衡贈言

嘉靖甲午值大比之期巡按侍御張當監試先事謀諸藩臬諸公精選諸有司以執事兼閱墨卷而吾郡推見吾陳侯與焉人有疑曰張侍御治春秋經今歲舉首必崇是經矣見吾爲閩中雋以春秋發解正當侍御公意必爲侍御公專委以取士也春秋諸生實惟賴諸余曰

《青湖文集卷之二

无

不然侍御公以公道爲朝廷將惟才是掄見吾以誠心待知已將惟公是從必不若是之狹也使春秋有人固不引嫌以闕其進苟他經有人決不徇意以之軒輊且見吾初治易後改治春秋侍御公亦聞其博觀羣書況六經乎其以一經自占者時制也非有所憎喜於其閒也春秋賞罰天下之諸侯與夫善善惡惡一以無心處之二君子沈潛日久則其所得豈不深厚而況以人事君又人臣之大節二君子豈肯以一毫私相任也哉見吾自下車來諸士雲集分經論難各有啓發及爲提學

徐委考外縣生儒則不問從游與否而優劣上下稱停不爽如祁奚之薦人惟可是舉如孫武之用兵惟服是棄風揚水飛而秕礫精鑿不相混雜其無私心亦少見矣而又何疑焉擬著詞訥而色未俞又采物色既定時論翕然稱服始以余言爲不謬見吾歸任寮屬以得人進賀賀不可以無言會稽則屬之余乃悉次而爲之書

賀山陰邑侯望岑劉子旋任序

我朝用人之法實兼有虞漢唐之制而行之三年一朝覲朝覲之後繼以考察於是乎幽有黜而明則徐陟之

青湖文集卷之二 三

是卽所謂考績也莅官爲始每三年一考於是乎明有陟而幽則徐黜之是卽所謂考課也吾邑侯望岑劉子考滿之期適與朝覲會民懼侯之弗來也曰考察去者其位當補侯之資又當陟陟則去吾民將若之何旣而聞侯之來也又相與懼曰考最復任行當欽取侯雖來亦不久將若之何有解之者曰吾民之心無厭而分有限今遭歲歉炊桂爨玉山谷中人棄妻子而併食有乞於途而知禮節者皆執綺之裔此何時哉得侯來一日有一日之惠遑計其他青湖子聞之曰善哉劉侯之得

民也而豈其心哉侯之於民也蓋將浹於深痛被於永久而與民相忘於無事不意以其時也而使民懷然其名赫然司衡者又將奪之去而使其惠之不能終是豈侯之心哉吾懼侯之欲終其惠也而有躁心焉躁則無從容循習之謀又懼侯見民之皇皇也朝發而夕妥而有溢心焉溢則無博厚遠大之計皆非善之善也乃敢逆侯之車而書以規規則賀矣

賀會稽王大尹獎勸序

近山王君以英年敏質莅治會稽甫下車百廢一新余

青湖文集卷之二 三

懼其銳也嘗欲貽之以書其畧曰天下之治每患於聰明之過而蒙昧次之世之咎夫吏者識不給也才不足也強幹卓立不逮也未有以聰明爲患者殊不知聰明短者其害小聰明過者其害大愚者作事不敢自是人得而譏之民得而辨訴之上官得以理論而法禁之毒未痛而流穢不長也惟夫聰明自用不恤人言利害得失舉不足以動其心民以爲病彼以爲恩民以爲收彼以爲功愁苦呻吟之聲不以聞而譽口載坐其有微諷而切責之者不怒於言則怒於色矣夫是之謂辟辟在

庸人未足憂在於賢智則深可憂是故傳大學者至於治國平天下始有所謂辟之爲害此聖賢德成之戒也書未及上而觀君之政曰便於民蓋吾之所慮者君已知之而其所欲告者必有告之者矣吾何贅於言遂不上旣而巡按王侍御勞君曰年少而老成任淺而子惠蓋其始也亦有吾之所慮者而今可以無慮矣庸書以爲賀

贈白谷王先生復任會稽序

嘉靖甲午冬十月會稽邑侯白谷王子道脩將朝於京

青湖文集卷之二

三

師邑庠師生徵余言以贈行余以古之述職者曰歲事來辟告之曰水沴爲患流移者眾冀其聞之於上以溥恩卹逾年春三月白谷將復任於時當路省風大加興發民之困窮一蘇豈白谷啟心之效歟抑理有固然事有必致不相詒而契者歟余方淨掃一室坐觀宇宙志未行於時而喜其言之得售也若有所得適有知者過而曰振飢不如無飢救荒不如備荒白谷將至矣子當有以進之余曰責備賢者不能小康子言誠然然得於外者不若動於中勤於官者不若恕於家近聞白谷便

道歸省開重慶之堂享天下之福豈不曰天之所以福我者如此吾今有民社之寄豈可以不廣天心盡厥職以福吾民哉會稽之民父子不相保者有矣而況能及王父母乎而況能相聚一堂天祿荐至無戚戚之懷者乎白谷志於濟世百同不足以騁歷涉旣深民事已熟而感動推行之機殆必有不待言語而圓妙者矣古者三年耕必餘一年之食九年耕必餘三年之食非餘之於官餘之於民也白谷爲政果將何餘哉

越望亭集序

青湖文集卷之二

三

世以醉翁亭記遂謂賢達之意在乎山水之閒未也禽鳥之樂卽人之樂人之樂卽我之樂以萬物爲一體此則六一之志隱然於言外也篤齋湯侯越望亭之建其亦有志於斯乎亭之舊址本范蠡飛翼樓將以壓吳唐入改爲望海亭侯曰歷吳者不平望海者不廣皆非所以施於今也吾以越爲官則望當盡於越環越而處者咸有望於我也乃更今名其誰曰不然時與賓佐登斯樂斯起而四顧則凡山川草木蟲魚鳥獸潮汐吐吞雲物變怪與夫帆檣與馬田疇井廬梁間耕農樵漁牧

至於老幼之嬉遊冠裳之往來歲事之豐歉民情之苦樂夷獠之出沒烽烟之守禦無不在目而興革宣節之政因得以脩焉民惟恐侯之不常登斯亭也或曰侯之政在民事堂此蓋一時之適也觀侯之作以蘭亭自許可見矣曰此卽六一託於山水之意也古之臺榭無非爲民後之觀遊無非爲已侯必有所擇矣諸作和侯之韻燦然成帙要其大旨亦不出此

壽秦太夫人八表序

青湖文集卷之二 壽

夫年至於期頤可以爲壽乎曰未也官至於丞弼可以爲貴乎曰未也人子之心莫不欲壽其親而祿養未及子之心必有所不足也故祿不及親未可以爲壽親之心莫不欲其子之貴而功施未光親之心必有所不悅也故道不揚名未可以爲貴大中丞與湖秦公以嘉靖丙申巡撫江右百僚率循四境不聳而太夫人周榮壽在堂賢胤遠勝明年壽八十歲安於祿養不以遺公之懷福萃一門澤洽萬姓謂之曰壽與貴夫豈不可昔蘇子瞻自幼領程太夫人之教以范滂自期後果與弟子由通顯於時才名節義爲後代仰程與老泉怡怡暮景

亦若太夫人具慶於五年前者以公方之夫何忝若夫和靖名行全矣而祿善未之兼士行爵位崇矣而怙恃偏之蚤皆有所不逮於公也公方以碩望入相而本朝存問之典將於太夫人有加則夫所謂期頤丞弼爲世具瞻蓋將銘之太常勒之鼎彝以昭示無窮也公簪筆時應軫正備諫員及公按江右又適僉憲事今又入綱維中若有缺於祝詞者是以於三司寮友之命不敢有違焉

贈愚谷李先生擢南國子司業序

青湖文集卷之二 壽

嘉靖乙未冬十月愚谷李子董學江右聲蹟騰遠邇銓曹以最聞聖天子曰俞惟茲南雍尙賴表儀乃以白山倫子爲祭酒而司業屬之李子二子皆天下文章第一人妙選也李子有期於余將告之以舊政及余至則行三月矣寅長南溟張子輩告余曰李子以君命不能俟子其所望於子者厚矣子盍以文先焉必得其所欲告者而吾同寅贈別之意因以紓不亦可乎余曰唯唯余惟李子先任吏部吏部則用人之司也用人當有所儲外儲莫先於小學內儲莫重於太學士由小學以進於

庠序而入於太學則教之事畢矣由是而登於司徒名
藏於天府而待銓於冢宰則用之伊始而其教者之善
與否將於此乎并考故用人者易教人者難李子知其
易而又知其難則今日之所以處其難者將無所不用
其心而他日之所以處其易者益加詳慎而不敢輕矣
聖天子簡任之心不亦慰矣乎司業之官建於隋大
業三年蓋取諸樂正司業而名詩云設業設簋崇牙樹
羽然則業樂具也唐虞教胄子亦命夔典樂樂何專於
太學乎蓋人自蒙養之時收放心養德性繩趨矩動而
所以立於禮者備矣至於成均者成於樂也和順於道
德而理於義也是故聖王之建極禮以定天下之中樂
以宣天下之和頌聲作而人文休明而治道茂以加矣
李子勛之哉倫子余同年友聞余言而有感焉得無一
乃心以圖厥職乎是又一要道也

壽南京大司馬鳳山秦老先生七十序

代巡撫
秦公作

南京兵部尚書參贊機務是古之留守重寄也鳳山秦
公再膺是任於時爲嘉靖丙申公年已七十九月十一
日逢其誕辰某思公鎮撫湖藩珍平猘夷帷幄諸司洎

鄉士大夫欲紀公績乃貌公出師指麾之象而書命勅
於其上以烜久遠某別公凡幾年矣不知公貌如舊與
否而勦伐則益隆倚毗則益切民之仰公惟恐一日不
登廊廡而鵬霖雨也某以舊屬更叨以年資濫竽拊循
江右地相密邇顧所至氓隸尙以生祠祝公壽祉某容
無辭哉某謂公之會計在地曹文教在中土敷政在青
齊而兵機將畧則在封邛邲桂皆所不必言也家食數
年起復尙書加宮保蓋前後歷四部而典今職議者猶
以爲不厭人望是大不然賢人君子顧用之有益於世
何如耳周公內而召公外無隆替也吉甫將而張仲相
無重輕也況我朝之留都與漢唐不同漢之西京唐之
東都皆與世代遷不相關轄我太宗皇帝駐蹕燕京控
制北虜爲萬世慮而漕運則取給於江南故兩都若表
裏然居守不得其人不可也是以六部之長北則重銓
衡南則重參贊往往相爲轉任豈無意乎而公之北上
有日矣昔白樂天劉夢得皆有詩寄贈留守裴令公或
陳其勲業動人或述其故吏見愛某恐非其人也然而
辱公之知則感悚一也某何敢後於二賢哉

贈玉泉張侯受獎序

玉泉張侯治吾郡有鄉校之士問於余曰張侯知吾子
吾子亦常稱侯之善子視侯何如曰侯之操莫吾猶之
至於不厲刑而民肅然則非余所及也余守泗時年尚
少好名務奇故所爲過激而民多貌從雖繁刑無益也
侯歷涉久矣澹於世味事惟自盡不顧譽毀民見其持
不阿爲不撓自不敢犯亦何藉於夏楚哉清白一節未
足以盡侯之所長也問者曰前守洪西淙湯篤齋皆以
課最擢去侯視之何如曰篤齋勇於立功所建宿間違
衆議而獨任之長隄一夕入海而意不變侯於此亦不
能過至於節財以裕民則無以加於侯矣西淙寬以待
下有過犯輒以情恕一繫風俗則不貸侯足以方之而
諸司奉職則於今爲尤謹耳對川王侍御按吾浙賢否
不爽首薦侯而加獎焉其得激論之公平乎特恐侯又擢
去而繼侯者難其人也掌衛成君鼎臣求余言以贈侯
遂爲之書

贈上虞鄭尹新城序

凡天下府必有城縣多無城蓋恃府以爲固也況吾越

青湖文集卷之二

三

青湖文集卷之二

三

城乃范蠡所築規制完密自古難於攻越人賴之數十
世矣故外縣鮮有城者上虞舊有城元末方國珍所築
國初移置臨山衛正以有所恃而不加之意焉耳嘉靖
丁酉莆田虛亭鄭君子馨以名進士來莅茲邑首以保
障爲務逾年政成卽以城議上之巡按傅公郡伯湯公
皆曰可財取諸冗食者而官不費力取諸槩縣而民不
勞龍見而起日至而畢而不妨於時繙章咸喜以爲他
縣之所無者兩溪葛大理之孫焜業於君門下以其祖
命來徵贈言余因聞君之事而樂道之乃不辭曰王公
設險以守其國山川邱陵地之險無容於設所可設者
人之險城與塹是也周宣王時仲山甫至輟相事而城
齊則城亦國之重事也齊桓之城邢晉文之城周最爲
得義聖筆皆特與之宋晁仲約守高郵爲賊所刦以賂
免富鄭公欲抵其罪范楚公則欲寬之以其無兵械也
況無城乎然則州邑舊固不可無城也春秋於內城雖
義且時必書重勞民也今鄭君之所爲乃如是其真得
設險之義哉其真得春秋之旨哉故下可以爲民賀而
上可以告於天子以推城齊之恩中可以告於方伯以

恢桓文之功君之政固不止此觀此餘可見矣否則當自師矣是爲贈

樂律管見序

律呂新書作於宋蔡西山氏紫陽朱夫子又爲之訂正吾以爲此書出於二大儒之手後學無可異議國家欲作樂宣化亦當考據而爲之今黃子積慶分教於嵯暇則肆力於律呂不泥漢儒成說直以天地自然之理數求之吾心上下數千百年閒要得所謂聖人制作之妙者久之集成若干卷題曰樂律管見出以示余余始而

青湖文集卷之二

罕

駭且疑旣而讀之數過漸覺有理其言黃鐘分寸數亦自實至論旋相爲宮之說以居有常尊非臣民可擬尤爲有見足以自立一家乃知禮不必求諸萬物散殊於天高地下之閒而吾心中之森羅肅敬者有自然之禮也樂不必求諸合同而化於流而不息之後而吾心中之論倫易直者有自然之樂也然則黃帝之所命伶倫之所造后夔之所典季札之所觀鳳之儀獸之舞莫不有默契之妙夫豈可徒以器數音節求之哉黃子之書吾固不能知其果得律呂理數之真與否願與四方有

志於禮樂者諗之務得至理而合自然則天子中和之極庶幾有助而古先聖王作樂功化之盛可復見於今日矣此殆不可以輕視也

壽梅園馮翁序

梅園馮翁年七十七歲厥子德容敬叔甫授滕縣令歸迎養適值翁之生辰賀客至客未觴敬叔而先壽翁眾以余有一日之雅屬余言爲無疆祝余惟翁初居闔閭而富於貧遇人有急不吝千金以濟之旣而厭其囂塵更卜築於彭山之東牆角水濱多植梅花以自娛風烟

青湖文集卷之二

罕

雪月必攜酒一壺對之飲若羅浮笑語然夫梅先百花而命春古以其味和羹教子之志亦寓於斯高科鼎鼐不以語人而余則默會其意時當往來與之談東閣西湖之興翁以余爲知已益遣子從吾遊余亦嘉馮子勤勵許以大就不意爲選貢拔去畢業成均而授此官人爲馮子不滿翁獨色喜曰階一官以進身得行志斯可矣崇卑弗論也余惟宰相以天下爲任縣官以百里爲職大小雖不同而其濟人利物則一誠如翁之所見馮子果能盡心撫字如古之循良然政成望重日躋華要

澤被天下於朽拙亦有光於斯時翁之志而壽益永矣
吾儕又當捧觴以進翁之德耄期稱道而不變則百世
之壽也歟曰善遂書之

碧山春意詩序

潮東陽劉子爲吾郡博味泉任子以布衣能詩與之交
道誼相尙遇春和之時任子自以趣在泉石勸劉子暫
離講席出遊山水爲一日之樂劉子不應任子訝之曰
嘻吾郡山水名天下豈不足以愜吾子意邪禹穴秦望
動太史公之南遊蘭亭曲水修右軍之禊事雲門若耶

青湖文集卷之二

望

發工部之豪吟剡溪天姥形謫仙之夢寐四公者皆鄉
人也則可以不之屑如其皆人傑也豈可以不之慕而
自絕於山水見外於雲烟耶劉子曰不然鳥戀舊林魚
思故淵吾少時嘗負志於用世今老矣爲升斗之祿而
羈此官此官雖號閒散然其責重且遠吾之德不足以
範於人無以稱任是以內愧外悚日夕思歸爲休老計
吾潮有碧山者雖未得人傑以名於世以吾視之足以
盟吾心而適吾意吾之足熱於攀躋目熱於眺望身熱
於棲息美熟於茹芳熟於掇輿至而吟動又往往得其

深助今子必待春風和煦而勸吾遊吾在碧山中動無
所牽靜無所梏仰無所慙俯無所恥雖節序變遷吾不
知有暄涼之異朝而出暮而歸四時皆吾春也吾豈不
知會稽山水之勝然前人皆已擅去而其所留者又不
可以移吾之心若徒慕前人而於其陳迹日嬉嬉焉洋
洋焉終非自得之趣是猶讀古書者啜其糟粕而不嚙
齏其真味耳是以聞子言而未及應也任子曰有是哉
迺繪碧山春意圖以壽劉子吾郡之善咏者又足以發
劉子之所未盡余何文之有

青湖文集卷之二

望

敘山斗遺思

五溪萬子以憲僉董學於吾浙未一年按治者奏加其
職懋之也後五年聲望藉甚士子惴惴其去及得藩參
之命又仍吾地士子知未遠也而少慰焉然終以爲不
能卽也怛然而思戚然而悲各相與賦詩成帙題曰山
斗遺思徵余序諸首旁有問者曰萬子何以得士心若
是也意者其寬乎余曰不然也問者愕然曰子以寬爲
不足乎余曰否敷敘固在寬然本於敬則寬有節矣吾
未知萬子能盡寬之道如舜契然要非徒寬者也萬子

與余官於朝同時以論事同謫錄用同起相期待同志知萬子者無越於余去秋余宗人無一得應試者萬子亦不能加之意焉卽此其不以法徇人可知矣胡謂之曰寬其羣彥而習之拔髦而進之或以才或以行以世皆所以教之非私之也古者公卿大夫之子與民之俊秀同造而簡於下國朝冒監之恩亦本於此而謂萬子非公平世之厲官方者多抑遏縉紳之家以爲執由君子觀之亦私也爲士大夫者喁喁嚶嚶廉恥道喪固不可其有引嫌蔽賢親舊同鬱不一舉手以爲介由君子觀之亦私也問者再拜曰吾今而知士心之不易得且知萬子矣遂書以繹諸子思

青湖文集卷之二

選

贈郡守江村沈侯述職序

吾浙爲南畿輔相去甚近而中吳與越爲尤近江村沈侯以豪傑起吳江而來守紹興故於民風土俗無不周知其爲治也一順人情而開闢操縱未嘗以意見爲標的故郡人自文戎毗隸以至飲食嬉遊無不得其在我者而郡以治觀之前時及他郡或兩家鬻產而起於豆釜之粟或積世結構而基於睚眦之怨於侯有愧矣故

曰人情者聖王爲治之田也其禮樂刑政皆其穗穀耕穫之具耳今年當天下朝觀之期侯將偕方岳入見天子曰咨爾百職莅朕師於爾萬方爾萬方小民無從以怨咨達於朕其各陳時政以啟沃朕心嘉乃績侯以次對曰臣不佞治郡無良特不拂民情以郡治郡而已天子曰俞以郡治郡無爲於郡也朕將以天下治天下無爲於天下何如於是凡在朝者莫不歡欣拜舞曰聖明如此天下萬福推而上之堯舜聖也其於天下也不以堯舜治之而以唐虞治唐虞禹湯文武王也其於天下也不以禹湯文武治之而以三代治三代故其治爲不可及自漢而下則各以其君臣精力欲屈天下之勢以從己之欲故其治擾而民不化故論天下之治者必如禹之行水而後可不然則凡所以防範周密者皆江淮間之禹隄也侯行有曰贈行當有言郡中士夫以其懿德俱後退而命之序

青湖文集卷之二

選

送江村入覲序

代陶惟實舉人作

嘉靖乙巳冬我郡侯師尊江村先生以秋官出守紹興下車之初卽視學課諸生詢民疾苦政教並舉一時民

庶騰歡士類思奮人以為連歲凶歉百姓凋瘵侯來蘇
息固矣至於學校雖得侯之作興然前科曾稽發解氣
數乘除恐紹興未必能獨擅也識者曰氣數在天幹旋
在人今得侯為之人力足以勝天矣丙午秋浙闈中式
者獨紹興果盛數應列宿而又元魁聯璧韋布鳴陽此
又盛之盛也秀嗤濫竽其閒為有愧耳由是監臨蒲池
公喜甚於鹿鳴燕中歸功於先生敘社不自居公曰勞
而不施有功而不伐厚德也益以為公重而又惜夫越
士有取不盡者間加賚與以彰先生之用心先生歸任

青湖文集卷之二

四

禮諸生而觴之曰諸生今日以文為一省光而有及於
余美哉觀也然未足為天下士因指清白室曰吾不足
法范公有先憂後樂之志願諸生以為歸雖然以德規
人無不答者吾方北觀將有陳於聖上何以贈我秀以
齒為眾推乃執筆役而言曰事君以身不如以人治民
以迹不如以心迹以治民者誣也身以事君者隘也以
人事君則吾心所不及者人為思之吾力所不為者人
為為之此之謂大忠心以治民者則毀譽不能惑而吾
有定見利害不能奪而吾有定守此之謂至仁先生之

治民不干譽不從欲心而不迹者也雖於范公之所重
有惠政何讓焉而曰吾不如謙也先生之事君既已身
任之矣而又付其餘於諸生雖於范公之薦士何愧焉
而曰吾不如慎也特吾儕不能如富彥國張安道諸公
節氣政事文章功烈耀當世而範後人為有負於先生
耳先生以范公期承學而承學又以范公望先生其有
進於是者無為先生挽而亦不敢自畫也至夫陳於上
者非諸生之所敢知

自然莊亭十景詩序

青湖文集卷之二

五

天自然而清地自然而甯人自然而生萬物自然而成
形人之聖者從容中道自然而有一毫勉焉則非化
矣眉軒江子真微之發人也其行已任真不事榮飾余
雖未敢以為中道然其從容自適則天性然也其縣治
東龍尾村北五里有洞石湍沙可樂足以忘世然皆出
於天造不藉人力眉軒於其旁築一莊亭為遊息之所
分為十景一以自然名之其曰洞曰臺曰椅曰竈曰潭
曰室曰泉曰屏則天而自然也曰耕曰讀則人而自然
也若夫所謂悠然見南山者意固遠矣而有遁世之心

所謂超然臺者意固高矣而有絕俗之想不若自然無
心而休焉則出處行藏隨寓而安此中正元吉之道也
眉軒任吾郡博其族叔元輔與余同年進士有通家之
好道及其莊亭之趣竝騷人墨客之題咏余亦心慕之
恨未得示我履其地而目其景爲歛姑爲之序以寄興
焉

壽東白尹翁序

青湖子徒步循鏡水之濱攜酒就漁家而飲飲半酣而
發滄浪之歌有漁父和焉聲振林木浩乎不知天地之
大

青湖文集卷之二 序

爲大澹然終日而忘歸墮天趙子獨棹舟而過之曰以
子空世慮若此宜必有自得者今願有語焉昔王子猷
以雪夜訪戴安道望見其廬不卽而返世以爲美談意
亦山陰人也嘗有事剡溪辱東白尹翁知今願得子一
言爲千金壽蓋子猷以乘興爲高意以贈言爲重子必
無辭余曰尹翁何如人曰稱而食樂而衣取天地之時
利與山水之育產以自足而無求其言東白者蓋其樂
也而忘之則赤壁枕藉之趣其勤也而弗意則明動晦
休有古帝力何有之意此其平生也若然則有不待吾

言者矣子欲得吾言以致之亦興也其不致焉亦興也
彼得吾言與不得吾言而其自足者恆自若也子何能
爲之輕重哉抑余嘗至嶠矣見其民性樸而樹滄其俗
儉而好禮問其著姓必曰東隅尹翁又尹之長者宜乎
趙子之欲訪之也

壽大僕抑齋何先生七十序

抑齋何先生太保公之長子於余爲世交且戚余雖書
札往來而未識其面嘉靖癸巳過南明始得登堂拜焉
問先生壽幾何曰六十有八矣諸子子孝輩舉酒屬余
曰後二年家君壽七十願子一言以爲千金此酒所以
志也今年乙未四月廿四日值其期子孝在宦子文以
前言來余乃告之曰先生之閥閱世系不必言矣太保
公典本兵時志欲自奮不就蔭五舉不第而以貢起被
恩初判甯國卽奏蠲通稅決滯獄以循良稱擢太僕丞
留心馬政江南北之民困一蘇方將大用以太保公家
居請侍歸而遂休焉昔蘇子瞻以兵部尙書貶去其子
過曰侍左右欣然曰吾可以安於島夷矣然島夷非故
里也視太保公之優游林下天倫之樂何如哉姚元之

青湖文集卷之二 序

亦嘗拜兵部尚書其子奕自睢陽太守召授太僕先生之任歷與之相似而姚奕覲進竟貶永陽視先生之見幾勇退辱殆不及何如哉奕本脩謹爲子閤所誑誤先生諸子森立各能以德學順適父志不以紛華累其心其賢於人多矣先生上有太保公以爲之前下有諸子以爲之後所不可必致者壽耳今年以七十徜徉於沃洲天姥之間日與高人逸士觴咏琴博不知有世俗之慮而五福被於一身奉卮者何以爲祝吾將取之經曰緝熙純嘏取之傳曰世濟其美於子何如子文作而曰

青湖文集卷之二 五

至德善言無以尙矣請書以歸壽遂書

節壽序

貞節雖節而壽尤難節也者慷慨殺身者能之節而壽也者非從容就義者不能也故壽也者節之所畏也吾友任世隆母韓氏寡時年二十二世隆方娠四月守志六十餘年今八十三歲矣世隆以耕讀成家周旋孝養諸孫振之各能繼志有聲緒紳閒而母心益順且以終始一節由此觀之節而有所畏者望秋之質也節而不改其終者隆冬之姿也春秋書紀叔姬歸於鄫取其晚

節之難而母以遺腹亢宗又叔姬之所不能者書之國史何愧焉郡守西淙洪侯將聞於朝以表俗迺先書其節以爲壽鄉之士大夫咸歌咏之彙成帙題曰節壽余旣爲賦五言而又叙詩首以齒德最後當執筆役也母之相夫訓子孫與其夫之賢行則家宰海曰王公已述於追挽卷矣

贈曾先生序

曾先生分教吾郡以資升將正講席於陽信諸生有進於先生曰天下之政期於周公敘期於孔子先生素有

青湖文集卷之二 五

志於二聖人之道又才足以宏濟屈吾庠恆苦鬱鬱此皆弟子驚劣不任鞭策不足以率先生之教耳今任陽信則齊魯之境也魯周公之後而孔子生焉二聖之遺風未泯人才易以植立先生此行必將有木鐸之化於一方而異時海不揚波之治又將基於斯先生能無豫色乎先生曰不然天下之石視諸龜鳧之藏一也天下之水視諸沂泗之會一也何獨至於人而疑之厥賦惟均有教無類詩云豈弟君子遐不作人人才願所以作之何如耳吾嘗讀周孔之書而未得親履其地未至其

地而影響焉可也既至其地而猶夫人且不能以淑人
則終焉而已矣是大可懼也二三子何以豫我青湖子
聞之曰此皆自道也君子之於道志焉而已志之所在
無高不登無深不平無遠不及無堅不入是故忠憤結
而炎天霜孝心切而寒冰裂壯氣凌而白虹貫精誠動
而衡雲開會稽棲而沼吳秦庭慟而復楚干將之劍身
焚而必成卞和之玉足則而必獻崑崙之轍可周大宛
之種可至泰山之巔可陟黃河之源可窮屈轍之瓠可
鑽疏屬之拘可解否則不獨東家邱不識於尋常之人
而周公之夢雖聖人之衰亦不能保也故志也者君子
之所立也學也者君子之所務也教也者君子之所資
也三者皆君子之所貴而志爲本諸子復以告□□□
□曰然庸敢不勉翌日同寅□□輩微余言以贈遂爲
之次

起俗廬言序

觀梅溪會稽風俗賦吾郡豈不易治然而今與古有不
同矣陽川雙柏蘇侯來慨然憫惻直欲挽而復於古舊
習深痼焉能卽化乃日聽政夜覃思理探其原事窮其

青湖文集卷之二

垂

紀情挾其隱弊究其端提綱附類萃成一書名曰起俗
廬言始之以宗廟宗法立宗繼絕而本原之意深繼之
以正名脩譜立長謹祭而天倫之恩篤至於旌善懲過
息訟弭盜而終於報君師原百姓性凡四十條皆關於三
綱綜於四維切於八政詳於九式甚有急於治道不獨
可施之吾郡而已應軫會與侯論時事及商確蠲稅奏
草無所隱遂謬以爲直而屬余叙之余尙在憂虞中以
侯急於爲民不得辭乃力疾而言曰世之牧民者求治
於把持操切之餘而不知以風俗爲務但風俗之效大
而遲周自文武至於成康而後禮樂四達刑措不用太
和元氣在宇宙閒者始與唐虞竝隆豈非大而遲乎然
而以其遲也忘其大以求近功治所以不古若也吾郡
守以循良稱者無如漢劉寵之治上不倣擾故民有不
見之吏下不剽竊故夜有不吠之犬此三代風俗之
遺也侯之志不止於寵自期其必曰郡以會稽名禹之
蹟何在邑以姚虞名舜之化何歸侯之意遠矣侯此書
之作治之文也其正大光明之心廉慎公平之政治之
本也本立而文以行之風俗其有賴乎

青湖文集卷之二

垂

送楊文瑞冠帶南還序 代殷周卿作

蘇子曰千金之子可以貧人可以富人天子之宰相可以生人可以殺人皆權也夫天下之權莫重於生殺人次則貧富人今以其重權歸之宰相而以其次權歸之千金之子何也誠以貴之所在則以其刑賞爲天下之公而天下以生以死富之所在則以其財利爲一人之私而天下以貧以富然則司天下之命者宰相管天下之利者千金之子其權故也自晁錯請募民人粟補爵以紓一時之急行之千餘年未有能革者世之宰相莫

青湖文集卷之二 五

不曰吾之所以能生死人者徒以名器在我也今以一匹夫輸百石之粟而其服色位號駸駸上擬則是吾之權分於彼矣故屢欲禁之而不可得富人有少知自足者亦莫不曰吾之所以自殖者不過爲子孫計耳今天子欲得吾百石之粟無故而以青朱加我犯非其分者不祥故欲屢辭之而亦不可得權也亦勢也權濟勢以行又安得而變之古之聖人用天下者任乎權用權者在乎勢權勢之所推移而猶曰惟名與器不可假人者不可得也漢之名公鉅卿事業彪炳聲譽赫奕往往由

輸粟進者有之而其由孝廉由明經位至通顯寂然無聞反以荼毒天下者有之則出處之途亦非所論也蘇子曰千金之子天子之宰相非天之所與雖以生殺貧富人之權求一言之幾乎道之不可得也然則人顧於道何如耳而其輕重天下之權與無其權而爲天下所輕重者何異於我哉楊文瑞以輸粟濟邊恩授某官某以其同邑人且知其能尙義者故於其歸也道之以權勢而及權勢之所不能拘者試使其聽之

贈楊都憲總督兩廣軍務序

青湖文集卷之二 五

正德庚午今都憲楊公時以憲副董浙藩學政軫時以諸生受條教知公德威才畧之不常且知公爲文敏之胄曰不如是何以世濟其美逾八年公以工部侍郎轉今職奉勅督軍務於兩廣軫辱門下從屬吏捧觴酒敬餞於都門外公曰贈人富以言子舊知何以贈我軫誦江漢之卒二章以獻公曰昔我文敏公輔相三朝頗著勞績比之康公可也若衰朽安敢以當穆公軫再拜稽首曰公言及此宜軫誦斯詩也昔周都洛陽淮夷在千里內以穆公之德與才伯仲於山甫張仲閒尙必經營

四方而後告成今兩廣去京師萬里桂林象郡又古羈縻之地鳥言夷面猥子野心公以尺詔往莅萃渙散撫遺黎震弗率殲渠魁正疆理立期會張百弛而新之補萬闕使無遺漏事誠有難於前人者軫以詩獻公欲公知所自省公言及此是能以任大責重爲懼而固爾猶足以繼文敏而追穆公宜軫誦斯詩也至日告勲聖天子嘉乃丕績釐而圭瓚錫而田土公當百拜稽首對揚王休軫願敷文德昭令聞歌爲新聲附於文敏之廟器以圖不朽公以爲何如公曰當爲子勉遂請筆書之以俟

青湖文集卷之二

姜

姑婦三壽序

外祖剡溪府君生四子成立者伯仲二舅氏二舅母皆出章章分前後族前族自浦城來世次綿遠最爲會稽之名家州守公後科第少閒今連登者四五人後族自尙文先生父子以亞卿顯甲第不絕伯舅母亞卿公之孫女也今年壽八十仲舅母州守公之諸孫女也今年壽七十外祖以進士出身官至福建僉事先任刑部主事時外祖母盛安人棄背繼王安人理家井井而性甚

嚴二舅母奉養侍疾皆不失其懽心外祖得無內顧而以直幹名於時雖屢遭挫抑而家規自整老而休焉遂其桑榆之樂蓋有能率之者故也繼王者包又能繩其柔正今年亦踰七十坐於堂上而子孫森然拜舞於堂下二舅母垂白於其閒鄉人難之仲舅氏杏莊先生亦年六十有七以嫌避席且有所竢婦宜從姑禮也故止稱三壽云其子孫或耕或讀或貢或脩皆足以嗣其世美生祥降瑞真無休期余嘗歌董生行一闕以爲壽又以見慈孝之有所傳也

青湖文集卷之二

毛

青湖先生文集卷之二終

十一世孫

士瑛校

青湖先生文集卷之三

記

靜學齋記

正德丁丑歲進士選入翰林者凡三十七人東萊先生東江先生奉朝命坐講席進諸生館下而教之諸生方敬業樂羣各盡其才有辨敏捷給長於言語者有震整翹秀善於威儀者有旁搜遠覽馳騁翰墨而恣博洽者有多才多藝見事風生而炫技能者事文章者其氣沛然宏以肆志功名者其心銳然焦以勞慕堯舜談孔孟

青湖文集卷三

一

者其言嚶嚶而其人則不能改其舊一先生陽陽以樂戚戚而憂其所以樂者樂其可與進道也所以憂者憂其專務於外無身心之功而離道日以遠也將構室於玉堂之側扁曰靜學齋諸生聞之茫然失措退而盡屏圖籍沈思者累日恍然有得於平旦清明之際曰一先生命我矣於是言語者簡默威儀者恂恂博洽者不敢鬬靡而誇多技藝者不敢挾才而妄作知所以躬行則文非所言知所以內重則功名爲輕知所以近裏而著已則不徒慕於古人而終於狂於是二先生相顧而笑

曰諸生可謂能受教矣但恐有始者未必有終始終此靜則驚然而天下平聖人之道無以加也諸生唯唯而退有浴沂風雩之意用書以記之

重修會稽縣城隍廟記

凡天下府州縣必立城隍廟其守若令旣脩其職矣於人力之所不能盡者必於廟禱焉不但水旱霜雹飛蝗退鷁而已至於妖蛇猛虎之類亦嘗牒至於庭如要囚然何也蓋吏以政爲之明而神爲之幽一體而相感耳會稽府之附縣其城隍廟立必與縣同始然其刼徙之

青湖文集卷三

二

歲月與其令佐之姓名前後之脩葺多不可考矣獨西蜀徐世瞻以正德末年來莅茲邑以興舉爲務而廟制聿新有文在石嘉靖庚子夏龍津吳君將赴江右參藩以諫垣事謫丞會稽上任之日致齋於廟仰瞻殿宇讀世瞻之文曰善則善矣神棲猶弗稱也遂出銀若干爲修葺於是耆民某輩各相勸助不數月訖工視舊增偉心自若乃以吳君命屬余記其事曰會稽本山名也禹會諸侯於此後人不忘禹之功故以山之名名郡今郡之名已易而縣猶存則夫官於此顧縣之名得不思

禹之功乎禹心乎爲民而神契其德思禹之功而以民
事爲憂神明有不相之乎神而相之則夫神力之所難
者將必有盡之者矣吳君曰勛哉曰未也禹之功固大
矣心固仁矣然其所以能成功而萬世永賴者行所無
事也使天下之爲人牧者其爲政也若禹之所行則民
亦賴之矣然而民有利也不以利治利也而以我治之
民有害也不以害治害也而以我治之民有賦也有訟
也不以賦也訟也治之而以我治之是皆有所事也是
皆人怨而神怒者也是非循良之政也吳君之在會稽

青湖文集卷三

三

悔軒記

上蔡先生構室於齋居之側以時遊息扁曰悔軒客有
過者疑而問之曰先生起布衣致位宰輔文行著於一
時功名邁於等流此士人所欣幸而不可得者也先生

勞謙盛德不自滿假可也何悔之有先生曰吁吾自幼
讀古人書嘗見古人之事業炳炳烺烺掀揭宇宙光昭
史冊心竊慕之嘗自冀得志於時當以身爲天下之用
庶出尺寸以無愧於古人旣而舉進士爲儒官翰墨從
事竟不能得一邑一郡之任如龔黃卓魯所爲謬承主
知馴至列卿參台鼎位望顯矣而名實不孚漫無片善
一德之可取何古人之足望哉古之爲儒官者雖未能
澤加於時亦能囊括羣經醞釀諸史鈞元要拾散亡立
一家言以遺世淑人而予自督學外藩爲儒官之吏涉
入繁劇簿書積而細素荒瘠應多而校讐倦求一言之
幾乎道不可得也向使知其至此曷若善避仕路終身
布韋雖不能脩道立德光前表後亦足以對青天呵白
日邀名山濯鉅澤爲一世高士而今則不可去矣君恩
深而圖報難年歲流而少不再此吾所以悔也客乃離
席再拜曰鄙人不識大君子之蘊今日始窺滄海之涯
而陟太山之麓矣昔后稷之德克配彼天周人頌之曰
庶無罪悔以迄於今子張聖門高弟夫子教之曰言寡
尤行寡悔是知無悔者聖人也寡悔者賢人也悔者賢

青湖文集卷三

四

人之所不能寬而聖人僅庶無之先生之悔蓋將寬之又寡以至於無者也故曰悔者吉之先悔其可輕也哉先生曰如子言益吾過矣敢不勉客退先生命童子燭筆濡墨進某於館下書其言於齋壁爲之記

光祿寺重修科道廳記

周禮以膳夫庖人烹人及內外饗皆總之於冢宰示節也節之何王人者將導利而布之上下不欲以惟正之供糜萬姓也書曰惟辟玉食詩曰大庖不盈以天下奉一人故曰玉食以一人養天下故曰不盈此節之意也

青湖文集卷三

五

我朝設光祿寺寶古膳庖烹饗之職既屬禮部而又察之以科道亦總之以冢宰以示節者也考之舊制每日於大烹門內監收一應錢糧物料曰一應則無事不節也曰每日則無日不節也給事中輪差以季則無時不節也御史輪差以年則無歲不節也自正德初年檢人用事科官有以光祿差失本廨點閤而得罪者以後或三日五日一至而日監之職遂廢循爲故事奸弊不能革而用度日侈亦弗周知失祖宗委任示節之意矣嘉靖改元之秋應軫承乏此差乃與同事監察御史古毫

景仲光謀舉其職惟時本寺卿樂清高友璣少卿無錫蔡子舉桂林蕭淮丞五羊劉□滇南陳庠平樂葉□適大婚鉅費各整攝其屬共圖裁省舊有科道廳頽圯日久卽撤而新之嗚呼聖天子在宥之初百廢具興斯廳之作亦有待哉雖然科道言官也以言爲責則凡天下之利病朝政之得失皆所當言故巡光祿者分職也非全責也後之居斯廳者當盡其所分而思其全則可

虛齋記

青湖文集卷三

六

蒲州劉先生少豪逸尙歷覽藉貫行於四方盡諸風物知古今功名之士如是爾歸而築室於首陽山下扁曰虛齋遊息其閒讀書自樂中次空洞翕理道脫繁灑泊然無與於世厥子體道第進士乃述履素丐言於諸名人暨年交予亦廁說其閒當是時諸作雖富然冬未及親覲先生之爲人及予出守泗州有事於揚體道爲郡理官先生適來就養獲見先生於廨舍辭論剴發思致沈著練達世務歷歷可措始知先生之虛有實用也於時法駕南征道出維揚中人不戢者體道疏請按治其罪揚人賴之方其未得俞旨時衆爲危懼雖體道以

親在不無內顧先生固不爲之撓且諭以忠義令以身
徇國曰吾平居所以教子者正爲今日勉之吾老矣勿
爲汝念體道由是益奮不顧知無不爲上專委而下仰
成特蒙眷注予以是又知忠臣義士果出眞誠未有不
動者而先生所以教子與體道之所以事親事君可謂
慈孝忠義舉得之矣由此觀之先生豈直冲虛而已者
哉顧深自韜晦不出尺寸於世者其必有爲焉耳先生
名鉏字大器夙號松雪避子昂易之噫子昂豈其倫也
哉體道名一正予同年且同志請予記其事

青湖文集卷三

七

臥轍亭記

歷代循吏傳率本化機歸之君上蓋賢明起於濬哲貪
穢由於昏暴往往而是故有勵精綜核稽其治於二千
石之宣帝則漢之良吏於茲爲盛有以禁坐列公卿郎
將求民瘼納風謠之光武則臨幸邦邑者競能其官有
丙夜不安枕永惟治本於刺史錄其姓名才否於屏風
臥起輒對之太宗則官得其人民去愁嘆而就安安今
上皇帝起自藩服知民間疾苦卽位之初愼簡守令申
久任之法由是更無苛矯而海內嚮治麻城毛君鳳韶

以龍飛第一科進士出宰浦江又得感應之先者故其
爲政雖無還珠去虎之奇驅蝗馴雉之異要皆務根本
就平實順人情而達世故歷歷可紀其猶足稱者與上
官言必盡不爲雷同如請蠲一疏及賦役十議皆切時
病民有便輒先爲之如閭閻不須報以濟飢有古任延
第五訪之風蓋君之政迹在實惠然其學識在文纂觀
君之政迹者未足以知君之深讀君之文纂始知君之
才不但百里而已君以三年考績去民留之不可得相
與構亭於臥轍之處以致思實當松林山之陽而義門
鄭總爲之倡夫以義門而倡此舉非私於令也必其令
之有加也令而有加於義門非私於義門也殆將以其
一家之義而推之於一邑此民之所以重有感也此亭
之所以有碑也於乎又安得以一邑之義推之天下以
慰吾君望治之切也哉

青湖文集卷三

八

江西都指揮使司題名記

自唐節度使之權太重割地抗師殫朝廷之力不能取
以後兵民之任始分蓋多因兵興權宜剏置不一備盜
則立防禦使勦賊則立招討使欲兼諸道之師則立都

統領而大元帥府則又以親王莅之至我太祖高皇帝神謀聖武畧定天下習知兵事建官分職乃有定制都指揮使司之名自此始凡天下共十有六而爲行都司者四江西畿輔也其間責尤重蓋嘗觀之通志而知江西都指揮之官使則起於宋晟至崔文得九人同知起於蔣忠至余恩如使之數僉事起於鄭某李隆至今李君張君數如同知者五然自國初至今百七十有餘年而題名碑尙缺李張二君方圖之以余濫文教用古受成獻功之意託爲之記余謂自宋晟以下其間或以功

青湖文集卷三

九

而侯或以罪而戍或以討叛而遷或以從逆而辟或以參將而陟去或以舊職而罷歸以今觀之其述與名賢與劣無能揜者其不可異也哉其不可勵也哉雖然畏與勵爲中焉者設也上焉者不待勵而自奮惟國是許惟義是徇而不計其後之傳不傳下焉者無所畏怯於勢則靡佚於情則窳苟圖目前而已而何遺穢之足慮中焉者則有所勵而爲有所畏而不敢爲是以退若有所挽而進若有所接此金石之所以神而世道恆賴之故凡傳之後者亦傳之其人焉耳是司也題名之缺者

豈上焉者不計其傳不傳而然耶將下焉者苟圖目前而不足爲之傳耶抑中焉者懼其傳之不若人而遂墮其事耶不可得而知也李君以通才卽任四年壘幟改觀而張君又適來濟共爲傳之計則不圖目前矣不以不若人爲懼矣其駸駸於上者哉

樂遂亭記

亭何以建爲吾嚴君遊息所也何以樂遂名遵勅詞也勅詞云何夫人遂則樂不遂則弗樂故樂無分於朝市山林顧其志何在志在是樂亦在是故有朱裾丹轂而

青湖文集卷三

十

患得失者連組累節而戚戚者乘肥食鮮而日若不足者亦有隱處澗谷而以爲寂寞者擯不世用而憤恚荒落者皆不遂其志也吾嚴君少有經緯之志而註誤不遂不遂則烏能樂既而梳雲櫛霞濯泉憩石與之相忘及余第進士歷州守入爲諫官陟臬司固雖不敏不能承繼厥志然亦嘗告之吾君矣課責之於有司矣道之將行也與命也其不行亦命也吾嚴君之志始一意於山林而無不遂矣遂烏弗樂此勅詞之意也及余歸自江右灌花鋤竹烹葵薦韭鳴野禽而縱池魚被海月而

嘯天風以日侍於左右不知身在唐虞之世有箕陰頤陽可以解世紛而養性靈此又勅詞意外之趣然則應軫之志更有遂焉以侈吾嚴君之樂此亭之所以名也

新昌縣修築東堤記

新昌之東堤修而成邑博許君某遣其諸生呂光升來告余曰東堤昌邑之巨防創自宋令林安宅歷二百餘年至我朝凡三圯於水而爲害尤慘者則嘉靖甲午之孟秋也事聞下巡按御史張君某選委府推官陳君讓東陽令吳君某會本邑令姜君地增築之俄而吳以徵

青湖文集卷三

十一

去陳與姜督諸丞胡君某典史卜君某分任之而不肖暨分敘許君亦與焉先爲大堤以障水高二丈五尺下址倍焉上址二丈許視舊踰三之一又護以子堤高廣減大堤之半木石椿塾皆有法其屬壇移入數丈以避水衝花園至鐘樓舊無堤迴流輒入因築新堤五分半界以通以禁延袤共七百六十丈有奇費帑金纔二千一百三十贏役夫如之終是秋訖功而民不告勞後陳君亦徵去姜君復築夾堤以圖永久不肖雖與其事而無益實不忍一君之心力無聞於後也願賜一言以

垂不朽余惟世之爲吏者闕茸者不足爲才幹者過於爲於凡陂塘閘壩之類率皆稱首爲之至於撫摩斯民有實惠而無赫然於外者鮮克盡心焉好名之過也漢馬臻劉寵二公皆爲會稽郡守而以循良稱臻開鑑湖有功寵何功紀其治者不過曰民不見吏犬不夜吠而已然則功所以爲民治所以致其功於民也夫治水之功莫大於禹然而三代以來治亂相尋禹之功莫之誰何信乎功在世而用其功者在人姜君惠於民者無所不至堤其一事也陳君以平反徵亦不但有功於堤耳

青湖文集卷三

三

許君輩司文敎而有贊於吏治則又不拘於職者也後來者蓋思所以用其功而享其成哉是爲記

遊鴈山記

嘉靖丙午夏五月朔丙辰余與臨川陳明水自山陰泛棹剡溪已未至嵯譚尹留過端陽癸亥往天台觀石梁登華頂而天台之水與甯紹三府之山盡之矣丙寅復登舟信宿而至台州會郡伯陳梧岡察舊金一所陳龍山一江三石林損菴預菴仙居應南洲諸公辛未晚行又信宿而至黃巖因陽明先生子仲時造久菴所坐而

六日得出探王南渠宿其樂丘精舍壬午至嶺店驛歇
次早具冠服向西北拜先君誕辰行過石門至石梁寺
少憩尋靈風洞入洞寺觀中滴泉薄暮至靈巖寺會太
平年友葉海峯遂相與遍觀鴈山諸勝視足力進止飲
酒賦詩各得所適後三日海峯自能仁寺別去余與明
水登窰壩嶺下驛路而至樂清則晦日乙酉也夫鴈山
之遊多矣紀其勝者亦非止一人茲可畧也余謂展旗
卓筆獨秀雙鸞瓊樓玉女諸峯皆不若天柱之高萬仞
屹立此則山之奇也眾山之瀑龍鼻之泉皆不若大龍
湫千尋酒空變態萬狀此則水之奇也靈風出洞與四
時異暄涼如井泉然常雲冒山巔晴雨不斷此則風雲
之奇也風雲之奇奇在天山水之奇奇在地使不得人
奇以參之無以竝立而爲三才及過鴈山書院拜宋王
梅溪胡侍郎元李五峯明章恭毅謝逸老文肅諸先生
此則人之奇矣夫天地之奇自古及今無可加損人之
奇無代不生後先相尙雖大聖大賢皆人之所得爲者
而造化不能與也夫所以爲鴈山之遊者將觀天地之
奇以適吾之目乎抑將心會人奇於象器之外乎余故

青湖文集卷三

吉

書以自警且以諭諸遊觀者明水曰此遊聞此言不徒
行矣六月朔丙戌與明水發樂清經溫處金華出蘭溪
各望桑梓沿沂江水而歸明水名九川海峯名良佩諸
公不同遊者不名

青湖文集卷三

吉

青湖先生文集卷之四

雜著

恭題孝廟迴文詩後

孝廟在宥十有八年四海洽雍熙之治臣生長鸞飛魚躍之中與耕鑿之民渾忘帝力而不知及今入秘閣得見聖製迴文詩若干首歎曰於乎一日二日萬幾我孝廟何暇以及此哉此足以見當時垂裳而治仲奭優游之驗也其與大舜南風之作成王卷阿之音前後一揆而豈隋唐諸君綺章繪句與文士爭勝者比哉雖然文辭末也視盤遊弋畋之好則過矣孝廟之所以留心於此者得無深意乎臣拜手稽首謹題

日新齋銘

皇矣降衷物必有則未鑿之先玉蘊於石人因物化性以情賊舉世夢夢爲夷狄卓彼先覺作之君師世變日降王風迹熄異端害正職競誰力芝蘭未榮莽爲荆棘匪無萌莽十寒一暴惟狂作聖弗思胡獲一人元良兆民允殖時乃日新盤銘在側湯惟我師懋昭大德

江西請試官啟

青湖文集卷四

五

青湖文集卷四

六

伏以達視所舉其賢益彰以人事君於忠爲大書明師錫易吉彙征惟賢才舉爾所知則好善優於天下恭惟執事尊德樂義素行孚於人人辭富居貧食祿先於事若欲集眾思而廣忠益則當注意於賢科誠能畏天命而悲人窮豈可獨高於儒職某等官居藩臬心切國家懼蒙顯戮於蔽賢猥承推轂於士類旁延輿論竝采清流正難稱夫主司皆推尊於執事固知相瀆尤諒無辭世閒事莫如此公有志者得以自盡天下才必由斯進薦賢者舍將安之伏望俯垂以道之交不爲已甚之拒暫攜青藜之光照來訂朱衣之品題英雄盡入彀中永保萬年之國運文章變復古體作成一代之人才禮不足以將誠辭庶幾乎動聽惠然肯顧慎爾遐心

包孝肅贊

惟公之笑人比黃河惟公之怒人稱閻羅惟公執儔殿中鐵面成都一琴端溪一硯

贊鶴山陸汝亭

臣子有心不能有身身死以義心安則仁仗節敢諫隨時亨屯吁嗟鶴山人子入臣

贊陸鵬海小像

鵬之遨遊扶搖九天海之清淺窮千萬年此先生之志已在於寥廓而其德殆將入於淵泉故聞其號者可以知其人品之難及而圖其像者豈不知其富貴爲偶然也耶

東園翁像贊

同年何用謂父龍游入

玉山之東金華之右元氣渾淪鍾此白首擬之四皓則不姑乎商山之芝方之六逸則不嗜乎竹溪之酒蓋其爲善也雖存乎強年而未嘗去心其讀書也雖至於臨

南湖文集卷四

七

終而未嘗釋手是宜鄉黨尊之爲賓僕宗戚瞻之爲領袖聯二子以簪纓也不以才而以德榮冠服於一身也不以富而以壽斯人也殆後世之不可無亦先代之所罕有者歟

恆說爲吳汝存作汝存名恆

恆之義具於易卦聖賢言之詳矣然惟彖爲能盡其道六爻雖應而不得爲元吉者以其非不及恆則過於恆而又拘於恆也不及者不足言矣過於恆者求之太深爲之太力乃初學銳進之弊拘於恆者則執一不通尤

爲進德修業可久可大用中於民之害故於初六曰浚恆貞凶於六五曰恆其德貞婦人吉夫子凶二爻雖貞亦凶君子之戒也汝存今日正當初六要以浚恆爲懼他日志定意堅則六五用事能以夫子處之則恆道得而彖在爻矣然後與日月合其明而能久照與四時合其序而能久成與天地聖人合其道而恆久不已天下化成而馴至矣聖賢千萬言不過如此汝存尙勗之哉

加乾兒元服祝文

南湖文集卷四

大

加爾帽有冠之基長爾衣修身之始古雖童稚培根達枝爾年既長勿遊以嬉養爾心性日就平易爾志氣日加勤勵端爾行趨左規右矩慎爾交遊以近善類內而家庭曰孝曰弟出而鄉黨勿恃門第勿以貨利是圖勿以飲博是戲勿入花柳之街勿逞弓馬之技勿以好人難爲勿以昏愚自棄無忝前修以紹厥緒

泗州南公廟碑

自古忠義之士莫不有同志者相與以成名亦莫不有不同同志者不相與以敗功其相與者忠義之在人心不約而孚以故成功則宗社蒙其利而民受其福不幸而

不成則駢首伏節日月爭光吾無憾焉爾矣其不相與者非但不明順逆之分爲賊媒孽者然也功名人之已心生則有利蓄樂禍以誤國事者矣卒之人名節愈彰而已終無尺寸以立於世不亦深可悲哉方張許之困於睢陽也賀蘭進明屯兵臨淮許叔冀尙衡兵次彭城環視而不救其心非不知有唐室也懼一公之聲績出已上將損其名以疲敵吾從後收其成耳維時南公躍馬潰圍馳出求援進明以一身易睢陽之命捍天下之敵何亟如之進明非特無出師意且張樂設侑壯南公而強留之此豈純臣之道哉南公義不忍食斷指自誓躬矢浮圖志滅賊讐歸死孤城則真可謂壯且忠矣當賊脇南公時張睢陽呼曰南八男兒死耳不可爲不義屈南公笑曰將欲有爲也公言敢不死觀此則其平日之所以相與而感激者當何如耶於乎南公之指血化爲塵矣其浮圖矢痕又幾經兵火矣獨忠義之氣至今泗民能道之然則公之死而其不死者猶在也而進明輩安在哉泗守汪應軫因民心而爲之廟以表忠魂於千百世之下

青湖文集卷四

九

石齋賦爲新都楊少保作
繫蜀山之岷嶽兮屹崢嶸之劍閣固金城而號天府兮負銅梁而抱石郭山川鬱其蟠結兮地靈由乎人傑錦江懷吾之少陵兮憶武侯之廟柏若人之好迷兮輝今古其烈烈方莛帛未賁於丘園兮託考槃以修藏踵石室之遺址兮駸駸周道之鄉方何世俗之不雅兮率怡情乎眾芳蘭九畹而蕙百畝兮終蕪穢而增傷巉維石之鑿鑿兮互宇宙之茫茫非恆貞而豫介兮孰於此恣夫徜徉吾豈銅林泉之盟兮與斯世而相忘慚鳩磐之於征兮立棟柱於廟堂聳具瞻於百僚兮凜嚴嚴之碩望砥中流之千仞兮障川東而同瀾狂隱長城於樽俎兮壯百二之金湯寬刑誅以加惠兮窮民視以爲肺磨圭璋以成器兮懸爵祿以爲砥六經一其統宗兮陋漢渠之同異衡秦書非不勤兮公惟識其大體胡爲乎憶歸來之醉臥兮而忘中書之草制平泉未足以貽后兮何暇奇章之品第忍民瘼之不顧兮忱補天悵乎鳩氏藥諧舜廟之天球兮說起傅巖而作礪孔堅白之不磷緇兮孟壁立將以命世昭前哲之往鑒兮瞻山斗之難

青湖文集卷四

十

企微公係天下之重今疇衍繫宗於不替溢優典之數
錫兮誓河山於苗裔申侏僚而鬱結今將修辭於文陛
諱曰燦南山兮爛白石逢堯舜兮立民極弱有保障兮
枯有膏澤無以我公歸兮而重余之太息

青湖文集卷四

主

青湖先生文集卷之四終

十一世孫

陳士璠校

青湖先生文集卷之五

祭文

修泗州學告先師文

惟聖道垂憲惟明大行惟王業開基惟泗首善顧治極
則宏文弊則陋因循百年教基廢墜豈惟賢科弗振風
俗亦靡應軫敬承上命來守此邦大懼神棲弗安法庭
罔正遘時多難尙仍舊貫幸而憲臣秉衡督興盛事財
不足取之在官工不足募之他郡別營倉儲以廣學舍
貿易民居以正方面上非損國下非厲民嗚呼曠百年
而在人爲者天也非人也互萬古而在人心者人也非
天也斯文在茲庶其默佑謹以是月己亥始工敢告

祭后土文

鴻蒙既分后土奠位聖人迭興因地之義黃帝造室堯
仍土階禹力溝洫文營靈臺是皆順民以作福非縱欲
而爲災也秦人不臧長城築怨漢治不純未央雄繕浮
圖陵空六朝脰眩京觀連山五胡擾亂是皆以民脂玩
目以身謀養變也聖明開基制尙簡樸地平天成不窮
土木矧惟我泗鍾靈毓英百神受職呵護諸陵一杯之

青湖文集卷五

主

土重於泰山川原秀麗窮天壤閒守臣弗共百事靡靡
因循舊陋曷稱帝里遵今酌古爰開教基誡曰卜士以
告土司若工就緒眾構具飭匪職之勞百執事之績若
工有墮傷財殫力匪百執事之咎實職之責嗚呼惟神
有司惟文運有期化凶爲吉爲吾道扶持非爲吾私敢
告

告泗州城隍文

應軫不才謬官斯土仍歲荒滂民多流冗不能聊生況
茲初任百務具弛曷稱民牧今逢開歲農事茲始神其
憫佑雨暘以時庶幾五穀告成百室胥慶逃亡漸還瘡
痍復起得奉祠事若應軫立心不臧肆意暴虐賄賂公
行讒詔無忌闕茸不振彊梁自專因循廢時奸巧立異
惟事虛名不行實惠以負國恩神其降罰予身於民何
辜敢告

禱雨文

泗在中土實維帝鄉拓根肇業以永無疆天眷國祚必
培其基云胡近歲遭此荐饑明明天子式勞簡命稱匪
其人曷裨時政沛若君恩惕若臣職令厥有終初焉是

力獻歲祈福昭告以文豈其旱虐如悵如焚天心仁愛
動以災警災成不饜適爲民病有司不良民則何罪君
心見憂臣貽之累管欲焚巫盍焚其身桑林自禱不禱
於人況臣不德降罰無辭神如有靈庶其聽之

謝雨文

夫神明感應速禍福神之靈也佑善良殛惡厲神之正
也有過卹悔錫故翼新神之大也禦災捍患育物阜民
神之功也靈則威正則肅大則容功則享神具此四德
宜其宇宙終始欽於世世泗潁河淮地勢窪下仍歲泛
潦比室如洗所願城隍之神饗凶納吉救民溝壑自應
軫莅事重以不德適遭神怒旱魃爲虐山川滌焚赫赫
可畏既而積誠數日大雨如注滂沛千里非神之威靈
正大能如是乎雖然雨暘貴乎以時極無極備罔不爲
因自今以後無不可備亦不可願神永終明惠雨暘時
若以享土祀應軫亦當自勵修於職業以助神功謹率
吏民齋沐拜答作歌三章使民歌之以樂神歌曰
時雨時雨維天所賜天憫吾民多受累豐成僅足完逋
稅小民衣食農桑外

時雨時雨四野滂及天憫吾民望雨泣雨足苗枯無種粒那能雨粟民方給

時雨時雨神惠其昭天憫吾民兒女號南征將士尙煥袍視爾家息誰爲勞

代成侍御甯詩御祭李崇德文

於乎人孰無生生貴成名人孰無死死貴得所天下固有不成名而生者一生何以收功亦有不得所而死者一死奚以塞責先生死於忠孝死得所矣而名亦因之生何憾焉某等高先生之名不能復見先生之生安先生之所未敢必求先生之死蓋君臣之義無所逃於天地之間而畏天命悲人窮亦自有不容已者臨風一奠萬感均集夫豈獨爲先生悲也耶

祭外祖福建僉憲劉溪翁墓文

泗州欽取同

水有源源清則清木有根根直則直直而曲或抑而拂清而濁或滑而濯應軫不才系出於公官有黜陟其瘼則同匪性不良惟習不臧匪教不端惟處未安離茲民牧言職是司公弗我啟恐負明時公弗我啟式爲公羞豈惟公羞實國之憂拜瞻封墓愀然愴神公生英威東

山嶸峒

祭顧東江先生文

於惟先生光緯之精山川之英濂學渾灝大猷是經冠冕多士納史彤庭經緯啟沃翼亮貞明秩宗典禮折民惟刑掄才造士皇皇烝烝龍蟠鳳翥玉色金聲蒙荷甄拔陶模匠繩天王御極簡賢進能連城白壁集千青蠅德音不瑕具瞻揆衡梁木忽壞壯心悲驚使房已閉斑劍徒增山隅墮淚魂漠無憑

祭王陽明先生文

書湖文集卷五

五

於乎才大者不容功高者多忌蓋從古而已然吾於先生惡乎言惟夫神交者不諛心得者必辨此先生之所自信而吾之所以見取於先生也於乎不亡者道不死者心日月中天萬古如見

祭費鵲湖先生文

先生以弱冠魁天下值孝廟嗣服之初以後人才續續文治穆穆曰惟先生華其國先生以壯年登台輔值武廟多難之際以後內清城社外殄荏苒曰惟先生明其謨先生以急流勇退優游林島靜觀世變冲養道妙今

上登極首被徵召綸命賴以敷宣聖躬資其阿保夫何起未久而位已釋嘗再降而計已告曰此先生之所不能與實斯人之無祿而不蒙大造也嗚呼先生屬纊之夕中使駱驛簡入之辰鹵簿不陳錫誼贈官節全名完班劍世祿恩覃分足蓋先生用世之志雖有不盡之施而朝廷報功之典則前無以加而後無以續也某等旬宣茲土式仰休風哲人云亡豈勝哀悼竊於職守徒切蹢跚緘辭奉奠昭茲靈爽

祭朱白浦道長文

青湖文集卷五

五

於乎吾同鄉之友能砥礪名節清苦一生夢寐千古貧無愁心仕無闕狀如先生者幾人吾同朝之友能存心經濟事執其要弊究其始辛酸可茹絲粟並蓄如先生者幾臣吾同志之友能以道誼相許砭我膏肓剔彼荆棘指以堂牖試之磨涅如先生者則固知其不多矣然而與先生聯第長安晨夕論難肺腑相示不見形骸者幾秋與春故先生之不幸也吾上爲朝廷惜下爲鄉邦惜而未暇惜吾之相親

祭母舅少冢宰董中峯先生文

於乎先生以髫年穎悟日誦萬言上泝六經旁通子史文章大肆卓然成家人皆以爲董氏世積之慶而不知吾浙江山之秀鍾靈孕奇曠百年而出者也旣而以弱冠大魁天下望重朝野侍經帷輔聖德掌邦治登賢才正色率下爲時蓋臣人皆以爲先生得天得君懋官懋賞皆由已致而不知願菴公澡身植行忠厚存心惠政及民享有未盡之所遺也惜其名高致忌浮言不根心雖白於朝廷位未進於台鼎澤未洽於天下志未遂其平生年纔下壽與世長辭於平痛哉某登第之初與選中秘先生聞之喜而不寐以其可進修也及以言得罪調官於外先生聞之不以介意以其可磨練也故以情則有舅甥之親以義則有師範之益此吾心之所慟爲天下者同乎人爲吾私者人不知也喪事卽遠有進無退不敢緩事者孝也恤典未膺不敢就窆以竣命下者忠也先生以忠孝自盡而後人以忠孝事先生教也於乎三綱無愧生順死安在先生固無憾矣特吾人所以爲先生者無已也

祭太史葉瑞峯年兄文

於乎不肖與兄兩子偕計春榜聯名同選中秘朝夕相
資謫然同氣弟以出位而妄言兄以母老而殊致期後
日之有爲不害乎皆然而易地弟以罪而奔走於淮揚
兄亦以鼓盆攜幼而還鄉悲逆旅之相弔咸感荷於天
王弟復青瑣兄歸玉堂思諫書與史筆共翊贊夫虞唐
弟以侍養而告南兄亦以持憲而垂檐顧外臺之冰檠
又何異於內鼎之梅鹽後聞兄之有疾吾以爲日月之
蝓蟾及弋陽而得訃始知兄辭後學之依瞻於乎此生
不能見兄璧毀蘭萎山頽斗傾玉斂其色金失其聲舟
過永嘉造兄之家哭兄有盡憶兄無涯荔丹其實蕉黃
其花臨風一奠魂在朱霞

祭胡光祿先生文

於乎先生起儒素爲顯官文武才畧震耀一時豈非傑
士哉始先生與予父遊史書皆先生句讀予幼讀是書
不煩訓釋得畧大旨固知先生爲博雅君子恨先生宦
遊於外而未見其人也旣而舉進士適先生歸按閩之
命於京一見待以通家周恤備至雖謬承許可少違於
禮面斥不貸故三年京師得減過失者先生教也蓋先

青湖文集卷之五

五

生接人出肺腑存忠厚直言論事無所隱諱其在朝風
節大小一致予於是又知先生之心不徒見其入而已
及先生以不次功擢南都光祿雖崇其階而散其地人
或歎之時予作文贈行曰先生健士也將必大用於天
下此其厚蓄之地耳將欲推之必固置之將欲勞之必
固逸之天下於英賢固如是乎居無何忽有价來以病
疏退竊以先生素有用世之志似或非託而年尙未衰
豈不能自力哉意者直道齟齬爲自引計耶將有親老
而願遂其養耶縱爾有疾旦夕可愈詎意不起於乎痛
哉予以言事出守泗州便道歸省至丹徒聞先生訃不
勝爲天下公惜爲先生私悲顧方在罪遣事出冗迫瀕
行擬飲一弔風雨柯亭舟人不前香瓣虛設迹雖若以
存沒負先生而此心則弔不用猶一也先生幸鑒之哉
先生忠孝未畢而志已伸功業未就而緒已見貽遠之
謀或未遂而嗣之者有人休老之願未得償而今可以
無憾矣特吾民不幸不得究先生之施以沾濡之也亦
吾鄉不幸而不得被其餘光也於乎痛哉

祭太平府經歷史三丈文

青湖文集卷五

三

先生理學深邃幾乎蘭絲狀貌魁奇挺然鶴立羣疑賴以爲明著眾論望之爲赤幟雖其自許亦嘗以爲用世之儒而況鄉評豈不稱之爲識時之傑夫何命不遂志頓於場屋小試府幕竟卒於官於乎哀哉某於先生豈徒十年以長實惟三世之交垂髫而蒙見知析薪而荷斧克方圖報夫深恩詎忍聞乎哀訃幽藏已闕音容永違時序興思式陳薄奠

祭蕭太孺人文

代衆作陸靜菴爲主

觀婦德者於其夫觀母儀者於其子孺人之夫學能淑

青湖文集卷五

三

人政能澤物生有令名歿無遺悔則孺人之婦德可知已孺人之子隱能守家顯能匡國詩禮雲仍文章漢迴則孺人之母儀可知已故一命之錫恩典有不盡之褒百年之壽天道有將盈之報在孺人固無不足而人心仰德之私則猶爲歉然也某等於先君子有師生之分則因孺人而增函丈之悲於令子有友朋之誼則已不待升堂而傷拜母之無從矣牛原草青不堪灑淚龍岡雲白不堪凝目惟合砭之有期尚可瞻英爽於彷彿也

祭母親太夫人文

哀哉我母妣我十三月而始生乳我七歲而就食我實不肖無以報德忝竊祿養棄職而歸菽水承歡雖不羨三牲之養然而食指浩繁勞母心於生理者萬狀後值起用江西方圖迎養而嚴父棄背匍匐東返勞母心於喪葬者萬狀今將奉遷新居兩爨供食以樂桑榆以終餘年而痰疾忽作一時遽殞於乎痛哉我母生於禮族歸於儒門內外王父俱官大夫睨嚬之下不知侵漁夫婦同心迄於垂白子孫四代繞於膝前二女之家有依有後宗姻族黨人無閒言天於我母固云不薄於我方寸則有缺然五服告成敬陳一奠於乎痛哉

青湖文集卷五

三

祭錢君弁老先生文

於乎心有所不能遂理有所不可信是果誰爲之耶先生之子以先生之年漸高急急爲祿養計迎先生於均州以就晨昏公以教人私以事親蓋將以盡吾之心而信夫理也甫及五年而先生絕世於乎是果誰爲之耶傳曰孝弟之道通於神明先生父子之心人或有不忍者神明有不相之乎楚地之神吾不能盡知吾聞夫舜者崩於蒼梧葬於九嶷舜之孝聞於萬世神亦萬世不

泯獨不靈於先生乎又聞夫屈原者放於江潭沈於汨羅原之忠聞於千載神亦千載不泯獨不靈於先生乎且原以忠不遂至欲求處地思湘君令五帝以折中使咎繇以聽直不宜今日蒙然其無聞也於乎其命也耶使非命也則先生之才豈不可以有用於世而卒止於儒官先生之官豈不可以資其薄祿而落落不合以食於家屈於身伸於其子亦可以永其養而進其休也而溘焉以逝於乎是可謂之非命也耶某等於先生之子友也於先生父行也感先生之不永其養悲令子之不遂其心揆諸理有不合質諸鬼神不能以無疑不得乎辭而歸諸命以慰先生之靈

祭劉望岑大尹夫人文

惟子事親惟臣事君以愛民惟婦事姑妻從夫三綱也孺人以弱齡離閨闕內以游瀕侍其姑外以清白礪其夫婦道也妻道也夫子以疆理事周爰山海雖孺人溘逝而不得與訣故爲孺人則幾不欲生爲母而起爲國則不遺餘力爲民而弛於乎三綱可謂無愧矣某等以義則曰人也如天何以情則曰天平於人哉矣乃先吏

青湖文集卷五

墓

民爲君一慟

祭李子宜文

於乎子宜而止此耶蓋其溫粹之氣吾未見其有頽顏疾語而其明敏之質人皆服其爲飛翰驚詞雖少嬰羸疾而學不荒雖屢踣春闈而志益持居家孝友擬諸古人而無多讓莅官清白舉諸近世而實可師於乎子宜而止此耶吾與兄年相若而兄獨早奮乎鵬鵠然不以我爲鶩劣每每執難而相攜吾方守困蓬窗而兄已騰譽我於大學旣而計偕未上而兄已旅待我於京師顧兄之處我有兄弟之所不及吾亦以忠誠相告勸兄就職於明時蓋君子之仕也在行志以濟物而家貧親老又何計爵秩之崇卑幸兄裁已愛民而上下之相信吾又喜吾越之有人誠不負宿昔之相知吾方在侍下不能與兄戮力乎王事冀兄休老遨遊乎稽山鏡水而棲遲忽一夕以傳報曰兄棄職而東歸披衣待旦急謁兄於牀褥乃知乎遽疾之真奇苦醫藥之弗療爰禱於神明以祐之胡善人之不祿竟璧毀而蘭蕙於乎子宜而止此耶踴陳辭而一慟懼傷生者收吾悲

青湖文集卷五

墓

祭朱思齋道長夫人親母文

於維孺人淑女賢婦梁鴻之配孟氏之母胡秉懿德而
壽不測望夫之心空化為石雲迷三楚月明九疑結駟
而歸喪蒲何之王事遺我有命自天死生契闊流光逝
川遠近宗姻孰不心惻矧我葭莩有關休戚肯堂之下
子孫振振福於孺人不止其身埋香在攢奠椒藉蘭義
爲夫子忠爲王官

祖母周宜人成服文

代大伯父作

於乎我諸子幼失所依我母勞苦撫育得至於今日者

青湖文集卷之五

五

誰之恩我父歷官無墮遭讒而歸徜徉林下三十餘年
竟以清白遺我子若孫我子孫亦幸承之者誰之助我
祖母太宜人貞節五十餘年貧而愈欣老而愈甯者誰
之養此三者三綱也於乎三綱之變成賴我母不失其
常天之佑善宜何如也今乃奄棄我諸子之養所生一
弟又爾蚤世遺孤若我諸子之幼又甚零丁傷哉天變
必復況不宜變者又復之不遠我母之福殆有所遺我
母其瞑目以俟服成申之哀詞以寫我臆以昭我母之
懿其不可知者歸之天其不可忘者志之後人

合葬翼弟夫婦文

於乎天於吾弟仁乎不仁何不幸而生也門祚涼薄而
不能庇其身又何幸而死也同歸一邱而瞑目於未亡
人夫以命夫婦以節貞於乎天於吾弟仁乎不仁

祭五叔父文

於乎軫在京而聞叔父之疾以爲此疾南人嘗患之無
害也既而軫以改南歸見叔父於臥室其形容少減於
平時然能自起居或步出外庭笑語嬉嬉予益自慰謂
不久當愈及至南都得江右之命歸見叔父於枕簟閒

青湖文集卷五

五

體甚羸屢形於色語及後事喑喑然悲軫不忍楚叔父
之心每每趨出夫苟知至此盡若令終其詞以爲訣而
今不可得也痛哉分厯湖東棲壤吾浙遞月隸人通問
皆云病如舊且曰呼至牀側受叔父口語及東鄉人回
得家書云叔父病不效於藥有命也數也之說人又不
至寢所受口語軫心始驚懼且悽然而泣淚矣幸而有
蘇杭差便尙可一見不意行至廣信而風聞叔父訃然
猶冀其未的也過蘭谿而信遂真見田氏始而知叔父
之續屬於正月四日於乎此生不可復見矣痛哉往年

翼弟死叔父臨穴而哭甚哀今叔父年倍吾弟有後於
吾弟死生雖哀亦可以無憾矣但祖母年踰七十所生
叔一人使不得食其力以終身天胡忍哉叔父性溫粹
平生不與人爭極善植產貲足以爲義軫嘗計戎需祀
田歲餘豆區釜鍾皆不令別費叔父曰是將羸之爲續
計也蓋軫之心叔父已知之矣祖宗冥冥之中獨不鑒
之而胡奪吾叔父之速使不得共成其志耶無乃仕者
之曠職使隱者之罹其咎也頑者之稔戾使彥者之受
其殃也於乎死者未必知生者實爲之悲幼者尙未知

青湖文集卷五

五

老者誰依

代父親祭長孫婦季氏成服文

哀哉孫婦端儀粹質歸於吾門人無指摘事我夫妻逮
汝舅姑殫盡心力周旋有無靡夙靡夜女工是執滌滌
針縫湘紈襦拾爰相其夫尊賢取友勿荒於飭勿恤於
酒人曰慶餘得此賢淑孰爲良金孰爲美玉天難諶斯
禍福不常子生半月母身殞亡汝德無虧我行未積貽
罰於汝我恨何極汝生如達誰使之然逢時酷熱致病
之緣汝非不慎乃命之爲藥不汝救咎將誰歸我哭無

益含悲不禁撫二弱息實傷我心服成告汝以慰汝靈
汝魄何在竊竊冥冥

祭葉成規年嫂文

福無常兮禍隨物未盈兮速虧信哉培兮不爽適氣數
兮多畸哀若人兮貞姿處室家兮其宜誓糟糠兮同甘
忍富貴兮背之急藥砧兮萍途況膝下之孩提耄有姑
兮堂上增倚問之遐思游魂慘慘兮鴈蕩雲旅觀蕭蕭
兮路河月野燕歸兮海樹秋精衛號兮江流血雲耕杳
兮不可追空折荆釵兮作長訣

青湖文集卷五

五

祭中峯舅母文

巖巖斯石維南山兮毓秀孕祥馥幽蘭兮維此中峯爲
民望兮江流鬱紆兮柔剛兮珎副翟服重膺封兮淑厥
閭儀瀟王風兮鬱鬱而逝蹇元化兮有昌後人福斯遐
兮

集詩句祭金允良母姜氏文

淑人君子長發其祥天立厥配必齊之姜歸於其室維
德之行亦既抱子無忝所生母曰嗟予子匪屈匪康賈
用不售曰商是常母曰嗟予季日就月將維君子使爲

龍爲光惠于朋友令德來教母氏劬勞小子有造明明
天子求我庶士烝絜皇皇惟曰于仕懞爾優游莫慰母
心對揚王休將毋來諗

祭大伯父文

於乎凶人哭父淚未乾而又哭吾伯父未哭伯父之前
又哭三伯父一歲三大哭如人心腹受傷而頭目又傷
痛極不知加痛稍定而思之則不勝悲於平天平天道
仁於萬物何獨慘於吾門乎意必子孫不德有以致之
而今悔之無及矣於平天平伯父官雖不尊志雖未伸

青湖文集卷五

五

而其見幾引退清白一節無愧於古生不識飢寒離別
之苦享亦厚矣晚年得子鼎峙而孫瑜立後亦昌矣平
居以忠厚處心以寬恕待物天之報之殆未可量伯父
亦可以瞑目矣靈車既駕終天之訣哀號斯言不知倫
脊

代諸友祭懷梅金先生文

於維先生才行俱備方其幼也人見其有老成之狀而
不知其深邃之思直欲鈎立而闡秘也及其壯也人見
其有慷慨之志而不知其有仁厚之心直欲扶顛而起

斃也至於作家人見其起於艱難日就殷富以爲長於
理財而不知其使當一命之寄必能藏富於民而非後
世專於富國之計也白其領袖多士蜚聲場屋固將獨
步騁馳於通途奈之何命奇不偶霜蹄屢蹶而竟泊千
里於甯都詢知其訓迪有方生徒樂業近可以繼南齊
於吾越遠可以追安定於蘇湖以爲吾鄉同志之士隨
試皆可夫何一疾不起未及聞訃而寶珠橋西之哭聲
乃其扶輿之遺孤於平痛哉某等於先生或五年十年
以長居同里閭而有兄弟之義或異官家塾切劘道誼
而有朋友之交或簞葭倚玉薦蘿係木而有兒女之戚
或雲山登眺風月舒嘯而有詩酒之遊昨其之仁而臨
別也大才晚成猶將擬李郭仙舟於雲路今其不幸而
返也旅魂孤鶴影髭見令威華表於蓬蒿於平死生常
理夜旦必然盛年厚德責報於天豈理數之難信致福
壽之無緣昔歐陽公之祭石曼卿也而曰於平曼卿而
止此耶蓋以人事惜之也朱文公之祭呂東萊也而曰
天之降割於斯文何其酷耶蓋以天命悲之也哀悼之
惜無所控訴以至於此古今一轍臨風哭奠靈其鑒之

青湖文集卷五

五

祭外父蘭坡章老先生文

翁瑁之情比之父子於乎傷哉一生一死翁如京師宿
我旅寓聞翁之訃哭翁宿處昔亭之蘭坡前重茂風流
幾何坡蘭復朽嗟嗟坡蘭有餘其芳鬱何階玉幾蹈蕭
牆有杭在畝有桑在廬翁蔭弗息以詩以書

祭同年上虞徐世庸父石坡先生文

子欲養親而親不待胡先生可待而不少待歟少年登
高科不幸胡令子於不幸中而又不幸歟上慎旃哉
方與夫陟岵之思斲之馨矣又動夫蓼莪之悲東山失

青湖文集卷五

聖

色兮痛謝老之不在娥江有聲兮怨鰥魚之未回嗚呼
祿不及親不如固窮生子聰明不如愚蒙古人一日養
不以換三公夫苟知其至此則雖家貧親老甯可以不
祿仕而揚名顯親何人爲孝之終哉某等於令子有青
雲之交於先生未及升堂之拜悼若翁之云亡嗟良朋
之無賴欲麥舟以濟之恨琴書之難賣嗚呼越南冀北
雲樹茫茫寡婦孤兒哭聲斷腸遊子焚芰荷麻衣歸故
鄉靈椿既萎翳丹桂何芬芳萬里牽愁兮烟水長天涯
涕淚兮悲風白楊我楚些兮酌道傍忠孝難全兮徒悲

傷

青湖文集卷五

聖

青湖先生文集卷之五終

十一世孫

琛校

青湖先生文集卷之六

誌銘墓表壙誌行狀

德安縣知縣李君墓誌銘

予與君相知最深不意其止於此也慟且弗勝而何忍銘之又恐君之賢未必盡聞於人而德薄交厚之言不足以為徵也辭之者三而始按狀君諱萱字子宜別號半峰姓李氏其先鳳陽人五世祖諱勝從太祖征累功授虎賁昭信校尉曾大父諱亨洪武甲申改紹興衛遂世其家大父諱紘正統庚午征沙尤景泰辛未征呂峰

青湖集卷六

進武略將軍父諱陞襲爵尤洽聞能詩楷為縉紳所重母張氏封宜人生四子君其季也幼即穎悟年十三摘文若流補郡庠弟子員正德庚午領鄉薦明年會試下第丁內艱過毀伏疾幾殆後復三試不得志而以親老就銓授知德安縣時為嘉靖丙戌德安俗尚巫鬼民間爭舁木偶以相惑君至盡焚之而人治以法且曰異端興者吾道廢也遂留心學校課試諸生講解經義又復古小學以教童稚由是儒風始振民有俞貴玉兄弟訟者君故弗決為申天敘之親訟者悟而自翕有□姓子

青湖集卷六

潛出其母於十里外反誣母家君訝之且不施刑踈偵得之乃服其政先化導而又明審類此以獄為死地尤加之意故在任六載而國土幾空盜亦弭息於凡徭賦每務輕省民皆仰之恆視其貌之豐瘠以為欣戚焉巡撫都御史高公公韶巡按御史秦君武皆優獎之且將薦用而君忽遽疾遂以壬辰歲之夏棄任歸撫按行文催復者繼屬蓋惜其才也歸之日民多流涕送之別舟具木以虞君不測至過常山去者尚百數人君卒後德安移關問安亦出民曾仕英等意君之得人心可謂深矣君為人和易人未嘗見其有疾言遽色下至僕隸亦善待之居家孝友三兄皆蚤世撫其孤如己出處友有恩意然而有過必規平生不道人過而其疾惡自嚴故於人亦寡合持身介慎一毫不妄取德安有密□金孟以為儀者君覺即以不知已卻之自後人不敢遺以私臨行賻物亦不受俸餘又為醫藥所空至喪無以為禮難矣哉君嘗從令都御史吉水毛公伯溫學甚為器許每相見必問及君今君可謂不負所知矣續未屬猶以手撫膺歎曰八十四歲父何忍舍他無所及不問識不

識咸嗟悼之君生於成化丁未七月二十八日享年四十有七卜以卒之年十一月十六日葬於郡西南十里亭山下小金灣之原娶錢氏生丈夫子一卽朝宗女一長適龔可成者攜之任卒次許嫁毛嗣而殤孫本適君病中得之而喜天之祐善遠近未可知且先有以慰之也銘曰

不模者資不斲者守粹固難完惜又難久官以身輕譽以貧茂蹇於而前裕於而後彼蒼有知斯其不朽

池州府建德縣知縣言公墓誌銘

三 青湖集卷六

嘉靖一年癸未閏四月朔日辛丑建德縣知縣言公卒於京師爲公之喪者進士沈君澧公之門人也視公之大殮者大史劉君棟公之友也續未屬而領公之遺言已逝而拾公之行篋以歸諸其家者應軫也逾三月而公之壻張思睿來奔喪思睿來者公之子獻幼而珮早世也獻室應軫之妹故以墓銘屬予按狀公諱震字克振號裕軒其先臨川人宋咸淳間有諱通者知紹興府因家山陰北鄉之新河里至公八世矣世隱德弗仕曾大父諱子賢大父諱彥初父諱達公自幼力學以尙書

知名從游甚衆魁宏治甲子鄉薦初知光山縣改池之建德公爲政平實連遭歲歉振恤不暇給又性弗嬖姁動違上官意人未見其所長及江右兵變倉卒爲備輒有緒理賊來躬自接戰伏兵堯城渡斬縛殆盡遠近聞者始服其幹翮武宗南征師駐建德日久公隨便應濟而以正卻靡需民得不擾師還撫巡以其才令兼攝貴池今上登極論功賞及之壬午冬朝於京師公始以戾弊可致名節及調官恆懷鬱鬱既而受知於上益自奮過勞形容頓衰一日忽疾作遂不起享年六十有五公平生行無矯飾外和而內剛故所至譟譟而民則思之爲文切理不嫻於辭華所著有建德志若干卷配呂氏卜以□年□月□□日葬公銘曰

四 青湖集卷六

是公之勤於官卒于京師歸于山邛而魂何之

贈奉政大夫禮部精膳司郎中張公配封太宜人

王氏合葬墓誌銘

正德癸酉秋七月十一日贈奉政大夫贈禮部精膳司郎中張公卒是年某月某日卜葬於其縣之唐家路後二十七年爲嘉靖己亥春正月六日配封太宜人王氏

卒其子廣東布政使司叅政懷與兄怡等謀將以某月某日合藏於大夫公之塋以其鄉貢甲科皆聯名哀經走三百里入雲門先隴之次謁余拜且泣曰懷以永感託存不朽余以謫薄辭則又向先隴拜且泣曰年伯卽吾翁也子何以辭應軫傷吾父之溟漠無聞也遂與之泣而不敢辭乃按狀大夫公諱貴其世系遷轉先美懿德具存劉太史誌此不著宜人諱某同邑王公溥之女王族有梅屋先生者卽大夫公之外祖通五經爲鄉彥師從者常數百人爲宜人擇配而與公蓋兩愛之也宜

青湖集卷六

五

人自幼勤慎及歸卽閉婦道寒夜績紡不輟晨起飯牛餉耕人固已難之至事繼姑曲盡孝敬始雖不愜而終得其懽心此尤人所難者性慈惠諸子提孩至長未嘗羹唾然必令親師友雖織紉以供薪饋略無倦意構室鳩工迎醫治病必誠必信人皆樂爲盡心以故木石堅緻而危店無恙歲遭海溢登樓以避水患四顧鄰居有漂溺者亟救卹之平居見貧病必有所施尤喜奉佛梅屋先生次女適劉氏者姑之女弟也能誦小學孝經等書時迎致以教子婦閨門之內肅肅如也大夫公棄背

時宜人長於公三歲年已六十哀毀不自勝終喪懷卽發解以父不及見爲恨無喜色每登邱隴必掩泣至失聲而歸喪舅與繼姑尤衰老矣猶能如禮爲諸婦倡觀此則其強年而耳聾旣老而強健蓋有致然也生丈夫子六長曰恢早卒次卽怡次悅學行皆古次卽叅政君懷先任禮部主事陞精膳郎中以其恩得贈大夫公與封宜人如其官次愷悌孫男十四人五一五二五三季立儼伯五太學生仲立縣學生倬倣孫女幾長適陳尙書□菴之孫某次許侍郎嚴時泰之子某曾孫男女凡

青湖集卷六

六

幾人宜人之行不能悉述姑刻其大者如此與誌相發明而又爲之銘曰

稷稷大夫孚于其鄉溫溫宜人載錫之光孰開其先孰承其後孰衍其慶孰篤其壽曰惟此衷無待於外人爵匪崇天植其貴唐家路陬巋然一邱窶中之閱歷世之休

適可薛君墓誌銘

薛君諱懽字廷慰其先河東汾陰人世爲疆族有三子家衆唐薛元敬與從父收族兄德首齊名世稱河東三

鳳收之後遷于蜀九世孫暎仕宋爲禮部尚書元敬爲
學士卒于官子孫遂居於汴於是有開封浚儀之薛居
正以相業顯于宋及南渡時有治平者以孫知政事扈
蹕家于越始爲山陰人永嘉之薛史稱徙自河東其世
次不可詳亦其宗也入國朝來原一提領君長生竹隱
君□□竹隱生毅齋君紀君其次子性孝友與兄懷
同心幹蠱垂白不言析產積粟歲十年卽不事封植曰
吾分已足遂自號適可後以詔拜□興府良醫非其志
也今上卽位推代來功凡籍于潛邸者率進秩或勸君

《青湖集卷六

七

行君但領之而已嘉靖乙酉二月二十七日卒年五十
有五娶王氏繼陳氏生丈夫子鉦孫男二佑偉曾孫男
一卜葬于會稽石羊山之原君伯父雲南布政綱與應
軫祖進士同年義不得辭鉦之請而爲之銘銘曰
無標無指世皆若人臻于治不求其侈曰匪知道弗殆
而止勲庸之家世其祀

周天應妻汪氏墓誌銘

汪氏諱淑嬪故兵部郎中諱鑑之季女應軫之姑適封
翰林院檢討周公廷澤之次子祥俱世爲山陰人祥字

天應號樂農以兄弟皆儒業獨任家事晨起夜歸姑與
同艱苦貲聚日倍不入私室樂農性孝能順父母意凡
有期郵義舉儲以待施姑又潔滌澣奉養無不至封君
及王太孺人皆以賢子婦稱之由是故檢討君顧郎中
君祔左司諫君祚大中丞君禕得無內顧以文章政事
名於時姑性慧敏遇事必有區當而不自遂惟樂農是
聽有弗於禮則婉辭以諷樂農無閒於宗黨者姑有力
也樂農卒姑內治井井誓守遺業絲粟費不妄句校出
入能以心計爲簿書左券滅獲不能欺舊居火別構屋

《青湖集卷六

八

之西偏增其故式二子澍澗雖幼皆令親匠事曰當知
汝父作室之難其因事訓戒類如此澍娶金氏續章氏
灌娶趙氏女一日善真許適沈僉事孫沈榮孫男一日
木正德十四年十月十四日姑卒年四十二葬于黃湖
山與樂農合窆焉鄉評謂樂農之兄弟雖非成於樂農
無樂農不可樂農之家雖非起於汪氏無汪氏亦不可
夫婦有二助於周氏之昌也相繼早逝惜哉銘曰
孰專而儀而婉以隨孰柔而媚而正以規順惟厥真而
家是宜有愉其親誰使無爲有昌其宗實惟相之好焉

厥述中道而虧未亡者身而心先歸有遺有繼有啟有思千年一叩死者不悲

容菴處士鈕公墓誌銘

公姓鈕氏諱廷諤字廷直號容菴別號閱耕道人其先蘇之吳興人七世祖諱純一客遊會稽因家焉曾祖諱文貴祖諱達以仲子宜菴公清貴累贈山東按察司僉事父諱淙例授承事郎母周氏公生於天順八年九月十九日卒於正德十六年五月二十八日享年五十有八卜葬于山陰小亭山之原配潘氏子男二邦正承差

青湖集卷六

九

邦肅邑庠生女二長適陳忠輔次適韓本孫男五至誠至明至善至德至道孫女三長適祝人和餘幼在室公自幼樸茂宜菴於猶子中尤愛公故自吉安府推官入爲御史皆挈公以行公檢制僕從率守清白宜菴得寬內範授公以舉子業公方淬礪其志忽聞母病驚曰焉有志仕進而違其親者亟辭歸奉湯藥母疾遂愈承事郎亦就衰老授公家務公日以娛親爲事竟棄舉業曰養親足矣安用以祿然自奉儉約起家曰富人有稱貧者不計其息里閭有爭不平者就公曲直之性善飲酒

歲時召集親故雅歌投壺意豁如也公蓋鄉之脩士於法宜銘銘曰

不名而馳不利而汨脩爾天常世爾清白歲序易流吾行日休孰冠而蓋曷式公耶

弟庠生仲宿墓誌銘

嗚呼此余弟應翼仲宿之墓銘也余兄弟六人殤者四不意弟已成立而又不幸天胡忍哉豈余菲才竊祿官方偽滋民隱弗恤以致然歟抑僭言獲罪得免刑戮乃貽禍於吾弟耶不然則祖宗積德世世未及厚饗弟亦

青湖集卷六

十

無天行不當有此也弟蚤發穎年十二三時習舉子文便就規矩不蕪余不欲其小就將養而去之每節其作課而使讀書提學五清劉先生選入郡黌亦稱其可教弟益自勵寒暑不輟雖體羸病猶念廢學哀哉嘗以書勸我曰爲官者當明哲自全又以守正不阿爲說蓋其學詩而得小宛相戒之體識見若此使其學成必有可觀處而惜其止此也悲夫弟性溫純與物無忤自幼能適父母意故其死也無間親疏咸嗟悼之嗚呼余守涖甫歲餘而一弟一子連喪於家靡於職守不得與永訣

甚可悲也故余聞弟訃卽不視事有棄官南歸意幸聖
明寬恩取復諫職遂得便道歸省以圖弟葬事途遇古
蹟輒登憩歎曰古人聲赫一世亦爾寥落死生數也弟
亦可以無憾矣冀以解懷而情益悽切奈之何哉余家
世爲山陰人曾祖諱徽祖諱鎡兵部郎中贈曾祖如已
職父似穀母董氏福建僉事□豫之女娶劉氏無子乳
余□子□□爲之後弟生宏治己未九月二十八日距
正德辛巳三月二日卒年二十三卜是年十月十九日
葬之梅山祖塋之側哀而爲之銘銘曰

《青湖集卷六

士

有命者天也積德者人也嗚呼此二者將誰咎而斯人
不壽將誰咎而斯人無後

封孺人諸氏墳誌

瑞峰葉太史式成規甫與應軫同第正德丁丑進士改
庶吉士邸聯長安街皆獨居輪食於館中逾年而家始
至瑞峰配孺人諸氏又逾年六月二十四日以疾卒子
女皆幼瑞峰甚苦是年授編修余以諫南巡得罪調知
泗州公出維揚適瑞峰得請以孺人喪還弔於舟次瑞
峰以老母在堂不敢服凶禮也嘉靖庚寅瑞峰卒與孺

人合窆于慈湖南村祖塋次經今十六年孺人墳志尚
缺子嘉慶以狀來屬余義不能辭孺人世居永嘉阜石
里宋洪州刺史諱某之後父諱里爲刺史四世孫母嚴
氏以宏治戊申十一月二十九日戌時生孺人性淑慎
篤孝數歲知侍父疾年二十一歸瑞峰時寒素食用弗
給有勸於母家取之孺人不聽蓋有程夫人待老泉之
風自處甚約而奉舅姑之喪膳求叔季之昏配則黽勉
爲之且善理家務不煩其夫故瑞峰得肆力於學而終
辰大就其未第時頗有不豫色然孺人以義命運速解
之此尤可謂賢助矣瑞峰能飲酒又不喜獨酌孺人日
具饔餐款朋族盡歡而罷且有周窮恤匱之惠人不見
其爲饗已卯春聞姑病踵憂思終日不食或達旦不寢
此其致疾之由而終始之孝蓋天性也瑞峰四子皆庠
生俊髦長卽嘉慶次嘉兆女適劉立誠孺人所生嘉善
嘉運乃繼室所生卽孺人之堂妹也孺人享年止三十
有二而其懿德善行不能盡述瑞峰錄其纖悉以示子
然舉筆淚下不能措辭惜哉

《青湖集卷六

士

長洲樂圃馬君墓表

馬君諱綾字大榮別號樂圃世爲蘇之長洲人曾大父諱文遠多聞有陰德大父諱以瞻父諱孟暉皆隱弗彰母楊氏君性雅澹不事靡曼家雖裕恆若貧素惟好尙賢士大夫而於勢利泊如也平生與物無競不遑棘棘於里閭間於兄弟尤能率讓頗能詩嘗悲栗布之謁作折荆歌欲以回世道其於行草書亦工縣以君右族責之徵稅值歲饑君曰是不可以重擾凋瘵迺悉以數十年之積貸於官以是爲鄉人所服嘉靖乙酉夏五月十四日忽以疾卒不聞識不識咸切悼之享年五十三卜葬於洋涇原之新阡從其父也配韓氏繼陸氏盛氏俱先卒生丈夫子四淮渡滄海女子亦四孫男一負圖淮遊太學知吾友貢士章大涵大涵持淮狀致淮之意求爲其先人表其墓石余以大涵不能辭且徵其言可信乃按而敘之而又係之曰

孰不致用無隱顯矜不析薪惟其展紈綺之習出者鮮其美弗隱宜其衍千秋之後視此象

先祖兵部郎中休齋府君行狀

先祖諱鉉字時用別號休齋世家山陰臥龍山之東寶

珠里其先出自新安唐越國公華之裔元季兵燹譜亡不能考其世次曾大父諱子文大父諱伯齡皆以積善稱父聲齋諱微博學能詩善真草書尤精於星歷以先祖貴累贈兵部車駕司郎中母謝氏累封太宜人以貞節旌門聲齋公卒時先祖方週歲太宜人萬苦撫育緝紡以給衣食如是者幾二十年始出聲齋公遺貲得一金先祖悉讓與兄銳爲農賈資一意讀書受業於張裕夫陳定之先生之門裕夫得名人文字三百餘篇一時不能悉錄令先祖閱之一夕歸而背書之其性強記如此天順己卯以詩經領鄉薦癸未會試值禮闈災先祖號眾逆風裏行眾不聽爭趨填門不可啟宛轉死烈燭中同先祖走者皆免次年甲申登進士入翰林爲庶吉士逾年授兵部武選司主事奉命往頒闕浙江右武職誥勅事竣還京命選武職擢抑良奸人不敢干以私有四川指揮欲私蔭庶子恐援託不行而先計嘗之先祖察得其狀叱曰待汝嫡子至翌日果至指揮懼與庶子遁去援託者一時頓息辛卯轉車駕司員外郎尋陞郎中甲午倭寇息馬於河南山東同行者雖甚不便而

民實賴之孝廟自潛宮冊立皇太子奉迎儀仗皆先祖
草定著爲令典爲夏官屬餘十年究心職務掣削成度
彌綸舊章時稱練達惜不能盡紀遇閤人汪直用事勢
傾中外嘗以公務見先祖必稱曰同宗先祖每謹避之
及不聽所囑深爲所憾遂引疾歸居無何而同列有被
禍者以先祖爲明決云正德丙寅歲遇兩宮加徽號進
階一級歸休三十餘年以耕種自娛又號十農主人絕
不至公府日與鄉士大夫結耆英會雖性不飲酒遞相
唱和以適林下之權所著有休齋集若干卷爲人狀貌

青湖文集卷六

五

甚偉性剛而明多自負以故落落難合而未盡其用也
己巳仲夏得疾知不起哦詩曰七十三翁四品官塵緣
俗事兩無干逍遙一枕遊仙夢碧海青天萬里寬徜徉
自若呼諸子姓囑曰吾過歲喪父四十休致君親未報
常往來於懷爾曹當勉力以畢吾志乃取朝衣付伯父
穀取束帶付不肖仍戒曰勉旃衣鉢之傳在此言畢而
逝庚午正月九日也距生正統丁巳四月二十一日年
七十有四娶傅氏累封宜人先卒繼娶周氏生子男五
長穀國子生次詒穀青縣典史次式穀次似穀卽家君

封徵仕郎戶科給事中次戢穀陰陽官女三適章幹田
溟周祥孫男十二長應璧次卽不肖應軫南京戶科給
事中應房應翼皆庠生而翼早卒應張應室應星應心
應堪應斗應昂應虛庠生孫女八適周沐金堤胡昂言
獻徐應元吳諄朱景禮王岷山曾孫男八延吉延福延
乾延良國子生延道延震延祉延泰曾孫女二在室某
年月日與傅宜人合葬於梅山之原故刑部尚書王公
鑒之銘諸幽矣然未表諸墓道況當時政蹟有後人所
不及知者幸碩德重望大人先生與先祖同朝相知最
深敢乞一言以垂不朽不勝存歿均感

青湖文集卷六

六

青湖先生文集卷之六終

十一世孫 琰 校

青湖先生文集卷之七

書簡

寄鮮道長

天下之治亂係君子小人之進退而朝廷不與焉君子小人之進退係朝廷之賞罰而君子小人不與焉君子而進小人而退則天下治君子不進而所進者非君子小人不退而所退者非小人欲天下之治不可得也善者而賞惡者而罰則君子進善者不賞而所賞非善惡者不罰而所罰非惡欲小人不進而君子不退尤不可

青湖集卷七

七

得也是故天下之治亂在君子進退之後而其端已兆於君子進退之前欲觀天下者卜諸君子而已去歲偕計時謁先生於行臺方臥足疾以爲初易水土未足以爲病及至京而聞先生以疾告天子以辭意懇惻不能固留其前疾耶別有疾耶抑託者耶朝政清明賞善罰惡未有小隙而盛德厚望先自引退不能不駭四海之耳目且吾聞之古之君子有志於救世者貴乎有通天

下之量而後有超天下之功若夫子然而行謬謬然而言悻悻然而自好巖巖然而來望望然而去未有能

成慶豐著表表於當時後世者也古之君子處己處人

內外一致先生在浙闡盡心取士采之衆論收之人望

而參之獨見冀得真才以爲世用卒之不肖亦辱薦剡

戒諭諄復無非憂國愛民之言蓋欲生輩律身操行奮

起事功同爲盡臣庶不負於主司言猶在耳今觀先生

之去與所以教生若不相似則處已處人未免二致且

非救世之道矣當今之官惟御史得行其志而御史之

官惟巡按得行其志先生誠使有疾不甚害事亦當強

扶以週一歲則兩浙之地百萬生靈必有死而復生冤

青湖集卷七

太

而復雪流離而復家室草莽而復良民山高水深風飛雷厲轉盼一二氣象萬千者矣何忍棄此就彼孤天下之望憤志士之心哉蓋治則進否則退進退由人者大賢以下之事有進退無治亂進退由我者大賢以上之事大賢以上之事先生當爲而不爲大賢以下之事先生當勉而不勉可謂兩失所據矣古有稱匪其人謂之不任不肖既辱所舉使不能見幾取罪貽累於先生先生何不勉強一起使世道帖大君子見賞罰則思進以治小人人見賞罰則思退以避君子聖明之朝無有

掛東門之冠投北海之簪者豈不爲盛事哉涉筆千言不勝惶懼

寄季彭山

去歲蒙手翰期勉甚深自愧才薄無以仰副徒付之浩歎而已大抵文人才子雖由自砥礪亦天有以造就之也雖天有以造就之而有志者未嘗不益自奮發以與天爭勝天無棄人之心見斯人之果於有爲也遂因而成之而其成之不終者必其有負於天者也如父母之於子愛之甚者必藏之堂與敦之師傳淡薄其嗜慾勞

青湖集卷七

九

苦其身體以望其大成而其不甚愛惜者則任之以家政號召奴僕出入泉貨聽其所爲人反以爲得父之子而不知其愛之薄也及彼不能成人而此能克家則父母之心亦有所移矣天之心公也父母之心亦公也人之當自成子之當自肖非有待於外也予年幾三十而後登科蹭蹬蹉跌甚眾未可謂之易然以予之才而如是不可謂之難君年踰弱冠偶輸一籌而已有赫赫之名勲於京國未可謂之屈然以君之才而如是不可謂之信以人情論之能不以我爲得父之子以識者觀之

又能不以君爲望其大成之子耶吾固當勉兄亦不可自足各無愧於天爲天地閒完人各無忝於父母爲克肖之子則幸甚幸甚

答蕭子維侍御

再辱手翰教以忠孝期以大就足見平昔過愛方有今日之規益也感佩感佩但生所爲繆戾亦或有情惟執事察之近見所作有厭棄舊學之意則靜中必有眞得處幸爲我告之僕所望於執事者非直才華而已也家居凡事當益謹飭有不切於身心倫理者可省去之才高行著衆謗所集要與執事相勉何如時事日增勢不得久閑惟相時進退以報國利民亦仁人君子之所不得已也便中奉答希鑒不備

青湖集卷七

十

答錢詹中

向承規益足見嚆昔雅愛久欲奉答但答之以言不若答之以行以故遲遲至今也況時事非淺薄所能料理而責任又不在我於執事所望何以克副愧甚愧甚執事以英銳之才博洽之學屢膺當道首推今秋必發解固爲知者喜然大丈夫立天地間豈直文藝而已要以

德行氣節自持方於國於民有補否則亦若人耳執事
既能責我必知自責毋徒託諸空言

上頤菴外叔祖

辱手書教以忠孝之道足見骨肉之情但軫所以不愛
其身甘冒出位之罪而從衆妄言者正以猥蒙期待意
欲希蹤古人不以苟賤自處刻志勵行以副望萬一又
以爲親一念橫於胸中不能早引以致愚憤所激頭緒
錯亂增罪增罪可哂可哂幸賴餘庇鈞壓不糜何以遺
喘勉思成人至於樂取禍敗以崇名節亦非軫之素心
也少紓至懷尙容修飾今天下多事進退皆憂不知吾
漸得偏安否桑梓在念懸懸寢食便中不靳示及以慰
遐思臨書馳慕意思恍忽不盡所言

上中峰母舅

承手教知感多矣但甥欲改官者非擇利南北亦自有
不得已之心圖爲歸計也故不鑒前事而冒爲之以毀
譽付之人而使之自定惟高明察之今國有師命已不
可言去惟守已聽天而已先生負天下之重望身處於
家心存於國必有奇祕以宏濟時艱豈宜遁晦而不出

《青湖集卷七

圭

尺寸耶顛俟顛俟向以罪累幾不復相見幸存殘喘尙
容親炙

與秦巡按

辱知愛猥以道誼掄繩度佩深且久矣頃布政司書來
禪承尊意不以瑣陋見棄欲取匪人將溷貢舉此何過
望也耶由是感激肅竣原委反勞精力感致寒疾不能
動履神馳迹滯奈何奈何數日來頗覺少愈將勉就道
以承下風副盛心家母又不忍捨遠行竟坐方命弗敢
覬違噫士之遇知己也難幸而遇之又非意事以阻
撓之其遇不知已也易幸而不遇之又使得以影響之
豈非命耶涉筆至此不復知有勢分并忌諱伏希照原
幸甚

與吳縣令楊德周同年

來諭大率欲僕遷居以左避田侍御詞意繾綣非年誼
切厚示不至此感極感極正欲領教以圖嚮方徐而細
之但覺初執未必盡非夫御史之權雖重此其境略主
也僕賓也僕始至時非擇善而處也惟其所以爲之宿
耳賓旣就館乃爲主以移置之如禮何昔子產相鄭伯

《青湖文集卷七

圭

以如晉盡壞其館之垣而納車馬焉士文伯讓之子產對以輪幣之不敢暴露今僕之所展者將輸之天子其又可暴露乎而尚未壞君之垣也其何讓之深哉且子產所舉之賓禮有曰諸侯賓至甸設庭燎僕人巡官車馬有所賓從有代巾車脂轄隸人牧圉各瞻其事而展其物恤其不足賓至如歸僕今不敢求事之瞻且將別羸我於隸人之垣若之何其不類也來諭又恐罪及縣人夫君子之所畏者有禮有刑賓主交際則有禮上下相莅則有刑君子與其犯禮甯犯刑況禮有百順焉未

青湖集卷七

重

上郡守南瑞泉辭坊牌

伏聞執事爲生營立綽楔無任感德但愧菲薄出處不關於時言行不規於俗文章節義不足以抑揚風範素舉無一可表於鄉閭者今適過辱見許欲樹風聲以存不朽無乃爲蕩隄之計乎不然何濫及匪人也縱執事長於調度上不費公帑下不累小民百度具興何難此

瑣瑣萬一弗洵於當路者甯能不猥貽於執事此生所以疑懼不自安也敢不避違拂冒瀆以辭若夫指意所究有非愚昧所知者惟恕亮裁之

答鍾世傑

久別音問寥闊且不知仕宦處所忽得寓澤州書惠甚慰甚慰還思己卯年安福邸中相聚如在夢間余子居又物故其他升沈不一人生會面之難有如此深爲一慨澤長馬仲房舊任仲房與吾同年同館同以言事謫嘗聞其在任時多有惠政今吾子必能繼之先後並美於區區亦有光焉大抵牧民官要以愛民爲主遇事必求平易可久遠行不可從名上做工夫得失利害付之度外自然實惠及民不必出新奇令震耀一世凡欲更革一事不可輕率易言己日乃革之己日乃卒聖人慎重之道蓋如此吾在泗時年尚少經歷淺甚覺此弊至今猶以爲恨吾子念之吾家居已八年用世心不動今因吾子正當經濟是以偶論及之不覺言之贅也未聞惟爲道自愛不宣

上靜菴胡先生

青湖集卷七

三

應軫自髫年已欽仰山斗及謁龍門未接光霽夙懷雖
傾而猶歎既而再領手翰引進之意不勝惓惓深感深
感幾欲脩謝俗冗因循且乏良便負罪未諗情宥近來
時論未明致有以執事大節不類平素者生聞之始而
驚有頃而悟蓋大臣之體自是不同其調劑茹納鎮定
解紓豈小夫儉人所能測哉後得邸報見疏論數十事
炳炳有開國家大計益自信所揆爲不爽而群疑亦大
破可勝快哉恨不得見全文不識可賜下令草野閒人
一捧誦乎蔡希淵吾黨之狂狷也諒在識裁今因其所

青湖集卷七

奎

便附奉啟居伏惟爲道自重數福天下幸甚

上陽明王先生

正翹仰間辱遠賜手書不勝感慰伏念軍務倥傯之際
不忘後輩如此固盛德忠厚所臻抑亦可見樽俎笑談
之有餘矣此又可見朝廷得人賀不獨吾私幸也雖然
軍旅之事孔子以爲未學及至論王孫賈則有取焉豈
聖人於武事真有所未聞耶抑王孫賈果有長於孔子
耶愚意以爲兵者不祥之器聖人不得已而用之王孫
賈以軍旅治軍旅不過足以守國而已孔子之聖蓋有

在於軍旅之外以爲世不習俎豆是以有軍旅及至用
軍旅尙不知臨事而懼好謀而成故子路之勇亦不之
許其所以取王孫賈者爲衛發也非答靈公之本意也
昨見老先生已論及此矣誠恐臨事之時獻謀者不詳
而用命者不勇萬一有違初議軍門之紀律固在然繩
之於否臧之後亦已晚矣是以敢有此說不識高明以
爲何如近日獨覺之進更望示下以啟愚昧幸甚

復松江貳守徐伯和

青湖集卷七

奎

聞以直道不容長切懷念續論思恤止於替職甚慰且
喜地近得通音問正欲走价適承飛翰臥中驚起捧讀
深感不棄但示欲西歸此恐太急蓋士君子出處只論
道誼不論崇卑若松江無梗吾治者自可行志以報吾
君不當再顧前事自處不廣何如何如介谿翁書已領
所言亦是此理但執事今日所處與生前日不同道隨
時就中不可執一僕靜中思向者承論之言尙有不能
盡從者正可執事自用高明其必能權之

與張憲長

連日途行冒雨疲甚前病增劇昨夜半腹大痛幾快絕

得一瀉略可而脾胃益損神思益困不能前進僻縣又無良醫可託阮籍所謂途窮不以此耶專人回省請醫幸垂念擇一人來生到廣信調理數日方可過山生此行亦只爲病體在客中無一骨肉相依貽父母千里之憂與念及此方寸卽亂以此不告而行恐爲執事輩所挽非有他意也蓋撫按諸公所以待生者未嘗不厚生所以爲之者未嘗不堅縱小有督責自是常規生之出處甯獨係此煩多致意高吾先生勿以形迹重加疑怪相見有日願得再承下風如終廢棄亦宜幽伏遐思

青湖集卷七

三

別有著述容奉請教以圖不朽蓋古之君子不能同行於時亦當同光於後進以天下退以天下大道之行也生何敢不知量而欲自絕於大賢君子哉是以未出城之前惟恐行之不速旣出城之後則又悵然西顧此情此意人或不知執事其察之哉

與徐世瞻侍御

辱佐下風正思努力奈賤疾有弗可強者冀憲節貴省得一信別意而又以地方繁重渴懷徒切耳執事厚於年誼之情已於進賢一見如平生矣何待今日繼留而

後知耶□惟銘感而已昨離省城恐爲相厚者所挽巡撫鎮守衙門俱不及別今又不敢回舟造謁以生別議況病體又不可以風幸惟亮恕巡撫先生待生極厚近雖小有切責於生行止自不相關但適與行會致有訛傳久當自明生亦不容辨也負罪均惟照原

答鍾天慶年兄

昨安仁已領手教僕亦已奉答彼此俱相照矣今弋陽又見華翰竝考月日乃初教也於此感執事年誼之厚爲恐路不相值分投走价計必致之銘刻銘刻所責秉

青湖集卷七

三

誠進賀布告百司何爲中止因小違大固是大義然巡撫衙門批允未下巡按公文本司亦未關到生何憑而北上乎此生所以急行不俟終日者正以閒不容髮之際有義存焉耳執事其亮之哉巡按先生垂情甚厚近時年誼所罕見者但生旣離省城無復還之理煩多致意幸尊教之

再與鍾天慶

昨鉛山道中已奉答手教矣諒徹今至廣信復得觀教與前一詞蓋執事以四面之網張倦歸之鳥不仁於湯

亦甚矣雖然無方之立天下之選亦惟舉一伊尹而阿衡之任不逮於茲此去一面說也願執事移此心於天下之賢則仁被廣矣何獨於同年而致困留不得遂其志哉白駒之恨於今爲甚今且於廣信分司中就醫數日恐場苗場蠶不足以秣自當就空谷之生芻耳執事幸勿反吝金玉

答詹文化掌科

病而去何古人之敢望去而以病何今人之不合然執事之所以教僕者則道也古之人所以不可及者亦惟

青湖集卷七

五

出處以道而已今望於古之人顧其道之何如耳僕之去未盡道也道盡斯可以望古人且將合於今之人矣不合於今之人必其人非君子而後可而今之相與者皆君子也如此而曰盡道可乎曰古之人古之人可乎執事又謂有不合則去但可行之君臣屬僚之閒去則中人之忌此猶不敢奉命蓋不去者惟身當國左右權奸利害將及於社稷則不可去非此則未有不可去者不去則與之爭矣爭非君子之道也況爭則曲直角立彼此殆不相下讓而去之彼或感而輸焉故去之者非

絕之也古之君子不勇於就而勇於去不重於爭而重於讓豈特君臣然哉召公之去周亦以去周公也韓信之去漢亦以去蕭何也不然周公蕭何豈能留二人哉觀其爲此而留則爲此而去可知矣周公聖人也蕭何亦賢相也而二人何以去之故曰去之者非絕之也僕之去爲病不爲道執事曰子之去不爲道則可曰不可去則僕不敢聞命

與葉子大年兄

病人過舊友其情不能不厚而執事又厚之厚者深感

青湖集卷七

三

深感差人遠送於當時已是厚今日恐非厚之至者不能去官忌者不能留愛者固留俱非至厚去而留留而不固有巡按督責不以爲期會而惟曰道之可否不惜故人之官而惟遂其志又導之出疆故曰厚之厚也人歸奉謝

與徐伯和年兄

廣信領手教委曲非年說深厚何以至此感感向已隨奉小帖諒達左右鄙人自咎不暇何敢有所控極此心唯知已者亮之況高吾先生生所敬仰忝在屬下要以

古道相麗是以往往執論以求不負相知非有所抗違也昔左雄咎薦周舉而得自貶周舉對以宣子韓厥之事而雄欣然天下兩高其人我朝羅一峰之於李文達亦然古之君子其報相知也如此夫豈在於唯唯諾諾以爲恭哉宋時賢宰相論事朝堂不相假借退自不失和氣蓋不如此則非事君之忠且失道誼之交不惟已之望人不厚人反得以輕我矣由此觀之僕之心何心哉僕之心未白於人而望人之與是又以不誠望於人也今高吾之所以與僕者甚深其不與者必其未白僕

青湖集卷七

三

之心也此正其相與之誠相待之厚而僕又何辭焉僕歸矣而心在心未即明而事在執事試爲白之則古道復見於今矣僕又何辭

與張憲伯

蒙庇風水俱順一路平安今喜至家二十日但病體如舊兼之酷暑不能出門戶惟杜絕人事以念咎而已相見無便期徒彼此長憶耳草萍見令器常山會顧惟賢二次俱不及奉書仗之伸意諒能情鑒靜思不肖乖張重承委曲周旋生死肉骨恩深莫報竟不能領教以歸

邱壑同衡草木爲仕途中一罪人無顏面見鄉里可恥可恥然此心雖已知罪中不怨悔其是與非付之公論以圖改過至於得失利鈍則聽之天吾不得而知也便中仰望勿吝金玉使林下得聞政化覃被江西之草木亦當鼓缶相慶爲舊伯之私何如何如

與箬溪顧先生

常山舟次一會江風停颿山月正蝕使彼此不得解纜盡歡而別豈非天意耶不肖病歸一路少知己鄉話得聆清誨鄙塞復開自分邱壑之人甫入桑梓而得此陰

青湖集卷七

三

陽消長晦明往來成一嘉會天意果欲何如耶別去不成寐竟夕江行青山中二日而至浙江風水之順如此天意又果何如耶屈指執事抵江西半月矣政殷酷暑簿書相仍當必亦想此會然出處雲泥之隔使不得遂彼此知愛之願此天意耶人事耶吾不得而知也伏望宿學重器益展敷施出其緒餘以澤朽物則又不當歸之天也恃愛涉筆以代啓居爲天說以堅執事之志執事其族之

與張憲長

累承手教繼繼之意溢於中表足感盛德隸人回已奉書謝諒達第愧不才曠官不蒙見罪而重辱當道洎執事委曲何愧如之煩多多致意高吾先生鄙心蓋以古道望於君子而平生自負決不敢爲知己者所棄有韓昌黎所謂莫爲之前後之意此意雖不白於人猶沒世不憾矧高吾又重加之意如此哉天下惟不屈人爲高惟不較人爲大非高無以成其大非大無以遂其高二者勢若相譬而實相益人知魏絳之能信刑不知正所以成晉侯之能任人知申屠嘉之能執法不知正所以

青湖集卷七

重

成文帝之能容然執法而信刑者易能容而任者難故有晉侯而後有魏絳有文帝而後有申屠嘉觀此則僕爲高吾之所容多矣高吾之所以益重於天下以僕爲之容也僕能成高吾之大亦可以免罪於天下矣高吾固僕之大德而僕亦豈高吾之罪人也耶

與季彭山年兄

洪都別後連承手札指以心學之妙足見親厚第愚昧無受教地爲虛盛意是愧雖然亦嘗細之矣於執事之教不能無疑焉其所疑者非疑執事之言疑吾朱子之

意恐亦不出此也夫人心道心自堯舜禹授受以來世之論心學者皆祖述之至孟子復斷之曰先立乎其大者然則學也者求其放心足矣朱子於此蓋嘗究心何乃分心與理言之其言曰人之所以學心與理而已矣心雖主乎一身而其體之虛靈足以管乎天下之理理雖散在萬事而其用之微妙實不外乎人之一心蓋欲學者內外本末交相培養以存此心焉耳其所以闢異端扶世教正在於此恐未可輕議也世之論心學者莫至於孟子孟子之待人甚恕其與人爲甚速以齊王之

青湖集卷七

重

好色好貨皆不直拒而進之以王道今觀朱子之學雖不敢遂以爲聖人然未嘗誘人於好色好貨之途何乃惡之深而攻之急乎愚以爲道不在言語間有聖人之志則雖不入孔門不讀朱子之書不別立一門戶自能至聖人苟無聖人之志則雖與堯舜對談與泉慶伊傅爭辨無益也愚又以爲世之議朱子者固非其罪議朱子者又失之過好色好貨如齊王者尙不見拒於孟子今之議朱子多英才其人品智識豈皆出齊王下者使朱子聞之豈宜盡以爲非而不與進之乎蓋道必講而

後明必於同不可也必於不同亦不可也吾之所見如是因人之言而求之異吾之所見不如是因人之言而求之同一則失之附會一則失之求勝皆惑也見不明爲時可明見不定爲時可定惟私心用事則先蹶其求道之本矣尙何足以語聖人之學乎此愚於執事之教未免爲疑焉而不敢遂以爲疑也近蒙陽明先生屢賜啓迪豈不知感但此心疑猶未釋又敢不以待執事者待陽明哉若陽明之文章功業洎執事之才氣風節則固僕之師友也又何必同而嫌於異哉僕今已病乞歸築室南園爲讀書之所方圖寸進以資教益惟高明不棄幸甚

答李愚谷司業

僕在京時得執事登第文讀之已知鉅才如晦菴之仰梅溪者及辭部時又得於稽勲司一瞻光霽而不交一言未得請教十數年來徒爾想慕而已今乃謬尾後塵深愧續貂奈何以海內之譽濺我邪承差傳尊意道出吾浙許辱相見果爾得細詢舊範新條人才風俗正道異端作成扶闢之意庶得以免咎於萬一耳否則不惟

青湖集卷七

七

無補將舉執事之已成者而大壞之若之何然則執事之所以教我者誠有所不容已也蒙諭早來以慰士望此固愛厚之盛心然區區以待養乞休行止當以父母爲重而親意又有不能拂者方寸幾於惑亂有非筆舌所能盡於執事有兄弟之誼又不敢不以實告乞賜裁亮以竣面頌若夫成均之惠則又半天下士子之幸且未敢言

再與季彭山

去年辱手教厚惠多感自後杳無信傳者因廣西事駭

青湖集卷七

七

愕人聽愚深不然及令弟歸如料越人始服近喜陽明先生總制兩廣執事猶得所比政學日懋在此行矣但撫綏遠夷不在於殺畧而在於懷來立功不在於旦夕而在於悠久人不必要所親而策不必已出操縱之權不奪事機之會主客之勢不分應濟之心此一得之愚而欲爲親厚過慮之不識何如生拙鈍日甚於向所教猶未見頭緒但覺古人意味深長後人只就臆見立說不能無弊望虛心平氣再爲天下後世熟慮之幸終以啓我不具

與楊潞橋大尹

僕昨謁禹陵見綠城隍中遺骸甚多月令孟春掩骼埋
胔正其時也執事公務方殷偶不及此或地方失於月
報決非知而坐視者也僕思古之君子雖不得志於時
其用世之心未嘗忘目之所見卽思有以利物僕雖非
其人然聞君子之教久矣未敢輕自棄也今適有所見
又蒙執事見信言無不可進者何爲而不告告不告僕
之責也其不在僕者僕知執事必有以處之矣若夫蘇
明允所謂於洵何有者其爲人太輕僕不之取伏惟執

青湖集卷七

三

事照祭

青湖先生文集卷之七終

十一世孫

士林校

青湖先生文集卷之八

五言古詩

四言附

西白軒

爲中夫徐年兄作

心虛室亦虛虛室自生白豈不愛明離炎勢可炙金
風當面來吹斷紅塵陌中有如玉人世守南州宅
蕭子邕侍御和山谷答斌老病起東園二首次韻
一夏臥枕簟非學相如病秋風動遐思黃花舊三徑塵
纓豈繫人自失邛笮性西湖倚樓臺何處禪關靜
又

青湖集卷八

三

椒桂各其枝芬芳同意氣共結金鼎盟欲附鹽梅味之
子天一方空懷勞縮地相期間奔秋鴻鵠何從至

潘節婦

婦人秉貞節自爲妻道敦胡心在國家忠孝同旌門三
綱立世維一闕非乾坤柏舟久淪沒擊楫黃河渾

鳩隱

寓安山爲徵士孫題

鳴鳩拂其羽四海皆陽春秋風起鵝鴝蓬棘深藏身時
哉有顯晦微鳥靈於人孰謂鳩性拙而同鳳與麟

周氏小姑索題扇爲書之

玉壺酒未傾花前人已醉
紈扇索題詩清風動芳袂
洞房春遲遲紅妝滿珠綴
良人入朱門雞鳴起中饋

登蘭陰寺

上得蘭陰山金華秀可掬
溪分一派清雲瀉千巖綠
長風吹海潮何年到深谷
桐江有釣絲掣斷金龜足

陸平野索水饋之書簡尾

參北比元老扶身隨所之
越處在異方乃爲君所知
康子慚先饋羊公不見疑
有丹甯獨此懷以獻明時

過釣臺

青湖集卷八

无

山色青於黛江光綠似苔
白雲護雙石千載子陵臺
我昔拂衣歸巖花對我開
扁舟重過此不爲利名來

病歸憩武陽驛書壁

倦起看晨星乘風出東郭
從者問所之揮鞭解塵縛
吾欲掛其冠唐虞正欽若
武陽水急流勇退云寂寞

鳥言

春山聽鳥言皆足爲世警
得過無他心歸來有佳境
惡姑苦難諧行哥且莫聘
梁燕更呢喃告人人不省

宿三茅

隔天台三十里

日馭忽西馳天台上東望
野店暫棲息村醪自釀芬
瀑懸白虹羣山走青浪
朝雲映水看赤嶠疑漾蕩

寄万思道

思道新構道東泉

天下有道吏萬物無道身
身道可忘世身在如君民
時哉出與處吾道豈屈伸
請扶逋吏巢酌水偏娛親

夢遊靈谷作

我本會稽人路從靈谷至
愛爾山林幽飄然棄名利
秋風鶴煮茶落日煙光媚
遠海望不窮高邛徒延佇

送舒國裳修撰調福建市舶提舉

青湖集卷八

甲

庖祝有分守而欲侵其廚
戢冠何如人攜我相與俱
微哉烹醢身誰爲獨濯壺
芳臭自云薦公尸色未愉
攝衣入廟門匍匐投遐區
同愆不同謫無乃矜庸愚
相期磨圭璋臨別重躊躇

送臨川陳維濬歸休作去婦詞

遲遲復遲遲一顧三回思
矢心既靡他今去安所之
少年善爲客妾容非謝時
一言忤夫聽讞爲長舌咄
妾身何足惜大家當自支
焉得夫所美囑與夫鑑基

蘭谷遐思

同下一題爲姚秋官賦

秋風起鴈鳩搖落悲江干蔓草不自植芬芳口幽蘭楚
蘭思無極山陰興已殘青春久狼籍白日生虛寒餘聲
何長鬱鬱呈琅玕憺然念世德見之良亦難

萱堂永日

春師照滿地英英北堂萱朱芳逝頽波繁日思長編白
露零衣裳遊子瞻晨昏豈不欲回車行行非故園君親
念罔極誰爲輕重恩遲迴感今昔憮然懷陽尊

雋不疑

賢哉雋不疑善治春秋書高冠謁暴勝躡履下庭除不

《青湖集卷八

聖

解櫛具劍用斬黃犢車大將軍不學獨喜經術儒

中峯晚秀

爲謝舉人乃父作

羣山作五岳此地卽中嵩誰云東南隅氣象何麗鴻神
奇竒天斷碧落開芙蓉芙蓉愛遲暮天半陵秋風秋風
吹舟棹萬丈不可陟玉樹分庭階今向天邊植歸來就
芝蘭巖桂同一色我已久拂衣恣成山水癖欲過白雲
阿相資煉金石

題草廬圖

王佐有遺才管樂豈其匹長嘯草廬中乾坤在几席三

顧起臥龍一言分漢賊八陣變風雲二表振金石南人
服天威僞帥甘巾幘誰輸益州盟能杜孫吳隙桓口杖
越師連營里七百魚水落何方憮然思孝直炎祚不可
支英雄亦少食萬里流星明五丈屯雲黑斗膽是何人
欲竭中原力明公義所動存滅同身國

謁象山書院

吾道有元與末學難徑超元思務力踐口耳徒爲虛先
聖啟厥中精一非緒餘後王授敬義炳炳垂丹青孔門
事博約一理歸萬殊孟子發明自義利相乘除心官能

《青湖集卷八

聖

頓立詳說將何居千年斯道統一脈如貫珠哲人有往
轍後進宜追驅嗟彼倚門誦議論何紛如語道豈捐陸
扶世當從朱黯然思聖功二家皆道儒遺像儼壁立拜
瞻停吾車

玉堂卽事

十年隱林壑不聞車馬喧心與造物游翔出塵籠樊一
朝司馬門感激君王恩身登白玉堂絳帳春溫溫元機
探隱頤載籍披浩繁閒中論古今靜裏含乾坤詞源倒
三峽氣將河海吞至寶不在深下帶道自存所貴君子

人泝流窮其源元化無停運吾性有靈根放心若雞犬
闕異如追豚一自周孔後千載悲塵昏仰止高山遠至
理非空言

題四皓圖 四言附

漢溺方濶秦坑未平威義既仆呂雛復鳴采芝商山胡
爲漢庭於乎四皓不如兩生

題清風祠壁

忠臣爲國孝子爲親節婦爲夫三綱五倫

梧竹交翠

梧也來鳳竹也來鳳秋風灑然醒人醉夢

槐柳聯陰

王氏三槐陶門五柳清風滿庭明月在酒

青湖先生文集卷之八終

十一世孫 士瑛校

青湖先生文集卷之九

七古 琴操附

楊青驛

楊青驛上楊葉黃春風未歸秋露涼法鴻飛盡雲千里
山燕不見吳天長孤篷夜泊滄洲月風急蘆花滾晴雪
渡頭漁火照寒楓忽訝愁猿斷腸血

白雲歌過鄱陽湖賦

春風冉冉湖水碧一片白雲隨我舟白雲舒卷有時散
碧水悠悠長自流南州高士今何在南浦青山還未改

青湖集卷九

署

試將我意問青山青山無語白雲閒

登嚴子陵釣臺

漢家天子真寬大故人引共龍牀臥足下甯知萬乘尊
眼前富貴浮雲過雲臺老將多三公甲第歌鐘正相賀
客星天上事渺茫未必流光犯帝座

題百雀園

百雀不如鳳胡爲占琅玕朋雛碎語不可聽六月攪動
清風寒我欲挾金彈巧避千萬端徘徊恐落一拔翠矯
首待鳳棲闌干

白龍洞見鄒少谷書壁並思朱白浦

鄒少谷朱白浦風月襟懷廟堂氣度客邊落月在空梁
秋風此夜相思苦

送嶠縣裴貢士

朔雲動霜華遊子暮何適我歌君馬黃獨上長安陌千
金買駿骨誰是昭王客黃金臺下日欲西七十二城燕
復齊明朝試逐知己去何須抱璞荆山啼

題呂洞賓圖

黃梁夢熟邯鄲曉一生塵節長安道洞庭秋水濶如天

青湖集卷九

聖

岳陽鐵笛知音少六鼉霜骨今若何銅駝金谷哀塵多
秦皇漢武求不得三山採藥成蹉跎李少君文成子當
年出入雞障前不得見君白蘋紅蓼裏

題陳希夷圖

日光未盪陳橋邊金錢一擲輸華山黃袍真人登寶極
墜驢一笑空塵寰每寢處百餘日唐虞禪受巢由適假
令白日飛空去赤子蒼生竟何益流傳穆伯長夫子道
彌光楊柳風清梧桐月朗醉裏乾坤不問君空中樓閣
但看陰陽消與長

題夏公謹桂洲卷

葡萄入甕玻璃碧老蟾忽墮秋香魄東堂被郁散幾枝
玉琴紛敷延四客雲月孤高此地幽東山不說琵琶洲
杜衡蘭芷正芳色草堂誰使元猿愁薌溪沙白迷鸚鵡
水簾長作珊瑚舞烏鳴山霧風洞開樹影團團日初午
五面峯低卽小山淮南招隱何時還

心遠亭 爲崔來鳳姻家曹廷器賦

主人結亭林塘幽眼中六合浮虛舟已無清夢到黃屋
別有遐想陵丹邱青天影落杉松外溪流濯足風颭颭

青湖集卷九

吳

海門望極秋無際烟光日色飛沙鷗古來鍾南號捷徑
唐人館閣稱瀛洲山林朝市元無異吾心閒適爲行休
破屋歌次紫陵韻

昏昏醉夢困燕游那得淵明巾酒漉長安簫鼓敲雨聲
哀號不見逃亡屋棠陵老子官食貧龜蛙不顧思啓沃
忽然中夜四壁頽妻子驚眠不成宿鄰家各自移漏床
何暇相憐支一木晨來火滅不及炊獨整奚囊珠萬斛
客中寂寂想舊廬時把家書細溫讀壯懷驅劍呵商羊
野鳥何須苦多足忽云堵室自安然此身願爲天下谷

鈴山堂

秀江萬里吞長空星河西落江流東鈴峰倚碧峭千尺
芙蓉倒影玻璃中夕靄朝霏孤嶼宿鳥飛不度松濤翠
樹杪重泉掛白虹石潭澄月螭龍睡山根結屋誰芳鄰
鸞宮絃奏浴沂春琴書滿几有餘潤北窗高枕羲皇人
鸞驂去谷青絲鞵蒨荔秋風愛相送出處甯教猿鶴知
江湖汗漫華胥夢文章富麗囊珠斛夜夜青藜照天祿
撒得金蓮雙炬花歸向蘭臺浮青竹駢駢重賦皇華詩
過門松菊含芳滋雲霓四海正翹首安得衣被商山芝

青湖集卷九

零

芙蓉精舍次西涯韻

爲歐賓王侍郎作

永嘉那得拒霜花錦城飛來五絲霞綠裝幀拂西風舞
丹臉長凝玉露華西南勝境神州縣木蓮五月非常見
徙倚珠林託主人多情似識秋香面拔茅起作王家賓
曲江沈醉杏園春郎君鏡下果及第花魂冥會金天神
良辰幾度流年往秋豔春酣生意長移向雲閒承露盤
玉莖掩映仙人掌廣陵芍藥何時開此花此瑞真奇哉
滿庭矧有槐陰在謾賦淵明歸去來

唐人醉馬圖

奔紅流金號十驥唐家良馬來骨利波斯青海驄龍媒
駿骨光天駟張王領收稱得人五花雄錦誇雄視肉鬣
鱗臆嘶不凡渥洼神馬天呈瑞孽胡乘馬黃金厄華清
咫尺還再易此時已有不良謀何待漁陽心不赤天子
蒙塵入蜀中七十二州皆落魄檀溪事急呼的盧不見
開元照夜白今觀圖畫猶可傷分明長安俠少郎聯鑣
並彎花樹下錦纏金絡爭趨蹌相攜酩酊忘歸路衣冠
失落風流場卷阿有馬不待士穆王八駿空超光

謝少谷鄭繼之惠橫渠巾

青湖集卷九

哭

癯顏自是山林人一攬塵纓覺異身道人擲我烟霞幘
云是關中夫子巾清風腦後細吹拂兩耳如洗無纖塵
歸來引青鏡瀟灑倍精神呼童開戶待明月庭前雙鶴
來相親倦來小酣酒未醒夢入天姥山嶺嶠山人告我
以少谷曾遊處今以忠讜爲王臣吾不答但指頭上巾
山人解意言諄諄云胡歲月無鴻鰲覺來重賦大白吟
煙霞枕席皆迷津少谷聞之亦心動徘徊執筆將書紳
何嘗拂袖向天姥清風明月長爲鄰

湯家埤沮風歌東富陽方尹舟求夫

去時東風送我舟，同時東風滯我春。江頭風雲萬古那，
有意人心來往徒煩憂。惜昔彭城高會睢水滿，漢軍顛
路水亦斷。揚砂發石陣，雲昏英雄長策時。皆短只今四
海桑麻閒，夷狄賓服長。閑開江湖一棹，逐鷗鳥隨湍直
下嚴陵。灘此風胡爲向我作潮聲，帶雨晚來惡。有客翻
嫌不早回，捲篷深傍楊花泊。知君自是調燮手，能使陰
陽順。時候稍苗初起麥，歧垂極無極。備皆凶咎願，極天
吳與巨靈轉。邀風伯定滄溟，漁歌歎乃豁。天日片帆頃
刻到西陵，西陵有風人不怕。洪濤巨浪緣江壩。

《青湖集卷九

哭

月筵壽意

壽筵何日啓明月，正中秋露華染作鬢毛雪。月在金樽
照白頭，昔年攬轡驅五湖。烏臺夜夜啼霜月，今日扁舟
泛五湖。滄波月色浮鷗鷺，此月年來明君顏。如後生玉
兔賜與長生訣，往來跨鶴黃金城。方丈與遊神仙與友
流霞未旋絲，雲入手落盡廣寒丹桂枝。花君如嫁女天之
涯。

題蘭谿胡生塘梅竹圖定韻

東園何處無春風，桃李狼籍俱成空。乾坤中有冰霜節，

雪深月瑩爭玲瓏。庾嶺天高多不到，淇園路阻誰能通。
伶倫律候天氣發，羅浮夢轉月明中。長烟不滅璫瑱白，
餘霞散助琅玕紅。貞姿自負常堅直，樸性不忝來洪濤。
幽崖官道異塵寂，青天白日心相同。蘆花夾岸依浮舶，
平蕪千里成飛蓬。安能如瀟湘，固結忠臣契。商巖夢占
良弼功，落早凋鳳起元化苞。根中葉隆新宮五松只爲
秦封汚，歲寒實貫曰羞白。虹情樽有時動，詩興錦繡萬疊
開心胃。桓伊蕭詡俱不俗，胡牀三徑人並隆。何須丁郎
一枕繁華夢，玉堂十八登三公。莫道此非真物象，模元

《青湖集卷九

辛

擬秘歸良工，桓御史乘青驄。諸葛丞相稱臥龍，剛腸大
節千古不能及。我今視之真與二君論，英雄閒行過此
釣臺下。清風不羨雲臺崇，胡公攜此雙玉質。祈我落筆
誇崢嶸，太白不可作子美。難再逢我不能詩，但知虞部
致鳳禹梁化龍干花萬卉皆凡庸。

送成秀才歸光州

西風揚激楚，動我鳴皋歌。木落飛夜霜，曉鏡開湖波。照
君煖玉鞍，秋鞭氣嵯峨。君不見射的山，白鶴飛來取箭
還。又不見浣紗石，麗水明妝欲春色。青苔綠珥委落花，

羽化憑風亦何益君才能輕萬戶侯愧我不是韓荊州
知君此去重回首明月簫邊百尺樓

海棠雙喜壽意

春風來自扶桑東海濤千尺朝霞紅青霄萬仞玉山立
仙禽勁翮華夷通人間福壽南北極海內昇平車書同
醉中一笑自得趣起來目極長雲空通神謾道青錢險
垂老方知白髮公海棠花暖春鳴鳥石竹雲深雷起龍
蘭亭消歇禪事寂茗溪鑿壘萬功崇箕裘五福壽爲首
千秋鶴駕乘天風

青湖集卷九

至

題畫雉

風塵稀過中牟田綠烟草色春年年野雉喙啄出林麓
江湖汗漫華青天文明之腴不可食掩耳且與巢田泉
漢家妬婦汚其名商山引出秦時賢莫怪留侯慘顏色
赤松一夕尋羣仙何人染翰落湘素酒中意氣雲翩翾

畫兔

綺里季夏黃東園官從三窟縱橫門風流入豪舛消息
弄丸之暇都忘言中山種類今何在樂羊事業還無根
太白書禿千千數翰林金石聽絲綸昌黎毛穎嘉其字

頓令籍湜俱消魂誰將月裏澄清影對君龍德分乾坤

赤壁圖 陳良器定韻

江流來自洪濛前英雄勝負知何年山川草木不改色
文豪逸興誰因緣前赤壁弔功伐後赤壁思神仙舳艫
旌旗今安在虬龍虎豹藤蘿懸救趙難藉公子俘聊城
懷仲連古來戰爭皆西北東南志士未必俱輕綿風自
來月自出山自高水自屈周郎曹孟德掠余舟鶴一
隻崢嶸蕭散皆徒然釣臺麟閣亦虛傳東方不知白不
白且過成皋一醉眠醉餘還有斗酒在藏之久矣如流

青湖集卷九

至

泉貝口不移武昌不遷此江濠蕩混無際留與苻堅來
墜鞭古來稱此爲天塹人力若勝非由天不如萬里鷗
波沒春風秋月澹無邊魚亦不避酒鶴亦不避烟花陰
遶室竹陰護船雲圍帳幕鳥弄歌絃鹿遊木石驚下燕
田高天下地能容我清風明月不須錢奇才富學翻成
拙壯心古貌更爲妍年求賢聖期五百文成禮樂須三
千韓大顛蘇佛印異端不足爲吾憂天下爲公大道行
渾然儒釋皆人生

題屈原問津圖

紛紛馬首皆欲東江離綠映芙蓉紅四時不斷楚天雨
萬里長吹巫峽風行吟澤畔色枯槁青天白日憐孤忠
行藏何必問詹尹鶴長鳬短雪千重素人變詐不可測
懷王憤氣橫秋空誰言三戶終翹楚隆準真人天下同
子胥宰嚭適吳國一蛇爲祟一爲龍紫陽千載託知己
我今讀罷潸然吾周從

盤山嶺望鴈山

盤山嶺上望鴈山如獅如鳳如龍之巉巖銳者欲刺青天
破危者欲墮壓定紅塵寰昂者如向軒轅語頻者如

青湖集卷九

畫

梳玉女鬟奇者金刀削不出峭者兀立烟雲間有時長
風吹作霞半空飛瀑聲潺湲丹青妙手畫不成縱然落
筆難分明直須皎月東海出照落平川移步形

青田道中醉臥不獲觀石門飛瀑咎明水

就將卓上畫棋盤未刻圖書作棋子青山綠水酒一壺
賭我輸贏醉不止石門飛瀑看自觀不過蓬窗喚我起
我上急灘竹下坐待君不來恐君餓君來誇瀑過龍湫
我道龍湫鮮能過世間賤目皆貴耳我聽君言不如此
但將奔騰飄洒之勢默想聞如雷如虹如雪如霧如絲

如珠天下飛瀑如一山

二公亭

歸然二公亭二公皆未到我來獨何緣攀虬登虎豹西
崖千尺雪瀑飛東巒萬仞滄溟抱南天轟轟芙蓉峯時
有白雲時青虹雨後清風發大塊萬里一碧吹瑤空我
思二公世之雄文章德業誰能同久翁平生託深契聞
石結此烟霞之深宮誰知蹤跡奇難合一去一老人寰
中石泉聲咽重猿鶴心皆痛天台劉阮不見來鴈蕩空
吟天姥夢

青湖集卷九

畫

題趙子秩下第歸買得畫龍虎

龍嘯氣成雲隱見北聖德禹時來戴舟左右皆動色神
功自相符靈異顯其迹潛藏至于漢黃龍井中見因之
以紀年無能補天變麒麟爲世祥出非其時爲世殃乃
知春秋筆百代增悲傷誰將一匹素畫此靈神姿古稱
楊契丹不能爲其師趙子本好古買之貂裘之餘資攜
來觀我竹林下風雲滿座爭驅馳嗟子在酒丈龍德正
心相世人莫作葉公譏若比高巖夢中像

畫虎

古人重畫虎牙爪非其神昨夜雄風動此畫傳來真周
處本壯士南山亦東矢李廣射沒石對此當碎易英威
不自知翻爲狐所疑縱令附雙翼猶忠不能飛君不見
古時循吏流仁風虎渡河北山林空又不見苛政由來
猛於虎談虎傷人未爲楚千載令人思召父

去思爲邑博作

東風吹綠庭前草海棠枝上啼黃鳥簾捲花陰日漸遲
正是去年人去時

琴操

青湖集卷九

琴

爲同年陳中夫母作四操

中夫母胡氏幼有孝行
割股以療母是月父病

馬劄又爲齧蛆既歸陳氏未三年
而寡母中夫成立入謂之全終云

齧蛆操

蛆兮蛆兮父創父創潰兮甯我傷舌舐創兮齒齧蛆
未盡兮暑薄之父焉尙在兮予憂爲

割股操

女有身兮何從母有病兮藥不能攻引刀割股兮淚
下皇天不知兮女心苦母病愈兮真得所爲難能多女
子

柏舟操

汎柏舟兮中流髮兩髦兮好逑吁嗟詢兮不可信女子
事夫兮無二身昊天罔極兮諒我人

和九操

母心苦兮苦於黃連兒不知兮託此以傳兒名不成兮
學所憐延嘉賓兮母髮剪千載後兮知母賢

青湖集卷九

琴

青湖先生文集卷之九終

十一世孫璵校

青湖先生文集卷之十

五言律詩

送陳天瑞出守滁州二首

春郊戴星

開戶見農祥黃鸝送曙光
宿星迎宿駕交覆濕甘裳
買犢捐刀劍躬蠶蠶催筐
循良二千石何獨漢龔黃

夏亭喜雨

白豕涉銀河黃堂淑政多
雨隨車轄去民沸稻梁歌
身禱今安在巫焚竟若何
新亭重志喜椽筆問東坡

青湖文集卷十

送劉仲賓之山東平度州

齊魯絃歌舊龔黃試政初
勞心須撫字惜別免躊躇
海戍秋蕪合山城夜柝虛
更草隨白叟竹馬候安車

壽詹汝約年兄乃尊石泉居士

泉石纓情久生涯別有天
漁樵閒歲月詩酒答雲烟
浪迹同巢父豪懷付謫仙
青雲看合子何必問流年

楊主政改南依親

爲官不擇地有祿願供親
一日原無價三公何足論
桑榆雖景暮叔水與時新
五綵春風見子心爲大真

蓉溪書屋

爲綿州少司寇金先生作

芳塵誰解避蜀地有芙蓉
結屋雲霞合縈溪錦繡重
銅梁留暝色劍閣倚秋容
仙掌空分露何如一問蹤

送溫州王大之上舍南歸

因君拂袂去我亦動歸心
逆旅悲長鍊生涯託素琴
乾坤同轍迹歲月費歌吟
無限滄洲興持杯倍慨深

送萬汝信歸休

暫分萍水路均荷聖明朝
總爲扶強項終成懶折腰
乾坤虛組佩歲月付漁樵
未了涓埃報回瞻海嶽遙

青湖文集卷十

送馬太常子莘復任留都二首

萍水還相會風塵能幾人
壯懷吞海渤爽氣逼秋旻
仕路青山舊離樽白髮新
南雲遙指處明月潞河濱

又

旅邸匡時話王臣許國心
何當分袂去綠樹正陰陰
草閣風聲靜蘆汀月色侵
舟移千里夢未到五湖潯

送章景賢入南監

楚人賤奇璞齊瑟亦空彈
灑淚秋風散知音曉夢寒
客身惟劍佩世族重衣冠
天馬空中驟休嗟行路難

送俞德和上舍歸新昌

旅邸非難別鄉情自不禁酒盈分袂手雲遠隔江心越
水明開鏡燕臺高築金秋風發佳調何處遇知音

梅窗

羅浮窗戶立瘦影月邊斜昔結林逋約今開何遜家芳
情迷野蝶幽意讓江花玉笛聲何切瓊樓惜紫霞

送汪天啟司諫奉使荆府

南國皇華路西風滿繡鞍洞庭秋水合湘浦鴈聲寒世
契情偏重同宗別更難江離與岸芷應對此心丹

青湖文集卷十

書靈濟宮壁

嘉靖二年與張侍御同至

三山隔人世此地是何鄉草色春連屋槐陰午過牆逍
遙白羽扇潦倒紫霞觴繡紋時同憩塵機忽坐忘

梁莊驛復與林茂貞程仲樸二同年會聞陳敬之

與江右之難

舟抵梁莊驛寒烟鎖故城月明河水白風寂鴈聲清夜
會鍾誰急鄉思寢未成忽談江右事雲樹不勝情

靈隱寺

醉後煎春茗泉聲落晚霞山眠雪母石水起木蘭花鶴

夢松陰暝僧歸竹徑斜行行向天竺僻處足生涯

鑑湖春興二首

湖上小山青行歌憶少陵靚容開曉鏡野趣落春亭意
共滄洲遠愁將白髮并歸來問梅月此夜夢何醒

又

春水漲平皋春雲壓古濠溪橋弭野棹山寺薄宮袍澹
澹天邊鳥啾啾月下係歸來餘興在猶共越山高

覽翠樓

覽翠樓誰建來凭若有因脩篁看鳳翥萬屋俯魚鱗溪

青湖文集卷十

四

抱青山轉風含玉露新松閒見雙鶴對舞不辭人

白龍洞期方思道不來

白雲去已久洞口水潺潺我亦偶然到君歸何處閒書
屋連深樹樵歌落半山此中如不住猶爾在塵寰

韜光寺

秋意憑誰到山風吹雨花白雲在客袂青嶂有僧家鶴
夢獨殘暑蟬聲結晚霞醉來依竹臥月色照窗紗

過竹林寺

上人乞贈蕭邑丞

下馬龜山道春風入綺羅林閒逢野衲雪後說陽和南

越衣冠古西陵感慨多寒潮平到浦比舊更如何

入撫州界督學周充之遣吏迎酬之

盱江擊霜轡路轉萬山隈竹影瘦黃菊松陰肥綠苔陸

氏風猶在荆公法已灰此來聞振鐸下馬問人才

同年詹汝約

燕峯

張惟喬

靜峯

裴存仁

復齋

蕭執

夫雨湖約會西湖悶雨一首

海日霏雲外湖山宿霧中樓臺半隱見舟楫誤西東暗

樹連隄起虛村渺路通清風擁長笛直欲破鴻濛

玉山詹文化舍請遊沙洲

青湖文集卷十

五

春半玉山飲同袍氣自齊溪流花下漲日影竹邊低郭

靜散林樾村虛但鳥啼華峯入青漢萬丈此丹梯

宿宣何何氏祠次壁間劉望岑韻

古廟山谿合閭家禮樂存何人重豐積今日見芳孫車

馬臨官道桑麻自野村烽烟靖海戍一飲亦君恩

送陸通府遠北上過淮陰省親

少府之京國臨風問遠遊三年淹輿土八月過揚州樹

色輕雲暮江聲外浦秋還看上堂日淮水欲西流

登塔

葛袂風還軟槐陰日未西攀躋五雲近瞻眺萬山低水

國鷗盟在江關鴻羽齊迴欄俯秋景綠樹滿耶溪

竹川

翠碧幽棲地烟雲靜綺霄近山多霽色遠月送寒標野

水逢三徑春深過五橋何時得乘興子夜聽吹簫

松崖

木石爭奇絕幽居意自平憑高發新興倚碧結貞盟躋

虎風時動噓龍雨欲生未知醒酒處有夢到公卿

奉答西淙洪郡伯山遊次韻

青湖文集卷十

六

青山自幽寂何意使君看雨過溪聲急春遲谷口寒不

緣茅屋小那識野航寬欲獻藜羹飯無忘食大官

端陽陪馬子莘觀射泛龐公池

佳節尋常有閩中客始來天光墮湖水山勢斷城隈矢

避斜陽發舟迎新月開漁歌與簫管同起鳳凰臺

寄謝蘇侍御

驄馬經淮甸朱幘滯泗濱行臺一夜話逃屋萬家春天

上歸佳節雪間憶舊臣相過不相值歸月倍傷神

西淙爲洪郡伯賦

冷水青岡墮炎天白雪飛涼風吹不斷初月黯中輝石
鏤機先動山棲心尙違春流如有意百轉下漁磯

九里莊書壁

出城未十里便覺迴紅塵鳥沒青天外蕪平綠水濱柳
含千嶂雨花醉萬家春漫然天地裏應寄此閒身

新昌南明寺次壁間黃石龍韻

平生愛幽勝過此卽淹留寶花長作雨瑤草不知秋缺
峽雲來補危樺天自脩上山騎白鹿人世有丹邱

同花東溪貳守登約山次韻

青湖文集卷十

七

秀色還堪結頰波折此山漁舟青嶂下僧磬白雲間夢
在江湖穩心同鷗鷺閒柴門無吠犬誰識是劉寬

答何沅溪都憲

何子吾鄉彥青雲早致身趨庭稱令子伏闕是純臣操
逼寒潭月陽回大地春麟閣如圖畫君應第幾人

西湖與孫成叔同年泛舟

密邇雲泥路輪迴出處身船移騰海月鸞滿暖花春歌
舞無閒地江湖有散人穿橋傍倚竹鷗鷺亦相親

訪方南岑大尹遊雪湖

畫舫出湖中同雲雪正封萬峯峭寒玉一鏡湛青銅急
管魚驚浪長烟鶴下空雄飛有賢肩刺我剡溪風

衢州道中勉十弟

知子璠璣器青雲志不堅紅顏薄軒冕白日愛詩篇禾
黍牛羊散山社鷗鷺邊還將排讀事課子在燈前

酬常山吳大尹

宜興人

吳子江東彥鳴琴浙水西萬山開宅里八省接輪蹄暇
日登高閣觀風過遠溪未須花滿縣春在綠陽堤

少谷亭

青湖集卷十

八

獨上空明洞天長日未西風吹巖屋動瀑落石橋低禾
浪綠千頃松雲白一溪少谷留題處花間鳥自啼

送山陰蘭掌教陞湖郡博

送別蓬萊館仙輶入紫雲行囊凍冰操劍佩動星文聲
教蘇湖合衣冠吳越分春風不擇地和氣自氤氲

青湖先生文集卷之十終

十一世孫上瑤校

青湖先生文集卷之十一

七言律詩

送余子華內翰提學廣東

纔奉天書出紫宸，梅花又發馬頭春。
古今推賢重以身，斗北空依青瑣客。
海南思見玉堂人，都門送別頻回首。
爭奈霜風拍轉輪。

送同年倫彥式內翰畢姻

鼇頭星斗照斯文，青桂嫦娥獨許君。
鸞鳳簫吹涼夜月，芙蓉帳煖壓春雲。
歸來畫錦黃金印，迎取荆釵白練裙。

青湖文集卷十一

莫戀洞房新燕爾，塗山四日爲誰勤。

同年蔡希淵以養母請教興化有詩留別次韻送之

渭北江南路更長，徘徊雲樹幾斜陽。
麒麟貌向閒中老，風月情因醉後狂。
菽水百年九膽苦，乾坤一瓣誓心香。
由來忠孝儒官事，誰謂青瑣與世忘。

送同年俞舜臣南歸

春風未醒曲江樓，秋月鄉心水共悠。
一路青山邀過客，滿川紅葉送行舟。
養親何必千鍾粟，報國非貪萬戶侯。

莫愛林泉好泉石，五湖多誤釣魚鉤。

送陶司訓之山陽

三世論交同氣味，肯綮應共玉堂涼。
也知臺省諸公貴，不換蘇湖一脈長。
菊友遺風高海內，蒲圻化雨轉山陽。
都門執手難爲別，遙指南雲是故鄉。

哭大行太皇太后

駢馬嘶風日已曛，璇宮花落恨紛紛。
如夢散蒼梧月，漢后魂飛沙麓雲。
海燕不來春寂寂，鼎龍隨去水沄沄。
數天黎庶含哀處，不爲脂田許借耘。

青湖文集卷十一

觀御河柳

十里河堤柳色深，落花隨水半浮沈。
沈空依畫閣分春景，不見扁舟傍午陰。
張緒豈知年少日，淵明猶是壯時心。
別來記得徐揚路，折取頻頻寄好音。

送張南曹達卿

達卿復任張柯峯，正德甲戌與予同在臥龍精舍讀書。

同攀薜荔臥龍山，先我飛騰報政還。
驛路風霜消汗血，親闈雨露潤童顏。
難憑歲月無時老，何處江湖有夢還。
一夜論文忽雞唱，不關離別淚潸潸。

送唐世奇分教貴池

鐸音歲晚下南州半篋殘經一敝裘
華門果能成禮讓冷官何必羨公侯
雲迷麟閣秋官老風入鴈堂春夢幽
見說池魚今尙美可期同上九華遊

寄同年徐希道

西風黃葉雨瀟瀟一札鴻鱗去路遙
垣水登壇蓮擁筆秦樓拂袂對吹簫
萬松嶺上當空月兩浙江頭半夜潮
懸榻已因高士設早題春色過仙橋

寄王廷瑞

一別經年感物華東籬秋菊爲誰花
山高水遠身爲客月白風清夢到家
薄宦自知糜祿位生涯何日活桑麻
流觴久負蘭亭約日斷南雲只自嗟

寄一叔

目斷家鄉吳楚間南鴻飛盡去難攀
愁邊北地三秋月夢裏西湖二月山
江海望窮蒼樹渺乾坤未放白鷗閒
竹林辭後如相問爲語小咸知舊顏

送同年章虞仁歸省

鴈塔書名墨未乾西風匹馬又南鞭
天涯遊子還鄉日堂上雙親未老年
湖海豈忘憂國志廟廊須賴救時賢

楓山元老今安石應把經綸託謝元

送潘南峯

雲水悠悠憶釣臺故人何事越中來
相逢未語渾如夢臨別何由得共回
世事幾番陵谷變柴門依舊夕陽開
春風綠野無驚犬好向東菑看意裁

壽張千戶

麒麟高閣舊勳家坐擁長城萬里沙
白髮已隨秋草變丹心不逐朔風斜
雕弓雙落遙空鶴寶劍平分紫塞霞
愧我風塵不息駕青門多負邵平瓜

青湖文集卷十一 四

雪夜毛東塘侍史留酌和明德韻

六出飛花花自然因風吹落使君筵
昔年曾侍伊陽席此夜非虛剡曲船
石鼎煮茶輕學士金貂換酒笑神仙
歸來路遠龍樓下不信昌黎馬不前

再次明德韻寄公謹

相逢何必問燕然自古功名不下筵
有智張良燒棧道乘時王濬泛樓船
與其老去爲狂客南向生平號謫仙
眼底紛紛爭勝負誰知雨後與雲前

雪夜集毛東塘宅夏公謹和明德韻遂次三首

天涯時序三冬雪杯酒乾坤百歲心旅邸偶逢清夜冷
綈袍相戀舊情深浮沈世態鷗鷺渚慘淡鄉思雲樹林
何處湖波閒小艇梅花相待月中尋

其二

客中此夜斯文飲雪裏梅花晚歲心三塞風塵懸望切
九重雨露受恩深豈無北雁歸鄉國剩有南金在士林
向後雲臺看物色羊裘誰復釣磯尋

其三

誰家胡笛聲悲切引起鄉關萬里心鑑水烟波雙鳥白

青湖集卷十一

五

雲門花竹六橋深鴈逢臘雪歸寒浦鴉帶斜陽入遠林
獨有玉堂人更苦經綸方在簡編尋

蔡希淵同年有詩留別和韻送之

生平事業薄夷吾王道於今笑我疏宇宙百年雙逆旅
文章千古一雲車自慚中秘眞空食卻向蕭陽羨美餘
淚灑西風落冰雪不堪攜手詠吾廬

菊泉壽域

百年心事海鷗知臥向蒼霞雨鬢絲活水有源清可掬
黃花無語老相宜壺中滋味春長滿洞裏寒香蝶未窺

始信丹邱在人世邯鄲空自說鍾離

送顧東江老先生謁陵

曾識臨軒訪治心謁陵應自淚沾襟鼎湖龍去風雲暗
玉笥書藏歲月深萬樹松楸當晚照四圍宮殿落秋陰
河隄疏柳猶堪折相送仙輶出禁林

端本堂

爲蔣國信年兄作前冒楊姓

荒冢麒麟歲月深直從瓜瓞譜中尋不隨張祿移眞姓
惟有荀文識此心三徑依然春種竹四知無復夜遺金
多君玉筍風中立肯爲東家過作林

青湖文集卷十一

六

蔣氏世祀祠

萬山深處鬱慈蔣氏祠堂世此中海鶴羽衣歸夜月
石麟毛角動秋風湖空蘋藻心無盡葉落楸梧恨不窮
蒼蘚青苔半埋沒幾多碑碣載豐功

望思樓

爲同年王克明父歿所建墓旁之樓曰望思

西風吹淚落梧楸一段傷心在倚樓綠水小橋還野趣
青山斜日已荒邱芳樽酒盡弓蛇怨華表春深海鶴愁
路沒莓苔詩屐斷月明花露自含秋

送毛東塘先生巡按湖廣

歸來河洛又荆襄萬里清風羨激揚攬轡登車今孟博
理輪常道漢張綱衣香挹九天露白簡寒飛六月霜
回首青袍知感處十年三度接餘光

同年葉成規過飲醉後漫興成規因主人攜妓故
避之子家

秦樓誰唱落梅花惱却羈人過我家春色未隨雙鬢改
鄉心久被片雲遮地爐湯沸頻供酒石鼎詩成再煮茶
門外車塵飛白日窗前古木久寒鴉

成規與明德醉臥三首

青湖文集卷十一 七

鳳城樓堞出風烟北望青天咫尺間官舍水清無案牘
宦情雲薄有江山醉來李白歌黃鶴睡起東坡咏白鵲
蘭芷欲懷貽皓齒時聞月下響玲瓏

其二

幾年牢落臥江干疋馬蕭蕭度歲寒一日偶隨多帛起
九重叨賜翰林官養成庖鳳鹽梅手吐出屠龍錦繡肝
只恐文章無實用刀錐依舊笑儒冠

其三

萬里江山一敝裘床頭劍氣欲陵秋未登華嶽禁雲漢

且把虹霓繫斗牛伊傳青編昭宇宙巢由木食蔑王侯
眼前莫說無知己門外長江日夜流

新正過葉成規家

去年此日青餘路今日燕臺憶去年兩度風光忙裏過
一身瀟散俗中牽春愁索酒來肩上鄉恨隨鐘到枕邊
惟有湖南芳草色東風依舊自萋然

送劉伯雨之南京 伯雨儀制郎陞尚寶卿

禮官何必出南畿舊典遺文尙在茲此去豈無傳國璽
逢人先問漢官儀十年桑梓還鄉好萬里江湖行路遲

青湖文集卷十一 八

梅柳也應知客意共分春色獻新詩

挽許大尹

百里琴聲千里雲河陽花木暗傷春十年舊鹿都成夢
百結懸鶉空自貧死後有人應報國生前無祿可供親
阮郎未歇窮途哭猶恐青天礙此身

送翰林孔目狄執中之溫貳守

瀛洲誰不說神仙匡濟須憑太守賢翰苑舊爲親御地
黃堂今是覆民天春風起杖還生火秋月懸蒲不用鞭
唱罷驪駒人已遠明年柳色玉河邊

送胡仕甯先生 先生以御史出南京光祿少卿

客情芳草雨萋萋欲賦新詩未入題水過急流舟自穩
春將深綠鳥頻啼黃金臺下瞻天近白鷺洲邊抱月低
南北相看雲萬里早潮空過廣陵西

送同邑趙良璧歸

有客飄然出帝京自慚身世戀浮名經年桑梓無消息
千里雲山空送迎仕宦不如田野樂到家方覺利名輕
萋萋草色連天去盡是王孫怨別情

送同年顏惟喬之許州

青湖文集卷十一 九

少年名譽動江關此去清風未許攀酌水自甘長社井
採芝還憶貝茨山昂藏董項雲霄上偃蹇陶腰宇宙閒
亦有潁川賢太守漁樵留取話餘閒

送王邦用還山陰

十載京華一敝裘連城荆璞總相投春風已動歸鄉思
弱柳誰能繫客舟萬里江山空碌碌五湖雲水恣悠悠
憐子亦有尊鱸興一入牢籠不自由

送內翰劉元隆歸省

鄉心炷火對青藜一片南雲望處飛萬里祇憑毛義檄

十年方著老萊衣殿前燭燉金蓮去雲表杯分玉露歸
還憶鑑湖春色裏東風誰共醉芳菲

西洲別墅爲張君作

茅屋深深結薜蘿小園日日鳥絃歌犁隨春雨穿雲隴
船載秋風泛月波杖履有情尋野趣樓臺無地枕邱阿
紫芝一曲高山老懶向浮生問若何

送沈慶山之漢州

十載風塵憶舊遊論文曾倚日邊樓別來華髮誰先長
羨爾清名獨晚收衡岳棠陰垂滿地鄆城竹馬候深秋
此行漸與青雲逼乍喜相逢惜暫留

青湖文集卷十一 十

送吳仁甫太史封王

東海支分漢族鐘梁山新命出重隴丹霄鐵券宗逾盛
黃龍長河漢未窮金馬遠隨雲母輦玉堂初識日華宮
攜將天祿青藜火助照茅封覆轂中

答同年沈伯充途中見寄韻

雅情無物不相宜最喜寒梅是故知九闕笙簫春料峭
萬家烟樹晚參差何時霽雪還移棹此地東風卽浴沂
歸院未須蓮燭送已慚肥馬戴輕衣

送同年陳子文 工部主事出清江提舉

德星恨別太邱長錢穀何煩曲逆侯冥鴻曉挾天風至
彩鷁春隨河水流保障謾教絲繭盡江湖方切廟堂憂
有時長嘯憑闌望淮北淮南山人樓

送同年俞舜臣令安福

雙鳬今已振雲翰莫道安成作宰難百里春風花滿縣
一枝秋月棘棲鸞夢回鼓角黃綾被愁絕閭閻赤彈丸
總爲論文苦相別都門樽酒未能乾

送同年吳維新爲臨淮令

青湖文集卷十一 士

青年縣令延陵子劍佩豐城掛斗間車馬風塵今日始
乾坤身世幾人閒家分吳越一江水官隔淮河萬里山
歌罷驪駒人已遠碧波芳草對愁顏

二月京師見梅 內閣考

二月長安山雨晴小牕梅影向人橫依然瘦骨臨風立
猶帶香魂沁雪清謾倚江天吹玉笛金瓶春意問和羹
從今不作羅浮夢直向乾坤數上明

春郊望雨 內閣考

四郊終日雨濛濛萬戶傷心一望中
答省未能耕野綠

火田猶自放春紅公私徒有周民意霖雨誰收傳說功
寄語條風早相約莫教顏色如霓虹

與熊元性朱朝和二同年張楊二試守萬華亭白

龍潭適陳元大太史至次壁間韻

年來心事靜於禪又過禪林日似年曲徑長開棲鳳竹
澄潭誰翫見龍田清風度海時聞鶴涼月當空欲墮船
忽漫朋尊逢太史行藏同倚畫樓前

戊寅元宵同朱守忠沈伯充何巨卿飲長安客邸

時駕在宣府

青湖文集卷十一 士

元宵明月出東方黯淡綺筵燈燭光去歲此時各何在
今朝勝會甯相忘憑將樽酒傾心臆擬急回鑾上奏章
簪筆可能供草詔迂儒無術佐虞唐

送覺非母舅分教延平

黃金臺下莫停驂路人延平舊所諳龜龍秀氣甲天下
伊洛師傳屬道南藜火青時無案牘芸香落處有書菴
東風不作尋常別人意春花帶雨含

送西園母舅南還

萍蹤千里入京畿一日秋雪憶釣磯安石空瞻江左起

知章不挾鏡湖歸驅馳官道無青眼荏苒風塵有素衣
愧我終朝成底事官花遲漏掩黃扉

送徐伯瞻掌科引疾次韻

我來何日送君歸君去空期汝弼違出處暫分天馬仗
升沈都付海鷗機官無子母錢垂橐病有雌雄劍欲飛
白日長安公道在忍將封事枕牛衣

送錢庵中長教均州

蕭蕭冠佩入湖襄綠滿汀洲引意長鼓棹有時歌赤壁
濯纓何處覓滄浪青蘊露泥芙蓉薄彩服風含杜若香

青湖文集卷十一

三

愧我雲山春萬里不堪回首在他鄉

送夏千中歸休

大庭言路有人居何事通才亦我疎去國尚焚新諫草
歸家只掃舊門閭朱雲檻在腸先斷阮籍車回痛有餘
感極君恩賜骸骨無煩投賦弔江魚

挽同年南昌令徐中夫

士林按中夫有西白軒見本集五言古詩第一首

杜鵑啼血落天涯身世浮萍一滄嗟西白雨寒荒徑草
南州日暮怨江花百年忠孝隨流水萬里妻孥未到家
欲向蒼天問消息鳳毛何日再光華

出京有感呈諫垣諸僚友留別

馬上燕山碧樹秋天門曉色重回頭風塵未借朱雲劍
湖海惟餘晏子裘許國有身思裏革趨庭無意戀封侯
掖垣南北還非別忠孝由來一處求

張家澍還望京城

秋深風葉逐征袍回首燕臺思鬱陶五鳳雲城天際隱
六龍烟艦日邊操遲迴歲月仍懷壯蕭瑟江關轉興豪
衰職未能圖寸補肯隨萍梗憚賢勞

舟抵河西務探王允中同年兄登拱極觀瀾樓次

青湖文集卷十一

古

韻

閭闔雲開五色深樓頭紅日眼前臨起來宜室真虛席
去後商巖望作霖漕船永紆經國計梵鐘驚醒候朝心
自知仗馬應鳴斥讎恨虞人獨有箴

楊村

晚泊楊村烟樹稀幾家燈火照漁磯浮蹤到處能相倚
薄宦於時未許歸衰草露零傷古戍寒波月落怯秋衣
乘槎明發天津去回首星辰動帝畿

天津

雄鎮天津控上游風烟迴出拱辰樓天開日月明皇極
地擁關河壯帝州舟楫萬年飛輓路冠裳千載報恩秋
遠臣未灑長河淚會見南征已獻囚

又

花封春滿仍遷席桂樹秋深幾夢家魯子祠前無露草
燕王臺上有雲霞江湖短髮憐塵紱寰宇通衢恣客槎
路入青齊一回首關河離思重天涯

青縣別二伯父

浮萍骨肉各天涯小縣孤舟共渚花久別故園渾似夢

青湖文集卷十一

五

偶逢官舍恍疑家嬰兒幾月牙差長弟妹三年髮並髻
何日塵纓同解去竹林泉石臥烟霞

項羽城

拔山力盡霸功休立馬烏江恥渡舟斗碎不知謀士憤
劍歌空對美人愁楚遺三戶能亡國魯守孤城不事讐
戰骨已枯惟故壘野烟寒雨荻花秋

次祝少參鳴和韻

萬錢塘

萬里金雞放謫官紫貂猶怯夜郎寒何當雪夜先移棹
且拂都門後掛冠青瑣未焚新諫草玉堂慚弄舊詞翰

江城諷罷陽春調凍筆紗窗欲和難

天津留別張子脩同年

人間經此天津路喜復乘槎天上回菊圃有詩還自老
草堂無客幾曾開相憐雲物涵秋澹可厭寒潮逼暮來
欲問江南遙憶處春山綠雨鳳凰臺

應韶索題

綠鬢朱顏館閣姿春風座右索題詩天光日射池塘影
樹色風吹散漫時浮蟻半斟能助興閒鷗無處不相宜
空青萬古豪華思憑著遺經任所之

青湖文集卷十一

六

其二

北望天高湖海寬桐鄉駐馬解秋鞍閒情愜見蘋花白
渴病還思荔子丹楊柳染成袍戀戀芝蘭紐結佩珊珊
乾坤雙劍崢嶸倚付與人間子細看

其三

桐鄉棹入風烟裏百里絃歌滿路碑桑梓幾家雞犬曙
湖山一曲蓼蘋時高情直與鴻同舉雅意還隨鷗所之
潦倒無端千古興長空秋意澹江湄

青湖先生文集卷之十一終

十一世孫璩校

青湖先生文集卷之十二

七言律詩

贈甌甯彭雲鳳上舍

上舍兼通醫治
乾兒傷寒甚效

先生家住武夷麓曲曲溪流面面山座上雲煙如羽化
枕邊雞犬覺人閒春風未探桃源信秋水先澄橘井丹
何日濯纓攜手去棹歌聲裏伴鷗閒

重遊金山

金焦對峙長江上南北經遊幾度來浪合有聲吞日月
雲移無力載樓臺五更梵磬隨風到四季巖花入鏡開

青湖文集卷十二

怪道海門空碧破夕陽孤鷺釣船回

丹陽道中寄科中同僚二首

顧梁卿

乞得南來屬後塵綈袍曾醉曲江春抱琴君是知音客
焚草吾非見避人此際江湖傷遠別幾時雲樹復相親
十年牢落無堪贈檢有生平許國身

彭子充

余到南京子充北行復命及回
余又將離任相聚不過十日

北去南來日未多驅馳爭奈別情何三旬瑣闥方簪筆
千里關河又棹歌堤柳可能繫我馬春江試取染君羅

由來奇會皆如此倒盡金罍換玉珂

登北高峯二首

直躡高峯最上頭桂風椒雨是初秋連山寶塔雙螭角
傍海金城一釣舟草樹半遮雲外寺烟雲常捧日邊樓
笑談若待星河轉還見仙人摘斗牛

又

經過樹杪百重泉隱見杭城萬井煙宇宙升沈蘭渚酒
江湖吞吐越南天海潮何事尋昏曉雲榻那知有歲年
翠幃偶然逢茂竹坐移日影問因緣

青湖文集卷十二

登南峯

風送荷花入硯香池塘新句夢生涼江流帶郭青山轉
草色連天紫陌長雲水六橋迷北圃煙霞三竺落西方
幾回搔首多秋興未得尊鱸一味嘗

韶光寺

用韻

白虹峭壁掛秋泉一枕松風石上眠金利移來天竺寺
玉淵時發華山蓮雲深日月閒中地樹隱江湖靜裏天
再上高峯望遠海湖生潮落翠屏前

上天竺

三竺飛來佛國山六橋深處鎖松關白雲滿地車塵少
明月半窗僧夢闌湖水正澄休濯足庭柯垂老可怡顏
秋風幾度斜陽外竹下相依鶴影還

同李副郎鳳金進士輅泛西湖席上賦

笑看鳥紗落鏡中湖西又過六橋東
扁舟微翠松簷雨舟入漣漪菡萏風
岳廟尙遺千古恨蘇堤還憶百年功
笑談不盡登臨興再訂佳期勸碧筒

草萍驛次林兒素韻

千山鍾秀屬誰當江浙通衢萬里航
寒暑無情隨物變

青湖文集卷十二 三

乾坤有路任人忙功收汗馬心逾赤
道逐岐羊髮欲蒼此去正應思攬轡
幾時緣野得閒堂

同夏公謹登貴溪東十里金峯

路入鷺湖有此山桂洲攜我上雲間
山邊花氣日色澹谷口鳥聲春意閒
扁舟去去天連樹獨屋依依人倚闌
回首十年青瑣夢滄江今日話同班

次楊遂菴韻贈江閔齋二首

秋風何處一登樓感慨離樽古石頭
我已徒勞湖海夢公今不負廟堂憂
爲留耆德曾遊詒欲濟民生望作舟

世味也知林下好白雲還可贈人不

又

木末芙蓉事偶違蘭舟遽作早秋歸
廉遠果能思賈誼說難應不諱韓非
卽看天上青雲合設道山閔白髮稀
攬轡東來門下過清風滿路拂人衣

宿上天竺

岩巖有路入幽谷落日未見漁樵還
溪邊雲影長沈閣林下雞聲欲度山
獨樹有年春共老野花無語晝常閒
長風吹出吳天月照破蓬萊醒夢閒

青湖文集卷十二 四

重登北高峯

自喜烟霞不爽期新涼又是去年時
鶴知何處松陰靜花已重開塔影移
野衲從無留別偈古堂猶有舊題詩
相逢莫問東山屐縱爲蒼生起未遲

東山懷古

八公草木似當年兩眺風流已惘然
棋罷存亡應折屐馬前強弱枉投鞭
繁華有地遊麋鹿明月無情照杜鵑
落盡舊薇春不管洞門長鎖半江煙

送南姜泉會試

姜泉郡守弟同北行郡守述職也

劍拂星辰倚碧峯秋風吹竝玉芙蓉川迴野樹人初別
草沒寒雲路幾重宣室坐移遲禁漏沈香召入引昭容
上林春意知多少曾醉烟花淺淡中

村家

村家歲晚無新厯山鳥一聲知是春花正開時紅似醉
水流低處疾於人坐呼雞犬當階食笑引兒童遠膝親
何事夜深忙釀酒明朝有意慶生辰

送山陰尹劉望岑

春風對酒蓬萊閣今送劉君過一錢三徑好花君值守

青湖文集卷十二

五

一川明月我心論臨流未了青山興去後還留白雪篇
何處可爲瞻戀地雲霄重插紫騮鞭

發富陽驛來青樓次壁閒韻

欲采芙蓉入畫工青山深處白雲通剡溪有約尋安道
金谷無心老石崇驛路送人千里月鈞臺遲我一帆風
紅塵滿目斜陽外何事當年學海翁

元日過夏公謹草堂次韻二首

翡翠青春入小堂錦貂白馬思故鄉雲迷楚漢愁心遠
鴈沒吳天客路長日暮鄉溪迴雪棹雨餘花塢漫霞觴

海翁寄我滄洲信翻愧鷗機尙未忘

又

夏子新開象麓堂歸來畫錦白雲鄉齊卿不爲嫌湫隘
詹尹無勞較短長煙雨小山春載屐海天涼月夜飛觴
驅馳官道成慵拙也託心齋學坐忘

餘干縣東岡書院

趙相空懷汗馬勞紫陽從此弔英豪乾坤南渡忘淵聖
日月中天讀楚騷江水帶雲來晚棹山風吹雨斂春袍
前途應是楊花薄錯認鄱湖浪雪高

青湖文集卷十二

六

餘干察院次高吾韻

夾岸春山春鳥鳴春風不擾柏臺清忙中見月心猶爽
靜裏看花眼倍明蕉鹿幾番塵世夢海鷗無限故鄉情
五雲遙憶蓬萊曉日飲芙蓉露一莖

饒州東湖

仙舟解纜蕩春晴柳色東湖拂綺城范老祠前雲自碧
魯公亭下草猶青風波往事浮洲在烟樹歸思薄暮生
欲向沙禽問牛渚朗吟何事動秋聲

竹亭爲司寇胡公賦

竹亭幽處看芝山空翠霏微入座間舞袖靜拖春水轉
歌喉紅暈暮雲還草香白鹿時尋洞花覆青牛未度關
醉後不知星燦爛歸來鐘鼓欲更闌

槐亭飲爲俞憲僉賦

小雨湖隄淨草堂一簾新綠映春觴漁歌初起浮烟渚
燕子歸來遶畫梁寒擁貂裘心獨醉笑看麟閣鬢成霜
美人恨斷青雲上賦罷離騷倍感傷

咏鶴雛奉張憲長

瑞鶴亭前鶴引雛清風滿棹憶西湖九阜有夢雲天迴

青湖文集卷十二

七

三樹無緣海月孤丹頂可能陪赤壁霜毛應許上成都
自從六一琴書罷仗爾傳家酒一壺

送稽山金先生分教興國州

濯纓歌罷問滄浪滿袂秋風入楚鄉樹綠印山春自篆
花明劍石夜生光謝公顏色迷梁月陸子衣冠儼鬢霜
乘我山陰溪下棹欲隨函丈度瀟湘

次吳維新韻書孫秀才扇

西風籬落正黃花宦海于今識有涯雲引故山還入坐
水涵涼月自明沙客中寂寞唯高枕夢裏嵒巖已到家

坐惜少陵南斗下山城無處避秋筵

送敬之陳年兄考績

數聲塞雁怯離羣回首關河曙色分凝碧有心同腐草
沈香無夢落寒雲一時玉石年來別百里絃歌到處聞
而我已尋茅氏訣樓詩酒苦思君

贈徐司訓

圯下偶然逢進履吳中曾識舊青氈夜雨未迷芳草路
秋風幾度菊花天才高白壁連城價時屈青銅萬選錢
玉珂我亦無消息何日康衢一借鞭

青湖文集卷十二

八

琴山清隱

桐江放舟秀可結遙見白雲三鶴峯琴山日對書千卷
茅屋時稱祿萬鍾清溪尋鹿松閒出曲徑無人草自封
我亦巖居托叢桂秋天笑倚青芙蓉

祇承龍錫以上二題俱爲涪安王子言方伯作

乞得歸來煉此身桃花溪水淨車塵黃雲南海羽書急
白首東山繡服新苜蓿夢中思放馬枕榔兵後未知春
九重欲問開邊事便是金城畫策人

送陳君揚同年

君揚先任滌謫判台今陞程番太守

聞道滁州見野蠶桃花溪水又江南黃金自許輕千萬
白壁猶教說二三風雨鳴時曾倚劍川原秀處輒停驂
知君不是鄭司戶長路徒增杜子慚

次毛三園韻送何憲副子魚

送君一夜蓬萊路百里溪山萬樹春林下豈無投轄主
山陰應有贈錢人雲看梅嶺家逾遠詩過揚州興更新
舊日封章論耳目于今草莽愧王臣

爲吳問之題許由便面定韻

六龍事業許公飄萬里長河一葉飄此後何人歌白石

青湖文集卷十二

九

于今憶弟望青霄虛無漫訝莊生幻禪受空傳舜馭遙

自是宦情稱素薄不關巖桂小山招

爲馮天成題桃源圖定韻

爲尋春信入桃源誰識仙桃更有團瑤佩穿雲花影碎
紫簫留月鶴聲喧水寒丹竈還生火貞下參同復起元
試問天台何處是閑干倚遍竹西軒

寄李子宜

幾回書札滿琅函鹿洞因君更欲探芳樹暮雲迷渭北
落花春雨正江南風塵易染衣疑化世路難行馬亦諳

千里呂安真命駕此情誰說晉清談

送俞松亭推府遷司諫

黃堂秋月餐冰檠白馬薰風入瑣闌兩地並持三尺法
俞先任 順慶 九天應賜五時衣自慚侍從無庭訓未了涓埃
有釣磯與子河梁重分手綠蕪千里對斜暉

江寺同馬子莘遊

濱江十里文通宅江上寒潮日夜哀彩筆已隨春蝶化
遺文空對野花開山川秀色誰爲主宇宙閑身我亦來
莫怪風流憐宋玉夕陽千古一荒臺

青湖文集卷十二

十

西湖同馬子莘畫泛

五月湖中風浪靜漫然乘興放孤艖俯憑雲鳥竦毛骨
旋攪江山結豆觴六橋柳色長虹偃十里荷花靚女妝
欲向丹邱尋羽客先拚白幘岸空蒼

送松江陸上舍文卿

華亭文藻多秋興八月觀湖渡海門逆旅何勞留劍佩
野人之趣在雞豚高天落木驚春鳥遠水孤舟怯暮猿
惆悵論交天下士不知何處過平原

挽同寅查元博

元博爲福建方伯死于賊

馬行南浦草芊芊豈料逢辰是別年
虎旅空環韓相座龍顏應動晉公璫
可憐扶櫬加官秩誰信濱江少墓田
欲弔遊魂向何處中天月色隱啼鵑

題張叔美同年壽圖

時叔美年五十五有五子六孫

年過知非又五年風塵久矣謝林泉
淵明有子元非拙王氏諸孫早自賢
月影紛時湖上醉花陰重處日高眠
何當過我山陰道同上耶溪賀老船

秦望次韻二首

洪郡伯約登因往松江不及

昔年羽蓋駐高岡曾望珠宮天際翔
帝骨鮑腥同穢腐

青湖文集卷十二 士

仙蹤稚齒轉微世西京又見三川震
東井初聯五緯光此日登臨誰有負
海雲千里共清觴

又

蜀道虛傳參可捫此山真得揖天孫
仰瞻紅日雲無路俯瞰黃河水有源
絕塞風塵迷海戍半空雞犬誤柴門
李碑趙畫知何處試聽漁樵飲後言

季彭山明德訂汪東麓有之黃九潭
伯貞湯南谷時敏作五同年會侍御方
五峯亦以舊來與各贈

七言律一首

彭山

曾聞秋浦人爲玉今見河陽縣是花
宦路重來渾似夢故人相聚便成家
天涯劍佩衝殘雪江上樓船泛落霞
不爲癡兒煩散逸春風日日看桑麻

東麓

玉堂之廬夢已墮暫向交遊宴集忙
春鳥聲中紆契闊山花幽處見行藏
西江人物今尤盛東麓先生髮早蒼
太史果能占景象德星慚我與重光

九潭

青湖文集卷十二

士

憶昨蓬萊建安侶雲泥分袂幾經年
葛溪花柳偏憐我南浦風塵不似前
習隱更逢袁紹酒漫遊時奏伯牙絃
明朝又作河梁別一閱驪駒一愴然

南谷

兩度京華成巧避十年鄉國遇深知
春陰滿地自移處潮水穿橋不斷時
雲鳥無情憐舊侶江山有力佐新詩
何當再換金龜酒同坐葵花看日遲

五峰

西江攬轡經行久不識先生是舊人
竹葉引盃歌爛石

藤花壓屋對殘春雙飛乳燕危牆外獨立閒鷗迅水濱
客裏愧無青玉案祇將丹訣答慇懃

草萍驛次韻哭陽明一川二先生

乳臭其能國士當溝渠屢此濟川航英魂伏節事已畢
上將提兵思不忙一邑兩賢爭日月千年雙淚墜穹蒼
閑行翻爲傷多事安得明謨坐一堂

贈蘭谿胡尹思忠

桃源人

谿邊忽見漁郎嘯疑是桃源欲問津惠政宛然追兩漢
高風不但自先秦鳧飛此日江城曉鴈逐他年海甸春

青湖文集卷十二

三

未必丹砂出句漏金華山有紫烟人

嚴州府後堂賞牡丹用羅峯韻東陳德章大守

倚幃圍屏勸酒頻牡丹消得幾分春肯施繡幄成官妓
翻與黃堂作主人風前細擺常含笑月影斜移不動塵
只恐名花是傾國相逢慎爾萬金身

贈桐廬胡尹岐

徽州人

從來不問桐君姓此後桐花識令名野樹含烟春雨合
溪山吐月晚潮平掀帷何幸逢潘岳前席應思見賈生
水木徽州傳祖地與君若有故鄉情

党大參進表歸省

天上此行真可貴高堂白髮錦還鄉將門不設前朝戟
御宴分來百歲觴庭滿芝蘭青茁玉樓明花萼夜生香
黃河流入中原地慶澤君家誰短長

過富陽縣博陳箴

原任紹興府學訓導

冠蓋常過曲逆門我來車轍未須論梁閒燕語避情話
簾外花香撲酒樽木鐸祇分魚浦水畫船還憶鏡湖村
講堂已有三魚兆更喜儒官長子孫

挽任世隆父

青湖文集卷十二

四

先生賁志隨流水節婦憑誰作泰山數月麒麟形影裏
千年香火有無閒蓋棺心事今方定扶世綱常古可攀
自是任公遺澤遠後人應釣巨魚還

送王以時之嘉善

送子遊吳及仲春軟紅嬌綠一時新也知縞帶逢知己
翻爲蘭亭憶故人深巷小門花自好舒紳短褐甌還塵
九峯咫尺東江宅昔日經行此問津

近山

爲會稽王尹作

卜居未就陵陽麓稠疊誰開千里峯境勝於人真欲秘

時清無地不成通南溪故秀爭排闥中隱初雷起卧龍
始信蓬萊非久住七星應對玉星官

又謝熊磨溪年兄

春牛同看湖畔柳歲殘高□又逢君昔年簪筆趨星曙
此日銜杯到夕曛水鳥疑從天上沒山花故向雪中分
江東渭北情無限莫謂詩才未出羣

西淙洪郡伯寄詩三首用韻奉答一首

山居忽憶蓬萊吏此夜西湖月正中惠我琅函聲擲地
看君筆法勢如風塵蹤何處方能靜真訣有時還自通

青湖文集卷十二 五

父老相逢問寒燠陽春猶在若耶東

次菲泉僉憲登秦望韻

雲門暫結瀛洲會鳬舫騰空鶴氅陪徐福幾時還海島
阮郎猶說到天台山花寂寂春長在湖水泠泠月自來
竹裏鐘聲僧飯後不知何處有蓬萊

寄懷高汝白學憲二首

高子赤城巖岫居牙籤滿席散圖書娛親顏色稱觴罷
報國肝腸解綬餘早起帶雲鋤圃藥晚歸乘月灌畦蔬
還思南浦經行處芳草碧波春自如

又

南明立馬望天台心逐茅堂過嶺來歲暮遠山多是竹
春還高閣又逢梅禹陵冒雨曾移屐天姥陵風數舉杯
何時再共山陰棹隔浦菱歌泛月回

寄懷張德子同年

桂林煩劇初回客蘭渚風流正少君雪夜過門應對酒
剡溪乘興未論文還思十載塵埃夢欲會一宵鷗鷺羣
遲爾不能梅正白明春來看鏡湖雪

光化亭觀雪謝望岑

青湖文集卷十二 六

山亭共醉山陰雪何用剡溪乘小舟萬頃瓊瑤憐永夜
千箱禾黍望今秋前山隱見將天合遠水逶迤帶月流
莫怪村家煙不斷歌筵恐起使君愁

元宵東溪招飲不赴

南天大雪愁邊戍古戰場女憶李華縱爾貂裘加鐵甲
何如石鼎煮瓊花不妨夜榻寒相擁獨喜春農事可佳
第幾樓臺咽簫簫滿城燈火爛烟霞

謝上虞令張雙溪

赤松傳得留侯裔播却陽春滿縣花白石懸空流雪水

紫芝市地亂雲霞買牛政舉無游業回雁風遺有舊家
乘興山陰移小棹雙鳬飛見過星槎

西湖昭慶寺三司邀飲

中山契闊繁華地城外追從冠蓋時湖開天色疑無底
山染嵐光覺自移長日管絃喧送酒深松臺閣靜敲棋
綠楊遙望嘶驄去知是誰家遊冶兒

聞報起用適生第五子偶成

平生浪說恃良知年近知非非未知遇適意時惟飲酒
不由人處只吟詩志尹敢希三聘幣學陶徒有五男兒

青湖文集卷十二

七

眼前天命兼人事用舍行藏難預期

送會稽王大尹遷廷評還鄉北上

羨君執法天邊去愧我斯文江右行三載林泉承數問
百年湖海勝同盟春風解袂人難醉細雨征鞍花自明
到日華亭雙鶴髮故鄉何獨錦衣榮

登滕王閣

十載扁舟去五湖烟花千里又洪都箇中不減麒麟閣
何處能尋蝴蝶圖南浦滿聲轉天色東皋春色帶雲鋤
王韓文焰衝牛斗未信當年獨愧盧

送金允良任甯都司訓

青藜吐焰隨君去更有龍精入斗閒夜雪霽澄虛化水
春風吹綠陵雲山高眠元思雞先唱緩步微吟鶴正還
我昔西江空自穴而今方對草堂閒

過諸暨謝歐陽經府時署縣事

偶然乘興作春行水色山光到處明歲事蕭條關吏隱
客途辛楚為朋情梅花逼我詩魂冷柳眼看人酒度增
十里郵亭重分手一時義氣不能平

題李九皋新居

青湖文集卷十二

六

萬山深處結椽題古木森森曲溪紫脫花開春燕至
青精飯熟午雞啼輕雲帶雨琴書潤涼月生風律呂齊
祇□山中閑宰相不妨新築小沙堤

梅軒

牆角梅花耐歲寒老年心事與相安月中孤影能藏白
雪厭微香只自完總為乾坤知數起且因時序作春端
和羹近日無消息仗爾南軒子細看

挽趙子彝父

過我山陰鬢未霜八年書劍忽歸藏魂迷樹色空翹首

聲咽溪流枉斷腸月到牛峯啼虎豹春回別業散牛羊
後人不見張公藝今日重登百忍堂

閩大理少卿黃伯固子邦彥持其父獄中自畫小
像求挽作此

冰霜面貌生堪擬鐵石心腸死亦存生仰覆盆開日月
死遺汗簡照乾坤天邊未葺朱雲檻澤畔難招屈子魂
自是國家元氣厚忠臣還得好兒孫

送朱拙齋守順慶先任兵部

掌兵初輟虎符文大郡司民武未分棣萼都從花滿縣
椿翁曾借筆爲軍劍江舊識龍橋路玉壘還開鳥道雲
而我同科更同學不堪出處又離羣

送周通府守霑益州

佐郡分符歷百蠻龍精氣斗牛閒一錢更洗交河水
五馬時登曲靖山銀鑪不妨民事賦海梁曾撥政堂閒
炎風自古稱炎服應得藩垣愷聖顏

宿桐柏宮

桐柏宮虛銷暮煙隔溪斜月照芝田山禪定後歇鐘磬
野客眠遲聲管絃得食萬家馴鳥雀浮名舉世羨貂蟬

高天遠海無窮際極目長雲思渺然

登華頂傳說有太白池不宜天姥特夢遊耳

直登華頂天疑近四顧青山千萬重赤日微光知海島
白雲孤影悵秦峰祇聞風磬來金刹不見雲裳露玉容
太白有池堪洗墨豈應無作肆才雄

嶺店驛次葉海峯年兄韻

五月乘風扣石門千山厯厯接台溫江湖未了詩人債
畎畝難忘聖主恩青嶂烟霞偏有寺白雲雞犬自成村
海峯屏迹窮探索特抱遺經束傳論

靈巖寺會海峯同宿次韻

靈巖本是神仙境只類人間陰與晴霞障臨風開竹徑
瓊臺隔水聽松笙斗轉恐妨天柱峻月明時看泰階平
塵埃夢息十年事江漢聲含萬古情

大龍湫

絕壁千尋鳥下飛半空垂瀑瀉無依風吹霧雨濕人面
月朗珠璣晃佛衣四季暄寒生體態一朝蒙霽變光輝
解道銀河九天落謫仙何獨憶元暉

挽謝方石先生

正氣乾坤能幾人南金不愧許公身太平有象官先退
聖道無傳學自純餘韻百年興俊髦遺文四海想經綸
路從赤嶠黃巖過封水遙瞻一愴神

挽李湖南尊翁

原籍山陰自處州徙溫

山陰故里連桑梓海徼新居弔菊松閣閣雲仍隨處盛
詩書風韻起人宗鳳池暇裕佩聲緩烏府淒涼劍氣雄
八十餘年心事好九原魂魄定春容

贈溫郡太守吳竹墩

先為江西宜春令

使君曾飲西江水野客來觀東海濤往事已隨春雨散

青湖文集卷十二

三

雅懷真共暮雲高鹿城白彈消磨盡象浦蒼生撫字勞
述職朝天應俊宅政堂清暇賦鳴皋

宴江心寺次明水韻謝溫郡諸公

千里洪濤懷順風江心開宴陟龍宮午雲簷影青天薄
暮雨溪聲碧海空文相勤王濱九死華歆背漢竊三公
鹿城能載英賢會感宋南遷恨晉東

謁誠意伯祠

一見西湖五色雲十年知輔大明君奇策留侯常決勝
碩膚周相重脩文青田秀氣鍾人傑鐵券丹書報國勲

何事山河忘帶礪而今始得聲祠墳

送眉軒江郡博歸婺

夢筆重華正未飛危冠壯髮早休歸雙龍劍氣曾干斗
五鳳爐香尙在衣遶屋松篁雲外秀盈門桃李雨中肥
暮春到日偕童冠十景亭前試浴沂

重遊金允良梅里莊

青山自在白雲飛十里湖光映竹扉飽後行藏歸餉黍
閒中事業落漁磯蘭洲日暮忙移棹布被秋寒不解衣
昔爲風塵辭未斷而今農牧始相依

青湖文集卷十二

三

鑑湖春興

樵風引入舊微洞鏡水還尋杜若洲細草半甦山海夢
閑雲時動廟堂憂梅花有意開登閣燕子無心閃倚樓
一望蕭然無限意夕陽烟鎖釣魚舟

登臥龍山越望亭同郡中諸大夫翫雪

春宵雪壓臥龍峯冠蓋同躋玉宇中一望乾坤唯見海
九重雲霧未生虹巖邊隱隱梅花白鏡裏微微漁火紅
不是山陰多逸興空中那得剡溪風

壽杏莊母舅築園趣亭以自樂二月二十日是其

生辰

懸弧正值杏花春園趣亭前物候新巢許相從稱野叟
羲黃之世是天民倦移醉廢東山麓開放吟舟剡水濱
不羨非熊占有兆年華多屬釣魚人

環翠軒爲江西劉貞吉乃父作

半閒茅屋深松裏點破玻璃翠有痕四面似邀天作壁
中宵曾許月當門雨添山色侵詩魄風送濤聲滌夢魂
鶴怨帳空春寂寂一簾霏霧自黃昏

題張千兵秋江釣魚圖

青湖文集卷十二

三

木落秋山日影寒林泉清興付漁竿扁舟不繫詩偏好
解佩歸來夢亦安三湘風景登樓賦百粵霜華走馬看
離下朋尊元不約京塵宦轍忽無端海天莫道幽懷窄
賦畝誰嫌禮數寬江畔風吹楓葉轉庭前露滿菊花團
今朝黃石張家會爛醉生涯試一拚

青湖先生文集卷之十二終

十一世孫璵校

青湖先生文集卷之十三

五言絕句

清風祠

有心尋死所無地見生夫綠水青山下千年淚未枯

梅崖

老梅雪中開飛占百花首著意讓東風湖山尋舊友

畫龍

畫龍多不真真龍不常有假令似真龍能會風雲否

畫虎

猛虎嘯深山壯夫皆失色何人畫爪牙不畫騶虞德

聽竹樓

萬籟空中寂竹聲樓上來清風明月夜僧夢石牀間

南疇

春雨撫犁鋤桑麻野廬生涯溫飽外時事問何如

畫菊次陶南川韻

四時有長春萬卉無全瘁西風對此君與我意相會

登淨峯寺

攝衣入空山白雲留我住我欲臥白雲白雲又飛去

用王陽明韻

古寺臨湖水懸崖礙樹枝清風一聲磬山月欲來時

題扇二首

蟾蜍澹澹姿叢桂冷冷影玉兔破草茵秋落梧桐井

又

黃花結素秋翠石寒鴉暝中山霜露毛獨聽泉聲靜

東鄉道中四首

青山與爐齊天影在木末風吹馬足輕過山見天闊

其二

青湖文集卷十三 二

黍田秋離離柴門倚寒竹刈黍作曉炊家有胥人宿

其三

東鄉一新縣建來十餘載山中五歲兒見官曾不駭

其四

山風吹夕照野水落寒烟田家酒已熟未晚即酣眠

常山行至十里鋪

山行纔十里日光半松徑草露忽已晞懶推夢初醒

蘭

九畹香未消百畝擬爲對遊遍楚江濱吾將紉新佩

梅

百花無春風誰傷寒山雪歌林月夜清不讓紅梅絕

芙蓉

秋風散鳥聲秋水流江霧芙蓉愛素秋爲避春花妬

葵

薰風送微涼睡足溪雲帳葵花非愛炎自是朝陽向

玄鳥牡丹圖

紫燕歸何信誰言識主人花王不自發爲送牡丹春

道士訥菴索題卷

青湖文集卷十三 三

蒼苔終日坐一樹石楠花得意渾無語烟生鶴避茶

八月十日恭遇聖節因告病不赴府遙賀過樂遂

亭□竹聲摘蕉葉書一絕送世明兄

臨階看修竹風從竹末起秋雲段段飛美人隔湘水

宿能仁寺

靈風革喧涼常雲混晴雨龍湫天下奇人間在何處

蘭竹

幽芳散楚畹清風倚湘廟二者未艾齡相期砥貞操

天台登山

石亂磯行輿山峻難騎馬回首望天台白雲在山下

峴山寺浮碧亭

山色湖中見湖光樹杪平飛來峴山寺相對望湖亭

題竹林七賢圖

七賢謝世尋春戀雲山深何意銅駝棘對此疏竹林

青湖文集卷十三

四

青湖先生文集卷之十三終

十一世孫士林校

青湖先生文集卷之十四

七言絕句 六言並詞附

邀葉成規不至

香浮蟻綠煖圓紅別墮當空戰北風好客有懷期不至
樂天空自送詩筒

滁陽五景爲孫性夫乃尊太守作

山頂雙泉

雙泉噴出青山頂飛度松聲穿竹影萬里秋空無片雲
雪花飄落梧桐井

青湖文集卷十四

一

水橋孤月

橋斷溪流渡春色春隨水去留不得月明長送釣船歸
不怕琅琊山路黑

白雲洞口

洞門花落東風掃一片白雲入自老日午松泉枕簟涼
華胥夢破青山好

古亭留客

歐公昔日憐禽鳥禽鳥于今自春曉到此何須問主人
斜陽一醉乾坤小

野寺僧歸

清風滿林一聲磬月下敲門鴉樹暝道是僧閒未必閒
浮生擾擾何能定

九日豈崙子馬上漫興奉謝

九日攜輶處士家西風樽酒坐離花江雲檻戀荷裳薄
山雨簾收草閣奢

題蔣國信乃郎應韶扇

竹徑深深夢蔣家風中玉筍臥蒼霞桐鄉百里桑麻境
借得溪山淡月華

青湖文集卷十四

二

登浮峯寺

用王陽明韻

人事謾隨黃葉改塵心已共白雲還山高雞犬聲不到
自有晨昏非世間

送鄭舜祥歸劍溪草堂二首

白鷺洲邊鼓棹行劍潭星斗掇光精草堂日日閒遊處
二十二灘春水平

其二

乞得歸來眼欲空萬家禾黍未秋風逢人若話田園事
曾入先生奏疏中

題白頭鳥圖

春風未老頭先白野鳥如人底是愁花落水流春自在
五湖新興一扁舟

呂芝山以詩邀飲次韻奉答

君家春蠶綠於苔許我層樓問月開況有雲篇燦成錦
蘭陵何羨謫仙杯

嵯縣謝呂大尹

嵯康高致應千里命駕何爲上我舟忽漫相逢如舊識
此情江水共悠悠

青湖文集卷十四

三

題集芳四首

柳花隨雨入春塘細浪風吹燕子忙一夢華胥人未醒
笛聲何處起滄浪

其二

燕子雙飛鶯亂啼津亭風急柳絲低要知滿眼春如海
不共烟簑江上迷

其三

松風滿屋奏笙簧江上菰蒲引興長一片白雲天際起
萬山秋翠助詩狂

其四

茅屋青山烟樹深紅塵占堞隔秋砧前川一望平如掌
何事孤舟獨繫心

題唐馬

爲金允良作

超光無奈四蹄何瘦首驅馳路幾多莫怪天閑人倚視
層冰猶望蹴交河

其二黃馬

赤岸龍媒長渥洼竹披黃勝五雲霞
纔過華清力不加

其三白馬

照夜應空冀北羣上皇駐處若屯雲茂陵曾放千山雪

好武同爲不世君

吳川林氏八景

內二首

東郊牧唱

暖風黃犢散春田流水桃花古岸邊
怪道牧人三唱罷
午陰芳草夢豐年

北麓樵歌

招義兵銷事斧柯太平景象入新歌
朔雲亂日柴門掩

不道梅花落幾多

書武陽驛

小驛春深屋半斜東風開到刺桐花
夜來有夢離分別
半是長安半是家

石梁

天工特意奪人奇萬水千山曾一支
流出石梁何似者
銀河落地走華夷

宿國清寺

萬山行盡逢禪榻一入松關臥白雲
露下老僧留晚酌
滿天空翠月紛紛

青湖文集卷十四

五

雙噴寺次唐人韻

南風吹雨夏生涼疊雪綃衣細葛裳
日日潮生又潮落
白雲歌不羨芝房

望劉揮使不遇

山頂猓貅擁十千海門夷寇避烽烟
清風獨坐長春屋
南望雲平興浩然

林損菴別業

小院深池白石橋竹風葵日俗魂消
青天醉後皆狂客

高興東連雙憤遙

樂清歐陽尹請飲玉簫峯

東遊海上訪仙蹤
白鹿雲山尙幾重
鳬島主人能醉客
夜深纔下玉簫峯

蘇齋遣人來邀不起東謝

瑞安山水路重重
掛席如飛一夜風
只爲炎蒸能病肺
相思都在月明中

簪雲尹周中麓邀飲丹峯下有忘歸陽谷二洞

萬仞丹峯一振衣
風吹巖洞欲忘歸
隔溪日午尋陽谷

青湖文集卷十四 六

一片白雲天際飛

郊原羣牧

暖風羣犢散東菑
四顧天光河水湄
一笛晚風歸路近
夕陽蕪草步遲遲

危樓野望

樓臺巖巖勢參天
風送中流雨後船
野色分橋春不斷
遠山青墮酒盃前

西夷入貢

縵舞酣歌自一家
丹青誰寫入中華
太平天子通西域

只爲張騫河漢槎

雙鶴圖

廬山飛來雙白鶴
月明玉露秋香落
一片雲霞向曙開
紫芝歌罷青山寞

題徐可梅畫

柳陰風暖小舟弭
正好前村換酒歸
安得山樵成邂逅
夕陽閑語鳥聲稀

其二

烟水瀟湘一片秋
幾多清興在沙鷗
漁人莫爲藏竿計

青湖文集卷十四 七

驚起白雲天際頭

竹亭

湘江一望入新秋
萬里江雲帶雨收
怪底楚吟能斷骨
不勝離思在饒州

巖裏

路轉遙遙山轉深
白雲流水薜蘿陰
恍疑此是天台境
應有神仙何處尋

題洪西淙方伯九鸞圖

鶯花風軟燕泥香
竹壓迴塘自作行
怪道紫薇能遠去

梅公詩興在滄浪

題吳文華便面觀鵝圖

誰將心事托羲之幾寫蘭亭氣朗時千載風流未消歇
令人長憶浴鵝池

酬朱侍御守忠贈墨

上黨松烟蘭麝香碧天星斗掇精光慙慙致謝張司馬
李白詩才今更長

梅崖六言

花開不惹蜂蝶花落不染車塵惟有巖前松竹歲寒長

作芳鄰

嶠縣弔杜望之有感

昔年舟泛剡溪山山花鳥春啼今日花飛鳥怨夜深孤
月西低世事浮生碌碌昏鐘又是晨雞何似金龜換酒
餐霞一醉如泥

詞附

雨中花
次王逐客韻

春山不補秋雲續望美人江花岸竹何處棹歌聲驚起
沙鳧一破滄浪玉畫入輞川詩裏軸笑凝碧池頭新

綠只放發扁舟羽衣紈扇流水垂楊曲

踏莎行
送沈慶山通府之任衡州

廊廟清才圭璋偉器更兼一筆龍蛇字九重軫念萬民
竊催科特揀循良吏喜溢章縫歡騰交肆翻成無限
相思淚恩光正好遍袁山奈何移佐衡陽治

青湖文集卷十四

九

青湖先生文集卷之十四終

十一世孫琰校

青湖文集卷末 附錄

送青湖汪子宿先生出守泗州序

江西道監察御史白浦朱節撰

曩余與蕭靜菴子離相繼舉于鄉尙家居得時遊往於龍山鏡水間一日子離出古文一首示余曰此吾鄉俊士汪應軫子宿甫所作也時子宿方在韶甌余甚異之頃之余與子離同第春榜居京師每鄉人至道子宿已擅文聲於場屋爲浙士白眉比余莅官於黃則子宿已捷秋榜第春官以葩經魁天下未幾遂登選館閣矣余

青湖文集卷末 附錄

喜於越之果才多而方慮其少年高第或以文學終其向往焉者迺戊寅之秋余自黃溫等明命北來謬與臺末與子宿聯第於長安道左公暇輒至余寓每語時事憂見顏色時望駕西巡還宮甫畢郊期將巡於南服於時余從臺諫諸賢之末累疏請留而子宿亦抗章疏其當留者數事言甚切至眾已危之俱留中不報余輩以分不容已遂各具疏自効求退伏闕待命而子宿復偕其同館舒國裳甫七人者聯疏請留言極懇激已而在朝臣工相繼有言雖同遭譴責而子宿諄復之誠若猶

不能已者比秋凡館中諸英例當授職翰苑臺諫子宿以風節夙著當道者居之諫垣疏名上請命下令調除外任蓋欲試之於難也子宿聞之欣然喜曰昔楊東里恨不得爲守令吾何幸焉遂出守泗州凡吾鄉薦紳之仕于此皆壯其行且慶泗人之得所怙恃也相率餞之東門之外以序舉爵而贈言焉初一浮白而言曰文章如子宿足爲吾越之光矣幸勿以叢脞忘而棄焉子宿曰唯唯次二浮白而言曰氣節如子宿足爲臣工之勸矣幸弗薄泗人以自攜貳焉子宿曰唯唯余廁餞賓之

青湖文集卷末 附錄

末乃終之曰子宿喜於是行者蓋不以文章名節自居而以澤物爲念也余竊有憂焉古之君子學而後仕凡其暢於四肢發於事業者皆黃中通理之推肆裕已及物閱百世而猶存後世往往以仕爲學凡所樹立終不宏且遠此實吾輩之所當日乾夕惕焉者雖然昔周程諸大儒皆以弱冠入仕途而不廢身心之學卒能潤澤當時以詔來世子宿外和內剛其質於仁莫近焉後茲以徃益從事於周程之心學而弗以爲迂且遠焉則凡所謂文章名節事功者且將與道爲一而無聲迹之可

○矣此固天所以畀吾子宿之意也固今日所喜而贈之意也子宿曰敬屬斯言請弗愆於素遂各再拜而別

贈黃門汪子青湖先生之南都序

禮部尙書國子監祭酒甘泉湛若水撰

惟嘉靖二年癸未秋季黃門汪子請改南都惟時六科之彥交進留之屢進而屢不可或問之故汪子曰軫將圖迎養之便軫也終鮮而雙親缺侍難之者至於再至於三四莫能奪或曰嗟嗟子宿昔在丁丑以名進士選爲翰林庶吉士讀書中秘日食大官六曹供給者三載

青湖文集卷末附錄

三

以有成恩至厚也夫恩厚則思殊報理也且忠孝不可兼而家國兩難顧何私之圖應之者曰汪子之所以爲報者則有之矣今汪子復入爲戶科則既期矣其言慎選配言愆不恪言怨諫官言崇正統言全大體言正名分其諸不一言矣而時未之盡用非汪子之咎也與其忠而不致孰若兼以致孝且君親等耳曷謂私圖或曰汪子爲吉士先朝嘗抗疏諫遊幸又伏闕遮南巡視其半祿擬授給事中竟調泗州今上繼統詔凡以言落職者得殊擢汪子止復戶科雖加俸無殊擢又言不盡用

此汪子之所以稍去乎曰是小之視汪子也已汪子且

辭加俸而況其他自汪子爲吉士乞南職以圖養也雖所司不可然而汪子之志見矣其進賢信賞廟謀者事也非汪子事也汪子豈爲是乎哉且汪子氣正而學積矣行成而志遠矣夫豈以汪子之賢而爲是乎曰然則汪子其不爲私圖矣乎曰然使汪子者不南積資而進都焉都例多至京堂況以彼其望可必也汪子不此之圖而圖南焉一日三公志不可易矣而謂爲私不亦異乎或者又曰昔者蜚蜚請士師爲其近可以言也今汪

青湖文集卷末附錄

四

子出入黃扉居可言之地而反求自遠焉吾未知汪子之爲忠若是其闊矣曰乃身在外乃心罔不在王室且兩都相望若彼其近也汪子之請命改科同其爲言路故若彼其同也朝政之得失朔傳而望聞焉其疏奏也望發而晦至焉使汪子者有如李拾遺處外飛章之心何遠之有故遠近在心不在地也吾恐汪子益得以盡言矣或問其故曰古有之求忠於孝今汪子之圖以盡孝也吾是以知其將益盡其忠也其得朝夕庭幃善兼祿養則思曰吾何以得此養也吾君之賜也吾何以遂

此志也吾君之賜也其忠於君則必果其將有言於君則思曰事君不忠非孝也故圖所以爲孝其於不忠則必不果故曰汪子益得以盡言矣耳或又曰忠臣之在國也則將忘其家不遑恤其親今汪子雖猶在國亦稍遠矣而適於親將無少顧慮矣乎其二親者有如范滂之母願子從李杜則善矣脫有如陳咸之父將如之何應之者曰觀其子可以知其父母之賢矣且吾聞其嚴君雲莊先生夙有義方以欽帥其慈母董孺人素以子記有成其賢益可徵又邇拜封章宜圖其報以委諸其子則汪子者得以兼致其忠孝矣於其行也六科之寮咸重之張子元傑以告於史氏若水次序之以爲忠孝贈

贈汪子青湖之任江西序

國子監祭酒安陽崔銑撰

始子宿入翰林卽上疏諫先皇南伐既杖於廷已又詔補外出守泗州今天子召爲戶科給事中求便養改南科旋晉官僉江西按察事其諫弗限於守其政弗襲於常其志弗撓於人豈非篤學遠受者乎哉夫人臣之本

青湖文集卷末 附錄 五

忠直而已係寵則忠之疚也張功則直之囿也忠以殿國也非以顯身直以永化也非以勝人故世者處以世後者醉以後非我所能權今夫鳥其至小者也然能鑒人之貌而識其向遠栖急舉弋羅之所不能及則中人之履愧彼者有之矣況乎質血氣而靈者與故曰有一言而終身行之者其恕乎夫恕者協情酌理之名也敢於任己者拂人之性其名曰戾易於同人者越中之限其名曰趨故事勿慮其不與也貴不置法勿慮其緩以弛也貴無塞是故無競以爲體無滯以爲用無耀以爲居慎斯道也以往可去忌可息爭可保直銑以是告汪子已次其語文之又籍焉司諫諸君子嘗命銑贈言云爾

青湖文集卷末 附錄 六

先十一世祖青湖公文集十四卷刻於明嘉靖間

欽定明史藝文志暨四庫全書目錄均著錄別集類

中咸豐辛酉賊陷紹興集版俱燬家藏舊刻本鈔本各

一帙從兄士林於順浦流離之際奉持瑣護幸以勿失

後數年攜來嶺南原以是集原版既亡而外間傳本甚

夥先世舊述當重刻以傳因取刻鈔二本詳為校勘

並恭錄明史本傳暨四庫全書提要於卷首以同治

壬申二月付諸鋟木之工至十二月刻成謹書末簡以

識歲月十一世孫璵識於廣州旅次

青湖文集卷末跋

一

青湖文集卷末 校字

卷首

葉邦榮序 遙然思想其亦因述言之以表世數語疑有脫誤

卷之一

奏疏按原本第一卷第二行署明進士江西提學僉事

前翰林庶吉士戶科給事中山陰汪應麟著不肖

男延良編第三行署明賜進士翰林院脩撰後學諸

大殺校門人長樂縣知縣楊汝輔輯而第二卷以後

皆不署名今併刪除以歸盡一

諫止南巡疏 逃避山壑明史本傳作谷 谷永諂諛之臣明

史作 謹選淑女疏 或銜服飾以察其體膚銜疑當作御

折糧減運疏 率皆百姓賠賂按字集謂古無賠字又說文賂逐子也以女義

攻之亦不合宋司馬溫公集中論役法疏有陪備既

少當不致破家之語陪賂即陪備也明代奏疏多用

當時吏文原本 反多他處脫多字下疑

如此今亦仍之 精考校以求真才疏 取其可式則錄而以此語疑有脫誤或而

以爲而已之謬 言官不諳事體疏 亦其在所優容其疑當作宜

叩盜安民疏 閱習弓劍弓劍疑當作弓箭 加志窮民加志疑加

意或加 惠之謬 游檄備期會之迹游檄字疑游檄 蓋欲

亟於除賊計耳於疑當作爲

開言路疏 又非後世徒求之而不能用也世字下疑

明嫡庶疏 臣恐聖人之制禮有不合矣恐字下疑

恤民隱疏 各行舖戶舖當作舖原自古以素傑慎

實京師慎疑當作填塞厨庖膳之類疑當作養以除沈

疴於虛脇疑當作脇

恤民隱第二疏 獲披雲霞霞字疑

查處買辦疏 棚砂酒漿等物棚當作棚木草有棚砂

棚砂字亦作棚則此爲傳寫之誤無疑

青湖文集卷末 續附 三

乞恩改選疏 欲迎養親到京親字疑

患病乞恩疏 又隆如先帝如字疑遭疫氣疑有

卷之二

贈疑齋王少宰序 宗理分拈之命宗字疑

三仙捧壽圖序 好惠施士隱胥吏二語疑

贈靳大夫序 世之民牧者之字下疑

贈山陰令吳君序 乃能以致情自相濟之句疑

贈紹興郡戴守序 以攫窮寇攫字疑

風亭別意序 受業於吾丈友杜景陽之門丈字疑

習槩括槩括字未詳或

贈南侯序 任之清戎而尺藉明尺藉疑尺

贈東谿孔大夫序 庶官不難不得職也不得職也疑

也

稽山集序 有素預以來宜乎其有子美素舊唐書杜

人新唐書世系表襄陽杜氏出自當陽侯預則預固

子美之先也然預爲繼之孫恕之子其先世無名素

者此文素字疑誤○又案新唐書杜甫傳有自先臣

恕預以來承儒守官十一世之語則素字當是恕字

青湖文集卷末 續附 四

雷門草堂後序 非託爲疾徑也疾徑疑捷 雜監花

石疑字疑樹

送龍游分教序 百執不得其職則去以下文例之執

賀紹興郡判洪侯序 而吾心有不遂吾字疑

送藻塘序 諸公之相植也植字疑植

文衡贈言 巡按侍御張此下疑擬者詞訥而色未

俞又采物色既定數字當是疑字之謬○又

贈白谷王先生序 不相詒而契者歟詒字疑詒 百

同不足以騁張上舍橋校以同字爲疑案司馬法云

壽泰太夫人序 不以遺公之懷此句疑

贈上虞鄭尹序 否則當白師矣師字上疑

壽梅園馮翁序 時當往來當字或嘗 翁之志而壽

益永矣志字下疑

碧山春意詩序 潮東陽劉子此句疑 而不嘯嘯其

真味耳案唐書文藝傳序美才輩出嘯嘯道

敘山斗遺思 胡謂之曰寬此下疑

贈郡守沈侯序 皆江淮間之禹隄也禹字疑為

送江村入觀序 秀嗤溫筭其閼此文代推實作秀字

雖於范公之所重有惠政重字疑至 節氣政

青湖文集卷末 續附 五

事節氣疑當 無為先生挽挽字

自然莊亭詩序 恨未得示我句疑

壽東白尹翁序 性樸而樹瀉樹字

起俗庸言序 原姓性姓性二字 及商確蠲稅奏草

確字疑確字之謬北史崔孝芬傳

送楊文瑞序 何異於我哉異字疑與

贈楊都憲序 錫而田土田土疑當

卷之三

虛齋記 中次空洞翁理道脫繁灑灑字

臥轍亭記 其猶足稱者側疑尤

卷之四

恭題孝廟迴文詩後 得無深意乎無字下疑

日新齋銘 舉世夢夢為夷狄卓彼先覺作之君師

師字無韻或上文胥為夷狄

東園翁像贊 雖存乎強年句疑

泗州南公廟碑 許叔冀尙衡兵次彭城按此據新唐

之通鑑雖陽被圍時許叔冀在譙郡尙衡在彭城也

又按通鑑計叔冀於至德二載奔彭城唐書蓋據其

初言 公言敢不死據韓文公字 躬矢浮圖躬字

字之

卷之五

祭顧東江先生文 集千青蠅句疑有誤集千青蠅喻

然以全篇詞氣推之 班劍徒增班劍疑班劍之謬

語究不類當存疑 又本卷祭費鸞湖文亦用班劍班劍二十人

祭王陽明先生文 心得者必辨此句刻本已漫漶鈔

俛塗去未

祭朱白浦文 貧無愁心越字

祭母舅董中峯先生文 特吾人所以為先生者無已

也先生下疑

祭胡光祿文 得略大旨略字下疑 天下於英賢天

疑當作天之

祭蕭太孺人文 文章漢迴迴疑當作魏 惟合砭

之有期位字疑定

祭李子宜文 每每執難而相句疑

代諸友祭懷梅金先生文 而竟沿千里於甯都句疑

昨其之仁而臨別也仁字疑在 哀悼之情惜字疑

謫

青湖文集卷末 續附 七

祭同年上虞徐世庸石坡先生文 我楚些兮酹道旁

我字疑哦

卷之六

池州府建德縣知縣言公墓誌銘 嘉靖一年癸未按

未嘉靖二年 始服其幹幹字未

贈奉政大夫張公墓誌銘 贈禮部精膳司郎中贈字

適可薛君墓誌銘 入國朝來原一提領君長生竹隱

此句疑有訛脫○竹

周天應妻汪氏墓誌銘 順惟厥貞字疑貞

弟仲宿墓誌銘 猶念廢學句疑

長洲樂園馬君墓表 不泄棘棘於里閭間此句疑

不問識不識問字疑問字之謬○案問

先祖休齋府君行狀 以適林下之權權字疑權

卷之七

寄鮮道長 使世道帖大句疑

答蕭子離侍御 亦或有情情字上疑

與秦巡按 禪承尊意禪字

與吳縣令 惟其所以爲之宿耳句疑 亦知不在深

青湖文集卷末 續附 八

罪在字疑至

上郡守南瑞泉辭坊牌 萬一勿洵于當路者洵字

答鍾世傑 忽得寓澤州書惠書惠疑當

上靜菴胡先生 附奉啟居啟居疑當

上陽明王先生 此又可見朝廷得人賀不獨吾私幸

也見字疑爲字之謬

復松江戴守徐伯和 向者承論之言論字疑論

再與鍾天慶 何獨於同年而致困留困字疑困

答詹文化字科 今望於古之人望字下疑 顧其道

之何如耳之字疑尤 此猶不敢奉命猶字疑尤

與葉子大 病人過舊友過字疑遇

與徐伯和 何敢有所控極控極字疑有誤

與籍溪顧先生 以代啟居啟字疑起

與李彭山年兄 見不明為時可明見不定為時可定

兩為字疑有誤

卷之八

烏言 行哥且莫聘何疑有誤

寄方思道 身在如君民語疑有誤 請扶通吏巢扶字疑誤

青湖文集卷末 續附 九

題草廬圖 桓 杖越師桓字下原闕一字○此句疑當作桓桓杖鉞師傳寫為脫

玉堂卽事 元機探隱頤頤字疑斷字之謬

卷之九

楊青驛 法鴻飛盡雲千里法字疑誤

題百雀圖 徘徊恐落一拔翠拔字疑仗字之謬

心遠亭 古來鍾南號捷徑鍾字疑終字之謬案詩終南何有毛萁日終南周之

名山中南也太平御覽引關中記云終南山一名中南無作鍾字者

鈴山堂 星河西洛江流東洛字疑落字之謬 夕靄朝霏孤

嶠眉嶠字疑當作媚謝靈運登江中孤嶠詩亂流超正絕孤嶠媚中川

唐人醉馬圖 唐家良馬來骨利骨利二字疑 五花雄

錦夸雄視何疑有誤雄錦或當作散錦 壁胡乘馬黃金厄厄字疑

謝少谷惠橫渠巾 何嘗拂袖向天姥嘗字疑當字之謬

湯家半沮風歌沮風疑阻風之謬○又案沮阻固可通用然阻風字古罕作沮風者當存疑

月筵壽意 烏臺夜夜啼霜月月字疑烏字之謬

題畫雉 野雉喙喙出林麓喙喙疑喙喙之謬 江湖汗漫華

青天華青字疑誤 何人染翰落湘素湘素疑細素之謬

青湖文集卷末 續附 十

赤壁圖 此江濠蕩混無際濠蕩疑浩濠之謬

題趙子秩買得畫龍 買之貂裘之餘資買之疑買以之謬

嗟子在涵丈涵丈字疑誤

畫虎 猶忠不能飛忠字疑誤

割股操 引刀割股兮淚淚字下疑脫兩字

卷之十

春郊戴星 衣覆溼甘裳語不可解疑是衣露溼甘裳

梁莊驛 夜會鍾誰急何疑有誤

宿宣何何氏祠宣何字疑誤

寄謝朱侍御 朱瞻瀾泗濱朱瞻瀾字之謫

卷之十一

哭大行太皇太后 駢馬嘶風日已曛案正字通駢音倪小馬也與題

無涉恐誤

寄王廷瑞 生涯何日活桑麻活字疑話字之謫

端本堂 肯爲東家過竹林句疑有談

新正過葉成鹿家 去年今日青餘路餘疑當作徐

送同年顏惟喬之許州 採芝還憶貝茨山貝茨疑貝子徐無鬼篇黃帝將見大隗乎具茨之山釋文司馬云在榮陽密縣東今名泰隴山

續附

青湖文集卷末

送吳仁甫 梁山新命出重職職字疑誤

應韶索題 空青萬古豪華思青字疑誤

卷之十二

東山懷古 兩眺風流已惘然眺字疑誤

送山陰尹 三徑好花君值守一川明月我心論二句疑有

誤謫

元日過夏公謹草堂 錦貂白馬思故鄉句疑有誤○思故鄉或是

故思鄉之謫

草萍驛次韻哭陽明一川二先生 英魂伏節事已畢

伏字疑仗字之謫

元宵東溪招飲 獨喜春農事可佳佳字疑嘉字之謫

送周通府守雷益州 誨梁曾撥政堂閒誨梁二字疑誤

卷之十四

題唐馬 瘦骨驅馳路幾多瘦骨字疑有誤

雨中花 詞 只放發扁舟放字疑誤

右集刻於明嘉靖中閱歲既久不無損闕別有舊藏

鈔本亦出於蟬蠹之餘譌字脫文不一而足今以兩

本互勘補其闕遺正其譌誤其有字句可疑兩本一

青湖文集卷末

同者不敢臆爲竄改謹纂校字一篇附於卷末初校

鈔本者上虞張上舍楠番禺莊茂才榮第以刻本互

校者從兄士林也琬謹識

青湖文集十四卷

浙江巡撫
採進本

明汪應軫撰應軫字子宿浙江山陰人正德丁丑進士官至江西提學僉事事迹具明史本傳是集爲其子延良所編前七卷爲文後七卷爲詩應軫有吏才兼以氣節著史稱其在戶科歲餘所上凡三十餘疏皆切時弊今觀集中諸奏牘多侃直之言頗見風采詩文則率皆樸實猶守成宏之舊格

紫峰陳先生文集十三卷首

一卷

〔明〕陳琛撰

福建師範大學圖書館藏清乾隆三十

三年刻五十四年增刻光緒十七年

補修本

附《四庫全書總目·紫峰集十

三卷》提要

自聖人之道不傳世儒遂以學術事功分爲二致賢
智之過求得其本心不以事物爲累勢必入于虛無
而才能之士又多急于表見苟且以就功名故其所
造亦復有限不知天地萬物之理無一非吾性分所
固有內之所存卽爲外之所用其未用也舉夫天下
之物不足以易吾天理自然之安及其既用則必使
無一物有不得其所之患此自堯舜以來至於孔孟
雖有用不用之不同而凡以全其性分之固有則無
不同昔夫子志在用世其思傳道也曰不得中行而
與之必也狂狷乎天下中行之資少惟顏子足以當
紫峯文集 序一
之故於其問仁卽語以克復歸仁於問爲邦卽告以
四代禮樂又曰用之則行舍之則藏惟我與爾有是
夫其次則莫如狂者四子侍坐子路冉有公西華各
舉所長而夫子獨誥曾皙夫三子之才固夫子之所
信其能以告康子者惟不知其仁遂與聖人之學不
相似曾皙能見其大故周程授受尋孔顏樂處便有
吾與點也之意朱子謂其浴沂風雩如老安少懷物
各付物與天地同量學者有此襟懷氣象則能樂堯
舜之道其於堯舜事業自所優爲由此以觀以知學
術事功出於一原固不容歧而二之也吾泉務實學

自歐陽四門以後至宋爲朱子過化之地淵源所漸
駁駁與伊洛比盛明之中葉有虛齋蔡文莊公出盡
心正學蔚爲一代儒者之宗陳林張史四先生繼之
道以大明然惟紫峰先生獨親受業虛齋引爲畏友
諸先生皆所謂私淑斯人者也次崖之四書易經存
疑與虛齋之蒙引紫峰之淺說通典並爲學者所尊
尚而限於位欲有所建立而不能筭江則又限於年
安於朝廷之上今讀其書亦可以見其體用之所存
先生學行出處詳於淨峰遺巖紫溪諸前輩所爲誌

紫峯文集

序二

傳先生之時姚江王氏之學已大行於世先生獨守
朱子家法講學授徒所造就人材甚衆故吾閩人士
終明世無爲王氏學者其將起爲江西督學僉事次
崖以新學害道力勸先生出爲磨洗而先生正以母
老在養也故淨峰謂使先生不退而爲親必進而有
爲於世其事功之及人自有不可勝述者遵巖又比
先生於曾皙亦以能獨見其大視世人所有事功如
浮雲之過太虛其襟懷氣象有可想見者昔姚江討
定宸濠學者艷稱其功遂引爲學術自出之驗夫宸
濠舉動非有吳楚淮南之彊虛齋督學江右時已能

逆折其氣使在漢世一太守郡尉治之無難無論姚
江之功未足以掩蓋其學卽令掀天揭地而學術之
差亦聖人之所不取是知聖賢之學其用舍行藏無
不悉具于性分之中而不在區區已成之效學者讀
先生之書當有聞而興者末學渺修又何足以窺前
哲之淵微哉乾隆庚寅五月湖南督學使者宗後學
科捷謹書

紫峯文集

序三



原序

槐江丁侯守果之明年出其同邑紫峯陳公文集鏤諸梓侯邃於理學言行與可每不苟茲舉也景慕前修心實有在顧屬序於予以爲紫峯同年進士知公深也予惟言有高而弗道華而或詭陳落而機杼弗新斯爲贅疣若是傳乎公集凡卷十二附錄一讀其古詩元風尚則末習聿祛迥迥乎晉魏之選也近體五七言聲毘律古各適其職颯颯乎盛唐之調也序記書疏歌說之類則又追先秦兩漢四大家而下上之者先是公著有書易淺說行於海內學者翕然宗

紫峯文集

原序

并序

之廼復獲覩是集之全曾不入尋常詩文家者流蓋公嘗受學虛齋慨然以斯文自任故其言皆根極性命之旨如太極鳶魚主靜用敬固非高而弗道論事明而暢說理簡而達炳若日星列沛若江河津津可誦亦非華而或詭穎悟獨超志慮純一吞吐天然發詞人鉅工所未發殊不假組織而清新溢如將不與淺說相流通哉俞哉是可傳已而予因得以附名不朽嗟乎尼山毓聖嵩嶽生申粵若稽古劉屏山胡文定父子兄弟蔡元定九峯真西山楊龜山熊勿軒及予榜史筍江林次崖張淨峯諸賢或以道學或氣

節事功著名然皆閩產也而晉江尤豪俊之藪如侯其所知以知所不知師師可仰是不謂清源紫帽所孕靈公一人允若虛齋所稱道耶予何人敢置喙其閒也爰弗忖重侯之命俟登三事當采紫峯麗國史或於予言有徵焉嘉靖癸亥之二陽月蜀南克文峪毋德純序

予少時負豪俠氣睥睨宇宙玩弄古今每評品人物高下必歆羨瑰瑋卓犖之士與之出入徐考其詩文以證論議得失古道難協太音寡諧竊計過許尚不肯披靡浮沈爲清世詆笑故一時豪傑或得之謁晤

紫峯文集

原序

成序

二

或契之文詞或形之想像夢寐謂可以磨礪夙志俾不終落莫厥後聞我師泉南陳先生結屋紫帽峯下樂道著書揮遠世故人士環集如雲其必行誼修潔于論議有足資者遂千里裹糧往從之思挹其光霽而莫測高深所自春日載和嘗泛舟攜子遊涵江子進而言曰江流其淵哉仰而鳶飛俯而魚泳莫非性也可以語道乎先生笑而不言他日又攜子遊清源子復進而言曰山嶽其高哉始而一簣終而九仞莫非學也可以語道乎先生笑而不言子退而潛思靜而遠探更寒暑而告歸諸朋儕偕子復請言爲贈先

生拂衣起坐曰子何言哉子既知鳶魚飛躍之爲性矣又知一簣九仞之爲學矣子復何言哉時予未悟謂先生天挺人豪揮毫灑翰綽有思致茲默而不言果將有以秘我也遂發憤大肆力文章涉歷中外覺勢利日黜落華孳究精一旨歸不少倦乃知吾心自有真而向之所謂性與學者猶爲影響文字之專工吾道之贅疣也先生之所以不言者豈真以法天爲學乎癸丑秋予轉官洪都忽象川林子攜紫峯文集一帙揖予曰茲爾師詩文之精也厥子德基敬屬子製序子盍爲之文予愕然久之意先生急流勇退昔

紫峯文集

原序

成序第三頁

相從逆旅中惻惻惟無言示訓雖因事立辭對景賦詩時藉以發林泉清興而竟欲彙集以傳得無爲斯道懼矣乎披而莊讀之見其渾而雄典而則端大而不浮高曠雅健而不艱以靡元入天地而不失之幽博極四方而不失之蕩何言非文何文非學俯仰觀察性真著見若不拘拘於體裁尺度而精銛炫耀如風行水上煥然昭賁人文而緒之精粗隱顯巨細遠近咸一以貫之無遺矣奚其言之諱耶予於是知先生之所以不言者不輕言也定性澄心厥德廼崇先生之所以有言者不徒言也繼往開來厥功迺大繇

茲而擴充默識之則是集之作雖謂之有言可也謂之無言亦可也苟不能根極理要而徒望洋浩一嘆焉則是集之作且以爲贅疣雖無傳可也昔子貢氏游聖門嘗以多學求夫子文章至性與天道則終云不可得聞可見文章者性道之華也性道者文章之蘊也知性道不離於文章則先生之文根心生色內外一致宜永以傳於世不朽也遂爲之序嘉靖乙卯春王正月門人成子學序

先正稱天挺人豪無如邵堯夫余每愛其詩云日月星辰高照耀皇王帝伯大舒鋪田其詩而想其爲人

紫峯文集

原序

丁月前四

不逐世紛出沒不夢世儒繩束觀物內外高駕風靈之上弄丸來往窅入姤復之交非惟庸瑣齷齪者未足以望其藩雖拘虛守元之士亦不覺其自墮於彼方之笑若吾陳紫峯先生者真其人歟先生資稟既異而造詣益純窮經談妙直親堂奧閒出其吟詠古作要歸於克養餘緒襟懷洒落氣量恢廓如霽月光風天心水面而雲夢之墟彭蠡之澤若不足爲其吞吐者嘗謂勵進退大節破名利兩關言峻而行不淹貌古而心無俗此先生之教人而其允蹈又進乎此矣所謂天挺人豪非耶自豪傑鮮值士各以意見爲

學故或濶談性命而不著實功或沈溺訓詁而終少神悟先生一洗世儒空陋之習而會歸於廣大精微之極使高者望其翔鳳凰以爲不可攀而其下者坐春風亦克然有得其內篇有易經四書淺說足以羽翼經傳而不落言筌其外篇文集足以自成家數而不入文徑蓋文章道學統同一貫性情道德涵養一原氣節音韻融渾一真其遺教流風可使愚者明懦者立山斗之仰永係於士類當不淺也今經書淺說旣已刊布海內與傳註蒙引並行而文集舊刻訛謬失次先生之予德基君克世其學日書夜校鈐梓累

紫峯文集

原序

丁序前 五

年可謂知所用心者是卽伯溫註皇極之心也篇定於淨峯大中丞公先生之友行撰於見吾侍御公先生之弟寒泉會而晦翁次明道題而正叔叙可以傳矣顧自申生其鄉而讀其書且辱季子道義之愛高山景行瞻企有日遂不揣固陋而序于卷首云嘉靖壬子端月後學丁自申序

紫峯先生文集梓於家塾梓於書坊海內爭愛而傳之寢病未廣自申之入蜀也則取令于德惠君所遺抄本而翻刻之旣以請於文峪毋公序其篇次矣復不揆蕪淺而綴其後曰維文之弊于今有可言者自

周文郁郁詰謏繼謨訓而傳歷秦而漢而唐而宋代有作者各以所鳴傑然而自撰一家秦與漢之不可復爲周與夫唐之不可爲漢宋之不可爲唐也且言人人殊非獨其世則然自曾思孟著書同宗孔氏之道而學各有從人言各有攸當要以文其意之所欲達闡其蘊之所未發其爲道相謀則均也彼老列莊荀數子雖皆爲偏曲不該之見然彼馳騁於精神鼓舞其筆端聘雌黃之雄辭而爭爲道術矜赤幟者今其書具在人自爲家可讀也何至如今人沒身塗俗學之口耳而張吻啖秦漢之糟餘哉夫唐宋文稱六

紫峯文集

原序

丁序后 六

大家氏推本韓祖孟歐祖韓柳與韓頴頴蘇父子一門曾王一時較相考訂而其文務去陳言前後相掩不可謂非步秦漢絕塵者而無秦漢一句一讀何也鎔金在範色象肖而規製別矣豈今人命詞顧出六大家右哉蘇老泉曰黼黻刺繡良錦也尺寸而割之則綈繪之不若世之刻意班馬句字而模倣者卽使優孟似叔敖吾猶惑焉今觀先生諸作本孔孟之學術程朱之義理而出以自然之文章固不當與文人題品然其推岳倒海之氣媚澤輝山之精卓乎成一家言未知與數君子相伯仲何如自申恐世之讀斯

集者執蹊徑以求先生之文將茫然而無所入故爲是說以質正焉若先生之吟詠情性則愚嘗比於宋儒康節方追悔少作而以爲未盡也觀者因是文而得其意於文之外或可以想見先生云嘉靖癸亥臘月後學丁自申後序

紫峯文集

原序

七

施志銳刻

喜得詩文集版記

去歲庚寅吾涵江重修祠堂族兄謙善倡捐洋銀千圓既落成諸同事又以祖叔紫峰公遺書鄉無存版思所以求之者函商於謙善謙善復捐洋銀百圓竊思紫峰公所著之書傳於今者有四書淺說易經通典紫峰詩文集計三部皆係乾隆間刻不稔何以遽至散亡嗣聞係落在郡中一同姓家急訪求之僅存詩文集一部版壹佰八十餘片高閣塵封久不刷印幸而所缺無幾因不惜重價爲之贖回補其闕失付之楮墨計所印可壹百部雖不足廣分同志而族

紫峯文集

記

八

中士子皆得人置一編家學之興將於是賴惜淺說通典未能合延津之劍耳近有言數年前有人買得紫峰公書版欲居爲奇貨者今尚未售顧安所得經費以爲之贖乎爲人子孫不能恪守遺編以待後學誠爲無用唯是既可搜求而仍不思設措又何顏以入家廟哉茲故記得此書之由而復以二書之未得爲吾宗告

光緒十七年辛卯仲秋裔孫欽堯葆堂甫敬撰

紫峯陳先生文集目錄

裔孫錫稷藏本

男敦履敦豫全編

嘉謀

錫夢

敬授

全重刊

卷之一

五言古詩

靜庵爲朱秀才題

肇慶

種理校字

送黃伯馨司訓海陽

送鄭廷昭司訓惠州

送胡國華侍御還延平

舟次蘭溪贈南溪張廷鳳別

紫峯文集

目錄

題洪氏孝思堂

題蔣氏端本堂

壽林毋陳氏

輓四川江太守

題韋氏旌節手卷

題司馬貽翰手卷

題張敬中巽作

送王司訓

贈地官趙文卿別三首

贈高抑齋太守三十首

錢立齋大尹之三山試闈聊贈香茶見意

卷之二

七言古詩

贈林社師

田景玉種菊吾讀書窓前花盛開時王邦贊惠

酒於余併及景玉適景玉以事出余取酒對花

獨飲不覺興發錄呈二先生博一笑

夜坐感秋書樂清連氏孝善卷

燕歌卷爲祝秀才題

送良鄉申尹擢守安吉州

紫峯文集

目錄

二

楞庭卷爲鎮江丁同年敬夫先翁題

松主卷爲縣尹霍廷獻先翁題

壽秋官鍾彥才毋七十

壽通政楊實夫毋八十

題曾漸溪書屋

題慕椿詩卷

贈李縣丞

輓莊州判

輓陳職方毋葉宜人

尤某將之京謁當道獻其所蘊且順途看其二

姪介卿純卿

題羅一峯書院二首

感事

壽顧洞陽太守

端午遊東湖看蓮有感

戲贈田均州景玉

卷之三

五言絕詩

送王開齋之京受職二首

送林六川會試

紫峯文集

目錄

三

六言絕詩

題秀林庵四首

與留朋山索酒

七言絕詩

讀孟子

題四一迂士圖

靜庵爲魏秀才題四首

題筍江清泛圖

泛舟

閒步

送李長史先生之長沙二首

恩命褒崇冊爲張吳山僉憲題二首

贈朱墨溪教諭受獎勸

次韻朱教諭題邑庠講堂十首

題古玄室道士杏林春曉圖

題張大尹梅花四首

老梅 嫩梅 風梅 靜梅

東湖書院爲工部尚書吳獻臣賦三十四首

克己 復禮 定性 事天 常默 守愚

釣魚 歌鳳 飛翠 觀瀾 詠歸 思過

紫峯文集

目錄

四

仰高 拱極 息機 見一 松嶺 竹林

梅根 菊徑 蘭畹 桂坡 楓嶠 柳隄

蘆溪 菱港 蓮塘 萍沼 菜畦 藥圃

尋春壑 避暑洞 桃李蹊 百花庄

贈刑部正郎鄭雪齋歸莆田

寄長洲令郭澄卿同年

謝高抑齋太守

寄贈蔣悟庵地官

戲贈田忍翁戒酒

丁亥立春前一日夜坐

書齋遣興二首

謝張大尹惠春筵

與高抑齋太守索曆日

答同年季明德見寄

贈曾敦厚

贈李春江二守三十七首

春江四詠

村不識吏 門無懷金

問俗同邑 借賢蒲陽

題潘監生慈孝圖二首

紫峯文集

目錄

五

答王閒齋惠酒

與蘇任真飲歸而有懷

簡張鳳溪推府

與同年福州府太守朱子文

與張大尹

簡永春柴大尹二首

謝顏大尹惠春筵

簡安溪黃大尹

送黃君惠秀才還海陽

送李德紹秀才還揭陽

贈廖潮二首

與陳通守

贈周術士

謝大叅留朋山惠潮絹

遣興東留朋山

與興化傅二守

書齋遣興三首

感事示弟子升

簡同年郭白峯

題秀林庵禪房四首

紫峯文集

目錄

六

二弟落解詩以慰之且期待其來日云

題子遷弟移居冊葉

寄友

題浦頭書館三首

壽錢大尹父存庵公正月四日生辰十首

卷之四

五言律詩

夜坐

夜讀覺倦

題族姑節坊二首

代蘇戶部次韻送張舉人春試

送沈推府考績

送吳司訓擢羅城教諭

送劉司訓擢合江教諭便道還萬安

送張主度秀才還龍溪

贈監生季時貞還南通州

春晴對酒簡王閒齋

輓張通伯

輓安溪劉某

金陵別諸朋舊往淮安至江上有所思三首

紫峯文集

目錄

七

江上阻風雨舟次龍潭驛前三首

渡江到楊州

送鄧念齋之任國子監

代簡答張大尹

代簡答錢大尹二首

題蔣氏世祀堂

丁亥元旦試筆

天恩存問卷爲張尙書題

卷之五

七言律詩

送蔡虛齋先生赴京

讀虛齋蒙引有感

寓南昌送王僉憲之子之天台

自嘆吟

遣懷二首

不寐

輓漳州林方伯

輓黃德威

輓林易齋

不寐

紫峯文集

目錄

八

題雙鵲圖

次韻楊叔亨兄嘲舟淹濯足

次韻楊叔亨寫懷呈同舟諸友

送李長史先生之長沙

送潘東厓助教

茂松清泉圖爲潘東厓賦三首

送葛通守復職歸上虞

送余通守致政歸曲江

送興化鍾節推考績

送張秀才還江右應秋試

送張伯喬還江右應秋試

夜坐有感簡朱墨溪廣文

甲戌下第三月二十四日出張家灣

舟次臨清

濟寧阻間

下邳晚泊

僧房夜酌

題古玄室

次韻題小丹丘二首

登紫帽峯題金粟洞

紫峯文集

目錄

九

丁丑正月初四日舟次臨清

臨清舟中寫懷次張南溪韻

丁丑二月十五日大風出試院書懷

晚步玉河橋有懷潘東隱

遣懷

送同年彭仁卿還南

送同年吳文燮還南

寄休泉山尚書

謝戴梁周吏部惠綠豆酒

送王存約都諫改官之任

次韻送胡石亭憲副貶官之任

送地官貢月樓致仕還江陰

一竹爲黃門田用周作

一峯亭爲鄉同年方世元尊甫侍御公作二首

送林君信侍御使江西

輓顧武庫乃翁

夜雨感懷

已卯四月阻風淮上卽事有感呈同年林維德

輓蒲田曾崇賢

庚辰春盡日過大義江舟中夢得詩四句醒起

紫峯文集

目錄

十

足成一首

庚辰季夏南都卽事

金陵雨中送顏德升教諭香山

夜宿金陵盧龍觀感事簡觀主王東谷

庚辰冬往淮安舟次楊子江邊感事不寐

渡江

辛巳春到淮安鈔關夜坐書懷

寓金陵感秋十首

贈鄭希嵩還龍溪

贈大理林次厓之京

簡大司空吳東湖先生

壽張半閒爲文選方矯亭作

壽陸蘭谷六十

題澹軒王太守九十壽詩卷

泊姑蘇次南吏部諸公贈別韻

書齋夜坐述懷簡高抑齋太守

病起

題一寄軒

對酒

卽事寫懷

紫峯文集

目錄

端午喜晴

賞蓮

甲申新春試筆

喜晴

早起出書齋門外獨立

小雀聒耳

睡起

乙酉元日病中試筆簡田南山王一臞二首

乙酉春前二日病卧僧房聞花樹上鳥鳴好音

起吟

元夕僧房獨坐二首

夜半呼童烹茶溫酒看杜詩左傳

雨中獨坐憶弟子升與表弟郭世立

夜來枕上聞雨

僧舍閒行喜晴不得酒

病寒小愈起坐遣興二首

獨坐觀潮

感事不眠

贈孫杏林

贈李竹坡

紫峯文集

目錄

贈鄧念齋學諭受獎勸

早起出書齋門外有懷地官蔣悟非二首

送鄧念齋學諭赴春試

送晉江張大尹入覲

送南安顏大尹入覲

贈高抑齋太守十首

題聶僉憲平寇冊八首

次韻祝憲副遊清源南臺二首

贈永春柴大尹平寇二首

贈寫榜莊某

寄永春柴大尹

次韻寄福州太守朱子文

丙戌新春試筆

古元道士重蓋涼亭來索錢助費答之以詩

答郭袁州同年見寄

秋前二日有懷李春江二守

秋夜有懷永春柴大尹

秋夜讀史有感

夜坐書懷

寄少叅謝松澗同年

紫峯文集

目錄

古

聞同年諫議史荀江之訃詩以哭之

憲副方棠陵寄到破屋詩集詩以答之

丁亥新春試筆

春日有懷顧洞陽太守

贈鎮東開尚德

送順德令曾漸溪考績

吉津橋上送蘇伯忠太守之京

贈蔣悟非休致二首

贈吳洲黃孟偉太守

送郭白峯教諭吉水

送吳體衡司訓博羅

戊子新春試筆

春晴觀物有懷李筠溪

送李春江長史之任魯國且便道過饒州

次韻呈同年聶雙江御史

送顧太守赴省城與試場

秋夜遣興簡顧太守二首

簡錢立齋大尹

賀顧新山方伯陞太僕寺卿

戊子初冬得薦書不果行

紫峯文集

目錄

古

除夕

己丑新春試筆

喜雨簡顧太守

喜雨錄呈少叅謝松澗同年

寄憲伯郭淺齋同年

謝南安陳大尹

己丑夏遊東禪寺述懷十首

題羅一峯書院

庚寅春日觀物遣興

辛卯二月二日病卧書齋聞社鼓

六月雨多害稼

看田夫割稻

壬辰春夜夢覺起立檜樹下翫月

題雲深處小景

癸巳春日有懷屠東崖太守

喜雨錄呈屠東崖太守二首

感興錄呈屠東崖太守八首

壽王閒齋七十一

送柯通守休致

送譚推府考績

紫峯文集

目錄

五

贈李才通二首

贈楊醫官

贈江草亭寫真

贈林秋崖尹靈山二首

壽鳶峯曾士毅

春風送行贈孫體洪二首

壽張樂吾迂叟

卷之六

序

湖邊舊隱序

書劔從兄詩序

風水遐思詩序

望思樓詩後序

河橋清餞圖詩序

賈孺人輓詩後序

東厓文集序

時軒文集序

龍塘王氏族譜序

筍江陳氏族譜序

贈潘東厓先生南歸序

紫峯文集

目錄

六

贈王用儀南歸序

贈黃孟偉南歸序

贈邢秀才歸揭陽序

贈周秀才還江山序

贈張秀才還安福序

贈杏垣陶仲文還彭澤序

贈湖廣少參顧新山先生序

贈江西少參陳栢崖先生序

贈廣東少參徐克弘先生序

贈僉憲王君之任廣東序

贈僉憲林君之任湖廣序

贈柳州府太守陸君節之序

贈太守易嘉言之重慶序

贈太守莊青峯序

贈郡守洞陽顧公述職序

春江四詠序

贈陳德芳通判台州府序

贈黃汝爲序

贈興化府節推鍾侯考績詩序

卷之七

紫峯文集

目錄

七

贈葉仕堯尹新興序

贈陳朝譽尹臨安序

贈梁東之尹常熟序

賀朱墨溪得獎勸序

贈朱墨溪先生尹增城序

贈張淨峯先生尹英德序

贈柴侯仲和序

贈楊君一純序

贈錢立齋述職序

贈陳君伯玉受獎勸序

贈判簿鄧君序

贈徐恕軒教諭從化序

贈司訓鄭石潭序

贈司訓徐盟松序

送項原孝分教武城序

贈府椽周邦憲還三山序

壽武翁制師序

壽談翁文明序

壽方矯亭先生序

壽胡卷石先生序

紫峯文集

目錄

六

壽陳微庵先生序

壽蘇朴齋先生序

賀田均州治壽木序

卷之八

記

朱文公祠堂記

碧溪陳公祠堂記

石泉記

東園記

松澗記

北山記

鋤溪草堂記

隘軒記

一寄軒記

新修晉江南路記

卷之九

書

答潮陽蕭秀才書

寄秋官正郎黃孟偉書

與張克軒大尹書

紫峯文集

目錄

十九

與張大尹子伯喬書

與友人書

答朱墨溪書

與黃純玉太守書

寓金臺寄太守叔書

與巡撫臧公書

與陳台峯郎中書

簡張淨峯同年書

寓金陵與王石崗侍御書

與太守鄭思舜書

與南京吏部諸同寅書

簡潘僉憲書

簡季明德同年二首

與雪松柴仲和書

簡邵端峯提學書二首

答黃孟偉太守書

答錢立齋大尹書

與西江林親家書

答安平柯親家書

卷之十

紫峯文集

目錄

二十

疏狀

乞改南疏

乞養病疏

乞致仕狀

呈

蔡虛齋鄉賢呈

歌

夜坐述懷寄少叅謝松澗歌

贈族弟子遷歌

贊

柏軒居士贊

說

伯喬仲瞻字說

卷之十一

誌銘

東莞縣知縣陳君墓誌銘

鄉進士璞齋劉先生墓誌銘

林逸齋暨妻黃氏墓誌銘

蔡處士墓誌銘

張處士墓誌銘

紫峯文集

目錄

主

太安人趙氏墓誌銘

敕封安人侯氏墓誌銘

封太安人莊毋李氏墓誌銘

贈刑部主事莊公墓誌銘

洪處士墓誌銘

潛深處士孺人陳氏墓誌銘

祭文

祭味庸蔡公文二首

祭楊毋宋太安人文

祭傅石崖先生文

卷之十二

論

斐然成章

食志食功

心如穀種

聖人所由惟一理

教亦多術

孔子對葉公父爲子隱子爲父隱直在其中

卷之十三

正學編

紫峯文集

目錄

主

原序

眞贖

太始

眞順

大中

眞友

大化

眞乘

大定

元貫

正則

致一

大通

充類

至感

異端

眞會

目錄終

紫峰陳先生文集

年譜

原序

叔元自稍知章句家君授以陳氏淺說諸書且命之曰紫峰先生之學蓋得於吾祖木齋公及蔡虛齋先生而仰溯乎紫陽是閩學正派也小子臆而問之曰大學天下萬世之學也奈何系以閩哉家君笑而不答稍長從學士大夫游睹當世所稱理學者大抵尸祝姚江土苴紫陽若對壘然夫六藉之訓要使人思而得之思之愈深則其得之也愈固故有由賜所不

紫峯文集

原序

年譜

一

聞而問冉問之矣問冉所不聞而顏曾聞之矣又有終日與回言而不筆於書者矣今不揣學力之淺深不分根器之鈍利而概啜之以知天知性之學就使鈔契畫前神遊帝先總爲玩弄光景而無益於身心性情之實矧愈講而愈失其真哉淺說通典諸書具在繇其淺者而深思之繇其通者而潛思之廼知學士大夫果無以加於紫陽而周禮之果在魯也卽系學以問奚不可哉紫峰先生出處大節張襄惠諸名公業爲之誌若傳而其季子敦豫君家孫復君又倣紫陽年譜之例哀輯成帙而命小子叔元序之昔子

思作中庸鄭康成以爲孔氏家譜而魯論之譜鄉黨者詹詹於衣服飲食爲粗而已矣夫道無精粗而譜顧有精粗哉十五而志學至於七十而從心夫子之年譜則夫子自譜之矣中庸何精鄉黨何粗然則茲譜也謂足以盡紫峰先生固不可謂不足以盡紫峰先生亦不可

後序

後學李叔元頓首謹書

閩理學濬發自蔡文莊而紫峰陳先生翼之叔元竊聞於家嚴曰吾祖木齋公於文莊友也紫峰師也木

紫峯文集

原序

年譜

二

齋公以史官在告紫峰稟學焉時年二十矣文莊以銓曹在告紫峰稟學焉時年二十五矣前輩不立講學門戶而淵源師友非偶然也紫峯贈文莊詩則諷以孤舟野渡贈木齋詩則期以黃花秋色而兩先生出處大節若合符然前輩弟子相與氣味何如也小子謹識之紫峯純孝類曾閩見大符點開張襄惠之誌王道思之傳徵矣季子敦豫孫復又倣紫陽之例編年爲家譜小子以班荆之末受而卒業焉先生真人也先生之學真學也布衣擁臯比而諸生負笈者自江右自粵靡不心悅誠服胡然乎年三十餘薦

于鄉戀戀親舍宜也至戚其同榜門人亦依依師席而不赴公車胡然乎四十登第立朝僅一考而先進後進踵門請益如山之岱胡然乎至冗者權曹也至飽休而不可理諭勢禁者中涓也鼓譟數十徒而從容談笑能使之逡巡謝罪且却其餽而弗爲忤胡然乎海內識與不識莫不知有紫峯先生而與田父野老塾師游若不知有紫峯也者胡然乎足跡不至府城而民瘼吏隱必告當道此自吾儒分內事耳而郡邑有司捧片紙隻字若珙璧胡然乎今之仰止先生者翛然如孤岑淚鶴千仞翔鳳而先生當年猶之乎

紫峯文集

原序

年譜

三

布帛菽粟也小子括以一言曰真而已鳴鶴在陰其子和之君子居其室而千萬里之外應之真也天地鬼神不違真而況於人乎蓋前輩有及見文莊者曰與虛齋先生坐半晷則胸中半晷聖賢也有及見紫峯者曰紫峯表裏洞徹似青出於藍嗚呼叔元不及見文莊矣亦不及見紫峯矣竊以意度之曰文莊其鍊後金乎紫峯其璞中玉乎敬請正於有道何如

後學李叔元頓首再書

英雄豪傑繇來以當意氣壯烈之士斯道亦有之孟子作七篇述仁義其發明辯難有排山推嶽之風此

英雄雄者也琴張曾皙牧皮其心事磊磊落落如太空無雲而春風可習此真豪傑者也吾泉郡先輩德行文章氣節可謂盛矣最著莫如蔡虛齋陳紫峯二先生虛齋謹密精微涵而揉之而不見其端紫峯光霽峻潔融而超之而莫得其跡蓋虛齋聖門曾閔之徒而紫峯琴張曾皙牧皮之侶也聖門而後其悠然溫厚者莫如陶元亮其脫然瀟灑者莫如邵堯夫紫峯先生殆欲兼之先生自其布衣時則已亢自矯厲入仕三年世利瞻無磷淄告滿得恩以榮其母便挂冠歸養聲名特達

紫峯文集

原序

年譜

四

朝命屢下堅臥不出卒奉菽水終厥天年林居二十餘載批垢塵俗飲酒賦詩飄然有物表之致而卒歸之精義正學可謂風舉雲停鴻飛鳳立嗚呼先生於古人真豪傑之士矣先生冢子敦履躬行實踐無愧先生嘗有志脩先生年譜而不逮季嗣敦豫屬稿未就先生家孫復乃與同志考核論次又請蘇君民乎李君叔元重加削訂復使遠卒其業遠皓首老木於虛齋與先生望之不得其津涯序先生年譜不覺爽然自失也

後學何喬遠頓首謹書

此紫峯陳先生之年譜也光緒生也晚不及事先生而竊讀先生之書蓋儼然有羹牆之意私心猶嘆其未竟及得先生之年譜而反覆窺之然後知世之貌先生未易以區區語言文字盡也緝謹按先生之譜其在經生時幾三十餘年其掛冠謝事者二十年迺其繫藉之後遷徙於南北曹郎間刑而戶戶而吏僅五六年而先生遂請將母以去隱不復出矣先生居官之日少而去位之時多且當筮仕之初南曹多暇功業無所表見而僅見於權淮安關務是官非先生所樂居第令無愧而已先生進無得於事功猷爲退

召竟不復出人始以先生爲不欲仕夫先生非不欲仕也譜記先生徙官之南張襄惠公祖而送之先生臨別握手語曰北風雨雪之詩吾兄得無意乎嗟夫先生豈無故而求去亦豈無故而率人以其感憤時事早知遠害之旨隱然見於言外寧但以其親隱而念母不置也人莫知先生之所以去先生亦不以其去之故語人其後朝紳多被禍者先生獨飄然於綰轡之所不加卽襄惠公其初未之信迫事後之悔始深自媿先生爲不可及此先生之所以卓然獨高也襄惠公稱先生求仁而得時哉屈伸蘇紫溪公之傳先生謂有得於乾初之潛夫仁者當理而無私心之謂潛者成德爲行之謂孔子不以仁與由求赤之仕而賢夷齊之去潛之爲道樂行憂違確不可拔惟深潛純粹之人能當之兩先生豈溢美哉令先生之道無以爲世用又或有意于去未忘于出縱不有藏拙梯榮之心亦不能無幾微係戀之累則亦安所稱仁而于潛亡當矣道術破裂異學並興人多詭說奇行借筏竺乾竊壇鄒魯偃然以師席爲盡在已而道學之名反爲終南之徑經生學子又從而採摭其說以應有司科目之求朱考亭之註疏幾爲室戈者之

的屢煩 功令禁之而不能止夫然後知先生之書
大有功于學者其名淺名典良有深意卽先生終身
行未離乎是矣讀先生之書與譜者於先生之風儻
其亦有興乎

後學李光縉頓首拜譔

紫峯文集

原序

年譜

施志銳刻
七

紫峯先生遺像



紫峯文集

圖像

像贊

轟然峙者紫帽之岡晶然列者涵江之泱篤生先
生爲龍爲光先生之學妙契義皇二老六子左員
右方爰及鄒魯挈領提綱誨焉而諄語焉而詳開
關啓後示我康莊先生之文如木千章能鉅能細
能短能長何以用之清廟明堂乃諗將毋飄然而
翔三公萬斛不易斑裳爰甘飲水爰發歌商駕風
乘雲遊于醉鄉淵明康節於焉徜徉

邑後學蘇濬

涵江世室青紫迎門公像在中儼然生存目炯炯

以如電應海潮之吐吞早窮經而著述尋鄒魯之本原厥說曰淺切而不煩厥典曰通晰而不渾開末學之榛蕪誠山斗之共尊嗟予小子元其何能贊一言射斗牛倒崑崙是吾先公所云

後學李伯元

紫峯文集

圖像

二

紫峯陳先生文集卷之首

乾隆四十年春刻

男庠生敦履敦豫原編 孫庠生復請序原刊

同邑後學諸同人校訂

年譜

明憲宗成化十三年丁酉十月十六日庚戌戌時

先生生

先生諱琛字思獻紫峯其別號也世家晉江青陽山有天祥者仕宋監簿元孫若濟號碧溪始定居湖江碧溪五世孫體成號質齋先生父也娶吳氏皆諱壽十月辛亥十六日庚戌時而先生生焉秀遠而威玉色金聲方口而美髭髯手紋如亂絲當胸有紅痣三四寸

紫峯文集

卷之首 年譜 一

十七年辛丑 先生五歲

始入小學

受業于封評事黟省李公鳳舉動如成人書帙無掩摺一衣一履終歲如新

十九年癸卯 先生七歲

先生少小即儒氣道風壽常應對皆成節奏默省諒對云醜貌之人羞對鏡先生應聲云潔身之士願乘桴一壑驚異叔高州太守敏齋公嘗語人曰是兒大異凡兒必大吾宗

孝宗宏治元年戊申 先生十歲

三年庚戌 先生十四歲

在郡城從諸葛先生駿習舉子業嘗作賢說二賦歸去人以爲少時一對一論不調於俗殆其識云

七年甲寅 先生十歲

秋九月丁父質齋公憂

九月三十日質齋公卒享年五十先生年甫十歲執喪依朱子家禮貧不能葬權厝于橋頭山敬齋公兆側哭時省視悲呼而去

九年丙辰 先生十二歲

受學于李木齋先生

木齋先生時以翰林檢討下外艱教授于學宮先生從之游卓有志於聖賢之學題其杜云發憤三年須是不爐不扇把持一敬莫教魏影姚會程子遺書朱子文集皆摘抄成卷朝夕潛玩光齋先生少許可獨於先生此學力允慨予望治典成進士以翰林出補吉藩以剛正舉于職

紫峯文集

卷之首 年譜 二

正德元年疏乞歸養尋詔起用竟不應蔡虛齋稱其有堅忍之志遠大之識信謹之行學者稱焉為古李先生所著易經外義發凡剔要鑑斷若干篇蓋先生道學所自來矣

十年丁巳 先生十一歲

讀易于資壽寺

閉關兀坐不出戶庭者累月

十一年戊午 先生十二歲

應福建鄉試

以儒士第二名應試落榜歸懷慨自若有詩道懷云長使心閒涵水月不妨面上汗埃塵又云胸襟風月百篇詩

十三年庚申 先生十四歲

嘉禮成

娶王氏郡庠生明齋公福季女鄉進士一臘先生宣之妹也一臘為虛齋高弟敦行好古獨推重先生讀其書輒問其旨一臘以小學內則語授之此歸先生所無內顧憂者安人相之也丁公自處窮處達而無內顧憂者安人相之也丁公自中稱安人寧靜專一有以養先生相之也丁公自力甘貧有以充先生卓厚之氣欲知先生者宜安人云

十四年辛酉 先生十五歲

受學于虛齋蔡先生之門

虛齋先生時以南吏部郎中終養歸一口得先生文於木齋所啞異久之木齋曰此吾徒也虛齋曰吾得此人為友足矣遂詣所館屈行輩與為禮先生遂謝乃執羔幣以師禮事虛齋與

紫峯文集

卷之首 年譜 三

曰吾所為沉潛辛若而僅得者以語人常不解不意子皆已自得之今且盡以付子矣又語人曰吾嘗以清源紫帽屹峙南北効靈毓秀當有名世之士出乎其間陳子其人夫陳子其人夫生及陳兄粘公燦同應鄉試

十六年癸亥 先生十七歲

南安王開齋疇延先生西席四書淺說起稿於此二年題其柱云隨柳傍花心樂敢希程伯子夏來冬煥高居

冬十月長子敦履生

十月二十日也敦履字德基邑庠生以齒德舉鄉賓長孫復其子也

十七年甲子 先生十八歲

郎中傅石崖浚延先生于錦田書館遣子機從學繼後第進士官大行以若翁純孝著名其間

十八年乙丑
十九歲

虛齋將之京先生送以詩云清源紫幘兩相雄
萬仞誰人在此中已喜是非能自信肯將語默
與人同孤舟野渡時將晚一桮東窓日正紅今
日忽經離別遠何時再挹好顏容虛齋審度未
行而江右督學之命下矣

武宗正德元年丙寅

從虛齋先生往江右

虛齋督學江有邀先生同行教其子存微存遠
得請以行道經鵝湖思晦庵象山之異同
舟次彭蠡仰匡廬白鹿之高遠所學益進

紫峯文集

卷之首
年譜

四

夏四月至洪都疾就醫于彭澤

至洪都病氣大作虛齋視之曰是水火未濟也
不可以什庸醫巫請彭澤陶仲友觀之仲文曰
先生之疾非藥所能愈區區之劑非醫所能窮
蓋有不醫之醫無藥之藥焉因囑請至彭澤就
醫月餘而愈

五月回洪都

至官邸虛齋另築一小軒以居先生朝夕講磨
不及他事簪臬幕先生者爭投刺請見先生未
嘗往焉會虛齋試南昌諸生以試卷就先生品
題拔知芬鄒守益夏良勝等真之首選時芬等
猶未知名士論譁然一先生出與諸生會文齋
激兩司會考兩司固請先生出與諸生會文齋
目心如穀種先生援筆立就兩司及諸生無不
嘆服遜避者赫然名動江西虛齋曰舒芬必大
魁天下若吾陳子才學當居會試之首後皆如
其言又嘗作斐然成章食志食功論及葉公問

正學編成

數策虛齋稱美不已每食置菜上令二子朗誦數過而自擊節和之以爲快云

是編刻入今獻堂言家無遺稿疑在江右時作也萬歷乙未督學洪公啓膺始爲序而傳之

秋自江右歸

之曰善事陳相公他日必居吾此座又以其歸
 存復也賤書督學推薦之先生不知也至三山
 而備援以達於心此固尊公雅意但得失有命
 不安遂取燭焚之

三年戊辰先生三十二歲

設講席于邑學宮

紫峯文集

卷之首
年譜
五

虛齋丁卯冬致仕歸是年復遣存敬等從學四方來學者自餘人若吾邑洪助教開宸司訓志發朱文瑛江周簪族弟侍御讓文學良節同安黃郡伯偉陽周簪族弟侍御讓文學良節同安黃士先周揚陽邢貢士照之其著也先生日登講坐良用齊談次用正言不事艱深隱僻只就聖賢口頭語而以胸中所自得者發之隨才而授道理躍如虛齋至期輒省諸講所默聽之講畢則相與討論取所授請說看閱參訂而歸

易經通典成

四書淺說成

貼經傳問難者朱先生曰援數章以示諸生體
粹盛行一時論語淺說止於顏淵成書未幾
末年寓行春門樓迺連上論奏補成書門人景
于火而家傳無全書涿州守王師性故門人景
昇子也道原有下論淺說註在書之上卽家求

紫峯文集

卷之首

六

通典則約其詳而反之要也

秋九月送別李木齋先生之長沙

木齋自翰林出為吉府長史將之任先生上木齋書云行藏之具高明有素今日之行蓋出於不得已也親友會別間亦有知吾先生之意者乎贈詩云天地從勞混更開紛紜萬古總塵埃我思陶令有高識誰與月明笑拂松根坐淺酌微吟亦快哉又云今日滿城無風雨明朝馬又上南山胸中一段悠然趣付與孤琴不用彈有道憑誰問一客義經是故知時重陽前一日也木齋得詩大喜曰吾子可謂深知吾心矣

十二月哭虛齋先生于喪次

是月二十三日夜有星墜于邑之西虛齋沒先生哭之甚哀

四年己巳先生三十三歲

春設講席于月臺寺

從游聽講
倍于學宮

請祀蔡虛齋先生賢祠

紫峯文集

卷之首

七

秋七月應巡道宗公西席聘

先生原雖立言之人亦多而聞道之言自別使逢陸子靜則支離經約不免鵝湖之異同若遇未晦翁則品第稱揚未論北溪之優劣如此名流宜膺獎錫

先生月臺從者益衆分巡福寧道僉事宗公聖慕先生名介傳公浚請教其子而具書幣遣節固請先生來迎先生不辭受宗公之聘即躬詣館公潮二大夫始就聘是日陪賓筵者乃傳公浚論道講學外無語及私布衣節抗禮屹然上坐自重之雅

貽友人王開齋書

開齋以貢士授常寧訓導將行先生貽書云青衿之慶竊為知已不樂者有三一日時未得子二日儒官不大自見三日田數畝無待俸餘閒齋遂乞休越年子承箕先生代名曰承其

又為公疏開齋云
承其後為沅州守

送門人邴照之還揭陽

序云東廣揭陽秀才邴照之千里裏糧來予
館中問予詩予不能講問予文予不能文問予
疑義予不能告之曰吾饑焉當食印食渴焉當
飲即飲困焉當睡即睡安焉而睡足焉當起
即起衣人而起徐徐而行安焉而步不焉當
道而歌詠之如陶靖節之於李杜黃陳之於
絕唱不能交詠之而取古人之文如周濂溪
歐陽文忠公之雄文大筆而時時讀之而不
四書五經傳註而時時覽之而解亦取程朱
之意所在而讀及於陳比溪雙峯賢之經
俱食英月屋與之俱自暇自逸梅風則與
則食英月屋與之俱自暇自逸梅風則與
紫峯文集 卷之首 年譜 八

送門人周以善還江山

序云開山之麓然而高者莫如武夷幽絕殊勝
神仙居之草木之生乎其間亦如武夷幽絕殊勝
望景上友者往往問津求至焉余少慕生長以道
遠未能到正德丙寅春虛齋蔡先生往江右督
學因從行至閩江御輦舟上泝值灘石紛錯險
利崎嶇迴曲窮力攀挽舟上泝值灘石紛錯險
半震雷大雨別澗細流依依奔騰赴會大溪驟

紫峯文集

有其所繫而未見其大者也客無以答漸東三衢
周生其間且遊見其大者也客無以答漸東三衢
於其間且遊見其大者也客無以答漸東三衢
山別予因趣歲暮告其兄今昔陽尹以仁君亦
贈服無入處焚香默坐肯一與客問則水光山色
將融其入方寸間也

復沈節推書論振作士氣

畧云如善志勢古之賢者皆然何獨於執事不
然况今士氣萎靡但知有貧富貴賤禍福得喪
不知士之為士可寒可饑而不可復見矣故志
之衰不可復振矣其能所關亦豈少哉非高識遠
見起于時俗者其孰能任而養之使奮發勵養
耶

十二月葬祖母林氏父質齋公千秀林山

紫峯文集

卷之首 年譜 九

人入此則卷之首 年譜 九

以漸登也或自武觀或自象山皆可以望而見之

五年庚午先生三十四歲

春館福寧道

秋舉福建鄉試

以儒士首名應試本房教諭豐城陳公榮見其
交驚異詰御史王公注宜置首選竟以外簾不
合列七十七名楊曉之日尙書見素林先生俊
至御史延之鹿鳴見素拊先生名賀得人御史
驚嘆曰向非陳君幾失此子諸考官勳色相賀

冬侍養母疾不赴公車

同榜門人黃偉見先生不往亦
不往而就館講學如儒生時

西華先生文集

六年辛未
先生三十五歲

春寓泉城行春門樓

冬十月仲子敦艮生

十月十一日也敦艮字德止
游國學孫徠衢衢其子也

貽書張克軒大尹請寬六里陂夫役

書云仁生也庭草交翠陽之動也此濂溪先生作圖之本也故萬物得所謂之春一夫失所謂不足縣以盡仁伊尹周公之相天下龔黃卓魯之治郡縣貽芳傳美于丹青而不能使朽者非有他道也完養其方寸間之生生者耳敢恃愛一達蔽都有六里坡上承九十九溪之水下潤數萬餘畝之田躍金沉璧則萬姓笑歌亦地滔天則一方憔悴其所繫蓋不少也舊時官設陂夫四十二名夜則巡行溪潦江湖晝則補砌長沮巨野衝冒風雨出沒波濤其芳亦云甚矣

其受役者皆丁力貧寡昏懦無告之人也蓋其
爲力甚勞而又有一年之若夫以至愚極困之
民當最勞最久之役已爲可哀而該都里長之
姦猾不兩則雖有明文下帖無由達于父母之庭
盡棄前功復編新役欲告訴則目謾舌頑見吏
胥則魂驚膽落徒爾呼號天地照說艱難無可
奈何典其風日見實茅動情匪有希圖爲之所
將成之子此皆目見實茅動情匪有希圖爲之所
改釋伏惟興哀於無用之地垂德於不報之所
不曰編排已定務使枯槁復回則豈惟召伯
之棠百年春茂行見燕山之桂五折秋香

作伯喬仲瞻字說

伯喬名崧仲瞻名巖邑大尹克軒張公庶之子
冠而字之先生爲之說畧云論士於今之世而
定其高卑必其勵進退大節破名利兩關言峻
而行不滂貌古而心無俗之外而細論大顏之
瞻也則與之游於塵埃亦無幾乎喬出而臨深
所謂彌高者若夫記誦詞章基無尋丈而臨深

紫峯文集

以爲高者
吾不與也

七年壬申

先生三十六歲

講易于開元寺

八年癸酉
先生三十七歲

作邑庠講堂十咏

先生少許可獨愛朱墨溪文簡故爲之題十咏
後又贈詩云遠大有期須實地分毫無益是虛
名平生胸次何涇渭
偏爲先生眼作青

夏北上赴公車

同
行
王
一

秋至京師

入太學

九年甲戌 先生三十八歲

春會試禮部南歸

十年乙亥 先生三十九歲

與門人黃孟偉書

孟偉既登第官比部先生寄書畧云古人不以仕廢學則次紛瑣之暇必欲律例前登史以養道心德意而時出其意於法律拘束之外雖官以秋名而春固自在也

秋七月寓小丹邱

小丹邱在金粟洞之下古元室之項小屋三間先生願而樂焉因讀書其上弟讓公反子敦履秋適歸

紫峯文集

卷之首 年譜 三

十一年丙子 先生四十歲

冬赴公車北上

同行會漸溪月間舟次酒二壺談一語漸溪涓滴不入口侍談竟夕無情容

十二年丁丑 先生四十一歲

春正月至京師

二月會試禮部

先時舟次臨清遇一監生浙人也傳翰林所擬試目諸公多風構者先生獨不作及試果合擬筆構思移時而成三場值大風生龍欲張遇命守舍卒林硯立而羣英肆筆掃浮埃豈無經濟萬里東風拂面來羣英肆筆掃浮埃豈無經濟萬當寧定有光芒燭上台後美未多張詠傍詢真肯教子雲才家值全不知人意只報燈花夜夜開

登會試榜第八名

大學士斯公貴為總考本房編脩尹公襄得先選斯公反覆數遍日信然必出陳白之外宜置首然則蔡虛齋批其卷云學識才氣俱出人意表論雄深雅健變態自然已云四書易義說理精詳屬而發議論卓絕若不屑屑於尺度問者而彰彰而出然使人目奪心驚不覺通視其蓄之厚固天下士也儒者體用之學切有是焉亦可為明時得人賀矣此拆號題先生切有是焉亦可為虛齋之學已矣有羣衆成服二公知人云

三月廷試登舒芬榜二甲進士觀兵部政

故事舉子登第則候謁舉主行門生禮先生未及謁而尹公則先自見之此選館同儕皆以詩文先生餘事且靳尹二公知之已度必得之先生辭不赴考

紫峯文集

卷之首 年譜 十三

寓慶壽寺

與同郡同年淨峯張公岳次崖林公希元寓壽寺以道義相期許而淨峯猶為對榻談笑劉公徹夜來學今刑部郎中意系政慈是也劉公至夜分不輟四方從游者甚衆劉公與先生意相投至果有講意乎吾與別講劉公知先生有豐臺意嘗夜至先生館或邀先生至其館書馬王公漸遠向容王公購酒上海朱公約每值月夜具蔬酒邀先生講易論道談文說詩久而不倦用為宗廟之棟樑而先生遂舍之曰長松巨栢不也吾大用之小耳人而大用之小是棄人棄是棄天也其相勉之意甚厚

三疏乞歸養不行

先生以母老乞歸養疏凡三上吏部諸公相繼是有學者方將大用可使去耶三疏皆不

貽書叔敏齋公論宗事

啓者故家子弟惟讀書力田無田則擇商賈之
安穩者爲之方里德不爲十一人德良之
社師又其次也若吏則決他人久假積負者
極分諸官發憤不致詳耳祠堂內祭田須
分付諸弟任公勤者掌理之以費祠之租
典之田贖完亦多積創增吾陳氏有涵江
田數畝猶存而執聯屬不獲舊家正以祠
也而族中一二猶欲侵移猶時會序不敵
所濟有幾衆效羣尤漸就荒廢是以猶竊
而枯葉而暗中自振其根也抵速其枯而
已矣

十三年戊寅先生四十二歲

夏四月授刑部山西司主事

先生以律例不精無以斷獄日夜考究刑書而
時出於其不精無以斷獄日夜考究刑書而
紫峯文集 卷之四 年譜 獄得從未藏所平反

送林君信使江西

林君之西名潮字君信爲侍御將往江西
生告之曰蔡虛齋先生謂寧王有異志近
府君往湖登鹿洞一應宗卷樂節南康九
蔡君爲之所若常在省城必爲所牽制不
山小詩奉別蓋有深意君其思之沙溪不
染哀涼之難題思先見歸田後常時問
壁以志悔詩云劍鋒吹先見歸田後常時
夜雞鳴忽驚空冀北激揚先見歸田後常
水清魚躍鹿洞雲深路不迷如此湖山問
賞就中便有上天梯沙溪歸先生又贈以
云赤狐黑鳥口舌張皇猜柱史青天白日
沙溪見

十四年己卯先生四十三歲

春二月疏乞改南以便養親遂調南京戶部雲南

司主事

先生以寡母在堂年踰七十加以時事可憂
與之嘆事方知靜處功又云望遠可得官更
歸更事有日如年又云望遠可得官更
裏欲歸忙至是上疏乞改南臨行張淨峯祖
崇文門先生告之曰北風雨雪之詩吾兄得
杖繫獄廼嘆曰紫峯其真知幾者耶

夏六月至家

取道歸省太安人因請南京就養太安人不欲
行遲遲起程莊太守科以書勸行謂限期方嚴
此恐後合我意何悔之有

十五年庚辰

紫峯文集 卷之四 年譜 紫

春三月之南京

過大義江夢得詩四句足成一首春風繞見百
谷裏可容身養真最愛園南睡中長致意遠
憲貧寄語家僮多種秫秋來吾欲醉鱸蓴原

夏四月至南京

署中無事出則與同志諸公談道賦詩入則掃
榻讀書其於世味紛華泊如也王安人侍太
奉筆劄而巳有南都卽事詩

秋奉差監淮安鈔關

李木齋先生訃至爲位哭之

十六年辛巳先生四十五歲

春至淮安

革弊寬稅

夜生書懷云欲借春風一解顏春來正在船
間嚴持酒戒偏能飯稍放書程亦自閑心裏有
天堪白日眼何地不青山千週
未了衆同契一炷清香生夜闌

紫峯文集

卷之首

年譜
十六

爲此所以古之學道君子不肯爲條例司官必
盛德如程明道正額不爲而唐拙如僕者
取贏餘以爲功茲不忍爲也

卻內官饋花石

正德末年貴州有淮安鎮守太監縱牙卒
橫行私與人過關不納稅過國計門不下馬先
生繩之以法太監屈服已而多方措撫數十朵
以謝一稅亦無所
法外者益用敷服饋花石數十朵以謝一稅亦無所
受竟置之

與諸生論學

先生雖日在錢穀中而退食之暇手不釋卷諸
生時來請益則與之剖析經傳俾知所用心漸
與陳台翁書云僕初到淮殊厭俗冗近日用漸
熟而安之亦自忘其勞矣日聞不暇暫於燈下

秋七月調南京吏部考功司主事

尋剔舊憲易經四書淺說乞下以
有數秀才時於夜間問難故也
先生自巳卯疏乞改南三年無一字入京吏部
戴選部時宗云紫峯淮上清節真不愧生平近
者清人所就當日深矣

十月自淮安赴考功司到任

先生自淮安赴考功司到任
餘則在淮將一年解額之外分毫無染稍有嘉
在考功清曹以備公費比歸金陵後中圖書而已
造門請業戶履恒益張淨學問刪正淺說學其
平日識見議論而一味靜養獨到之妙蓋
有非人所知者殆造物者以是資先生乎

世宗嘉靖元年壬午

先生生四歲
考案例有題目先生生四歲
者先生似一眉子先生生四歲

紫峯文集

卷之首

年譜
十七

馬非知味者說能識之少卒朱公希周敬信先
生考及悉次焉一明名賢如工部尚書吳東
湖公延舉大理寺卿陳石峯公琳左庶子方
亭公鵬皆朝夕議論從學之士日踵至如鴻
卿嘉善陸邦永康令嘉定金洲進士臨朐馬
健惟重其定秀才劉堪孟盟曹評危邦傑其著
也

爲大司空吳公題東湖書院

吳公建東湖書院以克已復禮定性事天常
守愚等爲扁請先生題咏凡三十四章東湖云
味先生之詩各有理趣各足意
味可與朱程性理詩並傳云

與吳東湖論出處

東湖疏乞歸田而猶掌戶部印訪於先生曰生
仲冬初旬即欲解任歸里而爵都諸老勸德立
旨知已寥寥誰可告出處者惟先生道明德立
於生交雖淺而愛實深致固宜速生不日便行

教日宜進生如諸老之言便侯朝報也先生答
以言日書也生如諸老之言便侯朝報也先生答
名正喜稱嬰錄老病還須慮少游此去看花猶
半吐何人懷壁青遲留東湖書院與佳景歸去
來今休便休東湖
得詩遂就疏決歸

貽書侍御王石崗論水利

王石崗按閩詢民瘼於先生先生與之書云晉
江縣二十九都其田滿水名曰六里陂其水在
本縣為一水利之最其田餘數千頃其水之利
分之二一為早荒之本縣民之恒飽官之役兼
設之推服者一名擇本縣民之恒飽官之役兼
該年多有是下為一編戶之役三年不免差役
此門有開六大小編戶之役三年不免差役
有開六大小編戶之役三年不免差役
于下溝一開六大小編戶之役三年不免差役
紫峯文集 卷之首 年譜 六

近規下溝一開六大小編戶之役三年不免差役
定規下溝一開六大小編戶之役三年不免差役
到規下溝一開六大小編戶之役三年不免差役
去規下溝一開六大小編戶之役三年不免差役
彼規下溝一開六大小編戶之役三年不免差役
此規下溝一開六大小編戶之役三年不免差役
恃規下溝一開六大小編戶之役三年不免差役
整規下溝一開六大小編戶之役三年不免差役
水規下溝一開六大小編戶之役三年不免差役
故規下溝一開六大小編戶之役三年不免差役
丁規下溝一開六大小編戶之役三年不免差役
密規下溝一開六大小編戶之役三年不免差役
皆規下溝一開六大小編戶之役三年不免差役
被規下溝一開六大小編戶之役三年不免差役

秋七月給由考績

疏乞養病

與鄭思舜帖云僕初二日考滿領文書出部初
十日進本乞養病以八十老母在堂故也不
紫峯文集 卷之首 年譜 六

秋八月奉

勅贈父體成承德郎南京吏部考功司主事

封母吳氏太安人妻王氏安人

先生以三年考滿會上兩宮徽號例得
封贈先生曰吾持此歸足慰吾母矣
秋九月南歸

吳東湖贈詩云萱花簪眼又三秋陳子歸心似
急流表以陳情李密敬而能養望言游紫峯
烟月供吟弄白下衣冠重去留可吳東湖真孟
浪連章說退幾時休方纔亭謂先生兼祿養先
未易以慰母心林次崖謂賢人君子進退自道

皎皎三更月滿峯心兵寂莫失前鋒也知金粟
無人到應有白雲盡日封倚昔才疎空廟筆從
今應穩不聞鐘幽人亦有
男兒事無暇栽花與種松

詩贈同年林次崖之京

林次崖公名希元以大理想寺之京先生贈詩云
滿衣冠綠染苔門前積雪白磴磴相思正苦
湖邊月欲別那堪林次崖天地許君能正氣江
湖笑我亦歸來行藏更有深深處莫把文光燭

二年癸未先生四十七歲

春三月抵家

與南都同寅晉云僕以三月盡時到家見老母
康寧如舊私自欣慰體諸疾亦頗消除但在
途始稍病復到家又不免應接諸成微瘥延及秋
涼始稍病復到家又不免應接諸成微瘥延及秋

紫峯文集

現以故諸公命作拙文未能具稿爰亦不出今
冬當勉就諸公命作拙文未能具稿爰亦不出今
知向有舊稿或稱程明道平日未嘗見其有
愈修之助但保元庸庸猶隘果能如所願否

請建虛齋先生書院

與潘翁憲書云亡師蔡虛齋書院事知執事雅
念賢哲特費經營之力古所謂身後知已殆不
是過也異時記書院者生當實錄矣

建紫峯精舍

先生既歸足跡不入城府不通達官貴人書問
即所居旁闢一室朝夕偃仰其中靜觀天地萬
物消息之變以及世之興衰治亂世態之炎涼
人亦莫能測也題其柱云荒僻孤居本欲逃名
非避世蹴跌兀坐由來習靜類脩禪又曰滿目

雲山飲酒看花懷邵子絕蹤城府清風高節仰
龍公又曰此竹簾花雨歸來猶自好左經右
史山林依舊不曾閑又詩曰小小清齋古地偏
坐來真有日如年鄰家怪我無烟火不識閑人
亦是仙又曰雨洗花木四時好風掃塵埃一
點無只此箇中吾亦樂惡說與卻堯夫

郡太守高抑齋聘脩泉州府誌辭

後聘史筭江
張淨峯修之

冬十二月季子敦豫生

四年乙酉先生四十九歲

秋貽書郡守請修晉江南路

晉江南路起自八里亭歷土岸東山棘巷新亭
牙坂海口陳陳海岸海岸塘頭曲折四十餘里

紫峯文集

僻在海濱非官府往來之衝以塞泥滑岸傾
石壁大深而無可渡陰雨而馬不敢行人甚
苦之而難於修整而海岸之整為甚難先生以
新為政務精密高抑齋曰武侯治西蜀道路皆
苦荆榛咨訪諸勞太守歡喜勸泉民高答曰吾
將之京矣節推張侯掌府事當代吾勞乃復移
書丁張侯然以爲已責選召好義之民隨地
起工勸人助八閱月而路成人稱便

五年丙戌先生五十一歲

春作朱文公祠堂記

永春柴大尹鑄建文公祠堂成以書來請先生
爲之記曰竊惟孔子集羣聖之大成而朱子則
集諸儒之大成以發明夫子之微蘊而朱子則
其書心緒其義大成以爲已刻苦加工繭絲牛
析之餘極其精而不亂天高海濶合之盡其大
無餘斯可以知朱子矣知朱子則知孔子矣知

紫峯文集

孔子則知天知地知人知事... 紫峯文集... 卷之...

贈徐恕軒遷從化教諭序

泉岸司訓錢塘徐公恕軒... 贈徐恕軒遷從化教諭序...

紫峯文集

賢能賢則皆可用... 紫峯文集... 卷之...

卻永春白馬寺田

詩云去年送子出東門... 却永春白馬寺田...

水爽氣應隨月夜魂斜日寒

七年戊子

先生五歲

賜書錢大尹立齋論派士類除盜賊及六里水利

陂夫役事

紫峯文集

卷之首

先生高尚未嘗以私事于有司至於政之得失

公榷雅重先生嘗馳使谷問故先生臨之書曰

其檄梓茶餉之類須使整齊以斯文禮貌待之

此實為大惠又日新政清明郡邑竊息猶有一

二橫行不肯畏威者蓋天奪其魄也養稂莠者

害嘉穀密實艾割惟立齋雷意焉又曰做都六

里陂在雷江為水利之最大者其係陂塘不能

當其百分之一貧難單丁下戶編排陂夫看守

陂塘亦皆援例告免以致俱不蒙惠望賜公道

訪密與以慈仁好事也

陞德收拾民心好事也

冬十月

詔徵用辭

家宰桂公夢方公獻夫薦先生有用之學不宜

在散地命下有司促駕先生辭不赴因賦一律

國書催我上長安行李蕭條路亦難薄酒也應

冬日煖傲裘聊退北風寒遣愁發笑寧無訣

春萬里靜觀定見好容顏

閏十月即家起貴州按察司僉事提督學校兼督

所屬二十衛所屯田辭

八年己丑

先生五十三歲

新春試筆詩曰病告歸來今八年聰明肯道不

敢忘天北極幽懷正在春西邊東

風吹起春花好春草成茵借睡便

謁羅一峯祠

題詩云牛山須禁牧牛羊藏久良弓要力張遠

多也應甘澹泊元微亦只在平常悟來始信無

峯吾敢問定行自水答清聲

夏六月即家起江西按察司僉事提督學校又辭

林次崖勸行書云近時一種新學害道不細江

西尤甚直須極力磨洗一番所望於執事者自

是公不淺當勉於一行不可失此機會也克齋王

公睇亦有書勸行先生答云屢承惠書差人趣

生視學江右賤體向愈因宜起行而實有甚難

於行者蓋生為老母引疾乞歸已八年母今年

八十七矣據情與理實難違別且使生非退而

為親去歲便當微北上聽受職事矣今既不

紫峯文集

卷之首

先生五十四歲

九年庚寅

春日觀物遣興詩云一縷香烟一碗茶詩篇遍

開大方家遊魚戲日將騰浪嫩菊逢春又長芽

最愛陶翁辭彭澤更憐賈傅屈長沙

悲歡今古都成夢笑看兒童寫墨鴉

先生歸養日久德愈高而望愈隆朝紳注想每

有館院清班必推先生成謂威鳳祥鸞非世所

能致也長是歲吏部郎中張公廷援章楓山蔡虛

街亦好或曰先生尤不喜名隨止

十三 甲午 先生五十八歲

春正月丁母太安人吳氏憂

太安人享年九十一歲先生執喪如禮猶依依孺慕云吳族後復姓王先生為作龍塘王氏族序

十四年乙未 先生五十九歲

冬葬太安人于秀水山

中葬林太母右葬質齋公左葬太安人朴素渾堅不效世俗作華飾

十五年丙申 先生六十歲

寓秀林庵

紫峯文集

勝母之後起居多在秀林庵雖避塵囂而就幽勝藉墓廬以展孝思也有題秀林三笑圖詩云三笑到虎溪笑世人迷誰會笑中意一笑影枯心又稿形令我發深省

十六年丁酉 先生六十一歲

寓秀林庵

十七年戊戌 先生六十二歲

哭門人黃孟偉之喪

是歲泉大饑觀察李公元陽請孟偉主貸事旦暮區畫食寢幾廢必欲無一人遺無一刻滯疾作而卒先生哭之慟曰天喪吾道也隨送之鄉賢

二十四年乙巳 先生六十九歲

春閏正月卒于正寢

先生自南歸家居二十餘年詩酒自娛不問家

有書塾時好學不倦每夜生有得輒書里

諸君誨導為師者亦因得所學教以進退生立

生故師所教子弟或執事問者小書遺風各

隨品而告其一本於身心性命中正之德求

業所造就其多遇於風雲月日或具鋒鏖田

野老談其桑麻人謂先生贈或具鋒鏖田

應之各就其歡人謂先生贈或具鋒鏖田

犯科為不善於教訓女以無不語日陳先生

耶開或論善於教訓女以無不語日陳先生

盛衰損益以詩論教訓女以無不語日陳先生

吾佳婦快益登閣不令此惟種德貴人門戶

談笑終日雖值貴顯者未嘗盛饌加禮日草

同飯何人哉生平無忿厲之色疾速之聲海

師門者先生亦不校焉淨峯謂虛齋既後無愧

紫峯文集 卷之首 年語 退而為親必進而

有為於世其功之及人可勝述哉非虛語也

所居後海潮不至越數日而先生卒閏正月二

十一日也

八月祀泉郡鄉賢祠

督學熊公汲以先生學問淵源履行純實紳

山曰郡邦典刑從兩學諸生呈移文泉州府祀

焉

冬十二月葬于秀林山

諸子從先生遺命添築于質齋公舊壙前合

一墳而刑葬焉蓋其內團聚之思溪山舊遊

宮保張襄惠公岳作誌銘方伯林象川公一新

傳銘參政王遵嚴公慎中廉憲蘇崇溪公一精

諸洞觀贊于本原鐘鼎非豐敦水非貧求仁而
爾時雲屈仲紫帽流年衆望方殷天不遺哲
今體魄所歸山曰秀林父母在茲式慰孝心
林象川公一新銘曰秀林之門伊誰卜吉虛齋
先生恩義敦滋培本原英華繁郁推嚴齋氏
刊除積蔽敦滋培本原英華繁郁推嚴齋氏
嗣榮就寂就寃其卓然儒宗先生之行穆如清風
連養率禮義事力疾服勞以成素志先生終身
寔安斯侍曰永
孝思存亡一致

穆宗隆慶六年壬申春二月有司立墓祠于秀林

秀林墓上有祠中塑先生遺像至是
同守丁公一中手書紫峯先生墓祠

神宗萬歷元年癸酉有司請建專祠于

學宮

紫峯文集

卷之首 年譜 天

先生之設祠如虛齋先生之祠賢猶謂未滿崇尚之
意議特祠如虛齋先生之祠賢猶謂未滿崇尚之
卜建於學按臺而成其事

二年甲戌正月專祠告成學宮特祀

禮部尚書儀庭黃公厚翔爲作記其畧曰我國
家稱古定制廟學中設鄉賢祠將擇其德業
問卓爲儀表者而祀之即古賢宗西序之遺意
也顧孰爲儀表者而祀之即古賢宗西序之遺意
重况有曠世之賢哲屹然挺生于茲地以明祀典
於聖經下之有闕於風教者誰可繫以常典施
之哉鳳翔自少小時聞吾邑有陳紫峯先生
者今世名賢也先生爲未考亭之學諸所著述
皆足羽翼傳註而發其所未發至其棄官歸養
再徵不出然追遙於物外而不知有可慕之
祿爵尤爲足立儒而無道學之門戶而有實
避世之深心而非玩世無道學之門戶而有實
學此百世之定論也先生之沒司既採輿論
列祀之賢官矣然景行私淑之士猶謂不滿崇

祭儀式

尚之意始議特祠如蔡虛齋先生祠而學傍有
隙地一區堪以建祠如蔡虛齋先生祠而學傍有
今日者議始於郡守朱公炳如邑令黃侯金公
成於按院劉公良弼督學宋公嘉謨推守姚公
光靖而邑令丁公侯仕楚實助錢公嘉謨推守姚公
百年來未有之盛典于今始備榮獎矣即事
序亦爲之生色矣告成之日奉主以祭御邑有
司暨吾鄉儒紳學士忻然後先馳奔焉謂茲
舉不可無記而屬筆於小予翔然後先馳奔焉謂茲
其興事始末使千百世之下知我國家崇賢古
文之治真與殷周比隆又使遐邇人士讀其書
可以尚論其世而聞風思奮有不止於言語文
字之粗者也茲特以爲先生榮已哉

紫峯文集

卷之首 年譜 天

萬曆二年歲次甲戌正月丁丑朔越十有八日
祭文式

祭文式

泉州府知府姚光洋同知丁一中通判曾咏雅
先賢奉政大夫江西按察司提學僉事紫峯陳先
生之神惟公道宗闕里寧源考亭關明與旨翼
贊聖經行節超邁出處光所佑啓後覺千載儀
刑茲惟仲春秋敬修祀事用薦德馨 尚

二十八年庚子四月議諭

大中丞希所郭公惟賢議云江西按察司提學
僉事陳琛福建晉江人穎悟絕倫然契宋儒朱
嘉之正派靜翁自得祠微師門蔡清之真傳所
著有四書淺說易經通典富士習偏駁之日而

三十三年乙巳

紫峯文集

卷之首

年譜

三

原野

經歷事實抄造及曾著淺說再著有某書籍俱
要查取詳議明確一併呈報以憑參閱爲請諡
施行府晉江縣儒學廩增附生員韋孚敬蕭夏
泉等呈爲遵依查議先賢確行乞轉達上請事
竊等欽差提督學校副使饒票行查紫峯陳
見業欽差提督學校副使饒票行查紫峯陳
先生行蹟書籍確議以便請諡等因謹按紫峯
陳先生諱璠齊道宗先覺學啓後人由李水齋
前輩而師虛齋得精思力踐之微呼爲已友自
朱考亭正傳而邇洙泗關無言未述之旨開之
吾徒其著述在於洞見本原凡經傳訓詁之殊
儒先聞見二岐無不迎刃而立解其學問在於
躬行實詣凡出處進退之大言動語默之細無
不中知以表坊師嚴道尊韋布坐蒲臬之上遊
和義正談笑却詔璫之橫文光海濶天高未揭
榜咸上爲虛齋弟子胸次風光月霽不識西亦
知爲紫峯先生由北署改南曹北風雨雪之詩
張翼惠服其先見日地官調天部看花完壁之
句吳東湖姚其遲副督稅淮安拒漕院餘羨之
挽乞歸田里絕達官通問之習奉菽水而盡歡

紫峯文集

卷之首

年迎譜宋

三十考

正

者廿年辭詔書而陳情者三至淺說通典戶部家傳文集行言士欽世仰允矣王學鬱為儒宗蓋先生之改官早見武宗堂西日春巢入世抗之禍先生之歸養真切北堂巡不與廷臣激抗先生者未盡先生之高絕謁非峻故以春巢入世先生者未盡先生之冲和以著書直言崇先生者未盡先生之建立志潔行方急流勇退義先生者未盡先生之學之指南也士論方見起心廣真虛齋之正印伏乞表章亟行轉達進五品之舊秩贈官以榮於前修即可風于來世美易名以示崇褒得有榮於晉江縣知縣顧參語云先生素履步趨至賢立言羽翼經傳茂說通典之先生世已久矣集諸賢之傳家不磨南北駢歷三曹皆儒者之用後書陳乞一疏終孝子之情一辭朝徵兩辭督學何異九壺之真傳而千遇宋儒朱考亭之正孤者門蔡虛齋之真傳而千遇宋儒朱考亭之正孤者

李文集
卷之首
年譜
三十一

宜照虛齋先生事例
一體贈諡以示追崇

署泉州府事推官李參語云先生資性冲和涵養純粹功深不爐不扇幾嚴愧愧衾其學由虛齋以達考亭由考亭以邇洙泗闡孔曾思孟之秘盡在淺說諸書發義文姬孔之微復著通典全部言言抽關啓綸人人戶誦家傳歷官諸曹純是學間作用陳情屢疏尤見孝思淵深至今讀其書者輒發而憤開仰其風者頑廉而懦立尤宜比從虛齋先生事例請贈諡以示追崇

紫峯年譜卷之首全

國朝明史儒林本傳

○陳琛字思獻晉江人杜門獨學蔡清見其文異之曰吾得友此人足矣琛因介友人見清清曰吾所發憤沈潛辛苦而僅得者以語人常不解予已盡得之今且盡以付子矣清沒十年琛舉進士授刑部主事改南京戶部就擢考功主事乞終歸養嘉靖七年有薦其恬退者詔徵之琛辭居一年卽家起貴州僉事旋改江南皆督學校並辭不赴家居卻掃一室偃臥其中長吏莫得見其面同郡林希元字懋貞與琛同舉進士歷官雲南僉事坐考察

紫峯文集

卷之一 史傳

不謹罷歸所著存疑等書與琛所著易經通典四書淺說並爲舉業家所宗

乾隆四年七月 太子太保大學士張廷玉修

閩省通誌

○陳琛字思獻號紫峯晉江人正德丁丑進士蔡清以理學教人得琛文大異之及督學江右請琛偕行歸而四方從學甚衆嘉靖初以大臣薦拜貴州提學僉事俄改江西皆辭不赴清旣沒所謂無媿師門琛一人而已學者稱爲紫峯先生著有四書淺說易經通典

泉州府志本傳

禮部侍郎謝道承撰

○陳琛字思獻別號紫峯晉江人學者稱爲紫峯先生自蔡文莊公以理學教人由場屋之業引而入聖人之道琛生去文莊公稍後初受學于故長史李聰一日文莊得其文於聰所嗟異久之聰引琛稟學於文莊文莊瞿然曰吾不敢爲之師得爲友足矣屈行輩與爲禮琛固辭乃師事焉文莊語琛曰吾所發憤涵泳而僅得者以語人常不解不意子皆已自得之禮之如朱子之待季通及督學江

紫峯文集

卷之一 省志

右請琛偕行教其二子歸而設科學宮之旁與郡城月臺寺四方從學甚衆琛資稟朗邁於世情無所倚涉閉戶獨學不苟同於人讀書每沈潛玩索能得意於文詞之表筆力光動流轉不可端倪語淺而根諸深語深而敷諸淺險而安常而偉枯能使潤離能使合約能不遺肆能不亂而卒歸於性命道德所著述以授門徒有四書淺說易經通典二書猶以爲未至欲超脫於塵壒之外細論顏子之所謂彌高彌堅者正德庚午領鄉薦丁丑會試考官編脩尹襄持琛卷語主考靳大學士貴以爲

造詣精深不墜舉業蹊徑靳反器數遍曰必出陳白沙門下或師蔡虛齋他人不能爲此釋褐授刑部山西司主事謂古人仕不廢學剖決紛壇之暇必沈涵經史以養道心德意而時出其意於法律拘束之外庶官以秋名而春自在每語同僚曰理刑之道當以誠實惻怛之意爲之審實求生惟急於致刑辟則人有不得其死者矣以母老乞改南得戶部差監淮安舟稅凡小舟不入閘者悉弛其征正額既足大開關門恣商人來往惟與賓客談學賦詩人大稱便而淮安漕院徵欲有所干撓琛曰若論王道之純則鈔關可無設今正額不虧而多取贏餘以爲功豈所忍爲其人愧屈尋轉吏部考功郎清曹無事請業者踵至隨其淺深高下告之皆有得會上徽號得封贈琛曰持此歸足以慰母矣遂乞歸養嘉靖七年以大臣薦詔徵用辭又一年卽家拜貴州按察提學僉事俄復改江西皆辭不起家居掃却一室偃仰其中靜觀天地萬物消息之變以及古今興衰治亂世態之炎涼向背或迢然發笑或喟然太息不以告人人亦莫能測也興趣所至時縱行田野閒與農夫野叟談敘風

俗舊故桑麻節候爲樂發爲詩歌往往自在脫灑鄉有利病當興革者如六里陂水利八里亭迤南至龜湖道路言於有司濬築繕治寬陂夫他役以永陂利鄉人德之與人交藹然可親愈久而人愈欽慕文莊公旣歿無愧師門者琛一人而已歸養十二年母以壽終琛年幾六十執喪如禮後十一年亦歿病革所居後浦潮汐不至士大夫聞之咸爲歎惋有司特祠之學宮張襄惠岳論其人曰有避世之深心而非玩世無道學之門戶而有實學世稱確論子敦豫志行醇飭能傳其業舊註紫閣書林素菴續小學王遵嚴文集

乾隆二十八年臘月 中憲大夫泉州府知府懷蔭布撰

晉江縣志人物本傳

○陳琛字思獻號紫峯蔡虛齋高弟也初學於李聰聰引琛學於虛齋虛齋異之嘗語琛曰吾所發憤涵泳而僅得者不意子皆已得之屈行輩與爲禮琛固辭乃師事焉及督學江右請琛偕行教其二子歸而設科學宮之旁與郡城月臺寺四方從學甚衆所著有四書淺說易經通典二書正德庚午領鄉薦丁丑成進士考官編脩尹襄持琛卷薦主

考新大學士貴斬反覆數過曰必出陳白沙門下
或師虛齋他人不能爲此釋褐授刑部山西司主
事以母老乞改南得戶部差監淮安舟稅尋轉吏
部考功郎得封贈琛曰持此足以慰母矣遂乞歸
養嘉靖七年以大臣薦詔徵用辭八年卽家拜貴
州按察提學僉事復改江西皆辭不赴鄉有利病
當興革者如六里陂水利八里亭迤南至龜湖道
路言于有司濬築繕治鄉人德之歸養十二年母
終琛年幾六十後十一年卒有司特祠之學宮
乾隆三十年十月 晉江知縣羅浮方鼎撰

紫峯文集

卷之一

縣志

五

紫峯陳先生文集卷之一

宮保淨峯張 岳選稿

中憲槐江丁自申原刊

五言古詩五十首

靜庵爲朱秀才題

爲學在此心靜之而勿正遇靜則欣然未可言入聖
後儒頗好高易簡驚俗聽昔我亦慕元恍惚捉其影
澹然離言說幾欲空人境大道自圓融稍偏便作病
仰看烏雲飛俯察魚川泳俯仰物何多一一關吾性
卽事厭紛紛實棄天之命達人握其樞靜中觀動定

紫峯文集

卷之一

一

黑白分毫芒遇敵期戰勝屯兵維居民按堵不聞競
指麾何從容到此是真靜

送黃伯馨司訓海陽

伯馨於爲學積累成寸尺兵家貴近攻茲法乃大益
易學久紛紜虛齋破其的羨君獲升堂攻鑽窮朝夕
古貨時難售吾自適吾適清漳今入潮桃李欣潤澤
臯比擁春風觀聽聲嘖嘖有問卽有荅真樂亦泛溢
更憐清齋夜無語得虛白

送鄭廷昭司訓惠州

平生負戰藝自擬無遺鏃不俟由數奇利穎徒爲禿

采芳入儒林歲晚遲幽獨我冠談唐虞發我十年讀
春風與時雨英俊任薰沐逍遙吏隱兼清寧天與福
何日訪子真惠陽見鄭谷

送胡國華侍御還延平

文峯秀色濃劍浦深源活時時夢寐中冰壺與秋月
古人不可見古意未應絕誰解慰我心君亦自清脫
花封饒雨露柏府耀霜雪茲亦君之餘君更有本末
愛君何以贈靜中觀未發

舟次蘭溪贈南溪張廷鳳別

地北冰雪嚴風勁塵沙惡車輪去苦遲馬蹄回催速

紫峯文集

卷之一

二

南來渡長江始見山水綠山高欲到天水清堪明玉
魚鳥任飛沈草木剩芬馥南溪泛此翁悟悅應自足
我亦欲爽心焉能爲齷齪

題洪氏孝思堂

親恩昊天大親存無百載高堂扁孝思風木生感慨
但能勉爲善鄉黨皆敬愛更得諸兒子怡怡無傷礙
親靈在此堂料必常康泰矜式示後人滿堂見光采

題蔣氏端本堂

蔣氏中微鞠於外氏從楊姓至國信第進士
始復舊云

大塊開兩開形賦千萬億理一分自殊差等不可易
人人各親親四海自歸極所以蔣氏堂根本欲端的
此意啓後人孝思幾時息待看春滿枝始知端本力

壽林母陳氏

昔憐寡婦寒今喜節婦壽昔憐兒啼號今喜兒成就
莫謂天無知善人天所祐稱觴北堂前班衣舞大袖
願兒知報恩孝思不改舊

輓四川汪大守

汪起教職至知府

業儒多作迂事吏或近俗何人隨所之政教皆可錄
桃李醉春濃桑麻欣雨足清白素傳家典刑猶在目

紫峯文集

卷之一

三

無能作九原閱銘砥心肅

題韋氏旌節手卷

大道幹蒼蒼人各秉正性草澤有貞婦寒餓不爲病
吾曾見數人中心懷炯炯食茶歸泉壤湮滅無名姓
何處貞節堂煌煌甚齋整古來忠烈傳史臣曾論正
豈無僞與真自有幸不幸端的韋氏女鄉閭皆起敬
表彰自公論亦足見天定諸賢與贈章盈卷得清勝
我拙不能詩感慨聊成詠

題司馬貽翰手卷

大司馬翰公貫道邀安溪高先生瑞文爲弟

子師時見敬禮集其平日所貽手柬凡若干
題曰司馬貽翰示不忘且表公謙德也諸士
夫能詩者俱爲贊揚余不能瑞文強余亦詩
之

師友道久哀市井談鄒魯偶然得青朱羞與布衣伍
書生氣少剛俯仰亦辛苦何人識獨高一笑輕泥土
恭敬翰墨貽珍重珠璣吐貴貴與尊賢依稀兩存古
題張敬中與作 與有二義柔與也又深入也

吾愛張子房聲容斂輝赫從容談笑閒摧折無堅敵
吾愛楊子雲淵潛探消息大元首黃鍾千古垂心畫

紫峯文集

卷之一

四

養剛在用柔入妙貴深索此理自吾儒老氏亦窺測
所爭直毫釐相去寧丈尺還應與所翁爲我發真的
送王司訓

古詩三百篇讀者拘題意憐君有獨得筆能發其義
膽大出波瀾心小入精緻葩艷無枯題優柔有餘味
自謂雖時樣亦足爲美器逐隊獻當道百戰百不利
儒官天與閒晚芳聊自媚時因酒發豪不覺思千里

贈地官趙文卿別三首

天地氣高深莫能測其妙幽居觀羣動亦足供一笑
東鄰說金多西鄰誇地要不出塵人伊誰可同調

又

道險說羊腸磯深聞牛渚擇取平路岐行行任晴雨
淵明有真意紫芝現睂宇相看各點頭分攜無一語

又

金臺本崔巍金陵亦佳麗青天一白日均照無兩地
丈夫志四海故土莫濡滯後會有新知願言示經濟
贈高抑齋大守三十首 時乙酉秋抑齋將北

抑齋自謂來春欲歸東溪余應之曰東溪信
樂矣其如蒼生何素不能詩乘興連賦數十
首政績之美願留之勤山林之樂難老之方

紫峯文集

卷之一

五

榮遷之頌俱於詩中見之工詩者笑其拙知
道者則曰中閒云云頗有味哉然狂言野態
自不敢謂無若肯清觴三酌俾山童月下放
聲三誦亦未信蓬萊中有煙火也

又

日月無停機乾坤有真一達人握其樞白白生虛室
俗吏紛紅塵抑齋自素質應有意中人爲秉循良筆
斗舉久張皇誰是讀書者衣被皆錦章無復見朴野
抑齋浚源頭泮水來清瀉青矜棚餘波味甘可能捨

又

桐城開水溝潮湧任去留山川來秀氣唐宋想前修
云何二百載無塞不堪舟抑齋明地理活潑見清流

又

大火赫南州征人怨長路荷擔欲徐徐又畏山雲暮
忽然抑齋春滿道榕陰布鬱鬱將十圍好作甘棠樹

又

北風撼樹根東風回樹春安安郭橐駝不喜亦不嘆
柳子工爲傳抑齋讀之頻吁吁發長歎雅意得吾真

又

武侯治西蜀道路皆整新爲政務精密千載仰斯人

紫峯文集

卷之一

六

江路怨泥滑山路苦荆棘咨諏勞大守歡喜動泉民

又

史官有天刑謂其枉生理良愛與喜怒一一出自己
潤筆博黃金千載無信史抑齋得端人郡志亦可喜

又

學校欲整新財足民無愁濟濟欣多士明明頌魯侯
佳賓燕鹿鳴信息喜今秋茲亦道所繫豈爲科舉謀

又

古人不可作古意何邈邈古祠欲草荒名花失香馥
誰整賢守祠鮮明更超卓歷歷數宋元西山真道學

又

君謨稱宋賢史傳甚昭昭畫錦池泉南秋天起鸚鵡
政猛人不病此意久寂寥古祠重修飾豈爲洛陽橋

又

黃堂一杯酒令尹撫字心梅溪此佳句萬口尚謳吟
春風花滿枝秋風葉滿林珍重抑齋翁古琴振遺音

又

爲政良多言論治貴識體察察作總明紛紛入瑣細
但見訟愈繁未見冤能洗何如抑齋翁靜默稱愷悌

又

紫峯文集

卷之一

七

治蜀法最嚴如何能得民治鄭火甚烈如何稱惠人
過惡有故誤懲惡要認真抑齋尚三代用法不爲秦

又

飲食有寒熱適可乃爲良味熱已滿口如何又桂薑
抑齋自菜根中宵清夢長少恩如漢祖能害張子房

又

人生在世間談笑無百年百年亦瞬息生理忽茫然
惟有桐鄉愛廟食自綿綿天地同悠久詎肯稱神仙

又

處世真若夢辛苦何逼迫富貴千黃金於我竟何益

腐鼠落人間紛紛爭得失請看抑齋翁清香坐朝夕

又

廣廈甚堂堂容膝只一席兒孫自有地勿爲掛胸臆
造化任縱橫雞蟲任得失清齋坐垂簾一日似兩日

又

得亦人所憐失亦人所憐一物可到手誰肯不爭先
豈知滄海大忽爾成桑田古人稱不死季札與仲連

又

魯連亦人耳何能獨不死商賈不屑爲蕭條自行李
渠自有寶珠商賈亦奚以清夜想斯人月明三萬里

紫峯文集

卷之一

八

又

吾愛嚴君平占卜亦垂教與臣言以忠與子言以孝
百錢輒下簾幽光不顯耀若遇抑齋翁定請與同調

又

翬飛甚峻整上界真人居其奈足官府案牘日紛如
終日勤視聽耳目不能虛何如作散仙杖屨自徐徐

又

江南處處梅愛梅只和靖黃昏聞暗香深淺見疎影
妙句不點塵可以發深省北人亦愛梅但說堪調鼎

又

松柏挺澗幽果有二千尺古貌閱歲年何曾改今昔
逍遙陶隱居杖屨散蹤跡聞風愛厥聲不說堪柱石

又

西風時作秋淒清逼重九百草萎以黃菊花疎而秀
行行自瘦筇采采花滿袖持獻抑齋翁壽觴盈泛酒

又

落葉滿空山秋菊有佳色此閒理最妙識者百無一
造化有乘除人生自消息持此問抑齋果果見端的

又

秋風動林杪秋氣甚崢嶸香添爐有火臥冷心無兵

紫峯文集

卷之一

九

起坐對江月炯炯雙眸明遠遊入泰初蘭芷爲芳馨

又

東溪通黃河萬里自天上飲流尋其源月掬光在掌
九曲來棹歌靜夜得清響光霽正無邊勞我馳夢想

又

瀾瀾東溪水泛泛抑齋舟舟行不閑淺水滿無停流
何必角巾折只此是仙遊更有簑笠具寧愁風雨秋

又

鳳陽中都地山水秀而平赤氣光騰後猶能生俊英
五馬亦高貴一笑澹無榮乃知天下士但欲乞身輕

又

人皆愛美人美人不易得既得不易畱行旆催逼迫
今朝樽俎同明日山水隔新春來好風猶應見顏色

錢立齋大尹之三山試聞聊贈香茶見意

香茶清且香堪比君子德半片着齒牙風味勝冰檠
持贈素相知雅意良有極今秋大比年君固文之伯
閱文場屋閒巨眼秋月白提石兼撥沙金玉光的的
稍閑聊試茶清香當滿席

紫峯陳先生文集卷之一終

紫峯文集

卷之一

十

紫峯陳先生文集卷之二

宮保淨峯張 岳選稿

中憲槐江丁自申原刊

七言古詩十八首

贈林社師

涵江此地最幽僻車無音塵馬無跡門外山光接水
光庭前草色爭春色落霞飛與孤鶩齊蓬島扶桑望
眼迷古殿中有歲寒柏春禽借此託幽棲絳帳延君
來寓此光景盡入君懷裏機心曾對閒鷗忘富貴真
若浮雲比我來相訪坐寒氊雄辯高談入九天研朱

紫峯文集

卷之二

一

只用點周易覆瓿仍將譏大元愧在塵埃無相識今
日開經逢三益作詩聊以舒我情敢詠南山與白石
田景玉種菊吾讀書窓前花盛開時王邦贊惠
酒於余併及景玉適景玉以事出余取酒對
花獨飲不覺興發錄呈二先生博一笑

何人種花我得賞何人送酒我專享花前酒醉浩浩
歌聲震如雷光萬丈舉頭只見天青青暗裏不知有
魍魎魍魎時時能耀靈何似城南老樹精此精識仙
未識我我欲乘風登蓬瀛蓬瀛仙子我同調聞我來
時息酣叫風清月靜夜如何滿座相看發一笑

夜坐感秋書樂清連氏孝善卷

時甲戌下第歸

欲駐春風未有因，颼颼木杪又秋新。
短檠書生頭欲白，高堂更有白頭人。
逐貧未能文送鬼，變白安能藥通神。
東家風寧木最靜，西家捧檄得爲親。
三復連氏孝善傳，愧我堂堂七尺身。

燕歌卷爲祝秀才題

憶昔少年膽氣粗，羞爲弱女具睂鬚。
張拳直欲攫猛虎，開眼何曾見俗夫。
年來英氣消磨盡，事不能平惟有忍。
時逢猢猻肆撞突，和顏溫詞謝不敏。
男兒胸中富甲兵，善藏其用用斯精。
動在九天藏九地，機緘誰會測沈冥。
素冠白衣易水上，周身先已失屏障。
好勇由來笑匹夫，北風蕭蕭空悲壯。
越人來燕作燕歌，慷慨激烈恨何多。
疾未必非君福，美玉正應山石磨。
與君美酒博君笑，丁寧莫學我年少。
燕歌爲我轉和平，高節從此生清妙。

送良鄉申尹擢守安吉州

代同年趙文卿作時安吉民有反側者

白面書郎誰起，起稍試之難動。
掣肘申侯，良利亦懦夫。偏有牛刀出大手，子我良卿剛幾時。
春深處處皆花柳，也知利器合攻堅。
須念癡孩難去，毋奪此與彼。天亦私轅攀徒爾，勞白叟似聞彼處有潢池。
鯀鯀欲

作蛟龍吼，鄭僑此去火煌煌。何物更敢膽如斗，前在招遠渠未知。赤睂聽風會北走，自古相須才與誠。君才兼有孚盈缶，雄文一擲鱷魚潭。定有歡聲齊萬口。

楞庭卷爲鎮江丁同年敬夫先翁題

翁善收黃

江水西來深復深，老翁江上看浮沈。也知渴飲止滿腹，時取津津澆杏林。人將杏林比仙島，花實長春雨露好。翁言吾庭更有楞，百年欲與吾俱老。萬丈絲綸收釣竿，倚楞長嘯搖金山。庭中步影蒼苔滑，感慨人閒行路難。路難祇應楞下息，忽見新槐長百尺。車蓋亭亭蔭道旁，樹木眞爲人愛惜。世人疑天感應迂，鑽

紫峯文集

卷之二

三

松主卷爲縣尹霍廷獻先翁題

寒盡山中春滿空，松花不解趁時紅。洛陽名苑爭看錦，寂寞誰堪獨主松。忽爾波濤作風雨，聲聞正恐招斤斧。南山佳處捷徑多，澗愧自應松不主。何人愛松最識真，優游老作松中人。窓當松月夜生白，座滿松風衣失塵。天地爲爐誰不朽，風月資人偏耐久。試看松主百年餘，清聲素質還依舊。

壽秋官鍾彥才母七十

母生日在陽復之月

平生中饋清苦心，二尹囊中無黃金。父吾夫者皆吾

子吾一視之何淺深不敢中斷是吾織子讀而倦子之責諸彥吾伊皆有聲秋官彥才省更白奏績承恩自日邊榮封正值古稀年座上風生聞笑語階前綵舞看神仙江南梅花開最早報道陽回消息好願待花實調鼎時猶見高堂春未老

壽通政楊實夫母八十

愛日堂前拜阿娘低頭包羞汗如漿參政祿厚欲養毋風木蕭蕭恨轉長何人春秋登八十自天錫命光煌煌元晦有母不貧乏希文有祿無恨傷淋漓壽杯江水闊婆娑綵服春風香歲久且看桃結子腰纏眞紫峯文集

卷之二

四

有鶴上揚

題曾漸溪書屋

鴻漸之山鴻聳峙遶山長溪流迤邐彼流何曾厭坎科不盈不行行且止漸溪居士癖愛溪積石封鎖深自底匯集停滯剛幾旬忽驚兩岸皆茫瀾也知鯨魚出從容更見雙雙白鷗喜一朝騰湧決牢關白日雷霆轟地起仙槎自在放中流頃刻定應幾萬里

題慕椿詩卷

日月籠中雙轉轂苦無長繩堪繫縛纔聞海上說靈椿轉見人閒悲風木生平詩書手澤存拭淚忍心時

一讀今年果能勝舊年郎罷知之應捧腹回枯存生只此方未信邱原不可作

贈李縣丞

視篆晉江滿一年端端的的不言利人言君是老書生湛湛雨露皆生意我叔當年守高州可人曾說君名字正堂先生肯扶持應見春生花與卉高情莫詠歸去來掃溉樹松且相對

輓莊州判

莊會上疏言時事老乞致仕有子中鄉試

賈生何曾居言責殿前願獻治安策陶翁晚愛菊花黃只爲當年腰無力燕山教子以義方靈椿丹桂爭

紫峯文集

卷之二

五

春色二三老子化一身昨宵歸去滅蹤跡遙望乾坤不見人江流一帶傷心碧

輓陳職方母葉宜人

職方父作法司官

君有疑獄君勿嘆求生不得君亦仁兒兮刻苦傳清白貧乏喜兒消息眞榮封並夫稱有子福德如斯曾幾人埋玉山前斜去路時聞嘖嘖往來頻

尤某將之京謁當道獻其所蘊且順途看其二

姪介卿純卿

代林地官師吾作

詩人久抱濟時志逢時那肯藏利器清風明月何處無碧水丹山隨所值韋布不殊錦繡榮廟廊須帶煙

霞氣君家二姪雙桂香相見一言應有味

題羅一峯書院 代小兒敦履作

元氣周流無定所物換星移自今古昔稱佛國是泉
南今道泉南爲鄒魯一峯正氣到吾泉泉人謂宜食
茲土毀淫扶正廟創新淺齋先生心亦苦

又

淺齋之齋元不淺以道誘人微而顯一峯書院深復
深淺齋鳴琴出正音雙江先生聶持斧心約淺齋同
好古盛稱多士秀吾泉褒衣博帶追前賢盡友天下
猶未足尚友一峯爲私淑清源山頂石峩峩紫帽對

紫峯文集

卷之二

六

之欲婆娑兩山南北光照映一峯登臨應起敬山神
到院費丁寧多士慎勿說功名

感事

世上元無真愛惡惡聲到耳何須怒平生無限古今
懷今日偏懷黃叔度撓之不濁澄不清一望汪汪千
頃平安得盡工表顏色時時拜揖仰寧馨

壽顧洞陽大守

先生初度之辰僕僻居林野不知賀適經幕
曹君來索詩補圖乃乘興大書一首但覺狂
言可歌不覺其拙也

澹蕩風回千里春無霜無雪又無塵偶然有雪報春
信萬家歡笑春不貧何人緩步雪花上道是洞陽山
裏人洞陽梅發清源頂白白花開歲歲新

清源地暖多梅少雪但梅花清白自含雪意
故併雪言之

端午遊東湖看蓮有感

蓮花自古稱君子又道菊花是隱逸隱逸心亦君子
心出處休論心與迹迹是心非吾所惡外須衣褐內
藏璧端午地中同一陰陰能助陽亦須惜無營自遇
上界仙得謗莫怨他山石小人嗜利如蚊蠅見利小

紫峯文集

卷之二

七

小亦聲色大人自有大襟懷天地尚能容荊棘薰風
南來動蓮花我對東湖春拍拍

戲贈田均州景玉

均州卜居余鄰龍溪溪邊每見之必談仙或
作字哦詩皆自以爲仙助詩成怒余見笑不
與和挾醉大罵因詩以贈之殊覺煙火氣多
也不知田仙以爲何如

瀟灑均州田太守平生落落不曾愁年來頗得滄洲
趣時時望仙樓上頭青州從事亦好道爲君遠作迎
仙騶鎮日迎仙仙不到道心起火驚浮鷗濃酒濡頭

雙袖舞墨花洒雨風颼颼舞罷浩歌發嫋嫋聲聲搥
碎黃鶴樓黃鶴仙人無膽氣疑是張李與君謀立召
從事前受勅封君龍溪溪邊作醉侯

紫峯陳先生文集卷之二終

紫峯文集

卷之二

八

紫峯陳先生文集卷之三

宮保淨峯張岳選稿

中憲槐江丁自中原刊

五言絕詩

送王開齋之京受職

欲寫不成詩無詩不自己何時遇故人清風一千里

又

萬事皆前定人生勿大勞高歌時取醉我輩亦人豪

送林六川會試

萬水千山路三杯半日談功名思遠道勿苦憶江南

紫峯文集

卷之三

六言絕詩

題秀林菴四首

百鳥鳴山山幽萬木成林林秀盡日閉關絕塵清風
時拂領袖

巖巖白石出頭峩峩紫帽壓鬢洗心借坐禪床名利
一時都盡

清風明月有情枯木寒鴉無怨拂扇煮茶爐前拄杖
放生池畔

自有朝霞夜露不嫌樵歌牧唱惡客時來叩門說與
衲掛梅上

與留朋山索酒

雨涼欲開酒思雲黑大發詩悰我有所思何處朋山
酒裏豪雄

七言絕詩

讀孟子有感

孟子曰有人於此其待我以橫逆則君子必
自反也云余讀而歎曰處憂患之道無踰

此矣及從容諷誦至其所謂與禽獸異擇焉

於禽獸又何難焉頓覺英氣大露終不若顏

子淵程伯淳氣象溫厚之尤爲可愛也因詩

紫峯文集

卷之三

二

以自勉

春風面目對人好秋水心情到處安英氣有些還害
事銘盤朝夕願希顏

題四一迂士圖

代蔡虛齋先生作

陶廉憲自號四一迂士四者春杏夏蘭秋桂

冬梅其一則迂士也

一點乾坤分付真采真元是看花人傍花隨柳前川
樂數百年來幾問津

靜庵爲魏秀才題四首

小借江山結靜椽閉關高坐到何年忽然夜半千門

閨風月都來不用錢

又

心遠何人地最偏結庵元不爲逃禪中閒莫道無多
地一洞天深一洞天

又

烏啼月落四飛霜榻上跏趺正欲忘曉向東窓一開
眼謝家春草滿池塘

又

簡冊堆塵欲汗牛半生辛苦坐書囚而今我也都拋
却一鳥不鳴山更幽

紫峯文集

卷之三

三

題荀江清泛圖

荀江方子韜豪勇好義且善飲而喜遊亦余
族姻舊也知余素有山水之癖一日攜酒一
壺偕秀才四五輩邀余泛江避暑且命工作
圖題曰荀江清泛而強余爲之序余方跌坐
船頭觀魚子出遊甚適不暇序之惟叩舷朗
聲歌詩一絕

五月清溪已得秋小舟蕩漾在中流莊生久解濠梁
意何處江山不自由

泛舟

池塘有草兩涯青天地無風一水平自在小舟各自
樂耳邊鼓吹任蛙鳴

閑步

田夫要我我皆去江岸逢鷗鷗不飛萬物悟來都一
體蚍蜉亂撼欲何爲

送李長史先生之長沙

時正德三年重陽前一日

今日滿城無風雨明朝馬上見南山胸中一段悠然
處付與孤琴不用彈

又

寒澗水清舟去慢荒村路細馬行遲前程遠近憑誰

紫峯文集

卷之三

四

問一卷義經是故知

恩命褒崇冊二首爲張吳山僉憲題

二十餘年把劒磨風霜冰雪幾經過恩波萬里來天
上何事希文恨最多

又

移孝事君得顯親君親豈是兩般人直將義命分開
說自是莊生識未真

贈朱墨溪教諭受獎勸

星宿光芒射俊英何人江海欲逃名也知高枕閑中
好爭奈金雞半夜聲

次韻朱教諭題邑庠講堂十首

掃地焚香澹得清眼中物物足明經劉郎到此應爲
主莫遣苔荒百畝庭

又

黃昏門戶鎖深清夢裏分明了六經夜半鍾聲驚夢
覺起看明月正中庭

又

雨滴高梧夜更清輕風爲掩讀殘經曉開窓戶無人
問雲影天光共一庭

又

紫峯文集

卷之三

五

坐穩滿園想大清先大畫外得全經四時長覺春無
恙誰訝秋深草滿庭

又

長松祠下挺孤清霜雪多年亦飽經洪景只知明本
草未應得此種盈庭

又

抖擻衣冠總未清不應青紫在明經何人濯足登千
仞靜影浮光看洞庭

又

扁舟摇曳碧波清澗瀨當年亦幾經望望我家應得

到無窮花鳥候門庭

又

芙蓉擎露出輕清不用研朱碎點經最笑仙人知我
淺時來教我讀黃庭

又

蘭菊堪多總是清千年憔悴在騷經餐英我亦知多
少一笑春風自滿庭

又

兩山日對眼爲清眞勝華嚴一部經適意自行還自
止何人蹤跡到吾庭

紫峯文集

卷之三

六

題古元室道士杏林春曉圖

萬古乾坤一片丹神仙捨得在雲閒可憐仙景分明
甚留與後人醉眼看

題張大尹梅花四軸

老梅

樛曲偃蹇無與伍崢嶸突兀若有怒只將清白守故
吾莫管時人憎貌古

嫩梅

風骨生來自奇峭橫斜幾點更清妙冰霜保護期結
成丈夫誰敢輕年少

風梅

北風亂撼茅屋破何人山中得安臥孤根欲回天下
春辛苦須從這裏過

靜梅

大塊無聲春有色美人窓外媚幽寂相思忽見兩忘
言了我胸中一部易

東湖書院三十四首爲工部尚書吳獻臣先生

賦院中之匾曰克己曰復禮曰定性曰事天

曰常默曰守愚院左右前後亭曰釣魚曰歌

鳳曰飛翠曰觀瀾曰詠歸曰思過曰仰高曰

紫峯文集

卷之三

七

拱極曰息機曰見一院外遊觀之景曰松谿

曰竹林曰梅根曰菊徑曰蘭畹曰桂坡曰楓

嶠曰柳隄曰蘆溪曰菱港曰蓮塘曰萍沼曰

菜畦曰藥圃曰尋春壑曰避暑洞曰桃李蹊

曰百花庄

克己

風雲八陣大張圍窮寇當前不敢追曾信癡儒操寸
鐵笑摧勍敵臉生肥

復禮

黑風吹海立崔巍失却珠光照蚌胎新到使君廉若

洗一朝合浦又珠來

定性

主人門戶放開扇客去客來休送迎千古周文垂艮卦華嚴不必又傳經

事天

大塊崑崙分八方要知物我共痾痒西銘讀罷胸中不用焚香告彼蒼

常默

萬品生生自歲年全無一語是先天風流終日清談客忘却自家更甚元

紫峯文集

卷之三

八

守愚

祇見春來草木敷誰知元氣在根株至人被褐還懷玉無限神明向內腴

釣魚亭

袖有絲綸不可量從教魚子樂洋洋乘槎直欲到東海釣取鯢鯨萬丈長

歌鳳亭

接輿元不是狂生眼底還能識聖靈何事下車不得語由來真隱欲逃名

飛翠亭

動靜無端造化該閑關禪客莫相猜若言山靜全無動請看羣峯飛翠來

觀瀾亭

從倚觀瀾探化機窮源不得得歸遲將心與競能分曉須是忘言靜始知

詠歸亭

功業浮雲過大虛春秋不復見唐虞年來還有周公夢曾點詠歸又起余

思過亭

亦野生來失佩韋回頭四十九年非故鄉寸地堪思

紫峯文集

卷之三

九

想莫戀并州不肯歸

仰高亭

千載尼山滿逕蒿晦翁指點到牛毛還須料理登山屐一悟象山恐未高

拱極亭

清風千古首陽高何物揚雄獨反騷更笑莊生分義命天然可是不能逃

息機亭

海上羣鷗不可愚誰將抱甕笑區區申韓老子還同傳始信馬還不腐儒

見一亭

大氣茫茫信杳冥森然物色萬縱橫大虛便是乾坤
一亦恐橫渠說未精

松嶺

挺立徂徠失萬牛清聲時復作颼颼也應匠石來斤
斧去作人閒鐵漢樓

竹林

松柏蕭蕭霜滿天此君雙對亦清妍知音應有伶倫
在不許人閒又七賢

梅根

紫峯文集

卷之三

十

相思一夜到天涯春入孤根意轉加到處會心疎影
在何須竹外見枝斜

菊徑

霜英色色自怡愉泛酒還能起病夫更喜翩翩秋興
早歸來三徑未荒蕪

蘭畹

獨清獨醒思幽幽中夜無爲獨遠遊盡道屈平元不
死至今蘭畹在湘流

桂坡

冉冉香來桂子風高枝折盡廣寒宮獨憐寂寞空山

夜抱膝無人坐桂叢

楓嶠

清齋坐久復行遊忽見丹楓又感秋落葉紛紛隨去
水天機袞袞可能留

柳隄

楊柳堤頭亂絮飛沈吟春意澹忘歸夜深踏遍天心
月又有風來面上吹

蘆溪

隨興尋詩到水湄水光與我共清漪午風淡淡蘆花
起亂點緇衣亦自宜

紫峯文集

卷之三

十一

菱港

夜半鍾聲報曉晴起看野水與堤平逍遙觀物到菱
港可是先生亦嗜菱

蓮塘

畏日炎炎正午天萬花無復敢爭妍水宮淨拭亭亭
出不是濂溪亦愛蓮

萍沼

詩人也不喜浮名感歎無根水上萍我欲憑風都掃
盡天光雲影看分明

菜畦

根頭有味儘堪憐一食何須費萬錢知味仍教無此
色前人先得我同然

藥圃

千鋤萬品藥苗新參朮芝苓盡可人醫國休誇吾有
物須憐病痛自家身

尋春壑

一壑藏春春更深暖風晴日許幽尋欣欣木上涓涓
滴此是乾坤造化心

避暑洞

石洞陰陰枕簟橫幽人高臥有餘清應知赫赫目常

紫峯文集

卷之三

三

午無限蒼生觸熱行

桃李蹊

紅桃白李兩無言笑笑含春自可憐最是
多言能買禍白圭三復歎前賢

百花庄

萬紫千紅春滿園小車花外喜晴暄間將物理觀皇
極一度花開是一元

贈刑部正郎鄭雪齋歸莆田

茲數日以疾累不得與雪齋常常會叙甚不
憚又聞雪齋將行更作惡此蓋朋友常情也

而雪齋於我全不相聞既不問安又不告別

此何說也仕途中能容此簡傲人耶官其告

病歸也山林有樂須識高者得之雪齋豈亦

能出塵耶謝公東山掃榻相候久矣第不知

其樂幾時耳因詩以諷之

潮雨金陵送雪齋壺山定說好歸來蒼生任爾愁安
石絲竹清聲自快哉

寄長洲令郭澄卿同年

清淮去歲憶同遊楓落吳江又一秋莫怪道人情亦

冷會隨孤月到長洲

紫峯文集

卷之三

三

謝高抑齋大守

老母受封小兒進學兩蒙賀儀感感病體未
能走謝愧歉實多聞開城河併栽清源山樹

甚喜偶以拙文換鹿一隻謹遣家人奉上聊

將敬意由來衙門中無一毫之私敢干也幸

勿訝拙詩一首博笑

綠浮江水入城中山滿蒼蒼萬木豐太守也歡山水

妙野人獻鹿頌成功

寄贈蔣悟庵地官

處處逢人聞政聲知君雄劍有精神年來秀氣江南

滿紫帽清源盡可人

戲贈田忍翁戒酒

洗心一夜戒狂藥醒眼三年看醉人聖學最難惟克已顏淵三月不違仁

丁亥立春前一日夜坐

半夜怡神坐養真寂寥榻上更無塵霜清月冷天將曉春報融和氣色新

書齋遣興二首

小小書齋占地偏坐來真有日如年鄰家怪我無煙火不識問人亦是仙

紫峯文集

卷之二

十四

又

雨澆花木四時好風掃塵埃一點無只此窩中吾亦樂憑誰說與邵堯夫

謝張大尹惠春筵

惠到春筵中有羊肉甚佳書生暫歇菜根喜而得句

長占先生首宿盤齋鹽終日有清歡昨宵夢破春風鬧報道羊蹄踏菜園

與高抑齋大守索曆日

杜門養病經年不入城郭盛德在想而疎於

省侍以求教益愧歉實多何日病愈得一拜

望爲慰耶二司先生竝無一冊新曆送到府

中若有希惠下數冊俾村野之間亦知寒暄

氣候至感至感

詩書筆硯帶煙霞寂寞柴扉自一家要看好春無曆

日漫將消息問梅花

答同年季明德見寄

草有精神花有香生生隨地見春陽莫將花草誇新

艷要識根頭在故鄉

贈曾敦厚

紫峯文集

卷之三

十五

正德壬申夏廣文潘東厓焚香設席邀余坐

觀瀾亭下出其文集屬敦厚讀之余因識敦

厚且覽其所作文集後序爲之贊賞者久之

自後余以祿仕遊走兩京及以病告歸計一

十五年與敦厚無一字來往敦厚簡余耶余

簡敦厚耶茲因吾泉二守李春江先生邀爲

弟子師以書來索予贈言賦拙與之

文采風流香紫煙觀瀾亭下識君賢江山咫尺成千

里不覺于今又幾年

贈李春江二守三十七首

道及而於詩外見之

春江江上春可憐春入江花色色鮮更愛通渠堪稼
穡農家春好慶豐年

又

江淨能堪半點埃逍遙一望興悠哉波恬浪靜江逾
好無限春光入眼來

又

浩蕩春江漾綠舟晴暄無復獻功裘野人一識東風
面報道春來不作秋

又

溫厚明通江右餘千士大夫所以號吾泉二
守李先生爲春江也先生謙而不居曰吾學

仁而未能學智而不足何有於春江哉余聞

而笑曰吾泉之民饑而溫之以飯渴而涼之

以水此非春江而何然而春之熱爲夏夏之

冷爲秋秋之寒爲冬損益盈虛行藏進退此

亦春江之所以微微教我者也太極之元源

頭之活此則春江之不肯教我者也泉士大

夫謂余辱知於春江何以無詩贈乘興作

三十七首其德政之美人品之高不於詩中

又

杖藜江上踏晴春和氣熏人若飲醇兩岸萋萋芳草
盡水心月照碧潭潭

又

萬里空江春亦清雪消春水與堤平遊人最愛春長
在江樹根頭坐聽鶯

又

穿巖越谷必朝東漫漫隨春到處通莫訝分時如有
異要知合處乃爲同

色一般意思望中勻

又

江波淡淡捲寒漪正與人閒智者宜春靜無風波不
起從人江上照妍媸

又

江頭石暖正春深石上漁人坐柳陰釣得鱸魚長滿
尺何人攜酒入幽尋

又

欲駐春風未有因春風到處總宜人且看風地江平
穩暫借輕舟去采蘋

又

何處思君春正愁紛紛江月上樓頭只將腸潤喫二碗不喚墻醪過半甌

又

春意茫茫何處尋江頭觀物細沈吟平生不盡春江興洗濯歸來詠此心

又

滾滾西回灩澦堆轟轟地底日驚雷春江正在夷陵地多少遊人去復回

又

紫峯文集

卷之三

六

花竹交加春日遲花閒壺酒竹閒棊山河棋上經綸手試問春江知不知

又

車前何事怒螳螂奮臂相當不肯降浩浩湯湯含垢汚幾人曾信有春江

又

騎驢雪裏早尋春江上梅花正還魂更有一枝花獨妙清清僻在白玉村

又

問來料理釣絲長江上無風春亦涼湯漾釣船尋處

穩看人膏火鬧爭先

又

昨夜東風報早春遶門江水盡生溫老來莫笑春無力請看微青入曉痕

又

活潑胸中春有無平生自信只區區春江一望何多地瀟灑還堪着腐儒

又

清源紫帽兩相高煙雨相連氣亦豪問舍求田兩山下春江笑我祇徒勞

紫峯文集

卷之二

十九

又

楓落吳江一片秋令人蕭颯失遨遊何如滿地春江暖蕩漿百壺送小舟

又

空谷幽幽自采真可憐絕代有佳人天寒翠袖寧依竹不向長江媚借春

又

江柳籠煙十里青柳花如雪舞風輕紛紛點斷春歸路道是無情還有情

又

江頭春暖看晴暉羅帶青青曲幾闌開舡喜有青簑
笠斜風細雨不須歸

又

萬卷藏書教子孫吾伊未必盡能文何如漲漲春江
水漫漫陰功收滿園

又

江上結廬對遠山春來病去得心安出門一笑何多
景岸有芷兮汀有蘭

又

百卉逢春鬧出新半江溫水躍脩鱗人閒此景誰無

紫峯文集

卷之三

三十

分祗恐靈臺未有春

又

興來不管路欹斜拄杖尋春興頗賒幽意獨憐江上
草忘情不賞魏家花

又

萬物涵春自喜嬉遙岑一碧出霏微江神報我春無
恙不見紅塵點釣磯

又

世間萬事一毫芒百病欺人藥有方要得春江消息
好北窓枕上問羲皇

又

彭蠡春深不可涯小姑江上立崔巍東西賈客舡傾
出祇見漁舡載雪歸

又

春花逼水欲抽芽江燕尋泥誤點沙老樹花能開嫩
色舊巢燕不肯貧家

又

水雲輕點白鷗微相對何人更有機一片澄江淨如
練詩來我亦愛元暉

又

紫峯文集

卷之三

三十一

黃鸝樹杪說青春江上風來半掩門欲賦春詩三百
首自然不肯學西崑

又

雲暖風和正月天轟轟鐘鼓不成眠涵江鬧有春江
趣說在幽風七月篇

又

倚劍長歌有所思春風動盪意何如涵江水暖魚歡
躍月滿天明夜色虛

又

天地無窮酒一甌相看盡日不生愁晚來風起春豪

并吹上元龍百尺樓

七少陽數也少陽能發生故作詩止於三十

春江四詠 代小塔謝道夫作

村不識吏

形色生來吏亦人如何見吏便須賸桐城城外千村
靜盡道官貧吏亦貧

門無懷金

孤月中天照此心爐香一炷夜沈沈他年清白大夫
第傳與後人勝似金

問俗同邑

紫峯文集

卷之三

三

過化同安有大儒而今風俗是何如古人不作將誰
問力稅未還意有餘

借賢蒲陽

有美春江到處宜蒲陽稱頌足新詩木蘭水亦清源
水願借先生飲幾時

題潘監生慈孝圖二首

潘之妾有子而其妻
育之甚慈

深山大澤生龍蛇此語憑誰一笑誇悟得孝慈真感
應女無美惡總吾家

又

妬婦津頭問鷓鴣行人返哺說啼鳥回心莫作風波

惡且看潘家慈孝圖

答王閒齋惠酒

搔首江樓正獨醒新愁高起百丈城解圍何處來衣
白剪插名花向眼青

與蘇任真飲歸而有懷

睡足開門日正東無懷笑喚葛天翁人生百歲須安
樂春色十分花滿叢

簡張鳳溪推府

前日蒙差老人許貴社首倪泰和督理道路
今土岸至光孝洋十里將畢工而陳康至塘

紫峯文集

卷之三

三

頭二十里則全未蓋此路傾圯已久修整頗
難不惟費工且費財有蓮塘林甫達長市柯
中元塘頭王履中杏墩王才咸此數人若有
恒產恒心爲衆所服可着老人喚來分付數
語想彼亦歡欣趨事也願畱之意立見頌歌
之聲滿海隅矣

月湧潮聲漫擊堤長途風雨苦淒迷斷橋新整泥無
滑應有行人說鳳溪

與同年福州府大守朱子方

濯足清江萬里流越王橋上步新秋逍遙忽憶朱邦

穩元龍百尺樓

與張大尹

敝都六里陂在晉江爲水利之最大者其餘
陂塘不能當其百分之一貧難單丁下戶編
排陂夫看守隄岸與水浮沈一役三年極其
勞苦姑免官徭其來久矣近因瓊小陂塘亦
欲援例乞免以免致俱不蒙惠望賜公道
訪密與以慈仁此亦漸積陰德收拾民心之
好事也肯照之意最感

父母堂高牧愛深飛雲到處盡爲霖陂夫不怨三年

紫峯文集

卷之三

三

苦猶抱區區寸草心

簡永春柴大尹

極目雲山人永春歲寒猶見物華新清清坐落三更

月彷彿梅花是美人

又

浪說詩人膽氣輕江流石轉解談兵蓬壺壯士堪操
縱定見永春有石城

謝顏大尹惠春筵

白淡書齋只菜根寂寥自笑是鄉村華筵偶得南安
惠便欲凌風生白雲

簡安溪黃大尹

安溪好山水常欲往遊而未暇也近聞詩書
禮義之政浸灌于山水之間山彌高而水彌
深春發青而秋涵綠使我神爽飛越便欲躡
屐持竿登高臨流以紓素想以窮夫人跡所
不能到之處而清曜白足未堪遠遊聊賦一
詩見意云

何處揮弦歌正音高山流水思沈沈欲尋儒客萬山
裏奈此茗蕘隔水深

送黃君惠秀才還海陽

紫峯文集

卷之三

三

紫帽峯前水色深青燈夜半細沈吟鱷魚驚退非文

宇忠信在人只此心

送李德紹秀才還揭陽

文章到處總啾啾羨子江山解遠遊須識昌黎原道
好莫將趙德說潮州

贈廖潮二首

廖潮江西臨江人也以公事往北京因謁吏
部領提學勅書到吾泉余借青錢百餘文助
之買草履不肯受但索余拙詩因而賦此
分水關頭望八分南來西去總潮東人情何必生乖

其心地平平到處同

又

萬里歸來穩夕眠青袍白馬看他年要知生世都如
夢始信神仙不愛錢

與陳通守

潮響泉聲自可親春風到處總宜人書生來報好消
息通守潮洲只是貧

贈周術士

君術有神能富貴我生無望到公侯相逢只話閒風
月冷冷清清一片秋

紫峯文集

卷之三

五

謝大叅畱朋山惠潮絹

惠到潮絹卽已收領付酒家矣不知亦頗傷
廉否寒齋元坐久無筆墨望與一二禪心動
時借以有言何如

潮絹青青映小齋酒杯十日不塵埃毛公墨子驚春
夢又報朋山清氣來

遣興柬畱朋山

萬里青天萬里雲誰家白日不黃昏漁人自喜釣無
餌高笠短簑臥石溫

與興化傅二守

故人一別許多時長日思君君未知昨夜梅梢月下
夢清清遙見木蘭陂

書齋遣興三首

平旦窓前一炷香心閒無事自清涼虎皮坐穩對周
易庭草青青引意長

又

涵江一水綠於苔紫帽峩峩映小齋樵客也憐山水
好時時泛水上高崖

又

萬水千山到處清脚跟更不踏浮名最憐紫帽峯頭

紫峯文集

卷之三

三七

月半夜問丹成未成

感事示弟子升

雞蟲螻雀亦何求得失輸贏苦未休自笑迂疎無箇
事踟躕榻上看蜉蝣

簡同年郭白峯

東禪寺住持僧戒旺實郭世立陳子升之表

叔也曾相見不敢談及其家世但句句慈悲
耳若問以輪迴之說則笑答曰無此理也蓋
釋子之近於儒者也希執事畱衣贈之以爲
他日美談未知肯否一詩見意

來喫飯因來眠身外浮雲任變遷
國不知何處是西天

題秀林庵禪房四首

高巖穩築禪室新草青樹綠望中勻
禪家亦有神仙趣不許禪房坐俗人

又

煙火生塵不到禪風光月色自無邊
出家若解無生滅許爾西天步步前

又

石泉一掬使心清最喜中宵兩眼明
看破人生都是夢風波何處不安平

紫峯文集

卷之三

三

又

方寸光涵萬里天英華落盡見真妍
眼中道路平如砥信步行行任自然

二弟落解詩以慰之且期待其來日云

瀟灑涵江一帶清巍峩紫帽映江明
山川出色休嫌慢梁棟由來欲老成

題子遷弟移居冊葉

側廬山下借隱居一山清冷欲何如
浮橋發爾春風興不受埃塵只看書

寄友

君對青燈我欲眠寒山寺裏一秋天
江山咫尺成千里不覺于今又幾年

題浦頭書館三首

桃樹池邊亦漫生村童爭飽不能平
世閒萬事皆如此造物誰能洗甲兵

又

對面羣山萬木青秋來山骨大分明
夜深見月多秋思唧唧蛩蛩不可聽

又

紫峯文集

卷之三

三

一池清水浸秋雲獨坐無言到夜分
偶聽農夫歡喜話今年秋季好耕耘

錢大尹父存庵公正月四日生辰詩以壽之

梅花開遍春正和雪後梅開景更多
子丑春如寅何存庵此時好婆娑

又

美酒消寒正月天厭厭夜飲人未眠
座中樂誰最便存庵拍手自呼仙

又

百里歡呼動四隣不知誰主更誰賓
不饑寒是吾民

父祖總是親

又

酒盃日日效淵明我亦山林不世情
花草開春意閒人多壽醉微醒

又

太極仙人道理公誰人談道與之同
花與柳綠又紅醺醺壽酒蕩春風

又

九萬扶搖不見山誰聖誰賢在人閒
聖賢書靜中看存庵笑人總未閑

紫峯文集

卷之三

三

又

天外有天天外馳白日羽翰可能羈
餐霞處服日時七日千年誰得知

又

笑向溪山欲結廬最知此地可安居
樵不采釣無漁床頭只剩無名書

又

時行時止覺心安借問洞天路在前
拾瑤草斷火煙試問存庵見自然

又

紫帽崔巍聳半天凌霄石塔出其巔
誰造作大夫賢祇公壽與塔連綿

紫峯文集

卷之三

三

紫峯陳先生文集卷之三

紫峯陳先生文集卷之四

宮保淨峯張 岳選稿

中憲槐江丁自申原刊

五言律詩二十七首

夜坐

獨坐盈千念沈吟僅二更百年逐日減九轉何時成
風靜爐煙定堂虛夜氣清石盤鑽可透暗與自心盟

夜讀覺倦

選舉乖三代詞章贅六經預愁雙鬢白苦對一燈青
蟲刻終無用羊亡亦豈輕何如禪榻上趺坐斷將迎

紫峯文集

卷之四

題族姑貞節坊二首

百年期靜好俄頃發哀彈不怨生來薄惟求是處安
茗兼茶作苦霜與月爭寒誰在紅塵裏聞風愧玉顏

又

何曾愁少婦斷欲匹忠臣有弟能知己乞恩匪爲親
樹茲千載石風彼二心人更莫憐無後須知不朽身

代蘇戶部次韻送張舉人春試

未空樽裏酒忽起座中人劍發雙龍焰毫揮五色新
行應天借曉笑與物爲春宇宙男兒事寧榮一日伸

送沈推府考績

靈臺窺黑白人物見卑高公自持三尺誰能干一毫

綠垂煙際柳紅吐日邊桃萬里饒春色扁舟任所遭

送吳司訓擢羅城教諭

對花呼酒數畱客索詩頻談笑真驚座風流欲出塵
車圓何擇地春好總宜人聞說羅城柳年來亦轉新

送劉司訓擢合江教諭便道還萬安

先生年老合江道難故於落句諷之

秋聲入井桐涼氣生高竹欲別此先生稍煩我心曲
光風久在閩化雨將行蜀歸去近重陽清樽還對菊

送張主度秀才還龍溪

紫峯文集

卷之四

二

孤征余水陸萬里到幽燕父事當誰了吾身敢自便
螢花望眼春色逐行船歸去三冬足雲衢看着鞭

贈監生李時貞還南通州

大尹舊停經羨君早過庭高談都脫俗老氣解藏英
欲贈無長句相將只短檠江湖春水滿瀟酒進前程

春晴對酒簡王開齋

積雨傷春半忽晴欣日遲江山皆景色花草自天機
獨飲吾難醉有懷君未知何時同舊榻清語破前疑

挽張通伯

陋巷昔愁賢銀臺睽喜仙平生毛穎傳是我送窮篇

雙鳳何多彩一經亦幾年行人東郭外嘖嘖張家阡

槐安溪劉某

面未識君真知君是古民偏能憐志士更不厭貧人
景逼桑榆暮情辭草木春克家稱有子歸去足怡神

金陵別諸朋舊往淮安至江上有所思三首時

正德庚辰冬

倭遲歌四牡寂寞嘆孤征索笑憐梅白因思入夢清
寸心翻鬱鬱一水正盈盈重撥爐煙焰燒殘夜雨聲

又

黯黯一年別迢迢千里行論交期晚節顧我自多情

紫峯文集

卷之四

三

涉世防深阱見山憶舊盟誰爲元德秀睂字向人清

又

百年將欲半一藝不能長進德慙多病觀書苦健忘

情真時忤俗意豁轉成狂遽瑗吾師也知非且自強

江上阻風雨舟次龍潭驛前三首

行止非由我陰晴總屬天孤舟應有畏永夜不成眠

憐我爲三釜譏人食萬錢何時山屐隱徒倚白雲邊

又

客途逢久雨臘月見深春憂國應知歎逢人盡說貧

江空愁日暮賢短怯年新獨坐何能樂沈思亦損神

又

王事催行急客心欲進前但愁風自北敢怨夜如年
江色平收浪晴光暖破煙便當置樽酒擊楫賀吾賢

渡江到楊州

冬雨乖時節風帆任疾徐半江來雪浪終日索衣襪
到岸猶驚恐入楊始嘯舒人生貴適志仕宦欲何如

送鄧念齋之任國子監

纔得歡清賞可堪唱別筵春行應萬里好會是何年
秦學深文苑長安近日邊加餐宜努力莫歎足齏鹽

代簡答張大尹

紫峯文集

卷之四

四

塵褐偏藏玉詩囊不污金平生清脫意獨鶴在孤岑
渡蟻非要福放麕爲惻心魯連不可作吾欲破吾琴

代簡答錢大尹二首

冬至前一日

解元登進士君自不知榮識度胸中遠文章眼底輕

分君浙水秀照我晉江明新出牛刀手便聞有頌聲

又

端的好消息歡傳又一陽幽眠起舞豪興發詩狂
地暖何須雪梅清自有香回春歌大尹聲與日俱長

題蔣氏世祀堂

幽明有感應此理豈冥茫敢廢吾宗譜重興蔣氏堂

慈孫兼孝子春雨與秋霜盤薦成味熅生不斷香
髮膚追所自惻惻孰能忘

丁亥元旦試筆

艷艷燈花發霏霏江雨勻柳從梅正色人與物俱春
拜起勤雙膝謹呼動四鄰酒杯三百後靜坐養吾真
天恩存問卷爲張尚書題

萬仞聳高崗凌風起鳳凰獨憐心最赤不覺鬢俱蒼
日下尚書府雲邊具慶堂自天來雨露慰我說行藏
始信忠爲孝翻驚鶴上楊君親均義命回首意何長

紫峯文集

卷之四

五

紫峯陳先生文集卷之四

紫峯陳先生文集卷之五

宮保淨峯張 岳選稿

中憲槐江丁自申原刊

七言律詩二百一十首

送蔡虛齋先生赴京

清源紫帽兩相雄萬仞誰人坐此中已喜是非能自
信肯將語默與人同孤舟野渡時將晚一枕東窓日
正紅今日忽驚離別遠何時再挹好顏容

讀虛齋蒙引有感

榜頭龍虎說歐陽入宋衣冠只是唐雲谷久應來地

紫峯文集

卷之五

七言律

一

脉清源今始破天荒何須後世是非定可卜此生精
力長愧我迂疎猶舉業未知門下更誰狂

寓南昌送王僉憲之子之天台

公子少年愛我迂新吟贈我錦模餽客中無酒與爲
別月下因詩來索逋男子桑蓬射天地洪都襟帶見
江湖尋常富貴皆餘事別有家傳不可孤

自嘆吟

屈指今年念六年聰明漸覺不如前每向六經尋妙
理聊因佳士一談元乾坤萬里俱雙眼風月兩頭掛
一肩有時發出疎狂話笑殺山靈盡倒顛

遣懷二首

萬仞峯頭游我神，世間何地可容身？任爭腐鼠無分我，看破全牛有幾人？長使心閒流水月，不妨面上污埃塵。這般妙處能知得，別有乾坤一樣春。

又

世上英豪都是誰？千花萬草一般奇。妍媸鏡裏難分辨，榮辱夢中浪喜悲。眼界乾坤三萬里，胸襟風月百篇詩。清源紫帽爭相勝，我肯中間樹鼓旗。

右遣懷二詩俱少作，不知向之所志云何。歷十五六年間，作何生涯，而今徒只如此也。歲

紫峯文集

卷之五 七言律 二

月如流，聰明日減，感今懷昔，徒爾嘆吁。

不寐

撫枕長吁到五更，如何黑者漸星星。美人何處草空碧，窮鬼相隨眼盡青。十萬甲兵誰腹負，千間厦屋幾時成。明朝霜落還能滿，磊磔猶應未盡平。

輓漳州林方伯

公曾建觀瀾書院及刊北溪集

瞻仰荊州恨隔塵，觀瀾想到北溪濱。書生終老無方伯，末俗于今有古人。見素與銘應錄實，翠渠作表亦傳神。二公不是能諛者，又况林宗德最真。

輓黃德威

樽酒相逢亦幾秋，幾人襟韻與君侔。君曾倒我三江水，我亦期君五鳳樓。常恐祖生先進馬，未應李廣不封侯。芙蓉城裏今誰主，落月滿梁空自愁。

輓林易齋

俯仰乾坤有幾秋，清風不改一狐裘。世人有眼任青白，沙鳥無心自去留。教子讀書非慕祿，傳家積善勝封侯。死生真忘曾知得，懶向人間白盡頭。

不寐

門掩西風落葉飛，蕭蕭斷續雨聲微。未能一日勤三省，每到中宵念百非。何物獻甘翻作苦，幾時戰勝得

紫峯文集

卷之五 七言律 三

生肥。吾儒自有安心訣，不向禪家問指歸。

題雙鵲圖

笑口百年開幾時，可堪鬢髮欲成絲。忽看庭樹來雙鵲，暫借春風入兩眉。分內此身皆樂地，間中何處有危機。尋常此意君應會，鵲噪鴉鳴總不疑。

次韻楊叔亨見嘲舟邊濯足

破襪生塵著水仙，盈盈水上那能眠。腳頭平實非無地，眼底空明欲到天。檣燕語風陪色笑，楊花滾雪共蹁躚。風流此日猶曾點，誰道人生只百年。

次韻楊叔亨寫懷呈同舟諸友

舟橫靜對三更月，願遶不來萬里風。縱有東坡能許，
可誰言北海是英雄。劍光的的還明眼，勁氣瀟瀟欲
滿胸。最笑酒徒無興致，醒來不飲歎飛蓬。

送李長史先生之長沙

行藏之具高明有，素今日之行蓋出於不得已也。親友會別間亦有知吾先生之意者乎，
生妄得而度之云。

天地徒勞混更開，紛紛萬古總塵埃。我思陶令有高
識，誰嘆賈生屈大才。白髮暫將秋色去，黃花應候故
人來。月明笑拂松根坐，淺酌微吟亦快哉。

紫峯文集

卷之五 七言律 四

送潘東厓助教

古道秦蕪今幾秋，飛花盡逐水東流。王門莫笑徒工
瑟，野渡行看欲進舟。方寸地中收汗馬，五車書裏破
全牛。平生我愛真豪傑，不數文章誰最優。

茂松清泉圖三首爲潘東厓賦

逍遙谷裏自容身，此老當年亦識真。白眼那堪常對
客，青山終是不生塵。微風入樹琴清耳，積石明泉玉
可人。都付東厓長作主，也應借我往來頻。

又

耳目聰明貴此身，乾坤何處認吾真。滄江煙雨迷漁

艇，紫陌喧囂暗馬塵。身外許多皆剩物，囊中最少是
閒人。東厓只說松泉好，惹我中宵夢寐頻。

又

月臨翠蓋明高古，石夾清源湧素真。此景可堪容醉
夢，仙家安得有微塵。兩間消息都關我，自古行藏不
屬人。大極先天誰盡了，等閒拈出莫頻頻。

送葛通守復職歸上虞

睂開黃色映歸裝，清話更能一夜長。雄劍當年悲耿
耿，覆盆今日見蒼蒼。彝真要入詩書府，卜宅須求道
德坊。遙望南山佳氣滿，憑君細與問行藏。

紫峯文集

卷之五 七言律 五

送余通守致政歸曲江

夾道荔花開作春，香風欲住曲江雲。桔槔不用貧生
病，脂粉全收淡得淳。一笑功名磨過客，幾人江海坐
垂綸。羨君琴鶴歸無恙，贏得日長酒滿樽。

送興化鍾節推考績

盡將法律付詩書，便見胸中萬卷餘。道滿春風時拂
旂，人攀棠樹欲停車。九臯靜聽琴邊鶴，萬里翹看溟
北魚。最愛木蘭溪上水，終期到海亦徐徐。

送張秀才還江右應秋試

麟筆千秋幾晦明，憐君史外欲傳經。直從禮樂窺顏

子何止天人見董生溟海秋高鵬翼奮杏園春暖馬蹄輕人間花草皆凡品須出人間覓異馨

送張伯喬還江右應秋試

閩山歸去一書囊琴有清聲劍有光桂子分香應有定槐花作色不須忙且看阮籍青青眼直臥陳登上上床酒飲千鐘詩萬首不妨人笑十分狂

夜坐有感簡朱墨溪廣文

拂拭孤桐對月明可堪山水不成聲真誰氣力能降虎多少園林欲嚙鶯遠大有期須實地分毫無益是虛名平生胸次何涇渭偏爲先生眼作青

紫峯文集

卷之五 七言律 六

甲戌下第三月二十四日出張家灣

聞說春歸已有期可人春色亦應稀客思遠道催行急舟遶長灣故去遲江上一樽忘獨老天涯何處覓相知懷中多少平生夢說向癡人恐未宜

舟次臨清

杏花村裏灰和酒客子舡中桂作薪風雨五更時破夢江湖萬里儘知津蒼天慣見不平事白髮應憐未貴人最是野鷗能脫酒水中相近更相親

濟寧阻閘

喚起催歸不自由無端向晚又啾啾柳風吹面醉初

醒江月入懷清可收遲速此生都大夢乾坤何處不虛舟相逢半是忙中客誰解長歌續遠遊

下邳晚泊

遠嶂依依起夕氛長河滾滾自天渾圯上殷勤憐孺子天下英雄聞使君千載功名惟故址幾人夢想不浮雲月中光景應無限清借人閒知幾分

僧房夜酌

打破愁城樽酒邊山川勁氣未全綿縱無善價堪沽玉也有清風不用錢窓下小燈明蠹竹月邊涼露滴秋天西庵禪伯似僧悟漫指蒲團問極元

紫峯文集

卷之五 七言律 七

題古元室

室泉之紫帽窩也水抱山環冬溫夏冷學修真者居之正德乙亥秋余借靜其小丹邱約待丙子春暮方束書北上赴丁丑會試室主攜詩卷請畱姓名因書此與之

抱素真人曾此畱排雲掃榻耿巖幽也知有雪偏能暖尤訝無風亦作秋石澗潺潺驚水逝塵縷滾滾歎人遊半年待我西銘了紅綠描春定滿邱

次韻題小丹邱二首

白雲縹緲四時畱青壁廻環儘自幽露竹珠洒滄海

月風松波撼洞庭秋窩中已足逍遙樂頂上還堪汗
漫遊待看羽翰生白日人間始信有丹邱

又

漁郎到此可能畱好鳥一鳴山更幽正喜清樽宜對
菊那知白髮解驚秋高情直與千峯會環堵真堪萬
里遊頗怪忘琴陶靖節崎嶇何事又經拔

登紫帽峯題金粟洞

拔地凌空失眾邱雄奇應得數南州白浮雲谷真堪
玩青映吾廬若可收滄海遙看深處淺仙壇幾見昔
人畱亭亭老柏丹崖下欲挽憑誰借萬牛

紫峯文集

卷之五 七言律 八

丁丑正月初四日舟次臨清

是日州人迎春大張錦繡而天時亦甚和暖
因試筆呈同舟諸友

浩蕩春風滿客舟從容正好及春遊擬將紅紫千家
錦博取乾坤萬丈裘鳥度好音如勸飲草含生意欲
忘憂詩家清景分明在說與詩人莫浪求

臨清舟中寫懷次張南溪韻

逍遙放却上天槎最是詩人得趣嘉雲物滿前從變
態春風到處總吾家翠尋茂叔庭中草紅映堯夫酒
裏花猶憶蒼生霖雨望新雷候聽一聲撾

丁丑二月十五日大風出試院書懷

萬里東風拂面來羣英肆筆掃浮埃豈無經濟酬當
宇定有光芒燭上台侈美未多張詠榜掄真肯數子
雲才家僅全不知人意只報燈花夜夜開

晚步玉河橋有懷潘東厓

芳草萋萋萬里同遠遊誰敢恨東風得官更覺貧中
味經事方知靜處功城外好山來紫翠河邊細水去
玲瓏美人胸次皆山水顏色猶應似舊紅

遣懷

破除舊恨出新篇轉覺情多不入禪望遠可堪雲隔

紫峯文集

卷之五 七言律 九

水思歸正有日如年生憎不飲花渾醉偏愛無愁柳
欲眠風雨也應知客意曉來收拾作晴天

送同年彭仁卿還南海

仁卿余同年中可畏者也余方挾長俾罄厥
有惠我而仁卿以觀省告歸矣顧余亦有親
在堂能爲情哉然同年得歸者例有限期又
安知明年余歸時仁卿在南海不塞別足耶
然則仁卿之樂亦暫也又安能余誇耶故於
落句諷之

閩嶺東南春共天曲江春宴又同年論心正擬長橋

手把酒忽驚是別筵此去舞衣應楚楚何人歸興亦
翩翩白雲影裏瞻紅日欲借東山恐未便

送同年吳文傑還夔

夔入國朝來百五十餘年至文傑始第進士
磅礴胸中不可涯縱橫筆底見紛華妍時盡放巫山
出險處還將灑瀨誇天破久荒連五桂進士春回喜
色動巴錦衣迢遞東風道人指神仙望去槎

壽林泉山尚書

代顧武庫作

瀟酒重恩名堂白晝光春風又轉特恩堂經霜老柏根
遯壯得兩新枝葉更長天上無塵惟綠野人閒全福

紫峯文集

卷之五 七言律 十

幾汾陽廟堂正憫蒼生渴擬向仙翁借壽觴

謝戴梁岡吏部惠綠豆酒

寂寞枯腸不可搜望鄉時倚夕陽樓千山紅樹重遮
目一夜清霜欲上頭杳渺好音聞過雁依稀春夢見
盟鷗羨君綠豆堪澆渴不數人閒萬戶侯

送王存約都諫改官之任

蕭蕭殘雨北風涼冉冉浮雲淡日光白髮愁邊爭出
早青山夢裏欲歸忙何人痛哭心徒切此去江湖憂
轉長却怪春明門外別省閒還見有真黃

次韻送胡石亭憲副貶官之任

東漢清流信可傳直辭勁氣想當年世更今古空成
恨誰向江山欲結橡霖雨終須龍臥起春風好送馬
蹄前逢人莫漫論天定且放情懷到酒邊

送地官貢月樓致仕還江陰

月樓之子山東金憲亦以疾歸

福地誰能早致身良途何處覓通津江陰忽報歸孤
艇林下爭傳見一人獨樂更應誇有子雙清總得羨
無塵何時我亦滄州去魚鳥相忘會意真

一竹爲黃門田用周作

豪氣崢嶸付酒樽眼中萬馬盡空羣平生落落誰知
已獨立亭亭有此君靜想孤根宜實地笑看清影勝

紫峯文集

卷之五 七言律 十一

浮雲何時對我偏相慰雪落庭空正掩門

一峯亭爲鄉同年方世元尊甫侍御公作

松竹交青遠映空梅花時白杏時紅小車花外開三
徑高枕亭前見一峯獨樂人應識司馬上牀我已厭
元龍登臨剩有平生履畱與仙郎躡舊蹤

又

雲漢飛騰雙翼長倦來穩借一枝藏也知黍熟經時
久却笑人生爲底忙疊石爲峯從不雨環亭種菊亦
堪賞眼中我亦興歸思翰馬蹄前雪滿梁

送林君信侍御使江西

露鋒耿耿逼虹霓高枕時聞半夜雞騰踏忽驚空夢
北激揚先喜到江西鵝湖水滿魚爭躍鹿洞雲深路
未迷如此湖山間一賞就中更有上天梯

輓顧武庫乃翁

禹里仙郎望去程脚頭到處有清聲始知食德須天
人浪說陰功猶耳鳴逝水潺潺悲舊會行人嘖嘖認
初塋太常作表虛齋誌幾度驚看俗眼醒

夜雨感懷

惡雨蕭蕭斷復連淒涼又是一秋天客愁未破三杯
舊事空追十載前到處布衾聞惡臥何人肉食得

小峯文集

卷之五 七言律 十三

眠盡情還有孤燈在爲照幽風第一篇

己卯四月阻風淮上卽事有感呈同年林維德
禹里陰風日怒號宦途贏得此生勞馬前久厭紅塵
惡舡底又驚白浪高盡說東南民已竭可堪豺虎氣
尤豪幾迴對酒難成醉祇欲狂歌續楚騷

輓莆田曾崇賢

過濟寧同年葉鳴玉爲道崇賢行實之美因

索輓詩乃作此

排貧食力半生勞積散鄉鄰晚更高自覺痾瘁忘彼
已敢言陰德爲兒曹學田誰解捐二頃薄俗應慙斬

一毛今日山墳盈宿草猶聞朋舊有哀號

庚辰春盡日過大義江舟中夢得詩四句醒起

足成一首

春風纔見百花新轉眼離披又惱人杜宇聲中重致
意逍遙谷裏可容身此四句夢中得養真最愛圖南睡安分
寧憂原憲貧寄語家僮多種秫秋來吾欲醉鱸尊

庚辰季夏南都卽事

誰將大有卜今年春種初苗雨又慳受暑若焚惟問
馬從公弗息幾歸田流離有態堪圖畫慟哭無聲到
管弦萬頃煙波舟一葉何人正在白鷗邊

紫峯文集

卷之五 七言律 十三

金陵雨中送顏德升教諭香山

顏尚苦工進士課業故落句諷之

風雨蕭蕭水亂流眼中百物盡驚秋誰將天地回元
氣我欲江湖問釣舟對酒且拋身外事羨君好得嶺
南遊官閒地僻真成隱何事燈前苦未休

夜宿金陵盧龍觀感事簡觀主王東谷

夢隔華胥萬里津人寰到處幾安身馬牛賦與應誰
恨天地蒼茫自不仁伏虎要看龍作配清風只許月
爲鄰不生不滅渾無事最是仙家認得真

庚辰冬往淮安舟次楊子江邊感事不寐

細推今古祇徒勞我亦勞勞未見高何處霜威壓花柳誰家春色入蓬蒿夜來耿耿聞三鼓曉起蕭蕭見二毛欲問堯夫皇極數一元陽九幾迴遭

渡江

會徵水軍誇百萬截江鐵鎖費千絲幾經分合空流血無限英雄不到今水石帶腥猶有恨乾坤生物果何心我來幸遇江平穩靜聽漁歌作好音

辛巳春到淮安鈔關夜坐書懷

欲借春風一解顏春來正在舳艫閒嚴持酒戒偏能飯稍放書程亦自閒心裏有天堪白日眼中何地不

紫峯文集

卷之五 七言律 十四

青山千週未了參同契一炷清香坐夜闌

寓金陵感秋十首

畏途百折敢爭先豪氣消磨亦自憐到處逢人惟有忍幾迴中夜不成眠爲難正得似原憲不校猶應愧子淵滾滾是非何日了令人苦憶種瓜田

又

望中嘉穀已盈疇風雨連朝苦未休江上鱸魚應受釣鏡中頭髮又驚秋九攻枉費機心巧百鍊甘爲繞指柔勝負古今閒局面出門一笑更誰仇

又

便仰周旋強作顏將心能得幾時安讀書盡說居官易得路方知涉世難三徑西風黃菊瘦一天秋水白鷗寒易圖元有真消息姑復中閒仔細看

又

聲色乖崖可得同令人羽翼欲隨風斗脊總不能容物醜好何由敢入宮此日乾坤偏雨露鄰家花柳更青紅紛紛惹得閒鶯蝶一笑那知是夢中

又

金陵佳麗映天長望望闔天在一方時見輕風吹紫帽更憐細雨濕羅裳從容看去還能遠瀟灑詠歸可

紫峯文集

卷之五 七言律 十五

是狂吾自有心吾自主驚驚衆口總無妨

又

崎嶇世路雨冥濛士論年來甚不公小技也能憎命達壯夫豈肯哭途窮浮雲靄靄當空薄細水潺潺與海通便可乘槎遊萬里那知鬢髮解成翁

又

破屋蕭條苔色青幽花樹底出微明好懷客裏爲誰放病骨秋來亦自輕遙憶雁行應有信卽看燕子大無情閉門莫怨黃昏月夜夜疎蛩只此聲

又

怪見尊榮逼短襟百年曾信亦消沈塵埃到處誰青
眼山水隨身自素琴老筆退鋒聊息戰亂書藏與足
幽尋短檠半夜逢傾蓋相對忘言印此心

又

曉來風色作蕭蕭極目鄉關路正遙百怪張皇驚魍
魎一枝安穩歎鷓鴣日將空釣垂流水晚泊孤舟看
上潮此樂何如叢桂裏小山於我更須招

又

西風瑟瑟報秋頻石上藤蘿月色新君莫有心欺病
客天將教我作閒人盡稱美玉堪成器須得他山乃
紫峯文集 卷之五 七言律 十七
見真信步何曾知有命羊腸坂上且麒麟

贈鄭希嵩還龍溪

希嵩含山大尹希禎之弟也典倉儲于南京
以能醫往來余館甚熟今役滿冠帶歸索余
贈詩因書此與之

崢嶸詩骨瘦生寒藥裏憑君暫借安閩俗泉漳元共
好君家兄弟亦皆難榮歸定有深杯酒樂事還尋舊
釣竿祇是池塘春草滿漫勞清夢說含山

贈大理林次厓之京

瀟洒衣冠綠染苔門前積雪白皚皚相思正苦梅邊

月欲別那堪林次厓天地許君能正氣江湖笑我亦
歸來行藏更有深深處莫把文光燭上台

簡大司空吳東湖先生

先生抗疏決歸而猶掌戶部印外議紛然辱
在愛下敢以詩見意

冉冉浮生得幾秋黃河不復向西流功名正喜稱嬰
鑠老病還須憶少游此去看花猶半吐何人完壁肯
遲留東湖書院真佳景歸去來今休便休

壽張半閒爲文選方矯亭作

俄頃光陰逝水閒百年曾見幾開顏如何此老偏多
紫峯文集 卷之五 七言律 十七

福早向浮生得半閒一日正誇似兩日人寰欲轉作
仙寰矯亭頌禱文章切報道先生仔細看

壽陸蘭谷六十

谷口猗蘭天與芳幽花排葉出輝光也知甲子春初
遍盡道花神晚更強到老深林寧改節何人入室不
聞香朝朝墜露君須愛滿取十分泛壽觴

題澹軒王太守九十壽詩卷

澹軒子今爲刑部侍郎

蓬島仙人骨相殊福田信亦不區區承家司馬本寒
族良利孔戡如懦夫一澹此生元正性百年到處見
真吾岳陽范老江湖念盡與忠宣作壽圖

薄姑蘇次南吏部諸公贈別韻

皎皎三更月滿峯心兵寂寔失前鋒也知金粟無人到金粟仙洞名在紫峯絕頂應有白雲盡日封悔昔才疎空擲筆從

今睡穩不聞鐘幽人亦有男兒事無暇栽花與種松

書齋夜坐述懷簡高抑齋太守

病軀那得九迴腸聊把安心當藥方求退只因知分定甘貧更不趁人忙花明小屋羣書靜月入斜窓半夜涼忽憶蘇州韋太守居崇欲親郡民康

病起

簷鵲聲聲報少安催租無客且開關數竿不俗籬邊

紫峯文集

卷之五 七言律 七

竹一點可人天際山炎火漸灰呼吸後靈丹尚在有無間何時九轉堪開鼎散與蒼生盡解顏

題一寄軒

草樹長春綠滿階清源深處見蓬萊神仙降世眞誰識懷抱逢人有幾開白髮三千驚作客蒼生百萬苦沈材相思我亦清宵夢時在姑蘇最上臺

對酒

一寸靈臺六尺身乾坤分付作何人十分杯酒十分醉無限鶯花無限春未信飯山終大瘦久知戶牖不長貧耳邊赤舌時炎赫一笑何曾動點塵

卽事寫懷

四月清和麥正秋長溝通港水安流人言大麥能脾健我試小甌若病瘳田起春禾欣色色樹羣野雀任啾啾若無俗客談官府只此窩中足遠遊

端午喜晴

滿城風送雨蕭蕭多少農夫愁到苗今日端陽忽晴霽逢時佳客共逍遙酒堪撥水招明月醉欲乘風步紫霄我亦不知誰是我雙眸朗暢在明朝

賞蓮

愛蓮蓮說說濂溪我亦愛蓮蓮未知晴日滿山薰欲

紫峯文集

卷之五 七言律 七

醉光風吹面笑相宜貧將鬱鬱方爲樂語到平平始是奇天地無窮人不老一聲好鳥在高枝

甲申新春試筆

風向西來又轉東浩歌清興與誰同柳絲裊裊還千樹花錦芬華又百叢子弟揭書皆識字鬢毛驚我欲成翁鄉人齋戒祈安穩報道神仙有異逢

喜晴

清溝泛溢不波濤地僻無人共小舸白酒三杯欣獨酌黃梁一覺笑徒勞蕙蘭雨過還爭茂燕雀風微亦自高正是晴和天氣好杖藜隨意出蓬蒿

早起出書齋門外獨立

湖平岸闊柳依依紅滿扶桑百萬枝
溝渰深深都是水農夫箇箇盡開眉
借錢多買好春釀桂枝漫看平路岐
更愛野僧能識字新茶跪進乞題詩

小雀聒耳

擺脫禪局發興幽從教庭雀亂啾啾
累身正苦顏如玉生子何須氣食牛
山出雲來濃作雨水將春去半涵秋
春秋晴雨渾閒事一笑樽前散百憂

睡起

夢覺關頭望八分乾坤萬里自堂堂
無邊風月生虛紫峯文集

卷之五 七言律 三

室得意江山入錦囊眼界可堪容
齷齪心兵未許起冥茫低頭笑看塵
中客蠅利蝸名亦自狂

乙酉元日病中試筆二首簡田南王一懼

今日得年四十九喜見涵江春水肥
江上梅花猶白點陌頭楊柳欲青垂
多藏美酒聽鶯轉豫整舊巢待燕歸
更逐新春進新德何須來歲覺今非

又

昨夜東風入敝廬曉來門外見新符
山茶映水回春色樽酒招人起病夫
破戒一斟將興發從渠三勸覓愁無
意中我了南山老應有杯盤到一懼

乙酉春三二日病臥僧房聞花樹上鳥鳴好音起吟

枝頭幽鳥語綿蠻三書寫回夢裏閒
一片野心遊物外九天春信落人閒
田翁向我問栽秫家塾呼兒讀訂頑
此意慙慙誰領會隔江獨坐聽潺湲

元夕僧房獨坐二首

輕風入樹晚蕭蕭僧院牢關坐寂寥
野外無人堪笑語靜中隨地足逍遙
殘編漫展對燈火清韻微吟當管簫
此是元宵真富貴樓臺爭得羨峯巒

又

紫峯文集

卷之五 七言律 三

夜深無語興幽幽時坐時行是遠遊
燈火轉青偏照眼月華垂白欲侵頭
安心未卽拋詩卷養病暫須戒酒甌
笑向野僧漫一問元宵可亦入禪不

夜半呼童烹茶溫酒看杜詩左傳

微風細雨帶春斜苔染柴扉自我家
老去詩篇猶筆墨坐來呼吸有煙霞
殷勤鄰舍堪沾酒點檢杜詩自煮茶
半夜呼童燈起火那堪左氏最浮誇

雨中獨坐憶弟子升與表弟郭世立時子升入

北山讀春秋世立居資壽寺讀易

雨香花氣發春寒更奈琴僮報酒乾
老我誰知酉意

遠愛才不說作文難莫將左氏耽成癖須向先天看
弄丸野寺山阿茶熟後可曾清對月團圓

夜來枕上聞雨

甲申冬連乙酉春百日閒無三日晴米價趨時欣踊
躍貧家終夜苦經營我田不滿中農數里正何勞再
次征明日文章兼債了攜壺花外聽啼鶯

僧舍閒行喜晴不得酒

風雨淒涼久作秋忽驚春日出牆頭遙瞻野岸明花
竹更愛農夫賀麥麴惠遠不開蓮社酒淵明欲作醉
鄉侯虎溪寂寂無人到祇見清流泛白鷗

紫峯文集

卷之五

七言律

三

病寒小愈起坐遣興二首

久雨初晴退曉寒敝裘輕換布衣單苔侵書架還生
色水溢硯池不作瀾且向病中聊取樂肯於分外更
求安莫言妙理難分曉識破浮生已是難

又

玲瓏戶牖不生寒來往無人未覺單杳杳雲山都入
眼滔滔名利幾迴瀾生前有福閒爲上身外無營病
亦安健步攀緣登絕頂韓公曾苦下來難

獨坐觀潮

欲挽春江入畫圖依稀摩詰筆痕疎酒醒半夜潮頭

壯茶熟中天月影孤不管明珠疑惹只將本草覓
菖蒲年來頗識滄洲趣翻愛文章淺與粗

感事不眠

新愁覺夜不成眠抱病起吹燒藥煙花信報春又二
月禪房坐我忽三年已無志意爭前進還有是非阻
靜便忍字大書常掛壁莫將忿躁負神仙

贈孫杏林

燈窓矻矻許多時辛苦業儒又業醫笑向病夫誇好
手驚看俗士樹降旗也知市道交堪賤不信陰功報
最遲習習和風吹藥裏杏林應爲發新枝

紫峯文集

卷之五

七言律

三

贈李竹坡

萬仞清源出竹坡鄉人時問竹如何我言竹有清虛
節不作人閒嫉媚歌名利笑今真澹薄文章學古大
磋磨庭前有草春來滿竹下青青色更多

贈鄧念齋學諭受獎勵

喜鵲誼呼驚柳眠報聞獎異到青氈憲臺自是采公
論多士盡稱兆有年今是貢舉年的的花生巨筆下茸
茸草發小車前何時共到紫峯上酒後高吟一百篇

早起出書齋門外有懷地官蔣悟非二首

個個青山盡有情清源紫帽兩崢嶸白雲漫起山逾

靜平且遙看眼倍明珠句五更飛玉屑夢召幾夜到
金陵故人相見須相慰莫道三年不寄聲

又

茅山百里遠相將楊柳依依引興長乘月投壺還嘯
咏喜君得句甚飛揚共尋流水觀行止更把良弓論
弛張一別三年剛一會可堪使節又催忙

送鄧念齋學諭赴春試

念齋將行爲余作紫峯書館四大字及遊山
詩十數首示清脫雅意

年少秋風好桂枝廣文薘冷自吾伊北山冒雨敲詩

紫峯文集

卷之五

七言律

三十四

瘦南洞尋仙作字奇定見杏花春信開莫愁梅嶺馬
行遲榮歸若過羅浮下爲我排雲覓紫芝

送晉江張大尹入覲

凜冽西風起素秋白雲紅葉兩悠悠賢侯報政應多
喜獨鶴隨琴不可畱路遙故山時入夢情關赤子屢
回頭丈夫我亦多情者夜夜相思月滿樓

送南安顏大尹入覲

荒崖絕壁可躋攀瞻仰彌高學有顏冷借秋風吹北
上暖回春色到南安贈言盡說堪幾豸古意還須想
杏壇寸地平平江路穩看君清酒出人間

贈高抑齋大守十首

拂拭京塵入故林鳴琴更不覓知音開推皇極窮天
地笑看浮雲變古今長日小齋無俗客清宵獨榻自
禪心人生安靜得如此須念邦君雨露深

又

髮短心長不自由蒲團無語坐深幽半江滾滾潮驚
客獨樹盈盈露滴秋冷意侵床風與月佳人入夢去
還畱抑齋信有東溪興應爲山陰笑子猷

又

左手扳荆右挽藤迢迢望嶺入雲層看人辛苦誇先

紫峯文集

卷之五

七言律

三十五

步愧我迂疎謝不能佳客座中來白酒叢書案上出
青燈高聲朗誦東溪賦不管山童報二更

又

萬里江頭坐釣翁長竿掌上起清風淋漓花酒供垂
老醅酣歌詩笑未工誰是可人來看竹鶴因俗客不
開籠溪舡月滿蛩螢靜孤影隨身自養蒙

又

繡斧光明動玉荷湖南湖北竹枝歌抑齋舊曾按治湖廣歌聲
盡道兵無殺碑口誰云石可磨白髮稍侵便欲去蒼
生力挽可如何泉南士庶言雖拙朴素無文意已多

又

幽思蕭蕭欲滿懷
百川東逝幾時回
少年忽過惟多病
一日偷閒且百杯
嘯月嘯風誰領會
倚松倚竹自徘徊
山林朝市俱堪隱
何必區區與世違

又

身隱何須更用文
不文亦自不沈淪
無妨結會白蓮社
豈肯上書光範門
漫說江湖堪避網
要知畎畝不忘君
樵夫歌櫓還能樂
長笛一聲村外雲

又

蕭散打乖更學呆
野遊那有白鷗猜
莫愁路遠天難
紫峯文集 卷之五 七言律 三六

問但得心閒道自諧
綠野相公剛喜笑
赤松仙子又歸來
相逢共道好消息
不許人傳到抑齋

又

棄置行囊且息肩
東溪自結看山緣
蒼蠅畏賦逃山窟
白鳥倦飛立水邊
不辭野叟三杯勸
暫借僧房半日眠
縱有百年還未老
多多光景任流連

又

世事浮雲自可知
安心是藥莫生疑
長安卿相多年少
老杜詩篇此句癡
五馬飛黃將去遠
三秋思憶恐來遲
新春藩臬閩山重
須許泉人看錦衣

題蘇僉憲平寇冊八首

身冠凜凜振清商
寇能誇白刃
長城上無聲堪嘯
月宵中有箭解穿楊
卽看隴畝秋收稻
正值蒹葭露轉霜
安得甲兵長洗淨
塵氛莫使更張皇

又

許多英偉說前籌
遙望前鋒氣卽收
可是赤眉真有
力祇因白面自深憂
何人發憤身皆膽
一道淒涼月滿秋
百萬農夫喧笑口
誰家雞犬不蒙庖

又

法司兵法美如何
曾拜當年馬伏波
銅柱差巖凌石塔
漳江明淨出煙蘿
歸田老叟無稱頌
入樹秋聲當凱歌
我在滄洲聞信息
也攜樽酒舞漁蓑

紫峯文集 卷之五 七言律 三七

又

短劍長鎗更翠旗
武夫俗吏可能支
霜摧榆柳落將盡
雪壓梅花開亦遲
平寇也知天意思
凱歌真欲淚淋漓
用兵誰說書生拙
緩帶輕裘亦有碑

又

到處煙塵滿竹扉
攜孥人去幾人歸
可堪小寇能成陣
忽報先生欲解圍
險語誓天天爲怒
長戈指日日生輝
捷音報我起呼酒
喜得輕身坐翠微

又

聚嘯驚呼滿綠林千村何啻失黃金鱷魚惡毒能多
害刺史文章只片心又有賢侯投網密取諸惡物出
溪深江湖我亦釣竿手那得絲綸萬萬尋

又

白氣崢嶸人作豪西風蕭瑟暮鴻高果然醜類來毒
手無數先生失武韜屯聚亂挺金鼓震傳呼欲破石
城牢巡風使者多心計坐看妖氛靜擾騷

又

擬向花前散百憂淒風慘雨忽成秋天來殺氣真無
紫峯文集 卷之五 七言律 二十八

謂人苦傷心可自由羣盜誰能驅北走長江憤欲向
西流靈臺聚米畫山谷積歲煙霾一旦收

次韻祝憲副遊清源南臺二首

松檜參差開石楠藤蘿藉手到仙庵清來源水寒生
北紫染帆峯秀出南淨土抽茶堪慰渴晴雲欲雨不
爲嵐爐薰柏子畱天使詩酒從容半日談

又

石臺歷土立峩峩境比清源勝幾何天上雲來翻霧
雨海東日出失蛟鼉芒鞋遊客杯盤冷詩句何人意
思多望月醉歸猶一斗也知路險不騎騾

贈永春柴大尹平寇二首

赤子呼天復怨天縱橫豺虎自年年江魚遠逝厭流
血山鳥驚呼入暝煙莫道書生無膽氣請看籌策有
幾先指麾白羽風塵靜多少人家得晏眠

又

千村萬落半蕭條多少游魂不可招盡道天心何大
忍豈知生意未全消雷驅旱魃能爲虐雨帶風聲欲
起苗掃淨塵氛開壽域可無清頌到漁樵

贈寫榜莊某

滿酒衡茅養素真雲煙萬紙未全貧左規右矩暫諧
紫峯文集 卷之五 七言律 三十九

俗喜瘦憎肥半入神細寫程文增態度大題時俊出
埃塵鹿鳴預宴都間事筆諫還期動紫宸

寄永春柴大尹

痞鬱胸中二十年清狂未信不神仙問醫何物能開
鬱使我中宵得穩眠瑞日祥雲春可愛光風霽月夜
無邊古人高處今人仰夢裏問君君亦然

次韻寄福州大守朱子文

金臺夜話憶當年色笑知君半是仙瀟灑故人皆進
步優游老我祇如前承流肅政雖移地春雨秋霜總
一天何日三山山頂上論文論政更談元

丙戌新春試筆

和子歡呼走春紛紛錦繡闌城闌乍回萬里江山
色又見一年天地仁舊事到心知病痛好風吹面覺
精神官頌歷日來稠豐歲月無窮總是新

古元道士重蓋涼亭來索錢助費荅之以詩

古元不到幾經年雲壑風泉夢宛然遊息涼亭都再
造辛勤道士亦堪憐自慙仕宦無餘俸更笑文章不
值錢待到秋來春稻熟減餐送助洞中仙

荅郭袁州同年見寄

先生不見許多時兩地懸懸想共之千里好風剛送
紫峯文集 卷之五 七言律 三十

字五更斜月正侵帷曾聞當路多青眼更喜承家有
白眉我亦衡門誇自在那知鬢髮欲成絲

秋前二日有懷李春江二守

春江以事繫福州不相見已經年矣

早晚淒清欲作秋撫松倚竹自夷猶美人別我驚芳
草清夢隨風到福州世態炎涼堪一笑叅同奧妙可
千迴人生若會環中趣明月當天碧水流

秋夜有懷永春柴大尹

長風木杪起秋聲新月當空萬里明妖草望秋無舊
色妖草指前歲流賊故人對月自多情公餘只管經兼史分

外何知利與名收愛後堂須立扁從人題作去思廳

秋夜讀史有感

菊花相對又杯盤何事蒼頭不暫寬天上常時雲黯
黯人間幾見月團團西湖有廟誅秦檜後代無人謝
曲端莫怨佳人多命薄雲卿當日也紅顏

夜坐書懷

人閒晴雨不堪聞扶杖歸來酒半醺坐我草茵仍對
月看人劍氣欲凌雲大浮滄海疑無地淨掃塵埃得
此村千古鍾期如可作謾將方寸一云云

寄少叅謝松澗同年

松澗在金陵時曾示我以修養之法

紫峯文集

卷之五 七言律 三

松澗高深信有仙無言示我悟真篇三杯共慰風雨
夜一別可堪四五年短髮未甘終歎老故人應許更
叅禪西江月照西江水誰道蓬萊有火煙

聞同年諫議史筍江之訃詩以哭之

去年送子出東門三疊陽關酒半醺今日北風來萬
里淒涼信息不堪聞素心會照筍江水爽氣應隨月
夜魂斜日寒天香一炷淚流無語痛斯文

憲副方棠陵寄到破屋詩集詩以荅之

學仙學佛兩無成幾見故人慰曲肱千里有詩來破
屋六年無語寄棠陵也知經濟皆吾事曾望先生自

此升迂拙驚猿鶴怨洗心聊與紫峯盟

丁亥新春試筆

春雨添江欲到田人人盡說有今年滿斟村釀微微
醉笑看庭花色色鮮書卷從兒勤摘句水心照我莫
生煙桃符信有畫師手寫出人閒不老仙

春日有懷顧洞陽大守

日暖風和百物新雨香千里路無塵鶯啼哈哈黃舒
柳鵲泛悠悠白入蘋最愛錫山饒活水由來南國有
佳人孤燈照我長多病自笑無能祇有真

贈鎮東間尚德

紫峯文集

卷之五

七言律

三十一

大守莊青峯盛稱尚德妙於相術偶相見即
知余是恬退人也余愛其聰明脫洒詩以贈
之

菊花作色映藤蘿白白黃黃秀氣多何處雙眸來朗
暢相余兩足不奔波麻衣笑卻一金贈茅筆願求七
字歌他日塵埃當盡脫華山頂上踏峯峩

送順德令曾漸溪考績

悠悠旌旆出山蹊多少行人說漸溪辛苦三年真順
德撫摩百姓似孩提重陽佳菊明秋色滿路香風送
馬蹄笑我居然林下坐看君騰踏上丹梯

古津橋上送蘇伯忠太守之京

送人作郡去年秋今年又送蘇惠州一途春色真堪
賞三疊陽關那得愁飛燕迎風隨蝶舞大魚吹浪撥
萍浮古津橋下潺潺水豫爲他邦作善福

贈蔣悟非休致二首

秋發鱸尊江色閒情人江上賦歸來悟非正喜今朝
是忤俗休生舊日猜到處煙波橫釣艇有時雪月坐
瑤臺人生如此須知足管甚經綸屈大生

又

長風萬里掃車塵忽見清秋月色新人有悲歡都是
紫峯文集

卷之五

七言律

三十二

夢誰知富貴不如貧山中芝草堪供飯洞口桃花怕
問津書屋三閒無雜物許君來此其棲神

贈吳洲黃孟偉太守

大海灣環流不停吳洲誰始發山青燈窓刻苦驚前
輩節行艱難聳後生白菜充厨曾歎苦黃金橫帶不
知榮滄波一望鱸魚美千里相思月正明

送郭白峯教諭吉水

正喜相親得飲醇可堪攜手遽離分飛霜莫道舊御
史化雨要看新廣文昔藉滿盤休感慨丈夫到處有
經綸梅花白點三更月夢裏分明說是君

送吳體衡司訓博羅

讀易山齋閱幾春，爰辭象傳折紛紜。命窮浪說堪科弟，學富偏宜作廣文。交翠草香都滿地，無邊月色欲浮村。差幾四百峯頭上，待我乘雲遠訪君。

戊子新春試筆

病告歸來今七年，塵埃點不到門前。風雲俱靜和生暖，山水相涵光闕妍。村酒香聞官酒外，梅花信到菊花邊。大家兄弟相誼樂，共說高堂坐正便。

春晴觀物有懷李筠溪

涵江水滿白魚肥，海岸籠煙綠柳垂。晚暮最欣風樹

紫峯文集

卷之五

七言律

三

靜曉晴又見雨鳩歸，可憐燈火借勤苦。更憶兒童其喜嬉，老大多情時作惡。自將絲竹寫襟期。

送李春江長史之任魯國且便道過饒州

煙霞靜處聽潺湲，似說攀轅欲去難。竹露點衣渾若洗，春風吹面不生寒。江西浩蕩看彭蠡，天下規模見泰山。他日舞雩清詠發，也應寄我一開顏。

次韻呈同年鼎雙江御史

萬里驅馳匹馬忙，回頭還認自家鄉。逍遙暫對千峯靜，信息時聞半夜香。不爲養生供飽煖，休嫌問俗說耕桑。道人樣子從來別，到處風生滿地涼。

送顧大守赴省城與試場

悠悠旌節映槐黃，五馬蹄輕踏草芳。秋氣千崖都作峻，清風一道有餘涼。滿場未許趨時樣，具眼定應得大章。渺渺莫驚滄海濶，遺珠正好發幽光。

秋夜遣興簡顧大守二首

萬里清江一色秋，何人濯足在中流。谷神深處尋真訣，容膝齋中賦遠遊。身外浮雲空漠漠，耳邊小雀自啾啾。清寧大守閒無事，肯到明河共泛舟。

又

春滿崑崙不作秋，黃河能使向西流。參同指點皆虛

紫峯文集

卷之五

七言律

三

語，亥子中閒有勝遊。潭水虛澄山寂寂，庭花漫舞鳥啾啾。袖中自有支機石，野渡何妨不濟舟。

簡錢立齋大尹

到處縱橫豺虎郡，何人巡捕浪紛紛。孤兒弔影還堪筆，寡婦哭聲不忍聞。地下十王應設獄，人間萬口欲搖村。清明賴有中堂在，幕下觀瞻可自馴。

賀顧新山方伯陞太僕寺卿

北來佳氣滿清源，光照崇陽色色欣。途坦應無凶悔客，才多兼有慎清勤。經綸他日期登鼎，太僕此時暫借君。笑我迂臞林下病，涵江坐穩釣臺溫。

戊子初冬得薦書不果行

讀書催我上長安行李蕭條路亦難薄酒也應冬日暖傲裘聊退北風寒遣愁發笑寧無訣醫病還元自有丹待到雪消春萬里靜觀定見好容顏

除夕

持取湯盤濯舊塵衣冠擬整明朝新未愁一歲老侵我且喜三分春照人樽酒相親忘酩酊燈花獨對覺精神臞肥戰勝何須卜爆竹聲中消息真

已丑新春試筆

病告歸來今八年聰明肯道不如前萱堂優逸誠堪紫峯文集 卷之五 七言律 三五六

喜春色融和正白妍新命敢忘天北極幽懷只在水西邊東風吹起春花好春草成茵借睡便

喜雨簡顧大守

瀟洒輕風掃路塵微茫細雨點津津盡言大守有真感始信蒼天無不仁麥滿高陵都嘒嘒粟填富室自陳陳爲其開廩騰價也春風習習動千里誰在衙門笑語新

喜雨錄呈少參謝松澗同年

年來學稼事西疇四體不勤亦半收誰謂乾封焚地赤吾將辟穀與仙遊春風滿袖來天使甘雨隨車喜澤流分付家僮多種秫陶翁欲醉菊花秋

寄憲伯郭淺齋同年

美人不見許多時月白風清時見之事業喜君真作手鬢毛笑我欲成絲賢才自古不家食迂拙由來與病宜江石闢南天咫尺相逢料必也相知

謝南安陳大尹

養痾林野斷將迎咫尺封疆未識荆苦爲長風驚倦翼喜從厚饋得芳名古今循吏知多少來去雪山見重輕邑號南安應不忝南安士庶亦多情

已丑夏遊東禪寺述懷十首

喧囂城市不成眠力疾出城覓洞天遙畏長途逢北紫峯文集 卷之五 七言律 三六七

客曲循幽徑入東禪由來靜處皆無俗見說禪家亦是仙仙佛杳冥誰領會吾儒端約有真元

又

寒灰枯木只安眠始信人閒別有天我亦塵埃思脫俗時將寂寞與參禪久知富貴草頭露不似希夷洞裏仙草座麻衣身坐穩何須此外更求元

又

瑣瑣蚊蟲欲攬眠饑來飽去豈知天隨身衣鉢無餘地到處風波不礙禪爰淨爰清誰是佛不生不滅亦如仙仰天大笑星辰動更問時人說甚元

又

掃榻中堂自在眠那聞浮謗欲欺天蒼蠅逐臭逆施
穢白玉堅心不動禪夢去陰厓驅怪鬼醒來蓬島覓
飛仙仙人對我談修煉更說修行句句元

又

烏啼月落不妨眠白日無雲見老天但得心源能似
水未拋煙火亦爲禪詔頻下到應從命鳳不銜來始
可仙最愛麻衣僧有道共談華頂豈無元

又

可憐楊柳弄三眠飛絮不知三月天何似翼長高去
紫峯文集 卷之五 七言律 三

鳥不堪飛倦下呼禪底因惠遠肯沽酒爲愛淵明正
是仙誰料遊山能敗屐白蓮先已卻參元

又

得道先生正穩眠鐘聲莫動五更天那知鼾睡都無
夢要識先生不是禪屈子孤高非沒水湘江清徹好
遊仙世閒此意誰能會說與矍雲總是元

又

耽耽利欲醉如眠亂亂胸中一寸天待到鑄錢終野
餓始知享福是僧禪桃花流水肥紅鰾釣艇橫波泛
地仙萬里蒼茫無宵跡徵書何處覓真元

又

月落烏啼正好眠那知半夜是霜天丁寧童子休呼
酒此際野翁正入禪語笑高聲驚破夢起看瘦骨半
成仙老僧若解此中趣許爾蒲團共說元

又

江湖廊廟不成眠到處能忘頂上天月色照心方見
性風聲到耳忽驚禪也知正學也知命不是凡人不
是仙會理未通康節數明經懶究子雲元

題羅一峯書院

牛山須禁牧牛羊藏久良弓要力張遠大也應甘澹
紫峯文集 卷之五 七言律 三

薄元微亦只在平常悟來始信無多語老去方知有
故鄉敬起一峯吾敢問定行白水蒼清漿

右詩一章次郭淺齋年兄韻聊爲入院讀書

秀才言之非以頌一峯也

庚寅春日觀物道興

一縷香煙一碗茶詩篇閱遍大方家游魚戲日將騰
浪嫩菊逢春又長芽最愛陶翁辭彭澤更憐賈傅泣
長沙悲歡今古都成夢笑看兒童寫墨鴉

辛卯二月二日病臥書齋聞社鼓

野水茫茫遠接潮更須風雨夜連朝園翁嗟歎已淹

麥田社慙慙又祖苗春欲放花空自好雪來侵鬢可
能消也知愁破應須酒肺病未堪滿盞澆

六月雨多害稼

野氣蒼茫曉半開轟轟地底又聞雷晴鳩報喜雨鳩
到五月羅新六月來租稼滿供和尚樂農夫盡作杜
鵑哀書生才拙無經濟空坐吟風弄月臺

看田夫割稻

時大雨水漲村僧送茶來索穀

老天方寸頗仁慈喜見田家得半收岸折波濤歸大
海舡浮瓜酒入平疇野僧有鉢多求粒騷客無田亦
解憂更愛秀才望科舉手攀槐樹自夷猶

紫峯文集

卷之五 七言律 四

壬辰春夜夢覺起立檜樹下翫月

雲破東風月滿窩摩挲雙檜夜如何可堪得句生春
草且獨乘舟理釣簑何處神仙能笑語此閒光景浪
蹉跎醉翁半醉醒心上惟有南豐得趣多

題雲深處小景

是處山深雲更深憑誰說與總無心全因俗客都迷
路幾爲蒼生欲作霖靜映方塘惟半畝高臨絕壁亦
千尋優游自逐南溪水流向人閒覓賞音

癸巳春日有懷屠東崖太守

太守聲聞未下車天光雲影動游魚人於風月偏多

與公有乾坤不在書錦禁不諱與政體詩愁無語在
公餘梅花一望春千里應笑區區是漢儒

喜雨二首錄呈屠東崖太守

太守清明誰與儔時將寬猛與時休猛以除克無惠
壅寬而有制使民柔周餘雲漢方憂旱雨足郊原定
有秋喜雨亭前珠玉詠山青雲白水悠悠

又

兢兢累夜不成眠緩步中庭遠看天黯淡得雲方作
喜開明見月又生憐好音忽慰三農望起舞狂歌七
月篇可是寒儒欣一飽從來憂國願豐年

紫峯文集

卷之五 七言律 四

感興八首錄呈屠東崖太守

太守清聲動四鄰清而不矯認吾真寧波東去還迴
海浙水南來亦有神是處青鞋堪步月何人布襪不
生塵西風作爽驚秋到惹我蓬萊夢又新

又

瀟灑風流太守佳髮如新漆映烏紗勞心煩熱惟澆
水退食逍遙只看花未問高科真富貴亦知隱士有
煙霞夜來寂寞休便睡且聽池邊兩部蛙

又

春夏誰憐造化功翻然一雨喜秋冬拜從黔首還先

起書與青龍不肖封如此賢勞真太守更看活水盡
朝宗林閒獨坐應慙我也祝苗神願歲豐

又

剛柔茹吐見清才情重罪輕不用哀惻惻乞憐雷處
斧明明敢蔽月中臺霜摧妖草還能發雪點寒梅亦
白開一笑乾坤如許大更無忿疾到嬰孩

又

八月下車未一年幾端好事儘堪傳也知赤子蒙多
福可與先生舊有緣問稻最應來下里踏愛蓮須
是到東禪寺名在東門外有湖先憂後樂平生志官

紫峯文集

卷之五

七言律

四十三

向幽人問學仙

又

風雨關門坐四更讀書萬卷拙書生鷓鴣棲穩忘三
匝鳳凰飛高動八絃一字便安無暑熱四時最好是
秋清新愁舊恨都裁減又有情人一寄聲

又

周圍海北到天南何處可人味最甘只有好名能作
怪細思安分豈為貪黃堂獨坐有丹訣青眼相看無
俗談一夜歸來偏自醉空虛飽德不生慙

又

清源紫帽自然奇端坐明公不放歌紅日當天無險
怪白雲作雨也淋漓相邀洞裏神明說清源紫帽三
骨乞與人閒草木知我亦平生偏本訥自歌自和更
須疑

壽王明齋七十一

併乞芙蓉金菊來吾書館

空山寂寞有閒齋中有廣文最好懷澹薄心清推夏
暑兒郎氣爽逼秋崖七十一歲萬事過二十九年百
福來金菊芙蓉重疊發勸君大放好懷開

送柯通守休致

端的崢嶸好丈夫讀書那肯作迂儒看他世上如兼
紫峯文集

卷之五

七言律

四十三

醜到底夢中贏是輪節晚自堅憐檜柏身輕無累見
鷺鳬糧儲妙算公能事算得人生百歲無

送譚推府考績

排門入闕各爭先誰說詩囊不貯錢我自從容知有
分實無計較得安眠好風好雨齊時到秋草秋花滿
地妍米歲花開春更好郡人爭看大夫賢

贈李才通

仙店涵江異姓同此君更有古人風書於言外得深
趣人向迂中許最通半夜敲詩惟對月窮年卻酒不
愁風人人如此皆君子科第相期恐未公

又

德性溫溫見老成燈窓學問更堪稱靜觀意滿庭前
草閑笑名浮水上萍歲月遷延如有待乾坤端的本
無情平生自負知君子江色秋涵老眼青

贈楊醫官

春風挾暖到桐城習習令人病體輕笑我平生空有
志如君可使不知名炎回大暑鱗專美冷入新秋雁
寄聲附子大黃斟酌用險中始信藥通靈

贈江草亭寫真

月滿中秋又闌光登高便喜說重陽兒郎總愛秋光
紫峯文集 卷之五 七言律 四十四

好橄欖翻驚節物嘗誰信高人能畫我漫言妙筆欲
生香世閒清淨應無限只有心閒到處涼

贈林秋崖尹靈山二首

人情澆薄似秋雲心地幾人得似君盡道先生迂與
拙誰知長者質而文靈山風月閒雙美易繫卦爻妙
七分愧我讀書無別用十年清坐釣磯溫

又

迂叟迂齋又拙齋昔賢號此不安排人言迂拙非佳
譽我畏輟浮遁好懷故紙漫溫三百遍平常欲打幾
分乖由閩到嶺無霜雪喜見梅開一樣花

壽爲峯曾士毅

開遍梅花雪正深一陽初復二陽臨最宜美酒十分
勸不許浮塵半點侵膝下兒童欣拜舞堂前鄉里好
謳吟人生此樂須知愛善事多遺勝債金

春風送行贈孫體洪

體洪在士類中能別義利知所輕重者也昔
年從先師虛齋蔡公受易曾見稱許命蹇不
得志於場屋今應貢之京欲就教職別筵叙
舊笑歌無慍余嘉其知命能安是善學易也
贈詩見意

紫峯文集

卷之五 七言律 四十五

柳色黃金早報春風來水面盡成文且畱城外傾春
酒不管江東起暮雲畫卦妙知加一倍對人謙說曉
三分虎皮坐蓋寒氈煖笑看青衿入道門

又 代謝碩田作

清齋無語對羲經十載燈窓亦有情俊彥羣中招俊
輩洛陽江上送先生且看嫩柳發春早莫說大才當
晚成有子好音君自慰還將信息到吾庭

壽張樂吾迂叟

乾坤生意信無窮纔見北風又轉東正月一日春迎
到十日適喜壽筵紅和鄉睦里真爲善食力濟貧最

有功花發草生皆可樂焚香掃地與誰同

峯陳先生文集卷之五終
卷之五
七言律
四十六

紫峯陳先生文集卷之六

官保淨峯張 岳選稿

中憲槐江丁自申原刊

序三十首

湖邊舊隱序

神仙者之有無余疑之久矣參同秘訣亦嘗萬遍千
週而畢竟無告我者豈丹臺玉室不登吾名耶抑理
有常然天無別界而自古之所謂神仙者皆謬妄耶
吾皆不得而知也邇來廢書屏事尋山入林破荒蹊
窮廻溪據幽石聽鳥鳴之嚶嚶泉聲之冷冷飲泉數
紫峯文集 卷之六 序 一

掬詠子昂感遇晦翁九曲數篇忽白雲四起歸路欲
迷而輕風自南傳度樵歌收唱於微茫縹緲之間真
若羨門安期排雲出洞放弄霓裳以和我者頃之聲
聞漸杳彼此俱寂獨立自顧非復向之人閒人矣山
此言之則謂世有仙人者殆不妄也蓋至虛通微之
謂神超塵絕俗之謂仙非必鸞鶴青霄羽翰白日然
後爲異人而長生久視亦一日似兩日之意耳豈必
真能後天不老哉安成張懋軒先生早以經學教授
秦府未及老遽謝事歸隱湖東今年秋爲山水來遊
吾閩因過吾大尹公克軒尋風雨舊約余獲會于紫

雲寺劇談山水半日袖出其環居十二景之勝與諸
坐客共賦詩而屬余爲湖邊舊隱序余謂隱士仙人
一也仙非虛而隱非凡也但世無真隱耳壯而仕老
而歸者亦多也真樂無地出爲俗吏而處亦爲俗隱
夫隱而俗焉而猶得謂之隱則凡葛巾藜杖皆可寫
入高士傳而田夫野叟皆得稱爲神仙中人乎故必
有真隱焉真隱士斯真仙人矣蓋人而胸中度世則
湖山滿眼魚鳥相親不爾則雖左山右湖而朝市塵
埃要亦未脫也余與懋軒處未久未能盡測其中之
淺深然觀其鬚鬢俱皓而氣充神完語笑動止皆有
紫峯文集

卷之六 序

二

書劔從兄詩序

來歲丁丑春海內士之舉于鄉者當集試禮闈南海
霍先生廷獻以戊辰乙榜署浙東龍游司訓丁艱服
闋補署吾晉江前後滿六載例得與大暑退蒸涼風
薦爽先生抖擻書塵拂拭劔光將北行其門生黃鰲
輩見先生睂間有黃色賀曰先生自此扶搖而上矣
先生曰吾喜不在茲更有大焉者聊爲諸君言之孟
子以父母俱存兄弟無故爲人之至樂而吾則終違
庭訓永失機聲矣幸二兄之友于見典刑之尚在夫

何伯氏以掾滿寶幕京衛仲氏以便靜退貢邱園余
以業儒繫升斗于此相望一方不得聚首已三年諸
君謂余樂乎今因茲行得就見伯氏因拜二親遺像
而各出仲氏近寓安平信息以相慰勞便見墳唱篴
和而布被更溫木靜風寧而絳衣欲舞初不知傳神
者之不能爲聲而寄聲者之未獲見面也諸君想余
當此時能無樂乎杏苑看花泥金報帖視此樂孰樂
有天性者當知所輕重矣於是生輩俱唯唯相與賦
詩爲贈且求諸吾鄉士大夫之能詩者俱詩以贈之
詩成聯爲厚卷而大題其首曰書劔從兄而屬余爲
紫峯文集

卷之六

序

三

之序余謂人心有真得真則樂矣語君子之樂而及
於父母兄弟之無恙語事親從兄而及於手舞足蹈
之極樂則天下之物無可樂者矣區區科第之榮曾
足爲先生樂乎雖然以科第爲士者之榮則科第誠
亦未矣而設科取士實非欲榮士也士之淺者自榮
之也科第之設有君臣之義焉君臣亦天性也獨父
子兄弟乎哉莊周義命之說先儒已論其謬矣今觀
諸君贈詩多取三百篇先生於風雨對床之夜試取
而歌之遇蓼莪必有三復之悲遇常棣必有紫荆之
感遇四牡皇華能無慷慨壯烈而有江湖廟堂之憂

乎有是憂則知朝廷設科本意而今日之書劍萬里不專爲從兄行矣先生聞而笑曰得吾志也命史書爲序

風木遐思詩序

榮府右長史武陵龍君廷重與余同官刑部時嘗示余以戊辰登科之錄余閱之見廷重在具慶下嘆曰君何幸而余何不幸也蓋余亦辱科丁丑而家君不及見焉廷重戚然曰吾向也具慶而今則永感矣卽欲如子之歸省慈闈而樂與哀半亦如何可復得耶因悲歌風木相與太息流涕久之旣而余又相與慰

紫峯文集

卷之六 序

四

曰親之身雖已往親之志則未亡思親者貴於能思其志養親者貴於能養其志親之志卽吾志也吾能求吾之志而持之勿失是能思親之志而養之不傷也將微必請所與此曾子養親之志之粗者也樹木以時伐焉禽獸以時殺焉推而放諸四海而準施諸後世而無朝夕斯可謂深得夫浴沂風雩之志而極其恭敬奉持者矣由此言之則曾子之養志不特終親之身而亦自終其身也故曰事親若曾子者可也事親能如曾子之養志而養志又能如曾子之終身則常見親之存矣然則子欲養而親亦未嘗不予待

也顧所以養之者何如耳於是廷重起而揖曰善哉吾子之能廣吾思也遂出其風木遐思詩卷俾余引其端

望思樓詩後序

同年友句容王君克明示余以望思樓詩凡若干首多同年諸君之作太史舒君國裳序之備矣又欲得余一言余惟孝子之於親也存則順事沒則永思志意笑語不離跬步而食坐見於羹牆豈待登高樓望邱隴而後有所思哉然民生異品固有無所望而永思者亦有因所望而興思者又有在目不望在望不

紫峯文集

卷之六 序

五

思者若吾克明與其兄若弟則皆永言孝思而無待於望者也而乃以望思名其讀書之樓克明之所思者遠矣王氏子孫登斯樓者尚亦顧名以勿替厥思哉雖然孝之道大矣徒以悲哀怨慕爲思果足以盡孝乎王祥之孝至矣論者猶病其完節之玷祥其無得於思乎古今思親之人何限而狄梁公望雲之思獨爲天下後世傳揮戈以回白日叱馭而登畏途梁公其深於思矣梁公登大行而望親之舍克明登書樓而望親之塋其思將無同也能使天下後世皆知其思而喜談之以爲故實則同不同未可知也克明

勉乎哉然吾觀克明實後敏一讀西銘卽能釋然于心則其所思當有余所未及者而又奚待余之勉哉惟畧舉一二以廣孝思大意以永示王氏之後人使或人品不同而皆知所以思焉是則克明之志而亦諸君之詩稍引而未發者也故不厭詞繁而爲之書于卷末

河橋清餞圖詩序

余嘗閱古今英偉奇傑之生知天地間有至清之氣周流運轉無處無之第其積而發之於人也先後遲速異耳周盛時中原之徐淮猶以夷梗見征而吳楚

紫峯文集

卷之六 序

六

越之在大江以南也入春秋而夷猶未變若吾閩與蜀及嶺南百粵則又夷之極遠而不數者也迨漢而唐而宋以迄于今則茲數邦人物之盛何如哉豈非天地至清之氣磅礴鬱積至久而始大發與余每見武庫副郎陶君汝明之清映秀發未嘗不畏愛向慕以爲貴州永寧之山川亦必有深青濃綠足誘我窮巔極源使不能一日厭者惜去我遠不得一日徒按誌以想青龍紅崖諸峯定川通江諸水而不知其果爾生色作氣耶抑猶寥寥淡淡不改其舊耶張君世貴實陶君之鄉且戚也其先由南都入貴與陶君同

而其人之雅則陶君之所嘗嘖嘖焉加歎賞者也茲以大學生謁選銓曹得丞于廣信之永豐將行陶君召工繪圖名曰河橋清餞而自爲詩以倡諸士大夫之來別者而俾余爲序余曰餞必載肉崇酒也而何以清云然圖寫至清之景詩詠至清之趣而餞之與所餞者又皆至清之人則亦清之甚矣固不必觴露豆雪而始可以言清餞也君行矣借風揚帆乘月鳴櫓自北而之南焉凌大江之渺茫以望故鄉金陵之佳麗而凡江南諸山若吾武夷之巍然特出者亦皆隱隱在目君能不奮而前攀而登尋幽掇芳以增益其清之所素有者乎自清以出則何官不可爲也而况於丞乎何地不可官也而况於永豐乎行見永豐之棠有清陰而人皆相告以勿伐矣豈有君不負丞而丞顧負君也邪

賈孺人輓詩後序

鄉進士武平舒君宜中南遊太學其配賈孺人偕行以疾卒于金陵之寓館君嗚咽對同遊諸友備道孺人之行要皆孝敬勤儉而凡爲人婦爲人妻者之所當勉焉以能之者也然而未易能也夫其於人之未易能者槩勉焉以能之而不遺一二可不謂賢乎然

紫峯文集

卷之六 序

七

稱譽所親或多溢美而未必得人之信必其人品可人而言語不妄者有所譽則不問親疎厚薄而聞之者莫不以為然今孺人之行出於舒君之口而其友皆信之不惟信之又從而為歌詩以輓之金玉鏗鏘之韻溢於咨嗟咏嘆之餘夷考作者又皆吉人信士非能巧好為諛之人也由此觀之則舒君其亦可以為賢乎君之賢既足以取信於人孺人之賢其可信也必矣惟信則可傳惟傳則不朽然則是詩也君豈有意於家乘之藏而使為子若孫者皆知所寶也歟君曰得吾意也因題其後而歸之

紫峯文集

卷之六 序

八

東厓文集序

物之美者不可以見知於人松柏生於山林千尋百圍美之至也其或工師者知之必斫以大斧挽以萬牛而材之於叢臺阿房長樂未央之中俾之頂重負大撐東支西與瓦礫土石爭勦較久孰若老於無聞得以嘯風飲露而全其天者之為安且樂者傳曰君子疾沒世而名不稱焉夫名不朽器也造物者之所靳固有求之而不能得者矣然而秦漢以來士之畏名外播而故為韜晦掩抑以逃之者亦何限如黃憲管寧孫登輩之在當時收閉聲響若愚若訥絕不聞

有片句隻字之流落人閒是豈不足於文者哉彼蓋亦慮夫文一傳則名不可掩而穹爵重祿之欲以餌我而使使我酬溺勞苦者必與名俱集而偕來也不然則賢者之必有文章猶名山大川之必興雲雨隋珠和璞之必露光輝也安能枯槁寂寥以自混於田夫野叟閒哉括蒼東厓潘先生臣善掌教吾泉宦職中之最逸者也泉之諸生求得其平日所為詩與文凡若干彙集而梓行之余得縱觀熟讀因仰而歎曰美哉集也本不厚而用不利者能有此乎必載其令名而四馳之天下吾懼東厓之不得終逸也奪其所素

紫峯文集

卷之六 序

九

逸而與之以勞東厓樂乎哉雖然有道者心常逸處逸固逸也處勞亦未嘗不逸也蓋無入而不自得焉乃若惡勞而惟逸之耽畏名之我累而故欲逃之此皆賢者過之之為而謂中庸之士為之乎東厓賢者也吾恐其賢之流於過故書此為之防焉

時軒文集序

才不可齊但取其適於用如工師用木棟梁榱桷皆在所取惟無用者棄之世之高談闊論小廉曲謹煦煦為仁才子為義授之以政則不達者吾無取也若文章之士吾亦以奇花異卉愛之然或不適於大小

之用雖愛之而竟弗之重以其無益於人不若蒞裨有秋之爲有益也時軒胡道明先生有政事之才人多不之知但知其有文章余前年過徐州聞徐人稱時軒教徐甚有方諸士子甚愛敬之然猶聞之而未見也及教授吾泉則其學政之修明峻整又身親見之矣政事之才非無徵而輕許也或謂儒官事簡不難爲未可因此遽許其長於政事是蓋未知清談子弟區區於履屐之閒人亦占知其能破淮淝百萬兵而况到處學政昭然在人耳目者乎又况言論舉止精神風采有足動人者乎故余嘗謂時軒人物用之

紫峯文集

卷之六

序

十

以司風憲或錢穀甲兵必更有作爲可觀若夫文章則其餘事耳而其門人曾瑞芳輩乃深喜其所著時軒集類寫而梓行之且謂其少以讀易習文有名于蜀遂領鄉薦後又以名薦司江右文衡是其平日學有專工固宜今日之有是集也余謂斯言若未爲盡知時軒者然試取其集觀之則見其詩和平穩順發乎性情文亦明白敷暢主於達意而不背乎義理信佳作也特其抱負平日之長之適於用者不專在此耳雖然古今天下亦未有能盡廢文章以去取人才修舉政事者蓋文章亦足以觀人也具眼者於是集

觀之亦可以得吾時軒之大槩矣

龍塘王氏族譜序

龍塘王氏世傳爲閩王審知之後然先譜亡逸無從考以爲然矣今譜斷自可知以均疇公爲始祖均疇有子五人添錫添永添期添慶添祥枝幹蕃衍而皆端直敦朴翼以禮義而世守之故雖代無顯人而吾晉江之言名族則龍塘王氏預焉五世孫元於正統甲子春率其姪至道存義共作譜迄今六十餘年譜亦已被燬于火幸存義所爲遺稿本猶存而蠹蝕脫落殊甚存義之子璣謂其弟琮曰吾年老且病爾盍

紫峯文集

卷之六

序

十一

繼先志以整齊吾族人乎琮於是取舊稿補其所已亡詳其所未備續其所不及自費貲財盛設酒饌大會昭穆于祖邱而慶其譜之復完以其未有序以示勸也俾琛爲題其端且言曰今慈堂之族吳氏實吾宗叔添慶公之派也至某世以事改今姓吾將爲復之其名字悉已列吾譜中矣夫譜家之史也史貴於信非吾宗雖同姓而且大吾不肯扳附以相混果吾宗雖易姓而且微吾不忍踈外以相忘蓋情之有無原於氣之本末同異而族之輕重不繫於人之貧富貴賤也嗚呼非知德者孰能爲斯言乎聞斯言者能

不測然而思所以仁其族乎能不奮然而思所以重其族乎然則斯言也固足以序譜矣何必遠引博采而以文爲於是按譜源流畧爲次第之而併識其言于此

筭江陳氏族譜序

世之論天者皆曰天無心於榮辱禍福夫人特人之所值有幸不幸耳余謂天雖無心而有定理凡君子必得榮福而小人卒不免于禍且辱昔晉羊叔子登峴山慨然謂其從事鄒湛曰自有宇宙而有此山登此遠望如我與卿者多矣皆湮滅無聞使人悲傷然

紫峯文集

卷之六

序

三

以今觀之峴山可夷而叔子之名不可泯凡今爲羊氏譜牒者未必皆叔子之後而亦每每援及叔子是叔子至今存也宋章惇沒未久其子孫羞認其墳塋而呂惠卿之後在泉或有指言惠卿實爾之祖者無不顏面發赤忿勃以爲非是乃已是小人者初未嘗有爲之後者也福莫大於長存禍莫慘於無後誰謂君子不善取福於天而天果皆不定而人之榮辱禍福果皆出於偶然也哉然多福貴於自求不自求而惟求之先人以爲或能榮我福我則雖朱均亦不能得之於堯舜而況於所謂遙遙華胄者乎大抵人顧

自處如何使吾果賢也則世德自我而光揚果不賢也則先聲由是而玷墜喬木孤芳亦豈能盡爲子孫無似者之憑賴哉况吾既不能後而又無所考據以真知其爲某聖某賢之後而徒茫昧遠取著之譜以號於人曰吾祖實某聖某賢吾恐有竊笑而羣議之者矣又何榮與福之有此狄青之所以不敢自附於狄梁公而郭崇韜之所以爲最無識也吾邑筭江陳君時中勤學慕古秀出于其族每謂族不立譜則無以合睽萃渙興孝存仁因與其從叔本靜爲之一日出以示余曰此譜斷自可知不敢妄有所扳附以誣

紫峯文集

卷之六

序

三

先代而誑後人蓋實錄也願先生昇一言于首余意以爲修立譜牒易光重譜牒難然既知所以修立之則必思所以光重之而受福不遠者於譜不光也故以禍福有定及君子必得其福者告之吾知本靜時中必能勉求務得以爲其族之自求多福者勸也

贈潘東厓先生南歸序

正德丁丑春國子監監丞括蒼東厓潘先生匠善引疾乞歸疏下吏部吏部諸公閱之皆曰是有道者正宜久畱以風多士可使去耶持不爲請戊寅秋再疏懇乞休致再下吏部諸公知其決於退不可畱也乃

爲請迨冬始得命且陞一級以中書舍人致仕將行其門生大理評事林君質夫刑部郎中陳君允默主事鄭君與聚謂余亦頗知先生者屬爲言以贈余於道未有知烏足以知先生然亦知先生非混于世者也世之人視而不足於明聽而不足於聰食而不足於味以尋常之聲色臭味誘其官而去之也然則其心又曷嘗有斯須之樂哉夫寂若無聲者天下之大聲也朴若無色者天下之美色也淡若無味者天下之佳味也收無聲之聲玩無色之色味無味之味充然有得於聲色臭味之外而自有其樂者天下之真樂也有真樂者不金玉而富不王侯而貴不神仙而壽下視世之耽耽逐逐自以爲極天下之聲色臭味而惟恐失之者其所得不既多乎山林高尚之士若有見於此矣然亦窺測此道之髣髴而無見於天地之大全乃以枯槁寂寞爲佛老氏不傳之妙而不知夫儒者握陰陽垢復之機於喜怒哀樂未發之際而默有以處之者亦已微矣然則吾儒真樂豈易得哉吾觀東厓聽樂不至於恐臥看花不至於離披飲酒不至於酩酊故余亦信其中有所樂而能不混于世也不知質夫諸君以爲何如諸君笑曰得之矣遂書

以爲贈行序

贈王用儀南歸序

余童時業科舉未三四年自以爲業已工直以地芥視青紫而初試不利度年尚少而業之工或未至發憤而精之者又數年而屢試屢北凡五試鄉闈再試禮闈而始得附名于羣彥之後時已寂寥淡薄幾入于禪而向日精銳之筆亦已禿矣自余觀之則得第一第不亦難哉番禺王君用儀年十九領鄉薦二十與余同登進士一試輒得如由基李廣之射矢無虛擲又何其易也豈顯晦遲速真有所謂命者存耶迨接用儀而聽其言論則見其初若訥再若欲言又再則言且辯而稍稍出其鋒穎矣余固已奇之而用儀亦不余老時具茶果與同年句容王君克明邀余月坐茶罷吻潤雅興風發文必說漢之西詩必論唐之盛或用儀唱而克明和之或克明唱而用儀和之聲壯語險盡出肺肝不復顧左右閒有鬼神矣余於是始知年少敏妙有足過人而一試輒得實所當然不可以語命也雖然是亦命也天地爲爐造化爲工不特貧富貴賤顯晦遲速不由夫人徂徠之松新甫之柏長可千尺大可百圍閱雪霜歷歲月愈久而愈堅好

豈皆人之培植使然耶由此言之則天之惠吾用儀也亦厚矣用儀其可不知所以自愛自養以求合於天乎長松巨柏不用爲宗廟之棟梁而用爲廬舍之榱桷要不可謂不用也特用之小耳人有大而吾用之小是棄人也吾有大而吾用之小是自棄也自棄是棄天也然吾觀用儀氣象識度甚不類其年而世之所謂能且榮者若罔聞知則其不肯自用於小而必以人合天以贊成其命之美也豈待他日而始有徵哉故於其歸娶得請也序此以爲之賀

贈黃孟偉南歸序

紫峯文集

卷之六 序

十六

南京刑部廣東司郎中黃孟偉弱冠時習爲舉業或曰是質實者不能爲華藻之詞取科第必遲而乃以二十三之年領鄉薦二十七登進士第旣而主事刑部或又有曰是剛且方者剛則用猛方則寡諧於仕途必不利而乃以清慎明恕著聲合遠近士夫無異詞焉余用是知夫質之美者有華剛之善者近仁而方於行者亦未嘗不圓于智也然則人物深淺實未易知而余亦安敢自謂能盡知吾孟偉者哉茲以六年考績援例得乞歸省將行大理林君茂貞邀吾閩諸大夫攜酒贈別謂余於孟偉有一日之長不可以

無言且曰仕宦畫錦之榮春風綵衣之樂皆不必贅願進孟偉於古人中而期之以遠且大者余曰君與孟偉皆同安人也同安先輩蘇丞相子容在熙寧中以不附王介甫罷歸君以其人爲何如茂貞曰不附介甫則正人也又何議余曰釣磯邱先生葵亦同安人也處衰世而卷懷不出何如茂貞曰斯固正人也以其隱而無所建明耳然此二公皆千載人也吾與孟偉願學之而未及余乃作而歎曰介甫抱負經濟以周禮爲必可行蘇公未嘗有一言稱其行之是而釣磯則確然謂周禮之當遵是二公意見自有不同

紫峯文集

卷之六 序

十七

而茂貞孟偉乃皆學之而自以爲不可及然則義理固自無窮而所見亦不必皆合惟其人之正而已耳正則自古非必事事步古人之故轍也蘇公不附介甫固未必謂周禮盡不可行而使釣磯得行其志亦未必謂周禮一一皆宜于今也居今之世服今之服司馬衣裳之古伊川帽角之高亦或有訝之者噫古道之難行也久矣慕古而能深知其道者亦豈易哉余於孟偉既不敢自謂知之盡則於古道固有不能盡知者矣而又何言以贈哉於其行也姑隨諸大夫與飲酒

贈邢秀才歸揭陽序

東廣揭陽秀才邢生熙之千里襄糧來余館中問余詩余不能詩問余文余不能文問余疑義余不能章句講解歲暮告歸以遠來未有所聞爲歎余告之曰吾饑焉當食卽食渴焉當飲卽飲困倦焉當睡卽撫枕而睡睡足焉當起卽整衣而起徐徐焉而行安安焉而坐不能詩亦取古人之詩如陶靖節之平淡邵堯夫之閑適而時歌詠之而不暇及於李杜黃陳之高吟絕唱不能文亦取古人之文如周濂溪之太極張橫渠之西銘而時讀誦之而不暇及於韓柳歐蘇紫峯文集

卷之六 序

七

之雄文大筆不能章句講解亦取程朱之四書五經傳疏而時覽觀之以會聖賢之大經大意所在而不暇及於陳北溪饒雙峯諸先生之疊床架屋至簡至易自暇自逸值風則與之俱清值月則與之俱明值菊花之黃梅花之白則餐英索笑而與之同其臭味學士大夫田父野叟亦或時焉相值則與之談論古今談及大平則欣然而笑談及衰否則戚然以吁談及大賢君子之經綸設施英雄豪傑之叱咤馳騁則感慨發憤踴躍若狂直欲盡吸西江之水而時吐之於壁立萬仞之崖初不自知其愚訥迂拙而不適

於時世之取用也吾之所以爲吾者如此吾告吾子亦止於此書此贈歸藏之篋中三年然後出而觀之又三年覺其言之大繁然後卷而棄之

贈周秀才還江山序

聞山之巍然而高者莫如武夷幽絕殊勝神仙居之草木之生乎其間亦光采特異厥後有風骨峭奇穢人世不居餐霞服日期欲長生久視望真人影象而王友之者往往問津求至焉余少聞之有慕以道遠未能到正德丙寅春虛齋蔡先生往江右督學因從行至閩江御輕舟上泝值灘石紛錯廉利崎嶇廻曲紫峯文集

卷之六 序

十九

窮力攀挽不得以意徑前者累日忽夜半震雷大雨別澗細流滾滾奔騰赴會大溪驟漲亂石俱平余揭蓬視之豁然舟子顧余曰此建溪也武夷在邇於是繫舟竹陰沽酒自勞雲收日麗微風過之酒酣興發扣舷歌曰眇眇兮人生堂堂兮春去翹首兮望山武夷兮何處溪畔有行客大聲歌應曰一朝夢寐兮頓醒十年蹤跡兮徒勞眼看實地兮立脚聞道泰山兮更高余聞而異之邀與同舟問其居曰江右信州之西有巨陵特起厯然如象吾結廬於其陵之巔奇峯萬疊皆來獻狀後帶二溪流入彭蠡坐望彭蠡之瀟

則見其混涵太清范無界量而蒙衝巨艦順風揚帆
瞬息可以千里視此武夷山下川流派別而遲遲鬱
鬱以進其舟者其難易大小可知也余笑曰子既知
泰山之高而何不知彭蠡之未足爲大也大莫大於
海萬流之所宗也涵混之湖派別之溪始雖異而終
則歸合于一故曰登泰山而小天下觀於海者難爲
水然泰山之高未易登也或自武夷亦自象山皆可
以望而見之東海之大未易觀也或自建溪或自彭
蠡皆可以漸進而徐達焉得所入而求底于止者存
乎人入此則右此而抑彼入彼則右彼而抑此皆有

紫峯文集

卷之六 序

三十一

所係而未見其大者也客無以答浙東三衢周生積
從余遊見余談及山水欣然喜若有志於其閒且嘗
道其兄今簡陽尹以仁君亦雅有山水之趣歲暮告
歸其同遊諸友圖吾閩山水爲別余因取畫筆直叙
昔歲與客問答之言爲贈暇無人處焚香默坐出一
再閱則水光山色將融入方寸閒而發其遐思也豈
特如摩詰以獨苦之心而僅足以供俗目一時之觀
適云乎哉

贈張秀才還安福序

劍埋泥土之中光射斗牛之上凡內有靈明者外未

嘗無華采也故善觀人者每於外焉得之是雖一頓
一笑亦可了夫人之淺深厚薄而況於言語文字閒
乎謂言語文字不足以知人者不善觀人者也片詞
隻字豈楮生毛穎輩爲之耶無一不出自吾方寸也
古今賢哲偶以一文一詩爲終身福德事業之識者
理或由此也與吾邑侯安福張克軒先生之子伯喬
在吾邑余時見其書翰往來酬應諸士大夫雖甚忙
迫草草之閒而亦鏗鏘穩順文理斐然有足觀者余
甚嘉其年少聰明可與進學惜未盡見其平日經義
古文詩律諸用意之作耳然卽其所發之緒餘亦足

紫峯文集

卷之六 序

三十一

以見其天分所稟之大槩每語諸人謂司成松石公
得克軒爲之子而克軒又得伯喬爲之子蓋皆可謂
之有子矣夫人孰不欲其子之有而名公哲人之子
每每不足爲有者山川之奇秀有限氣運之隆替相
仍故雖以狄梁公之勲德不能保祠象之久存以韓
昌黎之文學不能必金根之無誤此豈理之當然也
耶由此言之則松石克軒伯喬之受恩於蒼蒼也亦
厚矣其可不深自賀而思所以報此厚恩耶先儒有
言曰受人恩而必報者其爲子必孝爲臣必忠夫受
人之恩猶當必報况受恩於天可不報乎然天亦曷

嘗有心責負於人如淺丈夫者之爲哉顧在我者有所不可耳聖教久湮古風不作知負天之恩爲甚不可者世幾何人拙奪於無窮之欲窘束於至隘之區舉天之所以厚我而爲至靈至明者瞬息無餘如得太阿龍泉不肯少寶而妄用之於堅石頑鐵以取缺折無用而後已豈不亦甚可惻哉余每見伯喬則必以此告之蓋愛之之至欲其知有至寶而自寶之也伯喬明日還安福道經鵝湖思晦菴象山之異同舟次彭蠡仰匡廬白鹿之高遠或思而得焉或仰而入焉則必取衆人之所共舍舍衆人之所必爭保靈明紫峯文集

卷之六 序

五

而不虧蓄鋒銳以待試以求無負於天如劉靜修所謂名家子弟處天下之至易者果見其爲易處天下之至難者初不見其爲難焉若夫科第世芳簪纓襲美此人閒甚小事也在伯喬能亦可不能亦可非吾之所以期待吾伯喬也

贈杏垣陶仲文還彭澤序

正德內寅先師盧齋蔡公之督學江西也余亦挾策從行至洪都而疾作公視之曰是水火未濟也不可付庸醫聞彭澤陶君仲文有能醫聲亟邀至洪與余共館余以東垣丹溪時醫所習諸書難之竟不能

屈又摘素問古書中之甚奇奧者一二語敬叩之以觀其深亦皆能微微達意余乃大喜曰吾疾其瘳矣乎君曰未也先生之疾非藥所能卽愈區區之術非醫所能就窮蓋有不醫之醫無藥之藥焉第至言要訣非官署中所可輕傳而山澤臞儒亦不可於塵埃中雜處彭蠡之濱匡廬之頂天空月冷四無人聲是則吾愈先生之疾之處也余頗以爲疑然亦意其術之或可以愈疾遂與同往數日閒得聞所謂至言者則老氏谷神不死之說也余笑曰生骨未能脫凡至言不敢輕受然而亦不敢輕泄也君知余素慕乃祖靖節之高風復固請至彭澤藥余以參朮芝苓食余以菽粟菜果余亦節飲食定心氣方月餘而疾稍愈乃拜瞻賢祠摩挲五柳誦采菊東籬之句而想見其當日悠然之真則又覺疾之全愈而長揖謝去余於是始知至道之精不在杳冥日用平常而鳶魚飛躍之機在焉知道者會而通之則理家醫國無往非神豈特可以自養而已哉今年春君以宗伯旣濱王公之招來金陵士夫貴人多虛席邀致余亦以故舊往會則見其貌益豐氣益完而治病養生之論又益切近平實知其山林日長而所造爲益深矣茲將別

紫峯文集

卷之六 序

五

歸索余贈言且曰吾有三子皆習舉業人皆稱其克有成立以爲吾醫仁惠所致吾將自茲愈積陰功非欲取報於天但不敢獲罪於天耳余聽之竦然驚曰是儒者切近平實之至言也君言及此則固不屑遊於方之外矣於戲不屑爲醫之仙必欲爲醫之儒人品如斯可無贈乎遂大書其言之合於吾儒者以贈之

贈湖廣少參顧新山先生序

清源巍然立吾泉城之北萬石負土隱顯錯出望之若枯仙臞儒殊無綽約嫵媚之可以起人賞玩而朝

紫峯文集

卷之六 序

三十四

雲暮煙亦自有態道流巖居者度其地之宜於茗也破荒多植而茗果甚美蓋山而叢石蒙雲則泉之出也必甚寒冽故以名之曰清源而茗之爲物則清極生寒而微入於苦故於清源爲獨宜然山之儲精鬱秀極物之美者不能當豈清源之茗足盡清源之清乎清源顧先生載祥由進士宰虹宰旌德人曰清大尹遷守和人曰清太守迨爲考功爲武庫則凝冰出壑素月懸秋合兩京士大夫無異詞焉今又自武庫郎中擢湖廣叅議奉勅督理糧儲其冰光月色又將遙映于衡巫江漢之閒以表吾清源之清也尚未已

而或者乃謂卻金還珠時無若人亦厚誣矣雖然清特一節之大者耳豈吏道之全乎清而自恣則人惡其狂清而寡量則人惡其刻至若膠固昏滯容猗受給塊然株守而不能一有所爲此又清之最無取者也先生由縣而州而部涖人涉事何啻千萬苟徒孤守一節而不夾衆美以爲之輔則必不能盡宜於人而其寒苦獨耽亦安能以自白哉况邇年來海內薦饑湖廣之民當亦甚困而糧儲之督紆則用乏病國嚴則膏竭病民按豐歉覈虛實斟酌較量融通變化俾民不困而國用足時事之艱莫此爲甚而謂專

紫峯文集

卷之六 序

三十五

於清者能之乎然則朝廷之擢先生以是官也豈獨有取於先生之清而已乎先生行矣爲我尋峴山之碑追叔子恩澤之長登岳陽之樓想范公憂樂之大將必有知先生之不專於清而一叅議之職實不克究先生於用也若或經潯陽而賦歸去到鹿門而生隱心則人將有不及盡知而其所以自爲者亦太切矣豈朝廷今日擢用先生之意哉而亦豈吾清源諸君子之所以厚望於先生者哉

贈江西少參陳柏崖先生序

大氣之運有分限節度焉分限節度者氣之數也氣

數用事不憚人意者甚多蓋理有當然而氣數不盡合夫當然也然是理尊嚴正直自不移而氣數者雖暫悖之久則亦必復其常而不能出于範圍之外焉使或氣數自用而一不聽命於理則生生之意斬絕無餘而人類之滅久矣未暇遠引姑以江西近日之事言之自正德以來南昌之民之受毒於宸濠也如在膏火中至己卯之變則不特南昌而江西一省之毒亦甚矣黎民流血彭蠡爲腥凡方寸有生理者聞之未嘗不酸鼻也或謂此實氣數用事天亦且奈何哉辛巳壬午嘉靖鼎新江西之民皆殄殲燹恬無

紫峯文集

卷之六 序

三

法外之意取古循吏傳擇其甚有恩于民者錄置座右或事稍過當則歎曰吾愧古人矣吾愧古人矣余聞斯言爲之喜而不寐曰江西民牧果皆如吾柏崖則信乎江西之民之有瘳也余因是又有以見夫天地以生物爲心至理大德終非氣數之所能奪老氏謂天地不仁豈其然乎於是陳君聘之彭君宜定及吾閩士大夫之在南京者僉曰吾輩思慕陳柏崖久矣予其肯述所聞寓規頌以將遠意乎遂書之以爲贈陳柏崖序

贈廣東少叅徐克宏先生序

紫峯文集

卷之六 序

七

南京戶部郎中江陰徐克宏先生擢任廣東布政司叅議已之官一年矣同部諸君每會聚問未嘗不念及先生以余向日亦嘗辱與僚友之末屬爲一言將遙寓以見意余謂同僚有兄弟之義子孫亦世講其好今觀諸君之所以念念于先生者則兄弟之說其信然矣然易傳又有近而不相得之言則凡爲同僚者豈皆協恭和衷而盡無愛惡悔吝也哉不孚於將會之先不堪於既會之際不平於別會之餘如此者往往有之而吾克宏先生乃獨爲諸君所懷而不能一日釋此其故何也孟子曰可欲之謂善夫人之可

欲者固多端而其不可欲者亦多端姑自其最難相處而最不可欲者言之內修城府以爲深外立崖岸以爲高忌夫人之勝已而陵夫人之不若已若此者安能以兄弟處同僚而得夫人之思於去後哉吾觀克宏先生外溫而而內易直不越境以侵人不設機以中人人之有技若已有人有不及則亦以情恕焉然則諸君於先生之去亦烏得恕然不介懷耶蓋亦感應自然之理也且先生之善豈惟見懷於僚友之間而已哉夫其內易直則政不鉤鉅外溫則刑不猛暴篤於好善則必能周於取善將以啓發其所

紫峯文集

卷之六 序

三六

不知而增益其所未至則其善之及於民也亦焉往而不宜他日嶺海之濱舟車所至遺愛去思之戀戀于民者又當何如其不替也雖然一於易直則徑情而無以防人之姦一於溫和則失威無以懲人之侮擇善失真一於泛愛則於友獲匪人之傷而於民無彰善之勸故必有深潛之術嚴厲之色兼和易之善而以時焉出之而又親有遠能好能惡俾鳴臬不混于鳳凰而稂莠不亂于嘉穀乃爲完密而無憾也然此亦皆先生之所已能余願學之而未能者豈敢以爲先生規聊備言之以見先生之善不特使人愛

之而有所思抑且使人敬之而有所憚也於是李君孔音楊君汝忠及諸賓長僉曰斯言實可以贈吾克宏先生也於是乎書

贈僉憲王君之任廣東序

吾友王君志潔以大理寺副擢僉廣東按察司事吾鄉諸君子之宦于京者咸賀其得茲擢余曰由大理出僉事常擢也未足賀其可賀在得僉事于廣耳志潔自辛未進士官大理迨今已七年白雲南望想欲縮地者屢矣若或西北遷之則迂道踰期於法有制彼將何如爲情耶今官之廣而假道於閩便有甚於

紫峯文集

卷之六 序

三九

此乎壽觴淋漓綵衣踟躕封君孺人命服交映志潔亦何幸一旦得解素鬱也是不深可賀耶雖然此志潔之私也朝廷爲民擇官顧豈以是私志潔哉無亦於志潔知之素而望之厚也僉事秩大夫位方岳分道時巡而文武百僚望風震肅職雖貳亞而遇事專之亦巍然一道之長也歲滿更治則又不專長一道而已所在官舉其職吏革其奸民安其業兵足於用凡百利害咸於僉事焉責之僉事豈易爲哉而嶺南之地又多圍山成巢阻水作峒苗獠獠獠實蕃息于其閒控御失道則紛然四出或至動大衆設巧機乃

能破其羣屯而遏其撞搪是廣之僉事尤不易爲也尤不易爲而可泛焉無擇使不克爲者爲之乎京師權貴之集而大理刑罰之平也采則奪守剛則招尤恕或流於姑息而執之者滯之也不剛不柔酌諸天理人情之中而文之以經術參之以古法至使卿貳勳容僚佐承式雖秋曹西臺諸公亦皆心肯而無敢惡其爲異者志潔之善爲大理如此則今茲之不易爲者固所優爲也荒厓絕島緩視徐按濂溪窓草之遺嶺南者至今猶蒼翠不除培植灌溉而俾之益茂止望優爲者之爲是也由此言之朝廷果私吾志潔紫峯文集 卷之六 序 三

贈僉憲林君之任湖廣序

福寧石壁林君元成以南京大理寺寺正擢僉湖廣按察司事將行問用法於余余曰君在大理以清慎周密爲刑曹憲臺諸公所重是老於法司者也而何以用法爲問余嘗備數刑曹未期年而別調其於法律尚粗疎而何以爲答然嘗聞君不厭陳言請得以

儒生常談爲君贈夫仁人心也存心主於愛人用法貴乎有術術非巧詐之謂也不悖於法而亦不泥於法如珠走盤而不出於盤焉蓋有斷然之法有當然之理又有自然之情法固因天理人情而爲之節制者然以一定有限之法安足以盡事端無窮之變於是每以新例補舊律而亦有所不能盡執法之官無法外之意於人之獲罪則曰是犯某律是犯某例皆其自取吾無容心焉耳如是而曰於天理人情一盡合猶未也今法官不用刀筆吏而必以儒者爲之豈以儒者惟律例是精哉以其有儒者之學則必有儒者之識而又有儒者之術也大抵時有升降治有緩急土有沃瘠俗有朴僞人有智愚習有新舊境有順逆過有故誤是以權有輕重而法有操縱或治齊貴清淨而不用嚴或治蜀尚嚴峻而不用寬法在所必誅而其人未可誅則有歐陽子求生之說焉法在所不誅而其人固當誅則有鄭子產火烈之說焉擬人於法彼此俱稱無可議矣猶當俯思仰歎悲教化之陵夷尤造物之賦與是又曾于哀矜勿喜之說也如是而用法是之謂法術而法非煩苛如是而行仁是之謂仁術而仁非姑息是道也豈特可用之以爲

紫峯文集

卷之六 序

三

執法之官哉而凡爲政者皆所當知也不知此而區區較錄兩於律例之間則吏之俗者矣俗吏之能固亦可以招美稱取高爵然其如吾民何傷天地之和召水旱之災皆俗吏爲之也以吾元成之學之識其肯同塵於俗乎吾知其必有精微心術上徹天而下人淵收湖廣之民於法律之中而整齊之而又紓之於法律之外以蘇息之其至妙至妙有非余所能盡知者矣君行矣余將泛沅渡湘尋蘭掇芳以贈君矣

贈柳州府太守陸君節之序

南京戶部郎中錫山陸君節之擢知柳州府或謂君

紫峯文集

卷之六

三

溫厚清慎善人也宜處以善地若柳州則恐非君之所樂余謂今之柳州非昔日之柳州也韓昌黎之於潮蘇子瞻之於惠當時皆以爲瘴鄉而今則以爲樂土蓋乾坤清氣運轉無常方其氣之未到也土燥石頑人羸物惡雖以吳越富庶之國亦不與中國會盟及其氣之已到也山岳爲之明媚川澤爲之光輝雖以閩廣荒僻之墟亦號爲海濱鄉魯使柳子厚生遇今日吾知其決不鄙夷夫柳州矣然則君於茲郡亦未爲不宜也或又謂君以進士初試得節推廣州剖紛決疑事事明允甚爲藩臬諸公所器是蓋有才非

徒善者太守比節推則位高權專而事皆得爲柳州比廣州則地僻事簡而無甚可爲有才而不得展恐亦非君之所樂余謂君才雖能事而性不喜事夫事簡則逸逸則不勞其形地僻則靜靜則不搖其精由此言之則茲郡固君之所宜也抑孔子又有云言忠信行篤敬雖蠻貊之邦行矣吾輩書生皆誦法孔子素位而行當無地不宜也而況於今日之柳州乎然則君今茲行亦未嘗不樂也第恐佳譽遠馳指日卽召不得久任以福于柳之民爲不樂耳君行矣安我簡靜廓我心性談仙于仙奕之上時效謀野之遊種

紫峯文集

卷之六

序

三

柳于柳江之濱擬作去思之樹是又柳州太守公暇之最樂者也而謂君有不樂可乎於是戶部諸公僉謂余言若可以贈君者遂命史書爲序

贈太守易嘉言之重慶序

天地四方之氣合而兩之仁義而已矣仁氣盛於東南故東南之人多溫厚義氣盛於西北故西北之人多嚴厲陰陽剛柔彼此對立非謂西北盡無柔仁而東南盡無剛義也東夷西夷固有豪傑挺生而不限於風氣者但大槩言之則彼此分數不無輕重多寡之偏耳夫唯仁義之稟有偏則仁義之用或過仁義

固皆美德過則各有其弊焉此所以又有變化氣質之說也然亦難矣吾觀四方士夫能不為氣質所使而以剛柔仁義斟酌其中而施之政者幾人哉同年友地官副郎廖君雲卿王君汝陳為余道其寅長易君嘉言為政之美曰君司戶部寬猛操縱事事咸宜吾子所知也容亦有未知者乎君初以進士為縣令已而擢州守又擢府二守隨地效勞所在著聲方其未至也人仰之既至也人安之迨其被擢而且去也則有衣靴之留而於其既去之後也則又有碑頌之紀此其政績之美之有徵者也使所謂剛柔仁義者執其一焉為春生秋殺稍失和平則民不曰寬而無制必曰刻而寡恩而何以在在能得夫民之留戀不釋也若此由此言之則君其能變化氣質而不囿於山川風氣之偏者與余曰君固不囿於山川風氣也而實於山川風氣有得焉君光人也光屬河南於天下為中土蓋東西南北之極而剛柔仁義之會也謂君之美無得於天與之秀而盡歸諸學問人事之力則先儒氣質用事之說為不然乎雖然亦不可專主氣質也余聞唐末時光之人多從王潮入閩居吾泉而吾家先譜亦云自光來然則余亦光人也而過於慈

順不類光人則是余不能以人合天而吾易君仁義之政之美之得於學力者實多不特其稟受之美為足稱也然則專主於其所謂氣質者殆不然矣於是雲卿汝陳及同部諸賢因君有重慶太守之擢屬余次第所言為君贈且以賀重慶之民將蒙仁義之休澤也乃為書之

贈太守莊青峯序

天地之造就乎萬物也亦多端鼓之以雷霆潤之以風雨物於是乎生矣淒焉而為秋之霜凜焉而為冬之雪則向之生且茂者於是乎斂華就實而各得其性命之成然則人之生世其可不備嘗辛苦乎雪霜萬里之途固有志者之所必踐也吾晉江青峯莊先生由矩素以孝友之行為鄉黨所稱余嘗以惠迪從逆占人之吉凶禍福謂先生於仕途當得元吉无不利而乃竟以鄉薦就冷官長沙平湖齋鹽朝暮人不堪其寒先生皐比溫坐於希文之說有深味焉迨其擢尹于廣東之開建也適值峒猺四出嘯聚剽攻人皆危之先生奮然曰是不可以書生却也乃整袂登陣示之以武露刃持滿賊不敢攻或謂是可以無恐矣先生曰吾城雖一時幸完吾心當常若寇至且禦

寇以安民爲本使民心先固則何賊之虞於是詢民之所甚利害者而爲之因革民告便而徭亦竟伏以才改任順德順德事劇尤號難理而理之者無不告勞先生處之事事整暇吏畏而民懷焉夫其寒而能溫危而獲安勞而不悴雖其天資才識有足過人然其於艱難辛苦之中所以動心忍性增益其所不能者亦已多矣以故自順德而司刑南部則輕裘緩帶投壺賦詩從容談笑之閒而人自輸服於片言之下西臺無敢議而大理失其評若於刑部無足爲者然吾以是知夫鬱之久者發必達而挫抑齟齬於前者紫峯文集 卷之六 序 三

贈郡守洞陽顧公述職序

明年己丑春天下諸侯當入覲述職吾泉大守錫山洞陽顧公將行維時寒霜澄潭清風載道泉大夫士民咸驚且喜喜謂公茲行當不次超擢驚則慮其擢任地方不復來澤吾土也吾縣尹錢侯世材來索贈言余拙不文不能盡述公之善政善教惟畧舉大槩言之曰昔宋王梅溪之守吾泉也宴諸邑令有詩曰九重宵旰愛民深令尹宜懷撫守心眞西山守泉到任謝表有曰撫摩瘡痍冀邦人生意之復還培溉本根爲聖朝元氣之一助余嘗爲公誦之公竦然歎曰紫峯文集 卷之六 序 三七

我思二賢實獲我心朝夕勤勤尋舊考跡必爲二賢之所爲不爲一賢之所不爲未久而政通人和公謂泉民易治如此宜鎮之以安靜輕刑省事與民休息民有訟而無甚利害關繫者則諭止之使退而講睦而堂下清寧不聞有疾痛之聲而尤慎於獄嘗謂天神天明照知四方飛霜不雨古有明鑑奚可信一偏之言陷人於非辜而不爲之致審乎或者謂公過於仁宜少濟之以義公聞之曰豈亦有稂莠害吾嘉穀者乎有則來白吾其懲之不少貸於是民愈愛且畏此可以知公之政矣其教諸多士也則曰務先行實

勿專文詞而爲文必根於理 習中之實得真見而
平易以發之期於達意而已凡四時考校有文若此
者悉列高等於是諸生皆知所尚今秋省試吾一郡
登榜者二十八人其善教又如此夫百川萬流同歸
于海善政善教同歸于仁公登清源紫帽二山之絕
頂以望東海之大而爲仁焉必求以似之吾人安得
不蒙其休澤也公行矣人皆登山望海思公於去後
不知公亦回首顧盼而有清源紫帽之懷乎

春江四詠序

前歲宦寓金陵有客來自吾泉者問之曰貳守李春
紫峯文集 卷之六 序 二十六

江何如答曰郡人皆愛之余謂今之從政者能使人
不嫉而仇之斯已難矣况能使人愛乎疑之而未信
迨以病告歸見鄉人之談及春江者舉欣欣然曰是
真春江也於是始信客言之不我欺因賦春江詩數
十首且簡談數語序其所以爲春江者繼後諸賢士
大夫又作春江四詠要皆愛之贊之且願望之也而
李竹坡王一臞爲之序一臞大發夫春江竹坡備詳
夫四詠意達辭暢美矣盡矣而秀才某輩又欲得余
一言余不能新奇高古惟質實以應之曰班君所言
平平陽公之考下下彼卑猥瑣細惟利是營者固不

足以及此而震雷掣電淒風慘雨使人驚憂而莫之
敢近者亦烏足以識此民心至神有憾斯應仁義未
嘗不利豈有愛人而人不之愛者乎車擔還租課殿
復最豈有愛民如子而民反以通租累父母者乎人
有疾痛必呼父母故郡縣之官民以父母稱之然則
西銘一書安可不朝夕玩味而視民如傷四字又安
可不大書而置之座隅也耶未去而人稱頌將去而
人願畱旣去而人思慕惟能愛人者得之觀春江四
詠可以見人心之公而春江平日之所以爲民父母
者可知矣雖然父母愛子之心無所不至而不肖頑
童不可以仁愛懷者又當以義濟仁徵色發聲喻之
而不悛則嚴加箠楚以威之而又不悛則審真按法
必誅無赦俾稂莠不害于嘉穀而吾之愛得以滂沛
而四達此則仁之大全也豪強漁獵於白晝盜賊縱
橫於暮夜吏卒弄法於訟庭槩以驕子待之而不忍
傷如此而曰愛人猶未也愚聞春江嘗歷歷發此意
以示人因其言以考其實乃知吾春江之能愛人也
四詠之中於廉潔之贊爲多廉豈足以盡春江哉必
曰能愛人而人愛之則於春江其庶矣乎

贈陳德芳通判台州府序

余素有山水之好凡吾閩中山水佳處未嘗無餘跡也而猶以爲所觀不人思欲盡天下之名山大川以窮夫人之不能到處而亦未之能焉然而天下之巍然而高蒼然而秀淵然而停浩然而流可以振衣濯纓而脫人間之汚濁可以逃名遠遊而使人莫知其所以去留者則亦未嘗一日不會吾几席之下也然則謂余無得夫山水之趣而惟癖於所嗜是豈知余者哉莆田陳君德芳以乙榜進士司訓鉤庠秩滿謁選銓曹得台之通判將行問贈言於余曰願詳示我所以作判者余曰君以經術指授羣弟子毫分縷析見無全牛是能教人矣兩典秋試文衡搥石撥沙務得金玉是能取人矣鈞守闕當道檄君視印破壅決滯案無畱牘吏胥驚服以爲若老於作守者是又能治人矣所謂儒而不迂通經而適於用者君其人也使得專城當有顯績爲判而特理糧儲則固不足以盡君之能也而余又將奚贈乎惟是天台赤城丹霞玉霄幽邃清絕東南言山水者莫加焉余嘗羽飛神遊於依稀夢寐之間而未得身親歷之今君茲行得以盡收其勝於會計之暇以豁胸中之亂慮滯志而遐想夫了翁古靈二先生在台時之遺風逸韻而

思與之齊俾台之人歛衽而稱曰閩中之際何多君子也是不亦甚可快哉若徒區區於簿書錢穀之末以如限滿數爲爲判之能則非余之所以望吾德芳也

贈黃汝爲序

自昔聖賢言命或以理言或以氣言而以氣言者又有所稟所值之不同術家以人生之年月日時五行之生尅制化逆定夫人之吉凶禍福余不以爲然謂其不自夫有生之初論也然間有甚驗不爽者豈其亦以氣之所值者言歟南京右軍都督府經歷莆田黃君汝爲嘗與余言有談命者謂吾歲入辛巳當左遷外補余曰君以鄉薦榜首進士高第選州守而遷今官士論稱屈行當不次顯擢又安得有是哉而今果有南安通判之調將行余從吾鄉諸大夫往餞之汝爲執余手大笑曰術者言命之中也何如余乃信是術之精於陰陽五行而凡言命者又必兼夫氣之所值也或謂君子行有不得當反求諸己不可以言命余謂汝爲文章政事操守動履凡百君子無敢瑕疵使或人品向上望汝爲而升其堂者其於仕途偃蹇如此猶且歸諸命而况於汝爲乎雖然亦未可盡

歸諸命也知有理而不知有勢厭時俗而不厭迂闊但據吾心之所可否而不恤夫人之有愛憎此所謂能方而不能圓也居今之世往來于仕途開一以方行之何異驅弊車羸馬而行蜀道乎故余亦願汝爲用圓濟方於人情之無害乎天理者亦稍順而通焉則吾未信夫所值之命之能窮吾汝爲也於是汝爲又大笑引觴滿酌朗誦韓昌黎送窮文三遍而別

贈興化府節推鍾侯考績詩序

文章高下與政通觀人之文而不知其政粗於文者也卽其政之施爲建立而不能窺其文之高下則亦

紫峯文集

卷之六 序

四十二

不善觀人之政而其於政也亦拙矣文章政事雖若兩途然號曰能詩能文而不能達之於政則亦詩人之詩文人之文而已非文之至也於政畧有可觀而其發諸言筆諸書者無取焉則亦俗吏之辛勤於簿書律例之間小廉曲謹以塞責一時者耳置之廟堂之上舉天下國家而屬之宰而期之以掀天揭地之宏功偉業其將能乎伊周孔孟姑未暇論諸葛孔明之治蜀其精密嚴恕亦爲政之式也而出師二表與伊訓說命相表裏而後世之言文者莫加焉賈傳陸宣公美於文矣使當時皆惟其言之用則其政亦漢

紫峯文集

卷之六 序

四十三

唐之所未有也觀相如詞賦之華知其決無立政之實考元凱功業之陋知其於春秋傳解必無輿論妙理故文章當觀其深而政事要論其大淺近言之則二者判爲兩途矣蓋作文立政皆當以識爲先而識則本於學術疎陋則識見淺近而於文與政兩無一得嶺南順德鍾侯某以辛未進士來節推興化斥芥小試而當道者皆才之而旁郡疑獄之不易決者皆委決焉予聞之竊意侯必進士中之有文者去年秋侯以公事到吾泉吾晉江司訓霍君廷獻侯鄉貢同年友也得侯所爲詩若干篇出以示余且談侯平日之文甚詳余因歎曰名下無虛士信乎有政績者必文而天下之事果非淺學寡識者之所能辦也茲將以三載考績于京霍君作卷賦詩諸廣文及吾泉士夫之能詩者皆詩以贈其行而屬余序之余惟先儒有言人惟不學便老而衰然則學能強壯于人也今侯以三十之年而其學與識之著於政與文者已如此則亦壯之甚矣然以余心而占有志之士侯之向壯殆未已也自茲學與位益進識與名益高而發揮之於政事文章者益大大丈夫真壯士視世之所謂黑頭爲公者顏貌一何懼乎余言當有徵試書

之以俟來日

紫峯陳先生文集卷之六終

卷之六 序

四十四

紫峯陳先生文集卷之七

官保淨峯張 岳選稿

中憲槐江丁自申原刊

序十三首

贈葉仕堯尹新興序

吾郡同安葉君仕堯爲餘干令僅九月以憂去服闋謁選仍其官于肇慶之新興吾鄉大夫士之在京者僉謂余曰官惟令爲最勞令必勞而後稱葉君舊有先人之田廬可耕可休可以琴書優游而其性又廉潔無求恐其薄然不屑于勞或有時浩然而不可留

紫峯文集

卷之七 序

也子宜激其言以壯之余謂君之才實適于用也令餘干不數月而令行禁止無敢崛巖以壅其惠澤者嘗有監司按部大張威福以挫諸令及見君則爲改容溫詞非才能得此乎夫人而有才譬若騏驎然苟不試之以逞其追風逐電之足而終歲閑之于槽櫪雖使一食盡粟數石彼亦何嘗以旣飽且逸爲足以憐其心也然則天下之豪傑俊才豈有過勞而輒引避者乎若余則實庸駑爲祿仕之故不得已而俛就羈束而頑鈍蹇澁鞭策不前雖往來應酬進趨俯仰亦以爲甚勞不克堪每遇北風塵起則思欲臨流

濯纓而猶未能飄然即去始信夫人之強弱通拙其有不同而才之限自天者果不可強之而使有也然而諸葛武侯又有言曰非學無以廣才則才雖得於天而成之亦未嘗不由夫人吾聞葉君之伯祖恒庵公尊考介庵公皆嘗爲令而又皆有政聲家庭問答莫非敦學則固宜君之有是才也以君之才正欲得盤根錯節以爲之勞若新興則民淳事簡無可勞者雖然能如宓子之彈琴而理則雖不勞亦足以自見矣母曰僻靜簡逸不足以出吾才也

贈陳朝譽尹臨安序

紫峯文集

卷之七 序

二

吾同年陳君朝舉見之者皆喜其爲人無忌毀之者蓋朝譽接人禮甚謙無敢慢雖役使卑切亦與以和悅或大拂其意亦稍怒而終不加以峻責以故人皆喜其恭且順余亦甚愛之然而不知其介也一日過余論古今人物凡在位有守者槩在許可之列否則置之以爲不足數余曰某也明某也斷某也勤某事但惜其酣於利不克自拔耳不爾亦有用之才也朝譽粲然作色曰廉吏國之元氣也斯人之耗元氣也已甚吾恨不得借孔道輔擊蛇之笏當衆摧之于庭以爲世戒而君子猶言及其才何也余於是始知朝

譽之介過人遠甚不特其恭順足稱也去歲冬臨安令報闕吏部以朝譽註擬及得請余賀之曰臨安之民何幸得茲尹也意以其爲人甚宜于民政績當顯在朝夕不待去後而始見思也而朝譽顧甚難之曰直不能發吏之姦拙不能獲上之悅訥不能文己之過凡此皆非守官者之利也而吾有之吾敢必吾績之最在三年之後乎而子以爲賀是未知爲令者之難也余解之曰人各有能有不能君之所能者恭順廉介也其所不能者智巧辯佞也以君所能固無難於一令以君所不能雖與適道可也而况於爲令乎

紫峯文集

卷之七 序

三

孔子謂人之木訥者近仁而臨安在浙之會其俗必多華少實尤宜近仁者之導而化之也而君乃自以所不能者爲不足余則願君違俗以堅守所不能庶乎所能者與之永存而不移於晚則亦何官不可爲也朝譽笑曰吾何知吾不能者之亦在子所取哉子其命我矣於是吾鄉諸君子因其行而屬余次第其言以送之

贈梁東之尹常熟序

凡爲政皆難而爲邑令又難而爲巨邑之令又大難朝廷於難令巨邑多以進士爲之以進士爲時所重

而爲進士者亦知所以自重也知所以自重則知所以自治知所以自治則知所以治人然則進士之於天下若無難爲之邑矣而梁君東之獨其難之曰見利則卻見義則前吾輩有志者皆能之也惟是財賦之廣徭役之衆獄訟之繁吏胥之陽變陰施豪姦之神出鬼沒在吾上者或有難於事在吾下者或有難於使寮案吾同官縉紳吾同類其性質不能皆同而或有難於處若可罪也而實在所恕若可慢也而實在所恭依憑城社理所不能喻法所不能制力所不能禦若宜急於痛懲也而實在所忍如此之類亦紛

紫峯文集

卷之七 序

四

然多端吾據直而不知所以爲婉按古而不知所以準今信已而不知所以取人或剛或柔或寬或猛或明或晦執其偏焉而不知所以時出以故心公而事或過當節苦而民不蒙恩本欲興利而反速得害本欲去小人而反不見容于君子惟善用兵者則有正有奇能勇能怯而善爲政者則用心小而用知圓也輪扁斲輪不失之疾而亦不失之徐庖丁解牛既知其族而又知其虛則力不勞氣不損而功亦不虧知此說者之於令也其庶矣乎而謂進士無難爲之邑可乎余聞東之斯言乃知東之實吾同年中之最達

者也或謂其直而任情或謂其英而作氣或謂其公而寡合皆非知吾東之者也以余觀之其才足以濟事其量足以廣才而其識又足以引量外而州縣內而臺諫隨所用之無不可者然則常熟雖號東南巨邑果足以難吾東之乎行見東之之言之有徵矣故於其別也序其言以爲之贈

賀朱墨溪得獎勸序

天員地方三百六十五度四分度之一日月星辰溫涼寒暑往來屈伸皆有常度而莫或有改焉者員未嘗不方也生長收藏異時水火金木異用酸苦甘辛

紫峯文集

卷之七 序

五

鹹異味變化錯出而各適夫人之宜高可忝而下可稍無不宜焉方未嘗不員也人與天地相似人品有高下而方員有大小然必二者得兼未有不兼而見其可者也而談道好古之士每謂人之素履寧方毋員無亦以員則通而或同於俗方雖迂而不失其正乎故士多欲方以方爲無失也踰垣以避諸侯爲宰而辭九百嗟之亟去而謝之不食非失於方乎官條例之司不以爲已浼寬伸約之誅不以爲失刑必員而後能也如珠走盤員亦何害突梯婉孌員云乎哉樂清墨溪朱先生元可以辛未乙榜來掌吾晉江教

事教不專以舉業而一時學者皆知所趨向謂擢大
科躋膺仕不足以盡人而人之爲人尚更有大焉者
然閒亦有病其繩墨太嚴節行過苦謂宜少濟以員
者余初聞時亦儒而迂之久乃得其所爲歌詩若
千篇讀之則又見其和易明白若皦日破煙而林巒
失翳若春風動物而花草生香使人有望而親之之
意然獨鶴摩空不能伍羣雞而爭一飽亦微見於咨
嗟詠歎之餘無惑乎驟見者之駭其目也色笑得親
又歷三載相忘爾我間亦自不知吾墨溪果方乎員
乎前督學憲副今大方伯四明姚公今督學憲副萬
紫峯文集 卷之七 序 六

安劉公皆知有墨溪而時嘖嘖於藩臬諸公之前者
其知之以學乎守乎方乎員乎抑方而且員乎吾皆
不得而知也今年秋巡按侍御山陰張公移文八閩
獎勸有司之賢者能者采衆論舉常典也而墨溪與
焉夫榜稱龍虎不必其人之皆神而文門盡桃李不
必其人之皆華而實什得一二則選之者獲伯樂之
稱而借選者有附驥之榮然則茲舉也可賀固自有
在而在吾墨溪則賀可也不賀亦可也他日有知者
試之使盡出其胸中之規矩以成就其方員之大焉
自當有作先天大圖寓方員尚大之意爲墨溪賀者

母曰世無長杠巨筆也

贈朱墨溪先生尹增城序

樂清墨溪朱先生元可人中之賢者也余愚且訥不
能爲過情之譽至論及墨溪則稱之曰廉潔可以激
貪仁厚可以敦薄真素可以入誠恬退可以止競而
又耽書若炙好賢若渴達有深識而洒無俗韻此數
若能得其一二已足爲賢况兼而有之乎人謂墨溪
不長是妬賢也夫人心有天見賢未必皆妬而人物
異品遇賢未必能知墨溪雖賢而知之者誰也或謂
墨溪家于溫而溫人妬之宦于泉而泉人妬之而好
紫峯文集 卷之七 序 七

之者又皆非世俗人也謂人皆不之知可乎余曰人
固有知之者而或知之未盡自謂知之盡者而又不
在當路而凡在當路者則皆未之知也或謂墨溪掌
教吾晉江當路者獎勸之又舉而旌異之則固有知
之者矣余曰知而舉之而僅得爲增城令可謂知吾
墨溪者乎墨溪之可取者固多而位之所宜居者亦
多若作令則恐非其宜以其宜于民而不宜于上也
必獲上而後可以治民見怒則懼聞喜則諛望塵則
拜有欲則與倉皇其趨便捷其語此居今獲上之道
也而墨溪能之乎鬢未老而先皤腰未折而己痛對

清源紫帽而終日長吟憶天台雁蕩而乘風欲去此
豈宜於爲令者哉而用之爲令吾固謂當路者之未
知墨溪也雖然以趙清獻之賢而猶幾失夫周茂叔
而竟不之失焉可見知已難遇而亦未嘗無知已也
今世或有清獻夫人皆可爲茂叔墨溪其勉之哉

贈張淨峰先生尹英德序

吾泉惠安張淨峰先生以宏治甲子領鄉薦遊太學
正德庚辰謁選得令于詔之英德適其子維喬以行
人言事謫官南都先生便道視之將別余從吾鄉諸
大夫攜酒往餞維時秋深氣嚴見籬邊叢菊傲寒作
紫峯文集 卷之七 序 八

妾惕然有故園就荒之想因語先生曰北風淒涼如
此而吾尚依依于此不能去豈金陵佳麗之地亦足
以繫平生寂寞者之心耶先生笑曰子嘗讀書亦知
有學爲已而仕爲人之說乎于斯之時花黃草青而
生意猶未盡絕者何也以書生從政猶知所以爲人
也若吾輩盡賦歸去則將百萬牛羊而牧之以豺虎
乎余乃作而歎曰壯哉斯言英德之民何多福也於
是諸大夫屬余爲序以贈余謂先生尊翁亦以明經
領薦孝友著稱而先生述之以不墜可謂能子矣維
喬進修力師古人先生猶恐其溺於文而時易之曰

勿事枝葉務求本根教子而期之以遠大如此可謂
能父矣能爲人子而又能爲人父而獨不能爲人牧
乎然則所謂學爲已而仕爲人者先生非苟知之而
亦非苟言之也而余又將奚言以贈耶昔人贈言不
以頌而以規余贈先生當不以規而以頌而口訥才
拙不克頌焉雖然攀轅於欲去之時畱棠於旣去之
後必有英德士民代余爲先生頌者矣

贈柴侯仲和序

永春大尹臨海柴侯仲和以賢能之聲動吾八閩觀
風使者旌獎重疊今巡按侍御簡公又加旌獎其邑
紫峯文集 卷之七 序 九

民之良者某輩十數人坐山谷間共談侯前教榮陽
及宰閩今宰永春美政善行百餘事俾善書者大書
特書集爲一卷併黃蓮峯王一臞贈侯序稿二大篇
奉來余館再拜請言以賀余取而閱之歎曰美矣盡
矣又將何言哉然嘗聞侯不喜談兵人或以整兵平
寇之功爲之賀則慨然不樂曰吾平日所學所得豈
專在此耶夫俎豆之事則嘗聞軍旅之事未之學是
固然矣而以戰陳無勇爲非孝此又何說也諸葛武
侯可興禮樂而八陣一圖鮮有能得其妙者范希文
示橫渠以中庸而胷中甲兵能使西賊破膽行師戰

神之法防戍斥埃之要程明道亦不究知然則儒者何嘗以兵爲諱哉蓋學有本末識有大小得其本而見其大本之身而施之政則錢穀甲兵何者非吾分內乎不得其本而惟孫吳之說是務固儒者之所不取也當今以程文取士士之由科舉入官者奉公守法要以如式而止一聞有警則魄喪膽落蹙蹙退避自非有學有識理明氣充之士肯奮然率先爲吾民爭一旦之命哉雖然亦有說也設官分職文武異途如是而養之則當如是而用之今則所用非所養所養非所用以區區緣林之健兒出入于數郡之閒

紫峯文集

卷之七 序

十

所過流毒慘不可言當路者多方設畫五六年閒不能使靖乃今始一稱快而冒犯鋒鏑斬殺捕獲不在夫衛民之兵而在夫養兵之民發號施令勇往直前不在夫世祿世官專職操練之武夫而在夫廉靜寡欲績文著書之縣尹夫安得令人不發憤于彼而牽羊執幣以賀于此也耶而柴侯乃不欲人言及之吾不知其何見也因邑民之請遂書此以問之

贈楊君一純序

泉屬邑有七惟晉江附郡治爲大且劇正德己卯秋晉江令沈君當入覲通守郭裕庵先生以楊君一純

令永春有聲白于常道檄君假令晉江君以永春之民戀戀不已釋而性又素喜僻靜欲捨晉江以去先生諭之曰吾聞而才而宜捨簡就煩勿求靜逸君乃畱未數月而民安事治門庭肅清若於令無足爲者然於是晉江大夫士僉謂裕庵有知人之明而君能不負所知屬余一言以贈余惟君永之零陵人也柳州在永時極言永中山水之美余每思欲一遊而未之及既而復疑之曰文人之詞多誇楚越閒山水其美未必若是然而人物之生實係山水君非得夫山水之秀者乎河東薛存義嘗假令零陵訟平賦均

紫峯文集

卷之七 序

十一

不虛取民之直至今姓字炳在柳州之文君非覽斯文而興起者乎余於是始知夫文人之描山畫水固有真的而吏爲民役亦古人文中垂訓之格言也君其勗哉毋有厥善毋怠厥終當有雄文大筆如柳州者贈君以垂不朽而疎拙如余者言將焉用也耶君其勗哉

贈錢立齋述職序

晉江大尹山陰立齋先生將入覲吾鄰鄉善良耆老數十人偕吾族中好秀才陳某輩捧清源佳茗一大器來紫峯書館中再拜且言曰錢公眞吾邑民之父

毋也屈指從前歷數如北大人君子者有幾人哉也
目顯擢以去不知復有人能繼之者乎用恩而不爲
姑息用法而不爲刻深嚴抑豪強而人無侵奪痛懲
盜賊而人得安眠不聰察爲訐而不害其爲明不矯
激拒人而不害其爲潔宰縣若此高坐牧愛之堂亦
可以無泰矣願求數言以贈余應之曰吾知吾立齋
舊矣嘗觀其經義論策亦見其胸中所蘊之大槩今
爲政而設施可人其亦不負所學矣乎方其蒞任之
初人皆曰浙江解元連登進士而年且甚少吾懼其
驕也驕則輕忽而流於慢又懼其銳也銳則退速而

紫峯文集

卷之七

序

七

流於怠而今則見其接人甚恭應事甚勤畧不見其
慢與怠是固天資之美而其得於學者亦多矣人其
可以無學乎哉有學則有識有識則有養有養則人
爲好人而居官則爲好官隨所居而無不宜豈特一
邑令而已哉爲邑令而赫然有聲及至入而爲臺爲
諫出而爲藩爲臬又高而爲公爲卿則舉前日之美
而盡棄之者無學無識故也如此者不盡然也閒亦
有之也爲世俗言也非敢爲立齋勉也人物如立齋
者尚待區區之勉哉今年進於舊年明年進於今年
後年又進明年進進不已是則吾立齋先生也於是

方耆老僉喜曰是可以爲我公贈遂書以爲贈行

贈陳君伯玉受獎勸序

南寧古邕陳君伯玉由鄉進士教諭興國五載陞永
春令未幾巡按侍御榮加獎勸邑之民僉喜曰獎勸
一何公也蓋有官不宜民而偏宜于上官者公論之
不明也久矣見獎如君之無愧色也難矣山川有靈
民心有知在任得民而民喜陞任離民而民思官其
可以聲音笑貌爲哉典尉豐城李邦平來索贈言且
歷叙君之宜于民者數條皆洒然可聽也余近亦聞

紫峯文集

卷之七

序

七

君之爲人而邦平諸兄昔日與余有同寅之好不可
辭遂書之又歌曰永春之山高立壁山下清溪光的
的主人正坐溪山間看水看山滌胸臆胸無塵乃見
真四時序新又新千紅萬紫春無際誰識東風是故
人

贈判簿鄧君序

晉江吾泉屬邑之易治者也而治之者難焉不善治
晉江者也相地者謂吾泉城中地甚坦夷由城南出
數十里大抵亦土平而水紆而或火石焰發焉則亦
必得平土爲之下維而又寒澗遠迎清溝前映其燥

然猛厲之氣悉受節制而不獲肆行以故居民得之則爲順爲與而膽粗氣豪者百無一二而又無危巖遠峒之可以憑藉據依雖或強梁無賴而治之者稍公且斷則亦縮首屏伏無敢崛岉不賓焉宏治之癸亥甲子是邑主簿大肆其虐于民民率受之而莫敢與抗夫其易虐如此而謂其不易治不亦誣乎正德戊辰南昌鄧君繼至悉改廢前簿之繩墨一以易治治之而或者又病其過於慈有子產水火之喻焉君曰如此則柔道皆不足以爲理乎人各有能有不能殘民以立威非吾所能也今歲饑當道諸公遣店閱

紫峯文集

卷之七

序

十四

視君嚴實報云饑甚當免全征旣以失實坐罪又欲進謁諸公細叩以拯饑之策而分拘勢隔竟不白焉君退愴愴然不樂以語其子德馨曰二月賣絲日忍心頭之痛宮中飛雪誰知外邊之寒吾爲民役受其直而不得事其事事之不如人意有如此而今始信高士之不肯爲是官也吾姑黽勉數月以俟來歲秋滿決去就孺子之亭雲卿之屢彭澤之樽其亦已待吾久矣吾亦焉往而不適吾真耶邑庠黃子時鍾聞之具以告余且曰君存心愛物而竟不得一有所濟何也余曰必有濟也寬一分則民受一分之賜况西

者數年間蒲鞭靜而馬骨高比前之筮楚書讀而苞苴夜行則君之濟人參贊譬如養生然餓飯困眠冬裘夏葛終歲泊然無奇方峻補以爲膚革之盈若不見有養也然自飲藥遇壽者視之則其得養不已豐乎黃曰濟人者有後由先生斯言卜之則君之後必有高大其門者矣今日屋矮而來日門高濟人者尚亦有利哉余以黃之言爲善頌因命史記之預爲君九載秩滿之贈

贈徐恕軒教諭從化序

造化清靈粹美之氣始發西北而漸盛于東南如水

紫峯文集

卷之七

序

十五

之行自高而下大江以南之地荆楚吳越高於甌閩而嶺南百粵又處吾閩越之下故自唐以來閩中人物之盛比江浙爲差緩而廣之人物則迨今日而始駸駸入閩昔人謂南士不可作相信然則范文正李忠定張曲江諸賢皆宜屏居閒散而大儒如周濂溪朱晦庵真西山輩亦皆不堪經綸調燮之任乎何地無賢惟賢則皆可用岐南北而二之者不知元氣潛移默轉槃執秦漢以前之風氣論吾江南人也然博學寡要多文少實本根微而枝葉盛邇來南方之士大抵居多蓋氣之所至鍾爲英雄豪傑或不得已焉

而時出其道德才能之餘以成文章豪傑相望挺生而文章之美亦不容以一二數膾炙當時輝耀後世中才之士得於見聞竊其餘而遺其本慕其華采絢爛之可以彷彿而不知其無本之不可以傳加以科舉掄選外此無復他途故鄉里子弟稍工筆硯卽軒然老大視其父兄師長若不足爲恭而有司之無識者又從而驚嘆以爲奇而進寵之以盛滿其浮氣而玷累其成材其或資之近道才之可用而木訥焉不能以文自見則皆尋常視之無一爲之出者矣此風俗之所以不淳而時士之有益於世若布帛菽粟之

紫峯文集

卷之七

序

十六

可以禦寒濟饑者亦甚寡蓋教之失道作之無術舉南北而皆病也豈特南方爲然余每靜思竊嘆謂或得國之柄決不可專用程文設科宜責有司以實德異才之薦計其所薦之真僞多寡以當績效之有無而爲之黜陟漢唐以來詩人文士間或有善飭躬有功及物則爲選錄其詩文之美者而廣行之浮侈如司馬長卿失節如楊子雲阿比如柳子厚偏執已見流毒生民如王介甫凡若此輩悉取其書火之勿傳使天下後世知空言無實之不足恃而人不皆尚言末俗其有謬乎吾泉庠司訓錢塘徐君恕軒能詩而

不專工能文而不刻琢之以求其文之麗淳謹而和易淵靜而簡默怯於近利而廉於取名望其器宇威儀儼然一近古君子也余方厭世俗文勝之弊喜得見夫尚實而不務外者與之處每於吾儕中盛稱恕軒之不可少而庠序中之不可無斯人諸生方將倚之以爲儀式而今乃有廣東從化學諭之擢豈其實聲遠馳而當道中亦知有吾恕軒者乎將行其門生某輩來索余贈言余以恕軒浙人也分教吾閩今又將掌教于廣故以元氣之運自高而下豪傑之生富德而不專富文者爲之贈蓋將勵恕軒以益進其實

紫峯文集

卷之七

序

十七

使力率夫廣之人士求取所謂真豪傑者與歸無逐世俗好尚之流以負一時氣運之盛云

贈司訓鄭石潭序

常山石潭鄭先生用弘司訓吾泉甚爲諸生敬仰余聞而往會之觀其談經論史則正冠整容模範儼然至飲酒賦詩則舉杯淋漓拍檻舒嘯而豪氣出焉閒得一二佳句高聲朗誦以問余曰擲地能作金聲乎抑亦瓦缶之鳴也余曰先生之詩若有默然相助者乃笑曰石潭助我也遂盡出其瓦缶集且盛稱其石潭之勝曰潭底鋪美石潭上出奇石山蒼蒼以映

潭水活活而匯潭魚之遊於潭者甚樂鳥之泛於潭者忘機幽花野草錯雜於潭之涯天光雲影徘徊於潭之中石潭主人對潭敲句則潭心微動而潭色益清風颯颯兮爲潭渙文月紛紛兮爲潭生白於是筆鋒帶雨硯水起雲而吾之肺肝出矣此石潭之所以助我者也予其爲我記之余拙不文命族弟讓代筆讓石潭門生也不敢辭畧叙其大槩亦斐然可觀方覽記文未畢石潭忽來告別曰吾將歸矣吾不能爲升斗之祿僕僕然于塵埃之中當道諸公及學諸生挽而留我決不可予知我者可無一言見贈乃再拜

紫峯文集

卷之七

序

十八

其亦有取於此歟由此言之則茲潭也當永爲鄭氏子孫進德修業之助矣豈特可以助詩人而發其氣槩之清哉

贈司訓徐盟松序

永春司訓常山徐君盟松余舊聞其名而未之識面其門弟子蔡文輩數人謁余言曰吾師徐盟松先生君子路上人也凡學中士子無不愛而敬之敢請一言以贈先生自謂讀書遲入仕遲得子遲凡事皆遲故取遲遲淵畔之意號盟松余曰此謙詞也非其取號本意也大尹柴侯雪松偶來會亦道盟松之美余

紫峯文集

卷之七

序

十九

信乎其有得於松而無負歲寒之約矣然吾又聞盟
松勤於讀書作文不開時日不廢燈火果有諸則亦
甚無益夫學在養心不在多讀書而讀書亦當從容
玩味求其要之所在以爲養心之法不可喜作文又
況老來精力非少壯時比宜思所以收蓄之尚可役
志於外勞苦筆硯以傷有限之神哉閉門靜坐守眞
保和至於一室盡虛萬籟俱寂無思無爲而怡怡熙
熙此其樂何可量也知此而撫松盤桓當見松之凌
霜傲雪鬱鬱參天而荒崖僻澗皆生翠色矣於是諸
上子喜曰紫峯道人之於松亦可謂知之盡而愛之
紫峯文集 卷之七 序 二十

送項原孝分教武城序

項原孝在吾晉江大以科舉文字爲諸大夫重後生
初學聞其有作必多方借求期於必得則金玉靳
惜秘焉而不出以傳然其爲人朴而少華靜而寡言
退而若怯邇而卽之無奇也余初亦易之及與余同
領庚午鄉薦始以同年來往得見其論策一二知其
胸中有蘊不敢易矣甲戌又與余同會試下第歸同
舟得倒其篋笥而盡出之有易義千餘篇篇篇皆出

已筆無蹈襲其大旨奧義則祖吾蔡虛齋所論著者
而次第發之微而顯曲而中約而能完豐而不剩乾
端坤倪神機鬼秘搜索抉摘殆欲盡泄無隱情焉余
於是知原孝所蘊甚富愈加愛厚而不敢易以爲進
士及第自其囊中物也而今春之試復不能得而竟
得分教于武城乃知顯晦遲速有數縻定人固不能
轉移于其閒也不爾則以原孝平日專精之文炯炯
逼余何物主司乃敢爾置耶余意原孝自是必且戚
戚作怨尤聲而原孝來見余語且笑若平常余飲以
酒方六七行起拍闌干歌浩浩歌聲調響亮清壯若
紫峯文集 卷之七 序 三

贈府掾周邦憲還三山序

甚意滿志得者今而後余之畏愛于原孝者又不獨
以其文也教非文不達文非氣不振颯然而秋又溫
然而春雷霆霹靂風雨冥迷又忽焉而天朗氣清可
憤可愕可喜可樂萬變到前吾其任之而不失吾之
浩然嗚呼此不可與他人道之惟吾原孝可也
忠信重祿所以待士士不可以利誘也待士而必以
祿之重豈故誘之以利歟蓋其不稼不穡而不重其
祿以爲之需則俯仰之閒將何以爲孝慈苦心稿形
而勞之以經國濟民之任如之何其克堪也故洪範

曰既富方穀言必富之俾有爲善之資而後可責之以善也三代待士之禮尚矣至漢而猶未薄漢之郡守稱二千石今之作郡者一歲實俸之入幾何郎官而下益又薄矣原國家制祿之意豈不欲待士之厚哉念官多祿厚則民必就窮薄官所以厚民也然位卑祿薄至於貧乏不能存而非義一介不肯以取諸人必人品在中人之上者乃能之世惟中才之士最多而品之下者亦不爲少此楊伯起之卻金所以最爲當今之美談而冰檠狗名之夫亦庶士中之未易得者夫士讀聖賢之書而以希聖希賢爲事士而入

紫峯文集

卷之七 序

三

爲難哉以無所資而廉則亦難矣能人所難非善士乎他日計勞得官執所難而不變孤琴隻鶴清聲白羽人之望之而不以善士稱邦憲者吾不信也邦憲其勉之

壽武翁制師序

南京地官郎中新城李君孔音入余寓館中備道其鄉人趙大器之言於余若曰莒州沂水武翁制師家世業儒曾祖槩祖相繼入仕而翰林學士監察御史之二叔父則又仕宦中之最顯者也父義民以能讀書善訓誨著聲則不仕而亦顯者也子章質美好學與族中之彥十餘人俱遊邑庠志決科第是將來之顯蓋未艾也若論翁之爲人則固無意於名之顯者矣以人生爲大夢以富貴爲緇塵浴沂風雩童冠與俱晴雲秋月塵埃不到觀其時時閉關習靜若恐其名之或顯而思所以逃之者焉然其敬士下賢輕財務施是蓋人士之所共喜而名譽之所必歸亦烏得而不顯耶以故七旬旣居賀客填門長篇大章昭耀堂宇此固孔子所謂仁者壽而亦孟子所謂仁則榮也歟某也無似粗通章句曾辱翁家塾之聘以教其子之所謂章者今喜見翁榮壽如此故不遠千里而

紫峯文集

卷之七 序

三

來特借地卿之重敬干陳紫峯一言將奉歸以爲翁
壽余疑大器斯言贊翁之美或過實以不文辭之而
李君爲請不已且言大器嘗讀儒書遊邑庠非俗士
也幸勿拒余謂君固僕所敬愛者大器既見與於君
則其言必可信其言可信則武翁其仁人矣乎嗚呼
仁豈易言哉雖然以全體言仁則仁固不易但舉其
存心制行之善而大槩言之則天下未嘗無仁人也
樂恬退而不慕顯名喜施與而不殖貨利此豈非仁
中事乎仁而榮且壽固其理也然人生以百歲爲期
而鮮有能滿是期者翁今之年已踰古稀則已壽矣

紫峯文集

卷之七

序

三

及八望九而幾于百則更壽矣日月如流供開口之
笑於二三十年之閒特瞬息耳烏足以爲翁壽惟是
追念平生之善而愈積之我有餘則必散人有急則
必關寧人負我毋我負人若然則餘慶及其後昆好
爵引而不替槐蔭魏國桂發燕山又豈百年之所能
限哉於是李君喜曰斯固大器所以壽翁之意也遂
書之以爲序

壽談翁文明序

金陵龍江之西有翁談文明以嘉靖元年壽登八十
適遇朝廷推恩榮加冠帶其子廷獻拜求士大夫之

文爲翁壽禮部楊君宗喬已有作矣又欲得余一言
余未有以應也而道人王東谷於余有舊來爲之請
甚勤且曰翁家素裕身素康而今則又榮蓋壽而享
多福者也余問其爲人答曰坦易無心余謂是固翁
之所以壽且福也夫人以心爲主烏得冥然無心謂
無機心也心有動靜烏得寂然無機謂無惡機也機
有善惡乎機心萌而鷗鳥飛此惡而不可有者也其
嗜欲深者其天機淺此善而不可無者也是二機者
迭爲消長而不能兩立此深則彼淺此有則彼無也
翁深所無其無所不可有者乎無所不可有之機而
何以能壽蓋是機必智巧辯佞而後成爲之亦甚勞
也勞則不壽矣爲機將以中人而遂已之欲不如所
欲則拂鬱無聊亦甚憂也憂則不壽矣且我以機待
人人亦以機應我一遇勅敵則反中而得奇禍又何
壽之云假使幸而得壽而一生憂虞勞苦以終其身
亦不可以言福也無機之人昭昭白日坦坦大道饑
則食而渴則飲寢無夢而覺無憂明無人非幽無鬼
責怡然天壤之閒自謂義皇上人人而如斯雖不甚
壽而亦福也况必得其壽而且康榮乎此吾所以喜
翁之爲人而謂其致有今日者非偶然而占之來日

紫峯文集

卷之七

序

三

者尚未艾也東谷曰吾聞無機心之謂善未聞無機心之謂福既聞無機心者之所以福而又聞無機心者之所以壽然則人可自賊其心乎哉余曰吾茲所云亦爾道人之所當知也抖擻俗塵灰滅世慮恬淡寂寞豈容有機故曰神仙之忌有三而陰險居其一焉東谷笑曰此固道人之所當知而亦談翁平日之所以見取於道人者也以此壽翁足矣於是乎書

壽方矯亭先生序

嘉靖元年春二月廿二日實南京吏部文選正郎矯亭方先生時舉五十三之誕辰同寅諸君各攜酒至

紫峯文集

卷之七 序

五

矯亭亭下爲先生壽以余辱與寅末而役之以言余作而言曰先生以矯名亭則必得其壽之意寓焉夫天下之理莫非自然矯則逆而不順其自然矣不順自然而何以云壽以其順非所順故矯而逆之使順也忠臣愛君屢進逆耳之言而良醫治病亦曷嘗專用夫適口之藥然則有意於長生久視者其可不知所以自矯也哉是故挽回高古而振起夫八代之衰者韓昌黎氏之矯也而文允萬丈將與日月齊明變化氣質而全備夫四氣之和者呂東萊氏之矯也而道脉無窮直與天地同久古人善矯而永其壽也類

若此至若王氏介甫亦竊知夫壽之出於矯也而不善矯焉以祖宗法度爲弊政而矯之使新以諸賢節行爲流俗而矯之使苦然而至今之人猶知有王介甫或譏笑而怒罵之者將久久而未衰是其不善矯而亦壽也今觀吾矯亭先生以涵養溫厚之氣出其俊偉雅健之文而施其平易愷悌之政至於時世風流習俗好尚固不苟與之同亦未嘗槩指以爲流俗而必與之異是蓋深得夫矯之之善而於其不善矯而亦壽者固所不屑爲矣雖然能矯固得遐齡善矯亦須勇力世固有能自克於未壽之先而改移於既

紫峯文集

卷之七 序

五

壽之日者以壯老異力也始而克終老而益壯如蘧伯玉行年五十而知四十九年之非行年六十而六十化衛武公年九十五而猶日誦抑詩以自警是又壽而能矯者也夫其善矯而獲壽者可以爲先生今日之頌其既壽而能矯者亦可以爲先生他日之勉不知先生以爲何如於是同寅諸君僉曰斯固先生亭以矯名之意也遂書之以爲壽矯亭方先生序

壽胡卷石先生序

今年壬午滇南胡卷石先生年五十八適遇嘉靖改元大推恩典先生偕配黎安人俱以子原學地官主

事之貴受封毋趙孺人年七十八且康疆無恙先生
錦衣登堂稱觴拜舞爲母壽而原學於余爲同年友
屬余遙致一言爲先生壽余聞先生尊甫達齋公舉
成化戊子令蜀之華陽有聲先生舉宏治甲子掌教
蜀之嘉榮又有聲原學以正德丁丑進士居今官又
大有聲父子祖孫珪璋聞望亦人閒之不多得者哉
吾雖未識先生而實知有原學溫厚文雅年少老成
而有爲有守不苟同異此豈無自而然耶然則先生
之爲人固可占知而達齋公之所以啓佑後人者亦
可槩見矣夫天下人才不係類而挺生無所待而興

紫峯文集

卷之七

序

三

起者固多有之然君子觀人尚論其世亦自可信而
不誣也抑吾又聞達齋公作令將六載未老而棄官
歸先生掌教滿九載時年方五十亦以母老不復仕
杜門終日詩史自娛此其恬退清脫豈下古人特官
不尊而用不顯耳世之人已足不足可止不止鐘鳴
漏盡而猶夜行不休其視先生父子爲何如人哉而
謂原學之美一無所自其可乎然則原學今日固在
重慶之下而先生今日猶具慶也何者卷石克類達
齋固未亡也古人以父母俱存爲最樂又以父作子
述爲無憂若吾卷石先生可以無憂矣論養生者以

忘憂獨念怡神悅心爲要訣由此言之先生之壽有
必然者矣雖然生年滿百壽之至也而至人達士以
旦暮視之則所得亦幾何哉於是又有至妙無窮之
說焉先生得是說而默會之則一真在我而此生不
虛一日可以當百歲而視彼尋常百歲之生真若蜉
蝣之寄夫天地也若然則先生卷石其介石乎其亦
南山不騫之石乎

壽陳微庵先生序

湘江之水來亦遠哉萬山發源百川合流望望向東
以爲茲水也大海自東湧潮入港滾滾北來而與之

紫峯文集

卷之七

序

三

會而紫帽羅裳青陽白石諸峯巍峩森列立于前而
輝映之龍溪陳埭後林下村諸少小之鄉又環抱而
拱護之野田紆平潮田深積東風送和而春苗綠西
風獻爽而秋稻黃幽人逍遙拄杖自遠以望湘江無
不欣愛稱賞以爲奇秀不可及然自宋以來之居是
鄉者悉湮晦無聞元延祐閒吾始祖碧溪公始於此
而稍出其聲色故老傳聞皆謂宜有積善之慶然碑
銘表贊及其自著亦遺落無考豈其自謂身隱而焉
用文耶抑亦人以其隱而弗之錄耶吾不得而知也
自碧溪公而下閱五六世其閒讀書續文者實多其

人又皆潛隱弗耀豈居是鄉者皆以隱爲高耶吾亦不得而知也宏治壬子高州太守洪載公始以春秋之學魁鄉薦遂登癸丑進士第歷禮部兵部以至高州其文章政事人得而稱之矣豈涵江之鍾奇鬱秀至是而始一發邪微庵先生洪璧於太守公爲從弟其文學之雅則太守公之所深器者大司成虛齋蔡公亦加愛重蓋其平日刻苦工夫專在於易而於太極圖象同契人所難讀之書務鑽研而入其奧文必以理爲主詩亦據理而不事虛浮故其庵以微名而後學亦皆稱之曰微庵先生而微庵自謂則曰吾勤

紫峯文集

卷之七 序

三

學到老而不得行其志布衣疏食安於草茅之下此吾微以名庵之意也豈敢竊窺古昔聖賢之所謂元微者哉其知微庵者則曰此其所以爲微也無得於義理之元而能恬然安於貧賤而不願乎其外哉不待究其胸中之蘊而可知其微矣其不知微庵者則亦以爲疑其知者又爲之解曰涵江陳氏遊庠序有聲者若干人及諸後生初學數子無問其學識淺深槩以遠大自負談文說詩傲睨宇宙至於繭絲牛毛未易解悟之處亦必進而質諸微庵相與毫分縷析於一庵之中退而充然若各有得者而謂微庵不微

是豈知微者哉由此言之則謂微庵無得於涵江山水之秀是又烏足與言地理之微哉然則茲鄉之名又由微庵一出而繼茲以出者將多多而不窮也微庵之生以甲申正月三十日今又甲申則花甲之週而復始也宗族兄弟子姪其稱觴爲壽而屬琛以言琛謂人得山川之秀氣者心靈明宜顯出得其氣之厚者身康強宜永年吾觀微庵以今茲之年筋力全無恙語聲鏗鏘而雙瞳炯然是秀而且厚也厥子之秀與宗族諸姪孫之秀者微庵尚當長睂白鬚久立于涵江之上多賀其克成也於是春酒各酣頌聲齊

紫峯文集

卷之七 序

三

作卽命史書吾言以爲壽微庵先生序

壽蘇朴齋先生序

太守蘇伯忠余鄉同年友也其兄伯載又余眷而友者也丙戌一陽來復余邀族中諸秀才泛舟至滌溪門外而伯載伯忠與其故人李才通皆來會余酌酒勸伯載伯忠飲二友辭曰家翁今年七十又一矣願得足下一言爲壽則吾兄弟不飲亦醉余拙不能文取酒酌半酣歌曰萬里東風拂面來菊花未了梅花開生生一望春無際積善之家亦快哉於是伯載酌酒拜曰乞再歌歌曰西來東向水潺潺莫向家聲問

水源端的源頭吾不語崑崙杳藹出微端於是伯忠
酌酒拜曰肯爲舍弟伯超伯秀一頌乎又從而爲之
歌曰新種溪蓮應有香兩涯蘭芷與溪長老翁更喜
春無恙拄杖時時入醉鄉於是才通及吾族中人皆
大喜分付舟子熱爐燒酒詠東坡前赤壁賦以歸

賀田均州治壽木序

術者謂均州田太守景玉骨堅神爽而聲吐清亮當
得上壽人皆不之然謂氣之溫厚者壽均州常自負
其豪傑是有英氣人也或因問於余曰均州果豪傑
乎余曰年方半百而豫營百歲後之具不諱言死是
以死爲無足畏也蘇子瞻論人物以談笑就死爲雄
然則均州甚壽不甚壽未可知而亦不可以爲非人
傑也或曰豫欲死者多得生如韓昌黎屬其姪以瘴
江之收而畢竟無恙焉由此言之則均州之爲是具
蓋欲求不死也余曰人皆有死而獨欲不死亦難矣
雖然能知四十九年之非而修身以俟死則夕死可
矣而况無非無責不殆不辱又誰能使之速死耶大
世之人皆不欲速死然其於幽靜閒逸之趣未有實
得以故漏盡而行猶忙地偏而心不遠是皆未知所
以生死者若吾均州則素有得于是矣吾亦以是卜

均州之壽尚未涯也余暇日坐日休亭中偶得句云
時刻閒中永天機靜處深請誦此以爲均州壽

紫峯陳先生文集卷之八

官保淨峯張 岳選稿

中憲槐江丁白申原刊

記

朱文公祠堂記

永春大尹臨海柴侯鑣新建朱文公祠堂且以書來告曰爲政而不知重教化作人才吏之俗者也鑣無似頗有志於古學而未之能而亦豈肯甘心下同于俗哉來吏茲土已四年餘心長才短未能使民各得樂生兼阨於游寇之侵日嚴武備故於文事未暇及

紫峯文集

卷之八 記

今幸寇靜人和乃率諸生願瞻廟學病其地之不美且棟宇舊將就頽議徙建于白馬山之原而吾朱文公過化永春有詩在誌可考也宜有專祠去縣治三里許地名流灣山環水遶鬱有佳氣前尹毀淫祠貨其地于民以充公費今贖之建祠以祀文公中爲正堂正堂之南爲大門北爲講堂其東樓扁曰識風西樓扁曰同月取文公詩語以寓意也外此則爲號房爲社學凡二十四間先事以白于提學邵公銳分巡會公鵬皆曰可遂命鑣董其役而徐司訓衡亦相與着力經始于嘉靖四年臘間之望落成于五年季春

之吉敢請執事爲之記竊惟孔子集羣聖之大成而

朱子則集諸儒之大成以發明夫子者也學者口誦其書心惟其義眞實爲已刻苦加功繭絲牛毛析之極其精而不亂天高海濶合之盡其大而無餘斯可以知夫朱子者矣知朱子則知孔子矣知孔子則知天知天則知所以事天而學者之能事畢矣而近日士大夫以豪傑自許者由訓詁以識字由文章以著名由科舉以進身顧乃張大其言曰不談科舉不習訓詁不作文章而後可以言道然則文公亦廢此三者乎顧人之志向何如耳訓詁所以明義文章所以達意而科舉則學成而見諸用也初何妨於道學哉滯於字義而不得其會通溺於浮文而不根於道理逐逐焉以爵祿繫心而不思曰吾將以行吾之所學也如此則於道爲有妨而於學爲無用而豈聖賢著書立言以教人之本意哉讀聖賢之書而得其所以教我者之意孜孜求道而至於聞道焉則視傳註爲糟粕可也章分句解以啓迪後人亦可也白賁反本朴若野人可也無意於文不得已而文出焉亦可也隨時科舉以行乎富貴可也不樂科舉泊然而安於貧賤亦可也夫讀書而至於聞道又焉往而不可

紫峯文集

卷之八 記

二

誠患書多而讀之不得其要乃謂文公著述太繁多
言障道而引許魯齋欲焚書及陳白沙以輪扁爲真
儒之說顯肆譏排間摘其一二未定之見痛詆于師
友之間而自謂朱子之忠臣而不知其爲不孝子也
義理無窮人各有見分更分漏亦安能一一與人皆
合善讀者融而會之則千流萬派同歸于海矣手舞
足蹈於焚膏繼晷之餘嗒爾忘言於千言萬語之內
於是始知文公有罔極之恩而書可以無焚而魯齋
之所欲焚者非文公之書乃文公之書之蠹也永春
在萬山中山水秀麗風氣完密濟濟多士喜讀書而
紫峯文集

卷之八

記

三

無外慕必有聞道而知恩者其亦念柴侯今日作興
之勤倡率策勵以求其所謂集大成者而反之於身
也已

碧溪陳公祠堂記

碧溪公名若濟字汝舟碧溪其別號也鄉人以其有
德不敢名字之但稱曰碧溪公公之先世居青陽山
元延祐間始來居涵江至宏治間因公之故居重建
此祠公舊設田租四十石永爲祭祀之費又租一千
石分與四子今之子孫衣食皆公之餘也六世孫高
州太守應時念其積德之盛爲族人勸勉以堪輿風

水之說忌於祠前洋田中填塞蓋屋遮蔽紫帽羅裳
諸峯又忌於堂兩旁開門出入褻慢神明命七世孫
琛作門外聯句曰子孝孫慈百世芝蘭滿室山光水
色四時青紫迎門猶以爲未盡也更題堂前兩柱曰
寸地畱耕勝似義田萬頃滿堂燕笑皆由忍字百餘
太守與族之好秀才僉喜曰是頌先德且規後人也
語少意盡宜記之至嘉靖丙戌歲乃刻石以永傳

石泉記

同年玉山詹君汝約與余同官刑部嘗因暇揖余備
道其尊翁之所以取號石泉者曰吾家之居有山山
紫峯文集

卷之八

記

四

多巨石石下有泉數湧合流爲溪遠居之南折而西
去吾翁每耕讀之暇則沿流尋源據石嘯歌欣然若
有所會又構小樓數楹而時登臨覽觀焉子其爲我
記之將寓歸以爲翁壽余謂古今天下惟山林幽隱
之士得福爲最多蓋其身無累而心無憂非若汲汲
於富貴者得失俱患而終年不能開口一笑也然則
何樂如之夫人生而樂又何福如之然而山林泉石
未嘗絕人而人之卽山以居者未必皆能樂也樂在
我非有待于外使在我者不見有可樂則見夫林麓
周遮泉石迴抱若將囚我使不得出而況能有所樂

即昔嚴君平遯世不求聞達而猶托於卜筮以惠人
與人子言依於孝與人臣言依於忠身雖遯世而其
心實未嘗忘世也此其遠見高識而豈世之淺淺者
所能窺哉夫必有所識而後有所樂想其閉肆下簾
蕭然環堵之間而所見無非泉石者豈必據巉巖聽
潺湲而始以爲快耶余於石泉翁未及接其言論而
測其中之淺深然卽其知汝約之清介不凡而教之
以讀書從政且時以靜已澤物爲之箴此亦君平未
能果於忘世之意而其胸中之識諒必有過人者矣
故吾亦信其真有所樂而斷然直許其爲天下之多
紫峯文集 卷之八 記 五

福人也汝約喜謂余斯言若甚知翁而深得其趣之
寓於石泉者遂屬余書之以爲記

東園記

東園者滿城容齋南君退休之所也君初爲博興縣
丞遷判潞州再遷令崞縣所至卽大書清慎勤三字
榜于公署指謂其僚曰願相與勗之以故至今猶有
聲傳于山之東西焉方其在崞也值逆宦竊柄凡不
以賄入者皆不得安其官君嘆曰入賄而官先失勁
氣矣何以肅吏惠民耶卽引疾歸就居室之東開舊
園之蕪結書屋數椽於園之南環屋樹以竹木花卉

生意泛溢無間四時君日徜徉于中撫景嘯歌盎然
發和若不知夫春之有時而老也君之于仁夫實與
余進士同年又同官刑部因爲余道君出處之詳如
此且屬爲記之余方怪夫世之仕者眷戀簪纓一出
不返突梯以諸世好龍斷以足已欲忍垢蒙汚而竟
不能奠一席以自可而君何爲獨能脫然而安於其
所謂東園者豈君之胸次果有以異於人乎然吾觀
仁夫俊卓越拔動輒向上蓋必有自來而其語言喜
實決不肯爲溢美以誣其翁也乃爲記之而又爲之
歌曰噫氣西來動九垓褒衣博帶盡塵埃誰云古人
紫峯文集 卷之八 記 六

不可見還有陶翁歸去來歸去來今園已荒青春爲

我更迴光園中獨樂無知已慷慨樽前欲發狂欲狂
不狂愁轉深排愁依舊是孤斟莫驚海上清淺水且
聽林閒快活吟

松澗記

同年友選部謝君宗文別號松澗余問其所以取號
之意君曰吾家先世植松數株于門外已歷二百餘
年而其間一株亭亭獨異真若詩人所謂影搖千尺
龍蛇動聲撼半天風雨寒者吾甚愛之而時嘯咏其
下癸亥夏忽爲暴雷震拔以枯前此有鄉人嘗夢以

是松贈與我者意此其祥乎同遊諸友因以一松見號且頌之以詩明年甲子果領鄉薦而禮闈之試乃屢不偶至丁丑而始得第時年已過強仕矣怪其遲也因取遲遲澗畔之言而易一松之號爲松澗子知我者幸爲我記之余作而歎曰元氣之生物有限天心之愛人亦至夫人物之生均一氣也磅礴鬱積爲力亦難彼此剷除不能兩大故吾泉人之諺有曰荔枝盛紅稼穡爲空蓋言地力有限不能以多及也而韓昌黎氏亦言千尋名材不能獨當衡山之靈而疑其有魁奇材德之人生其閒而卒未之見焉然則君既卓然誕生則余固已卜此異松之下無復千歲之苓矣豈待震雷迭與而後知此異松之美之存君也耶於戲微哉工師一顧翦伐以行僅得備巨室一梁一棟之用而松之所庇者幾人奪是松之美而萃之於君他日挽而登之於廟堂之上設施措置出其方寸之木使天下寒士皆得坐庇萬閒歡笑解顏而有風雨不動之安豈不亦甚可快哉而謂造物者以松與君初無心於天下之人焉殆未可也而其所以若是遲遲者何哉夫松柏之備棟梁也亦必數百年而後可而况於人中之松望之遠而責之重而可使之

紫峯文集

卷之八

記

七

速就斤斧乎此又可見天心愛人之至而冥冥中之所以培植君者甚不淺也君曰吾子所言是或一道而實未得吾所以取號之意也剛直不撓之氣晚暮不衰之節用舍由人而於已無與此則松之至美而吾取之以自勵者乎盍以此言之余曰固知松澗之意之在此也然而匠石寡逢邱山愁重歎大才之難用憐躁進之徒爲松澗亦未必無是意也松澗笑曰豈其然乎於是合吾二人者之說作松澗記

北山記

地官員外郎張君履謙知余素愛山因揖余言曰吾

紫峯文集

卷之八

記

八

沂州有山曰神峯甚高且大而以神見名者豈以其神異特出不與培塿爲類乎抑亦以其神氣所鍾時出異人乎吾甚愛之而不敢取其美名以爲號然吾居在茲峯之陽而峯則儼然特出于北故吾自號北山以致仰止之意子其爲我記之幸勿以好高見哂也余曰君其有志乎哉夫峯固有神而山亦貴北君能北山則亦可以神峯矣蓋山之峻極者爲神峯而人之至妙者爲神人神人卽聖人也人皆可以爲聖人而顏孟猶聖人之亞也士者語及則曰我豈敢爲顏孟哉夫顏孟固未易爲也然前輩有以韓退之期

王介甫者而介甫荅之以詩曰他日若能爲孟子終身何敢望韓公以介甫偏僻固蔽之資而其向上猶若此而吾輩乃退然不敢出一有志之言何哉此履謙之北山所以爲可取也試以北山言之天下之至靜者莫如山而方之北則爲時之冬蓋陰之極而靜之至也夫學須靜也能靜則能動矣靜之所造有淺深則動之所中有多寡而全無得於靜者一步不可行也此理莫備於易之艮北山卽艮背也蓋艮之象爲山而人之背則靜止于身之北者也艮背則靜定而動亦定矣余故曰能北山則能神峯者此也然則

紫峯文集

卷之八

記

九

履謙遠大之志何如哉而其自謂熟味孟子夜氣一章深有所得而不能以告人者其信然矣抑吾又聞履謙才雄氣克由進士尹桐城守汝州以至地官凡所在而名山之雲雨興焉物之蒙其澤者長養而爲東山之春暢茂而爲南山之夏此豈無本而然耶然則北山之學亦既有徵也矣而吾又願其望山及巔登山無倦使凡有識者與之曰張北山學山而亦至于山焉此則區區願學北山之誠而亦北山屬余作記之意也因併書之

劍溪草堂記

延平之溪曰劍溪世傳以爲豐城寶劍於此化龍因以名焉鄭君守靜居劍溪之上因號劍溪居士且以扁其讀書之堂曰劍溪草堂或曰君固善用劍者爲給事中而言論斬斬無所顧避是非利害奮然當之其有取於劍也固宜或曰溪水清明瑩徹塵埃不到鑒照萬類妍媸莫逃君有劍而用之之當則其有取於溪也亦宜或又有曰君之劍溪豈特驗於今日之爲言官耶方其以進士尹潛山及南昌威禁惡人而使之知所懲澤潤善人而使之知所勸廉潔果敢人無後言則其爲劍溪也亦已久矣余應之曰是皆見

紫峯文集

卷之八

記

十

吾劍溪之外耳而實未得其所以爲劍溪者也蓋萬事皆由一心而處人先須求己天下之可喜可欲可悲可愕足以昏惑人之心志者何限固有氣雄九軍力蓋一世而不能自制其心者制心之難甚於降龍伏虎以程伯子渾然天成之資而見獵於十數年之後猶不覺有喜心焉然則造道成德之學亦豈易言哉雖然不可以不勉也夫如及於心之謂忍遇敵戰勝之謂克忍性克己勇不畏難必如是而後可以言能劍也能忍於此而不能忍於彼今日克之而明日從之則亦盡棄前功矣持之以悠久行之以無倦如

川之流不舍晝夜不至于海不已焉必如是而後可以言劒溪也劒溪取號之意其秉不在於是耶抑吾又聞劒溪草堂密邇李延平先生書院君能致高山之仰終日靜坐觀於喜怒哀樂未發之時作何氣象而得其所謂水壺秋月者斯則真劒溪矣他日劒溪之名將由君之草堂以顯且傳而太阿龍泉之變化寧足以動人之牙頰乎於是劒溪謂余斯言有相規者因書之以爲劒溪草堂記

隘軒記

人之一身最微也而是心之主於身者爲最大日月

紫峯文集

卷之八 記

十一

星辰之照耀皇王帝霸之鋪舒陰陽鬼神之盛衰草木花實之盈悴自人物之所始窮天地之所終與夫區處人物之方經緯天地之具靡不有以究其理而極其所以然然則人心之大又豈有外乎哉有外之心皆人之自限而非其本然也先儒有言開之恢然見四海閉之闇然不睹垣墻之裏心本大而或限於小者奈何亦曰開之而已耳開之而猶未見其大焉是開之未至也譬之遊者徘徊邱山之麓瞻玩溪澗之流雲煙杳靄魚鳥往來非無見也而壯夫達士不取以爲適必進而據萬仞之峯臨萬里之流俯崗巒

之拱揖望涯涘之混涵蕩乎若解脫纏縛飄乎若將乘風馭氣以遊於六合之外於是始快然自適蓋其遊必至是始足以窮其興而發其胸中之浩然然則學者之所以開廓其心其亦若壯夫達士之登臨眺望焉可也少有得而遽足焉是及山麓而玩溪澗也其所見幾何蓋心大則百物皆通而所見之拘於隘者則不足以語於大矣郭生太常勤學好問將以開其心而使之大者也而乃以隘名其所居之軒無亦知隘之不足以盡其心將朝夕顧之以自奮歟抑別有取於隘也或謂生質方而氣狷人之可者與之其

紫峯文集

卷之八 記

十二

不可者則深嫉之至見於辭色亦時爲人所不容而退以爲悔故因以隘其軒而思所以改之也余謂是乃伯夷之隘君子之所不免郭生之隘果出於此固亦未害若又肯轉移而施之則尤美矣蓋恕可以待人而不可以待己寬可以容義理而不可以容邪穢彼此轉移而施之得其當則靈臺湛虛而萬理出矣是其隘也適所以爲大也又何隘之患乎余惟患生爲隘之不力也

一寄軒記

吾臬別駕姑蘇郭裕庵先生於涖政之暇就其公署

東偏構小軒數楹爲遊息之所而名之曰一寄公餘
退坐靜而觀之大塊并包混闢無窮有以見夫天地
爲萬形攸寄之祖焉婉變矣弁百年一瞬又有以見
夫吾身之寄夫天地者焉浮塵簸風倏來忽往又有
以見夫功名富貴之寄夫吾身者焉瀟灑淡泊無慕
無營視世之人多方務求而必欲得之者若不足以
滿其一唾况肯寒裳濡足而與之爭哉然則寄之爲
言亦有志於爲君子者之所宜知而先生之以寄名
軒其思致亦遠矣或曰晉祖老莊動稱逆旅過客放
曠風流遺落世事寄寄儒者務實之談歟余應之曰

紫峯文集

卷之八 記

十三

莊周荒唐固未得寄之深彼營窟執籌之徒口清心
濁亦烏知夫周之寄也排難解紛而飄然不爲商賈
如魯仲連者則深有得於其所謂寄矣今觀吾裕庵
先生寄一寄之軒而不爲一寄之政利必娶其所終
害必原其所始革舊創新憂深慮遠未嘗有苟且欲
速之意而何寄之云雖然世味塞胸而軀殼重焉則
亦安能忘已以及人哉是先生之寄乃其所以能爲
不寄者也他日寄聲高舉攀轅莫畱則茲軒也固爲
先生之暫寄而甘棠在軒不翦不伐又將爲先生之
久寄而後人之來寄于軒又豈無感發興起而思所

以續寄者乎然則一寄之軒實吾泉人寄託之大者
也余不佞爲作一寄軒記

新修晉江南路記

起自八里亭歷土岸東山棘巷新亭洋坂涵江陳埭
海岸龜湖塘頭曲折四十餘里僻在海涯非官府往
來之衝以故蕞塞泥滑岸傾石墜大潦而舟無可渡
陰雨而馬不敢行人甚苦之而難於修整而海岸之
整爲尤難乙酉秋余以詩白于太守高侯越曰武侯
治西蜀道路皆整新爲政務精密千載仰斯人江路
怨泥滑山路苦荆榛咨諏勞太守歡喜動泉民高侯

紫峯文集

卷之八 記

十四

答曰吾將之京矣二守李侯攝政于興化而節推張
侯掌府事當代吾勞張侯慨然以爲已責選召好義
能事之民喻之以善事好爲戒之以公事勿怠趨事
者必賞梗事者有懲隨地起工勸人助財其費財少
而費工多而海岸之費則甚多閱八月餘而事畢行
人欣便李侯美曰役民而民忘其勞且不自有其勞
而歸勞於我盛德君子也何可以無頌余於是喜而
爲之歌曰百里崎嶇困馬蹄擔夫未暮問雞樓春江
一笑路如砥多少鷗鷀不敢啼又歌曰石岸迢迢入
海低東山棘巷草萋迷砂平石穩江如練應有行人

說鳳溪李侯名緝號春江江西餘千人張侯名心號鳳溪浙江餘姚人

紫峯文集

卷之八

記

五

紫峯陳先生文集卷之八

紫峯陳先生文集卷之九

書

荅潮陽蕭秀才書

官保淨峯張岳選稿
中憲槐江丁自申原刊

去歲冬以小事牽不得常相與以窺足下胸中之自得處及至自福州而足下又以迫於歲暮行矣有孤遠來殊覺惆悵所抄去易經四書淺說皆從遊朋友私記大槩亦未足以盡區區管中之見况傳抄不無訛字遺句足下忙間今書手草草想魯魚亥豕當益甚文理滯礙徒貽盛邑諸賢笑耳僕短於記誦平日讀書獨觀大意得其意則雖文辭章句之出於古人者亦時忘之至於科場時作則固不暇觀矣故朋友中有以舉業文字相索皆非知僕者也然亦不敢自謂不曉舉業也閒有以經義論策見訪稍爲之去取亦皆笑曰幾得其會通矣然欲就區區之困廩而傾倒之則又無片紙隻藁可以贈炙于時蓋雖知之而不樂爲故也以足下之聰明稍加工力欲竿欲瑟無不可者又何用不遠千里而小叩之於僕耶徒勞徒勞辱惠絹盛价堅不肯攜去不得已受之槩之於義

紫峯文集

卷之九

書

一

不能無小愧也論語下淺說館中諸友方記錄未畢
藁下經淺說亦欲爲諸友筆削未完倘得完亮亦無
益於足下之醬醃也道遠何由一話爲慰天氣向熱
惟冀順時自愛寄去小書二冊粗帕二方將意病後
氣倦不能一一

寄秋官正郎黃孟偉書

別後情懷可知無庸更言濃淡矣六月中見令弟仲
偉道足下有書寄到得知平安爲慰又聞來人所稱
蒞政有新聲殊覺理致起予比向歲文論見示又爲
加實矣古人不以仕廢學剖決紛瑣之暇亮必卻律
紫峯文集 卷之九 書 二

例而前經史以養道心德意而時出其意於法律拘
束之外雖官以秋名而春固自在也大都金陵舊稱
佳麗登龍盤虎踞足以發豪見朱雀烏衣亦能生感
江風進清淮月與明條然寵辱忘而繫吝去然則可
以養心而陰益其能於政者豈必專在書哉謀野而
獲理固然也前日部書到府催完監事甚急謂不
二月閒當得與足下相見而竟以路費不充不果行
未知後會又在何日仲偉在提學處考送入邑庠近
來開元寺舊館問余課業觀其所作皆斐然可讀且
志亦甚篤駸駸然若有欲難其兄之意私以有弟爲

足下喜也尊堂俱康樂足紓遠想有便煩示以監中
信息何如不知明年八九月方到能無害否行人催
忙不及一一

與張克軒大尹書

仁生理也庭草交翠陽之動也此濂溪先生作圖之
本也故萬物得所謂之春一夫失所謂不足以盡仁
伊尹周公之相天下冀黃卓魯之治郡縣貽芳傳美
于汗青而不能使之朽者非有他道也完養其方寸
閒之生生者耳執事治吾晉江三載始則人畏中則
人敬今則燕畏敬而且甚愛者蓋向也以義濟仁得

紫峯文集

卷之九 書 三

子產水弱火烈之喻今則陽春和煦抽萬木萌芽於
嚴霜凍雪之餘也斯道也非深有活潑于內者其孰
能窺吾執事之際哉然堂府深嚴雲樹掩映外邊之
寒亦有不盡知者敢恃愛一達敝都有六里陂上承
九十九溪之水下潤數萬餘畝之田躍金沈璧則萬
姓嘯歌赤地滔天則一方憔悴其所繫蓋不小也舊
時官設陂夫計有四十二名夜則行巡溪潦江湖晝
則補砌長溜巨岸衝冒風雨出沒波濤其勞亦云甚
矣故小民中稍有智力能趨避者多方逃走不就此
役其受役者皆丁力貧寡昏懦無告之人也蓋其爲

役甚勞而又有三年之久夫以至愚極困之民當最勞甚久之役已爲可哀而該圖里老之奸猾者又欲要其酒食之盛然後爲之呈稟准役不爾則雖有明文下帖亦無由上達于父母之庭盡棄前功復編新役欲告訴則口澁舌頑見吏胥則魂驚膽落徒爾呼號天地默說艱難無可奈何典其風日不蔽之茅甚不得已鬻其乳哺將成之子此皆目見實亦動情匪有希圖爲之解釋伏惟興哀於無用之地垂德於不報之所不曰編排已定務使枯槁復回則豈惟召伯之棠百年春茂行將見燕山之桂五折秋香

紫峯文集

卷之九

書

四

與張大尹子伯喬書

辱示松石遺稿讀之胸中洒然不覺沈疴之去體也絲布厚貺若將以周其急卽付鄰家典米若干此一月可以無饑矣感感尊翁大人執事想膺多福邇者政聲洋溢士民間轉毀爲譽信乎至公可以服人而德之流行速於置郵而傳命也更望虛心忘勢博訪周詢因民之所利而興之因民之所病而去之不勞力不費財收民心於艱難困苦之中集事功於文法簿書之外此區區素欲獻于執事者之微芹有所待而未敢輕瀆受足下過愛率爾及之云

與友人書

物數之理有乘除命途之運有順逆吉凶悔吝吉一也而凶悔吝居其三焉吾兄自初至壯皆處順境此固達者之日夜兢兢而思欲減損退抑以讓人之時也而愈欲經營以圖厚益可乎自古及今未有皆利而無害全福而無禍者也蓋有之矣不多見也然禍福相爲倚伏古之英雄豪傑進德於逆意之境而收功於困敗之餘者何限顧人之立志何如耳爲吾兄今日之計惟有平忿忍辱講和息爭勿計利之得失勿恤人之非笑閉門省事發憤讀書使學業成就於一二年之間則今日之辱實爲後日之福也若曰此怨未報無復面目接人而憤憤鬱鬱必欲報之於旬月之間此世俗之見非智者之謀也衛文公越句踐張子房韓淮陰何嘗不能忍哉必有忍其乃有濟必能怯然後能勇此惟謀深慮遠心志大眼目高者知之吾兄以爲何如

答朱墨溪書

詩入懋軒最易陳也足下之作畧無秀才頭巾何也豈崎嶇峻道自不能窘蹶耶惜無九方臯耳勿論青黃牝牡也鴻濛句亦可用關關雎鳩前輩亦嘗言

紫峯文集

卷之九

書

五

其不必有自...佳詠若是其少意者尤
物不可使多出人間...湖邊舊隱序未及卽謝
與黃純玉太守書

去歲秋有自吾鄉來僕詢之得知南征高旆已映畫
錦量日計程則端溪此時正當濃添雨露而唇焦口
燥久思涓滴者想不待遙望梅嶺而已大慰渴心矣
豈邦伯易爲而僕爲是言哉蓋爲邦伯固難而爲邑
則甚難執事爲甚難於初試之時已不見其難則
今日爲稍易於更事之後當愈見其易矣僕以此占
端溪之民之易蒙休澤也執事毋謂僕何從而知之
紫峯文集 卷之九 書 六

也山寺燈窓同風其雨者餘五六年僕之知執事亦
豈待今日哉飛黃蟾蜍之隔自乙丑至丁丑而始得
一會僕私自幸以爲或得駸駸浚恒而數惠我以鞭
策也而竟不能願焉年光滾滾真若奔湍我心匪石
亦安能忽然于朋舊會別之間耶僉憲王志潔想已
到貴治師生聚席論治叙情是又一大快也吾泉士
夫之宦于京者十有餘人不一年間悉外出獨得令
親蘇伯忠時相與慰解愁寂僕選次今在第三此月
取選當得備數有便幸勿吝誨言高要司訓鄉前輩
中君子人也亦時時在懷倘相見煩吃賤名致意

寓金臺青太守叔書

奉誨遠離已周二載何日月之易邁也偶羈仕籍便
不自由追惟舊日常侍左右與兄弟清談之樂可多
得哉去歲十二月滌樓丈到拜領惠書得知家族大
小俱安甚慰且出所示迎牌佳句以誇一二同年爲
歡今春吾泉亦有人到詢之知福履加豐又甚喜前
歲所營壽域量已畢工其庭中墻下受雨露處可多
植松檜花竹以玩晚景幽芳俾吾宗後人亦得坐席
餘蔭而指其樹曰此某公之棠也豈不亦榮且快哉
京中士大夫有知吾叔者咸謂良材有用不宜就老
紫峯文集 卷之九 書 七

于閒殊不知人間之樂山林占多平生之宦情野意
達人胸中亦素定矣祠堂內祭田無多須分付諸弟
姪之公勤者掌理之以費剩之租贖舊典之田贖完
亦可多積創增此事不勞心力但勿視以爲衆人之
事而稍加之意則誰敢無狀不服吾陳氏有涵江二
百餘年代運雖有興衰子孫雖有賢愚貧富然猶相
扶持聯屬不失儒雅舊家正以祠堂及祠田數畝猶
存而孰昭孰穆猶時時會序不敢廢也不然則幾何
不入于後林溪邊諸小鄉甘羣役而招衆侮哉此惟
識明慮遠者知之耳而族中一二猶欲微侵茲穀以

濟一時之急其所濟有幾而衆效羣尤漸就荒廢是猶竊勺水以潤枯葉而暗中自拔其根也祇速其枯而已矣吾叔滿腔惻隱而去思遺愛猶在夫人遇有自高州來者皆曰洪武以來守高者數十人賢如晉江陳公屈指未得三四也而不能畱之久任清議何在司用人者亦有責矣夫以吾叔之仁克推而沛之以澤一郡而畱其聲稱於既去之後如此則其仁吾一族俾族之人皆知報本追遠萃渙合疏以爲綿綿不墜之計者又豈待琛之贅語上瀆哉蓋習靜養高百念俱寂遇事瑣瑣若將浼予亦恐賢者或不能免

紫峯文集

卷之九

書

八

故恃素愛臨紙敢瀆莊元美榮歸謹此奉附惟冀順時將息永爲吾宗重鎮無懇懇之至

與巡撫臧公書

各處鈔關各自設法前後相襲謂之舊規若淮安則更紛冗瑣屑不能枚舉僕自領劄付時亦嘗細問諸同寅之舊爲是官者而寫記于簿乃出南京非待至此始輕信左右之惑而生事以擾民非徒擾民亦自擾也且雖有是舊規僕亦未嘗一一遵依臨時斟酌務寬分數如先告改剝者或收其半或收其三分之一告告艱難則亦全免但不來告而先自剝者則不

特收其半料而且有微罰矣若論王道之純則鈔關可以無設而洿池數畧亦豈仁者之所忍爲此所以古之學道君子不肯爲條例司官必盛德如程明道乃能不以爲浼而庸拙如區區者將如之何哉

與陳台峯郎中書

僕初到淮殊厭俗冗近日漸漸熟而安之亦自忘其勞矣日間不暇暫於燈下尋剔舊靈易經四書淺說乞鄭下以有十數秀才時於夜間來問疑字故也

簡張淨峯同年書

是月至日得拜九月九日貴翰甚喜甚喜其所以喜

紫峯文集

卷之九

書

九

者以前日有浮言或疑而未之信也曾與莊由矩鄭舜祥黃孟偉諸君議論卜吾兄夫有大福其浮言不足信蓋以作善降祥及積善餘慶之理斷也及得貴翰乃知區區亦善相人者可喜可喜尊甫先生近遭盛价送到俸餘已收領矣縱無此物亦不勞吾兄介慮而歛其識見議論及夫人以有心繩我之戒當終身誦之不忘

寓金陵與王石崗侍御書

晉江縣二十九都有灌田溝水名曰六里陂其實不止六里迂廻曲折有四十餘里也陂在本縣爲水利

之最大者其餘陂塘不能當其百分之一水旱荒歉民之飢飽官之徵科攸繫舊設陂首一名擇本都有恒產恒心兼有才幹人所推服者爲之一任三年不免差役陂夫四十二名多是下戶寡丁一役三年甚爲勞苦例於該年均徭內編排其他小陂塘不得比例緣此開陂有大小十餘所其開之大者有三曰六斗門有開六開水漲則開放流于海曰上福湄有開一開曰後坂湄有開二開水漲則開放流入于下溝下溝屬本縣二十七都里班會于後坂湄開之上約曰上溝水深直有一丈則放下一尺水深五尺則放

下五寸大率十分與一永爲定規蓋下溝短淺容受不多而灌溉亦無幾也近年下溝有一二豪民遇天旱則率衆執兇夜到關上用斧破開板鑰將關板盡底取起舡載去家上溝將涸猶不肯還及下溝容受不得則放下于海甚可惜也夫自爲民父母者言之則彼此皆赤子安有上溝多水而不分以與下溝但欲適均耳天作早意不豫密關而混漏洩惟恃上溝有水以爲無恐至上下俱涸乃謀力爭此何理也又瀕海鹹澗埭田其岸亦不豫先修整爲海水擊崩及岸旣補則大開埭閘多取溝水洗鹹而放下于海且

埭田多是豪家之產以故二家管水陂首皆不敢禁止又上溝六斗門閘於弘治年間曾被洪潦衝倒府縣委官起集丁夫千餘人費銀千餘兩修補五六年不得完密農夫困甚今觀後坂湄閘兩邊土石亦已傾墜若不先加修補一旦壞倒其害可勝言哉此皆爲陂首者之責也近年陂首以陂夫不齊又被姦惡告誣以故都民多不肯爲而願爲者又不可人意將如之何蓋陂首三年一換亦甚辛苦不有所利其誰肯爲倘爲此者能而且勤或早或水開閉不失其時則其於農也尚亦有利哉既能利人亦當使之自利

其於船隻木頭小稅及收成時丐取禾把亦是土俗舊例官府可定爲之限陂首不得多取挾怨不得妄告至於斗門崩壞海埭漏洩兩溝爭水或至殺人則責有攸歸而陂首亦不得辭其責矣若陂夫人數亦當照舊編排免其差役始肯向前受勞其保立陂首須得通都里老當官保結不得徇私大凡有職事者須得才幹之人辦之若徒謹厚或富豪不可也有才肯幹事不問貧富皆可未知何如因執事者周詢民瘼下及芻蕘故敢據事直叙不能以文又使節催忙不能盡所欲言尚容告歸面陳爲惠

與太守鄭思舜書

執事在畱都僕以寓館稍遠不得時常請益仙舟榮行又以賤疾不得奉離觴遠近落月滿梁徒切去後之思耳到溫不知何日盛德宜民僕亦不必問之於人而先已知其大槩矣溫之人何幸而得茲父母耶僕七月初二日考滿領文書出部初十日進本乞養病以八旬老母在堂也其考滿文書告投爲繳去京此月尾或九月初卽離金陵矣受氣不豐而才又疎拙與人寡合只林下獨居爲宜若拘以官守則嵇叔夜所謂麋鹿見羈則狂顧頓纓逾思長林而志在豐紫峯文集 卷之九 書 主

與南京吏部諸同寅書

別來將一年矣歲月催人徒增感慨追想向日同寅相與之樂可復得耶近日得信知松澗陞考功正郎文選則姜高二先生而吾王汝陳兄亦調考功德星會聚甚是一快惟疎庸無似自求閒散不得辱從諸賢之後爲愧歎耳三月盡時到寒舍見老母康寧如

舊私自欣慰賤體往時軟腳吐痰諸疾亦頗消除飯

亦頗能加餐但在途中冒雨得寒到家又不免應接勞倦遂成微瘧延及秋風作涼始稍稍平復然猶須靜默將息屏書閉目不親筆硯以故雙山鳳溪及陳聘之潘時雨諸公命作拙文有十餘篇未能具藁奉呈度亦不出今冬當勉強就篇數也石梁胸中不知尚有舊積否過雖賢者不免况區區如僕有失是處固在所當忘也邵子詩曰自從會得環中意閒氣胸中一點無或稱程明道平日未嘗見其有忿厲之容僕近日嘗書于壁而時觀之以爲進修之助但未保紫峯文集 卷之九 書 十三

簡潘僉憲書

凡庸狷隘果能如所願否惶惶愧愧行人催忙不能一一惟諸公順時自玉以膺大用是禱過州日叨荷厚禮兼聆謨言恭惟執事先生風味高古而激揚振作之氣又有出於案牘之外者殊慙企仰之懷也聲實在人大拜不遠敬以預賀生遠道積勞賤恙至今未祛有稽裁謝仰惟汪容之中尤希情原萬一耳亡師蔡虛齋書院事蔡克靜以前月念五日到家知執事雅念賢哲盛心特費經營之力矣古所謂身後知已殆不是過凡預門牆無不仰感萬萬

矧虛齋地下之靈與其子若姓哉異時記書院者生當謹呈實錄矣虛齋子存微應試行便先此申悃不盡感荷之私尚容會次叙謝

簡季明德同年

向日道過貴治辱以同年之愛眷顧過厚至今感愧茲又惠到春秋破題二冊不以路遠忽忘情事局密至於此弟姪輩一見若獲琪璧以其於經傳微意多有發明不特可爲舉業助也荷荷凡得好書有便亦肯一惠尤見至愛蓋養病林下以書爲藥不爾則入於禪矣希照悉

紫峯文集

卷之九

書

十四

又

道可學乎學道而必求其至如吾明德老兄者幾人也主之以真實勵之以刻苦當見百川學海之至于海也

與雪松柴仲和書

道未易言也今庸夫俗子作小小文章亦言及道令人輕厭道豈可厭哉以其不知道而易言之近於洩耳區區能由道而不能談道知慕古人行止而不服古八衣冠而記文公祠堂則不脫乎道此文之所以難作也愚見欲於文中掃盡道學心學古學等字而

於人事時俗中微見古道當行之意而太極陰陽飛魚躍至奧至妙之機俱不說破使田野之夫皆聞於海濶天高之內而日用飲食皆冥然無覺以質爲文以簡爲麗淡然無可贈炙人口乃爲得意而未之能也煩爲問林次厓以爲何如病中應酬亦頗辛苦人情世故欲辭而不得始信禪家之有真樂也記文脫稿當在六月閒希與次厓筆削不吝見教爲慶前時貴使來以有事失欸待幸勿怪

簡邵端峯提學書

德容德音聞之于兩京士大夫而時於夢寐閒見之

紫峯文集

卷之九

書

十五

舊歲到杭不得遇錢塘登舟再三回首今文旆下臨又苦於賤疾不能迎候以慰渴心可勝悵惘錄呈舊詩數首見意

又

辱承手教足知虛懷盛德感佩感佩自文旆到闕士風一變此非主斯文者之功而誰也敬羨敬羨草澤閒又聞執事許人得訟生員者此在高明必有定見但克已最難孰無小過士增多口豈免私仇惟冀稍加寬貸則學校受福多矣特知敢此上瀆情恕萬幸

答黃孟偉太宰書

足下以直理忤當道卽辭官歸此常情所難亦有識者之喜也吏部不允所辭自是公論今該里老勤結起送別用亮足下胸中自有定見然亦當與前輩諸公共議去就輕重遲速毋曰行藏由已不由人也區區杜門養病經年不入城府足下若來當相陪一行

答錢立齋大尹書

久仰高名又聞新政渴欲一見而未之能顧府尊到任三年亦未曾一面蓋閉門習靜不入城府乃養病者之所宜也辱惠厚禮催促起行蓬門生輝不勝愧感更望執事來日喬遷行事亦如今日之溫雅則和

紫峯文集

卷之九

書

七

與西江林親家書

代上楊伯作

僕平日以清靜寒素自安凡爲兒女輩擇婚嫁未嘗令媒妁一窺富貴人門戶非慮其不吾諾也亦以家之盛衰損益實不關于此耳世俗皆笑以爲迂而老拙固執之以爲猶近古人風味也恭惟足下家世以詩書之富當田庄以禮義之榮爲軒冕昆季齊聲後先繼美實吾涵江諸鄉之望而區區寒門企瞻而願式焉者也小兒某妄不自揣爲小孫某求配長位令

愛而足下竟允之夫豈聲氣有相投而所見皆欲異俗也耶欣幸欣幸令愛之賢想得自家教無容慮者第愧小孫資凡識近他日出入門下恐不足以動諸賢之一顧耳然入芝蘭之室久則與之俱化中人之質以觀瞻濡染改易其心地寬大其眼界者亦多矣此亦小兒求親而必於足下之門之意也茲因聘定預以此意言之庶幾他日有徵云

啓安平柯親家書

恭承雅意煩媒勤懇約以令郎與小女締親一言之諾亦足以定矣何來僅之將若是其腆而來翰之示

紫峯文集

卷之九

書

七

若是其文顧拙且寒將何爲答然兩家之子皆在童稚之年而蒙養之端實在執事與區區者今日之責桑弧以射四方酒食而羞中饋城南燈火瀾濱蘋蘩惟教誨之各勤庶剛柔之俱立此則執事之所欲言而區區之所當申復者也亮垂采納倍增慶榮

紫峯陳先生文集卷之

宮保淨峯張 岳選稿

中憲槐江丁自申原刊

疏

乞改南疏

刑部山西清吏司主事臣陳琛謹奏爲乞恩改選以便養親事臣原籍福建泉州府晉江縣人由進士除授前職分當竭力忘身以圖補報但以臣母寡居年踰七十時光薄暮疾病侵尋定省疎曠無一時而不起憂思南北睽違有終年而不聞信息臣之處此實

紫峯文集

卷之十 疏

一

難爲情竊思南京地方與臣原籍相近音問易通迎養亦便伏望聖慈俯垂矜憫乞勅吏部將臣改調南京相應衙門職事庶幾母子得以相安忠孝得以兩盡臣不勝惶懼懇切之至爲此具本親齋謹具奏聞

乞養病疏

南京吏部考功清吏司主事臣陳琛謹奏爲乞恩養病事臣福建泉州府晉江縣人正德十二年第進士十三年四月內授刑部山西清吏司主事十四年二月內爲告乞便養親事改選南京戶部雲南清吏司主事十六年七月內奉到吏部文憑改調今職嘉靖

元年七月初二日通叩實歷俸三年例該考滿於本

月初十日領到本部給由公文行至金川門外龍江驛前寓宿民人李春家是夜感冒風寒發成癰疾身體沈重頭腦昏眩請醫調治云非旬日可愈欲且行且醫則旅館客舟俱是不便倘病勢牽纏不能速行則文書稽遲未免致罪隨令家人將所領公文告送本部收繳伏望聖慈特勅吏部將臣照例放回原籍調理前病痊日卽當赴部聽用以圖補報臣無任懇切求憐之至爲此具本令家人某抱齋謹具奏聞

乞致仕狀

紫峯文集

卷之十 狀

二

告狀人陳琛年五十四歲係晉江縣二十九都民緣琛於正德十二年第進士十三年四月間除刑部主事至十四年二月間告乞改南本月除南京戶部主事至十六年八月間改調南京吏部主事至嘉靖元年七月間得病告乞放回原籍醫治至八年三月間蒙陞貴州提學僉事病未及行至七月間又蒙改調江西提學僉事十一月二十一日拜領勅書十一月間病稍愈卽便起行到城纔四五日舊病復作回家醫治多方不效經今兩箇月餘病勢轉增手痛不堪筆硯足痛不能步履痞結伏積自汗淋漓日夜攻擊

不能成寐髮落無多鬢白已遍自分爲林下無用之
棄人老母年八十七並無兄弟侍養據情與理實難
遠別且病告歸來今已九年此情亦自可察思欲進
本以孤村荒僻無解寫本之人而長途萬里亦無肯
相助爲進本者姑狀告乞轉申察院及布按二司處
仍行江西察院知會庶使江西提學速補無曠實爲
便益具告

呈

蔡虛齋鄉賢呈

謹按南京國子監祭酒虛齋蔡先生清規圓矩方而
紫峯文集

卷之十

三

操履端正春風和氣而德性溫良名聞四方學推一
世隨文精研細入繭絲牛毛掩卷潛搜妙造天根月
窟無疑不解有得則書雙幹分條始由一而至萬百
川到海終合異以爲同豈特仰高鑽堅實亦升堂入
室口說具在見平生之學術有徵筆迹終傳卜身後
之事功不朽雖其謙云初藁未定之見僅可引蒙然
聞亦有先賢未發之言何妨立教辭取達意粗亦寓
精皆嫌布帛無文豈知菽粟有味熟玩皮膚訓誥始
信名儒之不守專門遍觀聲律詞章深美壯夫之不
爲篆刻精力皆費於有益體用直窺乎一原雖立言

之人亦多而聞道之言自別使逢陸子靜則支離
約不免鵝湖之異同若遇朱晦翁則品窮稱揚未論
北溪之優劣如此名流宜膺獎錫

歌贊

夜坐述懷寄少叅謝松澗歌

風凜凜兮月輝輝燈前開卷兮焚香獨對敝裘可以
禦寒涼藥可以止饑貧不苦兮愁不淚蓬鬢甚短所
思甚長有志無成兮亦自慙愧玩溪山以敖遊采蘭
菊爲服佩濯塵垢以致清飲精神而用晦苔綠甚幽
花紅如醉丹霞曉明清露夜墜餐霞吸露壽可百歲
紫峯文集

卷之十

贊

17

牢閉荆扉以絕塵管甚雞鳴與犬吠故人端坐在松
澗兮應有玄談妙理來相慰

贈族弟子遷歌

盛衰相仍禍福相因若盡則甘退極則進故有家無
負郭而出取相印亦有國際艱難而致三千駭叱又
有沈船破甕而推堅敵大陣男兒立志期有成安能
攢眉吐氣向人取憐憫朋遊雜冗赤舌時騰聲色紛
華黃金易盡多求多得不如一儉百戰百勝不如一
心事煩宜勤行細亦謹要使高堂白頭時對春風一
晒

柏軒居士贊

余友王邦贊每稱其叔父柏軒之賢請余贊之
余亦嘗聞柏軒之賢之實於其鄉人言其
家豐於財且多釀然飲不至醉而用財之豐
儉亦各適宜夫此二事皆自太極圈中流出
非知學君子不能也柏軒能之是亦足以贊
矣况重以吾邦贊之請耶贊曰

酒足以困竹林名士之通而能節之不加涓滴財足
以裕陋巷大賢之宜而能宜之不費無益人而如斯
足占所識若說胸中猶着紛紛俗塵曷為軒外肯樹

紫峯文集

卷之十 贊

五

蒼蒼寒柏

說

伯喬仲瞻字說

山大而高曰 松巖與岳嵒同亦山之積石而高峻貌
詩有崧高維嶽及巖巖具瞻之語吾邑大尹安成張
克軒先生名其子長曰崧字以伯喬次曰巖字以仲
瞻取諸詩也以其字之美而欲微見其所以為規者
乃屬余各為之說余謂崧巖皆山之高而人皆仰之
者伯而喬焉固自足瞻而仲氏之能使人瞻之亦以
其屹然喬出也於是合二子之說而一之曰造化之

氣漸漓人物之品日卑雖古人固亦有不及今而今

之人亦或有如古者然以大分觀之則愈降愈下若
川之流而不可復返戰國時縱橫遊士有道者不齒
然其在當時能使列國諸侯虛座前迎長跪問策雖
在利欲波中而其氣槩磊落何至如今之士畏懦蹶
踣見巍然軒冕者若見天人耶周之士也貴秦之士
也賤夫士而至於使人賤之則其卑也亦甚矣然而
不可見之四皓不肯行之兩生亦秦士也未可謂秦
無人今世科舉或稱榜中得人最多吾想其人之靜
逸清脫未必皆及秦時武陵山中種桃人也文章可

紫峯文集

卷之十 說

六

以觀世變今欲求科舉程文長篇短章有雄健奇偉
氣如西漢先秦戰國時諸作可多得乎然則人物之
卑高果繫於氣運耶論士於今之世而定其卑高必
其厲進退大節破名利兩關言峻而行不滂貌古而
心無俗亦庶幾乎喬出而足瞻也則與之遊於塵埃
之外而細論夫顏子之所謂彌高者若夫記誦詞章
基無尋丈而臨深以為高者吾不與也雖然孔子登
東山而小魯登泰山而小天下泰山直是峻絕正顏
子仰之而以爲彌高者也可仰也如之何而可到也
孟子曰士何事曰尚志楊子雲曰百川學海而至于

海邱陵學山而不至于山是故惡夫畫也夫士而有志則雖孔子之泰山亦可循序而窮其巔惟其畫焉則雖有唐一代泰山若昌黎韓子之爲高者亦不能借足於其麓也誠可通鬼神志可貫金石伯喬仲瞻其勉之哉

紫峯陳先生文集卷之十終

紫峯文集

卷之十 說

七

紫峯陳先生文集卷之十一

官保淨峯張 岳選稿

中憲槐江丁自申原刊

誌銘

東莞縣知縣陳君墓誌銘

陳生大猷從金遊一日出其父在東莞時諸名士貴公所贈詩數十篇余觀每篇皆有豸冠顯擢之祝無一篇能脫者因笑曰何待尊君之淺也進士作縣不數年得御史者恒十五何異之甚抑尊君平日自期豈專在一御史耶大猷曰家君當日亦厭之謂皆俗

紫峯文集

卷之十一 誌銘

一

見諛辭無足寶者余曰吾固知其厭之矣吾嘗見君在稠人中亢聲朗調出峻卓驚人無顧畏語鄉先輩量寡容者不能堪至以裴行儉相人之術詆之君聞之不爲動蓋其剛方坦直得之天性所謂人各有能有不能而突梯婉軟以取容悅于時者亦君之所不能也不能自爲諛顧欲人諛耶吾固知向者之詩皆君之所不喜也大猷以爲然且曰知家君爲人誠莫有如先生者矣遂以墓誌見屬余不得辭命取狀爲叙之君名寧字士泰號介庵世居晉江桐城西其先世若雲心梅西中齋皆克自光其譜者也中齋第三

子彭壽是爲君之曾祖彭壽生正元正元生成聰娶潘氏生二子君其季也白面炯瞳望之知爲敏穎人作科舉文字不苦索而就而明瞻輕順無少紆鬱艱深甚似其爲人戊午以義經領鄉薦壬戌登進士第癸亥出知東莞凡舉進士皆喜職內出爲州縣則惘惘然視居內得清要者若登仙然君獨曰何不樂患才乏耳縣令猶不足爲政耶束書數篋赴治至則以吳隱之飲貪泉節詩爲佩符曰不如是則氣餒畏人窘驥足不得逞蓋才出於氣未有氣不足而力能排天幹地者也東莞號繁劇難理舊有堅訟積數年歷數官不能破君訊之立洞其族會即取紙大批數語擲庭下兩造各甘無後言者一境皆驚有作詩頌之至以神君稱者君曰吾非神吾得其意於春秋樽節人情天理而輕重吾權衡於常律時例之外顧執律拘例者亦不能爲吾制焉耳雋不疑之謬引陳子昂之議誅元慶張柬之不能爲唐室討罪人皆無得於春秋者也識者聞之愈驚皆曰臨事不可無學術專恃才氣猶不濟况徒以謹厚朴直之德稱者乎由是東莞之豪者黠者無賴而欲入於盜賊者胥吏之老於案牘而神出鬼沒者有官無守恣其父兄子弟磨

氣歆以沮撓官府而漁獵士庶者皆惕驚蹙蹙不敢稍出繩墨果君之神明感應若是其周且速哉事有機術有要先聲而人以爲皆實舉一而人預服其百也然亦足以見君之拔出尋常矣善觀人者卽其大端而得其全體固不待事事詳之而後其人可知也鎮巡藩臬諸公屢加旌獎期以大用而君亦汲汲然不自意滿政暇則左經右史俯讀仰思有一得卽入邑庠進諸生課試之以其所自得者發其疑使各自思而因以授之於鄉社改淫祠爲鄉校命諸鄉子弟延聘山林遺逸師之而窮鄉遐里皆知向學此皆俗吏視以爲迂而甚慢之者而君獨知急焉然則君之沒而邑人至今猶曰於我有德者豈專以其威照並行而決獄平允也哉君臨沒時歎曰吾年未及強仕吾仕而治方有可觀而天不少假以旣吾蘊豈天不喜善人而世之多福者皆頑忍癡肥逐逐無厭者耶此言激發失平有餘恨也君生成化壬辰卒以宏治乙丑四月十九日年三十有四配黃氏男三人長卽大猷次大謨大謀女一人大猷舉止有父風亦挾負奇偉不肯隨人後者也遊郡庠聘吾蔡虛齋先生女君卒時大猷年十一扶柩歸權厝祖墳之側去年冬

始卜地于三十二都金匱山背壬向丙穿二頻擇今年壬申十二月二十一日葬虛左爲黃氏壽藏銘曰

憫君英氣未發一二不有萬縑爲君作誌

鄉進士璞齋劉先生墓誌銘

安溪多秀士知書而文然其地有山泉禽魚之樂爲士者往往韜文而隱諸師儒來司教邑庠每以所有之才不登高科不能大顯厥績爲不懌是固宦海波濤使人懶於方舟抑亦士之懷居耽樂不能以義自克而然未必皆見其大而脫然以軒冕金玉爲銖塵物也大明宏治千載一時十一年戊午福建秋試璞

紫峯文集

卷之十一 誌銘 四

齋劉先生以經義論策震聲場屋中遂預選爲安溪人物出色士之貴於有志土地習俗不足以俛奇英之首而使之循循飽嬉於鄉閭間也固如此已未春大會禮闈先生不爲有司者所識而先生志益堅不以小挫頓沮入太學尚友天下士多讀天下書人皆冬爐夏扇吾獨朝齋暮鹽將以飽實其胸腹厚益其氣力而遠追鵬程於萬里外也曾未幾載而先生病矣又未幾時而先生沒矣嗚呼天之生夫人與之以如是之資誘之以如是之學登之以如是之路迨其幾夫成而且顯也而乃留之以壽考使其如苗之秀

而不實焉此其說非余所能知也先生諱某字某生於某年月日卒於某年月日享年四十有二曾祖某祖某父某配某氏男某遊邑庠能讀先生之書者也今年某月某日葬先生于某山之原先期奉狀來請銘爲之銘曰

維士之材今生之難而成之又難將成而不遂其成今司造物者安可委之曰吾皆無心於其間果大塊之縱橫若小兒兮亦可無爲之悲歡先生有知兮試乘風直上旁日月洞今古而大觀

林逸齋暨妻黃氏墓誌銘

紫峯文集

卷之十一 誌銘 五

安溪赤嶺林義民名興字廷讓號逸齋嘗言逸最有趣世鮮有得之者潘居正悅松泉之須陸魯望任江湖之散亦若得之矣而未見其深也在人境無車馬之喧見南山有悠然之適斯深於逸矣有聞而訝之者曰義民但能出粟助官賑貧民取紗帽角帶以榮於鄉耳安能言及此此豈常常義民耶由是人皆稱林義民曰逸齋公間有見公語及求田問舍公慨然不悅曰我真田舍翁耶若嘗聞知我爲逸齋公如何又來薰我以俗也卽此亦可得公生平爲人之槩矣年七十二宏治十五年九月十二日卒配黃氏男五

人曰喬曰良曰久黃氏出也曰增曰盛則側室段氏出女六人自黃氏出者四而自段氏出者二黃於諸子皆均惠之每日爲吾夫之子皆吾子也奚必出自我者然後子之耶以故其家之人及鄉人皆以慈愛孺人稱之見其性淑度廣無凡婦人嫉妬心不獨能勤與儉足爲逸齋配也年八十三正德年月日卒逸齋之葬在正德年月日未有狀與銘茲將以正德年月用祔葬黃氏于壙之左其第四女壻唐汝器之子鑑始合而狀之而求余爲之銘余閱狀疑其言之未皆信因憶先年曾見侍御詹君源言林逸齋吾外祖

紫峯文集

卷之十一

誌銘 六

也吾生不見父及長有遊學之資不至廢學爲衆人母年少寡居今老以貞節見旌不至寒餓死實吾外祖父毋默爲助也李令伯之舅衛其姜之毋使猶有知能無慚耶以詹君之言徵唐生之狀其信然矣其可銘之美不止壽富康寧考終命四者矣於是爲之銘曰

洪塘之原土秀且厚水清而不寒生膺五福者穴茲以永安

蔡處士墓誌銘

處士姓蔡名某字某號某世居晉江之某山曾祖某

祖某父某母某氏兄弟幾人處士行居二生於某年某月某日卒於某年某月某日其子某茲以某年某月某日葬處士于某山先期詢諸族人曰某欲得涵江陳紫峯先生銘吾父之墓俾吾父平生孝弟敦朴安分之美之實不與日月俱往然先生性迂不入俗不能爲過情之譽而吾家世潛德不耀無顯績可書渠肯爲吾文否其從兄爲之謀曰吾聞先生近爲其親擇葬地于秀林山吾毋舅李氏實其地主苟得吾舅許歲時爲省願其邱木因求其文想當不見卻也某如其言余欣然立爲筆之曰

紫峯文集

卷之十一

誌銘 七

萬文皆朽何物長存處士有子知求余文

張處士墓誌銘

龍溪之錦江有秀民曰張君綱字本紀幼讀書以解稱於詩句字畫亦整然有可觀者迨壯或勸以習舉子業君笑曰而欲束我入羅籠耶長林可以舞風清溪可以棹月人豈必官而後適也耶讀論語至君子欲訥於言而敏於行沉思久之語人曰人不敏曷爲成遂以敏名軒嘗遇事當前覺稍怯卽抑首默然顏面發赤慨然歎曰吾愧吾軒矣由是培本生道駸駸焉似欲於古人卓行傳中尋大轍而力策其蹇焉從

伯喪不能葬與地以塋之從兄沒不能殯分財以賻之兄之子孤而困撫之若已子從兄之子孤而困撫之若兄子凡此皆末世薄俗所憚以爲未易能者而君實奮然能之然則於其所謂敏者其殆庶幾乎發厚積以賑饑論惡小以改行茲亦豈不敏者能之乎延師友課諸子而時督之曰業欲一思欲深科第遲速冥冥有定不欲慕厚集螢雪照見方寸而得夫人之所以爲人足矣斯言也謂其無得於平日之敏不可也生於某年某月某日卒於某年某月某日享年僅五十有四知君者咸咨嗟歎息謂天胡不少留以

紫峯文集

卷之十一

誌銘

八

先君之敏于成也仲兄綽亦甚敏以進士累官至刑部郎中父某號敬齋素能誨君兄弟以敏者以郎中之貴贈刑部員外郎毋方氏封太宜人君兄弟凡六人君於行在第五配蔡氏生男四曰規矩準繩規補邑庠生酣經玩文充然欲襲其家傳之敏而時振之者孫男一日某孫女四俱幼丁丑冬規以事至京謁余于寓邸爲余言將以某年月日葬君于某山之原因出其友進士鄭君衷所叙狀泣拜請銘鄭性直不能諛其狀必可據於是爲之銘曰

食以飢衣以寒惟沒之安閱世有能言而衣食或

不適其饑寒乃知斯道亦人之所甚難

太安人趙氏墓誌銘

太安人諱某姓趙氏南京戶部署員外郎事主事連江游璉之母封戶部主事石庵公諱某字某之配也趙實宋宗室冀王元份之裔宋末避亂入閩遂家于連江勝國時有長樂教諭諱元定號滄洲野人者太安人之高祖也曾祖諱逢號竹處翁有竹處文集祖諱伸父諱渭鄉稱善人俱潛德不仕母某氏太安人生有淑質最鍾愛於其父母而孜孜女工不恃愛以怠旣長歸石庵公事舅姑以孝稱卒而殯葬祭相石

紫峯文集

卷之十一

誌銘

九

庵俱以禮且盡誠焉石庵極力營辦於其父母又不吝費於其族戚鄉鄰用是家積稍涼時或畱念經營則爲之解曰貧富有命且家庭雍睦雖啜菽飲水亦可盡歡貧固不足以累君之方寸也况未甚貧乎見諸子讀書過夜分則戒之曰吾非無苦參熊膽可以獎爾之勤也但吾聞而父稱古人言進銳者退速爾等惟無倦勿過苦若璉也吾懼其神之困於思而氣之匱於讀也璉少舉鄉闈不利歸頗不憚則又慰之曰爾父期爾以有成何嘗責爾以速成立志務遠勿以小阻自摧則天下之奇男子矣璉於是永言佩服

自爲秀才至第進士尹南昌主事地曹隨所遇得喪
順逆而皆安然任之無幾微見於詞色人固謂過庭
有訓然而孟機組織之功亦自不可誣也太安人生
正統丙寅某月日時卒弘治辛酉某月日時壽五十
有六以癸亥某月日時葬于小灣之原從游氏先兆
也既葬之一十八年爲今正德己卯始以璉貴贈太
安人子男三長珣娶亦趙氏仲卽璉娶楊氏封安公
季琮娶江西僉憲孫公欽曾孫女女一適林氏子璉
孫男六孫女一曾孫男一女一璉於余鄉舉同年宦
同部有道義交游之雅於是石庵之命奉狀來請

紫峯文集

卷之十一

誌銘 十

銘余不敢以不文辭乃叙而銘之曰

雨春霜秋墓門幽幽龍光萬丈紅照壠邱何以致
此有德有子夫人而有子雖亡不死而况有子如
玉是亦足又何憾夫浮生日月促

勅封安人侯氏墓誌銘

安人諱某直隸真定府饒陽縣望族侯氏訓述官某
之女貞靜有女德故掌饒陽學政遷國子助教贈刑
部主事晉江黃公某之婦婦事惟謹故僉浙江按察
司事公某之妻相內有則時於燈下壯公志學取科
第得官蒙褒顯于幾人長某次某皆以素教能讀書

補庠生女子七人惟某安人出餘非安人出者安人
皆爲擇婚嫁恩之若已出而且時戒之以兄弟無間
言爲其家之福焉生於宣德某年某月某日卒於正
德某年某月某日享年七十有二卜以今年某月某
日附葬于僉憲公墳右某弟泣狀其實求余銘爲之
銘曰

所事所相所教稱行篤既貴既富既壽受祿足人
而如斯亦可錄豈必如霜後之松乃得爲人中之
玉

封太安人莊母李氏墓誌銘

紫峯文集

卷之十一

誌銘 十一

太守莊由矩嘗招余對榻論文曰多讀虛文以取科
第耐富貴無益也欲爲天下奇男子惟立身行道以
顯父母用孝經內一二句足矣余壯其言而未信其
能踐也今考其尹順德司刑部守高州所在嘖嘖有
聲無敢瑕疵之者至其孝友和順之行見愛於鄉黨
宗族尤爲有識者所許可始信由矩爲人中君子而
能踐其言矣然亦有自來也贈刑部主事無懷公爲
之父善教之封太安人李氏爲之母順導之故其兄
若弟皆以善士稱由矩特其顯者耳茲將以十月二
十九日奉太安人樞柩無懷公於靈居山之頂先期

以狀來乞銘余視由矩爲斯文兄長不敢辭謹按狀而爲之敘曰太安人姓李氏世居晉江之鳳池諱某別號貞憲天性溫厚靜肅動有女儀且從姆教知諸書大義年十九歸無懷公兄婦道妻道毋道皆求必中於道而後已雖時家厄於貧公嘗歎曰傷哉貧也邊豆不豐何以祀先甘旨不允何以養母安人慰之曰但存爾誠父福亦享但竭爾力萱堂自安勤以生財儉以節財貧亦未足傷也諸子讀書或頗怠緩則敕之曰寸陰可惜歲不爾延或過於勤則喻之曰學須漸進宜節精力其處如矩以和而撫諸姪以恩姪

紫峯文集

卷之十一

誌銘

十三

有移居於外者則泣謂之曰爾叔視爾亦猶子也何至分離耶其德行之懿類如此以故莊氏雖號青陽大族閒有聰明喜議論者至論及安人皆曰是可敬也無敢改評焉子六人長楷娶張前何氏次科由矩其字也娶涵江陳氏封安人余之族姊也次穩邑庠生次某次某生於某年某月某日卒於某年某月某日享年七十有九銘曰

自在八旬生可謂壽佳兒六人子可謂有有美高堂命服煌煌兒孫羅列拜舞稱觴蘭桂香馥愈增康樂天勸作善人稱全福雲居山原相敬復完春

風習習秋月團圓

贈刑部主事莊公墓誌銘

余既爲莊由矩銘其母太安人李氏之墓矣復以書來曰先父無懷公之葬在宏治癸亥科偕諸兄弟泣血自誌矣其時未有主事之贈亦未有銘今已得贈敢更奉誌乞爲櫟栢且補以銘余以公諸子若孫之名俱載仕安人誌中茲不復贅特按舊誌敘公之先世及其行實曰公諱某字某無懷其別號也世居晉江之青陽其先發源自永春之桃源曾祖諱某祖諱某父諱某母洪氏生二子公其季也生甫九歲失父

紫峯文集

卷之十一

誌銘

三

其至孝出自天性事母能得其歡心而時以不及事父爲恨人謂其生能盡事沒能盡思匪有得於夢我之詩能如是乎與兄弟相友無間其伯兄嘗患疫躬自扶持朝夕禱告人言疫癘能相染則以死生有命兄弟難得之言自信人謂其能效庾亮無得於常棣之詩而視至親如路人者可以觀矣其待鄉黨宗族朋友故舊也有酒則酌無酒則酣談笑相樂未嘗以乾餱獲愆見諸子肯讀書則喜而勵之曰讀好書爲好人勿汲汲焉專慕爲好官也吾身隱無大德庇人不敢植槐于庭惟植梅于陽峯之上暗香疎影聊以

自怡耳科之居官有清白之譽人謂其深有得於晦也梅竹交陰策杖行遊雪月爭輝倚闌獨笑有欺我者吾不疑有陵我者吾不知栗挺將聲心無戚戚北窓高卧日正遲遲信乎其爲大古之民也無懷之號其自號歟抑鄉人號之歟生於某年某月某日卒於某年某月某日享年五十有一以世人觀之不謂之壽以余觀之則爲甚壽蓋無懷氏之樂五十歲可以當百歲也銘曰

有山甚美有穴甚固兒孫往來鬼神呵護時起風雲不走狐兔試問穴中何人盡道是無懷莊公之

紫峯文集

卷之十一 誌銘 十四

墓

洪處士墓誌銘

洪處士諱某字某號某世居南安之英山曾祖某祖某父某母某氏兄弟四人處士其長也年九十一正德二年正月八日卒妻吳氏先卒於宏治丙辰年十二月十八日年七十有六子男一曰某娶某氏女女二長適某次適某孫男曰某以俊秀補庠生聘吾叔太守公腴之女處士嘗營二壩于陽山之原後以其地卑濕遣命改上穴某如命以今年十二月壬寅日葬遷吳氏祔焉先期奉狀乞銘按狀處士朴而儉然

甚肯賜人困乏有告者輒貸之逋不責其償償不取其息或時有凶歲而里無饑民是好善而力之積也鄉飲大賓冠帶榮壽冠至獨全而得以考終于正寢斯固足以見爲善之獲福於天然猶未足以盡積善之報果如狀之所稱其福當源源而未艾也預銘之以爲後日之徵銘曰

欲而無厭匪家之肥積而能散匪家之瘦造化秉公慘舒異候有感卽迴雖疎不漏故竇燕山逞五桂之芳而王晉國鬱三槐之茂信處士之能濟人卜洪氏之必有後

紫峯文集

卷之十一 誌銘 十五

潛深處士孺人陳氏墓誌銘

晉江南廳里處士謝君諱瓚字文祥號潛深生成化戊子卒宏治己未享年僅三十有二配孺人同邑涵江陳氏生成化癸巳卒正德辛巳享年四十有九子二長鑑娶南安馬坂王氏次鎬娶南安蘆川黃氏孫男二淵心湛心孫女四柔中柔正柔德柔質鑑卜以今嘉靖三年十二月二十四日葬君于鄉之鴈鵠林尾而以孺人祔先期奉狀來乞銘按狀君之家世實出晉太保安之後唐初有自江南遷入閩者居邑之玉泉鄉驚峯下歷世既遠譜經兵火古有十三房者

已莫考矣今驚峯之南廳有譜以宋南渡後曰德輝者爲始祖八世至湛軒諱智者君之父也君在孕而湛軒沒母杜氏辛勤乳育以克成人兄諱環號誠齋見君明敏豁達不拘小節甚愛之嘗謂之曰難得易求古人確論墮筮不諧非家之福也君曰疎族同姓自祖宗視之猶當相愛况至親乎此可以見其中之所存矣然性喜飲酒時與親舊登山臨流酣暢終日人或誦陶翁止酒之詩戒之笑曰而欲我獨醒耶其於詩雖不甚解而好詠前賢佳句以自適酒酣則歌曰醉後不知清露重興來擬其白鷗盟或勸之殖貨

紫峯文集

卷之十一 誌銘 六

則歌曰漢武玉堂人豈在石家金谷水空流聞有濟人之饑者則曰能與貧人共年穀必有明月生蚌胎聞有瘠人以肥已者則曰萬事分已定胡爲但戚戚不爲麟鳳爲虺蛇不種芝蘭種荆棘聞有毀之者則曰看成鼎內真龍虎管甚人間閑是非嗚呼識趣如此不知南廳有幾人哉而時人乃以放達譏之是亦知君之淺也孺人父諱復陽贈奉政大夫毋莊氏封太宜人中順大夫高州太守諱腴者其兄也高州豐曰吾妹甚得母氏家法其易卦家人之六四乎潛深君臨終時亦囑之曰我夷曠蕭散不役役于利者男

子性也爾婦人當思所以營治勿類我孺人奉以周旋雖竹頭木屑亦身自綜理果能大拓其田宅然而燧火可親狐裘多年之語時爲二子誦之似亦有見於古人之所謂義方者不獨能富其家也然則潛深在日以孝弟姻睦見稱人謂孺人有相之之功殆不誣也鑑事文學遊邑庠有聲錦識豐約保家業不墜而謂二子之美皆無所自可乎哉孺人於余爲族姑繼從余受業亦鳥得無情乃爲叙而銘之曰

生不偕老人亦爲傷百年瞬息孰短孰長天心同穴無愧皦日含笑相間身後得失屢屋渠渠甫田

紫峯文集

卷之十一 誌銘 七

膏腴呱呱二孩俱已丈夫泰來傾否昔悲今喜嶽高登未見其止

祭文

祭味庸蔡公文 代諸進士作

清源高哉來數千里唐宋以來科第而已山川鐘靈豈止如是近日士夫彬彬秀起道路多岐稍尋正軌論事入神談經到髓吾師虛齋實持綱紀仰止高山惟公之子人亦有言斯焉取此渴飲江河敢忘所自又 代二學生員作

惟公吾師虛齋先生之父也某等遊先生之門讀先

生之書獨不知先生之所以爲先生者乎既知先生之所以爲先生獨不知公石莫大之事業不必身自爲之而可以傳之於將來者乎嗚呼言未大或者駭百年公論定人仰朱韋齋

祭楊母宋太安人文

人生百歲爲期七十亦云古稀太安人則七十又九期矣造化有乘除伸縮或壽而未必得祿太安人則備膺五福矣然則又何憾乎蓋人之生雖有終而人子之心則無窮故祝親之壽者必願其如長松巨柏鬱鬱成陰貫四時閱千歲而霜雪不能侵今以幾及八十之壽何以克厭人子之心雖然願何人爲吾子而又何人爲吾子之子紛紛瑞蘭茸茸芳芷香風滿庭明月清耳嗚呼有後若此是謂不死然則太安人亦可以自喜而爲子若孫者亦可以節其哀之無已矣

祭傅石崖先生文

世之論者謂學有道學俗學人有古人今人夫道學古人之不作也久矣其名寄迹於其閒者又皆不自知其非真若吾石先生淵淡溫溫訥訥未嘗修飾表暴以示諸

吾石出古道以出也然而

紫峯文集

卷之十一 誌銘 六

君實一生之誠濂溪天下之拙無文者堯夫易圖有文者橫渠禮節此其學何學而其人何人論者亦必有定說矣蓋虛齋其師敬齋其父古意道心傳受有素加以天資朴實與道爲鄰故能茹苦受辛必由向上路必作君子人不肯以其胸中之耿耿者而自混於流俗之塵也嗚呼先生之所以取諸父師而成之者如此可不謂之能後乎今行人君廷濟又將盡述其得諸先生者而大發之可不謂之有後乎能後有後是極天下之壽然則雖以五十告終而亦何憾之有至若水部鹽司位不稱德用不盡才此其責不在

紫峯文集

卷之十一 誌銘 九

我而凡稍有識者亦皆能自排而謂人物如先生者而猶有介然于懷耶惟是賢哲彫謝斯道寥落而在吾黨則不能以不衰也先生有知其亦亮之哉

紫峯陳先生文集卷之十一終

紫峯陳先生文集卷之十二

宮保淨峯張 岳選稿

中憲槐江丁自申原刊

論

斐然成章

知狂者之有可觀則知其可與進於道矣夫道固未易進也而狂之所以爲狂亦豈易及哉斐然成章正言其有可觀而未易及也何則凡物之成文章者皆可觀故夫人之所造所就能不混于庸衆而有可觀之美則以斐然與之謂其亦人中之望而不與昏默

紫峯文集

卷之十二

論

一

無取者俱晦埋也由此言之則斐然成章夫子亦豈輕以許人哉請得而論之道之爲道至簡至易而至平實者也既曰簡易平實則似乎人皆可進而無待於狂者矣既曰狂則所謂簡易平實者必有所不足顧謂道未易進狂者有可觀而未易及不幾於絕德以駭天下而且率天下之人以入於高虛誇誕之歸乎殊不知道固非難然亦似易而實難也狂者之於道固有所不足然於道之所在蓋亦卓然有見而其志意之所期者甚不凡也簡易之中有包含平實之中有微妙曾謂無見者而可與進於道哉嘗試觀之

紫峯文集

卷之十二

論

二

上下四方之宇古往今來之宙日月星辰照耀於其間山岳河海流峙於其間潛而魚飛而鳥知覺運動於其間天而草喬而木榮悴開落於其間而所謂人者又父子君臣夫婦長幼朋友於其間孰主張是孰綱維是人心最靈宜皆有所見矣昏庸俗陋如資稟學術何甚矣哉見道之難也固有氣雄九軍力蓋一世權重位尊可以生殺貧富貴賤乎人或求一言之幾乎道而亦不可得者無他也見不到也見不到則志不立志不立則所思不出乎旦暮所處不踰乎尋丈浮游於塵壒之中沉溺於汙穢之下亦將無所不至矣人物如此吾何以觀之哉然則進道固難見道亦不易知見道之不易則知狂者之有可觀而未易及矣蓋其所稟高明所學正大方寸雖微足以囊括乎宇宙而萬事萬物之各得其所於宇宙之間者無一出其所見之外惟其有所見故志不期高而自高意不期遠而自遠胸次灑落而一切勢利舉不足爲之束縛如登高山凌絕頂而羣峯疊嶂皆合形輔勢廻巧獻技以效於几席之下下視人世之紛紛瑣瑣者初不知其爲何物則其所見爲何如其所就爲何如夫豈胸中茫然無得而徒嚶嚶然曰我欲爲堯舜

我欲爲三代也哉此狂之所以爲狂也此狂者之所以有可觀而未易及也斐然成章安得起吾夫子在陳之思彼確然有守如狷者之爲固不可謂無足觀者但其所見不及所守故志意之所期規模氣象之所及視狂者猶當在亞等中行之士既不可得則擔當負荷極天下之重任舍狂者吾誰與歸譬諸步驟絕塵之馬雖時有泛逸不受羈束之病苟得王良造父爲之先後而端其銜綬吾知其追風逐電一息萬里有非拘拘然專於循途守轍者之所可及矣嗚呼老者安之朋友信之少者懷之吾不復夢見周公矣浴乎沂風乎舞雩咏而歸夫子喟然嘆曰吾與點也使魯無狂士其將何以慰吾夫子之苦心乎雖然參也魯而吾道一以貫之惟質魯者得之如琴張會皙牧皮孔子之所謂狂者顧不聞焉噫此又可見克己之難變化氣質之不易而誠實之士所以又爲可貴也謹論

食志食功

天下不可一日無吾道亦不可一日無主張吾道之大夫人而主張吾道或不得已而至於自言其功以爲在人所當食此固足以見世道之不幸而聖賢之

所以振作吾道且以爲世道計庶幾萬一於挽而回之者其微意亦自見於言外矣嘗讀孟子書至於食志食功之辯未嘗不傷戰國之爲戰國而微觀孟子之所以拳拳於戰國爲何如也何則君子之爲道其志不在於求食與夫人之食人不在於志而在於功而彭更之爲遁辭有不足以當孟子之辯者此固曉然易見不待論矣然君子之爲道至於以功自言且以爲人之所食者惟在於此此豈君子之得已哉若果得已則亦已矣豈得已不已而固欲顯之於人哉文王既沒文在孔子天下萬世藉之以曉長夜而見天日孔子在當時蓋亦未嘗自言其功學孔子得其宗如顏子者且以無伐善無施勞爲其志之所在孟子最得孔顏家法也入孝出弟守先王之道以俟後之學者此其自任之重誰敢有異議無功而食彭更之見之陋也付之一哂吾何慊乎哉食志食功顧曉曉然必欲屈其喙而後已論者於此恐未可以有些英氣而遽謂孟子不及孔顏者或在此也大抵學者全欲識時孟子之時何時也孔子生於春秋固爲所遭之不幸然周轍之東未久文武之道未墜於地考左氏所載當時列國名卿如劉康公子產輩議論亦

時知有吾道中之正味豈至蕩然盡棄名教而以主
張吾道者爲無功之人哉彭更遊孟子之門而以主
張吾道之人爲無功可見當時習俗之移人而戰國
之真爲戰國而天下之不可一日無者不足入人之
耳而人之賸賸也亦甚矣聖賢欲喚而醒之其聲亦
安得而不烈哉故始之以梓匠輪輿之說以見君子
之爲有功終之以毀瓦畫墁之說以見人之所食者
不在志而在功彭更至是始無所容其辯而知士者
之果不可謂無功而傳食於諸侯果不足以爲泰矣
然孟子茲辯豈專爲一彭更哉發孤唱於羣咻之中

紫峯文集

卷之十二

論

五

鏗正韻於方微之際蓋欲使天下之有人心而未亡
者或聞之而有所悟而知所謂功蓋當時業垂後裔
者的有所在而平日所侈艷以爲賢者自當服上刑
所畏慕以爲大丈夫者不過一妾婦當路於齊而疑
其不可復許者誠爲五尺童子所羞稱也天下之迷
庶從此而可開天下之習庶從此而可變天下之所
其指以爲迂而不切於日用者庶從此而知所適焉
然則吾亦何嫌於以功自居而不爲世道一費辭哉
世道終於戰國天也吾不得已發之於言既不足以
曉當時又不得已筆之於書庶足以曉後世聖賢之

爲聖賢其用心固如此也嗚呼萬世之下讀書至此
者亦知聖賢之有大造於我乎程子曰學者於道不
知所向則就知斯人之爲功然則有功於吾道固難
其人而知有功於吾道者之爲有功其人亦豈易得
哉愚於是乎有感

心如穀種

一善足以該天下之理曰仁一物足以統天下之善
曰心蓋心活物也仁生理也心之與仁合而爲一可
也分而爲二亦可也或謂心外無仁仁外無心二之
則不是然嘗觀夫子稱回也其心三月不違仁則心

紫峯文集

卷之十二

論

六

亦有不仁之時矣而謂不仁非心可乎而謂此心卽
仁可乎大抵人之生也無極太極吾其性二氣五行
吾其體心亦生於氣也但氣之精爽者耳精爽則虛
虛則靈既虛且靈故眾理具焉眾理在心爲性而性
則有仁義禮智信而專言之則仁也夫仁無知覺而
心則有知覺仁無出入而心則有出入仁無善惡而
心則有善惡蓋仁卽理也心則合理與氣也程子曰
心如穀種正以見心統乎仁仁乃心之全德而心與
仁亦自有辨未可遽謂心卽仁也孟子曰仁人心也
豈不知心之所以爲心與仁之所以爲仁者乎特患

人不知仁之切於已耳其實仁亦非心外物也舍心求仁可乎使無孟子之言則人將求仁於遠或至於放其心而不知求矣使無程子之言則人不知曰心曰仁之本旨或至於以人心爲道心矣聖賢之言各有攸當得其意則自見其並行不悖也

聖人所由惟一理

太極有對乎無極而太極則太極無對矣以其至一而無對故名之曰太極是太極也者無對之尊稱而聖人也者有形之太極夫太極無極也無極則雖聲臭之微亦俱泯於無矣於形乎何有聖人則有形有

紫峯文集

卷之十二 論 七

色而全體乎太極者也故謂聖人爲有形之太極也何以言之天下無無對之物蓋皆陰陽五行爲之也陰陽有交易有變易交易則其對待之體而顯然有對者也變易則其流行之用一動一靜一闢一闢而互爲其根亦未嘗不以兩而相對也若五行則五其數而不對矣然以質而語其生之序則木火土金水陰陽也以氣而語其行之序則木火土金水陰陽也土則寄寓乎四者之間故時有春夏秋冬位有東西南北要皆一陰一陽彼此互換誰謂五行之數而非陰陽之對乎故以言乎天地之變化則陰陽盡之矣

以言乎民生之氣質則剛柔盡之矣剛有剛善剛惡之分柔亦有柔善柔惡之異然要之嚴毅幹固與強梁猛隘雖不同而皆謂之剛慈祥與順與邪佞無斷雖不同而皆謂之柔語剛則與柔對而剛不得以兼乎柔語柔則與剛對而柔不得以兼乎剛剛柔之各一其質猶陰陽之各一其氣此爲彼對彼爲此敵兩時不能以相統故易書之作由兩儀而四象由四象而八卦由八卦而六十四卦一剛一柔錯雜開出有反斯有對對必反其爲有對斯有仇仇必和而解蓋亦紛紛然其不一矣然不一之中有至一焉至一者

紫峯文集

卷之十二 論 八

默寓於不一之內而不一者斯一矣伏羲立象以盡意設卦以盡情僞文王周公繫辭焉以盡其言觀象玩辭觀變玩占而剛柔萬殊極天下之至顯效天下之至動莫不居然備見然非孔子易有太極之說又孰知不一之中有至一乎至一者理也物皆有二惟理則無二故謂理爲一以其至一不二而物莫與對故又謂之太極也太極一物也而有兩體焉聖人全體太極兼剛柔二者之善而以時焉出之而得其剛柔之中也不專於剛而亦不專於柔也合剛柔而一之非專於剛而與柔對亦非專於柔而與剛對也故

曰聖人所由惟一理也或曰天下如此其大也萬事萬物如此其多也聖人自修身齊家以至於治國平天下有喜有怒有哀有樂有恩威之並行焉有仁義之兼濟焉有武以勘禍亂而又有文以綏太平焉有大禮與天地同節而又有大樂與天地同和焉時剛時柔變化錯出而萬理兼備而謂其所由惟一理可乎曰理非有萬也以事物有萬而此理無乎不在故既曰一理而又曰萬理其實則一以貫之而無餘矣或曰理尊於氣而爲氣之主理惟一而不二則氣當聽命於理而何以氣化之運有雜擾人物之稟有參

紫峯文集

卷之十二

論

九

差然則理亦或有時而不一乎曰理非有物也當然而已矣氣有參差雜擾而所謂當然者則皆萬古而不易也故造化有時或舛而天地之大人猶有憾而終則必復其常人非下愚不移而有克治之功則可以復其初至於復初則其所由者亦莫非所當然而不能以不一矣至於一則亦聖人矣故周子本易有太極之說而作爲太極圖始之曰聖人定之以中正仁義而主靜立人極而終之曰君子修之吉正以見夫聖人至一之地吾人皆可勉焉以求至於一也嗚呼理以一而得太極之尊稱人以一而得聖人之美

名吾人何爲而不思所以一之乎一則聖矣聖則一太極矣而至靜無欲則其所謂一也無欲者誠也苟子謂養心莫善於誠而先儒譏其不識誠亦以其語一之易也孟子曰養心莫善於寡欲由寡入無可謂一之方也已

問教亦多術矣曰者奉詔作人所示爲學之方請自小學近思錄入其意何居

道無遠近學無大小近思錄之近非淺近也言其切近身心以致思也小學之小非卑小也言其幼小學習以立本也曰近而遠無不包曰小而大無不盡

紫峯文集

卷之十二

論

十

性至命必本於孝弟窮神知化由通於禮樂思而近焉學而小焉而至遠且大者存焉孔子刪述六經而堯舜禹湯文武之道以傳近思錄雖約而六經奧旨有不該乎大學孔氏遺書而格致誠正修齊治平之法畢備小學書雖簡而太學精義猶有遺乎於此二書有得則道盡在是矣此知道者之教人所以必自此始也試以小學言之敬身明倫豈非大學之道而大學所不言者洒掃應對耳悟洒掃應對之所以然而精義入神焉小學果小乎易爲五經之源而近思錄之太極一圖蓋深於易也近思錄果近乎然則倡

道學於俗學波流之際舍二書其奚以哉雖然人但知記誦詞章之可以取功名富貴之爲俗學而不知清虛禪學之專攻朱門訓詁者之尤有害於學也韓柳歐蘇之文雖非見道之作而文人至今宗之李杜黃陳之詩亦是刪後之作而詩人至今宗之是數子者其平生自負光焰氣脉尚欲與江漢同流而况晦翁之書有功於萬世後學可肆非詆乎蚍蜉之撼大樹直足以供有識者之一笑耳訶佛罵祖實有人心者之所不忍爲也鵝湖有會東萊雅意其如人之各有肺腸何而謂真儒不是鄭康成豈陳白沙於朱晦翁亦未了了乎由此言之學而俗固不可學而禪尤不可學而道則於小學近思錄當何如哉抑愚生又有一得之見焉近思錄亦足以兼夫小學而小學於近思之理未嘗少欠讀者得之一書足矣但須善讀之耳若字字句句俱欲於身心受用則數語足矣默而契之會而通之一句足矣或一字足矣包義奇偶二畫全無一字而列聖相傳不外于是精一執中道至於堯舜亦太洩矣奚必體用一原顯微無閒之說而後爲漏洩天機哉嗚呼言至於此又恐其入於禪矣忘言未能多言不可願示趨向之方幸甚

紫峯文集

卷之十二

論

十一

問孔子對葉公父爲子隱子爲父隱直在其中者固萬世不易之確論矣然或不幸而處人倫之大變容或有不當隱者如父子俱王臣父欲弑君則當聽父弑君而共爲逆乎抑將發父之惡而使君得以誅父乎如子爲敵所得不得已而不利於我也則將明目張膽而必殺之乎抑將含忍以負國乎因昨者之講此章而懷此疑故以决之諸生耳

有天理外之人情有天理內之人情人情在天理內則順人情正所以順天理也不可避偏黨之譏人情在天理外則拂人情亦所以順天理也不可逃矯激之議學者苟知乎此則知父子相隱有時而直在其中有時而不得爲直夫直可爲也不直不可爲也不直既不可爲則父子有時而不相隱乎然父之處子也甚易子之處父也甚難如父欲弑君也隱之固不可發之亦不可蓋既曰君則不可使之見弑既曰父則不可使之見誅反覆曉諭苦諫以求其必從苦諫不從殺身以冀其自悟如此則臣子之道既皆盡其在我而君父之事亦當委之於天矣如子爲敵所得既不死以盡已之忠反爲敵而不利於我我爲王臣

紫峯文集

卷之十二

論

十二

何暇顧其子乎子不忠孝吾當割其恩矣大抵左坑右谷中閒猶有可行之處最重較輕天下亦無難處之事如湯武周公石碣之數聖賢皆能善處其所難處者也易曰艮其背不獲其身行其庭不見其人當在父子則父子重當在君臣則君臣重當在天下國家則天下國家重身可愛也則此身重於泰山身可捨也則此身輕於鴻毛隨地宛轉因時變通要之逆乎天理而已此之謂善用權此之謂善處變苟或常情得以拘牽常理得以制縛不能深入於至神之中而超出於故轍之外欲以讀天下書處天下事而

紫峯文集

卷之十二 論

三

免不直之責難矣哉

紫峯陳先生文集卷之十二終

紫峯陳先生文集卷之十三

宮保淨峯張 岳選稿

中憲槐江丁自申原刊

正學篇

正學者徵諸古而證諸今者也聖賢之道正道也其學正學道弗岐也學而岐焉失其正也予之有感於今也故將以古道而正其學以古學而求其道欲其歸諸正而已矣太始者道之始也道必有始焉故遡之大中者道也一陰一陽者道之中正之則也大化者言乎其變化也道之運而散殊焉

紫峯文集

卷之十三 正學編

一

命也是故道而散於命始有偏勝焉而不得其常者矣此偏正之由判也命行而偏正分通塞感渙乎其不齊矣人物之定也故曰大定正則者性也言乎其人也故中正貫而成性立矣心者通之會也通諸天地而承乎道命者也故無所不通曰大通寂而感焉心之用感之至也然而有內外焉道之全體也中正之寄也是故君子內其心而統會焉外其心而散殊焉言天下之至賾而不可惡也合外內之道也顧其正者聖賢也反之者衆人也學也者所以覺其反而要諸正也學之事知行

而已矣仁者心也知行之本體也學而至於仁焉則元之道貫矣求仁者莫要於敬敬者心之警焉則一一則不汨不汨則不息不息則生生之機著矣所謂仁也禮者履也履而節所以防其戕也此互養之目也養而培之則充達矣是故講學致知其諸澆培之道乎夫性之著也不揉不戾沛乎其順也孰能禦之故曰達順夷惠之行中正之偏也正學之未融也然而各極其盛焉可謂旁通也已矣流派者識偏而器滯其爲儒之脉則均也然而小焉淳懿之行君子取焉然而有局焉心之未拓也是故拓而盡之則備矣異於中正之道而反賊焉者也賊道者莫過於二氏故於佛老詳焉懼也太始

古今之運元而已矣一元之運陰陽而已矣夫天者其陰陽之宰乎地者其質也人物者其化也是故陰陽闔闔動靜相因而變化無窮焉兩儀者陰陽也非天地也夫天包乎地凡地之上下者皆天也故天者一也無對之名也是故陰陽以天言剛柔以地著一而虛者天也故萬物資始焉二而實者地也故萬

資生焉是故天地設位而陰陽之散殊分矣夫人者天地之中也陰陽之精也萬物之靈也百神之會也是故天地分而三才立其人之謂乎凡無形者皆虛也凡有形者皆實也虛者神也實者器也是故地與人皆器也而天之神至矣天地有始乎曰元極冥冥孰爲始乎天地有終乎曰冥冥會通不息無窮曷爲終乎無終無始孰能測乎謂有物混成生天地先者此老氏之幻也謂日月合璧五星連珠爲太初之始者此術家之妄也是故有陰陽而後有五形而後有萬物五行者質之始也萬物形之始也三皇者人之始也然則以三者之始而知天地之始乎曰非也謂人物之始則可謂元極之始則不可夫無始之始太始也無終之終太終也

大中

盈天地間陰陽而已矣陰陽者天地中正之道也是故無陰陽則非天地矣無相互則非陰陽矣故一陰一陽者道之體也陽中有陰陰中有陽者物之用也吾見陰陽之偏勝者矣未有獨陰而獨陽者也

是故陰陽之和和則中中則道陰陽之勝勝則徧徧則器故萬物以器形陰陽以道立

剝盡而陽生焉非無陽也陽在內也夫盡而陰生焉非無陰也陰在內也故陰陽互宅道之體也陰陽互主道之大用也

天地之至中者其至虛乎至虛者其至神乎夫道者中而虛者也是故謂之神

夫神也者宰萬物而莫之名者也聖人因而名之曰道故道立而陰陽合神靈彰矣

有者無之著也實者虛之寄也動者靜之感也闢者

紫峯文集

卷之十三 正學編 四

闢之機也是故貫有無齊虛實一動靜妙闢闢之謂道

渾淪而脉絡分焉雜賾而靜正行焉此天地之道所以爲大也

以兩而相成者道之故也兩不化而一之用息矣故陰陽運而天道立焉剛柔合而地道立焉仁義形而人道立焉

天地之道中正者其常也乖戾者其變也眞勝者也颺風驟雨不崇朝焉日月蝕食旋而復焉中正之道勝也陰陽無截然相一之理有則天地毀而造化息

矣是故中正之道其諸元樞之運乎

大化

一陰一陽曰道道之不已曰命道者其統會乎命者其散殊乎是故言天下之至眞而至正者道也言天下之至動而至賾者命也升降靡常剛柔雜揉變化見而吉凶分道始渙而離之矣運之流也有從逆焉機之通也有遲速焉命在其中矣

道始於一成於二著於五散於萬夫萬而不齊者命之運也道之變化而不測也

命之不齊也其生於陰陽之偏勝乎道於是乎不得

紫峯文集

卷之十三 正學編 五

其常者矣夫一不能不散於萬萬不能不歸諸一者道也正不能不渙於變變不能不止諸正者命也故天地之大義曰道極變化之萬殊曰命易曰言天下之賾而不可惡不可惡者亦道也中庸曰天地之大也人猶有所憾亦道也指其變而不窮流而不測故曰命焉是故道命一也

立乎中正之域而不過者聖人也故變化隨之惟聖人能宰其命者其斯之謂乎

聖人之所以能宰夫命者常也常者貞勝者也泰和在唐虞成周閒其貞勝者

大定

萬物之生皆滋陰含陰以爲萌始然而有通塞焉何也曰命之變化爲之也又渙而不齊者化也禪而不窮者形也萬物以化渙以形禪而陰陽之用廣矣人物者通塞之大分也男女者陰陽之大分也然而通而塞塞而通陰而陽陽而陰者道未嘗不在齊變化而貞夫一者也

夫人得天地中正之道以生聖人者剛健中正而純粹精焉者也

天地之大德曰生生之謂易人與物一也人之所以

紫峯文集

卷之十三 正學編 六

異於禽獸者幾希何也得其正而常者人也得其異而變者物也故中正之道存乎人者所以自別於禽獸者也可不思乎

易曰乾道變化各正性命其道之大定乎

萬物之生有變者焉有不變者焉變者器也不變者道也故草木鳥獸之性相生相禪而不易者道之大定也而形之變者蓋有之矣其化之所趨乎

人得天地中正之道以成性然而或變焉何也動於感紛於識二者之蔽滋也於是不得其常者矣赤子之生也無感無識夫無感無識故不變焉存性者

亦若是而已爾

人爲陰陽之靈而反草木鳥獸之不若者豈不哀哉求免乎此者在定其性而已矣

性之定也復中正之則也絕識感之累也是故由赤子之心而推之直養之而勿害焉此之謂大定

正則

陰陽者天地之道也成性者人之道也陰陽毀則天地之道息矣成性毀則人之道息矣

人之道也成於二派於五夫二者精之合五者脉之分也是故言其合也故其化同焉言其分也故其質

紫峯文集

卷之十三 正學編 七

殊焉

夫五者陰陽之達道之變化也五者分而凝合異變合異而昏明強弱渙焉昏明強弱渙而知愚凡聖於是乎生矣

是故男之性健女之性順此性之化於天者也山居多朴水居多慧南方之柔北方之強此性之化於地者也木之性仁金之性義火之性禮水之性智土之性慤此性之化於五行者也是故道之變化於是乎不測而命之離合於是乎不齊矣

夫成性者人之生道也中正之範也然而有殊焉者

何也道之偏勝焉不得其常者也

若此者人之生道不亦息乎中正之則不亦謬乎夫無非絕無也中正之範微也有非顯有也合一之多勝也

夫中正之範不行則成性泯成性泯則人類滅矣是故中正者生人之道不可一日而無焉者也

元精構太和翕感道命而生者聖人也是故天不得而變地不得而圉五行不得而勝故中正凝而成性著矣

生道貫於人身無一息之閒焉猶天之運也然而有紫峯文集

卷之十三 正學編 八

散殊統會之義焉具於心者其統會也發於四肢百骸者其散殊也是故能知統會散殊之義其深於性矣乎

孟氏性善之論中正之謂也生之謂性性者生之質其近是乎謂人性善惡混者不知性者也以天地氣質而分之者不深於性者也

大通

人心會天地之虛者也是故天以虛而成運地以虛而成質人以虛而成生天非虛則其運滯地非虛則其質廢人非虛則其生蹶故辰極者天之虛也江河

淵洞之窳地之虛也人心人之虛也

性具於心其虛之體乎是故無而有寂而感其藏也不測其用也不竭虛乎神矣

故廣大配天地明照配日月變通配四時不測配鬼神至哉心乎其立人之極矣乎

至神而疾者其惟人心乎故千日之事萬里之途思之即至是故鬼神不得而窺也風雲不得而踰也

放之東海而準放之西海而準放之南海而準放之北海而準者心也前乎千百世之既往後乎千百世之方來無不合者心也此心之同者性之同也性者紫峯文集

卷之十三 正學編 九

人之生道其弗同矣乎

自其成於性者言之則曰道心天之性也自其感於人者言之則曰人心性之欲也夫心非有二也主寂感而言者也

人心之神也其惟虛乎累於欲則滯滯則物而已是故聖人心直以通衆人之心曲以泥

人者天地之心也故詩書之言天者必歸諸人焉人衆勝天其心之謂乎

以知覺爲心以理爲性者宋儒之論也其失也分以心爲妄以性爲真者佛氏之說也其失也謬

仁人心也孟氏獨造之境也心如穀種仁爲生性程子明睿之照也是故其識定其言確其後世言心性者之所取衷乎聖人復起不能易矣

至感

無一時而或息者天地之化也無一時而不感者人心之機也夫貫動靜妙寂感者人心也動靜相循寂感相生變易而不居周流而不滯非人心之神其孰能與於此

人心無時不感而曰靜焉何也曰靜而涵照非感乎寐而或夢非感乎心天極也隆冬沍寒凝於靜矣而

紫峯文集

卷之十三 正學編 十

天之運無停焉嚮晦入息疑於靜矣而心之照不息焉謂心有靜焉是窒天地之化也

意者心之感也其動之萌乎是故意萌而端倪見而天人幾矣是故君子必誠其意

曰情曰意者何謂也曰自性之感言曰情自心之感言曰意其指異其歸一也是故惟性之真惟情鑒之惟心之虛惟意汨之故去其鑿澄其汨斯心性之體復矣

曰志焉何謂也曰心之宰也是故攝百體憂悔吝莫大乎志

曰思焉何謂也曰心之職司也思則得其職焉不思則失其職焉故思者心之職也然而有邪妄焉不可不慎也

曰才焉何謂也曰性之散殊者也充於四肢貫於百骸流行之竅通焉然而莫不會於心也故性卽氣氣卽性能知統會散殊之義者可以語此矣

知覺者其性之靈乎是故至誠如神聰明睿知皆從此出者也

蜀山人不起念十年遂能前知陳烈山中靜坐八十日遂能博記者虛爲之也故性虛則靈窒則汨夫心

紫峯文集

卷之十三 正學編 十一

者神之合也無欲故虛虛則神守之穢而不治則離矣故曰心之神明之謂性

真會

中者虛體也天地惟大中故能生萬物人心惟大中故能應萬變冲漠無朕萬象森然其中之蘊乎故曰大中無動無靜萬感畢應無始無終一真冲融是之謂中虛

中虛者道之體也中實者道之質也以萬感言曰中虛以萬理言曰中實是故成性著而中虛之體立成德具而中實之用彰矣

是故聖人之盛德大業與天地同流者其心之謂乎
基乎四端揭乎五典兼乎百行散乎萬善惟盡心能
之

故心者道命之寄天人之相禪者也

忠信者心之質也其質不離其道乃基今夫赤子之
心忠信之質也未有萌而不條者矣未有條而不輪
者矣故善植者能勿戕之而已爾

心之小也慎之則也精純之至也所謂內心者也心
之大也拓之盛也體之復也所謂外心者也

心小而病者其諸有局之心礙也非內也

紫峯文集

卷之十三 正學編 十三

言有之爲用無之爲利而終於無用利者老氏虛實
之外也言心生萬法而實心外有法者釋氏動靜之
戾也

其嗜欲深者其天機淺莊子之於道也其猶未謬乎

潛心于淵美厥靈根太元之學造也而未入也

眞贖

道也者一天人之理也仁也者齊物我之體也心也
者統內外之機也是故天地合一存乎道物我合一
存乎仁內外合一存乎心人之不知天人之一者以
其理礙之也人之不知物我之一者以其私累之也

人之不知內外之一者以其聞見蔽之也

是故知吾心之大而后知吾仁之大知吾仁之大而
后知吾道之大故君子之學求見乎其大而巳爾

夫天地萬物者心之體也道之蘊也萬感萬變渙而
不窮者焉心之用道之變化而不測者也

夫人心者半於內焉半於外焉內者統會之體也外
者流行之用也是故合內外之道也

夫專於內而畧於外者局其心者也事於外而遺夫
內者渙其心者也二者皆偏也其流蔽一也

陸子靜之學自謂得其大而不知局於小焉專內遺

紫峯文集

卷之十三 正學編 十三

外之失也是故知求其心矣未知其性其蔽也鉅矣

夫不知性之大而求其心焉謂之知心可乎以講學
致知爲外馳是不知心之無內外也其曰先立乎其

大者亦一隅之守爾烏能得大

夫不遺於內外者謂其先內而後外先本而後末也

其防不廢其序不紊而已矣

大舜之好問好察文王之望道未見孔子之好古敏求
所以求盡此心之全體者也故內外備謂之聖人

王仲淹能識吾心之大用矣乎是故其志廣而越
諸葛孔明得其大矣然而畧也學充其才焉斯善矣

眞順

聖賢之所以異於衆人者聖賢能全其心性之用而衆人則汨之聖人能全其耳目之用而衆人則賊之聖人能全其四肢之用而衆人則害之

是故聖賢能全其心性之用故與天地合其德聖賢能全其耳目之用故與日月合其明聖賢能全其四肢之用故與四時合其運是故聖賢非能異乎人者也能順乎天者也

夫天生之聖賢順之天與之聖賢受之故恭承乎天者其惟聖賢乎

紫峯文集

卷之十三 正學編 十四

違乎親者不肖之子也違乎天者不肖之人也故曰惠迪吉從逆凶易曰自天祐之吉無不利惟聖賢爲然

今夫山木條而幹焉性也從或戕之則失其性矣故夭折者木之妖也非木之性也

吾觀於魯論而知孔子之所養矣吾觀於七篇而知孟子之所養矣聖賢吾類也何以異於人哉

伊尹聖人也三篇之訓一德之成性命之秘啓矣茂叔之精會潛契獨得道命之勝著於千載之曠可謂豪傑之士大賢之上者也

程伯子之明睿冲沛叔子之敦篤嚴密希聖者也張子厚之苦心力行敦禮明訓近於叔子矣然猶有礙焉正而未中也

羅仲素之明沛李愿中之溫潤抑可謂之次矣

愿中之於養也其深矣乎是故吾於氣象見之矣尊信二程之道者朱元晦也其終也得於伊川

周子之精叔子之正伯子兼之而大焉得聖人中正

之脉者三子也元晦之學亦可謂大而正者矣張敬夫質之穎悟學之純粹吾有取焉惜乎未見其

正也

紫峯文集

卷之十三 正學編 十五

眞反

齊民之所以爲齊民者其在於習乎習也者有生之厚蔽也其猶水之於水乎積而沍之故愈固愚者沍而愈固者也

耳之於淫聲也目之於邪色也口之於美味也四肢之於宮室也觸於外而動其心焉動則逐逐則忘忘而不返是故其蔽厚矣

戕其生而不知悟亡其身而不知返者天下紛紛如蚊蚋叢撮而不解焉亦終於胥溺而已矣

羞惡之心人皆有之或淪其身於禽獸而不知恥者

生人之道絕矣

是故聖人深憫之爲之立教焉啓之講學所以開其蔽也示之遠邪所以防其賊也

夫教之開乎習猶氷之解於鑿也孔子曰有教無類其斯之謂乎

今夫人之久困於豐蔀者得一隙光然則喜而從之世之溺於物欲頹習也久矣蓋有語之而不變者其無人心亦甚也矣

小人之爲不善見君子而後厭然知之未厚蔽也其猶習之未深乎

紫峯文集

卷之十三 正學編 六

今之爲小人者見君子則從而嗤笑之非毀之飾其辭強其辯而終不可化者蓋有之矣聖人所以戒忿疾于頑其謂是夫

然則習之類也其終不可變乎聖王興教化浹移風易俗習類不生是則可變也

真乘

天人之相接也非學不承道器之相體也非學不貫有無之相睽也非學不著內外之相合也非學不符是故學也者天人之乘也道器之機也有無之範也內外之橐也

夫學者所以學爲人也人之名大矣人之道至矣故不知學者不知人者也不知人者不知天者也

是故學而至於知天學斯大矣大者中正之謂也性道命之相承其中正之貫乎

知行並進其學之兩輪乎偏之則頗闕之則頹合之則窒

世有畧於知而專於行者矣然而晦昧於偏執僻泥於不達是故吾以知其頗也世有冥於知行任意恣情者矣然而踰軌敗度觸機而陷阱焉是故吾以知其頹也世有謂知卽行行卽知而合之者矣然而推

紫峯文集

卷之十三 正學編 七

之不應動而愈滯是故吾以知其窒也

德性之知迺真知也屋漏之行迺真行也由德性之知而達於無所不知由屋漏之行而達於無所不行業斯廣矣

今之所謂知者亦探索記誦而已矣夫鸚鵡之能言也以其聲之應於人也人言之則不應是故以記誦而爲知則其所不知者亦多矣其諸鸚鵡之類也夫

古之人行道也其猶飲食矣乎飲之而足食之而飽初無預於人也然而充養之至人莫不見之焉今之學者則異是矣

知知崇禮卑之意其知所以學乎今之學者蔽於見聞膠於習類而不能自拔於頽俗之上者非知崇之謂也好爲奇僻險怪之事尚乎孤潔峻絕之行以求述焉非禮卑之謂也是故慕古之道反古之學欲其德崇而業廣也難矣

元貫

元者天之生意也春者物之生意也仁者人之生意也是故生意之在於物充則達偏則萎絕則枯人之於仁亦猶是也

心者種也仁者萌孽之生必有溉焉必有養焉虛而

紫峯文集

卷之十三 正學編 六

直所以溉也防而遏所以養也如田之蕪而不治也則物欲潛矣

物欲之行也其因於識感乎是故感於外而滯於內滯而不化正斯奪矣其猶木之寄生者乎

古人之學求諸仁而已矣求諸仁者求諸生意而已矣倦而怠汨而忘此生意之困也求而遑失而戚此生意之耗也客慮客感憧憧而往來此生意之遏也知斯三者則知所以養其仁矣

然則吾仁之生意其可得見乎是故精明內融志氣充沛春容而不局者其萌也暢于四肢溢于面目浩

乎與物爲適廣大而不可測者其達也是故得其門造其境其景象可識矣

顏淵木之幹而翳焉者也故孔子示之以克己焉欲其修之也仲弓木之條而萌焉者也故孔子示之以敬恕焉欲其培之也是故修其翳則幹者暢矣培其萌則條者長矣

仲尼顏淵之樂其生意之自如者可以觀吾之仁也矣

曾點浴沂之詠舜禹有天下而不與焉一也是故君子之學也求無撥其本而已矣

紫峯文集

卷之十三 正學編 九

人與物之生意一也人汨而不知耳茂叔窓草之契伯淳鷄雛之觀其元化之流通者乎

是故識吾仁之樂者雖與之天下而不能易焉以天下而不能易君子之樂孰大於是此之謂樂天知命致一

心有主謂之敬是故有主則警警則昏情不得而乘之矣有主則虛虛則思慮不得而汨之矣有主則定定則外物不得而誘之矣

是故心空於內則忘逐於外則荒故空而忘焉無主者也逐而荒焉曠主者也夫敬者主之道也

以敬爲心之主宰者是二其心者也以整齊嚴肅而一其心者是制其心者也夫敬者心之警惕而志之精明者也夫何二之有

古之人言不愧屋漏言操則存者有之矣言戒謹恐懼言愼獨者有之矣未嘗分心敬而二之也

敬者其不息之謂乎敬而無失則誠矣程伯子曰天地設位而易行乎其中敬也非深於養者其孰能形容之

心之警則常惺惺矣心之虛則不容一物矣善哉謝尹二子之言敬也

紫峯文集

卷之十三 正學編 三

敬以直內言敬而內自直也程伯子曰以敬直內則內便不直是二之也知此而后知心敬之說矣夫善求仁者求其心而已矣求其心者求其有主而已矣是故心得其主而聖賢之學盡之矣

互養

禮者所以齊其外而維其心者是故坦宿次舍天之維也山岳江河地之維也禮者人之維也又範圍人道而不過者其惟禮乎夫禮者中正之矩也原於道而爲道之寄也出於性而爲性之護也無禮之國其國必亡無禮之家其家必殃無禮之身

其身必戕無禮之心其心必狂

夫禮者其猶草木之枝葉乎生於幹而能庇其幹者也夫君子之爲禮也能庇其身而已矣

夫禮者履也履之而自著焉者也

中正者禮之質也威儀者禮之文也備其質炫其文謂之君子

是故君子之於禮也必謹其微焉故起居之必度也言語之必倫也衣冠之必飭也容貌之必恭也几案之必整也室與之必潔也故入其門而知其禮者君子也詩云其儀一兮心如結兮此之謂也

紫峯文集

卷之十三 正學編 三

禮之範於心也其猶金之範於爐也鉛鐵盡則爲良金矣邪穢盡則爲良心矣是故閑邪存誠莫大乎禮進人之途莫如禮是故洙泗之教先焉

春秋之世其習於禮也衆矣先王之教其猶未泯乎是故古之於禮也猶人之於飲食也故得則行失則止朝失之野得之父失之子得之夫失之妻得之吾見匹夫匹婦而能謹於禮者矣未有君子而不達夫禮者也

自禮學堙天下無維心之見矣自禮教衰天下無維國之道矣古今人之不相及也其以此矣

以禮爲亂首者老氏也古之荒人也以禮爲僞者荀卿也古之箋夫也侮聖賢滅禮義莊周也古之亂民也絕人道毀身體釋迦也古之貊狄也

充類

心有蔽焉不可撤也心有向焉不可豁也撤而豁之其在於學乎

夫學也者所以培其心也今夫物之植於地也非糞溉之勤雨露之滋則不能達而盛焉心之植於人也非師友之澤問學之道則不能造而大焉是故講學以盡其心者其諸澆培之道乎

紫峯文集

卷之十三 正學編 五

觸於外而動於內使天下之物皆爲吾養心之助者其惟聖賢乎又是故能攝心者經傳子史皆學也人而能立其心者則在外皆澆培之道也學而不能立其心焉其不逐物而馳者鮮矣

人心之對於景物猶其對於師友可也使無適而非取善之地其進也孰禦焉

觀書有三益焉昏者可喚而醒也明者可續而朗也得者可充類而盡也

今人之學博者廼所以飾回而滋僞厚祓而生智何也不能立心之過也易曰多識前言往行以畜其德

言立心也

孔孟之所謂博約者其諸心之謂乎是故會天下之理於吾心君子之學備矣

誦詩讀書而樂其道者伊尹克一之學也求之經義以栽培之者伯淳體仁之能力也知此道於講學其庶幾乎

后世有徒以講學而資談說者矣有徒以讀書而務博洽者矣心之論出焉制其心於枯稿之歸而冥然無覺者迂儒矯激之過也又是故自迂儒起而人心體用之全君子內外之學於是乎廢矣

紫峯文集

卷之十二 正學編 五

異端

端正也異於正者曰異端

殘道德仁義而裂之者老氏也滅道德仁義而空之者佛氏也

佛之初其猶祖於老氏乎四十二篇之訓可識矣以禪爲教者自達磨始也達磨胡也竊吾之心性置之太亂之道也

老氏之爲道也宗於無然吾道之有而無不可得而棄也佛氏之爲道也宗於寂然吾道之寂而感不可得而遏也

是故老氏以無爲鼓天下而天下終治於有爲佛氏以出世誘天下而世終不能出夫然後二氏之說塞矣有耳目人心者猶不悟而墮焉亦可悲矣絕其邪念而充其正念者吾儒之教也惡邪念之累并正念而除之者佛氏之謬也

惻隱之心人之生道也造化感應之機寓焉若除而滅之逆天地之化滋甚矣心生性滅心滅性現是分心性而二之也惟滅動心不滅照心是岐寂感而二之也強與吾儒同者惑矣

處誼無惡涉事無惱此是真定疑於定性之說矣而紫峯文集卷之十三正學編三

以無事爲真宅有爲爲應迹則未知吾性合內外動靜之機也謂之見性可乎赤子之心直下者也然天下不皆赤子也曲而防之可也若絕其物空其心而謂之直焉是反鑑而索照也是虛廓然而大公物來而順應無事於空而能直焉此聖賢之道也其異於達磨遠矣

唐朱之士皆剛明之士也然而胥溺之者吾心性之學晦也

確然守正不惑於佛者其惟唐之李翱乎復性之篇幾於聞道矣以禪證目之非知道者也

楊簡之狂恣以頓悟而入者靜之學也扇訟喻幾於拈槌豎拂之術矣是故簡則禪而莊者也其子靜之流派乎

今之學者其求夫頓悟也亦資爲講說而已矣夫道之在於人也猶衣服飲食之切於身也在體而行之爾又焉用悟

夫所謂悟者爲世之昏汨於利欲習類之固而言也故復而得其本心之謂悟

吾憂夫天下之不皆悟於學也若夫道則正而常者也爲有物而秘焉可希見之則君子弗悟矣

紫峯文集

卷之十三正學編三

聖學陳先生

卷之十三

紫峯集十三卷

福建巡撫
採進本

明陳琛撰琛有易經淺說已著錄是集詩五卷文
七卷正學編一卷末以年譜附焉初刻於嘉靖中
此其裔孫所重刻也明史儒林傳附琛蔡清傳末
稱琛杜門獨學清見其文異之曰吾得友此人足
矣琛因介友人以見清云云今觀其詩皆濂洛風
雅一派其文亦類語錄講義蓋其淵源如是云

西玄詩集一卷

〔明〕馬汝驥撰

原北平圖書館藏明嘉靖刻本

附《四庫全書總目·西元集八

卷》提要

西玄詩集叙

雍之文肇于伏羲闢于文並周公易源也
訛書禮纂流也逮秦焚坑文幾熄矣宋
亦有張孝幽銘文斯續焉三百篇多出於
岐豐漢蘇李變為五言唐李杜加以七言
雖非鳳雅碩也墨焚夫賦比興之階而藻
詩曰蘇李唐詩曰李杜觸物興懷山騷人
雅不媿於三百篇雍之文不有餘響乎

西元集卷八

明興雍盧田邀先進尚盾弘治間李按察
夢陽謂訛必宗杜甫唐殿撰海謂文必祖
馬遷而下學士而多從之士類靡然所
居同對出因得爾定之君子矣皆則有若
王太史九思張民部鳳翔蘇司殿民段翰
檢吳馬太兒理簡中丞楫呂宗伯柝韓中
丞昶奇翁伯昶靖王憲使九峰王翰檢元
正南郡守大吉副憲使儲香馬太史汝驥

許中丞宗魯王命屬謳河中丞棟張比韻
治藩李僉憲宗樞王周諭用賔呂郡府縉
胡鴻臚侍趙兵部時嘗錄羽士一元賔與
李廉同謁雖言人々殊而果歸則太史公
刑工部也因文達所豈無竟於十翼九曜
二南三帛又孟予若轡宗夫竊有志焉而
未能也亦伯循仲木尤加意於橫渠之業
雖未敢與天下學士而夫譚文然旨西方

東齋集前序

二

學者觀此不謂之雅者乎故雍之學得稱
予弘治正德間也仲房自南鋁臺寄一牋
曰西玄集視予漁上予觀之始雅雅也一
曰視旁通幼通曰固雅文也風格韻致嬰
不出於少陵首燕秦中一詠品焉豐鎬諸
君學或曰轡宗之言焉然也

嘉靖十有七年夏五月午日天水胡轡宗

並叙

吾鄉嘉靖間詩歸同鄉此序
神齋居士世號管溪歐古雅
也本一詩人可謂大雅

西玄詩集

上郡馬汝驥撰

五言古詩四十首

籍田詩

星鳥紀杓吉寅賓發朝曦肅肅闢青壇皇皇應
紫微楓宸華蓋出天間玉輦飛震雷扈萬乘披
雲揚九旗赤甸陽氣蒸阡陌具在茲載芟治百
禮祈穀敬靈祗冒楸御一墀耒耜事三推齊衡
始上公方畝終庶黎斷木象既恆舉趾風自布

聖集

十一

回渠激清眀甘雨沾平圻澤蒲浹溫渥山柘躋
榮輝享德黍稷備育命來牟貽秋至秦同穎年
和祝皇釐嘉賓登翠幕勞燕傾瑤卮湛露歸無
醉食萃好不違太史慚覩士興人效飾詞

辟雍詩

辟雍何巖巖巖巖麗天宮佳氣鬱聖林朝陽赫
豐亮我皇條戾止鏘鏘玉鑾停鼓鏘設九奏笙
篳承兩楹祖實奠蘋藻躋敬飲神靈獻終臨廣
堂函丈橫六經濟濟青衿子洋洋吐珠英虛圖

既昭晰微言四座傾台揆贊有造三氏觀化成
端弁欽帝命九流無異名鳳至德不哀麟獲道
已亨樞極立中天宸駕登闕庭璇蓋雲衛合龍
旗電龍征都人觀玉容率土被風行尾俊振天
翰奉璋揚頌聲貞珍致川嶽萬億垂大明

夢詩

予昨守澤州近天壇山不獲造觀乃今月廿
有三日夜寢夢與張山人詩抵一村舍後山
前溪有父叟巾服古朴揖入後園盤進數棗

聖集

十二

各食其三叟曰此山上聚也予回視榭棗實
垂垂遂亭徑上山撲取數棗將歸失徑路所
遙望大道漸平由道步二里許見宮觀都解
二道士在門跪曰久候使君來何訛也導入
院數層登一小亭亭乃在巖下夾之大池咸
規數十丈浩乎滌漫澄淨鑑如道士跪曰此
濟瀆也予乃言張子及叟故道士曰叟者山
後樊隱君也此有馬可往迎張公頃之張子
至酌酒共歡會天晚計明當登眺方命童子

取筆紙遂醒時夜四鼓矣然事跡與所聞絕
異又不知樊隱在何人堂中叩難究意至則
往不必成其耶明日乃賦詩贈張子董教
戎焉

濟水發上屋天壇鬱南東真境信卓絕異人屢
託蹤往登淦竟迷來企勝必逢賞心豈偶負神
理條然通今夕亦何夕迢迢歷僻壩目豁劇自
悅性適能衆從合香出重林詭恠森萬峰牽藤
陟翠磴披竹躋瑤宮瑤宮何宏麗闕路入十重

李孟集

三

層巖迴白雲雙潭澄碧空霞文蕩若藻風浪涵
蛟龍源匪無異脉流駛合冲融周覽失疑似忽
覺枕席中欵攀日月明卧翻江漢雄魂定意恍
惚俾樓驚鼓鍾對時景不延撫化道焉窮山靈
眷隱豹海思超冥鴻懷哉肥遯士縹組傷子衷
樊公滅圖史張子存詩蓬存滅殊仙幻矯掌冀
遊同

曉發香山瞻眺

茲山鬱百仞綺麗不可名夕息眺未廣晨發賞

更靈下展風霧豁上千日月冥兩崖青合峙千
殿翠疊成松杪泉細瀉蘭薄溪重縈金繩關險
徑丹丘秘仙庭花念釋子偈草感王孫情伊予
抱塵役從告獲遊行理愜組欲解志超策每停
春芳修遲暮歸詠慚脩炯

道中連日望西山不絕

束髮尚奇嶠總繚獲幽勝西郊入巖嶠北天互
綿亘居庸霞疊丹大茂雲盤龍地險周河山野
曠側巖磴水濯芙蓉齊霜排刀劍瑩遐邇觀如

李孟集

四

一晨昏接焉罄絕胡旣北極作漢方中定靈聖
或寄巢隱淪無捷徑賞心誠不虞悅景賴非佞
牽朱傷我懷化緇違爾興岐探徒御惕勞歌川
谷應逐物昧來理旋服明初證

雪遊天寧寺同二三子

役役欣暫憩冉冉憐春工玄雲塞城隍流霏媚
川風眇宇濕盤逕陟梁明結虹飛梯進窈窕我
閣攀玲瓏景異翫足嘉朋來筵幸同梁賦簡誰
授郢曲和獨逢時短昕忽夕二儀落虛空珠懸

光欲流花散香在叢凌峰綴不斷填壑如有崇
懷壁安所獻報瑞將自通坐茲心境寂底以解
吾仲

出遊福田寺

城喧坐不憚野寂行能侶寶刹雲收炎赤崖日
停暑名香滿萬識仙梵微微佇西軒鬱龍盤北
瞻俄鳳舉松泉琴近鳴蘿洞鐘遙阻作禮山中
僧超然無一語

平坡山行值雨

聖集

五

翠微矯天掌丹磴盤雪膚萬壑送霹靂千巖入
泥塗藤攀短屐滑篠夾輕裳濡細浪奔鯨吐斜
風飄燕呼海童歛光怪楚女真虛無周覽竟何
似朋遊長歎吁

雨中登大圓通寺鐘樓

雲梯架半嶺雨檻開絕巔俯刹迅湍飛望京遙
雷連銅街渺碧游金闕浮青天花霧上方落幡
虹平野懸虛空響振谷縹緲光迴川妄色藉茲
濯冥津度不牽

雨不止阻往清涼寺

肥牒欽仙蹤樞衣眺王舍如何一日霖巨浪千
山下願海不逢航恒沙焉可駕花愁舊樹摧竹
想新枝亞白鵝離哉翻青龍渺然化玄珠幸汝
投歸袂當予謝

宿善應寺

登頻青崖雲歸依金刹月暗窻合長蔓涼殿開
深樾山靜鐘不流天空香自發齋心入杳冥道
性行超越虛空照無鏡玄津通有後燈傳叨鴈

聖集

六

堂駕肅慚龍闕

自平坡趨香山

峻陟力云疲奇探興不盡巖連石蹲豹岸曲溪
盤蚓律律一徑絕回回萬山窘懸泉虹突流飛
閣天遙引眷彼雲中軒憇茲塵外軫靈園氣蔥
鬱躡步松蘿近

登南禪寺閣

寺古下冒嶺閣危上千雲仰高平坡直攬秀香
山分霧壘覆丹氣霞岑開錦紋躡龍奔峽見鳴

鳩踈林聞鏡石辭繡澁函經絲網紛雖無結構
巧地德良可欣

再至香山

混世退不獲耽山遊獨屢靈竒天巧成壯麗人
工聚磴石千盤陟峰雲九條駐青來細草披翠
合高藤互梵落炎盡捐鐘鳴日云暮暢哉物外
情委化菩提樹

碧雲寺洞中聞歌

瑤宮既弘敞石洞亦幽陰旨酒始曲水清歌忽

聖壽集

七

振林輕梁塵一動虛穴風再吟空裏畫花色山
中夜樹音和傳白雪寡聽入玄雲深恍惚夢天
樂珊珊飄飄岑

昭化寺泉亭集作

剎隣玉泉閣亭傍金沙構風柳蕩回渚林花灑
輕溜肆筵雨濕尊拊瑟雲沾袖汎月渺蓮航流
霞間菰豆山兼仁智德水變朝昏候彼岸孰先
登濯纓賦多又

行經西湖

西湖宜皇跡輦道依然行岸夾芰荷密波搖松
檣明日朱合璇蓋雲綵揚丹旌嚴整聞王氣樓
臺表神營周巡車馬徧夏豫歌頌成寂寂龍歸
久鵠鶴徒爾鳴

入阜城門西眺

地靈夙有慕塵務恒自乖日殿西北抱天峰表
裏排息心步不住愜意理無偕朝值振衣友夕
從垂綬儕廣闊顧寶塔修陌睇丹崖抗手徒延
佇深林雲霧連

聖壽集

八

江子席上觀白雲

天畔騰白雲徘徊照君席影從玉杯墮氣向瑤
臺積波謁練欲飄風輕蓋疑坼氛氲星月掩
蔚山川隔鱗葉既露茅雪膚初觸石高城詰
變層閣虛無闢書物非煙慚改容行雨迫龍
乘九重鶴舞迴阡陌皓質迎帝鄉鉛華落仙宅
願言奏芳歌精彩停今夕

十月九日奉制之潞城王府冊封與諸
友別三首

宵登銅龍閣晨發金馬門振策就康衢駕言之
朔雲朔雲天不遙中歡修以分寥寥都亭樹霜
葉何紛紛持杯展嬾婉言詢長殷勤鴻雁當北
來我車忽西巡合襟誰詎期別誼古所敦睇彼
岐路廣悽惻傷我神

二

抗手謝餞賓我行途不窮皇華承駟牡玉節揚
飛龍鳴騶下天邑青蓋何雍雍關吏望氣迎官
儀聯辟公云是天子使冊命藩王宮金書耀雲

西京詩集

九

日維城誓恒嵩天恩篤詠隸人爵加剪桐馳驅
豈不疲塵土難爲容慨然奉禮樂庶以慎初終

三

平生寡親知有友三四人集送大道傍言別各
悲辛握手申情慰高歌激行雲玄冬朔颼迅鳴
鳥聲不聞昔者等榮耀或已隨風塵邈彼同袍
居一如參與辰葉脫理無聚義合連株根祗役
難久羈踟躕出郊闔古人有神交白頭誰若新

出塞五首贈王氏

居庸鬱參差蜿蜒擬飛龍回睇一何廣巍巍
蒼穹玄雲無冬夏日夜多北風素雪皓千里炎
溫肅青松虎豹不夕遊征夫怯畫熊北顧盡沙
漠蕭條見飛蓬求絕天一隅乖隔山萬重丈夫
奮慷慨志在興王功馳馬高隄上意氣凌屈虹
鮮卑安敢前長蹈匈奴中邊庭塵不揚百歲無
警戎世儒晦大義安識壯士胸

二

艤棹玉河流林駒白登山白登何嶮赫松檜鬱

西京詩集

十

參天俯瞰朔雲北瀚海揚波瀾朱旗耀白日雕
弓月初弦桓桓列虎士萬馬屯如煙金刀貫繡
絡寶劍約瓊環天王沛德澤柱史高才賢不俟
聆金聲奇兵樽俎間左賢率群胡俯身千里還
烽火何嘗警羽檄停飛翻豐功照麟閣勒銘超
燕然

三

高秋下木葉白日亘陰冥玄嶽高刺天紫河激
湍清千里曠何睹蕭蕭沙漠平嚴風吹瀚海雪

度嘔夷零翩翩我君子巡職投邊城獨立天一
方躋旅易感情辛苦勤王事和民戢戎兵冰霜
厲斧鉞神武威不庭涼野化樂土悲愴何由生

四

少小生邊庭負氣卓不群寶劒截長霓角鷹獵
寒榛旣壯誦書詩思不逾衆民愧我何功德來
遊金馬門過秦已准論喻蜀亦屬文悠悠翰墨
門吏意不得申我友玄朔適置酒展殷勤杯深
歌慷慨談辭鬱如雲顧瞻舊懸孤怒髮欲衝巾

田書

王

問君去何時言樹非常勲清風振萬里盤石靖
中原勵志謝知已成功庶古人著書紀碩美雄
名千載聞

五

驅馬入雲中長嘶歛風飛狐狸隱巖穴荆棘自
摧頽金甲耀日光丹旌抗虹霓廣騎乘秋飈各
去沙漠垂我軍修偃武戎役復庶黎長劒倚天
外歸馬南山陂黑水無驚波白登自崔嵬誰云
威靈善潛夷

春塘詩贈陸氏

靈運感池草機雲懷渚鴻往來奏響不虧來言眷
顧同皖江覽一鳳漢京見二龍迷職最符守飲
燕班彤宮天陞紫蘭接高門白璧重荆合枝載
繁棣開華並穠共稠旣翁和判袂復從容邦畿
豈外隔承明恒內供敦親念岐路愛結絲與桐
夕聽雨散簷朝發星聚空夢寐懸河帆倡歎鳴
殿楓披情授我詞慚彼羊何工

贈周子令來安一首

聖集

王

整駕城南門兩驂飄玉纓徘徊薦卮酒邂逅傾
素情合言嗟已遲別念倉卒生豈不崇嬈婉皇
華有嚴程凌晨四牡服日暮無留行其行行即
中遠長揖向我辭征夫不顧返河梁詠何之人
生重義契然諾成不違多岐愴予懷緩轡申微
詞甚微詞焉足陳爲君寫瑤琴絃促調何長君
子有悲心單鳥振入雲獨鶴鳴在陰伐木求旣
切白駒感復深洋洋志流水激烈難重吟勿云
此曲苦四海誰知音知音一何罕古誼以相

勃博論理不虧英遊氣孤特壯哉割雞用適彼
滁陽國丈夫重高勲爵位如鴻鵠王臣孰近遠
帝里無南北遵養及時康仁澤流遐域甚遐域
被新謠令聞千載垂武城絃歌播單父帶星治
桐鄉子弟愛中牟父母思德立豈必大道行當
自卑小邑介江淮民務日罕稀勸農有餘暇山
水或燕嬉賢達著來今鄙生羈職司甚職司不
得弛仲夏指南遊火雲車蓋張赤日金石流揮
汗眺平野川塗阻且脩世淹嘆俱劇年徃歡不

聖集

主

留春芳歛忽變歲寒氣始周運移一轉轂願子
慎方舟甚方舟揚錦帆杳登天漢中天漢高無
極星槎不我逢遠人習奔馬觀濤增悸容袂惜
仙棹判書獲雙魚通南原挺直麻北山饒曲蓬
政成庶言旋扶翊追群龍甚

贈范子刺廣州一首

君行指天南山川邈無涯剖符發皇邑揚棹行
遠夷躑躅向河梁眷此交暉睽曲宴豈久娛飛
觴不可辭甚飛觴君莫辭南鷺寡翁和人生形

骸隔婉孌奚足多敦義慕在昔敷藻耀鳴珂傾
光靡中輟星散將如何甚如何叙離心往荷社
稷任尺蠖伸下土神龍沛豐霖炎裔生涼景越
裳被華音君人德不忒遠績垂南金甚南金希
世玩良訊萬里懷蓬生直自扶萍流聚必乖杪
秋氣慘惻落木何摧頽愁念臨岐結悲端與時
諧甚諧諧時悲遠行驪歌異楚聲道故言已長揆
來分不輕白日邁迴電去去理無停愧我寡修
翼從子以遐征甚

聖集

主

送許氏十首

憶我褐初釋與君冠共彈玉署欣登龍丹墀慚
簞鵠歲周歛十五離合故無端合難言未伸離
函念交攢

二

我昔趨天閭懷君在荆服君來陟卿月予疚棲
河曲天各睇屢遙日覲歡轉促慷慨復臨岐悲
風起平陸

三

繫駒在都門道故辭未終盛陽戒旌節川陸飄
炎風峻義揭青霄餘名垂紫宮三台正光耀四
岳何龍從

四

王畿本樞要執法復烜赫鉞秉照金泥旗翻交
隼翮諫棠分陝東攬轡行冀北勵志嗣清塵誰
云異今昔

五

峩峩漢京西鬱鬱關門阻山蹊狐可飛天斬馬

要集

圭

堪拒錫圭往于蕃剖節坐開府作詩愧孔碩聊
以贈申甫

六

易水臺不存恒山堞魏如焯焯帝王宅鬱盤千
里餘氣靈結雲蓋天逼明星樞延眺發英藻何
言漢兩都

七

冬夾西峰約春隔南京遊孤懷良寡憚袍紫竟
何尤判袂况須臾持觴作道周眷眷悽歌發定

非兒女傳

八

中慘暑溽困離思情華感亭木響時蟬城梁挺
英舊仇寡會復稀程嚴振詎敢百年冀努力千
仞有題覽

九

結交弱冠始附驥攀青雲情將華萼篤道以膠
漆真邇近屬離遲遲迴動征輪氣感聲不殊跡
隔願誰伸

要集

圭

十

零雨夜淅淅詰晨東日生僕馬遲中塗朋交集
南城迢遙指封畿繾綣辭承明投桃扣行李儻
報瑤與璵

七言古詩十首

王屋山歌

西來萬山盤踞九天上王屋之山平若掌四面
芙蓉削不成千秋青黛開何爽吁嗟麗觀三晉
先東出淇濟雙龍旋晝看霧雨吐巨壑時聽風

雷生絕巖傳中鑿雲中宅巖洞冥冥不易測
三十六天誰遍遊可憐福地埋荆棘瑤壇芝草
發金光石室丹書虛閉藏羽衣鶴駕杳莫即留
照仙燈日月傍君不見靈都紫微赫弘敞玉真
司馬今奚往悵望烟蘿百尺懸幾時躡屐攀幽
賞

白登山歌

漢王昔日百戰餘山東諸侯匹馬無冒頓精兵
四十萬南踰勾注窺天都九重按劍風雷動羽

聖集

七

檄軍書龍傳送自云破竹不可支豈料伏機翻
自中自登之圍亦誠苦七日不食不控弩士卒
墮指雨雪寒胡奴披裘氣如虎四方馬色誇雄
威雕逐翩翩鳴鏑飛青笳四面奏謠曲關氏獻
賂真卑微奇謀秘計世不識神靈暫解風塵色
歸來半道曲逆封公主和親行塞北長安城關
雲霄中能罷夾衛蛟龍宮白龍魚服遭人侮却
向沛兒歌大風繫頸單于功未就誰使後來還
攀關祭天金人何處歸上谷造陽終莫救君不

見白登之山今若此不見烽煙見流水

碧雲寺行

西山臺殿數百十侈麗無過碧雲寺創構土木
元自誰山川是昔主人異憶當先朝垂暮年中
官十輩持權勢長安奪它盈九衢復置祠園開
此地斬削峯巒巖嶮穿池出泉千丈清黃金
作堂玉作闕蛟龍屈曲飛簷楹三梁直訝虹霓
起萬戶迴看星月生後有香爐前寶塔石麟翁
仲雙崢嶸陰洞鑿空嵐翠裂水亭幽敞失炎熱

聖集

大

紫竹蒼松南土產北移幾歲森盤結玳瑁琉璃
何足奇光景照耀煙霞滅錦幡綵勝揚雲霄法
鼓齋鐘振巖穴內苑輪奐工巧在江湖花石官
頻採重泉銅鐵豈不固橫遭夷伐爲銀海雍門
流涕亦奚求石柳傷心曾可待千億寧知劫火
消須臾果見桑田改勢極還衰理莫懲那依佛
力無推遷僧徒三五已星散歎息傳舍疑諸天
瑤窻長閉蒙綠薛玉階不掃飄青蓮客時遊賞
伴麋鹿鬼本苦寂嗟貂蟬護勅豐碑迭傾覆佳

城窈窕通虛谷縱憐五淨條煩髣髴恨四凶逃
殺戮他日素車誰竟下風揚番使靈祗憑石經
山廟玄明宮榛棘荒涼但樵牧

邵園行

君不見漢家八葉神靈主繼世承平身好武誇
胡罷獵長楊官廣苑還開上林土上林奢麗帝
城東勅號新莊錦繡叢連袤雖無百里大蟻嶼
亦有三山崇雄模遠勢跨京闕萬戶千門通日
月松閣平臨北斗迴蓮池倒映西山沒周流一

聖集

九

水錦帆揚瑤草瓊花夾岸長蛟龍畫舞丹青洞
翡翠春巢金玉堂天子八鑾時不御匹馬奔馳
歛風霧回旌駐蹕人豈知伐鼓撞鐘日云暮五
營萬騎羅九旒掃除閣道雲霄遊近侍誰陪栢
梁宴將軍獨拜富平侯哀歌少壯秋風起北伐
南征心未已雷驅火衛出三邊虎驟龍騰歸萬
里自從七寶棄人間桂楫蘭橈那復攀禹湖只
挽遺弓泣銀海難從賜劍還一朝天地成翻掌
七貴上書要上賞丁傳幘幘肺腑深金張園沼

恩波廣寂寞長思萬乘臨龍文赤日轉銷沉翠
亭想像團華蓋綵仗虛無排碧岑四海爲家元
不異泰山之封七十二意氣崢嶸父老嗟年光
變化兒童戲登臨此地莫悲哀請看昔日黃金
臺千金駿骨葬何處滿目荒丘迷草萊

寶劍篇寄贈張子

我有龍淵之劍古所罕千里贈公何意氣歐治
風胡久不存嗟哉神物今誰貴憶昨鑄此逢良
工昆吾積石鳴雷風天帝太乙詫真巧蛟龍奮

聖集

十

立炎煙中蓮花片片秋河溢五色參差七星出
玉匣虹光閉亦流錦綵珠飾纏仍密霜鋒犀象
斷無難龜甲蛇文照日寒耀武王侯歡自得報
讎豪俠忌相看莫言牛斗衝遙夕棄置泥沙翻
愛惜有時霹靂上青天駿馬連城價虛索君不
見張公七尺烈士身白面紫髯生絕倫常望滄
江一騰躍共來四海揮風塵

賦得洛陽道送蔣子

憶昔洛陽名上京皇衢九軌自縱橫青春寶馬

承龍蓋白日雕軒引鳳笙不獨平臺天外度更
於飛閣霧中行陌槐花拂三公珮渠柳條牽七
貴纓七貴豪華誰不羨朝下德陽遊赤縣挾彈
晨迎司隸節鳴鐘夕赴將軍醺珠樓十二映煙
霄劍客三千擁雷電走狗爭過桃李蹊聞雞直
上芙蓉殿復有乘羊雙玉人虛傳拾翠觀明神
文茵滿擲黃金果羅襪微生綠水塵酌醴朱絃
浮谷口採桑紫綺照天津山河藹藹千家曉城
闕煌煌萬歲春詎謂年移歡不假可憐海變須

聖賢集

北

更者銅駝埋沒草萊中石象摧頽風雨下屋破
先傷九子烏鼎移重厭五湖馬古來佳氣豈沉
銷今去使君何俊雅使君分陝即塞帷遙望王
城四牡馳吳召爲邦驚絕代班張作賦修當時
登門客喜竹三徑問俗民謠麥兩岐還向雲臺
訪遺跡不須續嶺遲仙期

賦得潞河送盧駕部

君不見潞河水遙接長安道源發丹花曉玉田
波通碧海浮蒼昊微茫沙岸折龍蚪日月低懸

屬上游濤雪渦雷幾盪瀾盤縈萬古東南流朝
朝津吏喧金鼓漢使樓船去不數玉節常翻絳
闕雲紫泥時濕青門雨多君華省列神仙秋日
片帆開暮煙出郭徘徊百里地望家窈窕三吳
天天邊邂逅談恒劇拔劍傾杯志莫逆畫綵看
登駟馬橋星槎行傍鼉鼉國我慚形管遊帝庭
悵憶江湖虛杳冥河上高歌一解袂誰憐瑤草
逐飄萍

送許子赴湖南視學歌

聖賢集

北

樊川許子生西嶽二十名高垂北斗三十承恩
使者前須更改服大夫後美今四海珍瑤札念
昨層霄懸墨綬龍劍爭瞻紫氣新鳬鍾竊聽金
聲久詞場獨坐漫揮毫學士傍觀皆縮手歲逝
常慚雞在群春來頗喜鶯求友祇懷若水荷膠
漆每獲投瓜報瓊玖聯轡晴攀御苑花揚鞭曉
拂官河柳豈期世事多更變徒使朋儕增繼戀
諫獵相如非瑣闥傳經叔重移簪弁已聞避馬
向燕畿復道褰帷按吳甸地隔鼎湖同慘悽天

開魏闕殊蔥蒨衣冠玉筍幸朝陪禮樂皇華當
晝宴漢將還驚虎豹韜胡奴亦畏風霜面神蛟
得雨會騰空老駿飛塵元逐電坐指文星翼軫
超行搖綵節荆湘遍九疑迢遞接蒼梧七澤微
茫見白蕪羗女巧斑千竹葉秦王虛赭萬松株
洞庭波浪浮冰鏡衡嶽煙霞倒畫圖賦吊汨羅
才定有碑看峴首淚應無仙家黃鶴俄雙導處
士丹鸞待一呼鷗下平湍忘繡豸鵬盤危岸赴
檣烏狄門桃李培幽谷隋國珠璣產奧區化俗

聖女集

生

青衿歌采藻乘時錦瑟笑吹竽遠遊不解憐毛
質長揖何須顧儔匹沙塞徘徊旅鴈鳴河橋避
逅驪駒出未傾卮酒動林颺欲轉車旗迴野日
累月寒暄自莫知百年遐邇誰能必登樓信美
越人吟探穴最奇遷史筆六藝源流渌濯餘十
州梁棟裁成畢休論琬琰照彝尊要籍笙鏞調
呂律唱憶山公上習池召占賈傳歸宣室

送熊郎中使浙

燕京雷雨震初霽閨闈輕風動征袂漢使天邊

指越中泥書手受蓬萊帝帝念蒼生五刑緩十
道塵氛一時浣覆盆日月見金雞幽闈春陽回
玉瑄仙郎錦節畫翻飛遙拂女牛星宿稀浙潮
弩矢天吳駭秦望樓臺霸氣非萬壑千巖盤禹
跡冥冥江海鼉鼉宅擊楫常流簫鼓音塞帷暫
借文章伯楚才本自高陽後作賦聲名垂北斗
匣內龍泉早射人林間鶯語還求友憶從武皇
十二春萬言禮樂登楓宸同儕三百總豪俊君
也英妙仍絕倫十載含香近天仗慚予亦附青

聖女集

高

雲上朝聯綵珮入仙班夕奉璫筵接高倡升堂
搖筆氣何雄學士詞卿列下風擲地還驚台獄
秀過都却歎羣空邂逅樽壘嗟不數倉惶離
析誰當樂覽餘鳳德更光輝歌罷驪駒真索莫
悵望星沙紫蓋懸洞庭瀟湘天漢連船開斑竹
浮晴色廟合蒼梧散暮煙東方大隱金門裏南
國探奇心未已行隨鴻鴈感今懷坐訪鱸魚味
前理皇華此去美遨遊長揖輶軒不可留草奏
尚書遲公等莫逢漁父詠滄洲

短歌送陳殿講冊封之楚兼訊伯誠稚

欽

石亭子此行何壯哉都門走餞沙霧開吳宮楚
臺在咫尺一棹迢遙天上迴天家宗派寰區徧
聖主分封出纓弁玉節時馳閭闔門冊書歲下
明光殿山河漢誓獨周親禮樂名邦接近臣湘
北還浮太史氏衡南不訪魏夫人武昌仙樓高
挿天黃鶴白雲俱眼前酒酣落筆動風雨賦入
遠遊哀昔賢江樹蒼茫冬日短歸來餞旬春花

聖集

並

滿棹過金陵莫遲留鵷墀鸞閣懷彤管十年朋
舊各翻飛君聽驪歌意不微去去如逢王與許
道予將欲解朝衣

五言律詩八十首

元日早朝

元會龍飛始仙班虎拜同車書萬國至鐘鼓九
宵中殿栢披春霧階葦拆曉風履端天共慶奉
玉對呼嵩

送駕

戈馬萬雷聞旌旗導羽軍九霄馳鳳輦雙關抱
龍文霽日南郊出春霞北極分甘泉遶虞從詞
賦愧楊雲

候駕

綵仗發青畿瑤壇禮帝歸闕開雙鳳轉輦入六
龍飛曉霧爐香合春霄珮玉圍鵷班閭闔裏咫
尺佇垂衣

慶成宴二首

曉薦南郊璧晴開北闕鐘初筵集鵷鷺廣樂維

聖集

共

魚龍露下金盤數雲浮玉仗重已拔周宴會何
羨漢登封

二

寶殿開仙錄瑤墀接御筵冠纓聯紫極簫鼓落
青天萬國光華旦群公歡豫年竊歌魚藻曲答
舞鳳儀前

駕幸西壇

龍墀鼓角傳鳳駕出春田芝蓋晴團日霜戈曉
拂天壇開仙陌草幄引御爐烟滃賦今誰奏遙

聞賜綺筵

曉詣太學候駕

曉鐘開紫極春誦合瓊林
華道烟花複奎章日月深
文鼉傳石鼓綵鳳待瑤琴
御幄當門戟爐烟繞檜陰

孔廟陪祀作

儒林氣鬱蔥華鳳下瑤空
玄幣天行日青蘋帝覽中
樂還六代備禮自一王同
北面如神在誰悲會道窮

聖集

辛

奉天殿陪進

武廟實錄有作呈館中諸寮友三首

武皇十六載謨烈日光輝
玉版聯東壁金泥薦北扉
天階與直上雲殿蓋徐飛
起受知歡慶龍顏望不違

二

蓬萊散五雲太史奏芳芬
日射朱衣案天垂寶鑑文
重華真友弟八葉更明君
筆削慚班馬空隨鷁鷖群

三

建禮金函入承明玉珮趨
雲霄連虎觀日月啓龍圖
絕筆銷藜火遺弓抱鼎湖
先朝內供奉拜舞答嵩呼

萬壽節奉天殿侍班作

九重開聖節五百際昌期
殿燭通廊迥爐烟繞柱遲
龍光懸寶鏡鳳奏落朱絛
咫尺天顏喜華封祝在茲

六月二日早朝

聖集

文

奉節朱明入聞鐘碧漢趨
殿庭瞻舞拜閭闔待傳呼
龍陞旌旗整鷁行劍珮俱
駕移天一轉紫氣滿皇都

望康陵

康陵接泰陵西極紫雲層
暮倚金門栢秋攀玉殿藤
地靈元有待天壽豈無憑
灑淚還佳節龍神不可升

太液池

子城西乾明門外有太液池
水從玉泉流入

延竟大內舊名西海子上跨石梁自承光殿
達西安東門約廣二尋修數百步兩涯穿甃
出水中下斗門鯨獸楯欄皆白石鑄鏤如玉
中流駕木貫鐵絛丹檻掣之可通舟東西峙
並表東曰玉嶼西曰金鯨其北別駕一梁自
承光達瓊島制差小南北亦峙華表南曰積
翠北曰堆雲

碧苑西連闕瑤池北映空象垂河漢表氣與斗
牛通鯨躍如翻石鯨行不斷虹蒼茫觀海日朝

聖集

光

會百川同

承光殿

在乾明門外有甕城東西南隅闢二門入梯
至巔闌雉周迴皆設睥睨中構金殿穹隆如
蓋雕櫨綺牖旋轉如環俗名團殿外周以廊
向北皆金飾垂出垣堦間甚麗北直瓊島中
有古栝二株柯幹虬偃蓋數百年物也

堦繞門雙闌梯懸殿一攀飛甍承寶蓋列牖轉
瑤環松古盤雲翠苔新帶雨斑三楊賜遊數稽

首憶天顏

瓊華島

在太液池中從承光殿北度梁至島有巖洞
窈窕磴道紆折皆疊石爲之其巔古殿結構
翔起周迴綺牖玉檻重階而上榜曰寒廣之
殿相傳元太后梳粧臺今欄檻殘壞內金刻
雲物猶彌覆檁棟間下布以文石傍一榻亦
前朝物殿前舊有四亭曰瀛洲方壺玉虹金
露今惟遺址耳詳見輟耕錄

聖集

手

碧池懸帝闕瓊島入仙家洞口流雲氣星潯湧
日華桃源虛歲月蓬海復塵沙繡殿遊天女燕
支映夕霞

藏舟浦

瓊華島東北過堰有水殿二一藏龍舟一藏
鳳舸舟首尾刻龍鳳形上結樓臺以金飾之
又一浦藏

武皇所造烏龍船岸際有叢竹蔭屋浦外二亭
橫出水面

鳳殿臨瑤水龍舟鎖白雲樓臺疑上漢簫鼓憶橫汾池豈昆明鑿波猶太液分昔年浮萬里蘭桂詠續紛

芭蕉園

承光殿南從朱扉循東水許半里崇圍廣砌中一殿碧瓦穹窿如蓋上貫以黃金雙龍頂纓絡懸綴雕櫳綺窗朱楹玉檻八面旋匝曰崇智殿殿後一亭金飾北瞰池水轉西至臨漪亭又一小石梁出水中亭有八面內外皆

聖集

手

水云釣魚臺殿前有牡丹數十株園名芭蕉豈昔有而今獨存其名耶

輦道山樓直官園水殿低碧荷春檻出紅藥晚階齊釣石蛟龍隱歌臺鳥雀啼翠華當日幸花木五雲迷

樂成殿

從芭蕉園南循水過西苑門半里有牖瀉池水轉北別爲小池中設九島三亭一亭藻井闕角爲十二面上貫金寶珠頂內兩金龍並

降丹檻碧牖盡其侈麗中設一御榻外四面皆梁檻通小朱扉而出名涵碧亭其二亭制少樸梁檻惟東西以達厓際東有樂成殿左右楹各設龍床殿後小室亦設御榻皆宣皇遊歷處也殿右有屋設石磨二石碓二下激湍水自動蓋南田穀成于此春杼故曰樂成

金隄廻北拱寶殿樂西成春急奔湍上梁危架石行池龍蟠九島苑鳥下層城帝豫因民事長

聖集

手

楊愧頌聲

南臺

從樂成殿度橋轉南一徑過小紅亭二百餘步林木深茂內有殿曰昭和皆黃屋傍有水田村屋宛爲農家

灌木晴湖合高花午榭移堯茨元不剪周稼欲先知雨露懸蓬徑風雲護竹籬九重歡豫地髣髴見龍旗

兔園山

從南臺達西堤過射苑有兔園其中疊石爲山穴山爲洞東西分徑盤紆而上至平砌又分繞至巔布甃皆陶埏雲龍之象砌上設數銅甕灌水注池池前玉盆內作盤龍昂首而起池水從盆底一竅直出龍口分入小洞由大明殿側九曲注池中殿傍喬松數株參立百藤縈附于上復懸蘿下垂池邊多立奇石一名小山子

雲梯盤石迥水洞穴山深龍壑春雷聞蛟宮畫

東坡集

圭

日臨壁金翻竹色檻玉落懸陰誰作梁園賦還來奏上林

平臺

太液池西隄出兔園東北臺高數丈中作圓頂小殿用黃瓦左右各四楹接棟稍下瓦皆碧南北垂接斜廊懸級而絳面若城壁下臨射苑背設門牖下瞰池乃

武皇所築閱射之地又後左門左翼室亦曰平臺

今上曾召見內閣諸臣于內賜詩
曲臺通太乙複道肅鈞陳虎旅歸營久龍光繞
禁新柏梁開日月蓬閣接天人漢帝崇文化賡
歌奉紫宸

萬歲山

在子城玄武門外更出北上中門爲京師鎮山高百餘丈周迴二里許金人積上所城傳在元大內今林木茂密其巔有石刻御座兩松覆之山下有亭周迴多植奇果名百果園

東坡集

圭

蔥鬱倚青天微茫散紫烟祖瀛符帝宅泰華鎮王川樹裏西山對花中北極懸登封非遠幸三祝配堯年

望居庸關

立壁千峰斷開關一徑懸盤危門入斗跨迥成通煙北控龍沙外南標鳳闕前時平間鎖鑰王氣拂青天

洪光寺待月

寶剎鬱山巔金波對寂然桂花風外散蘿蔓霧

中懸蛤喜春池減蟾驚月殿圓白毫如可照流
影望西天

自普福趨五華山寺觀泉

嶺陟千盤上泉觀八解初玉蓮開湛寂寶樹映
空虛錫擲懸流處香沾灑露餘窮源迷彼岸徒
此濯塵裾

玉泉

玉泉春甍沸銀漢曉微茫太液迴波杳仙溟引
泓長鯨翻千練白龍吐萬珠光莫問昆明鑿沉

聖集

奎

灰印帝鄉

山中對月

今歲中元月山空見不遲玄雲一以散白露迥
含悲松栢諸陵暗芙蓉萬壑衰北瞻闕塞近龍
笛莫頻吹

出關經盤石驛

關門天蹬下驛路石盤行險競峰頭壑雄當塞
口城弓刀分樹影笳鼓入雲聲澗水回回渡淒
然感鶴鳴

蜚狐口登樓

鎖鑰當西北茲樓亦壯哉河還萬馬拒城自五
龍開白石山連棧青烽戍遶臺憑軒歌出塞佩
劍忽風雷

渾源山行值雪

亂山迴白雪曲徑上青霄雲葉千重錦風花萬
疊瑤寨帷沾漸瀝駐節爭飄飄北嶽蒼茫裏疑
翻瀚海潮

雪霽登嶽廟

聖集

素

雪罷山爭出雲攀蹬屢迴丹青搖綺殿紫翠閃
瓊臺永落千巖日風傾萬壑雷天峰吾欲上孤
貉正悲哀

題龍泉觀

鶴觀層霄立龍泉萬仞飛嶽雲盤壁古天翠入
窓微躡斗丹梯上朝元絳節歸松蘿冬更碧雪
日映仙衣

望五臺二首

目極清涼地岩堯出五峰松巖蟠日月花圃雜

春夕雪現諸天鏡雲連萬壑鐘前朝餘殿閣久
擬躡仙蹤

二

翠岫三天列金河十刹開梵流還竹澗香繞定
花臺驚掣恒山去龍翻瀚海來仙人元五百縹
緲誦經迴

雪霽登雲巖寺閣

寺閣城隅出河山雪後開檻危懸粉堞塔峻倚
瑤臺香氣蒸雲上鐘聲度漢迴所嗟文賦筆不

雲巖集

妻

及大夫才

四月四日遊盧灣

礪背孤城曲川吞萬嶺偏乍晴沙日澹首夏野
雲鮮酒灑花間石琴揮樹裏泉獨哀公子廟遺
像卧蒼烟

四月八日雨雪

山城風候異夏日雪花飛雜雨留寒色沾雲弄
夕暉園桃開碧盡階草出青稀報語聞鶯燕無
愁暖不歸

龍灣遊眺

昔聞龍窟宅龍去石泉幽畫壁新雷雨開宮犯
斗牛花踈蜂轉散林密鳥還投宋代多名跡巉
巖翰墨留

清源遊香巖寺同李川父三首

征蓋爲君留炎天覓寺遊巖蘿垂日暗徑栢繞
雲幽梵自千山落鐘於萬壑流塵心一棲息瀟
灑在滄洲

二

雲巖集

妻

青蓮李居士吟弄玉泉茶古剎邀予入名山繞
縣斜雲陰時覆樹雨色晝飛花高韻懸流水何
當愧伯牙

三

寶地雄三晉珠樓逼五臺樹連青嶂合花映白
雲開石磴褰帷上飛泉灑筆迴茲遊真不忝君
有謫仙才

真定城南池晚汎二首

城陵舟一進沙洋酒還携荷葉晴搖日蛟龍晚

出泥波平看地闊雲起覺天低莫遣回桡急漁歌在近溪

二

本來丘壑性偶懷水雲心
艤棹開瑤席鳴笳坐
碧林城樓天倒出澤國日初沉
咫尺愁雷雨電
鼉吼浪深

同劉胡二少卿水頭汎舟四首

曉纒聯城曲晴桡坐水頭
登仙慚郭泰訪客見
王猷風浪吹朱鯉雲湍下白鷗
吳歌聽漸近疑

要集

卷

是採蓮舟

二

水碧雙桡動天青一鏡開
高荷搖綵扇細荇蕩
金杯石氣歌雲駐波文舞雪迴
接籬還倒著笑
問葛疆來

三

東道三山近南園一水穿
巖蘿迷白日岸樹失
炎天鷺浴盤渦裏魚翻碎石邊
即看湖海去搖
筆灑雲烟

四

青龍盤一水彩鷁傍三人汎酒園
花細牽衣岸
柳新槎如天漢客賦少洛川神日暮難回棹
飄欲問津

十六夜同承之過虛白道院對月

秋月玄宮滿霓裳坐未闌
簷虛蘿更白殿迴桂
仍丹鏡度銀河濕杯傾玉露寒
關山風自急絃
管奏長安

聞鄒張二子遊西山歸簡贈

要集

平

西山五百寺金碧落湖明
藜杖聞雙出松巖想
一行錦雲龍虎闕赤日鳳凰城
妙思烟霞入歸
來幾賦成

答江子謁陵之作三首

帝京千嶂合天壽七陵盤
日月開龍殿烟霞鎖
貝壇鼎幽湖更碧鐘香壑仍丹
滿目康園淚風
飄檜栢寒

二

陵闕千官出天風萬壑迴
鳬飛青蓋遶象衛赤

旂開黍稷晨登廟梧楸夜閉臺詞臣五色筆一
灑鬼神哀

三

王氣浮周邑仙才表漢陵西山盤玉殿北斗錯
金燈霜露簪纓謁風雲劒舄升龍髯攀望地翠
木繞寒藤

同陳殿講孟少叅遊顯靈宮

古院賓朋合高秋殿閣陰菊花催落帽楓葉感
鳴砧日月玄門異山河紫極深醉憐雲五色遙

聖集

聖

駐綵鸞音

張子至自澤州賦贈

君向太行歸山嵐滿素衣松峯寒翕沓蓮寺迥
霏微路憶羊腸繞雲瞻馬首飛舊州慚惠愛棠
樹剪應稀

閣望二首和黃子

寶閣青雲上瑤京白日深城高迴朔鴈山迥抱
霜林氣色觀天地風烟慨古今我陪黃叔度詞
翰懷南金

二

川嶽燕臺古風雲漢闕深憑高一眺望搖落動
悲吟水淨兼葭遠天長鴈鷺沉棲遲懷土日忍
聽在陳音

姚園雨中遲客

沙苑瀟瀟雨園林淨綠滋送涼花落細入濕鳥
鳴遲三徑停杯地層城緩轡時憑軒一回首天
際白雲移

集姚園得榆字

聖集

聖

霽雨名園合陰林大道紆丈人棲水上才子出
城隅風扇搖青竹雲觴映白榆會心非在遠魚
鳥傍歡呼

端午日迎恩寺問獻上人疾

端日逢金地東門病若何三明銷紫石四大濯
玄波蒲葉靈符秘蓮花妙法多無如舍利弗安
坐屈維摩

天寧寺訪客三首

嗜靜出城居僧房擬葛盧寒陰生殿閣細雪灑

琴書茗竈尋烟入花龕坐月虛宵分知不寐取
照佛燈餘

二

寺對孤城立窓開萬嶺圍掃藤春雪映鳴竹晚
風歸俯壑魚龍化行堦鳥雀飛問奇慚獨徃雲
磬遠微微

三

汝厭塵囂雜焚香坐竹林談玄留客久知白避
人深日翫羲皇易時爲梁父吟春花如爛熳還

聖集

聖

許聽瑤琴

人日集劉吏部宅

畫省攀瑤席金花出紫宸漢京星聚客燕市日
逢人栢入寒杯早賞生晚砌新諸君搖綵翰不
愧和陽春

送劉郎中使蜀二首

蠶叢今作使蜀道古云難白石江三派青天棧
七盤飛雲搖玉節迴日照金翰側想題橋地高
門駟馬看

二

上帝行春令仙郎別夏雲平反蜀郡喜執法漢
廷聞入賦江花秀當歌嶺雪芬星槎飛萬里日
繞玉壺薰

送林侍御按山東

齊魯封疆舊天王斧鉞新赤霄元珥筆紫甸更
埋輪搖嶽瞻鳴鳳行郊憶獲麟繡衣經關里金
石奏青春

雷子至自蜀見訪二首

聖集

聖

使星元向蜀詞客再臨燕雪日杯同把雲霄賦
獨傳門還金馬合路已碧雞懸世事君休問吾
生欲引年

二

憶解青萍別曾爲白雪歌迢遙三峽去倏忽兩
年過梅院開金枕蓬門駐玉珂劇談全蜀勝仿
彿在岷峨

春夕對雪同大兄作

晝雨已寒劇中宵雪不微光隨竹葉動巧映棣

花飛燭影搖姜被鹽晶出謝幃陽春無恠晚此
曲和人稀

七月六日夜月和懋易

樓坐面秋成俄看纖月生稍開河色暗漸逐露
華明羽扇搖初側蛾眉掃欲輕關山將短笛聊
答鑒帷情

八月十五夜次韻答孟望之

今歲中秋月西休君自看關山懸笛早城闕送
砧寒素影流何易澄輝攬更難天邊有鴻鴈雙

聖賢集

畢

照向河干

十七夜君采它翫月是夕望

月望過三五流輝粉署寒露開搖水鏡露下濕
冰統的西園上盈盈北牖安美人抽白雪逸
響出雲端

十六夜同陳文二子寺中對月

偶對王城月冷冷似水中金波輕濯露碧華靜
含風懸鏡參禪寂抽毫獻賦雄將虧君莫慨色
相本虛空

崔祭酒簾竹亭二首

萬竹面孤亭琅玕繞檻青花應結鳳食根已曲
龍形歲晚霜風颭春天霧雨冥幽人坐祛俗白
首草玄經

二

短檻臨渠立高軒看竹歸晴風交奏瑟曉翠重
沾衣截解音猶占歌淇興不微松梅俱避俗莫
訝歲寒稀

寄題孫中允園亭三首

聖賢集

畢

齋閣開何地丹青照海波座琴幽對竹壁字靜
盤蘿曉愛林光澹春行野意多臨門還釣石時
復坐青簑

二

蓬海浮三徑茅齋合萬山地幽龍卧穩天香鶯
飛閒醉月時乘興餐霞欲駐顏南遊堪載酒何
日定追攀

三

雲山元勝地水竹更幽居愛客談玄至雄才賦

嘯餘丹花搖几席綠薛護琴書猿鶴休招隱難
焚學士魚

五言排律十首

元年郊祀二十二韻

漢時蓬萊闢周郊日月迎翠華驅太乙綵仗出
通明旗旄方千乘戈鋌振五兵春雷喧近闕霽
雪抱層城地轉玄雲閣天臨白玉京齋從仙殿
浴薦向帝臺行金榜星辰位瑤編海嶽名飛梁
馳倒景縣圃絕傳聲露氣承璇室虹光曳繡楹

聖詩集

聖

神祇聯二后禮樂走諸卿陟降椒漿注居歆荔
席橫銀潢香霧接碧落燎烟生簠簋馨三獻琴
竽變六成黃珠垂紫幄蒼壁照朱紵芬樹輝重
葉靈華茂九莖受禧丹鴈集顧德赤蛟鳴嵩祝
登封遠虞巡秩望輕八鑾裝引馬雙闕拂迴旌
麗旭螭頭動祥烟雉尾縈珮趨墀草委盤入苑
桃擎曲鄙汾歌放杯慚鎬宴傾思文明主績奏
賦小臣情

端午日宣賜有作

嘉辰同賜典左順亦宣名仙闥趨中貴宸班接
上卿珠囊雲縷細綵扇月華盈艾虎丹青錯繒
龍錦繡紫祈靈先萬壽拜詔忝群英異寵昭經
幄天邊有頌聲

北嶽二十韻

代郡高誰闢恒山鬱自盤頂浮天地闊傍掩日
星殘形勢并門扼威靈冀宅安省方玄帝始分
野紫垣端錦繡虛無出銀鏐縹緲看寶符傳七
聖玉檢奉千官俎豆行冬殿琴瑟駐曉鑾觀碑

聖詩集

聖

垂歲月窟石鎮林巒百里烟霞秀三時雨雹寒
穴風生虎吼巖瀑注龍蟠橫塞榛長白穿胡帶
紇千魏遼曾甸服燕趙自泥丸氣滌腥羶雜烽
消岫嶺橫東街滄海嶼北控黑河湍鍾乳猶懸
穗金芝即捧檠薜蘿翻翠壁松栢護瑤壇雲步
名仙會脂圖大隱歡障開峰繞碧社入龜還丹
拄杖思黃鵠飛車問赤鸞真源何窈窕不復挂
纓冠

登五華寺閣十韻

寶閣開千仞丹梯繞五華春攀入霄漢晴望出
烟霞碧宇塵初淨瑤京路不避西方標驚嶺北
極壓龍沙臺倚黃金直泉飛白玉斜綵雲張拱
繡朱日度窓紗傍檻聞天樂巡簷拾雨花古松
扶佛座踈竹間僧家山接居庸樹川浮瀚海槎
登臨雖信美詞賦愧三車

送太宰熊峰石公東祀二十韻

三微開歲紀百禮洽時禋帝啓玄符日天頒翠
節辰上台藉喉舌東觀輟綵綸八座隨槎迴層

東集

先

霄聽履頻使星搖壁府卿月照天津道出齊封
舊書求魯殿新檜浮仙里蓋杏落古壇茵野霧
流清炤溪風散綠蘋享應二簋備奠即兩楹真
念昔憐歌鳳於今羨獲麟尼丘迴杳靄岱嶽對
嶙峋碑刻非秦禪柴燔代舜巡金泥和五色玉
檢閱千春嶺陟青龍繞池臨白鶴馴望洋分島
嶼觀日淨烟塵德已精靈契形須夢寐親懷歸
歌大雅屬望輔洪鈞嬰鑠山川興優游柱石身
虛從瞻斗地實類飲河人擬獻嵩高曲抽毫愧

不神

七夕仲禮懋昭集寺中

閣轉西林道橋迴北斗車繡衣襟露挂金馬踏
天花破鏡香臺側支機石榻斜接杯傾碧海搖
筆落丹霞暑送燕京扇涼歸漢關笳迷津如可
渡八月問仙槎

夜集薛吏部宅得蓮字

炎夕留香署涼飈落酒卮稍看庭雨散漸覺海
雲披灑翰花潛照張燈燕倒窺虛同醉月地實

要齋集

手

忝聚星期榻在懸須下更殘座屢移高情投譙
賞歸騎却憐遲

余子宅觀燈

錦席開仙苑瑤燈出帝京春歸并剪早暖入越
羅輕寶蓋雲同覆雕簷月共生蓮盤七采錯桂
發九枝榮蓬海鰲爭沸花臺鶴欲鳴風如飄綺
帶露似落金莖列宿垂丹闕殘霞映赤城樽疊
拌五夜歡詠對光明

過玄明宮故址有傷往事六十韻

白日登遙陌玄明問故宮變桑徒謁謁秀麥只
芄芃伊昔虞廷上茲闢漢幄中腹心推帝主權
位竊奸雄巷伯詩篇重門生禮數崇閣臣行雅
默戚里坐昏惰自恃回天勢誰分轉日功憲章
更七聖奴僕視諸公左順衣冠謁東河奏疏通
笑談傾海嶽呼吸動雷風鐵券啣恩異銀璫拜
德同巖廊逢魍魎國社倚猱狻刃血陳蕃慙囊
頭孟博忠急流翻俊乂直道若愚蒙紈縠半憎
物肥甘簋厭饒珍奇重譯至歌舞四方工甲第

要集

至

聯岑嶂長安表鬱葱弟兄爭閱閱親瞻獲併懷
繡屋頻經始琪園欲送終夷墳開碧筵奪宅失
彤弓南國梗樟盡西峰土石窮高居真玉帝侍
立儼金童兩觀懸朱日三梁架綵虹蛟螭蟠棟
赤琥珀挂簾紅鑿水規演渤爲山象泰嵩千門
迷紫霧十閣槩玄穹丘壠圍丹竹祠堂列錦楓
深林遊鹿豕仙域守熊羆雷雨何靈佐星辰欽
杳濛諸牋垂綵鳳頌筆著雕蟲碑字黃扉出葵
章翠殿克人情知損益天運驗衰隆赫怒窺文

勇衰矜威舜聰簡霜纔肅殺評月亦朦朧書記
殊邦斥謳歌一旦空夏門題賊榜陰闥繫官僮
火向寒灰滅冰緣皎日融臍間然董相眼底見
胡种大市喧糞粉佳城惜梓桐暗簷惟雀網廢
井但麋罍階澁莓苔跡壇荒枳棘叢香鑪沉縹
緲翠帳落玲瓏怨鶴應歸柱哀駝竟化銅閨人
稀陝洛羽士合崆峒傳舍存三島陪陵罷九嶷
綽頒元世改巢破豈時蒙黥慘無行馬淒涼有
去鴻川迴沙苑外臺圯堞樓東嘯鼠穿殘瓦啼

恒集

至

狐出敗櫬烟光浮宿草風色斷孤蓬街達還車
孽恣睢更齷齪群英虛寵貴萬姓實疲癯
雲霄樞鵬翻日月籠操刀懷必割奉壁恨難攻
幹斗憑機速旋鈞借力洪告猷多齷齪布法或
耗耗音急看張瑟詞繁想受筒履祥撝虎尾畜
吉牯牛撞望已衡留傳占猶劒在豐瑤編聞黨
議寶鑑仰宸衷

題泰法師講堂十二韻

柰園聞大士講座竹蕭森七覺人天長三明道

德林慈雲披宿障慧日照幽陰晝落瑤燈焰宵
流寶鐸音微言飛白雪妙智布黃金不滅因誰
證無爲法所欽綱開疑路闊舟渡愛河深悟鳥
巡簷下降龍抱塔吟葉空生樹意花絕吐蓮心
劫向殘灰變年從逝水侵菩提香相轉舍利火
光沉極樂瞻西域恒沙隔驚岑

七言律詩三十首

雨霽入朝陽門眺萬歲山作

紫宮丹闕倚晴巒玉削皇都表壯觀日映芙蓉

聖集

聖

天倒立雲開龍虎地深蟠仙園百果中峰抱御
榻孤松絕頂盤縹緲赤霄佳氣合嵩呼歲歲答
千官

郊壇燕集

北極冠纓紫氣分南郊樓閣坐氤氳鶯啼苑樹
瓊筵合燕蹴壇花錦瑟聞二月衣沾星殿雨九
天杯覆露盤雲莫言詞賦甘泉絕欲向仙都誦
赤文

登郊壇鐘樓

行轉丹梯四閣空坐攀朱檻萬山雄岿巖太乙
雲天接迴合勾陳日月通曉甸草迷蓬海霧春
城樹繞薊門虹漢郊歲歲龍文入輦道斜飛翠
蓋中

大功德寺

宣宗別殿托禪林暇覓朋攀路未深石壁春盤
松檜色風湖畫掩芰荷陰翠旗想像千巘動寶
塔虛無萬乘臨坐見慈雲迴巖嶂行占御氣不
銷沉

聖集

聖

呂公洞

吁嗟怪石開者誰厓根撐拄何纍纍入門杳
儼風雨探穴泉瀉驚蛟螭雲覆萬山丹竈隱苔
深幾年鐘乳垂仙翁乘鶴儻再至木食草衣予
自隨

登澤州城西樓望晉晉山

晉城西樓高插天晉晉之山橫眼前墮繞蒼龍
一屹立徑通白鳥千迴旋南帶河嵩蔽雲貝東
晉廓爾開風烟未能拄杖即登嘯遙望松蘿虛

可憐

檻山寺詠松

檻山寺盤何代松鐵幹雲鱗排碧峰白日飄香
下鳴鳳滄波倒影懸飛龍筆簀時向半空落梁
棟會無千劫逢絕愛歲寒託淨土神靈偃蓋青
芙蓉

陽城縣南望

析城王屋萬峰巒直接仙人白石壇古洞風雲
搖錦障名嶽日月抱金丹帶分河濟懸相映襟

聖集

畫

合嵩印鬱自盤不得探奇揮短賦徒懷下勝挂
高冠

渡河

大河懸東翠崖中沙海烟天九曲通急浪秋翻
千樹雨安流曉挂一帆風胡秦北圻鼉鼉窟箕
尾西盤日月官欸乃紛紛輕放舸不知估客定
漁翁

大同城西北樓登眺

西北城樓冠朔軍東南烟火滿城曠遼金社稷

荆榛合夷夏封疆草樹分海背黃河開雨雪山
盤紫極疊風雲憑軒感慨衣冠會舞劍徘徊翰
墨群

二郎山大兄同登

丹梯百丈繞雲松秀出吾州第一峰山接石城
屯虎豹水交沙壑混魚龍天門絳節時朝斗日
殿黃冠自扣鐘捫棘踐苔兄共上回看萬井翠
烟重

洪法寺後山值雨

聖集

美

祇園盤鬱土山幽雨色淒涼蒲帝州落木遙空
俱颯颯懸藤薄霧倍悠悠亂墳草宿香烟散古
塔苔封寶氣流鴈濕猿寒音並苦暮城哀角莫
深愁

對雪酬仲禮并簡稚欽

層城雪片晝逾陰坐玩佳人大雅奇鄰郡風流
應在此梁園詞賦到如今天邊梅柳春先濕海
上魚龍凍不吟便約子猷鼓輕棹冰溪花碯繞
幽深

和張子雪簪眺海之作

聞君迴眺倚層樓雪壓滄溟烟霧收白浪瓊鼉
寒不沒青天日月晚俱流飛仙宮殿仍三島異
域山川更九州見說圖南鵬欲化何當並跨赤
霄遊

雪後郊行西眺

踏雪出城聊騁望西山玉立萬芙蓉青天迥出
烟霞歛銀海驚翻島嶼重掩映冰湖還古寺蕩
搖風聲自長松歲寒瑤草真堪拾欲向雲中駕

聖集

聖

白龍

移居簡士奇

旅病三年慚帝都茅齋卜築避通衢定巢燕子
仍看主轉地蓬科故傍吾天遠獨憐雙短劔日
長誰爲一携壺不知隣舍劉公幹肯對華燈極
夜無

許子初至諸君携酒集院中予以病不
赴贈之

雨晴北院花芳菲故人開樽予興違百年會合

苦不數四海交遊今漸稀高枕來鴻遙自語拂
簷舊燕巧雙飛因君爲訪秦川勝便欲投閒買
釣磯

雨中王子見過

積雨荆扉閉綠苔衝泥騎馬訝君來涼增塵榻
輕須下暮濕霞樽重爲開出海蛟龍吟自喜隨
雲鶴雀過仍迴仲宣解作愁霖賦莫漫登樓望
楚臺

酬雷進士風書有懷之作

聖集

聖

帝京正月日風颭美爾玄亭坐寂寥玉奏還流
朱瑟曲金莖不隔紫宸朝春餘苑雪繁梅樹凍
入城雲曳柳條往並豪遊今偃蹇焚魚側望小
山招

期余子涿州不及

燕巖臺殿鬱青雲漢冊山河照紫文十載校書
同執戟一朝揚策異終軍槎迴北斗天遙阻節
繞西關路直分涿鹿期君翻不住虛亭蘿月坐
紛紛

寄答張子陵川登少原樓見懷之作

世棄留侯問赤松樓攀蕭史對丹峰披襟迥眺
誰驂鹿抱膝高吟獨卧龍峽暮雲霞飄茵苔巖
秋霜日疊芙蓉寵騎五馬棲金馬悵望仙槎不
可從

寄答武儀賓

萬松盤鬱太行西藜杖三春憶並躋雪積陽厓
凌寶剝霧蒸陰洞繞丹梯觴飛峻石青霄上曲
駐高雲白日低符竹一辭今五載君看苔蘚護

聖集

五

留題

送李侍御按淮揚

淮海維揚拱帝京繡衣瑤節動承明花開曉甸
朱輪出樹繞春江錦纜迎風起樓臺歌猛士霜
飄斧鉞羨儒生漢家司隸今元禮悵望龍門避
馬行

送穆侍御按西關

西臺柱史重關中獨下三關百二雄虎衛旌旗
日鷹揚斧鉞照霜空去看攬轡行燕甸迴

想埋輪在漢宮翠壑丹巖盤紫極壯遊詞賦落
雲虹

十四夜呂殿撰留集大興隆寺翫月

夫子幽棲寺在城開襟坐見月分明素紈影向
金波轉碧桂花從寶地生笛裏關山仍自照尊
前風露莫相驚只愁驚額浮雲起攬贈誰歌手
不盈

十六夜綏德城東樓宴集

將軍讌客鼓闌闌城上樓高月可憐玄兔棲雲

聖集

本

驚欲沒碧蟾臨水照仍圓關山四望真吾土烏
鵲三飛不異天醉聽霜笳翻別調桂花搖落滿
瓊筵

元日

春回半月日逢元曉動千家氣正暄獻頌往年
還栢酒索吟何處更梅軒簪纓久忝丹墀拜車
馬時從紫陌喧西北浮雲愁望劇將因草色賦
田園

歲暮三首

燕市蕭條今歲暮堂前雙鵲噪枯枝驚心日月
浮生換觸目風霜濁世疑路斷青門違出處塵
遊紫陌減追隨簪纓愧爾烟霄客故國探春莫
遣遲

二

歲歲殘冬酒不虛今年今日怕臨除喚愁塞鴈
雲邊落索笑園梅雪後舒九陌喧闐還鼓吹一
枝棲息自琴書異時海嶽行蹤滿大華終南定
卜居

聖集

奎

三

至後陽生霜雪微逼春雲物媚皇闈晷憐一線
才難進臺憶千金世更非愁入綺羅宵宴罷病
來鷄鷺曉班稀壯遊轉盼成衰暮不待高岡欲
振衣

五言絕句十首

晚霽出長安門西眺

西山列萬峰帝宅表盤龍落照金門上迴翻黛
重

將赴香山失道戲作

香刹繞雲梯長安大道西二門慚不答七聖笑
俱迷

望湖亭三首

亭倚古巘嵌湖開萬嶺銜拂雲窺石鏡秀色淨
春衫

二

湖光如黛玉搖蕩碧山巔可道長清淺龍蟠已
百年

聖集

奎

三

濁酒蕩明湖千山落翠玉雄吞問花鳥醉可倩
山扶

月宮寺夜別大兄諸友二首

鴈堂春鴈集明發異行飛腸斷雲天遠魂驚夜
月歸

二

春來數登賞花月兩河新此夜鐘聲落悠悠惱
去人

送燕

條來還條去傷此春秋改明歲莫相投我今亦
浮海

代燕別

多謝賢主人雕梁孔子畢嘶環報未期歲願巢
石室

螢

夕霽啟軒亭丹金點數螢莫然腐草盡留取伴
秋星

李詩集

奎

七言絕句二十首

西湖曲五首

宣皇畫舸戲湖中鼙鼓鸞簫震碧空何似漢家
汾上水擢歌搖落歎秋風

二

湖上青春一鷺飛湖中白浪幾龍歸侍臣翻藻
憐歌席宮女穿荷憶舞衣

三

珠林翠閣倚長湖倒映西山入畫圖若得輕舟

汎明月風流還似剡溪無

四

浮沉竹嶼蔽千峰迴合花臺樹萬松落日干波
懸石鏡青天誰削玉芙蓉

五

武林湖波遙接天鄱陽洞庭空渺然此水元從
河漢落乘槎欲上女牛邊

夏霖行十首

炎天雷雨晝滂沱入夜高城雨更多堂上苔生

李詩集

奎

愁鸛雀階前樹沒訝龜鼈

二

西山霹靂歛飛奔北海遙瞻蜃霧昏碧漢直從
天上落却疑神禹塞龍門

三

碧苑紛紛散柳絲青郊瀝瀝濯花枝豈應宋景
三年卜不是神農五日期

四

翠甸青蓮不黍陰雙岐小麥秀黃金如何朝夕

翻盆雨萬頃冥冥烟浪深

五

迴飈不愛却炎蒸落電翻秋錦絳層北極峰巒
還自倚南天舟楫更誰憑

六

湘石層空舞不遲楚雲千里夢虛疑樓臺苦望
朝霞炙箕畢生憎夜月離

七

陳王歎息撫琴篇張協曾無曲突烟去馬來牛

聖集

奎

惟白浪頽垣敗屋自蒼天

八

青山雲霧塞瑤京碧海波濤湧雉城我欲乘槎
天漢去不知何地問君平

九

聖人中國自垂衣車馬朝朝放瑣闥便殿行占
青蟻出深宮坐見赤龍歸

十

三伏驕陽氣不雄二儀神化渺難窮朱明欲縱

蘇子瞻公日無警后郭弓

蘇子瞻公日無警后郭弓

仙人足時臨土女盆

蘇子瞻

樓上炎雲雨不晴華亦日夕夢山龍虎
開金殿北極端陽散玉飛

送文符制歸吳中

幽人心性本玄微國破移纓纓

奎

丹橘變天南又作赤松歸

二

洞庭山穴五湖湖吳楚風烟一室中解珮即辭
銀漢關若其長往白雲宮

三

潮川摩詰丹日外味寺藏
知不減日歸上城何如

西玄詩集

書西玄集後

可泉翁之訂雅詩審矣獨不曰詩有別才乎夫富矣而侈之病也雅矣而晦之累也麗矣而豔之傷也豪矣而放之過也沉矣而鑿之失也警矣而奇之害也冲矣而俚之妨也是故匪師傳末以承也匪議聚末以證也匪問學末以克也匪江山末以發也匪幽思末以遠匪覽末以大匪卓立

聖賢集卷序

末以高也今夫律比宮譜景會情韻惠暢神宣物適天泝斯於詩乎有得凡此皆雅之賢之所能也不其美哉不其盛哉爾玄子尤為傑出是故好事者之樂刻斯集也昔也有懷予之作今此集不見意當在別集云

嘉靖戊戌秋七月七日歷下劉天民書

西玄詩集後叙

鄉讀蕭氏統詩選亟嘆其用心焉然魏不及漢晉不及魏齊梁之間作者如一人矣譬諸刻木繪壁豈不如生哉是故論人者稽其世觀風者尚其土漢之音淳魏晉之音質宋齊梁陳之音麗趨乎其時者也周召之風正鄭衛之風蕩晉魏之風約幽秦之風厚成乎其地者也夫二南列國其地

聖賢集卷序

十

雖異其時則同視漢魏齊梁有間矣而卒不能約而同音不係乎時耶西玄子秦之望也其音固秦也今讀其集雅者如漢魏逸者如太白雄者如子美至於劉謝王楊之徒又不知孰先孰後卓哉周召之志文武之思乎是固以地勝者也可泉中丞胡公得其編濟上布而傳之又從而敘述之亟稱之曰雅雅所謂以地勝者非耶嗟夫

西玄講沃著

經惟惠績留郡邑教澤敷成均獻納在銀臺
皆于是乎槩見而可泉公朋友之譽不可
誣矣故西玄子名益章于天下而雍之諸
君子與有賴焉昔者孔子魯產也其稱子
賤而因羨魯之君子由今觀之人其謂仲
尼私其鄉哉時顓守東郡集凡若干簡藏
諸郡齋

聖集後序

三

嘉靖十有七年夏六月望北郡呂顓幼通
叙

題西玄詩集後叙

家第垂髫嗜韻語及為館職詩益多其比格
諧音頗華漱澗似差有得而意興精神自然
則與古人之作尚隔一間也乃後官壁水游
金陵稍見通悟而詞又不能瑣博豈亦各有
華破故邪此卷二百篇皆在館所作錄以寓
同志請益者未嘗經選擇不意遂為可泉胡
公序刻濟上第每嘆為予之友也今歷田陳

聖集後序

四

公守廣德予忝為之佐章取刻焉辭不獲已
迺綴數言於末中歟子曰第五十以前詩與
三千篇自言若心為之今穆氏日戒病復憊
煩竟莫絲以成也夫詩之云爾志少懈則
難成而況於經綸道術邪是哉

嘉靖癸卯春三月中

顓



西元集八卷

浙江汪汝環家藏本

明馬汝驥撰汝驥字仲房綬德人正德丁丑進士
改庶吉士以諫南巡廷杖出爲澤州知州世宗立
召還授編修官至禮部右侍郎謚文簡事迹附見
明史舒芬傳是集古體二卷今體六卷蔣一葵云
仲房詩有沉理而無元趣黃青甫謂其詩整鍊似
法顏謝隊伍森然求之聲律未造其深亦不失爲
高流蓋汝驥刻意鎔煉務求典重其長短皆在於
是也